

Namo tassa bhagavato arahato sammāsambuddhassa

Khuddakanikāye

Mahāniddesa-aṭṭhakathā

Ganthārambhakathā

Avijjālaṅgiṃ ghātento, nandirāgañca mūlato;
Bhāventaṭṭhaṅgikaṃ maggaṃ, phusi yo amataṃ padaṃ.

Pāpuṇitvā jino bodhiṃ, migadāyaṃ vigāhiya;
Dhammacakkaṃ pavattetvā, therāṃ koṇḍaññaṃādito.

Aṭṭhārasannaṃ koṭṭinaṃ, bodhesi tāpaso tahiṃ;
Vandehaṃ sirasā tañca, sabbasattānamuttamaṃ.

Tathā dhammuttamañceva, saṅghañcāpi anuttaraṃ;
Saṃkhittena hi yo vuttaṃ, dhammacakkaṃ vibhāgaso.

Sāriputto mahāpañño, satthukappo jinatrajo;
Dhammacakkaṃ vibhājetvā, mahāniddesamabravi;
Pāṭho visiṭṭho niddeso, taṃnānavisesito ca.

Taṃ sāriputtaṃ jinarājaputtaṃ, therāṃ thirānekaguṇādhivāsaṃ;
Paññāpabhāvugatacārukittiṃ, sunīcavuttiñca atho namitvā.

Khamādayādiyuttana, yuttamuttādivādinā;
Bahussutena therena, devena abhiyācito.

Mahāvihāravāsinaṃ, sajjhāyamhi patiṭṭhito;
Gahetabbaṃ gahetvāna, porāṇesu vinicchayaṃ.

Avokkamento samayaṃ sakañca, anāmasanto samayaṃ parañca;
Pubbopadesaṭṭhakathānayañca, yathānurūpaṃ upasaṃharanto.

Ñāṇappabhedāvahanassa tassa, yogīhi nekehi nisevitassa;
Atthaṃ apubbaṃ anuvaṇṇayanto, suttañca yuttiñca anukkamento.

Ārabhissaṃ samāseṇa, mahāniddesavaṇṇanaṃ;
Saddhammabahumānena, nāttukkaṃsanakamyatā.

Vakkhāmahaṃ aṭṭhakathaṃ janassa, hitāya saddhammaciraṭṭhitatthaṃ;
Sakkacca saddhammapajotikaṃ taṃ, suṇātha dhāretha ca sādhu santoti.

Tattha “**pāṭho visiṭṭho niddeso, taṃnānavisesito cā**”ti vuttattā duvidho pāṭho – byañjanapāṭho, atthapāṭho ca. Tesu byañjanapāṭho akkharapadabyañjanaākāraniruttiniddesavasena chabbidho. Atthapāṭho saṅkāsanapakāsanavivaraṇavibhajanauttānikaraṇapaññāttivasena chabbidho. Tattha tīsu dvāresu parisuddhapayogabhāvena visuddhakarūṇaṇaṃ cittaṇa pavattitadesanā vācāhi akathitattā adesitattā akkharamiti saññitā, taṃ pārāyanikabrāhmaṇaṇaṃ manasā pucchitapañhānaṃ vasena bhagavatā ratanaghare nisīditvā sammasitapaṭṭhānamahāpakaraṇavasena ca akkharaṃ nāmāti gahetabbaṃ.

Atha vā aparipuṇṇaṃ padaṃ akkharamiti gahetabbaṃ “saṭṭhivassasahassānī”ti evamādīsu (pe. va. 802; jā. 1.4.54; netti. 120) viya. Ettha hi sakāra nakāra sokārādīni akkharamiti, ekakkharaṃ vā padaṃ akkharamiti eke. “Yāyaṃ taṇhā ponobhavikā”ti evamādīsu (mahāva. 14; vibha. 203; ma. ni. 3.374; paṭi. ma. 2.30) vibhatyantaṃ atthajotakaṃ akkharapiṇḍaṃ padaṃ. “Nāmañca rūpañcā”ti evamādīsu (dha. sa. dukamātikā 109; su. ni. 878; mahāni. 107; cūlani. 45) bahuakkharehi yuttaṃ padaṃ nāma. Saṃkhittena vuttaṃ padaṃ vibhāveti. Padena abhilitaṃ byañjayati byattaṃ pākātaṃ karotīti byañjanaṃ, vākyameva. “Cattāro iddhipādā”ti saṅkhepena kathitamattaṃ. “Katame cattāro? Idha, bhikkhave, bhikkhu chandasamādhīpadhānasaṅkhārasamannāgataṃ iddhipādaṃ bhāveti. Vīriyacittavīmaṃsasamādhīpadhānasaṅkhārasamannāgataṃ iddhipādaṃ bhāveti”tiādīsu (vibha. 431; saṃ. ni. 5.813; dī. ni.

3.306; a. ni. 4.276) pākāṭakaraṇabhāvena byañjanaṃ nāma. Byañjanavibhāgapakāso ākāro. “Tattha katamo chando? Yo chando chandikatā kattukamyatā”ti evamādisu (vibha. 433) kathitabyañjanaṃ anekavidhena vibhāgakaraṇaṃ ākāro nāma. Ākārabhīhitassa nibbacanaṃ nirutti. “Phasso, vedanā”ti evamādisu (dha. sa. 1) ākārena kathitaṃ “phusatīti phasso. Veditatīti vedanā”ti nīharitvā vacanaṃ nirutti nāma. Nibbacanavithāro nissesato desoti niddeso, veditatīti vedanāti nibbacanaladdhapadaṃ “sukhā dukkhā adukkhamasukhā, sukhayatīti sukhā, dukkhayatīti dukkhā, neva dukkhayati na sukhayatīti adukkhamasukhā”ti atthavithāro niravasesena kathitattā niddeso nāma.

Evam chabbidhāni byañjanapādāni jānitvā ca chasu atthapadesu saṅkhepato kāsanā dīpanā saṅkāsanā, “maññamāno kho, bhikkhu, bandho mārasa amaññamāno mutto pāpimato”ti evamādisu saṅkhepena atthadīpanā saṅkāsanā nāma. Eso pana thero “buddhena bhagavatā evam saṅkhepaṃ katvā vuttamatthaṃ ‘aññātaṃ bhagavā, aññātaṃ sugatā’”ti kathetuṃ samattho paṭivijjhi.

Upari vattabbamatthaṃ ādito kāsanā dīpanā pakāsanā, “sabbam, bhikkhave, āditta”nti evamādisu (mahāva. 54; saṃ. ni. 4.28) pacchā kathitabbamatthaṃ paṭhamavacanena dīpanā pakāsanā nāma. Evam paṭhamam dīpitaṃ atthaṃ puna pākāṭam katvā dīpanena “kiñca, bhikkhave, sabbam ādittaṃ? Cakkhum, bhikkhave, ādittaṃ, rūpā ādittā”ti evamādisu (mahāva. 54; saṃ. ni. 4.28) kathitesu “tikkhindriyo saṅkhepena vuttaṃ paṭivijjhatī”ti kathitattā dve atthapādāni tikkhindriyassa upakāravasesena vuttāni.

Samkhittassa vitthārābhīdhānaṃ sakiṃ vuttassa ca punapi abhidhānaṃ vivaraṇaṃ, “kusalā dhammā”ti (dha. sa. 1) saṅkhepena nikkhittassa. “Katame dhammā kusalā? Yasmiṃ samaye kāmavacaraṃ kusalaṃ cittaṃ uppannaṃ hotī”ti (dha. sa. 1) niddesavasena vitthāraṇaṃ vitthāravasesena puna kathaṇaṃ vivaraṇaṃ nāma.

Taṃ vibhāgakaraṇaṃ vibhājanaṃ, “yasmiṃ samaye”ti (dha. sa. 1) vivarite kusale dhamme “tasmiṃ samaye phasso hoti, vedanā hotī”ti (dha. sa. 1) vibhāgakaraṇaṃ vibhājanaṃ nāma. Vivarassa vitthārābhīdhānena vibhattassa ca upamābhīdhānena paṭipādanaṃ uttānikaraṇaṃ, vivaraṇena vivaritatthassa “katamo tasmiṃ samaye phasso hoti? Yo tasmiṃ samaye phasso phusaṇā samphusaṇā”ti (dha. sa. 2) atvivaritvā kathanāṇca vibhājanaṃ vibhattassa “seyyathāpi, bhikkhave, gāvī niccammā, evameva khvāham, bhikkhave, phassāhāro daṭṭhabboti vadāmī”ti (saṃ. ni. 2.63) evamādiupamākathanaṇca uttānikaraṇaṃ nāma. Dhammaṃ suṇantānaṃ dhammadesanena cittassa anekavidhena somanassauppādanaṇca atikhiṇabuddhīnaṃ anekavidhena ñāṇassa tikhiṇabhāvakaraṇaṇca paññatti nāma, tesam suṇantānaṃ taṃcittatosanena taṃcittanisāmanena ca paññāyatīti paññatti. Tattha bhagavā akkharehi saṅkāsayati, padehi pakāsayati, byañjanehi vivarati, ākārehi vibhajati, niruttīhi uttānikaroti, niddesehi paññāpayatīti. Kiṃ vuttaṃ hoti? Buddhā bhagavanto ekacce veneyye ekasmiṃ desane akkharehi atthasaṅkāsaṇaṃ karonti...pe... niddesehi atthapaññāpanaṃ karontīti ayamettha adhippāyo.

Atha vā akkharehi saṅkāsayitvā padehi pakāsayati, byañjanehi vivaritvā ākārehi vibhajati, niruttīhi uttānikatvā niddesehi paññāpayati. Kiṃ vuttaṃ hoti? Evarūpena dhammadesanena ekaccesu ṭhānesu ekaccānaṃ veneyyānaṃ vinayati.

Atha vā akkharehi ugghāyayitvā padehi pakāseno vinayati ugghāṭitaññuṃ, byañjanehi vivaritvā ākārehi vibhajanto vinayati vipaṇcītaññuṃ, niruttīhi uttānikatvā niddesehi paññāpento vinayati neyyaṃ. Iti veneyyavasenapi yojetabbameva.

Atthato panettha katamo byañjanapāṭho, katamo atthapāṭhoti? Buddhānaṃ bhagavantānaṃ dhammaṃ desentānaṃ yo atthāvagamako saviññattikasaddo, so byañjanapāṭho. Yo tena abhisametabbo lakkhaṇarasādisahito dhammo, so atthapāṭhoti veditabbo. Punapi sandhāyabhāsīto byañjanabhāsīto sāvasesapāṭho anavasesapāṭho nīto neyyoti chabbidho pāṭho. Tattha anekatthavattā sandhāyabhāsīto “mātaraṃ pītaṃ hantvā, rājāno dve ca khattiye”ti evamādi (dha. pa. 294). Ekatthavattā byañjanabhāsīto ‘manopubbāṅgamā dhammā’ti evamādi (dha. pa. 1.2; netti. 89, 92; peṭako. 14). Sāvaseso “sabbam, bhikkhave, āditta”nti evamādi (mahāva. 54; saṃ. ni. 4.28). Viparīto anavaseso “sabbe dhammā sabbākārena buddhassa bhagavato ñāṇamukhe āpāthaṃ āgacchantī”ti evamādi (mahāni. 156; cūḷani. mogharājamaṇavapucchāniddeso 85; paṭi. ma. 3.5). Yathā vacanaṃ, tathā avagantabbo nīto “aniccaṃ dukkhaṃ anattā”ti evamādi. Yuttīyā anussaritaṃ neyyo “ekapuggalo bhikkhave”ti evamādi (a. ni. 1.170).

Attho pana anekappakāro pāṭhattho sabhāvattho ñāyattho pāṭhānurūpo napāṭhānurūpo sāvasesattho niravasesattho nītattho neyyattho iccādi. Tattha yo appassatthassa ñāpanatthamuccāriyate, so pāṭhattho “sātthaṃ sabyañjana”ntiādisu (pārā. 1; dī. ni. 1.190) viya. Rūpārūpadhammānaṃ lakkhaṇarasādisabhāvattho “sammādiṭṭhiṃ bhāvetī”tiādisu (vibha. 485; saṃ. ni. 5.3) viya. Yo ñāyamāno hitāya saṃvattati, so ñātuṃ arahatīti ñāyattho – “atthavādī dhammavādī”tiādisu (dī. ni. 1.9, 194; 3.238; ma. ni. 1.411) viya. Yathāpāṭhaṃ bhāsīto pāṭhānurūpo “cakkhu, bhikkhave, purāṇakamma”nti (saṃ. ni. 4.146) bhagavatā vuttaṃ. Tasmā cakkhumapi kammanti. Byañjanacchāyāya atthaṃ paṭibāhayamānena vutto attho napāṭhānurūpo, so pāṭhato ananuññāto akatapaṭikkhepo viyutto. So ca saṅgahetabbampi asaṅgahetvā, parivajjetabbampi vā kiñci aparivajjetvā parisesaṃ katvā vutto sāvasesattho “cakkhuṇca paṭicca rūpe ca uppajjati cakkhuviññāṇaṃ (saṃ. ni. 4.60; mahāni. 107). Sabbe tasanti daṇḍassa, sabbe bhāyanti maccuno”tiādisu (dha. pa. 129) viya. Viparīto niravasesattho “sandhāvitāṃ saṃsaritaṃ mamañceva tumhākaṇca (dī. ni. 2.155; mahāva. 287; netti. 114). Tatra, bhikkhave, ko mantā ko saddhātā...pe... aññatra diṭṭhapadehī”tiādisu (a. ni. 7.66) viya. Saddavaseneva veditabbo nītattho “rūpā saddā rasā gandhā, phoṭṭhabbā ca manoramā”tiādisu (saṃ. ni. 1.151, 165; mahāva. 33) viya. Sammutivasena veditabbo neyyattho “cattārome, bhikkhave, valāhakūpamā puggalā”tiādisu (a. ni. 4.101-102) viya. Evamidha pāṭhaṇca atthaṇca vivaritvā ṭhito asaṃhīro bhavati paravādīhi

dīgharattaṃ titthavāseṇa.

Iti asaṃhīrabhāveṇa yāva āgamādhigamasampadaṃ, tāva vattum sakkoti. Saṅkhepavittihāranayena hetudāharaṇādīhi avabodhayitum samatto. Evaṃvidho attānañca parañca sodhetum samatthabhāveṇa dussīlyadiṭṭhimalavirahitattā suci. Dussīlo hi attānaṃ upahanati, tena nādeyyavāco ca bhavati sabyohāramāno idha niccāturo vejjova. Duddiṭṭhi paraṃ upahanati, nāvassayo ca bhavati vāḷagahākulo iva kamalasaṅḍo. Ubhayavipanno pana sabbathāpi anupāsaniyo bhavati gūthagatamiva chavālātaṃ gūthagato viya ca kaṅhasappo. Ubhayasampanno pana sabbathāpi upāsaniyo sevitaḅbo ca viññūhi, nirupaddavo iva ratanākaro, evaṃ bhūto evaṃ amaccharo ahīnācariyamuttīhi. Suttasuttānulomaācariyavādaattanomatisaṅkhātānañca catunnaṃ apariccāgī, tesam vasena byākyāto.

“Ekamaṃsavacanaṃ ekaṃ, vibhajjavacanaṃ padaṃ;
Tatiyaṃ paṭipuccheyya, catutthaṃ pana ṭhāpaye”ti.

Etesaṃ vā apariccāgī. Tato eva sotūnaṃ hite niyuttattā nesaṃ avabodhanaṃ pati akilāsu bhavatīti. Āha cettha –

“Pāṭhatthavidasaṃhīro, vattā suci amaccharo;
Catunnaṃ apariccāgī, desakassa hitānvito”ti.

Ettha **desakassāti** desako assa, bhaveyyāti attho. **Hitānvitoti** hite anugato hitacitto. So eso sucittā piyo, catunnaṃ apariccāgittā garu, asaṃhīrattā bhāvanīyo, desakattā vattā, hitānvitattā vacanakkhāmo, pāṭhatthavidattā gambhīrakathaṃ kattā, amaccharattā na cāṭṭhāne niyojako iti –

“Piyo garu bhāvanīyo, vattā ca vacanakkhāmo;
Gambhīrañca kathaṃ kattā, no cāṭṭhāne niyojako”ti. (a. ni. 7.37; netti. 113);

“Abhīhito desako so, tāva dāni abhidhīyate”.

Tattha dhammagaruttā kathaṃ na paribhavati, ācariyagaruttā kathikaṃ na paribhavati, saddhāpaññādiguṇapaṭimaṇḍitattā attānaṃ na paribhavati, asaṭṭhāmāyāvittā amatābhimukhattā ca avikkhittacitto bhavati, sumedhattā yoniso manasi karotīti. Vuttañhetam –

“Pañcahi, bhikkhave, dhammehi samannāgato suṇanto saddhammaṃ bhabbo niyāmaṃ okkamitum kusalesu dhammesu sammattaṃ. Katamehi pañcahi? Na kathaṃ paribhoti, na kathikaṃ paribhoti, na attānaṃ paribhoti, avikkhittacitto dhammaṃ suṇāti ekaggacitto, yoniso manasi karoti”ti (a. ni. 5.151).

Taṃlakkhānappattattā bhāvanaṃ bhajatīti. Āha cettha –

“Dhammācariyāgaru saddhāpaññādiguṇamaṇḍito;
Asaṭṭhāmāyāvīkassa, sumedho amatābhimukho”.

Iti vattā ca sotā ca.

Evaṃ vuttappakāraṃ byañjanañca atthañca dassetvā idāni yo attaggaṃ katvā kathitattā mahāsamuddamahāpathavī viya mahā ca so niddeso cāti mahāniddeso, taṃ **mahāniddesaṃ** vaṇṇayissāmi.

Tadetaṃ mahāniddesaṃ atthasampannaṃ byañjanasampannaṃ gambhīraṃ gambhīratthaṃ lokuttarappakāsakaṃ suññatappaṭisaṃyuttaṃ paṭipattimaggaphalavisesasādhanaṃ paṭipattipaṭipakkhapaṭisedhanaṃ yogāvacarānaṃ ñāṇavararatanākārahūtāṃ dhammakathikānaṃ dhammakathāvilāsavisesahetubhūtaṃ saṃsārabhīrukānaṃ dukkhanissaraṇatadupāyadassanena assāsajanānaṃ tappaṭipakkhanāsanaṃ tathāgatena arahatā sammāsambuddhena sabbattha appaṭihatasabbaññūtaññāṇamahādīpobhāseṇa sakalajanavittatamahākāraṇāsinehena veneyyajanahadayagatakiḷesandhakāraviddhamanattaṃ samujjalitassa saddhammamahāpadīpassa tadadhippāyavikāsanāsinehāparisekena pañcavassasahassamaticirasamujjalanamicchatā lokānukampakena satthukappena dhammarājassa dhammasenāpatinā āyasmatā sārīputtattherena bhāsitaṃ sutvā āyasmā ānando paṭhamamahāsaṅgītikāle yathāsutameva saṅgahaṃ āropesi.

So panaṇa vinayapaṭikaṃ suttantapaṭikaṃ abhidhammapaṭikanti tīsu piṭakesu suttantapaṭikapariyāpanno, dīghanikāyo majjhimanikāyo saṃyuttanikāyo aṅguttaranikāyo khuddakanikāyoti pañcasu mahānikāyesu khuddakamahānikāyapariyāpanno, suttaṃ geyyaṃ veyyākaraṇaṃ gāthā udānaṃ itivuttakaṃ jātakaṃ abbhutadhammaṃ vedallanti navasu satthūsāsaṅgesu yathāsambhavaṃ gāthāṅgaveyyākaraṇaṅgadvayasaṅgahito.

“Dvāsīti buddhato gaṇhiṃ, dvesahassāni bhikkhuto;

Caturāsīti sahasāni, ye me dhammā pavattino’’ti. (theragā. 1027) –

Dhammabhaṇḍāgārikattherena pañcasu ṭhānesu etadaggaṃ āropitena paṭiññātānaṃ caturāsītiyā dhammakkhandaṃ sahasānaṃ bhikkhuto gahitesu dvīsu dhammakkhandaṃ sahasānaṃ anekasatadhammakkhandaṃ saṅgahito. Tassa dve vaggā aṭṭhakavaggo pārāyanavaggo khaggavisānasuttaṃ, ekekasmim vage soḷasa soḷasa katvā khaggavisānasuttaṃ cāti tettiṃsa suttāni kāmasuttādikhaggavisānasuttapariyosānāni. Evaṃ anekadhā vavattḥāpitassa imassa mahāniddesassa anupubbapadattavaṇṇanaṃ karissāmi. Ayañhi mahāniddeso pāṭhato atthato ca uddisāntena niddisāntena ca sakkaccaṃ uddisānto niddisānto ca, uggaṇḥantepi sakkaccaṃ uggaṇḥitabbo dhāretabbo ca. Taṃ kissa hetu? Gambhīrattā imassa mahāniddesassa lokahitāya loke ciratṭhitatthanti.

1. Aṭṭhakavaggo

1. Kāmasuttaniddesavaṇṇanā

Tattha kāmasuttaṃ ādi. Tasmimpi ‘‘kāmaṃ kāmayamānassā’’ti gāthā ādi. Sā uddesāniddesapaṭiniddesavasena tidhā ṭhitā. ‘‘Kāmaṃ kāmayamānassā’’ti evamādi uddeso. ‘‘Kāmāti uddānato dve kāmā – vatthukāmā ca kilesakāmā cā’’ti niddeso. ‘‘Katame vatthukāmā? Manāpikā rūpā’’ti evamādi paṭiniddeso.

1. Tattha **kāmanti** manāpiyarūpāditebhūmakadhammasaṅkhātāṃ vatthukāmaṃ. **Kāmayamānassāti** icchamānassa. **Tassa cetāṃ samijjhatīti** tassa kāmayamānassa sattassa taṃ kāmasaṅkhātāṃ vatthu samijjhati ce, sace so taṃ labhatīti vuttaṃ hoti. **Addhā pītimano hotīti** ekaṃsaṃ tuṭṭhacitto hoti. **Laddhāti** labhivā. **Maccoti** satto. **Yadicchatīti** yaṃ icchati. Idaṃ pana saṅkhepato padattasambandhamattameva, vitthāro pana upari pāḷiyāṃ āgatanayeneva veditabbo. Yathā ca imasmim, evaṃ ito paraṃ sabbesupīti.

Kāmāti uddisāntabapadaṃ. **Uddānatoti** niddisāntabapadaṃ. **Uddānatoti** vaggavasena ‘‘macchuddānaṃ kineyyā’’ti ādisu viya. Atha vā uparūpari dānato uddānaṃ, uddhaṃ uddhaṃ sodhanato byavadānaṭṭhena vodānaṃ viya. Vitthārakaraṇabhāvena vā. Kāmā iti pāṭhasaṃ katvā vattabbaṃ. **Dveti** gaṇanaparicchedo, na ekaṃ, na tayo. **Vatthukāmā cāti** manāpiyarūpādivatthukāmā ca. Upatāpanaṭṭhena vibādhanatṭhena ca **kilesakāmā ca**. Tesu vatthukāmo pariññeyyo, kilesakāmo pahātabbo. Tattha vatthukāmo kilesakāmena patthayitabboti kāmīyatīti kāmo. Kilesakāmo vatthukāmānaṃ paccāsīnassa kāraṇabhāvena kāmīyate anenāti kāmo. Tattha rūpādikkhandhe saṅgahito vatthukāmo, saṅkhārakkhandhe saṅgahito kilesakāmo. Chahi viññāṇehi vijānitabbo vatthukāmo, manoviññāṇena jānitabbo kilesakāmo. Kilesānaṃ paṭiṭṭhatṭhena kāraṇatṭhena ārammaṇatṭhena ca vatthukāmo.

‘‘Nete kāmā yāni citrāni loke, saṅkappaṛāgo purisassa kāmo;
Tiṭṭhanti citrāni tatheva loke, atthettha dhīrā vinayanti chanda’’nti. (a. ni. 6.63);

Nandamānavaka- (dha. pa. aṭṭha. 1.68 uppalavaṇṇattherivattu) soreyyasetṭhiputtādīnaṃ (dha. pa. 43) vatthūni cettha nidassanaṃ. Kilesakāmo tāpanatṭhena bādhanatṭhena ca sayāṃ kāmetīti kāmo. Vuttampi cetāṃ ‘‘ratto kho, brāhmaṇa, rāgena abhibhūto pariyaḍinnacitto attabyābādḥāyapi ceteti, parabyābādḥāyapi ceteti, ubhayabyābādḥāyapi ceteti’’ti ca ‘‘ratto kho, brāhmaṇa, pāṇampi hanati, adinnampi ādiyati, paraḍāraṃpi gacchati, musāpi bhaṇatī’’ti (a. ni. 3.54) ca evamādi nidassanaṃ.

Tameva paṭiniddesavasena vitthāretvā vattukāmo – ‘‘**katame vatthukāmā**’’tiādimāha. Tattha **katameti** kathetukamyatāpucchā. Pañcavidhā hi pucchā, tāsaṃ vibhāgo upari pāḷiyāmyeva āvi bhavissati. Tāsu ayaṃ kathetukamyatāpucchā. Tattha **manāpikāti** manāṃ appāyanti vaddhentīti manāpā, manāpā eva manāpikā. **Rūpāti** kammacittautuāhārasamuṭṭhānavasena catusamuṭṭhānikā rūpārammaṇā. Rūpayantīti rūpā, vaṇṇavikāraṃ āpajjamānā hadayaṅgatabhāvaṃ pakāsentīti attho.

Tattha kenaṭṭhena rūpanti? Ruppānaṭṭhena. Vuttañhetāṃ bhagavatā –

‘‘Kiñca, bhikkhave, rūpaṃ vadetha? Ruppāti kho, bhikkhave, tasmā ‘rūpa’nti vuccati. Kena ruppanti? Sītenapi ruppanti, uñhenapi ruppanti, jighacchāyapi ruppanti, pipāsāyapi ruppanti, ḍaṃsamakasavātātapasārīpasamphassenapi ruppanti. Ruppāti kho, bhikkhave, tasmā ‘rūpa’nti vuccati’’ti (saṃ. ni. 3.79).

Tattha **ruppatīti** kuppāti ghaṭṭīyati pīḷīyati, bhijjāti attho. **Sītena** tāva **ruppanaṃ** lokantarikaniraye pākāṭaṃ. Mahiṃsakaraṭṭhādīsūpi himapātasītalesu padesesu etaṃ pākāṭameva. Tattha hi sattā sītena bhinnachinnasārīrā jīvitakkhayampi pāpuṇanti.

Uñhena ruppanaṃ avīcimāniraye pākāṭaṃ. Tattha hi tattāya lohapathaviyā nipajjāpetvā pañcavidhabandhanādikaraṇakāle sattā mahādukkhaṃ anubhavanti.

Jighacchāya ruppanaṃ pettivisāye ceva dubbhikkhakāle ca pākāṭaṃ. Pettivisāyasmīhi sattā dve tīṇi buddhantarāni

kiñciveva āmisam hatthena gahetvā mukhe pakkhipantā nāma na honti, antoudaram ādittasusirarukkho viya hoti. Dubbhikkhe kañjikamattampi alabhitvā maraṇasattānaṃ pamānaṃ natthi.

Pipāsāya ruppanaṃ kālakañjikādīsu pākaṭaṃ. Tattha hi sattā dve tīpi buddhantarāni hadayatemanamattaṃ vā jivhātemanamattaṃ vā udakabindumpi laddhuṃ na sakkonti. “Pānīyaṃ pivissāmā”ti nadiṃ gatānaṃ jalaṃ vālukātalaṃ sampajjati. Mahāsamuddaṃ pakkhantānampi samuddo piṭṭhipāsānoyeva hoti. Te sussantā balavadukkhapīṭhā viravanti. **Ḍaṃsādīhi ruppanaṃ** ḍaṃsamakkhikādibahulesu padasesu pākaṭaṃ. Taṃ pana – “katamaṃ taṃ rūpaṃ sanidassanaṃ? Sappaṭigha”nti ādinā nayena abhidhamme (dha. sa. 656, 658) vitthāritameva.

Sappantīti **saddā**, udāharīyantīti attho. Utucittavasena dvisamuṭṭhānikā saddā. Gandhayantīti **gandhā**, attano vatthūni sūcayantīti attho. Rasanti te sattāti **rasā**, assādentīti attho. Phusīyantīti **phoṭṭhabbā**. Ete gandhādayo catusamuṭṭhānikāva. Tesam vibhāgo abhidhamme (dha. sa. 622-624) vitthāritoyeva.

Tamevatthaṃ vitthāravasena dassento “**attharaṇā pāvuraṇā**”tiādimāha. Tattha attharivā nipajjiyantīti **attharaṇā**. Sarīraṃ veṭhetvā pārupīyantīti **pāvuraṇā**. Antojātādayo cattāro dāsī ca dāso ca **dāsīdāsā**. **Khettaṃ** nāma yasmiṃ pubbaṇṇaṃ ruhati. **Vatthu** nāma yasmiṃ paraṇṇaṃ ruhati. Yattha vā ubhayampi ruhati, taṃ khettaṃ. Tadattāyā katabhūmibhāgo vatthu. Khettavatthusīsenā cettha vāpīṭhālakādīnīpi saṅgahitāni. **Hiraññanti** kahāpaṇo. **Suvaṇṇanti** jātarūpaṃ. Tesam gahaṇena lohamāsako jatumāsako dārumāsakoti sabbepi saṅgahaṃ gacchanti. **Gāmanigamarājadhāniyoti** ekakuṭṭikādī **gāmo**. Āpaṇayutto **nigamo**. Ekassa rañño āṇāpavattīṭṭhānaṃ **rājadhāni**. **Raṭṭhanti** janapadekadesaṃ. **Janapadoti** kāsikosalādījanapado. **Kosoti** catubbidho koso – hatthī asso ratho patti. **Koṭṭhāgaranti** tividhaṃ koṭṭhāgaraṃ – dhanakoṭṭhāgaraṃ dhaññakoṭṭhāgaraṃ vatthakoṭṭhāgaraṃ. **Yaṃ kiñcīti** anavasesapariyādānavacanaṃ. **Rajaniyanti** rañjetuṃ yuttaṭṭhena.

Ito paraṃ tikavasena dassetuṃ atītattikaajjhattatikahīnattikaokāsattikasamyogattikakāmāvacarattikavasena chattike āha. Tattha atītattike tāva attano sabhāvaṃ uppādādikkhaṇaṃ vā patvā atikkantāti **atītā**. Tadubhayampi na āgatāti **anāgatā**. Taṃ taṃ kāraṇaṃ paṭicca uppannāti **paccuppannā**. Idam bhavena paricchannaṃ. Paṭisandhito hi paṭṭhāya atītabhavesu nibbattā anantarabhava vā nibbattā hontu kappakoṭṭisatasahassamatthake vā, sabbe atīṭṭhāya nāma. Cutito paṭṭhāya anāgatabhavesu nibbattanakā kāmā anantarabhava vā nibbattantu kappakoṭṭisatasahassamatthake vā, sabbe anāgatāyeva nāma. Cutipaṭisandhiantare pavattā kāmā paccuppannā nāma.

Ajjhattattike “evaṃ pavattamānā mayaṃ attāti gahaṇaṃ gamissāmā”ti iminā viya adhippāyena attānaṃ adhikāraṃ katvā pavattā attano santāne pavattā paṭipuggalikā kāmā **ajjhattā kāmā** nāma. Tato bahibhūtā pana indriyabaddhā vā anindriyabaddhā vā **bahiddhā** nāma. Tatiyapadaṃ tadubhayavasena vuttaṃ.

Hīnattike **hīnāti** lāmakā. **Majjhimāti** hīnapaṇītānaṃ majjhe bhavāti majjhimā. Avasesā uttamaṭṭhena **pañītā**. Api ca upādāyupādāya hīnamajjhimpaṇītātā veditabbā. Nerayikānañhi kāmā koṭṭippattā hīnā nāma. Te upādāya tiracchānesu nāgasupaṇṇānaṃ kāmā paṇītā nāma. Sesatiracchānagatānaṃ kāmā majjhimā nāma. Tesampi kāmā hīnā. Te upādāya mahesakkhapetānaṃ kāmā paṇītā nāma. Avasesānaṃ kāmā majjhimā nāma. Tesampi hīnā. Te upādāya jānapadānaṃ kāmā paṇītā nāma. Paccantavāsīnaṃ kāmā majjhimā nāma. Tesampi hīnā. Te upādāya gāmahojakānaṃ kāmā paṇītā nāma. Tesam paricārikānaṃ kāmā majjhimā nāma. Tesampi hīnā. Te upādāya janapadasāmikānaṃ kāmā paṇītā nāma. Tesam paricārikānaṃ kāmā majjhimā nāma. Tesampi hīnā. Te upādāya padesarājūnaṃ kāmā paṇītā nāma. Tesam amaccānaṃ kāmā majjhimā nāma. Tesampi hīnā. Te upādāya cakkavattirañño kāmā paṇītā nāma. Tassa amaccānaṃ kāmā majjhimā nāma. Tassapi hīnā. Te upādāya bhummadevānaṃ kāmā paṇītā nāma. Tesam paricārikānaṃ devānaṃ kāmā majjhimā nāma. Tesampi hīnā. Te upādāya cātumahārājikānaṃ devānaṃ kāmā paṇītātiādinā nayena yāva akaniṭṭhadevānaṃ kāmā matthakappattā paṇītā nāma. Evaṃ upādāyupādāya hīnamajjhimpaṇītātā veditabbā.

Okāsattike **āpāyikā kāmāti** avaḍḍhisānkhātesu apagataayesu catūsu apāyesu nibbattakāmā **āpāyikā**. Manussesu nibbattakāmā **mānūsikā**. Devesu nibbattakāmā **dibbā**.

Samyogattike paccupaṭṭhitānaṃ kāmānaṃ paribhuñjanato ṭhapetvā nerayike sesaapāyasattānaṃ manussānaṃ cātumahārājike deve upādāya yāva tusitakāyikānañca devānaṃ kāmā **paccupaṭṭhitā kāmā** nāma. Pakatipaṭiyattārammaṇato atirekena ramitukāmatākāle yathārucitaṃ ārammaṇaṃ nimminivā nimminivā ramantīti nimmānaratīnaṃ devānaṃ kāmā **nimmittā kāmā** nāma. Attano ajjhāsayaṃ fiatvā parehi nimmite ārammaṇe sevantīti paranimmitavasavattīnaṃ kāmā **paranimmittā kāmā** nāma. **Pariggahitāti** “mayhaṃ eta”nti gahitā kāmā. **Apariggahitāti** tathā apariggahitā uttarakurukānaṃ kāmā. **Mamāyitāti** tañhāvasena “mama eta”nti gahitā. **Amamāyitāti** vuttapaṭipakkhā.

Sabbepi kāmāvacarā dhammāti “heṭṭhato avīcinirayaṃ pariyaṇṭaṃ karitvā”tiādinā (dha. sa. 1287) nayena vuttesu kāmāvacaradhammesu pariyaṇṭānaṃ. Tatrāyaṃ vacanatto – uddānato dve kāmā, vatthukāmo ca kilesakāmo cāti. Tattha kilesakāmo atthato chandarāgo. Vatthukāmo tebhūmakaṃ vaṭṭaṃ. Kilesakāmo cettha kāmētīti kāmō. Itaro kāmīyatīti. Yasmiṃ pana padese duvidhopeso kāmō pavattivasena avacarati, so catunnaṃ apāyānaṃ manussānaṃ channañca devālokaṇaṃ vasena ekādasavidho padeso kāmō ettha avacarati kāmāvacaro. Tattha pariyaṇṭannadhamme sandhāya “sabbepi kāmāvacarā dhammā”ti vuttaṃ. Attano sabhāvaṃ dhārentīti dhammā. **Rūpāvacarā dhammāti** “heṭṭhato brahmalokaṃ pariyaṇṭaṃ karitvā

uparito akaniṭṭhe deve antokarivā”tiādinā (dha. sa. 1289) nayena vuttānaṃ rūpāvacaradhammānaṃ vasena sabbepi dhammā rūpāvacarā. **Arūpāvacarā dhammā** “heṭṭhato ākāsānañcāyatanupage deve pariyaṅgaṃ karivā uparito nevasaññānāsaññāyatanupage deve antokarivā”tiādinā (dha. sa. 1291) nayena vuttā sabbepi arūpāvacarā dhammā. Tattha rūpe avacarantī rūpāvacarā. Arūpe avacarantī arūpāvacarā. **Taṇhāvattukā**ti patitṭhāṭṭhena kāraṇāṭṭhena ca taṇhāya vatthubhūṭā. **Taṇhārammaṇā**ti taṇhāpavattivasena taṇhāya ārammaṇabhūṭā. **Kāmanīyaṭṭhenā**ti paccāsīsitabbaṭṭhena. **Rajanīyaṭṭhenā**ti rañjetuṃ yuttaṭṭhena. **Madanīyaṭṭhenā**ti kulamadādimaḍaṃ uppādanīyaṭṭhena.

Tattha “katame vatthukāmā? Manāpikā rūpā”tiādiṃ katvā “yaṃ kiñci rajanīyaṃ vatthū”ti pariyoṣānaṃ saviññākaaviññākaavasena vuttaṃ. Avasesaṃ ekacattukādikachattikanti veditabbaṃ.

Evaṃ vatthukāmaṃ dassavā kilesakāmaṃ dassetuṃ “**katame kilesakāmā**”tiādimāha. Tattha **chandoti** dubbalarāgo. **Rāgoti** tato balavataro. Upari tayopi rāgā imehi balavatarā. **Kāmesūti** pañcasu kāmaguṇesu. **Kāmacchandoti** kāmasaṅkhāto chando, na kattukamaṃyāṭṭhāṇḍo, na dhammacchando. Kāmanavasena rajjanavasena ca kāmayeva rāgo **kāmarāgo**. Kāmanavasena nandanavasena ca kāmayeva nandi **kāmanandi**. Evaṃ sabbattha kāmatthaṃ viditvā taṇhāyanaṭṭhena **kāmataphā**. Sinehanaṭṭhena **kāmasneho**. Parīḍayhanaṭṭhena **kāmaparīlāho**. Mucchanaṭṭhena **kāmamucchā**. Gilitvā parinīṭṭhāpanaṭṭhena **kāmajhosānaṃ**. Vaṭṭasmiṃ oghehi oṣīdāpetīti **kāmogho**. Vaṭṭasmiṃ yojetīti **kāmayogo**. Daḥhasena taṇhādiṭṭhiggahaṇaṃ **upādānaṃ**. Cittaṃ nīvarati pariyoṇandhatīti **nīvaraṇaṃ**.

Addasanti addakkhiṃ. **Kāmā**ti ālapanāṃ. **Teti** tava. **Mūlanti** patitṭhaṃ. **Saṅkappā**ti parikkappaṇa. **Na taṃ saṅkappayissāmī**ti taṃ parikkappaṇaṃ na karissāmi. **Na hohisī**ti na bhavissasi.

Ichamānassāti paccāsīsantassa. **Sādiyamānassā**ti assādiyamānassa. **Patthayamānassā**ti patthanaṃ uppādentassa. **Pihayamānassā**ti pāpuṇiṭṭuṃ icchaṃ uppādentassa. **Abhijappamānassā**ti taṇhāvasena tittimuppādentassa. Atha vā abhivadantassa.

Khattiyassa vātiādi catujjātivaseṇa vuttaṃ. **Gahaṭṭhassa** vā **pabbajitassa** vāti līngavasena vuttaṃ. **Devassa** vā **manussassa** vāti upapattivasena vuttaṃ. **Ijjhatī**ti nipphajjati. **Samijjhatī**ti sammā nipphajjati. **Ijjhati** visesarūpapaṭilābhavasena. **Labhati** dassanīyārūpapaṭilābhavasena. **Paṭilabhati** pasādanīyārūpapaṭilābhavasena. **Adhigacchati** saṅghānarūpapaṭilābhavasena. **Vindati** chavippasādarūpapaṭilābhavasena. Atha vā puññamahattena **ijjhati**. Jātimahattena **labhati**. Issariyamahattena **paṭilabhati**. Sukhamahattena **adhigacchati**. Sampattimahattena **vindatī**.

Ekamsavacanaṃti ekakoṭṭhāsavacanaṃ. “Ekamsaṃ cīvaraṃ katvā (pārā. 349, 367), ekamsabyākaraṇīyo pañho”tiādisu (dī. ni. 3.312; a. ni. 4.42) viya anekaṃsagahaṇapaṭikkhepo. **Nissamsayavacanaṃ**ti saṃsayaṃvirahitavacanaṃ, sandehapaṭikkhepavacanaṃti attho. **Nikkaṅkhāvacaṇaṃ**ti “kathamidaṃ kathamida”nti kaṅkhāpaṭikkhepavacanaṃ. **Advejjhavacanaṃ**ti dvidhābhāvaṃ dvejjhaṃ, taṃabhāvena advejjhavacanaṃ. Dvidhābhāvavirahitaṃ “advejjhavacanaṃ buddhā”tiādisu viya vimatipaṭikkhepo. **Advejjhavacanaṃ**ti dvidhābhāvaṃ advejjhakaṃ. “Itihāsa, itihāsa”ti dvejjhakaṃpaṭikkhepavacanaṃ. **Niyogavacanaṃ**ti ekasmiṃ atthe dve na yujjantīti niyogavacanaṃ dvidhāpathapaṭikkhepo. Aññattha pana “niyogā anāgatārammaṇā natthī”ti āgataṃ. **Apaṇṇakavacanaṃ**ti palāsarahaṇaṃ sāravacanaṃ aviraddhakāraṇaṃ “apaṇṇakaṃ ṭhānameke”tiādisu (jā. 1.1.1) viya, apaṇṇakamaṇi viya sappatitṭhavacanaṃ. **Avatthāpanavacanaṃ**ti etaṃ vacanaṃ otarivā patitṭhitaṃ santiṭṭhāpanaṃ ṭhapanāṃ.

Yāni imasmiṃ mahāniddeṣe vibhattim āropitāni padāni, tāni vibhattim gacchantāni tīhi kāraṇehi vibhattim gacchanti, nānā hontāni catūhi kāraṇehi nānā bhavanti. Aparadīpanā panettha dve ṭhānāni gacchanti. Kathaṃ? Tāni hi byañjanavasena upasaggavasena atthavasena vāti imehi tīhi kāraṇehi vibhattim gacchanti. Tattha “kodho kujjhanā kujjhitattaṃ, doso dussanā dussitatta”nti (dha. sa. 1066) evaṃ byañjanavasena vibhattigamaṇaṃ veditabbaṃ. Tattha hi ekova kodho byañjanavasena evaṃ vibhattim labhati. “Ijjhati samijjhati labhati paṭilabhati gacchati adhigacchati”ti evaṃ pana upasaggavasena vibhattigamaṇaṃ veditabbaṃ. “Paṇḍiccaṃ kosallaṃ nepuññaṃ vebhabyā cintā upaparikkhā”ti (dha. sa. 16) evaṃ atthavasena vibhattigamaṇaṃ veditabbaṃ.

Tesu pītipadaniddeṣe tāva imā tisso vibhattiyo labbhanti. **Pīti pāmojjanti** hi byañjanavasena vibhattigamaṇaṃ hoti. **Āmodanā pamodanā pahāso**ti upasaggavasena. **Vitti tuṭṭhi odagyaṃ attamanatā**ti atthavasena. Iminā nayena sabbapadaniddeṣesu vibhattigamaṇaṃ veditabbaṃ.

Nānā hontānīpi nāmanānattena lakkhaṇānānattena kiccaṇānattena paṭikkhepanānattenti imehi catūhi kāraṇehi nānā honti. Tattha “katamo tasmim samaye byāpādo hoti? Yo tasmim samaye doso dussanā”ti ettha byāpādoti vā dosoti vā dvepi ete kodho eva, nāmena pana nānattaṃ gatāti evaṃ nāmanānattena nānattaṃ veditabbaṃ.

Rāsaṭṭhena ca pañcapi khandhā ekova khandho hoti. Ettha pana rūpaṃ ruppanalakkhaṇaṃ, vedanā vedayitalakkhaṇā, saññā sañjānalakkhaṇā, cetanā cetayitalakkhaṇā, viññānaṃ vijānanalakkhaṇanti iminā lakkhaṇānānattena pañcakkhandhā honti. Evaṃ lakkhaṇānānattena nānattaṃ veditabbaṃ.

“Cattāro sammappadhānā – idha bhikkhu anuppannānaṃ pāpakānaṃ akusalānaṃ dhammānaṃ anuppādāya...pe... cittaṃ

paggaṇhāti padahatī”ti (vibha. 390; dī. ni. 2.402) ekameva vīriyaṃ kiccanānattena catūsu ṭhānesu āgataṃ. Evaṃ kiccanānattena nānattaṃ veditabbaṃ.

“Cattāro asaddhammā kodhagarutā, na saddhammagarutā, makkhagarutā, na saddhammagarutā, lābhagarutā, na saddhammagarutā, sakkāragarutā, na saddhammagarutā”ti evamādīsu (a. ni. 4.44) pana paṭikkhepanānattena nānattaṃ veditabbaṃ.

Imāni pana cattāri nānattāni na pītiyāyeva labbhanti, sabbesupi yathālābhavasena labbhanti. Pītiyā hi pīṭṭi nāmaṃ, cittassa cittanti nāmaṃ. Pīti ca pharaṇalakkhaṇā, vedanā vedayitalakkhaṇā, saññā sañjānanalakkhaṇā, cetanā cetayitalakkhaṇā, viññāṇaṃ vijānanalakkhaṇaṃ.

Tathā pīti pharaṇakiccā, vedanā anubhavanakiccā, saññā sañjānanakiccā, cetanā cetayitakiccā, viññāṇaṃ vijānanakiccanti evaṃ kiccanānattena nānattaṃ veditabbaṃ. Paṭikkhepanānattaṃ pītipade natthi.

Alobhādiniddese pana “alobho alubbhanā alubbhitatta”ntiādīnā (dha. sa. 35) nayena labbhātīti evaṃ paṭikkhepanānattena nānattaṃ veditabbaṃ. Evaṃ sabbapadaniddesesu labbhāmānavasena catubbidhampi nānattaṃ veditabbaṃ.

Aparadīpanā pana padatthuti vā hoti dalhīkammaṃ vāti evaṃ dve ṭhānāni gacchati. Yaṭṭhikoṭiyā uppīlentena viya hi sakimeva “pīti”ti vutte etaṃ padaṃ phullitamaṇḍitavibhūsitāṃ nāma na hoti, punappunaṃ byañjanavasena upasaggavasena atthavasena “pīti pāmojjaṃ āmodanā pamodanā hāso pahāso vittī”ti (dha. sa. 9) vutte phullitamaṇḍitavibhūsitāṃ nāma hoti. Yathā hi daharakumāraṃ nahāpetvā manoramaṃ vatthaṃ paridahāpetvā pupphāni piḷandhāpetvā akkhīni añjetvā athassa nalāṭe ekameva manosilābinduṃ kareyya, na tassa ettavatā cittatilako nāma hoti, nānāvāṇṇehi pana parivāretvā bindūsu katesu cittatilako nāma hoti. Evaṃ sampadamidaṃ veditabbaṃ. Ayaṃ padatthuti nāma.

Byañjanavasena pana upasaggavasena atthavasena ca punappunaṃ bhaṇanameva dalhīkammaṃ nāma. Yathā hi “āvuso”ti vā “bhante”ti vā “yakkho”ti vā “sappo”ti vā vutte dalhīkammaṃ nāma na hoti, “āvuso āvuso, bhante bhante, yakkho yakkho, sappo sappo”ti vutte pana dalhīkammaṃ nāma hoti, evameva sakimdeva yaṭṭhikoṭiyā uppīlentena viya “pīti”ti vuttamatte dalhīkammaṃ nāma na hoti, punappunaṃ byañjanavasena upasaggavasena atthavasena “pīti pāmojjaṃ āmodanā pamodanā hāso pahāso vittī”ti vuttheyeva dalhīkammaṃ nāma hotīti evaṃ aparadīpanā dve ṭhānāni gacchati. Etissāpi vasena labbhāmānapadaniddesesu sabbattha attho veditabbo.

Tattha pīnayatīti **pīti**. Sā sampiyāyanalakkhaṇā, kāyacittapīnanarasā pharaṇarasā vā, odagyapaccupatṭhānā. **Yā pañcakāmaguṇapaṭisaññūttāti** yā rūpādīpañcakāmakotṭhāsapaṭisaṃyuttā pīti, sā pīnayatīti **pīti**, idaṃ sabhāvapadaṃ. Pamuditassa bhāvo **pāmojjaṃ**. Āmodanākāro **āmodanā**. Pamodanākāro **pamodanā**. Yathā vā bhesajjānaṃ vā telānaṃ vā uṇhodakasītodakānaṃ vā ekato karaṇaṃ “modanā”ti vuccati, evamayampi pītidhammānaṃ ekato karaṇena modanā. Upasaggavasena pana maṇḍetvā “āmodanā pamodanā”ti vuttā.

Hāsetīti **hāso**. Pahāsetīti **pahāso**, haṭṭhapahaṭṭhākārānametaṃ adhivacanaṃ. **Vittīti** vittaṃ, dhanassetāṃ nāmaṃ. Ayaṃ pana somanassapaccayattā vuttisarikkhatāya vitti. Yathā hi dhanino dhanāṃ paṭicca somanassaṃ uppajjati, evaṃ pītimatopi pītiṃ paṭicca somanassaṃ uppajjati. Tasmā “vitti”ti vuttā. **Tuṭṭhīti** sabhāvasaṅghitāya pītiyā etaṃ nāmaṃ. Pītimā pana puggalo kāyacittānaṃ uggatattā abbhuggatattā “udaggo”ti vuccati, udaggassa bhāvo **odagyaṃ**.

Attano manatā **attamanatā**. Anabhiraddhassa hi mano dukkhapadaṭṭhānattā na attano mano nāma hoti, abhiraddhassa sukkhapadaṭṭhānattā attano mano nāma hoti, itī attano manatā attamanatā, sakamanatā, sakamanassa bhāvoti attho. Sā pana yasmā na aññassa kassaci attano manatā, cittasseva panesā bhāvo cetāsiko dhammo, tasmā “attamanatā cittassā”ti vuttā.

Cittavicittatāya **cittaṃ**. Ārammaṇaṃ minamānaṃ jānātīti **mano**. **Mānasanti** mano eva, “antalikkhacaro pāso, yvāyaṃ carati mānaso”ti (mahāva. 33; saṃ. ni. 1.151) hi ettha pana sampayuttakadhammo “mānaso”ti vutto.

“Kathañhi bhagavā tuyhaṃ, sāvako sāsane rato;
Appattamānaso sekkho, kālaṃkayirā jane sutā”ti. (saṃ. ni. 1.159) –

Ettha arahattaṃ “mānasa”nti vuttaṃ. Idha pana mano eva mānasaṃ, byañjanavasena hetāṃ padaṃ vaḍḍhitaṃ.

Hadayaṃti cittaṃ. “Cittaṃ vā te khipissāmi, hadayaṃ vā te phālessāmi”ti (su. ni. ālavakasuttaṃ; saṃ. ni. 1.237; 246) ettha uro “hadaya”nti vuttaṃ. “Hadayā hadayaṃ maññe aññāya tacchati”ti (ma. ni. 1.63) ettha cittaṃ. “Vakkaṃ hadaya”nti (khu. pā. 3.dvatimsākāro; dī. ni. 2.377; ma. ni. 1.110) ettha hadayavatthu. Idha pana cittameva abhantaraṭṭhena “hadaya”nti vuttaṃ. Tameva parisuddhaṭṭhena **paṇḍaraṃ**, bhavaṅgaṃ sandhāyetaṃ vuttaṃ. Yathāha – “pabhassaramidaṃ, bhikkhave, cittaṃ, tañca kho āgantukehi upakkīlesehi upakkīlīṭṭha”nti (a. ni. 1.49). Tato nikkhantattā pana akusalampi gaṅgāya nikkhantā nadī gaṅgā viya godhāvarito nikkhantā godhāvarī viya ca “paṇḍara”ntveva vuttaṃ.

Mano manāyatananti idha pana manoggahaṇaṃ manasseva āyatanabhāvadīpanatthaṃ. Tenetaṃ dīpeti “nayidaṃ

devāyatanam viya manassa āyatanattā manāyatanam, atha kho mano eva āyatanam manāyatana”nti. Tattha nivāsaṭṭhānaṭṭhena ākaratṭhena samosaraṇaṭṭhānaṭṭhena sañjātidesaṭṭhena kāraṇaṭṭhena ca **āyatanam** veditabbaṃ. Tathā hi loke “issarāyatanam, vāsudevāyatana”ntiādisu nivāsaṭṭhānam “āyatana”nti vuccati. “Suvanṇāyatanam, rajatāyatana”ntiādisu ākaro. Sāsane pana “manorame āyatane, sevanti nam vibhaṅgamā”tiādisu (a. ni. 5.38) samosaraṇaṭṭhānam. “Dakkhiṇāpatho gunnam āyatana”ntiādisu sañjātideso. “Tatra tatreva sakkhibhabbataṃ pāpuṇāti sati satiāyatane”tiādisu (a. ni. 3.102; 5.23; ma. ni. 3.158) kāraṇam. Idha pana sañjātidesaṭṭhena samosaraṇaṭṭhānaṭṭhena kāraṇaṭṭhenāti tidhāpi vaṭṭati.

Phassādayo hi dhammā ettha sañjāyantīti sañjātidesaṭṭhenapi etaṃ āyatanam. Bahiddhā rūpasaddagandharasaphoṭṭhabbā ārammaṇabhāvenettha osarantīti samosaraṇaṭṭhānaṭṭhenapi āyatanam. Phassādīnam pana saḥajātādipaccayaṭṭhena kāraṇattā kāraṇaṭṭhenapi āyatananti veditabbaṃ. Tadeva mananalakkhaṇe indaṭṭham kārētīti indriyam, mano eva indriyam **manindriyam**.

Vijānātīti **viññāṇam**. Viññāṇameva khandho **viññāṇakkhandho**. Tassa rāsīādivasena attho veditabbo. “Mahāudakakkhandhotveva saṅkham gacchatī”ti (a. ni. 4.51) ettha hi rāsaṭṭhena khandho vutto. “Sīlakkhandho samādhikkhandho”tiādisu (dī. ni. 3.555) guṇaṭṭhena. “Addasā kho bhagavā mahantaṃ dārukkhandha”nti (saṃ. ni. 4.241-242) ettha paṇṇattimattaṭṭhena. Idha pana rūḥito khandho vutto. Rāsaṭṭhena hi viññāṇakkhandhassa ekadeso ekaṃ viññāṇam. Tasmā yathā rukkhaṃ ekadesaṃ chindanto “rukkham chindatī”ti vuccati, evameva viññāṇakkhandhassa ekadesabhūtaṃ ekampi viññāṇam rūḥito “viññāṇakkhandho”ti vuttaṃ.

Tajjā manoviññāṇadhātūti tesam phassādīnam dhammānam anucchavikā manoviññāṇadhātu. Imasmiñhi pade ekameva cittaṃ minanaṭṭhena **mano**, vijānanaṭṭhena **viññāṇam**, sabhāvaṭṭhena nissattaṭṭhena vā **dhātūti** tīhi nāmehi vuttaṃ. **Sahagatoti** avijahito. **Sahajātoti** saddhiṃ niggato. **Samsaṭṭhoti** saṃsaggo hutvā ṭhito. **Sampayuttoti** samaṃ pakārehi yutto. Katamehi pakārehi? Ekuppādādīhi. Natthi keci dhammā kehici dhammehi sampayuttāti? Āmantā. Iti hi imassa pañhassa paṭikkhepe “nanu atthi keci dhammā kehici dhammehi saḥagatā saḥajātā saṃsaṭṭhā ekuppādā ekanirodhā ekavatthukā ekārammaṇā”ti (kathā. 473) evaṃ ekuppādātādīnam vasena sampayogatto vutto. Iti imehi ekuppādātādīhi samaṃ pakārehi yutto sampayutto. **Ekuppādoti** ekato uppanno, na vināti attho. **Ekanirodhoti** ekato nirodho. **Ekavatthukoti** hadayavatthuvaseṇa ekavatthuko. **Ekārammaṇoti** rūpādivasena ekārammaṇo.

Ettha saḥagatasaddo tabbhāve, vokiṇṇe, ārammaṇe, nissaye, saṃsaṭṭheti pañcasu atthesu dissati jinavacane. “Yāyaṃ taṇhā ponobhavikā nandirāgasahagatā”ti (mahāva. 14; vibha. 203; ma. ni. 3.374; saṃ. ni. 5.1081; paṭi. ma. 2.30) ettha tabbhāve veditabbo, nandirāgabhūtāti attho. “Yā, bhikkhave, vīmaṃsā kosajjasahagatā kosajjasampayuttā”ti (saṃ. ni. 5.832) ettha vokiṇṇe, antarantarā uppajjamāneṇa kosajjena vokiṇṇāti ayamettha attho. “Lābhī hoti rūpasahagatānaṃ vā samāpattīnaṃ arūpasahagatānaṃ vā samāpattīna”nti (pu. pa. 3-6) ettha ārammaṇe, rūpārammaṇānaṃ arūpārammaṇānanti attho. “Aṭṭhikasāññaṃ saḥagataṃ satisambojjhaṅgaṃ bhāvetī”ti (saṃ. ni. 5.238) ettha nissaye, aṭṭhikasāññaṃ nissāya aṭṭhikasāññaṃ bhāvetvā paṭiladdhanti attho. “Idaṃ sukhaṃ imāya pītiyā saḥagataṃ hoti saḥajātāṃ sampayutta”nti (vibha. 578) ettha saṃsaṭṭhe, saṃmissanti attho. Imasmimpi ṭhāne saṃsaṭṭhe āgato.

Sahajātasaddo “sahajātāṃ purejātāṃ pacchājāta”nti (paṭṭha. 1.1.435) ettha viya saḥajāte. Saṃsaṭṭhasaddo “gihīhi saṃsaṭṭho”ti ca, “evaṃ saṃsaṭṭho, bhante”ti (saṃ. ni. 3.3) cāti evamādisu saṃsagge. “Kise thūle vivajjetvā saṃsaṭṭhā yojitā hayā”ti (jā. 2.22.70) ettha sadise.

“Pucimandaparivāro, ambo te dadhivāhana;
Mūlaṃ mūlena saṃsaṭṭham, sākhā sākhā nisevare”ti. (jā. 1.2.72) –

Ettha upacite. “Cittasaṃsaṭṭhā dhammā”ti (dha. sa. dukamātikā 59) ettha cittaṃ sampayuttadhamme. Idha pana yo phalappadāne aviyogadhammo vinibbhogaṃ akatvā ekuppādādīdhammo hutvā “sampayutto”ti vuccati. Taṃvisayo. Atha vā “sahagato”ti vatvā pacchato pacchato āgatasuttena viya so na hotīti dassetuṃ “**sahajāto**”ti vuttaṃ. Ekato uppannarūpārūpaṃ viya sopi na hotīti dassetuṃ “**samsaṭṭho**”ti vuttaṃ.

Khīrodakaṃ viya ca sopi na hotīti dassetuṃ “**sampayutto**”ti vuttaṃ. Vinibbhogaṃ kātuṃ asakkuṇeyyaṭṭhena hi saḥuppannā dhammā sampayuttāpi atthi khīratelaṃ viya. Tathā vippayuttāpi khīrato apanītaṃ navanītaṃ viya. Evaṃ lakkhaṇasampayutto ekuppādādīlakkhaṇoyeva hotīti dassetuṃ “**ekuppādo**”tiādi vuttaṃ. Ettha ekuppādasahajātānaṃ kiṃ nānattaṃ? Uppāde antaravirahito **ekuppādo**. Khīrakālamuttassāpi dadhino mathane mathane pākātaṃ navanītaṃ viya purebhattapaccābhattavasena ekadivasameva jāto viya so na hotīti dassetuṃ ekakkhaṇe nibbattoti **sahajāto**. **Ekavatthukoti** paṭiṭṭhaṭṭhena ekaparicchedena ekavatthuko, dvinnam bhikkhūnaṃ ekavatthukatā viya ṭhānantaravirahito. **Ekārammaṇoti** aniyatekārammaṇo na cakkhuvīññāṇam viyāti evameke vaṇṇayanti.

Maccoti mūlapadaṃ. Rūpādisu satto laggo laggitoti **satto**. Vuttañhetam “satto sattoti, bhante, vuccati, kittāvatā nu kho, bhante, ‘satto’ti vuccatīti? Rūpe kho, rādha, yo chando yo rāgo yā nandī yā taṇhā, tatra satto tatra visatto, tasmā ‘satto’ti vuccatī”ti (saṃ. ni. 3.161; mahāni. 7). Sattayogena vā satto. Sugatiduggatiṃ naratīti **naro**. Manuno puttoti **mānavo**. Upakaraṇena sayam posayātīti **poso**. Puṃ vuccati nirayo, taṃ galatīti **puggalo**. Jīvitindriyam dhāretīti **jīvo**. Cutito jātim gacchatīti **jāgu**. Jiyatīti **jantu**. Indriyena gacchatīti **indagu**. Atha vā indabhūtena kammunā gacchatīti **indagu**. “Hindagū”tipi

pāli. Hindanti maraṇaṃ, taṃ gacchatī hindagu. Manuto jātoti **manujo**. Yaṃ **sādiyatī** yaṃ rūpādiṃ assādiyatī. Sesam vuttanayameva. Ito paraṃ vuttamatthaṃ nigamento tenāha bhagavā –

“**Kāmaṃ kāmayamānassa...pe... laddhā macco yadicchati**”ti;

Ito paraṃ ettakampi avatvā visesamattameva vakkhāma.

2. **Tassa ce kāmayānassāti** tassa puggalassa kāme icchamānassa, kāmena vā yāyamānassa. **Chanda jātassāti** jātataṇhassa. **Jantunoti** sattassa. **Te kāmā parihāyantī** te kāmā parihāyanti ce. **Sallaviddhova ruppattī** atha so ayomayādinā sallena viddho viya pīḷiyati. Ito paraṃ vuttaṃ vajjētvā avuttēsu yaṃ yaṃ anuttānaṃ, taṃ tadeva kathayissāmi.

Cakkhupīṇanaṃ ārammaṇaṃ pāpuṇanavasena **yāyati** gacchati. Dassanīyavasena piyattaṃ ārammaṇavasena appāpetī **niyyati**. Savaṇīyaṃ hutvā kaṇṇasotapīṇanaṃ ārammaṇavasena parikaḍḍhatī **vuyhati**. Saritabbaṃ hutvā cittapīṇanaṃ ārammaṇavasena gahetvā upasaṃharīyatī **saṃharīyati**. **Yathāti** opammatthe nipāto. Hatthinā yāyati gacchatī **hatthiyānena vā, vāti** vikappatthe. Assena yāyati gacchatī **assayānena vā**. Goyuttaṃ vayhādiyaṇaṃ goyānaṃ, tena **goyānena**. Ajayānādīsūpi eseva nayo. Itthavasena jāto **sañjāto**.

Ārammaṇapiyattavasena nibbato **abhinibbato**. Ārammaṇamanāpabhāvena **pātubhūto**. Atha vā kāmarāgavasena jāto **sañjāto**. Kāmanandivasena nibbato **abhinibbato**. Kāmatāṇhāvasena kāmasinehavasena kāmacchandavasena kāmapariḷāhavasena ca **pātubhūto**ti veditabbo.

Te vā kāmā parihāyantī te vatthukāmādayo parihāyanti viḡacchanti. **So vā kāmehi parihāyatī** eso khattiyādiḡpuggalo vatthukāmādikāmehi parihāyati viḡacchati “pubbeva maccaṃ vijahanti bhogā, macco dhane pubbataraṃ jahātī”ti (jā. 1.5.2) evamādīsū viya. **Kathanti** kena pakārena. **Tiṭṭhantassevāti** dharantasseva. **Te bhogeti** te vatthukāmādayo bhoge. **Rajāno vāti** pathabyādirājāno. **Harantī** gahetvā gacchanti, apaharanti vā. **Corā vāti** sandhicchedādikā. **Aggi vāti** dāvaggiādi. **Dahatī** jhāpeti bhasmaṃ karoti. **Udakaṃ vāti** oghādiudakaṃ. **Vahatī** gahetvā mahāsamuddaṃ pāpeti. **Appiyā vāti** akantā amanāpā. **Dāyādā harantī** dāyajjavirahitā assāmikā haranti. **Nihitaṃ vāti** nidhānaṃ katvā ṭhapitaṃ. **Nādhigacchati** na vindati na paṭilabhati, na passatīti attho. **Duppayuttāti** visamāpayogena yojitā kasivāṇijjādikammantā. **Bhijjantī**ti bhedaṃ pāpuṇanti, na pavattantīti attho. “Bhañjanti rathaṃ ayānakā”tiādīsū (jā. 2.21.296) sambhavo veditabbo.

Kule vā kulāṅgāro uppajjatiti khattiyādikule kulajhāpako kule antimapuriso nibbattati. “Kulāṅkaro”tipi pāli. **Yo te bhoge vikirati**ti yo eso kule pacchimako te hiraññādiḡke bhoge khepeti. **Vidhamati**ti viyogaṃ karoti, dūre khīpati. **Viddhamsetī**ti nāseti adassanaṃ gameti. Atha vā itthidhutto hutvā **vikirati**. Surādhutto hutvā **vidhamati**. Akkhadhutto hutvā **viddhamseti**. Vikirati vā uppannaṃ āyaṃ ajānanena. Vidhamati vissajjanamukhaṃ ajānanena. Viddhamseti ṭhapitaṭṭhāne ārakkhaṃ asaṃvidhānenāti evamādinā yojetabbaṃ.

Aniccatāyeva aṭṭhamīti vināsabhāvo eva aṭṭhamo. **Hāyantī**ti adassanaṃ yanti. **Parihāyantī**ti na puna paññāyanti. **Paridhamsetī**ti ṭhānato apagacchanti. **Paripatanti**ti paggharanti. **Antaradhāyantī**ti antaradhānaṃ adassanaṃ gacchanti. **Vippalujjanti**ti cuṇṇavicuṇṇā hutvā apagacchanti.

Tiṭṭhanteva te bhogeti tesam dhanānaṃ ṭhitakāle “tiṭṭhante nibbute cāpī”ti evamādīsū (vi. va. 806) viya. **Soti** so bhogaṃmiko puggalo. **Cavati** devalokato. **Marati** manussalokato. **Vippalujjati** nāgasupaṇṇādilokato. Atha vā **hāyati** dhaññakoṭṭhāgārasena. **Parihāyati** dhanakoṭṭhāgārasena. **Paridhamseti** balibaddahatthiassādivasena. **Paripatati** dāsīdāsavasena. **Antaradhāyati** dārābharaṇavasena. **Nassati** udakādivasenāti eke vaṇṇayanti.

Ayomayenāti kālālohādinibbattena. **Sallenāti** kaṇḍena. **Aṭṭhimayenāti** manussaṭṭhiṃ ṭhapetvā avasesena. **Dantamayenāti** hatthidantādinā. **Visāṇamayenāti** govisāṇādinā. **Kaṭṭhamayenāti** veḷukaṭṭhādinā. **Viddhoti** vuttappakārasallānaṃ aññataraññatarena pahaṭo. **Ruppattī** vikirati, vikāraṃ āpajjati. **Kuppattī** calati, kopaṃ uppādeti. **Ghaṭṭiyati**ti ghaṭṭito hoti. **Pīḷiyati**ti pīḷito hoti, laddhappahāro **kuppattī**. “Tatiyādivase salākaṃ pavesetvā dhovanakāle **ghaṭṭiyati**. Khārappadāne **pīḷiyati**. Pahārādhovane vā **ruppattī**. Tasmīṃ dukkhuppādane **kuppattī**. Salākapavesane **pīḷiyati**. Khārappadāne **ghaṭṭiyati**”ti evameke vaṇṇayanti.

Byādhitoti laddhappahāro hutvā pīḷito. **Domanassitoti** domanassappatto. **Vipariṇāmaññathābhāvāti** pakatibhāvaṃ jahitvā aññathābhāvaṃ upanītena, antososaḡi **soko** ca vācāvippalāpo **paridevo** ca kāyapīḷanādi **dukkhañca** cittapīḷanādi **domanassañca** bhuso āyāso **upāyāso** ca. Ete vuttappakārā sokādayo uppajjanti samudācāraṃ gacchanti.

3. Tatiyagāthāyaṃ saṅkhepattho – yo pana ime kāme tattha chandarāgavikkhambhana vā samucchēdena vā attano pādena sappassa siraṃ viya parivajjeti, so bhikkhu sabbalokaṃ vipphāretvā ṭhitattā loke visattikāsaṅkhātāṃ taṇhaṃ sato hutvā samativattatīti.

Yoti vibhajitabbaṃ padaṃ. **Yo yādisoti**ādīni tassa vibhajanapadāni. Ettha ca yasmā **yoti** atthapadaṃ. tañca aniyamena puggalaṃ dīpeti. Tasmā tassa atthaṃ dassento aniyamena puggalādiḡpakaṃ yo-saddameva āha. Tasmā ettha evamattho

veditabbo – yoti yo kocīti. Yasmā yo yo koci nāma, so avassam
yathālingayathāyuttayathāvihitayathāppakārayamṭhānapattayamḍhammasamannāgatavasena ekenākārena paññāyati, tasmā taṃ
tattha ñāpetum taṃ bhedaṃ pakāsento “yādiso”tiādimāha. Tattha yādisoti liṅgavasena yādiso vā tādiso vā hotu, dīgho vā
rasso vā kāḷo vā odāto vā maṅguracchavi vā kiso vā thūlo vāti attho.

Yathāyuttoti yogavasena yena vā tena vā yutto hotu, navakammayutto vā uddesayutto vā vāsadhurayutto vāti attho.
Yathāvihitoti yathāṭhapito navakammādhīṭṭhāyikādivasena. **Yathāpakāroti** yathāpakārena patīṭṭhito padīpanāyakādivasena.
Yaṃṭhānappattoti yaṃ ṭhānantaraṃ patto senāpatiseṭṭhīṭṭhānādivasena. **Yaṃḍhammasamannāgatoti** yena dhammena
upāgato dhutaṅgādivasena.

Vikkhambhanato vāti upacārappanāsamādhīti kilesānaṃ dūrīkaraṇato vā ghaṭappahārena sevālānaṃ viya.
Samucchadato vāti puna appavattiṃ katvā accantato maggena kilesānaṃ ucchinnamūlato pahānavasena samucchadato vā.
Aṭṭhikaṅkalūpamā kāmātiādīni ekādasa padāni vipassanāvasena vuttāni.

Buddhānussatiṃ bhāventopītiādīni cha padāni **maraṇassatiṃ bhāventopī, upasamānussatiṃ bhāventopīti** imāni ca
upacārājjhānavasena vuttāni. **Ānāpānassatiṃ bhāventopī, kāyagatāsatiṃ bhāventopī, paṭhamam jhānaṃ**
bhāventopītiādīni **nevasaññānāsaññāyatanasamāpattiṃ bhāventopīti** pariyosānāni appanājjhānavasena vuttāni. Tattha
aṭṭhikaṅkalūpamā kāmāti sunikkantaṃ nikkantaṃ nimmaṃsaṃ lohitaṃmaṅkhitam aṭṭhikaṅkalam upamā etesaṃ kāmānanti
aṭṭhikaṅkalūpamā kāmā. **Appassādaṭṭhenāti** “appaṃ parittaṃ sukhasādaṃ ādīnavo ettha bhīyyo”ti dassanaṭṭhena. **Passantoti**
“yāvadeva pana so kukkuro kilamathassa vighātassa bhāgī assā”ti ñānacakkhunā passanto. **Parivajjēti** dūraṅgāmeti.
Vuttañhetam bhagavatā –

“Seyyathāpi, gahapati, kukkuro jighacchādubbalyapareto goghātakasūnaṃ paccupaṭṭhito assa, tamenam dakkho
goghātako vā goghātakantevāsī vā aṭṭhikaṅkalam sunikkantaṃ nikkantaṃ nimmaṃsaṃ lohitaṃmaṅkhitam
upasumbheyya. Taṃ kiṃ maññasi, gahapati, api nu kho so kukkuro amham aṭṭhikaṅkalam sunikkantaṃ nikkantaṃ
nimmaṃsaṃ lohitaṃmaṅkhitam palehanto jighacchādubbalyam paṭivineyyā”ti? “No hetam, bhante”. “Taṃ kissa
hetu”? “Aduñhi, bhante, aṭṭhikaṅkalam sunikkantaṃ nikkantaṃ nimmaṃsaṃ lohitaṃmaṅkhitam, yāvadeva pana so
kukkuro kilamathassa vighātassa bhāgī assā”ti. “Evameva kho, gahapati, ariyasāvako iti paṭisaṅcikkhati
‘aṭṭhikaṅkalūpamā kāmā vuttā bhagavatā bahudukkhā bahupāyāsā, ādīnavo ettha bhīyyo’ti. Evameva yathābhūtam
sammappaññāya disvā yāyam upekkhā nānattā nānattasitā, taṃ abhinivajjetvā yāyam upekkhā ekattā ekattasitā, yattha
sabbaso lokāmisupādānā aparisesā nirujjhanti, tamevūpekkham bhāveti”ti (ma. ni. 2.42).

Gijjhādīhi sādharmaṇā maṃsapesi upamā etesanti **maṃsapesūpamā**. Bahūnaṃ sādharmaṇaṭṭhena **bahusādharaṇā**. Ādittam
tiṇukkam upamā etesanti **tiṇukkūpamā**. **Anudhanaṭṭhenāti** hatthādījhāpanaṭṭhena. Sādhikaporisappamāṇā vītaccikānaṃ
vītadhūmaṇam āngārānaṃ pūrā āngārakāsu upamā etesanti **āngārakāsūpamā**. **Mahāparilāhaṭṭhenāti**
mahantaparitāpanaṭṭhena. Ārāmarāmaṇeyyādikaṃ supinaṃ upamā etesanti **supinakūpamā**. **Ittarappacupaṭṭhānaṭṭhenāti**
appatvā, na upagantvā tiṭṭhanaṭṭhena. Yācītena laddham yānādībhaṇḍam upamā etesanti **yācītakūpamā**. **Tāvakālikatṭhenāti**
anībhandhanaṭṭhena. Sampannaphalarukkhō upamā etesanti **rukkhaphalūpamā**. **Sambhañjanaparibhañjanaṭṭhenāti**
sākhābhañjanaṭṭhena ceva samantato bhañjītvā rukkhapātanaṭṭhena ca. Asi ca sūnā ca upamā etesanti **asisūnūpamā**.
Adhikuṭṭanaṭṭhenāti chindanaṭṭhena. Sattisūlam upamā etesanti **sattisūlūpamā**. **Vinivijjanaṭṭhenāti** nipatetvā
gamaṇaṭṭhena. Bhayajanaṇaṭṭhena sappasiraṃ upamā etesanti **sappasirūpamā**. **Sappaṭibhayaṭṭhenāti** saha abhimukhe
bhayaṭṭhena. Dukkhaṇaṇam aggikkhandham upamā etesanti **aggikkhandhūpamā**. **Mahābhīṭāpanaṭṭhenāti**
mahantaabhitāpakāyapīḷaupādānaṭṭhenāti kāmam parivajjēti. Vuttañhetam –

“Seyyathāpi, gahapati, gijjho vā kaṅko vā kulalo vā maṃsapesiṃ ādāya uḍḍīyeyya, tamenam gijjhāpi kaṅkāpi
kulalāpi anupatitvā anupatitvā vitaccheyyūṃ vissajjeyyūṃ. Taṃ kiṃ maññasi, gahapati, sace so gijjho vā kaṅko vā
kulalo vā taṃ maṃsapesiṃ na khippameva paṭinissajjeyya, so tatonidānaṃ maraṇam vā nigaccheyya, maraṇamattam vā
dukkha”nti “evam, bhante”. “Evameva kho, gahapati, ariyasāvako iti paṭisaṅcikkhati ‘maṃsapesūpamā kāmā vuttā
bhagavatā...pe... tamevūpekkham bhāveti. Seyyathāpi, gahapati, puriso ādittam tiṇukkam ādāya paṭivātam gaccheyya.
Taṃ kiṃ maññasi, gahapati, sace so puriso taṃ ādittam tiṇukkam na khippameva paṭinissajjeyya, tassa sā ādittā tiṇukkā
hattham vā daheyya, bāhum vā daheyya, aññataram vā aññataram vā āngapaccāṅgam daheyya, so tatonidānaṃ
maraṇam vā nigaccheyya, maraṇamattam vā dukkha”nti? “Evam, bhante”. “Evameva kho, gahapati, ariyasāvako iti
paṭisaṅcikkhati ‘tiṇukkūpamā kāmā vuttā bhagavatā bahudukkhā bahupāyāsā...pe... tamevūpekkham bhāveti.
Seyyathāpi, gahapati, āngārakāsu sādhipaporisā pūrā āngārānaṃ vītaccikānaṃ vītadhūmaṇam. Atha puriso āgaccheyya
jīvitukāmo amaritukāmo suhakkāmo dukkhappaṭikkūlo, tamenam dve balavanto purisā nānābhāsu gahetvā
āngārakāsuṃ upakaḍḍheyyūṃ. Taṃ kiṃ maññasi gahapati, api nu so puriso iti citi ceva kāyam sannāmeyyā”ti?
“Evam, bhante”. “Taṃ kissahetu”? “Viditañhi, bhante, tassa purisassa ‘imañca aham āngārakāsuṃ papatissāmi,
tatonidānaṃ maraṇam vā nigacchissāmi maraṇamattam vā dukkha”nti. “Evameva kho gahapati ariyasāvako iti
paṭisaṅcikkhati ‘āngārakāsūpamā kāmā vuttā bhagavatā...pe... tamevūpekkham bhāveti. Seyyathāpi, gahapati, puriso
supinam passeyya ārāmarāmaṇeyyakam vanārāmaṇeyyakam bhūmirāmaṇeyyakam pokkharāṇirāmaṇeyyakam, so
paṭibuddho na kiñci paṭipasseyya. Evameva kho, gahapati, ariyasāvako iti paṭisaṅcikkhati ‘supinakūpamā kāmā vuttā
bhagavatā...pe... tamevūpekkham bhāveti. Seyyathāpi, gahapati, puriso yācītakam bhogaṃ yācītvā yānam vā

poriseyyaṃ pavaramaṇikuṇḍalaṃ. So tehi yācitatehi bhogehi purakkhato parivuto antarāpaṇaṃ paṭipajjeyya. Tameṇaṃ jano disvā evaṃ vadeyya ‘bhogī vata bho puriso, evaṃ kira bho bhogino bhogaṇi bhuñjanti’ ti. Tameṇaṃ sāmikā yattha yattheva tāni passeyyuṃ, tattha tattheva tāni hareyyuṃ. Taṃ kiṃ maññasi, gahapati, alaṃ nu kho tassa purisassa aññatattāyā’ ti? ‘Evaṃ, bhante’. ‘Taṃ kissahetu’? ‘Sāmino hi, bhante, tāni haranti’ ti. ‘Evameva kho, gahapati, ariyasāvako iti paṭisañcikkhati ‘yācitatūpamā kāmā vuttā bhagavatā...pe... tamevūpekkhaṃ bhāveti. Seyyathāpi, gahapati, gāmassa vā nigamassa vā avidūre tibbo vanasaṇḍo, tatrassa rukkho sampannaphalo ca upapannaphalo ca. Na cassu kānici phalāni bhūmiyaṃ patitāni. Atha puriso āgaccheyya phalattthiko phalagavesī phalapariyesanaṃ caramāno. So taṃ vanasaṇḍaṃ ajjhogāhetvā taṃ rukkhaṃ passeyya sampannaphalañca upapannaphalañca. Tassa evamassa ‘ayaṃ kho rukkho sampannaphalo ca upapannaphalo ca, natthi ca kānici phalāni bhūmiyaṃ patitāni, jānāmi kho panāhaṃ rukkhaṃ āropituṃ. Yaṃnūnāhaṃ imaṃ rukkhaṃ ārohitvā yāvadatthañca khādeyyaṃ, ucchaṅgañca pūreyya’ nti? So taṃ rukkhaṃ ārohitvā yāvadatthañca khādeyya, ucchaṅgañca pūreyya. Atha dutiyo puriso āgaccheyya phalattthiko phalagavesī phalapariyesanaṃ caramāno tiṅhaṃ kuṭhāriṃ ādāya. So taṃ vanasaṇḍaṃ ajjhogāhetvā taṃ rukkhaṃ passeyya sampannaphalañca upapannaphalañca. Tassa evamassa ‘ayaṃ kho rukkho sampannaphalo ca upapannaphalo ca, natthi ca kānici phalāni bhūmiyaṃ patitāni, na kho panāhaṃ jānāmi rukkhaṃ ārohituṃ. Yaṃnūnāhaṃ imaṃ rukkhaṃ mūlato chetvā yāvadatthañca khādeyyaṃ, ucchaṅgañca pūreyya’ nti. So taṃ rukkhaṃ mūlatova chindeyya. Taṃ kiṃ maññasi, gahapati, amuko so puriso paṭhamaṃ rukkhaṃ ārūlho, sace so na khippameva oroheyya, tassa so rukkho papatanto hatthaṃ vā bhañjeyya pādaṃ vā bhañjeyya aññataraṃ vā aññataraṃ vā aṅgapaccaṅgaṃ bhañjeyya, so tatonidānaṃ maraṇaṃ vā nigaccheyya, maraṇamattaṃ vā dukkha’ nti? ‘Evaṃ, bhante’. ‘Evameva kho, gahapati, ariyasāvako iti paṭisañcikkhati ‘rukkhaphalūpamā kāmā vuttā bhagavatā bahudukkhā bahupāyāsā, ādīnava ettha bhīyyo’ ti. Evametaṃ yathābhūtaṃ sammappaññāya disvā yāyaṃ upekkhā nānattā nānattasitā, taṃ abhinivajjetvā yāyaṃ upekkhā ekattā ekattasitā. Yattha sabbaso lokāmisūpādānā aparisesā nirujjhanti. Tamevūpekkhaṃ bhāveti’ ti (ma. ni. 2.43-48).

Evaṃ aṭṭhikākalādikaaggikkhandhūpamapariyosānato vipassanaṃ dassetvā idāni upacārasamādhim dassento “**buddhānussatiṃ bhāvento**” tiādīmāha.

Tattha punappunaṃ uppajjanato sati eva anussati. Pavattitabbaṭṭhānamhiyeva ca pavattatā saddhāpabbajitassa kulaputtassa anurūpā satītipi anussati. Buddhaṃ ārabha uppannā anussati buddhānussati. Arahatā dibuddhaguṇārammaṇāya satiyā etaṃ adhivacanaṃ, taṃ **buddhānussatiṃ. Bhāventoti** vaḍḍhento byūhento. Dhammaṃ ārabha uppannā anussati **dhammānussati**, svākkhātātādiddhammaguṇārammaṇāya satiyā etaṃ adhivacanaṃ. Saṅghaṃ ārabha uppannā anussati **saṅghānussati**, suppaṭipannatādisaṅhaguṇārammaṇāya satiyā etaṃ adhivacanaṃ. Sīlaṃ ārabha uppannā anussati **sīlānussati**, attano akhaṇḍatādisīlaguṇārammaṇāya satiyā etaṃ adhivacanaṃ. Cāgaṃ ārabha uppannā anussati **cāgānussati**, attano muttacāgatādicāgaguṇārammaṇāya satiyā etaṃ adhivacanaṃ. Devatā ārabha uppannā anussati **devatānussati**, devatā sakkhiṭṭhāne ṭhapetvā attano saddhādiguṇārammaṇāya satiyā etaṃ adhivacanaṃ. Ānāpāne ārabha uppannā sati **ānāpānassati**, ānāpānanimittārammaṇāya satiyā etaṃ adhivacanaṃ. Maraṇaṃ ārabha uppannā sati **marāṇassati**, ekabhavapariyāpannā jīvitindriyupacchedasaṅkhātamarāṇārammaṇāya satiyā etaṃ adhivacanaṃ.

Kucchitānaṃ kesādīnaṃ paṭikkūlānaṃ āyattā ākarattā kāyoti saṅkhaṃ gate sarīre gatā pavattā sati **kāyagatāsati**, tādīsaṃ vā kāyaṃ gatā sati “kāyagatāsati” ti vattabbe rassaṃ akatvā “kāyagatāsati” ti vuttaṃ. Kesādīkesu kāyakoṭṭhāsesu paṭikkūlanimittārammaṇāya satiyā etaṃ adhivacanaṃ. Upasamaṃ ārabha uppannā anussati. **Upasamānussati**, sabbadukkūpasamārammaṇāya satiyā etaṃ adhivacanaṃ.

Vitakkavicārapītisukhacittekaggatāsampayuttaṃ paṭhamajjhānaṃ bhāvento. Pītisukhacittekaggatāsampayuttaṃ dutiyajjhānaṃ bhāvento. Sukhacittekaggatāsampayuttaṃ tatiyajjhānaṃ bhāvento. Upekkhācittekaggatāsampayuttaṃ catutthajjhānaṃ bhāvento...pe... nevasaññānāsaññāyatanaṃ bhāventopi kāme parivajjetīti.

Vikkhambhanappahānaṃ dassetvā idāni samucchadēna kāmānaṃ pahānaṃ dassetuṃ “**sotāpattimaggam bhāventopi**” tiādīmāha. Tattha maggasotassa āpajjanaṃ sotāpatti, sotāpattiyā maggo sotāpattimaggo. **Apāyagamanīye kāmēti** yehi apāyaṃ gacchanti, te apāyagamanīye kāme samucchadato sotāpattimaggam bhāvento parivajjeti. Paṭisandhivasena sakimyeva imaṃ lokaṃ āgacchatīti sakadāgāmī, tassa maggo sakadāgāmimaggo. Taṃ maggaṃ bhāvento. **Oḷāriketi** pariḷāhappatte. Paṭisandhivaseneva kāmabhavaṃ nāgacchatīti anāgāmī, tassa maggo anāgāmimaggo. Taṃ maggaṃ bhāvento. **Anusahagatēti** sukhumabhāvappatte. Kīlesehi ārakattā, kīlesārīnaṃ hatattā, saṃsāraccakassa arānaṃ hatattā, pāpakaraṇe rahābhāvā, paccayādīnaṃ arahattā ca araham, arahato bhāvo arahattam. Kiṃ taṃ? Arahattaphalaṃ. Arahattassa maggo arahattamaggo. Taṃ arahattamaggaṃ bhāvento. **Sabbena sabbanti** sabbenākārena sabbam. **Sabbathā sabbanti** sabbappakārena sabbam. **Asesam nissesanti** niravasesam gandhamattampi aṭṭhapetvā. Atha vā **sabbena sabbam** mūlavasena. **Sabbathā sabbam** ākāranippadesavasena. **Asesam nissesam** bhāvanānippadesavasena. Tathā purimena duccharitābhāvena. Dutiyena pariyoṭṭhānābhāvena. Tatiyena anusayābhāvena evameke vaṇṇayanti.

Sappo vuccati ahīti yo koci saranto gacchati. **Kenaṭṭhenāti** kena atthēna. **Saṃsappanto gacchatīti** yasmā sammā saṃsaranto gacchatīti **sappo. Bhujantoti** vaṅkavānko hutvā. **Pannasiroti** nipannasīso hutvā. **Sirena supatīti** sīsaṃ bhogantare katvā supanabhāvena sīrasā supatīti **sarīsappo**. Bile sayatīti **bilāsayo**. “Bilāsayo” tipī pāḷi, taṃ sundaraṃ. Guhāyaṃ setīti **guhāsayo. Dāṭhā tassa āvudhoti** tassa sappassa duve dāṭhā paharaṇasatthasaṅkhāto āvudho. **Visam tassa ghoranti** tassa

sappassa byāpakasaṅkhātaṃ viṣaṃ dāruṇaṃ kakkhaḷaṃ. **Jivhā tassa duvidhāti** tassa sappassa dvedhā jivhā. **Dvīhi jivhāhi rasaṃ sāyatīti** duvidhāhi jivhāhi rasaṃ jānāti assādaṃ vindati sādiyatīti. Jīvitum kāmayatīti **jīvitukāmo**. Amaritum kāmayatīti **amaritukāmo**. Sukhaṃ kāmayatīti **sukhakāmo**. **Dukkhappaṭikkūloti** dukkhaṃ anicchamaṇo. **Pādenāti** attano pādena. **Sappasiranti** sappassa sīsaṃ. **Vajjeyyāti** dūrato vajjeyya. **Vivajjeyyāti** tassa pamāṇena. **Parivajjeyyāti** samantato. **Abhinivajjeyyāti** catutthappamāṇena. Atha vā purimena sīsato. Dutiyatatiyena dvīhi passehi. Catutthena pacchato. “Kāme pana appattassa pariyesanamūladukkhavattubhāvena **vajjeyya**. Pattassa ārakkhamūladukkhavattubhāvena **vivajjeyya**. Aññānapariḷhadukkhavattubhāvena **parivajjeyya**. Vināsamukhe piyavippayogadukkhavattubhāvena **abhinivajjeyyā**”ti evameke vaṇṇayanti.

Rañjanavasena **rāgo**. Balavarañjanaṭṭhena **sārāgo**. Visaye sattānaṃ anu anu nayanato **anunayo**. Anurujjhatīti **anurodho**, kāmetīti attho. Yattha katthaci bhaye sattā etāya nandantīti **nandī**, sayam vā nandatīti **nandī**. Nandī ca sā rañjanaṭṭhena rāgo cāti **nandirāgo**. Tattha ekasmiṃ ārammaṇe sakim uppanā taṇhā nandī, punappunaṃ uppajamānā nandirāgoti vuccati. **Cittassa sārāgoti** yo heṭṭhā “balavarañjanaṭṭhena sārāgo”ti vutto, so na sattassa, cittasseva sārāgoti attho.

Ichanti etāya ārammaṇānīti **icchā**. Bahalakilesabhāvena mucchanti etāya pāṇinoti **mucchā**. Gilitvā pariniṭṭhapetvā gahaṇavasena **ajjhosaṇaṃ**. Iminā sattā gijjhanti gedhaṃ āpajantīti **gedho**. Bahalaṭṭhena vā **gedho**. “Gedhaṃ vā pana pavanasaṇḍa”nti hi bahalaṭṭheneva vuttaṃ. Anantarapadaṃ upasaggavasena vaḍḍhitam, sabbatobhāgena vā gedhoti **paligedho**. Sajjanti etenāti **saṅgo**. Lagganaṭṭhena vā **saṅgo**. Osīdanaṭṭhena **paṅko**. Ākaḍḍhanavasena **ejā**. “Ejā imaṃ purisaṃ parikaḍḍhati tassa tasseva bhavassa abhinibbattiyā”ti hi vuttaṃ. Vañcanaṭṭhena **māyā**. Vaṭṭasmiṃ sattānaṃ jananaṭṭhena **janikā**. “Taṇhā janeti purisaṃ, cittaṃ vidhāvati”ti (saṃ. ni. 1.55) hi vuttaṃ. Vaṭṭasmiṃ satte dukkhena saṃyojayamānā janetīti **sañjananī**. Ghaṭanaṭṭhena **sibbinī**. Ayañhi vaṭṭasmiṃ satte cutipāṇisandhivasena sibbatī ghaṭeti tunnakāro viya pilotikāya pilotikaṃ, tasmā “ghaṭanaṭṭhena sibbinī”ti vuttā. Anekappakāraṃ visayajālaṃ taṇhāvippahanditanivesasaṅkhātaṃ vā jālamassā atthīti **jālinī**.

Ākaḍḍhanaṭṭhena sīghasotā saritā viyāti **saritā**. Allaṭṭhena vā **saritā**. Vuttañhetam “saritāni sinehitāni ca somanassāni bhavanti jantuno”ti (dha. pa. 341). Allāni ceva siniddhāni cāti ayañhettha attho. Anayabyasanāpādanaṭṭhena kummānubandhasuttakaṃ viyāti **suttaṃ**. Vuttañhetam “suttanti kho, bhikkhave, nandirāgassetam adhivacana”nti (saṃ. ni. 2.159). Rūpādīsu vitthataṭṭhena **visatā**. Tassa tassa paṭilābhathāya satte āyūhāpetīti **āyūhinī**. Ukkaṇṭhitum apadānato sahāyaṭṭhena **dutiya**. Ayañhi sattānaṃ vaṭṭasmiṃ ukkaṇṭhitum na deti, gatagataṭṭhāne piyasahāyo viya abhiramāpeti. Teneva vuttaṃ –

“Taṇhādutiyo puriso, dīghamaddhānasamsaram;
Itthabhāvaññathābhāvaṃ, samsāraṃ nātivattatī”ti. (itivu. 15; a. ni. 4.9; mahāni. 191; cūḷani. pāyāyanānugīgāthānidessa 107);

Paṇidhānakavasena **paṇidhi**. **Bhavanettīti** bhavarajju. Etāya hi sattā rajjuyā gīvāyaṃ baddhā goṇā viya icchicchitaṭṭhānaṃ niyyanti. Tam tam ārammaṇaṃ vanati bhajati alliyatīti **vanam**, vanati yācatīti vā **vanam**. **Vanathoti** byañjanena padaṃ vaḍḍhitam. Anattadukkhānaṃ vā samuttāhāpanaṭṭhena gahanaṭṭhena ca vanam viyāti **vanam**. Balavataṇhāyetaṃ nāmaṃ. Gahanataṭṭhena pana tato balavataṭṭhena **vanatho** nāma. Tena vuttaṃ –

“Vanam chindatha mā rukkham, vanato jāyate bhayaṃ;
Chetvā vanañca vanathañca, nibbanā hotha bhikkhavo”ti. (dha. pa. 283);

Santhavanavasena **santhavo**, saṃsaggoti attho. So duvidho – taṇhāsanthavo mittasanthavo ca. Tesu idha taṇhāsanthavo adhippeto. Sinehavasena **sneho**. Ālayakaraṇavasena kampamānā apekkhatīti **apekkhā**. Vuttampi cetam “imāni te deva caturāsīti nagarasahassāni kusāvātirājadhānippamukhāni, ettha deva chandaṃ janehi jīvite apekkham karohī”ti (dī. ni. 2.266). Ālayam karohīti ayañhettha attho. Pāṭiyekke pāṭiyekke ārammaṇe bandhatīti **paṭibandhu**, nītakatṭhena vā pāṭiyekko bandhūtipi **paṭibandhu**. Niccasannissitaṭṭhenaṇepi sattānaṃ taṇhāsamo bandhu nāma natthi. Ārammaṇānaṃ asanato **āsā**. Ajjhotttharaṇato ceva tittim anugantvāya paribhuñjanato cāti attho. Āsīsanavasena **āsīsanā**. Āsīsitassa bhāvo **āsīsitattam**.

Idāni tassā pavattiṭṭhānaṃ dassetuṃ “**rūpāsā**”tiādi vuttaṃ. Tattha āsīsanavasena āsāti āsāya attham gahetvā rūpe āsā **rūpāsā**. Evaṃ navapi padāni veditabbāni. Ettha ca purimāni pañca pañcakāmaguṇavasena vuttāni, parikkhāralobhavasena chaṭṭham. Tam visesato pabbajitānaṃ, tato parāni tīni atittiyavattuvavasena gahaṭṭhānaṃ. Na hi tesam dhanaputtajīvitēhi aññam piyataṃ atthi. “Idam mayham, idam mayha”nti vā “asukena me idam dinnaṃ, idam dinna”nti vā evam satte jappāpetīti **jappā**. Parato dve padāni upasaggena vaḍḍhitāni, tato paraṃ aññenākārena vibhajitum āradhattā puna “jappā”ti vuttaṃ. Jappanākāro **jappanā**. Jappitassa bhāvo **jappitattam**. Punappunaṃ visaye lumpati ākaḍḍhatīti lolupo, lolupassa bhāvo **lolupam**. Loluppanākāro **loluppāyanā**. Loluppasamaṅgino bhāvo **loluppāyittam**.

Pucchañjikatāti yāya taṇhāya lābhaṭṭhānesu puccham cālayamānā sunakhā viya kampamānā vicaranti, tam tassā kampanataṇhāya nāmaṃ. Sādhū manāpamanāpe visaye kāmetīti sādhuḷkāmo, tassa bhāvo **sādhuḷkāmyatā**. Mātāmātucchātiādiḷke ayuttaṭṭhāne rāgoti **adhammarāgo**. Yuttaṭṭhānepi balavā hutvā uppanno lobho **visamalobho**. “Rāgo visama”ntiādivacanato (vibha. 924) vā yuttaṭṭhāne vā ayuttaṭṭhāne vā uppanno chandarāgo adhammaṭṭhena adhammarāgo. Visamaṭṭhena visamalobhoti veditabbo. Ārammaṇānaṃ nikāmanavasena **nikantī**. Nikāmanākāro **nikāmanā**. Patthayanavasena

patthanā. Pihāyanavasena **pihanā.** Suṭṭhu patthanā **sampatthanā.** Pañcasu kāmagaṇesu taṇhā **kāmataṇhā.** Rūpārūpabhavesu taṇhā **bhavataṇhā.** Ucchedasaṅkhāte vibhave taṇhā **vibhavataṇhā.** Suddhe rūpabhavasmimyeva taṇhā **rūpataṇhā.** Arūpabhave taṇhā **arūpataṇhā.** Uccchedaḍḍiṭṭhisahagato rāgo, nirodhe taṇhā **nirodhataṇhā.** Rūpe taṇhā **rūpataṇhā.** Sadde taṇhā **saddataṇhā.** **Gandhataṇhā**ḍisupi eseva nayo. **Oghā**dayo vuttatthāva.

Kusaladhamme āvaratīti **āvarenaṃ.** Chādanavasena **chadanaṃ.** Satte vaṭṭasmiṃ bandhatīti **bandhanaṃ.** Cittaṃ upahantvā kilissati saṃkiliṭṭhaṃ karotīti **upakkilesa.** Thāmagataṭṭhena anu anu setīti **anusayo.** Uppajjamānaṃ cittaṃ pariyuṭṭhātīti **pariyuṭṭhānaṃ,** uppajjituṃ apadānena kusalavāraṃ gaṇhātīti attho. “Corā magge pariyuṭṭhiṃsu, dhuttā magge pariyuṭṭhiṃsū”tiāḍisu (cūlava. 430) hi maggaṃ gaṇhiṃsūti attho. Evamidhāpi gahaṇaṭṭhena pariyuṭṭhānaṃ veditabbaṃ. Paliveṭṭhanaṭṭhena latā viyāti **latā.** “Latā uppajja tiṭṭhatī”ti (dha. pa. 340) āgataṭṭhānepi ayaṃ taṇhā latāti vuttā. Vividhāni vatthūni icchatīti **vevicchaṃ.** Vaṭṭadukkhasa mūlanti **dukkhamūlaṃ.** Tasseva dukkhassa nidānanti **dukkhanidānaṃ.** Taṃ dukkhaṃ ito pabhavatīti **dukkhappabhavo.** Bandhanaṭṭhena pāso viyāti pāso, mārasa pāso **mārapāso.** Duruggilanaṭṭhena baḷisaṃ viyāti baḷisaṃ, mārasa baḷisaṃ **mārabaliṣaṃ.** Taṇhābhūhūtā mārasa visayaṃ nātikkamanti, tesam upari māro vasam vatteṭṭi iminā pariyāyena mārasa visayoti **māravisaṃ.** Sandanaṭṭhena taṇhāva nadī **taṇhānadi.** Ajjhottharaṇaṭṭhena taṇhāva jālaṃ **taṇhājālaṃ.** Yathā sunakhā gaddūlabaddhā yadicchakaṃ niyyanti, evaṃ taṇhābaddhā sattāti dalhabandhanaṭṭhena gaddūlaṃ viyāti gaddūlaṃ, taṇhāva gaddūlaṃ **taṇhāgaddūlaṃ.** Duppūraṇaṭṭhena taṇhāva samuddo **taṇhāsamuddo.** Abhijjhānaṭṭhena **abhijjhā.** Lubbhanti etena, sayam vā lubbhati, lubbhanamattameva vā tanti **lobho.** Sampayuttakānaṃ **akusalānaṃ** patīṭṭhaṭṭhena **mūlaṃ.**

Visattikāti visattikā iti. **Kenatṭhena**ti kena sabhāvena. **Visatā**ti vitthaṭṭā rūpāḍisu. **Visalā**ti vipulā. **Visaṭā**ti tebhūmakabyāpakavasena visaṭā. Purimavacanameva takārassa takāraṃ katvā byañjanavibhāgaṃ katvā vuttaṃ. **Visakka**ti parisappatī sahati vā. Ratto hi rāgavatthunā pādena tāḷiyamānopi sahati. Osakkaṃ vipphandaṃ vā “visakka”ntipi vadanti. “Kusalākusalānaṃ patī”ti keci vaṇṇayanti. **Visamharatī**ti tathā tathā kamesu ānisaṃsaṃ passantī vividhehi ākārehi nekkhammābhimukhappavattito cittaṃ samharati saṅkhipati, visaṃ vā dukkhaṃ, taṃ harati, vahaṭṭi attho. **Visamvādikā**ti aniccādiṃ niccādito gaṇhanti visamvādikā hoti. Dukkhanibbattakassa kammassa hetubhāvato **visamūlā,** visaṃ vā dukkhadukkhadībhūtā vedanā mūlaṃ etissāti **visamūlā.** Dukkhasamudayaṭṭā visaṃ phalaṃ etissāti **visaphalā.** Yāya taṇhāya rūpāḍikassa dukkhasseva paribhogo hoti, na amatassāti sā “visaparibhogā”ti vuttā. Sabbattha niruttivasena padasiddhi veditabbā.

Tassā visayaṃ dassetukāmo “**visalā vā pana sā taṇhā rūpe**”tiādimāha. Tattha **visalā vā panā**ti mahantī eva taṇhāyaṇaṭṭhena taṇhā, rūpādayo pañca pañcakāmagaṇīkarāgavasena vuttā. **Kule gaṇe**tiāḍini ekāḍasa padāni loluppāḍavasena vuttāni. Kāmadhatuttiko kammavaṭṭavasena vibhatto, kāmabhavattiko vipākavaṭṭavasena vibhatto, saññābhavattiko saññāvasena vibhatto, ekavokārabhavattiko khandhavasena vibhatto. Atīttiko kālavasena, diṭṭhacatuṅko ārammaṇavasena, apāyattiko okāsavasena, khandhattiko nissattaniḷḷivavasena vibhattoti nītabbaṃ. Tatrāyaṃ saṅkhepena atthadīpanā vibhāvanā ca –

“Tattha katamā kāmadhātu? Heṭṭhato avācinirayaṃ pariyantaṃ karitvā uparito paranimmitavasavattideve antokarivā yaṃ etasmiṃ antare etthāvacarā ettha pariyāpanā khandhadhātuāyatanā rūpaṃ vedanā saññā saṅkhārā viññānaṃ, ayaṃ vuccatī kāmadhātu” (dha. sa. 1287).

“Tattha katamā rūpadhātu? Heṭṭhato brahmalokaṃ pariyantaṃ karitvā uparito akaniṭṭhe deve antokarivā yaṃ etasmiṃ antare etthāvacarā ettha pariyāpanā samāpanassa vā upapannassa vā diṭṭhadhammasukhavihārissa vā cittacetasikā dhammā, ayaṃ vuccatī rūpadhātu” (dha. sa. 1289).

“Tattha katamā arūpadhātu? Heṭṭhato ākāsañācāyatanupage deve pariyantaṃ karitvā uparito nevasaññānāsaññāyatanupage deve antokarivā yaṃ etasmiṃ antare etthāvacarā ettha pariyāpanā samāpanassa vā upapannassa vā diṭṭhadhammasukhavihārissa vā cittacetasikā dhammā, ayaṃ vuccatī arūpadhātu”ti (dha. sa. 1291). Aṭṭhakathāyaṃ pana “**kāmadhātū**ti kāmabhavo, pañcakkhandhā labbhanti. **Rūpadhātū**ti rūpabhavo, pañcakkhandhā labbhanti. **Arūpadhātū**ti arūpabhavo, cattāro khandhā labbhanti”ti vuttaṃ.

Atha vā kāmārasaṅkhātena kāmena yuttā dhātu **kāmadhātu,** kāmasaṅkhātā vā dhātu **kāmadhātu.** Kāmaṃ pahāya rūpena yuttā dhātu **rūpadhātu,** rūpasaṅkhātā vā dhātu **rūpadhātu.** Kāmañca rūpañca pahāya arūpena yuttā dhātu **arūpadhātu,** arūpasaṅkhātā vā dhātu **arūpadhātu.** Tā eva dhātuyo puna bhavapariyāyena vuttā. Bhavanti hi bhavāti vuccanti. Saññāya yutto bhavo, saññāvataṃ vā bhavo, saññā vā ettha bhavati atthīti **saññābhavo.** So kāmabhavo ca asaññābhavamutto rūpabhavo ca nevasaññānāsaññābhavamutto arūpabhavo ca hoti.

Na saññābhavo **asaññābhavo,** so rūpabhavekadeso. Oḷārikattābhāvato nevasaññā, sukhumattena sabbhāvato nāsaññāti nevasaññānāsaññā, tāya yutto bhavo **nevasaññānāsaññābhavo.** Atha vā oḷārikāya saññāya abhāvā sukhumāya ca bhāvā nevasaññānāsaññā asmiṃ bhavati **nevasaññānāsaññābhavo,** so arūpabhavekadeso. Ekena rūpakkhandhena vokiṇṇo bhavo, eko vā vokāro, assa bhavassāti **ekavokārabhavo,** so asaññābhavova. Catūhi arūpakkhandhehi vokiṇṇo bhavo, cattāro vā vokārā assa bhavassāti **caturvokārabhavo,** so arūpabhavo eva. Pañcahi khandhehi vokiṇṇo bhavo, pañca vā vokārā assa bhavassāti **pañcavokārabhavo,** so kāmabhavo ca rūpabhavekadeso ca hoti. Atīttiko heṭṭhā vuttanayova. **Diṭṭhanti**

catusamutthānikam rūpārammaṇam. **Sutanti** dvisamutthānikam saddārammaṇam. **Mutanti** phusitvā gahetabbāni catusamutthānikāni gandharasaphoṭṭhabbārammaṇāni. **Viññātabbam** nāma manasā jānitabbam dhammārammaṇam. Tesu diṭṭhasutamutaviññātabbesu dhammesu. **Visaṭā vitthaṭāti** mahantā patthaṭā.

Apāyaloketi vaḍḍhisāṅkhātassa ayassa abhāvena apāyo, tasmim apāyaloke. **Khandhaloketi** rāsaṭṭhena rūpādayo pañcakkhandhā eva loko. **Dhātuloketi** suññataṭṭhena cakkhudhātuādayo aṭṭhārasa dhātuyo eva loko. **Āyatanaloketi** āyatanādīhi kāraṇehi dvādasāyatanāni eva loko. Sabbepi lujjanapaluḷjanatṭhena loko, vuttappakāre loko visaṭā vitthaṭāti visattikā. **Satoti** saratīti sato, puggalena satī vuttā.

Tattha saraṇalakkhaṇā **sati**. Saranti tāya, sayam vā sarati, saraṇamattameva vā esāti satī. Sā panesā apilāpanalakkhaṇā, asammosanarasā, ārakkhapaccupaṭṭhānā, visayābhimukhabhāvapaccupaṭṭhānā vā, thirasaññāpadaṭṭhānā, kāyādisatipaṭṭhānapadaṭṭhānā vā. Ārammaṇe daḷhapatitṭhitattā pana esikā viya, cakkhudvārādīnam rakkhaṇato dovāriko viya ca daṭṭhabbā.

Tassā pavattiṭṭhānam dassento “**kāye kāyānupassanāsatiṭṭhānam bhāvento sato**”tiadinā nayena catubbidham satipaṭṭhānamāha. Tattha **kāyeti** rūpakāye. Rūpakāyo hi idha aṅgapaccaṅgānam kesādīnaṅca dhammānam samūhaṭṭhena hatthikāyārathakāyādayo viya “kāyo”ti adhippeto. Yathā ca samūhaṭṭhena, evam kucchitānam āyattṭhena. Kucchitānaṅhi paramajegucchānam so āyotipi kāyo. **Āyoti** uppattideso. Tatrāyam vacanattho – āyanti tatoti āyo. Ke āyantīti? Kucchitā kesādayo. Iti kucchitānam kesādīnam āyoti **kāyo**.

Kāyānupassanāti kāyassa anupassanā, kāyam vā anupassanā, “**kāye**”ti ca vatvāpi puna “**kāyānupassanā**”ti dutiyam kāyaggahaṇam asammissato vavattṭhānaghaṇavinibbhogādīdassanattham katanti veditabbam.

Tena na kāye vedanānupassanā cittadhammānupassanā vā, atha kho kāyānupassanāyevāti kāyasāṅkhāte vatthusmim kāyānupassanākārasseva dassanena asammissato vavattṭhānam dassitam hoti, tathā na kāye aṅgapaccaṅgavinimuttaekadhammānupassanā, nāpi kesalomādivinimuttaitthipurisānupassanā. Yopi cettha kesalomādiko bhūtopādāyasamūhasāṅkhāto kāyo, tatthāpi na bhūtopādāyavinimuttaekadhammānupassanā, atha kho rathasambhārānupassakassa viya aṅgapaccaṅgasamūhānupassanā, nagarāvayavānupassakassa viya kesalomādisamūhānupassanā, kadalikkhandhapattavattiviniḷhujanakassa viya rittamutthiviniḷhethakassa viya ca bhūtopādāyasamūhānupassanāyevāti samūhavaseneva kāyasāṅkhātassa vatthuno nānappakārato dassentena ghanavinibbhogo dassito hoti. Na hettha yathāvuttasamūhavinimutto kāyo vā itthi vā puriso vā añño vā koci dhammo dissati, yathāvuttadhammasamūhamatteyeva pana tathā tathā sattā micchābhinivesam karonti. Tenāhu porāṇa –

“Yam passati na tam diṭṭham, yam diṭṭham tam na passati;
Apassam bajjhate mūlho, bajjhamāno na muccati”ti. (dī. ni. aṭṭha. 2.373; ma. ni. aṭṭha. 1.106);

Ghanavinibbhogādīdassanatthanti vuttam. Ādisaddena cettha ayampi attho veditabbo. Ayaṅhi etasmim kāye kāyānupassanāyeva, na aññadhānupassanā. Yathā anudakabhūṭāyapi marīciyā udakānupassanā hoti, na evam aniccadukkhānattāsubhābhūṭeyeva imasmim kāye niccasukhattasubhābhāvānupassanā, atha kho kāyānupassanā aniccadukkhānattāsubhābhārasamūhānupassanāyevāti vuttam hoti.

Atha vā yvāyam mahāsatiṭṭhāne “idha, bhikkhave, bhikkhu araṅṅagato vā...pe... so satova assasati”tiadinā (dī. ni. 2.374; ma. ni. 1.107) nayena assāpāssāsādīcuṅṅikajātaṭṭhikaparīyosāno kāyo vutto, yo ca paṭisambhidāyam satipaṭṭhānakathāyam “idhekacco pathavīkāyam aniccato anupassati. Āpokāyam. Tejokāyam. Vāyokāyam. Kesakāyam. Lomakāyam. Chavikāyam. Cammakāyam. Maṃsakāyam. Ruhirakāyam. Nhārukāyam. Aṭṭhikāyam. Aṭṭhimiṅjakāya”nti kāyo vutto, tassa sabbassa imasmimyeva kāye anupassanato kāye kāyānupassanāti evampi attho daṭṭhabbo.

Atha vā kāye “aha”nti vā “mama”nti vā evam gahetabbassa yassa kassaci anupassanato tassa tasseva pana kesalomādīkassa nānādhāmasamūhassa anupassanato kāye kesādīsamūhasāṅkhātākāyānupassanāti evamattho daṭṭhabbo. Api ca “imasmim kāye aniccato anupassati, no niccato”tiadinā (paṭi. ma. 3.35) anukkamena paṭisambhidāyam āgatanayassa sabbasseva aniccalakkhaṇādīno ākārasamūhasāṅkhātassa kāyassa anupassanatopi kāye kāyānupassanāti evampi attho daṭṭhabbo. Ayam pana catusatipaṭṭhānasādhāraṇo attho.

Satipaṭṭhānanti tayo satipaṭṭhānā satigocaropi, tidhā paṭipannesu sāvakesu satthuno paṭighānūyavītivattatāpi, satipi. “Catunnam, bhikkhave, satipaṭṭhānānam samudayaṅca atthaṅgamaṅca desissāmi, tam suṇātha sādhuḷkam manasi karotha... pe... ko ca, bhikkhave, kāyassa samudayo? Āhārasamudayā kāyasamudayo”tiādīsu (sam. ni. 5.408) hi satigocarō “satipaṭṭhāna”nti vuccati. Tathā “kāyo upaṭṭhānam, no satī, satī upaṭṭhānaṅceva satī cā”tiādīsipi (paṭi. ma. 3.35). Tassattho – patiṭṭhāti asminti paṭṭhānam. Kā patiṭṭhāti? Sati. Satiyā paṭṭhānam **satipaṭṭhānam**, padhānatṭhānanti vā paṭṭhānam, satiyā paṭṭhānam satipaṭṭhānam, hatthiṭṭhānaassaṭṭhānādīni viya.

“Tayo satipaṭṭhānā yadariyo sevati, yadariyo sevamāno satthā gaṇamanūsāsītumarahati”ti (ma. ni. 3.304, 311) ettha tidhā paṭipannesu sāvakesu satthuno paṭighānūyavītivattatā “satipaṭṭhāna”nti vuttā. Tassattho – paṭṭhapetabbato paṭṭhānam,

pavattayitabbatoti attho. Kena paṭṭhapetabboti? Satiyā, satiyā paṭṭhānaṃ satipaṭṭhānanti. “Cattāro satipaṭṭhānā bhāvītā bahulīkatā satta bojjaṅge paripūrentī”tiādīsu (ma. ni. 3.147) pana satiyeva “satipaṭṭhāna”nti vuccati. Tassattho – paṭiṭṭhātīti paṭṭhānaṃ, upaṭṭhātī okkantivā pakkhandivā pavattaṭīti attho. Satiyeva paṭṭhānanti satipaṭṭhānaṃ. Atha vā saraṇaṭṭhena sati, upaṭṭhānaṭṭhena paṭṭhānaṃ. Iti sati ca sā paṭṭhānañcātipi satipaṭṭhānaṃ. Idamidha adhippetam. Tam satipaṭṭhānaṃ. **Bhāventoti** vaḍḍhento. Ettha ca yaṃ tidhā paṭiṇnesu sāvakesu satthuno paṭiḡhānūnāvīvattatā “satipaṭṭhāna”nti vuttam, tam iminā suttena gaḡhetabbaṃ. Vuttañhetam bhagavatā –

“Tayo satipaṭṭhānā yadariyo sevati, yadariyo sevamāno satthā gaṇamanusāsītumarahatī”ti (ma. ni. 3.304, 311) iti kho panetaṃ vuttam, kiñcetaṃ paṭicca vuttam. Idha, bhikkhave, satthā sāvakānaṃ dhammaṃ deseti anukampako hitesī anukampam upādāya “idaṃ vo hitāya idaṃ vo sukhāyā”ti. Tassa sāvakā na sussūsanti, na sotaṃ odahanti, na aññā cittaṃ upaṭṭhapenti, vokkamma ca satthu sāsanaṃ vattanti. Tatra, bhikkhave, tathāgato na ceva anattamano hoti, na ca anattamanataṃ paṭisaṃvedeti, anavassuto ca viharati sato sampajāno. Idaṃ, bhikkhave, paṭhamam satipaṭṭhānaṃ. Yadariyo...pe... marahati.

“Puna caparam, bhikkhave, satthā...pe... idaṃ vo sukhāyāti. Tassa ekacce sāvakā na sussūsanti...pe... vattanti. Ekacce sāvakā sussūsanti...pe... na ca vokkamma satthu sāsanaṃ vattanti. Tatra, bhikkhave, tathāgato na ceva anattamano hoti, na ca anattamanataṃ paṭisaṃvedeti, na ca attamano hoti, na ca attamanataṃ paṭisaṃvedeti. Anattamanatā ca attamanatā ca tadubhayaṃ abhinivajjetvā upekkhako viharati sato sampajāno. Idaṃ vuccati, bhikkhave, dutiyam...pe... .

“Puna caparam...pe... idaṃ vo sukhāyāti. Tassa sāvakā sussūsanti...pe... vattanti. Tatra, bhikkhave, tathāgato attamano ceva hoti, attamanatañca paṭisaṃvedeti, anavassuto ca viharati sato sampajāno. Idaṃ vuccati, bhikkhave, tatiya”nti (dī. ni. 3.311).

Evaṃ paṭiḡhānūnāyehi anavassutatā niccaṃ upaṭṭhitasatitāya tadubhayaṃ vīvattatā “satipaṭṭhāna”nti vuttā. Buddhānameva kira niccaṃ upaṭṭhitasatitā hoti, na paccekabuddhādīnanti.

Vedanāsu vedanānupassanātiādīsu vedanādīnaṃ puna vacane payojanam kāyānupassanāyaṃ vuttanayeneva yathāyogaṃ yojetvā vedītabbaṃ. Ayampi sādīhāraṇattho. Sukhādīsu anekappabhedāsu vedanāsu visum visum aniccādito ekekavedanānupassanā. Sarāgādīke soḷasappabhede citte visum visum aniccādito ekekacittānupassanā. Kāyavedanācittāni ṭhapetvā sesatebhūmakadhammesu visum visum aniccādito ekekadhammānupassanā satipaṭṭhānasuttante vuttanayena nīvaraṇādīdhammānupassanāti. Ettha ca kāyēti ekavacanaṃ, sarīrassa ekattā. Citteti ekavacanaṃ, cittassa sabhāvabhedābhāvato jātiḡgahaṇena katanti vedītabbaṃ. Yathā ca vedanādayo anupassitabbā, tathānupassanto vedanāsu vedanānupassanā, citte cittānupassanā, dhammesu dhammānupassanāti vedītabbā. Katham vedanā anupassitabbā? Sukhā tāva vedanā dukkhato, dukkhā vedanā sallato, adukkhamasukhā aniccato anupassitabbā. Yathāha –

“Yo sukham dukkhato adda, dukkhamaddakkhi sallato;
Adukkhamasukham santam, addakkhi nam aniccato;
Sa ve sammaddaso bhikkhu, pariñānāti vedanā”ti. (saṃ. ni. 4.253);

Sabbā eva cetā dukkhatopi anupassitabbā. Vuttañhetam “yaṃ kiñci vedayitam, tam dukkhasmīnti vadāmī”ti (saṃ. ni. 4.259). Sukhadukkhatopi ca anupassitabbā. Yathāha “sukhā vedanā ṭṭisukhā, vipariñāmadukkhā. Dukkha vedanā ṭṭidukkhā, vipariñāmasukhā. Adukkhamasukhā vedanā ñāṇasukhā, aññāṇadukkhā”ti (ma. ni. 1.465). Api ca aniccādisattavipassanāvāsenāpi anupassitabbā. Cittadhammesupi cittaṃ tāva ārammaṇādhipatisahajātabhūmikammavipākakiriyaḡādīnānattabhedānaṃ aniccādisattānupassanānaṃ sarāgādīsoḷasabhedānañca vasena anupassitabbam. Dhammā salakkhaṇasamaññalakkhaṇānaṃ suññatadhammassa aniccādisattānupassanānaṃ santāsantādīnañca vasena anupassitabbā.

Ime cattāro satipaṭṭhānā pubbhāge nānācittesu labbhanti. Aññeneva hi cittaṃ kāyāṃ pariggaṇhāti, aññena vedanaṃ, aññena cittaṃ, aññena dhamme pariggaṇhāti, lokuttaramaggakkhaṇe pana ekacittēyeva labbhanti. Ādīto hi kāyāṃ pariggaṇhitvā āgatassa vipassanāsampayuttā sati kāyānupassanā nāma, tāya satiyā samannāgato puggalo kāyānupassī nāma. Vipassanaṃ usukkāpetvā ariyamaggaṃ pattassa maggakkhaṇe maggasampayuttā sati kāyānupassanā nāma, tāya satiyā samannāgato puggalo kāyānupassī nāma.

Vedanaṃ pariggaṇhitvā cittaṃ pariggaṇhitvā dhamme pariggaṇhitvā āgatassa vipassanāsampayuttā sati dhammānupassanā nāma, tāya satiyā samannāgato puggalo dhammānupassī nāma. Vipassanaṃ usukkāpetvā ariyamaggaṃ pattassa maggakkhaṇe maggasampayuttā sati dhammānupassanā nāma, tāya satiyā samannāgato puggalo dhammānupassī nāma, evam tāva desanā puggale tiṭṭhati, kāye pana “subha”nti vipallāsappahānā kāyapariggaḡhikā sati maggena samijjhatīti kāyānupassanā nāma. Vedanāya “sukha”nti vipallāsappahānā vedanāpariggaḡhikā sati maggena samijjhatīti vedanānupassanā nāma. Citte “nicca”nti vipallāsappahānā cittapariggaḡhikā sati maggena samijjhatīti cittānupassanā nāma. Dhammesu “attā”nti vipallāsappahānā dhammapariggaḡhikā sati maggena samijjhatīti dhammānupassanā nāma. Iti ekāva maggasampayuttā sati catukkasādīhakaṭṭhena cattāri nāmāni labhati. Tena vuttam “lokuttaramaggakkhaṇe pana ekacittēyeva labbhanti”ti.

Puna upakārasena ca aparīhīnavasena ca guṇavasena ca apare tayo catukkā vuttā. Tattha **asatiparivajjanāyāti** na sati

asati, sati ettha natthīti vā asati, muṭṭhassatiyā etaṃ adhivacanam. **Parivajjanāyāti** samantato vajjanena. Bhattanikkhittakākasadise hi muṭṭhasatipuggale parivajjanena upaṭṭhitasatipuggalasevanena ṭhānaniśajjādīsu satisamuṭṭhāpanattham ninnapoṇapabbhāracittatāya ca sati uppajjati. **Satikaraṇīyānam dhammānanti** satiya kātabbānam dhammānam. **Katattāti** katabhāvena. Catunnam maggānam katattā, bhāvitattāti attho. **Satiparibandhānam dhammānam hatattāti** kāmacchandādīnam nāsitabhāvena. **Satinimittānam dhammānam asammuṭṭhattāti** satiya kāraṇānam kāyādiārammaṇānam anaṭṭhabhāvena.

Satiyā samannāgatattāti satiya sammā āgatattā aparihīnattā ca. **Vasitattāti** vasibhāvappattena. **Pāguṇṇatāyāti** paguṇabhāvena. **Apaccorohaṇatāyāti** anivattanabhāvena apaccosakkanabhāvena.

Sattattāti sabhāvena vijjamānattā. **Santattāti** nibbutasabhāvattā. **Samittattāti** kilesānam vūpasamitabhāvattā. **Santadhammasamannāgatattāti** sappurisadhammehi aparihīnattā. Buddhānussatiādayo heṭṭhā vuttanayā eva. Saraṇakavasena sati, idaṃ satiya sabhāvapadam. Punappunam saraṇato anussaraṇavasena **anussati**. Abhimukham gantvā viya saraṇato paṭisaraṇavasena **paṭissati**. Upasaggavasena vā vaḍḍhitamattameva. Saraṇākāro **saraṇatā**. Yasmā pana saraṇatāti tiṇṇam saraṇānampi nāmaṃ, tasmā taṃ paṭisedhetuṃ puna satiggahaṇam kataṃ. Satisaṅkhātā saraṇatāti ayañhettha attho. Sutapariyattassa dhāraṇabhāvato **dhāraṇatā**. Anupavisanasāṅkhātēna ogāhanaṭṭhena apilāpanabhāvo **apilāpanatā**. Yathā hi udake lābukaṭāhādīni palavanti, na anupavisanti, na tathā ārammaṇe sati. Ārammaṇaṅhi esā anupavisati, tasmā “apilāpanatā”ti vuttā. Cirakatacirabhāsītānam na sammussanabhāvato **asammussanatā**. Upaṭṭhānalakkhaṇe jotanalakkhaṇe ca indaṭṭham kāretīti indriyam, satsaṅkhātānam indriyam **satindriyam**. Pamāde na kampaṭīti **satibalam**. Yāthāvasati niyyānasati kusalasatīti **sammāsati**. Bujjhanakassa aṅgoti bojjaṅgo, pasatṭho sundaro vā bojjaṅgo sambojjaṅgo, satiyeva sambojjaṅgo **satisambojjaṅgo**.

Ekāyanamaggoti ekamaggo, ayaṃ maggo na dvedhāpathabhūtoti evamattho daṭṭhabbo. Atha vā ekena ayitabboti ekāyano. Ekenāti gaṇasaṅgaṇikam pahāya vūpakaṭṭhena pavivittacittena. Ayitabbo paṭipajjitabbo, ayanti vā etenāti ayano, saṃsāro nibbānam gacchatīti attho. Ekassa ayano ekāyano. Ekassāti seṭṭhassa. Sabbasattānam seṭṭhova bhagavā, tasmā “bhagavato”ti vuttam hoti. Kiñcāpi hi tena aññeṇi ayanti, evaṃ santepi bhagavatova so ayano tena uppāditattā. Yathāha “so hi brāhmaṇa bhagavā anuppanassa maggassa uppādetā”tiādi (saṃ. ni. 1.215; paṭi. ma. 3.5; ma. ni. 3.79). Ayatīti vā ayano, gacchati pavattatīti attho. Ekasmim ayano ekāyano. Imasmimyeva dhammavinaye pavattati, na aññatthāti vuttam hoti. Yathāha “imasmim kho, subhadda, dhammavinaye ariyo aṭṭhaṅgiko maggo upalabbhatī”ti (dī. ni. 2.214). Desanābhedoyeva heso, atthato pana ekova. Apī ca ekam ayatīti ekāyano. Pubbabhāge nānamukhabhāvanāyena pavattopi aparabhāge ekam nibbānameva gacchatīti vuttam hoti. Yathāha brahmā sahampati –

“Ekāyanam jātikhayatadassī, maggam pajānāti hitānukampī;
Etena maggena tarimsu pubbe, tarissanti ye ca taranti ogha”nti. (saṃ. ni. 5.384, 409);

Maggoti kenatthēna maggo? Nibbānam gamaṇatthēna, nibbānatthikehi magganīyatthēna ca. **Upeṭoti** āsannaṃ gato. **Samupeṭoti** tato āsannataram gato. Ubhayenapi satiya aparihīnoti attho. **Upagatoti** upagantvā ṭhito. **Samupagatoti** sampayutto hutvā ṭhito. “Upāgato samupāgato”tipi pāli. Ubhayenapi satisamīpaṃ āgatoti attho. **Upapannoti** aviyogāpanno. **Samupapannoti** paripuṇṇo. **Samannāgatoti** avikalo vijjamāno. “Upeto samupeṭoti dvīhi padehi pavattam kathitam. Upagato samupagatoti dvīhi padehi paṭivedho. Upapanno samupapanno samannāgatoti tīhi padehi paṭilābho kathito”ti evameke vaṇṇayanti.

Loke vā sā visattikāti yā esā anekappakārena vuttā visattikā, sā khandhaloke eva, na aññatra khandhehi pavattatīti attho. **Loke vā taṃ visattikanti** khandhaloke eva pavattam etaṃ visattikasaṅkhātānam taṇham. **Tarati** kāme parivajjento. **Uttarati** kilese pajahanto. **Patarati** tesam paṭiṭṭhāhetuṃ chindanto. **Samatikkamati** saṃsāram atikkamanto. **Vitvattati** paṭisandhiabhabbupattikam karonto. Atha vā **tarati uttarati** kāyānupassanena. **Patarati** vedānupassanena. **Samatikkamati** cittānupassanena. Atha vā **tarati** sīlena. **Uttarati** samādhinā. **Patarati** vipassanāya. **Samatikkamati** maggena. **Vitvattati** phalenāti evamādinā yojetabbam.

4. Catutthagāthāya ayaṃ saṅkhepattho – yo ekam sālikhettādikhetam vā gharavathādivatthum vā kahāpaṇasaṅkhātānam hiraññam vā goassādibhedam gavāssam vā antojātādīdāse vā bhatakādīkammakare vā itthisaññitā thīyo vā ṇātibandhavādibandhū vā aññe vā manāpiyarūpādike puthukāme anugijjhatīti. **Sālikkhettanti** yattha sāliyo viruhanti. **Vihikkhettādīsupi** eseva nayo. **Vihīti** avasesavihāyo. Modayatīti **muggo**. **Gharavattanti** gharapatiṭṭhāpanattham katākatabhūmibhāgo. Koṭṭhakavatthādīsupi eseva nayo. **Koṭṭhakoti** dvārakoṭṭhādi. **Pureti** gharassa purato. **Pacchati** gharassa pacchato. Ettha āraṃenti cittaṃ tosentīti **ārāmo**, pupphenapi phalenapi chāyāyapi dakenapi ramantīti attho.

Pasukādayoti eḷakādayo. **Antojātakoti** antogharadāsīyā kucchimhi jāto. **Dhanakkītakoti** dhanena kīṇitvā parivattetvā gahito. **Sāmaṃ vāti** sayam vā. **Dāsabyanti** dāsassa bhāvo dāsabyam, taṃ dāsabyam. **Upeṭīti** upagacchati. **Akāmako vāti** attano aruciya vā karamarāṇito.

Te cattāro punapi dassetuṃ “āmāya dāsāpi bhavanti heke”ti āha. **Āmāya dāsāti** antojātadāsā. “Yattha dāso āmajāto ṭhito thullāni gacchati”ti etthāpi eteva vuttā. **Dhanena kīṭāti** dhanadāsā. **Sāmañca** eketi sayam dāsā. **Bhayāpaṇunnāti**

akāmadāsā. Bhayena paṇunnā khipitā.

Bhatakāti bhatiyā jīvanakā. Kasikammādikammaṃ karontīti **kammakarā**. **Upajivinoti** sammantanādinā upagantvā nissayaṃ katvā jīvantīti upajīvino.

Itthīti thiyati etissaṃ gabbhoti itthī. **Pariggahoti** sahāyī sassāmikā. Mātāpitibandhavāpi **ñātibandhu**. Sagotto **gottabandhu**. Ekācariyakule vā ekajātīmantam vā uggahitamanto **mantabandhu**. Dhanusippādisaddhiṃ uggahitako **sippabandhu**. “Mittabandhavātipi bandhū”ti katthaci potthake pātho dissati.

Gijjhatīti kilesakāmena pattheti. **Anugijjhatīti** anu anu gijjhati punappunaṃ pattheti. **Paligijjhatīti** samantato pattheti. **Palibajjhatīti** visesena pattheti. “Oḷārikattena nimittaggāhavasena **gijjhati**, **anugijjhati**, anubyañjanaggāhavasena **paligijjhati**, **palibajjhati**”ti evameke vaṇṇayanti.

5. Pañcamagāthāyaṃ ayaṃ saṅkhepattho – taṃ puggalaṃ abalakhya kilesā balīyanti saṅgati maddanti. Saddhābalādivirahena vā abalaṃ taṃ puggalaṃ abalā kilesā balīyanti, abalattā balīyantīti attho. Atha vā taṃ kāmagiddhaṃ kāmarattaṃ kāmapariyesantañca sīhādayo ca pākāṭaparissayā, kāyaduccarītādayo ca apākāṭaparissayā maddanti. Tato apākāṭaparissayehi abhibhūtaṃ taṃ puggalaṃ jātiādidukkaṃ bhinnaṃ nāvaṃ udakaṃ viya anveti.

Abalāti natthi etesaṃ balanti abalā, balavirahitā. **Dubbalāti** mandapayogābalena kattabbakiccavirahitā. **Appabalāti** appaṃ parittaṃ etesaṃ balanti appabalā, yujjhiṭṭhaṃ asamattā. **Appathāmakāti** appo paritto thāmo etesaṃ vāyāmo ussāhoti appathāmakā. **Hinā nihinā** payogahīnena. **Omakā** thāmahīnena. **Lāmakā** paccayahīnena. **Chatukkā** ajjhāsahīnena. **Parittā** patthīnena. **Sahantīti** maddanti ghaṭṭanaṃ uppādentī. **Parisahantīti** sabbato maddanti. **Abhibhavanti** aparāparaṃ uppattivasena. **Ajjhottharanti** punappunaṃ uppattivasena. **Pariyādiyanti** sussosetvā thānena. **Maddanti** kusalupattinivāraṇena.

Saddhābalanti saddahanti etāya, sayam vā saddahati, saddahanamattameva vā esāti saddhā. Sā saddahanalakkhaṇā, okappanalakkhaṇā vā, sampasādanarasā udakappasādakamaṇi viya. Pakkhandanarasā vā oghuttaraṇo viya. Akālusiyapaccupaṭṭhānā, adhimuttipaccupaṭṭhānā vā. Saddheyyavattupadaṭṭhānā, sotāpattiyāṅgapadaṭṭhānā vā. Sā hatthavittabjāni viya daṭṭhabbā. Asaddhiye na kampaṭīti **saddhābalaṃ**. **Vīriyabalanti** vīrassa bhāvo vīriyaṃ, vīraṇaṃ vā kammaṃ vīriyaṃ, vidhinā vā nayena upāyena īrayitabbaṃ pavattayitabbanti vīriyaṃ. Taṃ panetaṃ upatthambhanalakkhaṇaṃ paggaṇalakkhaṇaṃ vīriyaṃ, saḥajātānaṃ upatthambhanarasam, asaṃsīdanabhāvapaccupaṭṭhānaṃ, “saṃviggō yoniso padaḥatī”ti vacanato (a. ni. 4.113) saṃvegapaṭṭhānaṃ, vīriyārambhavattupadaṭṭhānaṃ vā. Sammā āradḍhaṃ sabbasampattīnaṃ mūlanti daṭṭhabbaṃ. Kosajje na kampaṭīti **vīriyabalaṃ**. Satiyā lakkhaṇādīni vuttāneva.

Muṭṭhassacce na kampaṭīti **satibalaṃ**. Saḥajātāni sammā ādhīyati ṭhāpetīti samādhi. So pāmokkhalakkhaṇo avikkhepalakkhaṇo vā, saḥajātānaṃ dhammānaṃ ārammaṇe sampiṇḍanaraso nhāniyacunṇānaṃ udakaṃ viya, upasamaṃpaccupaṭṭhāno, ñānapaccupaṭṭhāno vā. “Samāhito yathābhūtaṃ pajānāti passaṭī”ti hi vuttaṃ. Visesto sukhapadaṭṭhāno nivāte padīpaccaṇaṃ ṭhīti viya cetaso ṭhītiṭī daṭṭhabbo. Uddhacce na kampaṭīti **samādhibalaṃ**. Pajānātīti paññā. Kim pajānāti? “Idaṃ dukkha”ntiādinā (mahāva. 15) nayena ariyasaccāni. Sā yathāsabhāvapaṭivedhalakkhaṇā, akkhalitapaṭivedhalakkhaṇā vā kusaliṣāsakhittausupaṭivedho viya, visayobhāsanarasā padīpo viya, asammohapaccupaṭṭhānā araṇṇagatasudesako viya. Avijjāya na kampaṭīti **paññābalaṃ**. **Hiribalaṃ ottappabalanti** ahirike na kampaṭīti hiribalaṃ. Anottappe na kampaṭīti ottappabalaṃ. Ayaṃ ubhayavasena atthavaṇṇanā hoti. Kāyaduccarītāhi hiriyatīti hirī, lajjāyetaṃ adhivacanaṃ. Tehi eva ottappaṭīti ottappaṃ, pāpato ubbegassetam adhivacanaṃ.

Tesaṃ nānākaraṇādīpanattham – “samuṭṭhānaṃ adhipati, lajjādīlakkhaṇena cā”ti imaṃ mātikaṃ ṭhāpetvā ayaṃ vitthārakathā vuttā – ajjhattasamuṭṭhānā hirī nāma, bahiddhāsamuṭṭhānaṃ ottappaṃ nāma. Attādhipati hirī nāma, lokādhipati ottappaṃ nāma. Lajjāsabhāvasaṅgīhitā hirī nāma, bhayasabhāvasaṅgīhitam ottappaṃ nāma. Sappatissavalakkhaṇā hirī nāma, vajjabhīrukabhayaḍassāvīlakkhaṇam ottappaṃ nāma.

Tattha ajjhattasamuṭṭhānaṃ hirim catūhi kāraṇehi samuṭṭhāpeti – jātim paccavekkhitvā, vayaṃ paccavekkhitvā, sūrabhāvaṃ paccavekkhitvā, bāhusaccaṃ paccavekkhitvā. Kathaṃ? “Pāpakaraṇaṃ nāmetaṃ na jātisampannaṃ kammaṃ, hīnajaccānaṃ kevaṭṭādīnaṃ idaṃ kammaṃ, mādisassa jātisampannaṃ idaṃ kammaṃ kātuṃ na yutta”nti evaṃ tāva jātim paccavekkhitvā pānātipātādīpāpaṃ akaronto hirim samuṭṭhāpeti. Tathā “pāpakaraṇaṃ nāmetaṃ daharehi kattabbaṃ kammaṃ, mādisassa vaye ṭhītaṃ idaṃ kammaṃ kātuṃ na yutta”nti evaṃ vayaṃ paccavekkhitvā pānātipātādīpāpaṃ akaronto hirim samuṭṭhāpeti. Tathā “pāpakammaṃ nāmetaṃ dubbalajātīkānaṃ kammaṃ, mādisassa sūrabhāvasampannaṃ idaṃ kammaṃ kātuṃ na yutta”nti evaṃ sūrabhāvaṃ paccavekkhitvā pānātipātādīpāpaṃ akaronto hirim samuṭṭhāpeti. Tathā “pāpakammaṃ nāmetaṃ andhabālānaṃ kammaṃ, na paṇḍitānaṃ. Mādisassa paṇḍitassa bahussutassa idaṃ kammaṃ kātuṃ na yutta”nti evaṃ bāhusaccaṃ paccavekkhitvā pānātipātādīpāpaṃ akaronto hirim samuṭṭhāpeti. Evaṃ ajjhattasamuṭṭhānaṃ hirim catūhi kāraṇehi samuṭṭhāpeti. Samuṭṭhāpetvā ca pana attano citte hirim pavesetvā pāpakammaṃ na karoti. Evaṃ ajjhattasamuṭṭhānā hirī nāma hoti. Kathaṃ bahiddhāsamuṭṭhānaṃ ottappaṃ nāma? “Sace tvaṃ pāpakammaṃ karissasi, catūsu parisāsu garahappatto bhavissasi –

“Garahissanti taṃ viññū, asuciṃ nāgariko yathā;

Vajjito sīlavantehi, kathaṃ bhikkhu karissasī”ti. (dha. sa. aṭṭha. 1 kāmāvacarakusala dhammuddesakathā) –

Evam paccavekkhanto hi bahiddhāsamuṭṭhitena ottappena pāpakammaṃ na karoti, evaṃ bahiddhāsamuṭṭhānaṃ ottappaṃ nāma hoti.

Kathaṃ attādhipati hirī nāma? Idhekacco kulaputto attānaṃ adhipatiṃ jeṭṭhakaṃ katvā “mādisassa saddhāpabbajitassa bahussutassa dhutaṅgadharassa na yuttaṃ pāpakammaṃ kātu”nti pāpaṃ na karoti. Evaṃ attādhipati hirī nāma hoti. Tenāha bhagavā “so attānaṃyeva adhipatiṃ karitvā akusalaṃ pajahati, kusalaṃ bhāveti, sāvajjaṃ pajahati, anavajjaṃ bhāveti, suddhaṃ attānaṃ pariharatī”ti (dha. sa. aṭṭha. 1 kāmāvacarakusala dhammuddesakathā; a. ni. 3.40).

Kathaṃ lokādhipati ottappaṃ nāma? Idhekacco kulaputto lokaṃ adhipatiṃ jeṭṭhakaṃ katvā pāpakammaṃ na karoti. Yathāha –

“Mahā kho paṇāyaṃ lokasannivāso, mahantasmīṃ kho pana lokasannivāse santi samaṇabrāhmaṇā iddhimanto dibbacakkhukā paracittaviduno, te dūratopi passanti, āsannāpi na dissanti, cetasāpi cittaṃ jānanti. Tepi maṃ evaṃ jāneyyūṃ ‘passatha bho imaṃ kulaputtaṃ saddhāya agārasmā anagāriyaṃ pabbajito samāno vokiṇṇo viharati pāpakehi akusalehi dhammehī”ti. Devatāpi kho santi iddhimantiniyo dibbacakkhukā paracittaviduniyo, tā dūratopi passanti, āsannāpi na dissanti, cetasāpi cittaṃ jānanti. Tāpi maṃ evaṃ jāneyyūṃ ‘passatha bho imaṃ kulaputtaṃ saddhāya agārasmā anagāriyaṃ pabbajito samāno vokiṇṇo viharati pāpakehi akusalehi dhammehī”ti. So iti paṭisañcikkhati ‘āraddhaṃ kho pana me vīriyaṃ bhavissati asallīnaṃ, upaṭṭhitā sati asamuṭṭhā, passaddho kāyo asāraddho, samāhitaṃ cittaṃ ekagga’nti. So lokaṃyeva adhipatiṃ karitvā akusalaṃ pajahati, kusalaṃ bhāveti, sāvajjaṃ pajahati, anavajjaṃ bhāveti, suddhaṃ attānaṃ pariharatī”ti (dha. sa. aṭṭha. 1 kāmāvacarakusala dhammuddesakathā; a. ni. 3.40).

Evaṃ lokādhipati ottappaṃ nāma hoti. “Lajjāsabhāvasaṅghitā hirī, bhayasabhāvasaṅghitaṃ ottappa”nti ettha pana lajjāti lajjanākāro, tena sabhāvena saṅghitā hirī. Bhayanti apāyabhayaṃ, tena sabhāvena saṅghitaṃ ottappaṃ. Tadubhayampi pāpaparivajjane pākaṭaṃ hoti. Ekacco hi yathā nāma eko kulaputto uccārapassāvādīni karonto lajjitabbayuttakaṃ ekaṃ disvā lajjanākārappatto bhaveyya hīlito, evameva ajjhattaṃ lajjidhammaṃ okkamitvā pāpakammaṃ na karoti. Ekacco apāyabhayabhīto hutvā pāpakammaṃ na karoti.

Tatridaṃ opammaṃ – yathā hi dvīsu ayogulesu eko sītalo bhaveyya gūthamakkhito, eko uṇho āditto. Tattha paṇḍito sītalaṃ gūthamakkhitatā jigucchanto na gaṇhāti, itaraṃ dāhabhayaena. Tattha sītallaṃ gūthamakkhanajigucchāya agaṇhanaṃ viya ajjhattaṃ lajjidhammaṃ okkamitvā pāpassa akaraṇaṃ, uṇhassa dāhabhayaena agaṇhanaṃ viya apāyabhayaena pāpassa akaraṇaṃ veditabbaṃ.

“Sappatissavalakkhaṇā hirī, vajjabhīrukabhayadassāvīlakkhanaṃ ottappa”nti idampi dvayaṃ pāpaparivajjane eva pākaṭaṃ hoti. Ekacco hi jātimahattapaccavekkhaṇā sathumahattapaccavekkhaṇā dāyajjamahattapaccavekkhaṇā sabrahmacārimahattapaccavekkhaṇāti catūhi kāraṇehi sappatissavalakkhaṇaṃ hirīṃ samuṭṭhāpetvā pāpaṃ na karoti. Ekacco attānuvādabhayaṃ parānuvādabhayaṃ daṇḍabhayaṃ duggatibhayaṃ catūhākārehi vajjabhīrukabhāvadassāvīlakkhanaṃ ottappaṃ samuṭṭhāpetvā pāpaṃ na karoti. Tattha jātimahattapaccavekkhaṇādīni ceva attānuvādabhayādīni ca vitthāretvā kathetabbāni. Evaṃ vuttaṃ sattavidhaṃ balaṃ yassa puggalassa natthi, te kilesā taṃ puggalaṃ sahanti...pe... pariyaḍiyanti maddantīti.

Dve parissayāti pākaṭāpākaṭavasena dve eva upaddavā, na ekaṃ, na tīṇi. Te vibhāgato dassetuṃ “**katame pākaṭaparissaya**”tiādīmāha. Tattha **kokāti** kekā. Ayameva vā pāṭho. **Corāti** coriyakammehi yuttā. **Mānavāti** sāhasikakammehi yuttā. **Katakammāti** sandhicchedādikatacorikakammā. **Akatakammāti** taṃ kammaṃ kātuṃ nikkhantā. Ettha **assūti** bhaveyyunti attho. **Cakkhurogoti** cakkhusmīṃ uppannarogo, rujatīti rogo. Cakkhurogotiādayo vatthuvaseṇa veditabbā. Nibbattitapasādānañhi rogo nāma natthi. **Kaṇṇarogoti** bahikaṇṇarogo. **Mukharogoti** mukhe uppannarogo. **Dantarogoti** dantasūlaṃ. **Kāsoti** khayarogo. **Sāsoti** svāso uggararogo. **Pināsoti** bahināsikāya rogo. **Ḍāhoti** abbhantare uppajjanako uṇho. **Mucchāti** sativissajjanakā. **Pakkhandikāti** lohitapakkhandikā atisāro. **Sūlati** āmasulā kucchivāto. **Visūcikāti** mahanto virecanako. **Kilāsoti** sabalo. **Sosoti** sukkhanako sosabyādhi. **Apamāroti** amanussaggāho veriyakkhābādhō. **Daddūti** daddupīlakā. **Kaṇḍūti** khuddakapīlakā. **Kacchūti** mahākacchu. **Rakhasāti** nakhehi vilikhitaṭṭhāne rogo. “Nakhasā”tipi pāli. **Vitacchikāti** hatthatalapādātalesu hīraṃ hīraṃ katvā phārento uppajjanakarogo. **Lohitapittanti** soṇitapittaṃ, rattapittanti vuttaṃ hoti. **Madhumehoti** sarīrabbhantare ukkaṭṭharogo. Vuttañhetam “api ca madhumeho ābādhō ukkaṭṭho”ti (pāci. 15).

Aṃsāti arisarogo. **Pīlakāti** lohitapīlakā. Bhagaṃ dālayatīti **bhagandalā**, vaccamaḅgaṃ phāletīti attho. **Pittasamuṭṭhānāti** pittena samuṭṭhānaṃ uppattī etesanti pittasamuṭṭhānā. Te kira dvattiṃsa hontī. **Semhasamuṭṭhānā**disupi eseṇa nayo. **Sannipātikāti** vātapittasemhānaṃ sannipātena ekībhāvena uppannā. **Ābādhaṭṭhena ābādhā**. **Utupariṇāmajāti** utupariṇāmena. **Accuṇhāti** sītena uppajjanakarogā. **Visamaparīhārajāti** atīṭṭhānanisajjādīnā visamaparīhārena jātā. **Opakkamikāti** vadhabandhanādīnā upakkamena jātā. **Kammavipākajāti** balavakammavipākāsambhūtā. **Sītaṃ uṇhaṃ...pe... samphassoti** ime pākaṭā eva. **Iti vāti** evaṃ vā. **Ime vuccantīti** nigamento āha.

Katame pañicchannaparissayāti apākaṭā acchāditaupaddavā katameti pucchati. Tattha **kāyaduccaritanti** pānātipātaadinnādānamicchācaracetanā veditabbā. **Vacīduccaritanti** musāvādapisuṇavācāpharusavācāsamphappalāpacetanā veditabbā. **Manoduccaritanti** abhijjhābyāpādamicchādīṭṭhiyo veditabbā. Kāye pavattaṃ, kāyato vā pavattaṃ, duṭṭhu caritaṃ, kilesapūṭikattā vā duṭṭhu caritanti kāyaduccaritaṃ. Vacīmanoduccaritesupi eseva nayo.

Kāmīyantīti kāmā, pañca kāmaguṇā. Kāmesu chando kāmaccchando. Kāmayatīti vā kāmo, kāmo eva chando, kāmaccchando na kattukamyatāchando, na dhammacchando vā. Kāmatanḥāva evaṃnāmikā. Kusaladhamme nīvaratīti nīvaraṇaṃ, kāmaccchando eva nīvaraṇaṃ **kāmaccchandanivaraṇaṃ**. Evaṃ sesesupi. Byāpajjati tena cittaṃ pūtibhāvaṃ upagacchati, byāpādayati vā vinayācārarūpasampattihitasukhādīṭṭhi vā **byāpādo**. Thīnanatā thīnaṃ. Mīddhanatā mīddhaṃ, anussāhasaṃhananāṭā asattivighātāṭā cāti attho. Thīnañca mīddhañca **thīnamīddhaṃ**. Tattha thīnaṃ anussāhanalakkhaṇaṃ, vīriyavinodanarasam, saṃsīdanapaccupaṭṭhānaṃ. Mīddhaṃ akammaññātālakkhaṇaṃ, onahanarasam, līnabhāvapaccupaṭṭhānaṃ, pacalāyikānīdāpaccupaṭṭhānaṃ vā. Ubhayampi aratitandivijambhitādīsu ayonisomanasikārapadaṭṭhānanti.

Uddhatassa bhāvo **uddhaccaṃ**. Taṃ avūpasamalakkhaṇaṃ vātābhīghātacalajalaṃ viya, anavaṭṭhānaraṣaṃ vātābhīghātacaladhajapaṭākāṃ viya, bhantattapaccupaṭṭhānaṃ pāsāñābhīghātasamuddhatabhasmaṃ viya, cetaso avūpasamo ayonisomanasikārapadaṭṭhānaṃ. Cittavikkhepoti daṭṭhabbaṃ. Kucchitaṃ kataṃ kukataṃ, tassa bhāvo **kukkuccaṃ**. Taṃ pacchānutāpalakkhaṇaṃ, katākatānusocanarasam, vippaṭṭisārapaccupaṭṭhānaṃ, katākatapadaṭṭhānaṃ dāsabyaṃ viya daṭṭhabbaṃ. Uddhaccañca kukkuccañca **uddhaccakukkuccaṃ**. Vigatā cikicchāti **vicikicchā**, sabhāvaṃ vā vicinanto eṭāya kicchati kilamāṭīti **vicikicchā**, sā saṃsayalakkhaṇā, saṃsappanarasā, anicchayapaccupaṭṭhānā, anekamaṃsaggāhapaccupaṭṭhānā vā, ayonisomanasikārapadaṭṭhānā. Paṭipattiantarāyakarāṭīti daṭṭhabbā.

Rajjanalakkhaṇo **rāgo**. Dussanalakkhaṇo **doso**. Muihanalakkhaṇo **moho**. Kujjhanalakkhaṇo **koḍho**, caṇḍikkalakkhaṇo vā, āghātakaraṇaraso, dūsanapaccupaṭṭhāno. Upanandhanalakkhaṇo **upanāho**, veraappaṭṭinissajjanaraso, kodhānubandhabhāvapaccupaṭṭhāno. Vuttañcetaṃ “pubbakālaṃ koḍho, aparakālaṃ upanāho”tiādi (vibha. 891).

Paraguṇamakkhānalakkhaṇo **makkho**. Tesam vināsanaraso, tadacchādanapaccupaṭṭhāno. Yugaggāhalakkhaṇo **paḷāso**, paraguṇehi attano guṇānaṃ saṃkaraṇaraso, paresam guṇappamāṇena upaṭṭhānapaccupaṭṭhāno.

Parasampattikhīyanalakkhaṇā **issā**, tassa akkhamanalakkhaṇā vā, tattha anabhiratirasā, tato vimukhabhāvapaccupaṭṭhānā. Attano sampattinīgūhanalakkhaṇaṃ **macchariyaṃ**, attano sampattiyā parehi sādharmaṇabhāvaṃ akkhamanarasam, saṅkocanapaccupaṭṭhānaṃ.

Katapāpapañicchādanalakkhaṇā **māyā**, tassa nigūhanarasā, tadāvaraṇapaccupaṭṭhānā. Attano avijjānānaguṇappakāsanalakkhaṇaṃ **sāṭheyyaṃ**, tesam samudāharaṇarasam, sarīrākārehipi tesam vibhūtakaraṇapaccupaṭṭhānaṃ.

Cittassa uddhumātabhāvalakkhaṇo **thambho**, appatissavavuttiraso, amaddavapaccupaṭṭhāno. Karaṇuttariyalakkhaṇo **sārambho**, vipaccanīkatāraso, agāravapaccupaṭṭhāno.

Uṇṇatilakkhaṇo **māno**, ahaṃkāraso, uddhumātabhāvapaccupaṭṭhāno. Abbhūṇṇatilakkhaṇo **atimāno**, ativiya ahaṃkāraso, accuddhumātabhāvapaccupaṭṭhāno.

Mattabhāvalakkhaṇo **mado**, madaggahaṇaraso, ummādapaccupaṭṭhāno. Pañcasu kāmaguṇesu cittassa vossaggalakkhaṇo **pamādo**, vossaggānuppadanaraso, sativippavāsapaccupaṭṭhānoti evaṃ imesaṃ dhammānaṃ lakkhaṇādīni veditabbāni. Ayamettha saṅkhepo, vitthāro pana “tattha katamo koḍho”tiādinā vibhaṅge (vibha. 891) vuttanayeneva veditabbo.

Visesato cettha āmisagiddho attanā alabhanto aññassa lābhino kujjhati, tassa sakim uppanno koḍho kodhoyeva. Taduttari upanāho. So evaṃ kuddho upanayhanto ca santepi aññassa lābhino guṇaṃ makkheti “ahampi tādiso”ti ca yugaggāhaṃ gaṇhāti. Ayamassa makkho ca palāso ca, so evaṃ makkhī palāsī tassa lābhasakkārādīsu “kim imassa iminā”ti issati padussati, ayamassa issā. Sace panassa kāci sampatti hoti, tassā tena sādharmaṇabhāvaṃ na sahati, idamassa maccheraṃ. Lābhahetu kho pana attano santepi dose pañicchādeti, ayamassa māyā. Asantepi guṇe pakāseti, idamassa sāṭheyyaṃ. So evaṃ paṭipanno sace pana yathādhippāyaṃ lābhaṃ labhati, tena thaddho hoti amuducitto “na idaṃ evaṃ kātabba”nti ovaditum asakkuṇeyyo, ayamassa thambho. Sace pana naṃ koci kiñci vadati “na idaṃ evaṃ kātabba”nti, tena sāraddhacitto hoti, bhākuṭṭikamukho “ko me tva”nti pasayhabhāñī, ayamassa sārambho. Tato thambhena “ahameva seyyo”ti attānaṃ maññanto mānī hoti. Sārambhena “ke ime”ti pare atimaññanto atimānī, ayamassa māno ca atimāno ca. So tehi mānātimānehi jātimadādiānekarūpaṃ madam janeti, matto samāno kāmaguṇādībhedesu vatthūsu pamajjati, ayamassa mado ca pamādo cāti veditabbam.

Sabbe kilesāti sabbepe akusalā dhammā. Upatāpanaṭṭhena vibādhanatṭhena ca **kilesā**. Kilesapūṭikattā **duccaritā**. Kilesadarathakaraṇatṭhena **darathā**. Antoḍāhādīkaraṇatṭhena **parīlāhā**. Sadā tāpanatṭhena **santāpā**. Akosallasambhūtatṭhena abhisāṅkharatṭhena ca sabbe **akusalābhisāṅkhārā**.

Kenatthenāti kena atthena. Abhibhavanāditividham attham dassetum “**parisahantīti parissayā**”tiādīmāha. **Parisahantīti** dukkham uppādentī abhibhavanti. **Parihānāya samvattanīti** kusalānam dhammānam pariccanāyā samvattanti. **Tatrāsāyāti** tasmim sarīre akusalā dhammā āsayanti nivasanti uppajantīti attho. **Te parissayāti** kāyaduccarītādayo upaddavā. **Kusalānam dhammānam antarāyāyāti** upari vattabbānam sammāpaṭipadādito kosallasambhūtānam dhammānam antaradhānāya adassanathāya samvattanti. **Sammāpaṭipadāyāti** sundarāya pasatthāya vā paṭipadāya, na micchāpaṭipadāya. **Anulomapaṭipadāyāti** aviruddhapaṭipadāya, na paṭilomapaṭipadāya. **Apaccanikapaṭipadāyāti** na paccanikapaṭipadāya, apaccathikapāṭipadāya. **Anvatthapaṭipadāyāti** atthaanugātāya paṭipadāya, uparūpari vadḍhitāya paṭipadāya. Yathā attho, tathā paṭipajjitabbāya paṭipadāyāti vuttaṃ hoti. “Attatthapaṭipadāyā”tipi pāli, taṃ na sundaram. **Dhammānudhammapaṭipadāyāti** dhammo nāma navalokuttaradhammo. Anudhammo nāma vipassanādi. Tassa dhammassa anurūpā dhammapaṭipadā dhammānudhammapaṭipadā, tassā dhammānudhammapaṭipadāya.

Sīlesu paripūrikarītāyāti pātimokkhasīlesu pāripūrim katvā tthitāya. **Indriyesu guttadvāratāyāti** “cakkhunā rūpaṃ disvā”tiādīnā (dī. ni. 1.213; a. ni. 3.16; ma. ni. 2.24; cūḷāni. mettagūmānavapucchāniddeśa 18) nayena vuttasu manacchaṭṭhesu indriyesu sugopitadvārabhāvassa. **Bhojane mattaññūtāyāti** paṭiggahaṇādisu pamāṇayuttatāya. Alaṃsāṭakādiṃ muṇcitvā mitabhōjanatāya.

Jāgariyānuyogassāti “divasaṃ caṅkamaṇa nisajjāya āvaraṇīyehi dhammehī”ti (a. ni. 3.16; ma. ni. 2.24) evamādinā nayena pañca jāgaraṇadhamme anuyogassa. **Satisampajaññassāti** sabbakammaṭṭhānabhāvanānuyuttānam sabbayogīnam sabbadā upakāraṅkassa satisampajaññassa.

Satipaṭṭhānānanti ārammaṇesu okkantivā pakkandivā upaṭṭhānato paṭṭhānam, satiyeva paṭṭhānam satipaṭṭhānam. Kāyavedanācittadhammesu panassā asubhadukkāhāniccānattākāragahaṇavasena subhasukhaniccattasāññāpahānākkiccasādhānavasena ca pavattito catudhā pabhedo hoti, tesam catunnam satipaṭṭhānānam.

Catunnam sammappadhānānanti padahanti etenāti padhānam, sobhanam padhānam sammappadhānam, sammā vā padahanti etenāti sammappadhānam, sobhanam vā taṃ kilesavirūpattavirahato, padhānañca hitasukhanipphādakaṭṭhena seṭṭhabhāvāvahanato, padhānabhāvakaraṇato cāti sammappadhānam, vīryasetaṃ adhivacanaṃ. Uppannuppannānam anuppannuppannānañca catunnam akusalakusalānam pahānānupattiuppādaṭṭhitikiccasādhānavasena pavattito panassa catudhā pabhedo hoti, tesam catunnam sammappadhānānam.

Catunnam iddhipādānanti ettha chandavīryacittavīmaṃsāsu ekeko ijjhatīti iddhi, samijjhati nipphajjati attho. Ijjhanti vā etāya sattā iddhā vuddhā ukkaṃsagatā hontīti iddhi. Paṭhamena atthena iddhiyeva pādoti iddhipādo, iddhikoṭṭhāsoti attho. Dutiyena atthena iddhiyā pādoti iddhipādo, pādoti patiṭṭhā adhiḡamupāyoti attho. Tena hi yasmā uparūparivisesasaṅkhātānam iddhiṃ pajjanti pāpuṇanti, tasmā pādoti vuccati. Tesam catunnam iddhipādānam.

Sattannam bojjaṅgānanti bodhiyā, bodhissa vā aṅgāti bojjaṅgā. Idaṃ vuttaṃ hoti, yā esā dhammasāmaggī yāya lokuttaramaggakkhaṇe uppajjamānāya līnuddhacapaṭiṭṭhānāyūhanakāmasukhattakīlamathānuyogaucchedasassatābhinivesādīnam anekesaṃ upaddavānam paṭipakkhabhūtāya satidhammavicayavīriyapītipassaddhisamādhiupekkhāsāṅkhātāya dhammasāmaggiyā ariyasāvako bujjhatīti katvā “bodhī”ti vuccati, **bujjhatīti** kilesasantānaniddāya utṭhahati, cattāri vā ariyasaccāni paṭivijjhati, nibbānameva vā sacchikaroti, tassā dhammasāmaggisāṅkhātāya bodhiyā aṅgātipi bojjaṅgā jhānaṅgamaggaṅgādīni viya. Yo panesa yathāvuttappakārāya etāya dhammasāmaggiyā bujjhatīti katvā ariyasāvako “bodhī”ti vuccati, tassa bodhissa aṅgātipi bojjaṅgā senāgarathāṅgādayo viya. Tenāhu aṭṭhakathācariyā “bujjhanakassa puggalassa aṅgāti bojjaṅgā”ti. Tesam sattannam bojjaṅgānam.

Ariyassa aṭṭhaṅgikassa maggassāti ariyoti taṃtaṃmaggaṃvijjakīlesehi ārakattā ariyabhāvakarattā ariyaphalapaṭilābhakarattā ca ariyo. Aṭṭhaṅgāni assāti aṭṭhaṅgiko. Svāyaṃ caturaṅgikā viya senā, pañcaṅgikaṃ viya ca tūriyaṃ aṅgamattameva hoti, aṅgavinimutto natthi. Nibbānaṃ maggati, kīlese vā mārento gacchatīti maggo, tassa ariyassa aṭṭhaṅgikassa maggassa bhāvanānuyogassa. **Imesaṃ kusalānam dhammānanti** vuttappakārānam lokiyalokuttarakusaladhammānam. **Antarāyāyāti** lokuttarakusaladhammānam antarāyāya antaradhānāya lokiyakusaladhammānam pariccāgāya.

Tesu lokuttarakusaladhammānam uppajjitum appadānaṭṭhena **parissayā** nāma. Te hi uppajjitvā nirujjhamānā upaddavaṃ nāvahanti. **Tattheteti** tasmim attabhāve ete. **Pāpakāti** lāmakā. **Attabhāvasannissayāti** attabhāvaṃ upanissāya ārammaṇam katvā uppajantīti attabhāvasannissayā. **Daketi** udake.

Vuttaṃ hetanti kathitañhi etaṃ. **Sāntevāsikoti** antevāsikasāṅkhātēna kilesena saha vasatīti sāntevāsiko. **Sācariyakoti** samudācaraṇasāṅkhātēna kilesena saha vasatīti sācariyako.

Cakkhunā rūpaṃ disvāti cakkhuvīññānena rūpaṃ passivā. Upari **sotena saddaṃ sutvāti**ādisupi eseṃ nayo. **Uppajantīti** samudācaranti. **Sarasāṅkappāti** nānārammaṇe saṃsaraṇavasena uppannā parikappā. **Samyojanīyāti** ārammaṇabhāvaṃ upagantvā samyojanasambandhanena samyojanānam hitā. **Tyassāti** te pāpakā assa puggalassa. **Anto**

vasantī abbhantare citte nivasanti. **Anvāsavantī** kilesasantānaṃ anugantvā bhusaṃ savanti anubandhanti. **Te nanti** taṃ puggalaṃ ete akusalā dhammā. **Samudācarantī** sammā ācaranti pavattantī attho.

Kilissanaṭṭhena **malā**. Sattuatthena **amittā**. Veriatthena **sapattā**. Hananaṭṭhena **vadhakā**. Paccāmittaṭṭhena **paccatthikā**. Atha vā **malā** sūriyassopakkilesavalāhakā viya. **Amittā** sūriyassa dhūmaṃ viya. Sapattā sūriyassa himaṃ viya. **Vadhakā** sūriyassa rajaṃ viya. **Paccatthikā** sūriyassa rāhu viya. “**Malā** suvaṇṇassa malaṃ viya cittappabhānāsakā. **Amittā** kāḷalohamalaṃ viya citte siniddhabhāvanāsakā, **sapattā** yuganaddhaṃ yujjhantā sapattā viya citte patiṭṭhitadhammadhamsakā. **Vadhakā** manussaghātakā viya dhammaghātakā. **Paccatthikā** raññā upagatassa vināso viya mokkhamaggassa paṭisedhakā” ti evameke vaṇṇayanti.

Anatthajananoti na atthaṃ anattaṃ, taṃ anattaṃ uppādetīti anatthajananano. Ko so? Lobho. **Cittappakopanoti** cittassa pakopano calano, kusalaṃ nivāretvā cittaṃ rundhatīti attho. **Bhayamantarato jātanti** abbhantare attano cittyeva jātaṃ, anattaajananādibhayahetu. **Taṃ jano nāvabujjhantīti** taṃ bhayaṃ bālamahājano avagantvā otarivā na jānāti. **Atthanti** luddho puggalo lokiyalokuttaraatthaṃ na jānāti. **Dhammanti** tassa hetuṃ. **Andhatamanti** bahalandhakāraṃ. **Yanti** yasmā, yaṃ naraṃ vā. **Sahateti** abhibhavati.

Ajjhattanti sakasantāne. **Uppajjamānā uppajjantīti** pubbantato uddhaṃ uppajjamānā ahitāya uppajjanti dukkhāya. Tadubhayena aphāsuvihārāya. **Ahitāyāti** cetasikadukkhathāya. **Dukkhāyāti** kāyikadukkhathāya. **Aphāsuvihārāyāti** tadubhayena na sukhavīharathāya. Atha vā “**uppajjamānā uppajjantīti** bhavaṅgalanato paṭṭhāya yāva voṭṭhabbanā, tāva uppajjamānā nāma. Voṭṭhabbanāṃ pana patvā anivattanabhāvena uppajjanti nāmā” ti evameke vaṇṇayanti.

Tacasāraṃva samphalanti attano phalena nāsitaṃ tacasārasaṅkhātāṃ veḷu viya. **Araṭīti** kusalesu dhammesu ukkaṅṭhitatā. **Raṭīti** pañcakāmaguṇe abhirati. **Lomahaṃsoti** kaṅṭhakasadiṣo hutvā uddhaggalomo. **Itonidānāti** ayaṃ attabhāvo nidānaṃ paccayo etesanti itonidānā. **Itojāti** ito attabhāvato jātā. **Ito samuṭṭhāya manovitakkāti** yathā dīghasuttakena pāde baddhaṃ kākāṃ kumārakā tassa suttassa pariyaṅgaṃ aṅgulimaṃ veṭṭhetvā ossajjanti, so dūraṃ gantvāpi puna tesāṃ pādāmūleyeva patatī, evameva ito attabhāvato samuṭṭhāya pāpavitakkā cittaṃ ossajjanti.

“Sāntevāsiko” tiādikāṃ paṭhamasuttaṃ kilesena sahaṃvāsāṃ sandhāya vuttaṃ. “Tayome, bhikkhave, antarāmalā” tiādikāṃ dutiyaṃ kusalahammamalīnakaraṇavasena atthānatthassa ajānanavasena ca. “Tayo kho, mahārāja, purisassa dhammā ajjhantaṃ uppajjamānā” tiādikāṃ tatiyaṃ attano nissayaghātanavasena. “Rāgo ca doso ca itonidānā” tiādikāṃ catutthaṃ kilesānaṃ patiṭṭhādassanavasena vuttanti nātappaṃ.

Tato tato parissayatoti tamhā tamhā upaddavā. **Taṃ puggalanti** vuttappakāraṃkilesasamaṅgipuggalaṃ. **Dukkhāṃ anvetīti** dukkhāṃ anu eti mātu pacchato khīrapivako viya. **Anugacchatīti** samīpaṃ gacchati coraghātako viya vajjhappattassa. **Anvāyikaṃ hotīti** sampattaṃ hoti dhammaganthikāya paricchedo viya. **Jātidukkhanti** jātisaddassa tāva aneke atthā paviditā. Yathā –

Bhavo kulaṃ nikāyo ca, sīlaṃ paññatti lakkhaṇaṃ;
Pasūti sandhi cevāti, jātiatthā paviditā.

Tathā hissa “ekampi jātiṃ dvepi jātiyo” tiādisu (pārā. 12; dī. ni. 1.31; ma. ni. 2.257) bhavo attho. “Akkhitto anupakkuṭṭho jātivādenā” ti (dī. ni. 1.303) ettha kulaṃ. “Atthi, visāke, nigaṅṭhā nāma samaṇajātī” ti (a. ni. 3.71) ettha nikāyo. “Yatohaṃ, bhagini, ariyāya jātiyā jāto nābhijānāmī” ti (ma. ni. 2.351) ettha ariyasīlaṃ. “Tiriya nāma tiṇajāti nābhiyā uggantvā nabhaṃ āhacca ṭhitā ahoṣī” ti (a. ni. 5.196) ettha paññatti. “Jāti dvīhi khandhehi saṅgahitā” ti (dhātu. 71) ettha saṅkhatalakkhaṇaṃ. “Sampatijāto, ānanda, bodhisatto” ti (dī. ni. 2.31; ma. ni. 3.207) ettha pasūti. “Bhavapaccayā jāti” ti (mahāva. 1; udā. 1; ma. ni. 1.403; saṃ. ni. 2.53; vibha. 225; kathā. 450) ca, “jātipi dukkhā” ti (mahāva. 14; vibha. 190; dī. ni. 2.387; ma. ni. 2.373; saṃ. ni. 5.1081; paṭi. ma. 2.30) ca ettha pariyaṅgato paṭisandhikkhaṇo, nipariyaṅgato pana tattha tattha nibbattamānānaṃ sattānaṃ ye ye khandhā pātubhavanti, tesāṃ tesāṃ paṭhamapātubhāvo jāti nāma.

Kasmā panesā jāti dukkhāti ce? Anekasaṃ dukkhānaṃ vatthubhāvato. Anekāni hi dukkhāni. Seyyathidaṃ – dukkhadukkhāṃ vipariṇāmadukkhāṃ saṅkhāradukkhāṃ paṭicchannadukkhāṃ appaṭicchannadukkhāṃ pariyaṅyadukkhāṃ nipariyaṅyadukkhanti.

Tattha kāyikacetāsikā dukkhavedanā sabhāvato ca nāmato ca dukkhattā “**dukkhadukkhā**” nti vuccati.

Sukhavedanā vipariṇāmena dukkhupattihetuto **vipariṇāmadukkhāṃ**. Upekkhāvedanā ceva avasesā ca tebhūmakā saṅkhārā udayabbayapīṭitattā **saṅkhāradukkhāṃ**.

Kaṅṇasūladantasūlarāgajaparilāhadosaṃmohajaparilāhādī kāyikacetāsiko ābādho pucchitvā jānitabbato upakkamassa ca apākaṭabhāvato **paṭicchannadukkhāṃ**. Apākaṭadukkhantiṭipi vuccati.

Dvattiṃsakammakāraṇādisamuṭṭhāno ābādho apucchitvā jānitabbato upakkamassa ca pākaṭabhāvato

appañicchannadukkhaṃ. Pākaṭadukkhaṅtipi vuccati.

Ṭhapetvā dukkhadukkhaṃ sesaṃ dukkhasaccavibhaṅge āgataṃ jātiādi sabbampi tassa tassa dukkhassa vatthubhāvato **pariyāyadukkhaṃ.** Dukkhadukkhaṃ pana **nippariyāyadukkhaṅti** vuccati.

Tatrāyaṃ jāti yaṃ taṃ **bālapaṇḍitasuttādīsu** (ma. ni. 3.246 ādayo) bhagavatāpi upamāvasena pakāsitaṃ āpāyikaṃ dukkhaṃ, yañca sugatīyampi manussaloke gabbhokkantimūlakādibhedaṃ dukkhaṃ uppajjati, tassa vatthubhāvato dukkhā.

Tatridaṃ gabbhokkantimūlakādibhedaṃ dukkhaṃ – ayañhi satto mātukucchimhi nibbattamāno na uppalapadumapuṇḍarikādīsu nibbattati, atha kho heṭṭhā āmāsāyassa upari pakkāsāyassa udarapaṭalapiṭṭhikaṅṭakānaṃ vemajjhe paramasambādhe tibbandhakāre nānakuṇapagandhapariabhāvite asuciparamaduggandhapavanavīcarite adhimattajegucche kucchippadese pūtimacchappūtikummāsacandanikādīsu kimi viya nibbattati. So tattha nibbato dasa māse mātukucchisambhavana usmanā puṭapākaṃ viya paccamāno piṭṭhapiṇḍi viya sediyamāno samīñjanapasāraṇādivirahito adhimattaṃ dukkhaṃ paccanubhotīti, idaṃ tāva **gabbhokkantimūlakam** dukkhaṃ.

Yaṃ pana so mātu sahasā upakkhalanagamanasīdanavutṭhānāparivattanādīsu surādhuttahatthagato eḷako viya ahitūṇḍikahatthagato sappapotako viya ca ākaḍḍhanaparikaḍḍhanaodhunānaddhunānādinā upakkamena adhimattaṃ dukkhaṃ anubhavati, yañca mātu sītudakapānakāle sītanarakupapanno viya uṇhayāgubhattādiājjhoharaṅakāle aṅgāravutṭhisamparikīṇṇo viya loṇambilādiājjhoharaṅakāle khārāpañicchakādīkammakāraṇapatto viya tibbaṃ dukkhaṃ anubhoti, idaṃ **gabbhāpariharaṅamūlakam** dukkhaṃ.

Yaṃ panassa mūlhaḡabbhāya mātuyā mittāmaccaṣahajjādīhipi adassanārahe dukkhuppattiṭṭhāne chedanaphālanādīhi dukkhaṃ uppajjati, idaṃ **gabbhavipattimūlakam** dukkhaṃ.

Yaṃ vijāyamānāya mātuyā kammajehi vātehi parivattetvā narakaṇapātaṃ viya atibhāyānaṃ yonimaggaṃ paṭipātiyamānassa paramasambādheṇa ca yonimukheṇa tāḷacchiggaḷena viya mahānāgassa nikaḍḍhiyamānassa narakasattassa viya ca saṅghātapabbatehi vicuṇṇiyamānassa dukkhaṃ uppajjati, idaṃ **vijāyanamūlakam** dukkhaṃ.

Yaṃ pana jātassa taruṇavaṇasadisasukhumālasarīrassa hatthaggaṇaṇāhāpanadhovanacoḷaparimajjanādīkāle sūcimukhakhuradhārāhi vijjhanaphālanasadisam dukkhaṃ uppajjati, idaṃ mātukucchito **bahinikkhamanamūlakam** dukkhaṃ.

Yaṃ pana tato paraṃ pavattiyam attanāva attānaṃ vadhentassa acelakavatādivasena ātāpanaparitāpanānuयोगamanuyuttassa kodhavasena abhuñjantassa ubbandhantassa ca dukkhaṃ hoti, idaṃ **attūpakkamamūlakam** dukkhaṃ.

Yaṃ pana parato vadhabandhanādīni anubhavantassa dukkhaṃ uppajjati, idaṃ **parūpakkamamūlakam** dukkhanti.

Iti imassa sabbassāpi dukkhassa ayaṃ jāti vatthumeva hoti, idaṃ **jātidukkhaṃ** anveti.

Jarādukkhaṅti duvidhā jarā – saṅkhatalakkhaṇaṅca khaṇḍiccādisammato santatiyaṃ ekabhavapariyāpanno khandhapurāṇabhāvo ca, sā idha adhippetā. Sā panesā dukkhā saṅkhāradukkhabhāvato ceva dukkhavattuto ca. Yaṃ hidaṃ aṅgapaccāṅgasithilabhāvato indriyavikāravirūpatā yobbanavināsabalūpaghātasatimativippavāsaparaparibhāvādiānekapaccayaṃ kāyikacetasikaṃ dukkhamuppajjati, jarā tassa vatthu. Tenetaṃ vuccati –

“Aṅgānaṃ sithilabhāvā, indriyānaṃ vikārato;
Yobbanassa vināsena, balassa upaghātato.

“Vippavāsā satādīnaṃ, puttadārehi attano;
Appasādanīyato ceva, bhīyyo bālappattiyā.

“Pappoti dukkhaṃ yaṃ macco, kāyikaṃ mānaṣaṃ tathā;
Sabbametaṃ jarāhetu, yasmā tasmā jarā dukkhā”ti. (vibha. aṭṭha. 192; visuddhi. 2.542);

Idaṃ jarādukkhaṃ anvetīti sambandho. **Byādhi**ti vividhaṃ dukkhaṃ ādahati vidahatīti byādhi. Byādhayati tāpayati kampayatīti vā **byādhi**.

Maraṇadukkhaṅti etthāpi duvidhaṃ maraṇaṃ saṅkhatalakkhaṇaṅca, yaṃ sandhāya vuttaṃ “jarāmarāṇaṃ dvīhi khandhehi saṅgahita”nti (dhātu. 71). Ekabhavapariyāpannājīvitindriyapabandhavicchedo ca, yaṃ sandhāya vuttaṃ “niccaṃ maraṇato bhaya”nti (su. ni. 581; jā. 1.11.88). Taṃ idha adhippetam. Jātipaccayā maraṇaṃ upakkamamaraṇaṃ sarasamaraṇaṃ āyukkhaṃamaraṇaṃ puññakkhayaṃmaraṇanti taseva nāmaṃ. Puna khaṇikamaraṇaṃ sammutimaraṇaṃ samucchadamaraṇanti ayampi bhedo veditabbo. Pavatte rūpārūpadhammānaṃ bhedo **khaṇikamaraṇaṃ** nāma. Tisso mato phusso matoti idaṃ paramatthato sattassa abhāvā, sassaṃ matam, rukkho matoti idampi jīvitindriyassa abhāvā **sammutimaraṇaṃ** nāma.

Khīnāsavassa appaṭṭisandhikā kālakiriya **samucchedamaraṇaṃ** nāma. Bāhiraśammutimaraṇaṃ tṭhapetvā itaraṃ sammutimaraṇaṃ idha yathāvuttappabandhavicchedanabhāvena saṅgahitaṃ, dukkhassa pana vatthubhāvato dukkhaṃ. Tenetaṃ vuccati –

“Pāpassa pāpakammādi-nimittamanupassato;
Bhaddassāpasahantassa, viyogaṃ piyavatthukaṃ;
Mīyamānassa yaṃ dukkhaṃ, mānaṃ avisesato.

“Sabbesañcāpi yaṃ sandhi-bandhanacchedanādikaṃ;
Vituḷḷamānamammānaṃ, hoti dukkhaṃ sarīrajaṃ.

“Asayhamappatikāraṃ, dukkhassetassidaṃ yato;
Maraṇaṃ vatthu tenetaṃ, dukkhamicceva bhāsita”nti. (vibha. aṭṭha. 193; visuddhi. 2.543);

Sokaparidevadukkhadomanassupāyāsadukkhanti ettha sokādīsu **soko** nāma ñātibyaśanādīhi phuṭṭhassa antonijjhānalakkhaṇo cittasantaṇṇo. Dukkho paṇassa dukkhadukkhattā ceva dukkhassa ca vatthubhāvato. Tenetaṃ vuccati –

“Sattānaṃ hadayaṃ soko, sallaṃ viya vituḷḷati;
Aggītattova nārāco, bhusañca ḍahate puna.

“Samāvahati ca byādhi-jarāmaraṇabhedaṇaṃ;
Dukkhampi vividhaṃ yasmā, tasmā dukkhoti vuccatī”ti. (vibha. aṭṭha. 194; visuddhi. 2.544);

Paridevo nāma ñātibyaśanādīhi phuṭṭhassa vacīpalāpo. Dukkho paṇassa saṃsāradukkhabhāvato dukkhavattuto ca. Tenetaṃ vuccati –

“Yaṃ sokasallavihatō paridevamāno, kaṇṭhoṭṭhatālulalasośajamappasayaṃ;
Bhiyyodhimattamadhiḡacchatiyeva dukkhaṃ, dukkhoti tena bhagavā paridevamāhā”ti. (vibha. aṭṭha. 195; visuddhi. 2.545);

Dukkhaṃ nāma kāyapīḷānalakkhaṇaṃ kāyikaṃ dukkhaṃ. Dukkhaṃ paṇassa dukkhadukkhattā ceva mānaśadukkhāvahanato ca. Tenetaṃ vuccati –

“Pīḷeti kāyikamidaṃ, dukkhaṃ dukkhañca mānaśaṃ bhiyyo;
Janayati yasmā tasmā, dukkhanti viśesato vutta”nti. (vibha. aṭṭha. 196-197; visuddhi. 2.546);

Domanassaṃ nāma cittapīḷānalakkhaṇaṃ mānaśaṃ dukkhaṃ. Dukkhaṃ paṇassa dukkhadukkhattā ceva kāyikadukkhāvahanato ca. Cetodukkhamaṃpīṭā hi keśe pakiriya kandanti, urāni patipisenti, āvaṭṭanti, vivaṭṭanti, chinnapapātaṃ papatanti, satthaṃ āharanti, viśaṃ khādanti, rajjuyā ubbandhanti, aggiṃ pavisaṃti, nānappaḡāraṃ dukkhaṃ anubhavaṃti. Tenetaṃ vuccati –

“Pīḷeti yato cittaṃ, kāyassa ca pīḷanaṃ samāvahati;
Dukkhampi domanassaṃpi, domanassaṃ tato ahū”ti. (vibha. aṭṭha. 196-197; visuddhi. 2.547);

Upāyāso nāma ñātibyaśanādīhi phuṭṭhassa adhimattacetodukkhappabhāvito dośoyeva. **Saṅkhāradukkhadhapariyāpanno eko dhammoti** eke. Dukkho paṇassa saṅkhāradukkhabhāvato cittaṃ paridahanato kāyassa vihananato ca. Tenetaṃ vuccati –

“Cittassa ca paridahanā, kāyassa vihananato ca adhimattaṃ;
Yaṃ dukkhamupāyāso, janeti dukkho tato vutto”ti. (vibha. aṭṭha. 198; visuddhi. 2.548);

Ettha ca mandaggiṇā antobhājane pāko viya **soko**, tikkhaggiṇā paccamānaśa bhājanato bahi nikkhamaṇaṃ viya **paridevo**, bahi nikkhantāvasesassa nikkhamitumpi appahontassa antobhājaneyeva yāva pariḡkhaṃyā pāko viya **upāyāso** daṭṭhabbo.

Nerayikaṃ dukkhanti niraye pañcavidhabandhanādikaṃ dukkhaṃ anveti, taṃ devadūtasuttēna dīpetabbaṃ. Tenetaṃ vuccati –

“Jāyetha no ce narakesu satto, tathaggiḡidāhādikaṃ appasayaṃ;
Labhetha dukkhaṃ nu kuhiṃ patiṭṭhaṃ, iccāha dukkhāti muniḡha jāti”nti. (vibha. aṭṭha. 191; visuddhi. 2.541);

Tiraḡchānayaṇikaṃ dukkhanti tiraḡchāneśu kaśāpatodātāḷānavijjhānādikaṃ anekavidhaṃ dukkhaṃ anveti, taṃ bālapaṇḡitasuttato gaḡetabbaṃ. Tenetaṃ vuccati –

“Dukkhaṃ tiracchesu kasāpatodadaṇḍābhīghātādibhavaṃ anekaṃ;
Yaṃ taṃ kathaṃ tattha bhaveyya jātiṃ, vinā taṃ jātiṃ tatopi dukkhā”ti. (vibha. aṭṭha. 191; visuddhi. 2.541);

Pettivisayikaṃ dukkhanti petesu pana khuppipāsa vātāpādinibbattaṃ dukkhañca lokantare tibbandhakāre asayhasītādidukkhañca anveti. Tenetaṃ vuccati –

“Petesu dukkhaṃ pana khuppipāsāvātāpādinibbattaṃ vicittaṃ;
Yasmā ajātassa na tattha atthi, tasmāpi dukkhaṃ muni jātimāha.

“Tibbandhakāre ca asayhasīte, lokantare yaṃ asuresu dukkhaṃ;
Na taṃ bhava tattha na cassa jāti, yato ayaṃ jāti tatopi dukkhā”ti. (vibha. aṭṭha. 191; visuddhi. 2.541);

Mānusiḃaṃ dukkhanti manussesu vadhabandhanādikaṃ dukkhaṃ. **Gabbhokkantimūlakaṃ dukkhanti** “ayañhi satto mātukucchimhi nibbattamāno na uppalapadumapuṇḍarikādīsu nibbattati”tiādinā nayena yaṃ jātidukkhaṃ vuttaṃ, idaṃ tāva gabbhokkantimūlakaṃ dukkhaṃ anveti. **Gabbhe ṭhitimūlakaṃ dukkhanti** yaṃ pana “so mātu sahasā upakkhalanagamanasīdanā”tiādinā nayena yaṃ tibbaṃ dukkhaṃ vuttaṃ, idaṃ gabbhe ṭhitimūlakaṃ dukkhaṃ anveti. **Gabbhā vuṭṭhānamūlakaṃ dukkhanti** “yaṃ panassa mūlhaḃgabbhāya mātuyā mittāmaccaḃhājādhīpi adassanārahe dukkhuppattiṭṭhāne”tiādinā nayena yaṃ dukkhaṃ vuttaṃ, idaṃ mātukucchito bahi nikkhantamūlakaṃ dukkhaṃ anveti. Tenetaṃ vuccati –

“Yañcāpi gūthanarake viya mātugabbhe,
Satto vasaṃ ciramato bahi nikkhamanañca;
Pappoti dukkhamatighoramidampi natthi,
Jātiṃ vinā itipi jāti ayañhi dukkhā.

“Kiṃ bhāsitena bahunā nanu yaṃ kuhiñci,
Atthīdha kiñcirapi dukkhamidaṃ kadāci;
Nevatthi jātivirahe yadato mahesi,
Dukkhatī sabbapaṭṭhamamā imamāha jāti”nti. (vibha. aṭṭha. 191; visuddhi. 2.541);

Jātassūpanibandhakaṃ dukkhanti jātassa upanibandhanaṃ nhānalepanakhādanapivanādijagganadukkhaṃ anveti. **Jātassa parādheyyakaṃ dukkhanti** parassa aññassa āyattaṃ issariyadukkhaṃ anveti. “Sabbamā paravasamā dukkha”nti hi vuttaṃ. **Attūpakkamaṃ dukkhanti** yaṃ attanāva attānaṃ vadhentassa acelakavatādivasena ātāpanaparitāpanānuyogamanuyuttassa kodhavasena abhuñjantassa ubbandhantassa ca dukkhaṃ hoti, idaṃ attūpakkamaṃ dukkhaṃ anveti. **Parūpakkamaṃ dukkhanti** yaṃ parato vadhabandhanādīni anubhavantassa uppajjati, idaṃ parūpakkamaṃ dukkhaṃ anveti. **Dukkhadukkhaṃ dukkhanti** kāyikacetasikā dukkhā vedanā sabhāvato ca nāmato ca dukkhattā dukkhadukkhaṃ, idaṃ dukkhadukkhaṃ anveti. **Saṅkhāradukkhaṃ dukkhanti** upekkhāvedanā ceva avasesā ca tebhūmakasaṅkhārā udayabbayapīlitattā saṅkhāradukkhaṃ, idaṃ saṅkhāradukkhaṃ anveti. **Vipariṇāmadukkhaṃ dukkhanti** sukhavedanā vipariṇāmadukkhaṃ hetuto vipariṇāmadukkhaṃ, idaṃ vipariṇāmadukkhaṃ anveti.

Mātumaraṇanti mātuyā maraṇamā. **Pitumaraṇanti** pituno maraṇamā. **Bhātumaraṇanti** jeṭṭhakaniṭṭhabhātūnamā maraṇamā. **Bhaginimaraṇanti** jeṭṭhakaniṭṭhabhaginīnamā maraṇamā. **Puttamaraṇanti** puttānamā maraṇamā. **Dhītumaraṇanti** dhītūnamā maraṇamā. **Nātibyasaṇamā dukkhanti** nātīnamā byasaṇamā, corarogabhayādīhi nātikkhayo, nātivināsoti attho. Tena nātibyasaṇena phuṭṭhassa ajjhothaṭṭassa abhibhūtaṃ uppannaṃ dukkhaṃ nātibyasaṇamā dukkhaṃ, taṃ nātibyasaṇamā dukkhaṃ anveti. Sesaṃ eṣeva nayo. Ayaṃ pana viseso – bhogānamā byasaṇamā **bhogabyasaṇamā**, rājacorādivasena bhogakkhayo, bhogavināsoti attho. Vuttanayena taṃ bhogabyasaṇamā dukkhaṃ anveti. **Rogabyasaṇanti** rogo eva byasaṇamā rogabyasaṇamā. Rogo hi ārogyamā byasati vināsetīti byasaṇamā, vuttanayena taṃ rogabyasaṇamā dukkhaṃ anveti. **Sīlabyasaṇamā dukkhanti** sīlassa byasaṇamā sīlabyasaṇamā, dussīlyassetamā nāmamā. Vuttanayena taṃ sīlabyasaṇamā dukkhaṃ anveti. Sammādiṭṭhiṃ vināsayamānā uppannā diṭṭhiyeva byasaṇamā **diṭṭhibyasaṇamā**, vuttanayena taṃ diṭṭhibyasaṇamā dukkhaṃ anveti. Ettha ca purimāni dve anipphannāni, pacchimāni tīṇi nipphannāni tilakkhaṇāhatāni. Purimāni ca tīṇi neva kusalāni nākusalāni. Sīladiṭṭhibyasaṇadvayaṃ akusalamā.

Yathāti opamme. **Bhinnaṃ nāvanti** sithilabandhanaṃ nāvaṃ, jajjarībhūtaṃ vā padaruggahātimaṃ vā. **Dakamesinti** udakadāyimaṃ udakappavesaniṃ. **Tato tato udakaṃ anvetīti** tato tato bhinnaṭṭhānato udakaṃ pavasati. **Puratopīti** nāvāya purimabhāgatopi. **Pacchatopīti** tassā pacchimabhāgatopi. **Heṭṭhatopīti** adhobhāgatopi. **Passatopīti** ubhayapassatopi. Yaṃ antarantarā na vuttaṃ, taṃ pāṭhānūsārena veditabbaṃ.

Tasmā kāyagatāsatiādibhāvanāya jantu, sadā sato hutvā vikkhambhanasamucchedavasena rūpādīsu vatthukāmesu sabbappakāraṃpi kilesakāmaṃ parivajjento kāmāni parivajjeyya. Evaṃ te kāme pahāya tappahānakaramaggeneva catubbidhamā oghamā tareyya taritumā sakkuṇeyya. Tato yathā puriso garukaṃ nāvaṃ udakaṃ siñcitvā lahukāya nāvāya appakasireneva pāragū bhaveyya pāraṃ gaccheyya, evamevaṃ attabhāvanāyaṃ kilesūdakaḃgarukaṃ siñcitvā lahukena attabhāvena pāragū bhaveyya. Sabbadhammāpāraṃ nibbānaṃ gato bhaveyya, arahattappattiyā gaccheyya anupādisesāya

nibbānadhātuyā parinibbānenāti arahattanikūṭena desanaṃ niṭṭhāpesi.

Tasmāti yasmā jātiādikaṃ dukkhaṃ etaṃ puggalaṃ anveti, tasmā. **Taṃkāraṇā taṃhetūti**ādīsupi eseva nayo. Yasmā vuttappakāradukkhaṃ etaṃ anveti, taṃhetu. Yasmā anveti tappaccayā, yasmā anveti taṃnidānanti evaṃ padayojanā kātabbā. **Hetūti**ādīni kāraṇavevacanāni. Kāraṇāñhi tena tassa phalaṃ hinoti pavattatīti hetu. Taṃ taṃ paṭicca phalaṃ eti pavattatīti **paccayo**. “Handa naṃ gaṇhathā”ti dassentaṃ viya attano phalaṃ nidetīti **nidānaṃ**.

“**Taṃkāraṇāti** akāraṇanikkāraṇapaṭisedho. **Taṃhetūti** ahetaṃmahābhūtahetupaṭisedho. **Tappaccayāti** appaccayena saddhiṃ asādhāraṇapaccayapaṭisedho. **Taṃnidānāti** anidānena saha āgamādhigamanidānapaṭisedho”ti evameke vaṇṇayanti. **Etaṃ ādinavaṃ sampassamānoti** etaṃ vuttappakāraṃ upaddavaṃ vipassanāññānena sammā passamāno dakkhamāno.

Sadāti mūlapadaṃ. Puna **sadāti** atthapadaṃ. **Sadāti** sabbadivase. **Sabbadāti** sabbasmiṃ kāle. **Sabbakālanti** pubbañhādisabbakālaṃ. **Niccakālanti** divase divase. **Dhuvakālanti** abbochinnakālaṃ. **Satatanti** nirantaraṃ. **Samitanti** ekībhūtaṃ. **Abbokiṇṇanti** aññena asammissaṃ. **Poṅkhānupōṅkhanti** paṭipāṭiyā ghaṭitaṃ “poṅkhānupōṅkhaṃ avirādhitaṃ upaṭṭhātī”tiādīsū (saṃ. ni. 5.1115) viya. **Udakūmikajātanti** nibbattaudakaūmitaraṅgaṃ viya. **Avicīti** aviraḷaṃ. **Santatīti** anupacchinnāṃ. **Sahitanti** ghaṭitaṃ ekībhūtaṃ vā “sahitaṃ me, asahitaṃ te”tiādīsū (dī. ni. 1.202) viya. **Phassitanti** phusitaṃ “nivāte phusitaggaḷe”tiādīsū viya. **Purebhattaṃ pacchābhattanti** dve padāni divākālavibhāgavasena. **Purimaṃ yāmaṃ majjhimaṃ yāmaṃ pacchimaṃ yāmaṃ** tiṇi rattivibhāgavasena. **Kāle juṇheti** aḍḍhamāsavasena. **Vasse...pe... gimheti** tiṇi utuvasena. **Purime vayokhandhe...pe... pacchime vayokhandheti** tiṇi vayovibhāgavasena vuttānti nītabbaṃ.

Satoti catūhi kāraṇehi sato. “Kāye kāyānupassanāsati paṭṭhānaṃ bhāvento sato”tiādīni “evaṃ samucchedata kāme parivajjeyyā”ti pariyoṣānāni vuttatthāneva. Api ca **sattattā satoti** tīsu vatthūsū sattabhāvena vā tayo kilese paṭikkamāpetuṃ sattibhāvena vā satattā **sato**. **Santattāti** kilesopakkilese palāpetvā ṭhānena ca ārammaṇena ca pamocetvā santattā **sato**. **Samitattāti** iṭṭhaphaladāyaka puññena ca anīṭṭhaphaladāyaka pāpena ca samitattā **sato**. **Santadhammasamannāgatoti** sappurisadhamme bhajanato buddhādiariyapuggale sevanto santadhammasamannāgatattā **sato**.

Vatthukāme pariṇānitvāti ete vuttappakāre tebhūmake vatthukāme tīraṇapariññāya jānitvā. **Pahāyāti** kilesakāme pahānapariññāya pariccajītvā. **Pajahitvāti** chaḍḍetvā. Kiṃ kacavaraṃ viya piṭakenāti? Na hi, api ca kho taṃ vinodetvā taritvā vijjhītvā nīharitvā. Kiṃ balibaddamiva patodenāti? Na hi, atha kho taṃ **byantiṃ karitvā** vigatantaṃ karitvā. Yathāssa antopi nāvasissati, antamaso bhaṅgamattampi, tathā taṃ karitvā. Kathaṃ pana taṃ tathā katanti? **Anabhāvaṃ gahetvā** anu abhāvaṃ gametvā. Samucchedaṃ pahānena yathā samucchinnā hoti, tathā karitvāti vuttaṃ hoti. Esa nayo kāmacchandanīvaraṇādīsū.

Kāmoghantiādīsū pañcakāmaguṇīkarāgo avasīdanaṭṭhena “kāmogho”ti vuccati. **Bhavoghoti** rūpārūpabhavesu chandarāgo jhānanikanti ca. **Diṭṭhohhoti** sassatadiṭṭhādisahagatā bhava paṭhanāyeva, diṭṭhohgo bhavoghe eva samodhānaṃ gacchati. Avijjogho catūsū saccesu aññānaṃ. Tattha kāmaguṇe assādato manasi karoto anuppanno ca kāmogho uppajjati, uppanno ca kāmogho saṃvaḍḍhati. Mahaggaṭadhamme assādato manasi karoto anuppanno ca bhavogho uppajjati, uppanno ca saṃvaḍḍhati. Tebhūmakadhammesu catuvipallāsapadaṭṭhānabhāvena anuppanno ca avijjogho uppajjati, uppanno ca saṃvaḍḍhatīti vedītabbo. Vuttanayapaccanīkato sukkapakkho vitthāretabbo.

Appaṇhitavimokkhaṃ paṭipanno **kāmoghaṃ**, animittavimokkhaṃ paṭipanno **bhavoghaṃ**, suññatavimokkhaṃ paṭipanno **avijjoghañca** tareyya. Paṭhamamaggavasena **tareyya**, dutiyamaggavasena **uttareyya**, tatiyamaggavasena **patareyya**, catutthamaggavasena **amatikkameyya**, phalavasena **vītivatteyyāti**. Atha vā “kāmoghasena **tareyya**, bhavoghasena **uttareyya**, diṭṭhohgasena **patareyya**, avijjoghasena **amatikkameyya**, sabboghasena **vītivatteyyā**”ti evameke vaṇṇayanti.

Garukanti na sallahukaṃ. **Bhārikanti** bhārabhaṇḍaṃ ettha ṭhapaṇṭīti bhārikaṃ. **Udakaṃ sitvāti** udakaṃ siñcitvā. **Osiñcitvāti** atirekaṃ siñcitvā. **Chaḍḍetvāti** pātetvā. **Lahukāyāti** sallahukāya. **Khippanti** siṅhaṃ. **Lahunti** taṃkhaṇaṃ. **Appakasirenevāti** nidukkheveva. **Pāraṃ vuccati amataṃ nibbānanti** sakkāyaorato pārābhūtaṃ pāraṃ. Taṇhāvānato nikkhantaṃ nibbānaṃ kathīyati. **Yosoti** yo eso. **Sabbasañkhārasamathoti**ādī sabbāṃ nibbānameva. Yasmā hi taṃ āgama sabbasañkhāravipphanditāni samanti vūpasamanti, tasmā “sabbasañkhārasamatho”ti vuccati. Yasmā cetaṃ āgama sabbe upadhayo paṭinissatthā honti, sabbā taṇhā khīyanti, sabbe kilesarajjā virajjanti, sabbā dukkhaṃ nirujjhati, tasmā “sabbūpadhipaṭinissaggo, taṇhakkhāyo, virāgo, nirodho”ti vuccati. Yā panesā taṇhā bhavena bhavaṃ, phalena vā saddhiṃ kammaṃ vinati saṃsibbatīti katvā vānanti vuccati, tato nikkhantaṃ vānatoti nibbānaṃ. **Pāraṃ gaccheyya** nimittavasena ekato vuṭṭhānagotrābhūñānena nibbānapāraṃ pāpuṇeyya. **Adhigaccheyya** nimittapavatthehi ubhatovuṭṭhānamaggañānena nibbānapāraṃ viśesena pāpuṇeyya. **Phuseyya** nibbānārammaṇaphalacittavasena nibbānapāraṃ phuseyya. **Sacchikareyya** guṇavasena phusitvā paccavekkhaṇāñānena nibbānapāraṃ paccakkhaṃ kareyya. Atha vā “paṭhamamaggena **pāraṃ gaccheyya**, dutiyena **adhigaccheyya**, tatiyena **phuseyya**, catutthena **sacchi kareyyā**”ti evameke vaṇṇayanti. **Yopi pāraṃ gantukāmoti** yo koci vipassanāññāne ṭhito puggalo nibbānapāraṃ gantukāmo, sopi avassaṃ tattha gamissatīti **pāragū**. Vuttañhetā – “otiṇṇomhi jātiyā jarāya maraṇena sokehi paridevehi dukkhehi domanassehi upāyāsehi”tiādī. Pubbaḥāge ajjhāsayavasena vipassanāyogena ca, sopi pāragū nāma. **Yopi pāraṃ gacchati** yopi maggasamaṅgī nibbānapāraṃ gacchati, sopi pāragū nāma. **Yopi pāraṃ gatoti** yopi maggena kiccaṃ niṭṭhāpetvā phale ṭhito nibbānapāraṅgato, sopi pāragū nāma.

Taṃ jinavacanena dassetuṃ “**vuttampi hetam bhagavatā – tiṅṅo pāraṅgato thale tiṅṅhati brāhmaṇo**”tiādimāha. **Abhiññāpāragūti** adhiḡatena ñāṇena ñātapariññāya nibbānapāraṃ gantukāmo gacchati, gatoti pāragū. **Pariññāpāragūti** sabbadhamānaṃ tīraṇapariññāya samatikkamitvā vuttanayena pāragū. **Pahānapāragūti** samudayaḡakkhikānaṃ kilesānaṃ pahānapariññāya samatikkamitvā vuttanayena pāragū. Yo hi sabbadhammaṃ pariḡāṇāti, so tīhi pariññāhi pariḡāṇāti ñātapariññāya tīraṇapariññāya pahānapariññāyāti. Tattha katamā ñātapariññā? Sabbadhammaṃ jāṇāti “ime aḡḡhattikā, ime bāhirā, idamassa lakkhaṇaṃ, imāni rasapaccupaṅḡhānapadaṅḡhānāni”ti, ayaṃ **ñātapariññā**. Katamā tīraṇapariññā? Evaṃ ñātaṃ katvā labbhamānavasena sabbadhammaṃ tīreti “aniccato dukkhato rogato”tiādinā (saṃ. ni. 3.122), ayaṃ **tīraṇapariññā**. Katamā pahānapariññā? Evaṃ tīrayitvā aggamaḡgena dhammesu chandaṛāgaṃ pajahati, ayaṃ **pahānapariññāti**. Imā pariññāyo sandhāya “so abhiññāpāragū pariññāpāragū pahānapāragū”ti āha.

Bhāvanāpāragūti bhāvanāya koṅḡiṃ patvā maggavasena nibbānapāraṃ gato. **Sacchikiriḡpāragūti** phalanibbānavasena sacchi kiriḡaphalanibbānapāraṃ gato. **Samāpattipāragūti** aṅḡhannaṃ samāpattīnaṃ pāraṃ patto. **Sabbadhammānanti** paṅcakkhandhādisabbadhammānaṃ. **Sabbadukkānanti** jātidukkhādisabbadukkānaṃ. **Sabbakilesānanti** kāyaduccaritādisabbakilesānaṃ. **Ariyamaggānanti** sotāpattimagḡādicatunnaṃ ariyamaggānaṃ. **Nirodhassāti** nibbānassa. **Sabbasamāpattīnanti** sabbāsampi aṅḡhannaṃ rūpārūpasamāpattīnaṃ. **Soti** so ariyo. **Vasippattoti** vasibhāvappatto. Atha vā kantabhāvaṃ issariyabhāvaṃ nipphannabhāvaṃ patto. **Pāramippattoti** pāramīti avasānaṃ niṅḡhānaṃ, uttamabhāvaṃ vā taṃ patto. Kattha pattoti āha “**ariyasmiṃ silasmi**”ntiādi. Tattha **ariyasmiṃ silasmiṃ**ti niddosa silasmiṃ. **Ariyasmiṃ samādhismiṃ**ti niddosa samādhismiṃ. **Ariyāya paññāyāti** niddosāya paññāya. **Ariyāya vimuttiyāti** niddosāya phalavimuttiyā. Purimena vācākamantāḡivā gahitā, dutiyena vāyāmasatisamādhayo gahitā, tatiyena vitakkasammādiṅḡḡhiyo gahitā, catutthena taṃsampayuttā sesadhammā gahitāti veditabbā.

Antagatoti maggena saṅkhāralokantaṃ gato. **Antappattoti** tameva lokantaṃ phalena patto. **Koṅḡigatoti** maggena saṅkhāraḡoṅḡiṃ gato. **Koṅḡipattoti** tameva koṅḡiṃ phalena patto. **Pariyantagatoti** maggena khandhāyatanādilokapariyantaṃ paricchedaṃ parivaṅḡamaṃ katvā gato. **Pariyantappattoti** tameva lokaṃ phalena pariyaṅḡamaṃ katvā patto. **Vosānagatoti** maggena avasānaṃ gato. **Vosānappattoti** phalena avasānaṃ patto. **Tāṅḡagatoti** maggena tāyaṅḡamaṃ gato. **Tāṅḡappattoti** phalena tāyaṅḡamaṃ patto. **Leṅḡagatoti** maggena niḡiyanaṃ gato. **Leṅḡappattoti** taṃ phalena niḡiyanaṃ patto. **Saraṅḡagatoti** maggena paṅḡḡḡamaṃ gato. **Saraṅḡappattoti** phalena saraṅḡamaṃ patto. **Abhayagatoti** maggena nibbhayaṃ gato. **Abhayappattoti** phalena nibbhayaṃ nibbānaṃ patto. **Accutagatoti** cutivirahitaṃ nibbānaṃ maggena gato. **Accutappattoti** taṃ phalena patto. **Amatagatoti** maraṅḡarahitaṃ nibbānaṃ maggena gato. **Amatappattoti** taṃ phalena patto. **Nibbānagatoti** taṅḡhāvānato nikkhantaṃ nibbānaṃ maggena gato. **Nibbānappattoti** tameva phalena patto. **So vuṅḡhavāsoti** so arahā dasasu ariyavāsesu vasi parivasi vuṅḡḡho vuṅḡḡhāti ca vuṅḡḡhavāso. **Ciṅḡḡacaraṅḡoti** siḡlena saha aṅḡḡhasu samāpattīsu ciṅḡḡavasīti ciṅḡḡacaraṅḡo. **Gataddhoti** saṃsāradhānaṃ atikkanto. **Gatadisoti** supinantenapi agatapubbaṃ nibbānadisaṃ gato. **Gatakoḡḡikoti** anupādisesanibbānaḡoṅḡiṃ gato hutvā ḡḡito. **Pālītabrahmacariyoti** rakkhitabrahmacariyo. **Uttamadiṅḡḡhipattoti** uttamaṃ sammādiṅḡḡḡiṃ patto. **Paṅḡividdhākuppoti** akuppaṃ acalanaṃ arahattaphalaṃ paṅḡivijḡhitvā ḡḡito. **Sacchikatanirodhoti** nirodhaṃ nibbānaṃ sacchikatvā ḡḡito.

Dukkhaṃ tassa pariññānti tividhaṃ dukkhaṃ tena samatikkamitvā paricchinnaṃ. **Abhiññeyyanti** sabhāvalakkhaṅḡāvobodhavasena sobhanaena ākārena jāṇitabbaṃ. **Abhiññānti** adhikena ñāṇena ñātaṃ. **Pariññeyyanti** sāmāññālakkkhaṅḡāvobodhavasena kiccasamāpannavasena ca byāpitvā pariḡāṇitabbaṃ. **Pariññānti** samantato ñātaṃ. **Bhāvetabbanti** vaḡḡḡhetabbaṃ. **Sacchikātabbanti** paccakkhaṃ kātabbaṃ. Duvidhā hi sacchikiriḡā paṅḡilābhāsacchikiriḡā āramaṅḡasacchikiriḡā cāti.

Ukkhattapalighoti ettha **palighoti** vaṅḡamūlikā avijḡā. Ayañhi dukkhipanaṅḡḡhena “paligho”ti vuccati. Tenesa tassā ukkhittatā “ukkhittapaligho”ti vutto. **Samkiṅḡḡaparikhoti** parikhā vuccati punabbhavāḡāyako bhavesu jāyānavasena ceva saṃsaraṅḡavasena ca “jāṅḡisaṃsāro”ti laddhanāmānaṃ punabbhavakkhandhānaṃ paccayo kammābhisaṅkhāro. So hi punappunaṃ uppattikaraṅḡavasena parikkhipitvā ḡḡitattā “parikhā”ti vuccati. Tenesa tassā samkiṅḡḡatā vikiṅḡḡatā “samkiṅḡḡaparikho”ti vutto. **Abbūḡhesikoti** esikāti vaṅḡamūlikā taṅḡā. Ayañhi gambhīraṅḡugataṅḡḡhena “esikā”ti vuccati. Tenesa tassā abbūḡḡhātā luṅcivā chaḡḡḡitattā “abbūḡḡhesiko”ti vuccati. **Niraggaloti** agḡḡaṃ vuccanti orambhāḡajanaḡāni kāmaḡhave uppattipaccayāni orambhāḡiyāni. Etāni hi mahākavāṅḡaṃ viya naraḡadvāraṃ cittaṃ pidahitvā ḡḡitattā “agḡḡa”nti vuccanti. Tenesa tesamaṃ niraggalātā bhinnattā “niraggalo”ti vutto. **Ariyoti** nikkilesa parisuddho. **Pannaddhājoti** pātitaṃānaddhājo. **Pannabhāro**ti khandhabhāraḡakilesabhāraḡabisāṅkhārabhāraḡapaṅcakāmaguṅḡabhāraṃ pannaṃ oropitā assāti pannabhāro. Api ca idha mānabhārasseva oropitattā “pannabhāro”ti adhippeto. **Visaṃyuttoti** catūhi yogehi sabbakilesahi ca visaṃyutto. Idha pana mānayoḡeneva visaṃyuttatā “visaṃyutto”ti adhippeto.

Ettāvātā therena maggena kilese khepetvā nirodhasayanavaragatassa khīṅḡāsavassa nibbānāramaṅḡamaṃ phalasamāpattim appētvā viharanaḡkālo dassito. Yathā hi dve naraḡāni ekaṃ coranaraḡamaṃ, ekaṃ khēmanaraḡamaṃ. Atha ekassa mahāyodhassa evaṃ icchā uppajḡeḡya “yāvimaṃ coranaraḡamaṃ tiṅḡḡati, tāva khēmanaraḡamaṃ bhayato na muccati. Coranaraḡamaṃ anaraḡamaṃ karissāmi”ti sannāhaṃ katvā khagḡamaṃ gahetvā coranaraḡamaṃ upasaṅkamitvā naraḡadvāre ussāpīte esikatthaṃbhe khagḡena chinditvā saddhiṃ dvārabāhāhi kavāṅḡaṃ bhinditvā palighaṃ ukkhipitvā pākāraṃ bhindanto parikhaṃ saṃkiritvā naraḡasobhanaṅḡḡhāya ussāpīte dhaje pātētvā naraḡamaṃ agḡḡinā jhāpetvā khēmanaraḡamaṃ pavisitvā uparipāsādamāruyaḡa ñāḡiḡaṅḡaparivuto surasabhojanaṃ bhuṅḡeḡya. Evaṃ coranaraḡamaṃ viya sakkāyo, khēmanaraḡamaṃ viya nibbānaṃ, mahāyodho viya yogāvācaro. Tassevaṃ hoti “yāva sakkāyavaṅḡaṃ vaṅḡḡati, tāva dvattiṃsakammaḡāraṅḡehi aṅḡḡhanaḡavutiroḡehi

pañcavīsati mahabbhayehi ca parimuccanaṃ natthī’ ti. So mahāyodho viya sannāhaṃ sīlasannāhaṃ katvā paññātiṅhakkhaggaṃ gahetvā khaggena esikatthambhe viya arahattamaggena taṅhesikaṃ chinditvā, so yodho sadvārabāhakaṃ nagarakavātaṃ viya pañcorambhāgiyaṃ saṃyojanaggaṃ ugghoṭetvā, so yodho palighaṃ viya avijjāpalighaṃ ukkhipitvā, so yodho pākāraṃ bhindanto parikhaṃ viya kammābhisaikhārapākāraṃ bhindanto jātiṃ sārāparikhaṃ saṃkirivā, so yodho nagarasobhanatthāya ussāpīte dhaje viya mānaddhaje pātetvā sakkāyanagaraṃ jhāpetvā, so yodho khemanagaraṃ pavisitvā uparipāsāde surasabhojanaṃ bhuñjanto viya nibbānanagaraṃ pavisitvā amatanirodhārammaṇaṃ phalasamāpattisukhaṃ anubhavamāno kālaṃ vītināmeti. Vuttañhettaṃ bhagavatā (a. ni. 5.71) –

“Kathañca, bhikkhave, bhikkhu ukkhittapaligho hoti? Idha, bhikkhave, bhikkhuno avijjā pahīnā hoti ucchinnamūlā tālāvattukatā anabhāvaṃkatā āyatīṃ anuppādadhama. Evaṃ kho, bhikkhave, bhikkhu ukkhittapaligho hoti.

“Kathañca, bhikkhave, bhikkhu saṃkiṇṇaparikho hoti? Idha, bhikkhave, bhikkhuno ponobhaviko jātiṃ saṃsāro pahīno hoti...pe... evaṃ kho, bhikkhave, bhikkhu saṃkiṇṇaparikho hoti.

“Kathañca, bhikkhave, bhikkhu abbūḷhesiko hoti? Idha, bhikkhave, bhikkhuno taṅhā pahīnā hoti...pe... evaṃ kho, bhikkhave, bhikkhu abbūḷhesiko hoti.

“Kathañca, bhikkhave, bhikkhu niraggaḷo hoti? Idha, bhikkhave, bhikkhuno pañcorambhāgiyāni saṃyojanāni pahīnāni honti...pe... evaṃ kho, bhikkhave, bhikkhu niraggaḷo hoti.

“Kathañca, bhikkhave, bhikkhu ariyo pannaddhajo pannabhāro viṣaṃyutto hoti? Idha, bhikkhave, bhikkhuno asmimāno pahīno hoti ucchinnamūlo tālāvattukato anabhāvaṃkatā āyatīṃ anuppādadhama. Evaṃ kho, bhikkhave, bhikkhu ariyo pannaddhajo pannabhāro viṣaṃyutto hoti (a. ni. 5.71).

“Evaṃ vimuttacittaṃ kho, bhikkhave, bhikkhuṃ saindā devā sabrahmakā sapajāpatikā anvesaṃ nādhigacchanti ‘idaṃ nissitaṃ tathāgatassa viññāṇa’”nti (ma. ni. 1.246).

Pañcaṅgavippahīnoti kāmacchandā dipañcaṅgāni vividhehi upāyehi pajahitvā ṭhito. Vuttañhettaṃ –

“Kathañcāvuso, bhikkhu pañcaṅgavippahīno hoti? Idhāvuso, bhikkhuno kāmacchando pahīno hoti, byāpādo pahīno hoti, thinamiddhaṃ pahīnaṃ hoti, uddhaccakukkuccaṃ pahīnaṃ hoti, vicikicchā pahīnā hoti. Evaṃ kho, āvuso, bhikkhu pañcaṅgavippahīno hoti’ ti (dī. ni. 3.348, 360).

Chalaṅgasamannāgoti channaṃ aṅgānaṃ pūretvā chasu dvāresu rūpādīraṃmaṇe paṭighānūnayaṃ vajjetvā upekkhāvasena sato sampajāno hutvā viharāṇavasena chalaṅgāni pūretvā paripuṇṇaṃ katvā ṭhitattā “chalaṅgasamannāgoti’ ti vutto. Vuttañhettaṃ –

“Kathañcāvuso, bhikkhu chalaṅgasamannāgoti? Idhāvuso, bhikkhu cakkhunā rūpaṃ disvā neva sumano hoti na dummano, upekkhako viharatī sato sampajāno. Sotena saddaṃ sutvā...pe... ghānena gandhaṃ ghāyitvā, jivhāya rasaṃ sāyitvā, kāyena phoṭṭhabbaṃ phusitvā, manasā dhammaṃ viññāya neva sumano hoti na dummano, upekkhako viharatī sato sampajāno. Evaṃ kho, āvuso, bhikkhu chalaṅgasamannāgoti’ ti (dī. ni. 3.348, 360).

Ekārakkhoti satiārakkhena eko uttamo ārakkho assatī ekārakkho. Vuttañhettaṃ –

“Kathañcāvuso, bhikkhu ekārakkho hoti? Idhāvuso, bhikkhu satārakkhena cetasā samannāgoti viharatī. Evaṃ kho, āvuso, bhikkhu ekārakkho hoti’ ti (dī. ni. 3.348, 360).

Caturāpassenoti paññāya paṭisevanaparivajjanavinodanapajahanānaṃ vasena catunnaṃ apassayānaṃ ito cito ca aparivattamānānaṃ vasena caturāpasseno, tesam pāpuṇitvā ṭhito. Vuttañhettaṃ –

“Kathañcāvuso, bhikkhu caturāpasseno hoti? Idhāvuso, bhikkhu saṅkhāyekaṃ paṭisevati, saṅkhāyekaṃ parivajjeti. Saṅkhāyekaṃ vinodeti, saṅkhāyekaṃ pajahati’ ti ādinā (dī. ni. 3.348, 360) nayena vitthāretabbaṃ.

Paṇunnapaccekasaccoti “idameva dassanaṃ saccaṃ, idameva sacca’”nti evaṃ pāṭiekkhaṃ gahitattā paccekasaṅkhātāni dīṭṭhisaccāni paṇunnāni nihaṭāni pahīnāni assatī paṇunnapaccekasacco.

Samavayasaṭṭhesanoti ettha avayāti anūnā. Saṭṭhātī vissaṭṭhā. Sammā avayā saṭṭhā esanā assatī samavayasaṭṭhesano. Sammā vissaṭṭhasabbaesanoti attho. **Kevalīti** paripuṇṇo. **Vusitavāti** vusitabrahmacariyo, garusaṃvāse ariyamaggepi dasasu ariyavāsesupī vusitavanto. **Uttamapurisoti** khīṇakilesatā viṣeṣapuriso ājāññapuriso. **Paramapurisoti** uttamapuriso, paramaṃ vā paṭilābhaṃ pattattā uttamaṃ pattaṃ arahattaṃ paṭilābhaṃ patto anuttarapuññakkhettabhūto uttamapuriso, tenevatthena paramapuriso. Anuttaraṃ samāpattīṃ samāpajjituṃ amataṃ paṭilābhaṃ pattattā **paramapattipatto**. Atha vā “gharāvāse ādinavaṃ sañjānitvā sāsanapavisaṇavasena **uttamapuriso**. Attabhāve ādinavaṃ sañjānitvā vipassanāpavisaṇavasena

paramapuriso. Kilese ādinavaṃ sañjānitvā ariyabhūmantaraṃ pavitṭho **paramapattippattoti** evameke vaṇṇayanti.

Nevācinatīti kusalākusalānaṃ pahīnattā tesam vipākaṃ na vaḍḍheti. **Nāpacinatīti** phale tīhattā na viddhamseti. **Apacinitvā tītoti** paṭippassaddhipahāne tīhattā kilese viddhamsetvā tīto. Ito paraṃ tīhipi padehi maggaphalavaseneva yojetabbaṃ. **Neva pajahatīti** pahātabbābhāvena kilese na pajahati. **Na upādiyatīti** taṇhāmānadiṭṭhīti gahetabbābhāvato tehi na gaṇhāti. **Pajahitvā tītoti** cajitvā tīto. **Neva saṃsibbatīti** taṇhāvasena neva saṃsibbati. **Na ussinetīti** mānavasena na ukkaṃsati. **Visinitvā tītoti** taṇhāsaṃsīvanaṃ akatvā tītoti evameke vaṇṇayanti. **Neva vidhūpetīti** kilesaggiṃ na nibbāpeti. **Na sandhūpetīti** kilesaggiṃ na jālāpeti. **Vidhūpetvā tītoti** taṃ nibbāpetvā tīto.

Asekkhena sīlakkhandhenāti sikkhitabbābhāvena asekkhena vācākamantājīvasīlakkhandhena sīlarāsinā samannāgatattā tīto, aparīhīnabhāvena tīto. **Samādhikkhandhenāti** vāyāmasatīhi sampayuttāna samādhinā. **Vimuttikkhandhenāti** phalavimuttisampayuttakkhandhena. **Vimuttiñāḍassanakkhandhenāti** paccavekkhaṇāñāṇena. **Saccaṃ sampaṭipādiyitvāti** catuvariyasaccaṃ sabhāvavasena sakasantāne sampādiyitvā paṭivijjhivā tīto. **Ejaṃ samatikkamītvāti** kampanatanhaṃ atikkamītvā. **Kilesaggiṃti** rāgādīkilesaggiṃ. **Pariyādiyitvāti** khepetvā nibbāpetvā. **Aparigamanatāyāti** saṃsāre agamanabhāvena punāgamanabhāvenāti attho. **Kaṭaṃ samādāyāti** jayaggāhaṃ gahetvā. **Muttapaṭisevanatāyāti** sabbakīlesehi mucctivā rūpādiarammaṇasevanavasena. Atha vā sabbakīlesehi muttaphalasaṃpattisevanavasena. **Mettāya pārisuddhiyāti** upakkīlesamuttāya pārisuddhabhāve tītāya mettāya tīto. **Karuṇādīsūpi** eseva nayo.

Accantapārisuddhiyāti atikkantapārisuddhabhāvena pārisuddhiyā antaṃ pāpuṇitvā tīto. **Atammayatāyāti** taṇhādīṭṭhimānā “tammayā”ti vuccanti. Tesam abhāvo atammayatā, tāya taṇhādīṭṭhimānavirahitāya tīto. Vuttañhetam –

“So tādiso lokavidū sumedho, sabbesu dhammesu atammayo muni”ti (a. ni. 3.40). Etthāpi taṇhāmānadiṭṭhivirahitoti attho. **Vimuttattāti** sabbakīlesehi muttabhāvena. **Santussitattāti** yathālābhayathābalayathāsārūppasantosavasena santuṭṭhabhāvena tīto.

Khandhāpariyanteti ekacatupañcakkhandhānaṃ tīhi pariñāggaṭīhi jhāpetvā ante avasāne tīto, natthi etassa antoti vā pariyantaṃ, tasmīṃ pariyante. **Dhātupariyantādīsūpi** eseva nayo. Ayaṃ pana viseso – **dhātupariyanteti** aṭṭhārasannaṃ dhātūnaṃ pariyante. **Āyatanāpariyanteti** dvādasannaṃ āyatanānaṃ. **Gatipariyanteti** nirayādīpañcannaṃ gatīnaṃ. **Upapattipariyanteti** sugatiduggatīsu nibbattiyā. **Paṭisandhipariyanteti** kāmarūpārūpabhavesu paṭisandhiyā. **Bhavāpariyanteti** ekavokāracatupañcasaññāsaññānevasaññānāsāññākāmarūpaarūpabhāvānaṃ. **Saṃsārapariyanteti** khandhadhātuāyatanānaṃ abbochinnapavattiyā. **Vaṭṭāpariyanteti** kammavipākakīlesavaṭṭānaṃ pariyante. **Antime bhaveti** avasāne upapattībhāve. **Antime samussaye tītoti** avasāne samussaye sarīre tīto. **Antimadehadharoti** antimaṃ avasānadehaṃ sarīraṃ dhāretīti antimadehadharo. **Arahāti** ārakattā arīnaṃ, arānañca hatattā, paccayādīnaṃ arahattā, pāpakaraṇe rahābhāvā arahā.

Tassāyaṃ pacchimakoti tassa khīṇāsavassa ayaṃ samussayo attabhāvo avasāno. **Carimoti** appo mando carimo ālopo, carimaṃ kabaḷaṃ viya. Puna paṭisandhiyā natthibhāvaṃ sandhāya “**jātimaraṇasaṃsāro, natthi tassa punabbhavo**”ti āha. Jananaṃ jāti, marantī tenāti maraṇaṃ, khandhadīnaṃ abbochinnā saṃsārapavattī ca tassa khīṇāsavassa puna natthīti vuttaṃ gāthaṃ nigamanto āha **tenāha bhagavā** –

“Tasmā jantu...pe... nāvaṃ sitvāva pāragū”ti.

Imasmiṃ sutte yaṃ antarantarā na vuttaṃ, taṃ pāṭhānusārena gahetabbaṃ.

Saddhammapajjotikāya mahāniddesaṭṭhakathāya

Kāmasuttaniddesavaṇṇanā niṭṭhitā.

2. Guhaṭṭhakasuttaniddesavaṇṇanā

7. Dutiye – **sattoti** laggo. **Guhāyanti** kāye. Kāyo hi rāgādīnaṃ vāḷānaṃ vasanokāsato “guhā”ti vuccati.

Bahunābhichannoti bahunā rāgādīkīlesajātena abhicchanno. Etena ajjhatabbandhanaṃ vuttaṃ. **Tiṭṭhanti** rāgādīvasena tiṭṭhanto. **Mohanasmiṃ pagāḷhoti** mohanaṃ vuccati kāmaguṇo. Ettha hi devamanussā muyhanti tesu ajjhogāḷhā hutvā; etena bāhirabandhanaṃ vuttaṃ. **Dūre vivekā hi tathāvīdho** soti so tathārūpo naro tivīdhāpi kāyavivekādivivekā dūre, anāsanne. Kimkāraṇā? **Kāmā hi loke na hi suppahāyāti** yasmā loke kāmā suppahāyā na honti, tasmāti vuttaṃ hoti.

Sattoti hi kho vuttanti “satto, naro, mānavo”ti evamādinā nayena kathitoyeva. **Guhā tāva vattabbāti** guhā tāva kathetabbā. **Kāyoti** vātīādīsū ayaṃ tāva padayojanā – kāyo itī vā guhā itī vā...pe... kumbho itī vāti. Tattha **kāyoti** “kucchitānaṃ āyoti kāyo”tiādīnā heṭṭhā satipaṭṭhānakathāyaṃ vutttoyeva. Rāgādīvāḷānaṃ vasanokāsattāna **guhā**, “paṭicchādanaṭṭhena”tipi eke. “Dūraṅgamaṃ ekacaraṃ, asarīraṃ guhāsaya”ntīādīsū (dha. pa. 37) viya. Rāgādīhi

jhāpanaṭṭhena **deho** “te hitvā mānuṣaṃ deha”ntiādisu (dī. ni. 2.332 thokaṃ visadisam) viya. Pamattakaraṇaṭṭhena **sandeho** “bhijjati pūtisandeho, maraṇantañhi jīvita”ntiādisu (dha. pa. 148) viya. Saṃsāre sañcaraṇaṭṭhena **nāvā** “siñca bhikkhu imaṃ nāvaṃ, sitta te lahumessaṭi”tiādisu (dha. pa. 369) viya. Iriyāpathassa atthibhāvaṭṭhena **ratho** “ratho sīlaparikkhāro, jhānakkho cakkavīriyo”tiādisu (saṃ. ni. 5.4) viya. Accuggataṭṭhena **dhajo** “dhajo rathassa pañṇāna”ntiādisu (jā. 2.22.1841) viya.

Kimikulānaṃ āvasabhāvena **vammiko** “vammikoti kho, bhikkhu, imassetam cātumahābhūtikassa kāyassa adhivacana”ntiādisu (ma. ni. 1.251) viya. Yatheva hi bāhirako vammiko, vamati vantako vantussayo vantasinehasambaddhoti catūhi kāraṇehi “vammiko”ti vuccati. So hi ahinakulaundūragharagolīkādayo nānappaṅkāre pāṇake vamaṭṭi vammiko. Upacikāhi vantanoti vammiko. Upacikāhi vamtivā mukhatuṇḍakehi ukkhittapaṃsucunṇena kaṭṭipamāṇenapi porisappamāṇenapi ussitoti vammiko. Upacikāhi vantanakheḷasinehena ābaddhatāya sattanattāhaṃ deve vasantepi na vipakiriyati, nidāghepi tato paṃsumuṭṭhiṃ gahetvā tasmim muṭṭhinā pīḷiyamāne sineho nikkhamati, evaṃ vantasinehena sambaddhoti vammiko. Evamaṃyāṃ kāyopi “akkhimhā aggigūthako”tiādinā nayena nānappaṅkāraṃ asucikalimalaṃ vamaṭṭi vammiko. Buddhapaccekaḥābhāṅgāsavā imasmim attabhāve nīkāntipariyādānena attabhāvaṃ chaḍḍetvā gatāti ariyehi vantanotipi vammiko. Yehi cāyāṃ tīhi aṭṭhisatehi ussito nahārusambaddho maṃsāvalepano allacammaṃpariyonaddho chavirañjito satte vañceti, taṃ sabbaṃ ariyehi vantamevāti vantussayotipi vammiko. “Taṇhā janeti purisaṃ, cittamassa vidhāvatī”ti (saṃ. ni. 1.55-57) evaṃ taṇhāya janitattā ariyehi vanteneva taṇhāsinehena sambaddho ayanti vantasinehena sambaddhotipi vammiko. Yathā ca vammikassa anto nānappaṅkāre pāṇakā tattheva jāyanti, uccārapassāvaṃ karonti, gilānā sayanti, matā nipatanti. Iti so tesam sūtiḅharaṃ vaccaḍḍeti gilānasālā susānañca hoti. Evam khattiyamahāsālādānampi kāyo “āyāṃ gopitarakkhito maṇḍitapasādito mahānubhāvanāṃ kāyo”ti acintetvā chavinissitā pāṇā cammanissitā pāṇā maṃsanissitā pāṇā nahārunissitā pāṇā aṭṭhinissitā pāṇā aṭṭhimiñjanissitā pāṇāti evam kulagaṇanāya asītīmattāni kimikulasahassāni antokāyasmimyeva jāyanti, uccārapassāvaṃ karonti, gelañṇena āturitāni sayanti, matāmānā nipatanti. Iti ayampi tesam pāṇānaṃ sūtiḅharaṃ vaccaḍḍeti gilānasālā susānañca hotīti “vammiko”ti sañkham gāto.

Manāpāmanāpapatanaṭṭhena **nagaraṃ** “sakkāyanagara”ntiādisu viya. Rogādināṃ nīlābhāvena kulāvākābhāvena **nīlaṃ** “rogañilaṃ pabhaṅgura”ntiādisu (dha. pa. 148) viya. Paṭisañdhīyā nivāsagehaṭṭhena **kuṭi** “pañcadvārāyaṃ kuṭikāyaṃ pasakkīyā”tiādisu (theragā. 125) viya. Pūtībhāvena **gaṇḍo** “rogoti bhikkhave, gaṇḍoti bhikkhave, salloti bhikkhave, kāyassetam adhivacana”ntiādisu (a. ni. 9.15) viya. Bhijjanaṭṭhena **kumbho** “kumbhūpamaṃ kāyamimaṃ viditvā”tiādisu (dha. pa. 40) viya. **Kāyassetam adhivacananti** etaṃ vuttappaṅkāraṃ cātumahābhūtamayassa kucchitadhamānaṃ āyassa adhivacanaṃ, kathananti attho. **Guhāyanti** sarīrasim. **Sattoti** allīno. **Visattoti** vaṇṇarāgādivasena vividho allīno. Sañṭhānarāgavasena **āsatto**. Tattheva “subham sukha”nti gahaṇavasena **laggo**. Attagahaṇavasena **laggito**. **Palibuddhoti** phassaṅgavasena amuñcivā ṭhito. **Bhikkhileti** bhittiyāṃ ākoṭitakhaṅkuke. **Nāgadanteti** tattheva hatthidantasadise vaṅkadanāke. **Sattanti** bhikkhile laggam. **Visattanti** nāgadante laggam. **Āsattanti** cīvaravaṃse laggam. **Lagganti** cīvararajjuyā laggam. **Lagganti** pīṭhapāde laggam. **Palibuddhanti** mañcapāde lagganti evamādīnā nayena yojettabbam.

Laganādhivacananti visesena allīyanakathanāṃ. **Channoti** vuttappaṅkārehi kilesehi chādito. Punappunaṃ uppattivāsena uparūpari channoti **ucchanno**. **Āvutoti** āvarito. **Nivutoti** vārito. **Ophutoti** avattharivā chādito. **Pihototi** bhājanena ukkhalimukham viya paliguṇṭhito. **Paṭicchannoti** āvaṭo. **Paṭikujjitoti** adhomukham ṭhapito. Tattha tiṇapaṇṇādīhi chāditaṃ viya channo. Ucchanno nadim āvaraṇasetu viya. Āvuto janasañcaraṇamaggāvāraṇaṃ viya.

Vinibaddho mānavasenāti nānāvidhena mānātimānavasena nānāvidhe ārammaṇe baddho hutvā tiṭṭhati. **Parāmaṭṭho ditṭhivasenāti** dvāsaṭṭhiditṭhinaṃ vasena parāmaṭṭho āmasivā gahito. **Vikkhepagato uddhaccavasenāti** ārammaṇe asantiṭṭhanavasena cittavikkhepaṃ patto upagato. **Aniṭṭhaṅgato vicikicchavasenāti** ratanattayādīsu kañkhāsankhātāya vicikicchāya vasena sannitṭhānaṃ appatto. **Thāmagato anusayavasenāti** dunnīharaṇaappahinānusayavasena thirabhāvaṃ patto upagato hutvā tiṭṭhati.

Rūpūpayanti taṇhādītṭhūpayavasena rūpaṃ upagantvā ārammaṇaṃ katvā. **Viññānaṃ tiṭṭhamānaṃ tiṭṭhātīti** tasmim ārammaṇe rūpārammaṇaṃ viññānaṃ tiṭṭhantaṃ tiṭṭhati. **Rūpārammaṇaṃ rūpapatitṭhanti** rūpameva ārammaṇaṃ ālambitvā rūpameva patitṭhaṃ katvā. **Nandūpasecananti** sappītīkantaṅhodakena āsittaṃ viññānaṃ. **Vuddhinti** vuddhibhāvaṃ. **Virūḷhinti** javanavasena uparito virūḷhibhāvaṃ. **Vepullanti** tadārammaṇavasena vepullam.

Atthi rāgotiādīni lobhasseva nāmāni. So hi rañjanavasena **rāgo**, nandanavasena **nandī**, taṇhāyanavasena **taṇhāti** vuccati. **Patitṭhitam tattha viññānaṃ virūḷhanti** kammaṃ javāpetvā paṭisañdhīakaddhānasamatthatāya patitṭhitañceva virūḷhañca. **Yatthāti** tebhūmakavaṭṭe bhumaṃ. Sabbathā vā purimapāde etaṃ bhumaṃ. **Atthi tattha sañkhārānaṃ vuddhīti** idaṃ imasmim vipākavaṭṭe ṭhitassa āyatim vaṭṭahetuke sañkhāre sandhāya vuttam. **Yattha atthi āyatim punabbhavābhiniḅbattīti** yasmim ṭhāne āyatim punabbhavābhiniḅbatti atthi. Tattha purimasuttaṃ rūpādīrammaṇalaggaṇavasena vuttam, dutiyasuttaṃ tadevārammaṇaṃ abhinandanavasena vuttam, tatiyaṃ viññānapatitṭhānavasena vuttam, catutthaṃ catubbidhaāhāravasena, kusalākusalaviññānapatitṭhānavasena vuttanti ñātabbam.

Yebhuyyenti pāyena. **Muyhanti** moḥam āpajjanti. **Sammuyhanti** visesena muyhanti. **Sampamuyhanti** sabbākāreṇa muyhanti. Atha vā rūpārammaṇaṃ paṭicca **muyhanti**, saddārammaṇaṃ paṭicca **sammuyhanti**, mutārammaṇaṃ paṭicca **sampamuyhanti**. **Avijjāya andhikatāti** aṭṭhasu ṭhānesu aññānāya avijjāya andhikatā. “Gaṭa”ti vā pāṭho, andhābhāvaṃ

upagatāti attho. **Pagāḷhoti** pavittḥo. **Ogāḷhoti** heṭṭhābhāgaṃ pavittḥo. **Ajjhogāḷhoti** adhiogāhitvā avattharivā visesena pavittḥo **nimuggoti** adhomukhaṃ hutvā pavittḥo. Atha vā dassanasamsaggena **ogāḷho**. Savanasamsaggena **ajjhogāḷho**. Vacanasamsaggena **nimuggo**. Sappurisasamsaggavirahito vā **ogāḷho**. Saddhammasevanavirahito vā **ajjhogāḷho**. Dhammānudhammapaṭṭivirahito vā **nimuggo**.

Vivekāti vivitti, viviccaṃ vā viveko. **Tayoti** gaṇanaparicchedo. **Kāyavivekoti** kāyena vivitti, vinā apasakkaṃ. **Cittavivekādisupi** eseva nayo. **Idha bhikkhūti** imasmim̐ sāsane. Samsāre bhayaṃ ikkhanato bhikkhu. **Vivittanti** suññaṃ, appasaddaṃ appanigghosanti attho. Etadeva hi sandhāya vibhaṅge “vivittanti santike cepi senāsanaṃ hoti, tañca anākiṇṇaṃ gahaṭṭhehi pabbajitehi, tena taṃ vivitta”nti (vibha. 526) vuttaṃ. Seti ceva āsati ca etthāti senāsanaṃ, mañcapīṭhādīnametamadhivacanaṃ. Tenāha –

“Senāsanaṃ mañcopi senāsanaṃ, pīṭhampi... bhisipi... bibbohanampi... vihāropi... aḍḍhayogopi... pāsādopi... aṭṭopi... mālopi... leṇampi... guhāpi... rukkhamūlampi... veḷugumbopi... yattha vā pana bhikkhū paṭikkamanti, sabbametaṃ senāsana”nti (vibha. 527).

Api ca vihāro aḍḍhayogo pāsādo hammiyaṃ guhāti idaṃ **vihārasenāsanaṃ** nāma. Mañco pīṭhaṃ bhisī bibbohananti idaṃ **mañcapīṭhasenāsanaṃ** nāma. Cimilikā cammakhaṇḍo tiṇasanthāro paṇṇasanthāroti idaṃ **santhatsenāsanaṃ** nāma. Yattha vā pana bhikkhū paṭikkamanti, idaṃ **okāsasenāsanaṃ** nāmāti evaṃ catubbidhaṃ senāsanaṃ hoti. Taṃ sabbampi senāsanaḡgahaṇena gahītameva.

Idha panassa sakūṇasadisassa cātuddisassa bhikkhuno anucchavikasenāsanaṃ dassento “**araññaṃ rukkhamūla**”ntiādimāha. Tattha **araññanti** “nikkhamitvā bahi indakhīlā sabbametaṃ arañña”nti (vibha. 529) idaṃ bhikkhunīnaṃ vasena āgataṃ. “Āraññaṃ nāma senāsanaṃ pañcadhanusatikaṃ pacchima”nti (pārā. 654) idaṃ pana imassa bhikkhuno anurūpaṃ. Tassa lakkhaṇaṃ visuddhimagge dhutaṅganiddese (visuddhi. 1.31) vuttaṃ. **Rukkhamūlanti** yaṃkiñci santacchāyaṃ vivittaṃ rukkhamūlaṃ. **Pabbatanti** selaṃ. Tattha hi udakasonḍisu udakakiccaṃ katvā sītāya rukkhaḡchāyāya nisinnassa nānādisāsu khāyamānāsu sītena vātena bījīyamānassa cittaṃ ekaggaṃ hoti. **Kandaranti** kaṃ vuccati udakaṃ, tena dāritam̐, udakena bhinnaṃ pabbatapadesaṃ. Yaṃ “nadītumba”ntipi “nadīkuñja”ntipi vadanti. Tattha hi rajatapattasadisā vālukā hoti, matthake mañivītānaṃ vīya vanagahaṇaṃ, mañikhandhasadisam̐ udakaṃ sandati. Evarūpaṃ kandaraṃ oruyha pānīyaṃ pivitvā gattāni sītāni katvā vāluḡam̐ ussāpetvā paṃsukūlacīvaraṃ paññāpetvā nisinnassa samaṇadhammaṃ karoto cittaṃ ekaggaṃ hoti. **Giriguhanti** dvinnaṃ pabbatānaṃ antaraṃ, ekasmim̐yeva vā umaṅgasadisam̐ mahāvīvaraṃ. Susānalakkhaṇaṃ visuddhimagge (visuddhi. 1.34) vuttaṃ.

Vanapatthanti gāmetaṃ atikkamitvā manussānaṃ anupacāraṭṭhānaṃ yattha na kasanti na vapanti. Tenevāha “vanapatthanti dūrānmetaṃ senāsanaṃ adhivacana”ntiādi (vibha. 531). **Abbhokāsanti** acchannaṃ. Ākaṅkhamāno panettha cīvarakuṭim̐ katvā vasati. **Palālapuñjanti** palālarāsim̐. Mahāpalālapuñjato hi palālaṃ nikkāḡḡhitvā pabbhāraḡnasadisē ālaye karonti, gacchagumbādīnampi upari palālaṃ pakkhipitvā heṭṭhā nisinnā samaṇadhammaṃ karonti. Sabbametaṃ sandhāya vuttaṃ “kāyena vivitto viharati”tiādi. Eko caṅkamaṃ adhiṭṭhāti pavattayati vuttaṃ hoti. **Iriyati** iriyāpathaṃ vattayati. **Vattati** iriyāpathavuttim̐ uppādeti. **Pāletiti** iriyāpathaṃ rakkhati. **Yapetiti** yapayati. **Yāpetiti** yāpayati.

Paṭhamaṃ jhānaṃ samāpannassāti kusalajjhānasamaṅgissa. **Nīvaraṇehi cittaṃ vivittanti** upacārena nīvaraṇehi vivittampi samānaṃ antoappanāyaṃ suṭṭhu vivittaṃ nāma hotīti dassetuṃ “paṭhamaṃ jhānaṃ samāpannassa nīvaraṇehi cittaṃ vivittaṃ hoti”ti vuttaṃ. Eseva nayo vitakkavicārapītisukhadukkhehi dutiyatatiyacatutthajjhānāni samāpannānti. **Rūpasaññāyāti** kusalavipākakiriyavasena pañcadasaṃnaṃ rūpāvacarajjhānaṃ saññāya. **Paṭighasaññāyāti** cakkhurūpādisaṅghaṭṭanaṃ uppannāya kusalākusalavipākavasena dvīpañcaviññāṇasaṅkhātāya paṭighasaññāya ca. **Nānattasaññāyāti** nānārammaṇe pavattāya catuttālīsakāmāvacarasaññāya ca cittaṃ vivittaṃ hoti suññaṃ hoti.

Ākāsānañcāyatanaṃ samāpannassāti ettha nāssa antoti anantaṃ, ākāsaṃ anantaṃ ākāsānantaṃ, ākāsānantaṃ eva ākāsānañcaṃ, taṃ ākāsānañcaṃ adhiṭṭhānaṭṭhena āyatanamassa sasampayuttadhammassa jhānassa devānaṃ devāyatanamivāti ākāsānañcāyatanaṃ, kasiṇugghāṭimākāsārammaṇajjhānassetam̐ adhivacanaṃ. Taṃ ākāsānañcāyatanaṃ samāpannassa kusalakiriyajhānaṃ samāpannassa. **Rūpasaññāyāti** saññāsīsena rūpāvacarajjhānato ceva tadārammaṇato ca. Rūpāvacarajjhānampi hi “rūpa”nti vuccati “rūpī rūpāni passati”tiādisu (paṭi. ma. 1.209), tassa ārammaṇampi “bahiddhā rūpāni passati suvaṇṇadubbaṇṇāni”tiādisupi (paṭi. ma. 1.209). Tasmā idha rūpe saññā rūpasaññāti evaṃ saññāsīsena rūpāvacarajjhānassetam̐ adhivacanaṃ. Rūpe saññā assāti rūpasaññaṃ, rūpamassa nāmanti vuttaṃ hoti. Evaṃ pathavīkasiṇādībhedassa tadārammaṇassa cetam̐ adhivacanaṃ veditabbaṃ. Etāya kusalavipākakiriyāvasena pañcadasaḡvidhāya jhānasankhātāya rūpasaññāya. Etāya ca pathavīkasiṇādivasena aṭṭhavidhāya ārammaṇasaṅkhātāya rūpasaññāya.

Paṭighasaññāyāti cakkhādīnaṃ vatthūnaṃ rūpādīnaṃ ārammaṇānañca paṭighātena samuppannā saññā paṭighasaññā, rūpasaññādīnaṃ etaṃ adhivacanaṃ. Yathāha – “tattha katamā paṭighasaññā? Rūpasaññā saddasaññā gandhasaññā rasasaññā phoṭṭhabbasaññā, imā vuccanti paṭighasaññāyo”ti (vibha. 603). Tā kusalavipākā pañca akusalavipākā pañcāti etāya paṭighasaññāya.

Nānattasaññāyāti nānatte gocare pavattāya saññāya, nānattāya vā saññāya. Yathāha – “tattha katamā nānattasaññā?”

Asamāpannassa manodhātusamaṅgissa vā manoviññāpadhātusamaṅgissa vā saññā sañjānanā sañjānitattam, imā vuccanti nānattasaññāyoti”ti (vibha. 604) evaṃ vibhaṅge vibhajivā vuttā. Tā idha adhippetā. Asamāpannassa manodhātumanoviññāpadhātusamaṅgihitā saññā rūpasaddādibhede nānatte nānāsbhāve gocare pavattanti. Yasmā cesā aṭṭha kāmāvacarakusalasaññā, dvādasa akusalasaññā, ekādasa kāmāvacarakusalavipākasaññā, dve akusalavipākasaññā, ekādasa kāmāvacarakiriyasaññāti evaṃ catucattālīsampi saññā nānattā nānāsbhāvā aññamaññam asadisā, tasmā “nānattasaññā”ti vuttā, tāya nānattasaññāya.

Cittam vivittam hotīti ākāsānañcāyatanam samāpannassa rūpasaññāpaṭighasaññānānattasaññāsankhātāhi saññāhi jhānacittam vivittam hoti vinā hoti apasakkaṇam hoti. **Viññānañcāyatananti** etadeva viññānam adhiṭṭhānaṭṭhena āyatanamassāti viññānañcāyatanam, ākāse pavattaviññānārammaṇassa jhānassetam adhivacanam. Tam jhānam samāpannassa vuttapakārāya ākāsānañcāyatanasaññāya cittam vivittam hoti.

Ākiñcaññāyatananti ettha pana nāssa kiñcananti ākiñcanam, antamaso bhaṅgamattampi assa avasiṭṭham natthīti vuttam hoti. Ākiñcanassa bhāvo ākiñcaññam, ākāsānañcāyatanaviññānāpagamassetam adhivacanam. Tam ākiñcaññam adhiṭṭhānaṭṭhena āyatanamassāti ākiñcaññāyatanam, ākāse pavattaviññānāpagamārammaṇajhānassetam adhivacanam. Tam ākiñcaññāyatanam samāpannassa tāya viññānañcāyatanasaññāya cittam vivittam.

Nevasaññānāsaññāyatananti ettha pana yāya saññāya bhāvato tam “nevasaññānāsaññāyātana”nti vuccati, yathāpaṭipannassa sā saññā hoti, tam tāva dassetuṃ vibhaṅge (vibha. 620) “nevasaññānāsaññā”ti uddharitvā taññeva “ākiñcaññāyatanam santato manasi karoti, sañkhārāvasesasamāpattim bhāveti, tena vuccati nevasaññānāsaññā”ti vuttam. Tattha santato manasi karotīti “santovatāyā samāpatti, yatra hi nāma natthibhāvampi ārammaṇam karitvā vasati”ti evaṃ santārammaṇatāya nam “santā”ti manasi karoti. Tam nevasaññānāsaññāyatanam appētvā nisinnassa tāya ākiñcaññāyatanasaññāya jhānacittam suññam hoti.

Sotāpannassāti sotāpattiphalaṃ pattassa. **Sakkāyaditṭhiyāti** vīsativatthukāya sakkāyaditṭhiyā. **Vicikicchāyāti** aṭṭhasu ṭhānesu kankhāya. **Silabbataparāmāsāti** “sīlena suddhi, vatena suddhi”ti parāmasitvā uppajjanakaditṭhi. **Diṭṭhānusayāti** appahīnaṭṭhena santāne anusayakā diṭṭhānusayā. Tathā **vicikicchānusayā**. **Tadekaṭṭhehi** cāti tehi sakkāyaditṭhiādīhi ekato ṭhitehi ca. Upatāpenti vibādenti cāti kilesā, tehi sakkāyaditṭhiyādikilesehi cittam vivittam suññam hoti. Ettha “tadekaṭṭha”nti duvidham ekaṭṭham pahānekaṭṭham saha jekaṭṭhañca. Apāyagamanīyā hi kilesā yāva sotāpattimaggena na pahīyanti, tāva diṭṭhivicikicchāhi saha ekasmiṃ puggale ṭhitāti pahānekaṭṭhā. Dasasu hi kilesesu idha diṭṭhivicikicchā eva āgatā. Anusayesu diṭṭhānusayavicikicchānusayā āgatā. Sesā pana apāyagamanīyo lobho doso moho māno thinam uddhaccaṃ ahirikaṃ anottappanti aṭṭha kilesā diṭṭhivicikicchāhi saha pahānekaṭṭhā hutvā dvīhi anusayehi saddhim sotāpattimaggena pahīyanti. Rāgadosamohapamukhesu vā diyaḍḍhesu kilesasahassesu sotāpattimaggena diṭṭhiyā pahīyamāyā diṭṭhiyā saha vicikicchā pahīnā, diṭṭhānusayavicikicchānusayehi saha apāyagamanīyā sabbakilesā pahānekaṭṭhavasena pahīyanti. Saha jekaṭṭhā pana diṭṭhiyā saha vicikicchāya ca saha ekekasmiṃ citte ṭhitā avasesakilesā.

Sotāpattimaggena hi cattāri diṭṭhisahagatāni vicikicchāsahagatañcāti pañca cittāni pahīyanti. Tattha dvīsu diṭṭhisampayuttaasankhārikacittesu pahīyamānesu tehi saha jato lobho moho uddhaccaṃ ahirikaṃ anottappanti ime kilesā saha jekaṭṭhavasena pahīyanti, dvīsu diṭṭhisampayuttasasankhārikacittesu pahīyamānesu tehi saha jato lobho moho thinam uddhaccaṃ ahirikaṃ anottappanti ime kilesā saha jekaṭṭhavasena pahīyanti, vicikicchāsahagatacittesu pahīyamāne tena saha jato moho uddhaccaṃ ahirikaṃ anottappanti ime kilesā saha jekaṭṭhavasena pahīyanti. Tehi duvidhekaṭṭhehi kilesehi cittam vivittam hotīti maggacittam viviccati, phalacittam vivittam viyuttam apasakkaṇam suññam hotīti attho.

Sakadāgāmissa oḷārikā kāmāragasaññājanāti oḷārikabhūtā kāyadvāre vītikkamassa paccayabhāvena thūlabhūtā methunarāgasankhātā saññājanā. So hi kāmabhāve saññājetīti “saññājana”nti vuccati. **Paṭighasaññājanāti** byāpadasaññājanā. So hi ārammaṇe paṭihaññatīti “paṭigha”nti vuccati. Te eva thāmagataṭṭhena santāne anusetīti **anusayā**. **Aṇusahagatāti** sukhumbhūtā kāmāragasaññājanā paṭighasaññājanā aṇusahagatā kāmāragānusayā paṭighānusayāti appahīnaṭṭhena santāne anusayanavasena sukhumbhūtā kāmāragapaṭighānusayā. **Tadekaṭṭhehi** cāti vuttatthehi duvidhekaṭṭhehi kilesehi cittam vivittam suññam hoti.

Arahatoti kilesārīnam hatattā “arahā”ti laddhanāmassa. **Rūparāgāti** rūpabhāve chandarāgā. **Arūparāgāti** arūpabhāve chandarāgā. **Mānāti** arahattamaggavajjhā mānā eva. Tathā uddhaccaavijjāmānānusayādayo arahattamaggavajjhā. Etesu uṇṇatīlakkaṇaṃ māno. Avūpasamalakkhaṇam uddhaccaṃ. Andhabhāvalakkhaṇaṃ avijjā. Rūparāgaarūparāgavasena pavattā bhavarāgānusayā. **Tadekaṭṭhehi** cāti tehi ekato ṭhitehi ca kilesehi. **Bahiddhā ca sabbanimittehīti** ajjhatacittasantāne akusalakkhandhe upādāya “bahiddhā”ti sañkham gatehi ajjhattam muñcivā bahiddhā pavattehi sabbasankhāranimittehi maggacittam viviccati vinā hoti apasakkaṇam, phalacittam vivittam viyuttam apasakkaṇam hoti.

Tattha kilesapaṭipāṭiyā maggapaṭipāṭiyā cāti dvīdhā anusayānam abhāvo veditabbo. Kilesapaṭipāṭiyā hi kāmāragānusayapaṭighānusayānam tatiyamaggena abhāvo hoti, mānānusayassa catutthamaggena, diṭṭhānusayavicikicchānusayānam paṭhamamaggena, bhavarāgānusayāvijjānusayānam catutthamaggeneva. Maggapaṭipāṭiyā pana paṭhamamaggena diṭṭhānusayavicikicchānusayānam abhāvo hoti, duttiyamaggena kāmāragānusayapaṭighānusayānam tanubhāvo, tatiyamaggena sabbaso abhāvo, catutthamaggena mānānusayabhavarāgānusayāvijjānusayānam abhāvo hoti.

Cittavivekoti mahagatalokuttaracittānaṃ kilesehi suññabhāvo, tucchabhāvoti attho.

Upadhivivekoti kilesakkhandhaabhisaṅkhārasaṅkhātānaṃ upadhīnaṃ suññabhāvo. Upadhiṃ tāva dassetuṃ “**upadhi vuccanti kilesā ca**”tiādimāha. Rāgādayo yassa uppajjanti, taṃ upatāpentī vibādhenṭīti **kilesā** ca. Upādānagocarā rūpādayo **pañcakkhandhā** ca. Upādānasambhūtā puññāpuññaāneñjābhisaṅkhārā ca. **Amatanti** natthi etassa maraṇasaṅkhātānaṃ matanti amataṃ, kilesavisapaṭipakkhattā agadantīpi amataṃ. Saṃsārayonigatiupapattivīññāṇaṭṭhitisattāvāsesu saṃsibbati vinatīti taṅhā “vāna”nti vuccati, taṃ tattha natthīti **nibbānaṃ**. **Vivekaṭṭhakāyānanti** gaṇasaṅgaṇikāya apagatasarīraṇaṃ. **Nekkhammābhīratānanti** nekkhamme kāmādito nikkhante paṭhamajjhānādike abhīratānaṃ tanninnānaṃ. **Paramavodānappattānanti** uttamaparīsuddhabhāvaphalaṃ pāpuṇitvā ṭhitānaṃ. “Upakkilesābhāvena parīsuddhacittānaṃ, kilesehi muttabhāvena **paramavodānappattānaṃ**. Vikkhambhanappahānena parīsuddhacittānaṃ, samucchadappahānena **paramavodānappattāna**”nti evameke vaṇṇayanti. **Nirūpadhīnanti** vīgatūpadhīnaṃ. **Visaṅkhāragatānanti** saṅkhārāmmaṇaṃ cajitvā vīgatasāṅkhāraṃ nibbānaṃ ārammaṇavasena upagatānaṃ. **Visaṅkhāragataṃ** cittanti etthapi hi nibbānameva “visaṅkhāra”nti vuttaṃ.

Vidūreti vividhe dūre. **Suvidūreti** suṭṭhu vidūre. **Na santiketī** na samīpe. **Na sāmantāti** na ekapasse. **Anāsanneti** anaccantasamīpe. **Vivekaṭṭheti** atidūre, vīgateti attho. **Tādisoti** taṃsadiso. **Tassaṅṭhitoti** tena ākārena ṭhito. **Tappakāro** tena pakārena ṭhito. **Tappaṭibhāgoti** taṃkoṭṭhāsiko. Atha vā “attabhāvaguhāya laggabhāvena **tādiso**. Kilesehi channabhāvena **tassaṅṭhito**. Mohanasmiṃ pagāḷhabhāvena **tappakāro**. Tīhi vivekehi dūrabhāvena **tappaṭibhāgoti** evameke vaṇṇayanti.

Duppahāyāti sukkena pahātābbā na hontī. **Duccajjāti** sukkena jahitūṃ na sakkā. **Duppariccajjāti** sabbākārena jahitūṃ na sakkā. **Dunnimmadayāti** nimmadaṃ amadaṃ kātuṃ na sakkā. **Dubbiniveṭṭhayāti** viniveṭṭhanaṃ mocanaṃ kātuṃ na sakkā. **Duttarāti** uttaritvā atikkantaṃ na sakkā. **Duppatarāti** vīsesetvā taritūṃ na sakkā. **Dussamatikkamāti** dukkhena atikkamitābbā. **Dubbinivattāti** nivattetūṃ dukkhā. Atha vā “pakativasena duppariccajjā. Goṇapatāsaṃ viya **dunnimmadayā**. Nāgapāsaṃ viya **dubbiniveṭṭhayā**. Gimhasamaye marukantāraṃ viya **duttarā duppatarā**. Byagghapariggahitā aṭavī viya **dussamatikkamā**. Samuddavīci viya **dubbinivattāti** evameke vaṇṇayanti.

8. Evaṃ paṭhamagāthāya “dūre vivekā hi tathāvidho”ti sādhetvā puna tathāvidhānaṃ sattānaṃ dhammataṃ āvi karonto “**icchānidānā**”tiādigāthamāha. Tattha **icchānidānāti** taṅhāhetukā. **Bhavasātabaddhāti** sukhavedanādimhi bhavasātena baddhā. **Te duppamuñcāti** te bhavasātavatthubhūtā dhammā. Te vā tattha baddhā icchānidānā sattā duppamocayā. **Na hi aññamokkhāti** aññe ca mocetūṃ na sakkonti. Kāraṇavacanaṃ vā etaṃ. Te sattā duppamuñcā. Kasmā? Yasmā aññena mocetābbā na hontī. Yadi sattā muñceyyuṃ, sakena thāmena muñceyyuntī ayamassa attho. **Pacchā pure vāpi apekkhamānāti** anāgate aṭīte vā kāme apekkhamānā. **Ime va kāme purime va jappanti** ime vā paccuppanne kāme purime vā duvidhepi atītānāgate balavataṅhāya patthayamānā. Imesaṅca dvinnaṃ padānaṃ “te duppamuñcā na hi aññamokkhā”ti imināva saha sambandho vedītabbo. Itarathā apekkhamānā jappaṃ kiṃ karonti, kiṃ vā katāti na paññāyeyyuṃ.

Bhavasātabaddhāti bhavē sātāṃ bhavasātāṃ, tena bhavasātena sukhassādena baddhā hutvā ṭhitā. Taṃ bhājetvā dassetuṃ “**ekaṃ bhavasātāṃ – sukhā vedanā**”tiādimāha. Yobbanabhāvo **yobbaññaṃ**. Arogabhāvo **ārogyaṃ**. Jīvitindriyassa pavattābhāvo **jīvitaṃ**. Lābhoti catunnaṃ paccayānaṃ lābho. **Yasoti** parivāro. **Pasaṃsāti** kitti. **Sukhanti** kāyīkacetāsikaṃ sukhaṃ. **Manāpikā rūpāti** manavaḍḍhanakā rūpā. Sesesupi eseva nayo.

Cakkhusampadāti cakkhusa sampadā. “Mayhaṃ cakkhu sampannaṃ maṇivimāne ugghāṭitasīhapañjaraṃ viya khāyati”ti uppannaṃ sukhassādaṃ sandhāya “cakkhusampadā”ti vuttaṃ. **Sotasampadādīsupi** eseva nayo. **Sukhāya vedanāya satabaddhā...pe... vibaddhāti** vividhākārena **baddhā**. **Ābaddhāti** vīsesena ādito baddhā. **Laggāti** ārammaṇena saddhiṃ appitā. **Laggitāti** nāgadante phāṇitavārako viya laggitā. Yamettha ca avuttaṃ, taṃ satto visattotiādimhi vuttanayena gahetābbaṃ.

Na hi aññamokkhāti na parehi mokkhā. **Te vā bhavasātavatthū duppamuñcāti** bhavē sukhassādavatthubhūtā dhammā te muñcitūṃ dukkhā. **Sattā vā etto dummocayāti** sattā eva vā etasmā bhavasātavatthuto mocetūṃ dukkhā.

Duruddharāti uddharitūṃ dukkhā. **Dussamuddharāti** samantato chinnataṭe narakāvāṭe patito viya uddhaṃ katvā uddharitūṃ dukkhā. **Dubbuṭṭhāpayāti** uṭṭhāpetūṃ dukkhā. **Dussamuṭṭhāpayāti** sukhumaattābhāvaṃ pathaviyaṃ patiṭṭhāpanaṃ viya ussāpetūṃ atīviya dukkhā.

Te attanā palipapalipannāti gambhīrakaddame yāva sīsato nimuggā na sakkonti. **Paraṃ palipapalipannaṃ uddharituntī** aparaṃ tatheva nimuggaṃ hatthe vā sīse vā gahetvā uddharitvā thale patiṭṭhāpetūṃ na sakkonti. **So vata cundāti** soti vattābbākārapuggalaniddeso. Tassa “yo”ti imaṃ uddesavacanaṃ āharitvā yo attanā palipapalipanno, so vata, cunda, paraṃ palipapalipannaṃ uddharissatīti. Evaṃ sesapadesu sambandho vedītabbo. **Palipapalipannoti** gambhīrakaddame nimuggo vuccati. Yathā, cunda, koci puriso yāva sīsato gambhīrakaddame nimuggo, parampi tatheva nimuggaṃ hatthe vā sīse vā gahetvā uddharissatīti netāṃ ṭhānaṃ vijjati. Na hi taṃ kāraṇamatthi, yena so taṃ uddharitvā thale patiṭṭhāpeyyāti. **Adanto avinīto aparinibbutoti** ettha pana anibbisevanatāya **adanto**. Asikkhitavinayatāya **avinīto**. Anibbutakilesatāya **aparinibbutoti** vedītabbo. **So tādiso paraṃ damessati** nibbisevanaṃ karissati, **vinessati** tisso sikkhā sikkhāpessati. **Parinibbāpessati** tassa kilese nibbāpessati.

Natthañño kocīti añño koci puggalo mocetuṃ samattho natthi. **Sakena thāmenāti** attano ñāṇathāmena. **Balenāti** ñāṇabalena. **Vīriyenāti** ñāṇasampayuttacetāsikavīriyena. **Purisaparakkamenāti** paraṃ paraṃ ṭhānaṃ akkamanena mahantavīriyena.

Nāhaṃ sahiṣṣāmīti ahaṃ na sahiṣṣāmi na sakkomi, na vāyamissāmīti vuttaṃ hoti. **Pamocanāyāti** pamocetuṃ. **Kathaṃkathinti** sakaṅkhaṃ. **Dhotakāti** ālapanāṃ. **Taresīti** tareyyāsi.

“Attanā hi kataṃ pāpaṃ, attanā saṃkilissati;
Attanā akataṃ pāpaṃ, attanāva visujjhati;
Suddhī asuddhi paccattaṃ, nāñño aññaṃ visodhaye”ti. (dha. pa. 165; kathā. 743) –

Ethāyamattho – yena attanā akusalaṃ kammaṃ kataṃ hoti, so catūsu apāyesu dukkhaṃ anubhavanto attanāva saṃkilissati. Yena pana attanā akataṃ pāpaṃ, so sugatiñceva agatiñca gacchanto attanāva visujjhati. Kusalakammasaṅkhātā suddhi akusalakammasaṅkhātā ca asuddhi paccattaṃ kārakasattānaṃ attaniyeva vipaccati. Añño puggalo aññaṃ puggalaṃ na visodhaye neva visodheti, na kileseṭṭi vuttaṃ hoti.

Tiṭṭhateva nibbānanti amatamahānibbānaṃ tiṭṭhatiyeva. **Nibbānagāmi** maggoti pubbhāgavipassanāto paṭṭhāya ariyamaggo. **Tiṭṭhāmahaṃ samādapetāti** ahaṃ gaṇhāpetā patiṭṭhāpetā tiṭṭhāmi. **Evaṃ ovadiyamānā evaṃ anusāsiyamānāti** mayā evaṃ ovadiyamānā evaṃ anusāsiyamānā. Ettha uppanne vatthusmiṃ vadanto **ovadati** nāma, nuppanne vatthusmiṃ anusāsanto “ayasopi te bhavissati”tiādivasena anāgataṃ dassento **anusāsati** nāma. Sammukhā vadantopi **ovadati** nāma, parammukhā dūtasāsanaṃ vā pesento **anusāsati** nāma. Sakim vadantopi **ovadati** nāma, punappunaṃ vadanto **anusāsati** nāma. Ovadanto eva vā **anusāsati** nāma. **Appekaceti** api ekacce, eketi attho. **Accantaniṭṭhaṃ nibbānaṃ ārādhentīti** khayavayasāṅkhātāṃ antaṃ atītanti accantaṃ, accantañca taṃ sabbasaṅkhārānaṃ appavattiṭṭhānattā niṭṭhañcāti accantaniṭṭhaṃ, ekantaniṭṭhaṃ, satataniṭṭhanti attho. Taṃ accantanibbānaṃ ārādhenti sampādentī. **Nārādhentīti** na sampādentī, na paṭilabhanṭīti attho. **Ettha kyāhanti** etesu kim ahaṃ, kim karomīti attho. **Maggakkhāyīti** paṭipadāmaggakkhāyī. **Ācikkhati** katheti. **Attanā paṭipajjamānā muñceyyunti** paṭipajjantā mayaṃ muñceyyuṃ.

Atītaṃ upādāyāti atītaṃ paṭicca. **Kathaṃ pure apekkhaṃ karotīti** kena pakārena ikkhaṃ olokanaṃ karoti. **Evaṃ rūpo ahoṣinti** dīgharassāṇukathulādivasena evaṃjātiko evarūpo abhaviṃ. **Tattha nandiṃ samannānetīti** tasmiṃ rūpārammaṇe taṅhaṃ sammā ānayaṭi upaneti. **Vedanādīsipi** eseṃ nayo.

“**Iti me cakkhū**”tiādayo vatthuārammaṇavasena taṅhuppattim dassento āha. **Iti rūpātīti** evaṃ rūpā iti. **Tattha chandarāgapaṭibaddhanti** tesu cakkhurūpesu dubbalasaṅkhāto chando ca balavasāṅkhāto rāgo ca, tena chandarāgena paṭibaddhaṃ allīnaṃ. **Viññāṇanti** javanacittaṃ. **Chandarāgapaṭibaddhattā viññāṇassati** tassa javanaviññāṇassa chandarāgena baddhabhāvā. **Tadabhinandati** taṃ ārammaṇaṃ taṅhāvasena abhinandati.

Yānissa tānīti yāni assa tāni. **Pubbeti** atīte. **Saddhinti** ekato. **Hasitalapitakīlītānīti** dantavidamsādihasitāni ca, vacībhedaṃ katvā lapitāni ca, kāyakhīḍḍādīkīlītāni ca. **Tadassādetīti** taṃ assādayati assādaṃ vindati sādīyati. **Taṃ nikāmetīti** taṃ nikāmayati paccāsīsatī. **Vitīti** āpajjati tuṭṭhiṃ pāpuṇāti.

Siyaṅti bhaveyyaṃ. **Appaṭiladdhassa paṭilābhāyāti** appattassa pāpuṇanattāya. **Cittaṃ paṇidahaṭīti** cittaṃ ṭhapeti. **Cetaso paṇidhānapaccayāti** cittassa ṭhapanakāraṇā.

Sīlena vāti pañcasīlādisīlena vā. **Vatena vāti** dhutaṅgasamādānena vā. **Tapena vāti** vīriyasamādānena vā. **Brahmacariyena vāti** methunaviratīyā vā. **Devo vāti** mahānubhāvo devarājā vā. **Devanātaro vāti** tesam aññataro vā.

Jappantāti guṇavasena kathentā. **Pajappantāti** pakārena kathentā. **Abhijappantāti** vīsesena kathentā, upasaggavasena vā vaḍḍhitāṃ.

9. Evaṃ paṭhamagāthāya “dūre vivekā hi tathāvidho”ti sādhetvā dutiyagāthāya ca tathāvidhānaṃ dhammataṃ āvi katvā idāni tesam pāpakaraṇaṃ āvi karonto “**kāmesu giddhā**”ti gāthamāha.

Tassattho – te sattā kāmesu paribhogataṅhāya **giddhā**, pariyesanādīmanuyuttattā **pasutā**, sammohamāpannattā **pamūlā**, avagamanatāya macchariyatāya buddhādīnaṃ vacanaṃ anādīyatāya ca **avadāniyā**, kāyavisamādīmihi **visame** nivīṭṭhā, antakāle maraṇadukkhūpanī, “kimso bhavissāma ito cutāse”ti paridevayantīti.

Giddhāti kāmarāgena giddhā. **Gadhītāti** saṅkapparāgena paccāsīsamānā hutvā gadhitā. **Mucchītāti** kāmatāṅhāya mucchāparetā. **Ajjhosannāti** kāmanandīyā adhiosannā ajjhotthaṭā. **Laggāti** kāmasinehena allīnā. **Laggītāti** kāmapariḷāhena ekībūtā. **Palibuddhāti** kāmasaññāya āvaṭṭitā. Atha vā “diṭṭhidassane **giddhā**. Abhiṇhadassane **gadhītā**. Saṃsaggakīriyasmim **mucchītā**. Vissāsakīriyasmim **ajjhosannā**. Sinehavaḷaṅjasmim **laggā**. Dvayaṃdvayasamāpattimhi **laggītā**. Aparāparaṃ amuñcamānā hutvā **palibuddhā**”ti evameke vaṇṇayanti.

Esantīti paccāsīsanti. **Gavesantīti** maggayanti. **Pariyesantīti** sabbākarena icchanti patthenti. Atha vā diṭṭhārammaṇe subhāsubhamā atthi, natthīti **esanti**. Subhāsubhārammaṇe paccakkhamā katvā vaḷañjanatthāya piyaṃ karontā **gavesanti**. Cittavasena **esanti**. Payogavasena **gavesanti**. Karaṇavasena **pariyesanti**. Te duvidhe kāme paṭicca otarivā carantīti **taccarītā**. Te ca kāme bahulaṃ yebhuyyena vadḍhenti pavattayantīti **tabbahulā**. Te ca kāme garuṃ katvā rahantīti **taggarukā**. Tesu kāmesu ninnā namitā hutvā vasantīti **tanninnā**. Tesu kāmesu sanninnā hutvā vasantīti **tapponā**. Tesu kāmesu avalambitā hutvā tesuyeva namitā vasantīti **tappabbhārā**. Tesu kāmesu avattharivā mucchāparetappasaṅgā hutvā vadantīti **tadadhimuttā**. Te ca kāme adhipatiṃ jeṭṭhakamā katvā vasantīti **tadadhipateyyā**. Atha vā “ārammaṇassa iṭṭhabhāvena **taccarītā**. Ārammaṇassa kantabhāvena **tabbahulā**. Ārammaṇassa manāpabhāvena **taggarukā**. Ārammaṇassa piyabhāvena **tanninnā**. Ārammaṇassa kāmupasaṃhitabhāvena **tapponā**. Ārammaṇassa rajaniyabhāvena **tappabbhārā**. Ārammaṇassa mucchanīyabhāvena **tadadhimuttā**. Ārammaṇassa bandhanīyabhāvena **tadadhipateyyā**”ti evameke vaṇṇayanti.

Rūpe pariyesantītiādīsu **pariyesantīti** aladdhassa lābhāya esanavasena. **Paṭilabhanṭīti** hatthagatavasena. **Paribhuñjantīti** vaḷañjanavasena vuttanti nātappaṃ. Kalahaṃ vivādaṃ karotīti **kalahakārako**. Tasmīṃ niyuttoti **kalahapasuto**. **Kammakārakā**disupī eseva nayo. **Gocare carantoti** vesiyādigocare, satipaṭṭhānādigocare vā caramāno. Tesu niyutto **gocarapasuto**. Ārammaṇūpanijjhānavasena jhānaṃ assa atthīti **jhāyī**. Tasmīṃ niyutto **jhānapasuto**.

Avagacchanṭīti apāyaṃ gacchanti. **Maccharinoti** sakasampattiṃ niguhantā. **Vacananti** kathanāṃ. **Byapathanti** vākyapathaṃ. **Desananti** vissajjanaovādaṃ. **Anusiṭṭhanti** anusāsaṇiṃ. **Nādiyantīti** na gaṇhanti na garuṃ karonti. “Na paṭissanti”ti vā pāṭho, soyeva attho. Vatthuto macchariyadassanatthamā “**pañca macchariyāni āvāsamacchariya**”ntiādi vuttamā. Tattha āvāse macchariyaṃ **āvāsamacchariyaṃ**. Sesapadesupī eseva nayo.

Āvāso nāma sakalārāmapī parivenāmpī ekovarakopī rattiṭṭhānādīnīpī. Tesu vasantā sukhamā vasanti, paccaye labhanti. Eko bhikkhu vattasampannasseva pesalassa bhikkhuno tattha āgamaṇamā na icchati, āgatopī “khippaṃ gacchatī”ti cintesi, idaṃ **āvāsamacchariyaṃ** nāma. Bhaṇḍanakārakādīnaṃ pana tattha vāsaṃ anicchato āvāsamacchariyaṃ nāma na hoti.

Kulanti upaṭṭhākakulampī nātikulampī. Tattha aññaṃ upasaṅkamaṇamā anicchato **kulamacchariyaṃ** hoti. Pāpapuggalassa pana upasaṅkamaṇamā anicchato macchariyaṃ nāma na hoti. So hi tesamā pasādabhedāya paṭipajjati. Pasādamā rakkhituṃ samatthasseva pana bhikkhuno tattha upasaṅkamaṇamā anicchato macchariyaṃ nāma hoti.

Lābhoti catupaccayalābhova. Tamā aññaṃsīṃ sīlavanteyeva labhante “mā labhatū”ti cintentassa **lābhamacchariyaṃ** hoti. Yo pana saddhādeyyamā vinipāṭeti, aparibhogadupparibhogādivasena vināseti, pūtibhāvaṃ gacchantampī aññaṃ na deti, tamā disvā “sace imaṃ esa na labheyya, añño sīlavā labheyya, paribhogamā gaccheyyā”ti cintentassa macchariyaṃ nāma natthi.

Vaṇṇo nāma sarīravaṇṇopī guṇavaṇṇopī. Tattha sarīravaṇṇe maccharī “paro pāsādiko rūpavā”ti vutte tamā na kathetukāmo hoti. Guṇavaṇṇamaccharī parassa sīlena dhutaṅgena paṭipadāya ācārena vaṇṇamā na kathetukāmo hoti.

Dhammoti pariyattidhammo ca paṭivedhadhammo ca. Tattha ariyasāvakaṃ paṭivedhadhammamā na maccharāyanti, attanā paṭividdhadhamme sadevakassa lokassa paṭivedhamā icchanti. Tamā pana paṭivedhamā “pare jānantū”ti icchanti, tantidhammeyeva pana **dhammamacchariyaṃ** nāma hoti. Tena samannāgato puggalo yaṃ guḷhamā ganthamā vā kathāmaggaṃ vā jānāti, tamā aññaṃ na jānāpetukāmo hoti. Yo pana puggalamā upaparikkhitvā dhammānuggahena dhammamā vā upaparikkhitvā puggalānuggahena na deti, yaṃ dhammamaccharī nāma na hoti. Tattha ekacco puggalo lolo hoti, kālena samaṇo hoti, kālena brāhmaṇo, kālena nigaṇṭho. Yo hi bhikkhu “ayaṃ puggalo pavenīāgataṃ tantimā saṅhamā sukhumamā dhammantaramā bhinditvā āluḷessatī”ti na deti, yaṃ puggalamā upaparikkhitvā dhammānuggahena na deti nāma. Yo pana “ayaṃ dhammo saṅho sukhumo, sacāyamā puggalo gaṇhissatī, aññaṃ byākāritvā attānaṃ āvi katvā nassissatī”ti na deti, yaṃ dhammamā upaparikkhitvā puggalānuggahena na deti nāma. Yo pana “sacāyamā imaṃ dhammamā gaṇhissatī, amhākamā samayamā bhinditumā samattho bhavissatī”ti na deti, yaṃ dhammamaccharī nāma hoti.

Imesu pañcasu macchariyesu āvāsamacchariyena tāva yakkho vā peto vā hutvā tasseva āvāsassa saṅkāramā sīsenā ukkhipitvā vicarati. Kulamacchariyena tasmīṃ kule aññaṃsaṃ dānamānanādīmi karonte disvā “bhinnaṃ vatidaṃ kulamā mamā”ti cintayato lohitampī mukhato uggacchati, kucchivirecanampī hoti, antānīpī khaṇḍakhaṇḍāni hutvā nikkhamanti. Lābhamacchariyena saṅghassa vā gaṇassa vā santake lābhe maccharāyitvā puggalikaparibhogamā viya paribhuñjitvā yakkho vā peto vā mahāajagaro vā hutvā nibbattati. Sarīravaṇṇaguṇavaṇṇamaccharena pana pariyattidhammamacchariyena ca attanova vaṇṇamā vaṇṇeti, paresamā vaṇṇe “kiṃ vaṇṇo eso”ti tamā tamā dosamā vadanto pariyattidhammañca kassaci kiñci adento dubbaṇṇo ceva eḷamūgo ca hoti.

Api ca āvāsamacchariyena lohagehe paccati, kulamacchariyena appalābho hoti, lābhamacchariyena gūthaniraye nibbattati, vaṇṇamacchariyena bhava bhava nibbattassa vaṇṇo nāma na hoti, dhammamacchariyena kukkuḷaniraye nibbattatīti.

Maccharāyanavasena **macchariyaṃ**. Maccharāyanākāro **maccharāyanā**. Maccharena aytassa maccherasamaṅgino bhāvo **maccharāyitattamā**. “Mayhameva hontu, mā aññassā”ti sabbāpī attano sampattiyo byāpetumā na icchatīti viviccho, vivicchassa bhāvo **vevicchamā**, mudumacchariyassetamā nāmamā. Kadariyo vuccati anādarō, tassa bhāvo **kadariyamā**, thaddhamacchariyassetamā nāmamā. Tena hi samannāgato puggalo parampī paresamā dadamānaṃ nivāreti. Vuttampi cetamā –

“Kadariyo pāpasaṅkappo, micchādīṭṭhianādarō;
Dadamānaṃ nivāreti, yācamānāna bhojana”nti. (saṃ. nī. 1.132);

Yācake disvā kaṭukabhāvena cittaṃ añcati saṅkocetīti kaṭukañcuko, tassa bhāvo **kaṭukañcukatā**. Aparō nayo – kaṭukañcukatā vuccati kaṭacchuggāho. Samatittikapuñṇāya hi ukkhaliyā bhattaṃ gaṇhanto sabbatobhāgena saṅkuṭitena aggaṭacchunā gaṇhāti pūretvā gahetuṃ na sakkoti, evaṃ maccharipuggalassa cittaṃ saṅkucati, tasmim saṅkucite kāyopi tatheva saṅkucati paṭikuṭāti paṭinivaṭṭati na sampasāriyatīti maccheram “kaṭukañcukatā”ti vuttaṃ.

Agghatattam cittaṃ paresaṃ upakārakaraṇe dānādīnā ākārena yathā na sampasāriyati, evaṃ āvaritvā gahitabhāvo cittaṃ. Yasmā pana maccharipuggalo attano santakaṃ paresaṃ adātukāmo hoti, parasantakaṃ gaṇhitukāmo. Tasmā “idaṃ acchariyaṃ mayhameva hotu, mā aññassā”ti pavattivāsenassa attasampattinīgūhanalakkhaṇatā parasampattiggahaṇalakkhaṇatā ca vedītabbā.

Khandhamacchariyampi macchariyanti attano pañcakkhandhasaṅkhātā upapattibhavaṃ aññehi asādhāraṇaṃ “acchariyaṃ mayhameva hotu, mā aññassā”ti pavattaṃ macchariyaṃ khandhamacchariyaṃ nāma. **Dhātuāyatana macchariyesu**pi eseva nayo. **Gāhoti** gāhanicchayavasena gahaṇaṃ. **Avadaññutāyāti** sabbaññubuddhānampi kathitaṃ ajānanabhāvena. Yācakānaṃ adadamāno hi tehi kathitaṃ na jānāti nāma. **Janā pamattāti** sativippavāsā janā. **Vacananti** saṅkhepavacanaṃ. **Byappathanti** vitthāravacanaṃ. **Desananti** upamaṃ dassetvā atthasandassanavacanaṃ. **Anusiṭṭhanti** punappunaṃ saṃlakkhāpanavacanaṃ. Atha vā dassetvā kathanāṃ **vacanaṃ** nāma. Gaṇhāpetvā kathanāṃ **byappathaṃ** nāma. Tosetvā kathanāṃ **desanaṃ** nāma. Padassetvā kathanāṃ **anusiṭṭhi** nāma. Atha vā paritāpadukkhāṃ nāsetvā kathanāṃ **vacanaṃ** nāma. Parijāhadukkhāṃ nāsetvā kathanāṃ **byappathaṃ** nāma. Apāyadukkhāṃ nāsetvā kathanāṃ **desanaṃ** nāma. Bhavadukkhāṃ nāsetvā kathanāṃ **anusiṭṭhi** nāma. Atha vā dukkhasaccaparīññāpaṭivedhayuttaṃ **vacanaṃ**. Samudayasaccapahānaṃ paṭivedhayuttaṃ **byappathaṃ**. Nirodhasaccasacchikiriyaṃ paṭivedhayuttaṃ **desanaṃ**. Maggasaccabhāvanāpaṭivedhayuttaṃ **anusiṭṭhīti** evamādinā nayena eke vaṇṇayanti.

Na sussusanṭīti na suṇanti. **Na sotam odahanṭīti** savanattaṃ kaṇṇasotaṃ na ṭhapenti. **Na aññā cittaṃ upaṭṭhapenti** jānanattaṃ cittaṃ na paṭiṭṭhapenti. **Anassavāti** ovādaṃ asuṇamānā. **Avacanakarāti** suṇamānāpi vacanaṃ na karontīti avacanakarā. **Paṭilomavuttinoti** paṭāṇī hutvā pavattanakā. **Aññeneva mukhaṃ karontīti** karontāpi mukhaṃ na dentīti attho.

Visameti kāyasucaritādisammatassa samassa paṭipakkhattā visamaṃ, tasmim visame. **Niviṭṭhāti** pavitṭhā dunnīharā. **Kāyakammeti** kāyato pavatte, kāyena vā pavatte kāyakamme. **Vacīkammādisupi** eseva nayo.

Tattha kāyakammavacīkammamanokammāni duccharitavasena vibhattāni, pāṇātipātādayo dasaakusalakammāpathavasena vibhattāni nātābbaṃ. Ayaṃ tāvettha sādharmaṇapadavaṇṇanā, asādhāraṇesu pana pāṇassa atipāto **pāṇātipāto**, pāṇavadhō pāṇaghātōti vuttaṃ hoti. Pāṇoti cettha vohārato satto, paramatthato jīvitindriyaṃ. Tasmim pana pāṇe pāṇasaññīno jīvitindriyupacchedakaupakkamasamuṭṭhāpitā kāyavacīdvārānaṃ aññataradvārāpavattā vadhakacetanā pāṇātipāto. So guṇavirahitesu tiracchānagatādīsu pāṇesu khuddake pāṇe appasāvajjo, mahāsārīre mahāsāvajjo. Kasmā? Payogamahantatāya, payogasamattepi vatthumahantatāya. Guṇavantesu manussādīsu appaguṇe pāṇe appasāvajjo, mahāguṇe mahāsāvajjo. Sarīraguṇānaṃ pana samabhāve sati kilesānaṃ upakkamānaṃca mudutāya appasāvajjo, tibbatāya mahāsāvajjoti vedītabbo.

Tassa pañca sambhārā honti – pāṇo pāṇasaññīnā vadhakacittaṃ upakkamo tena maraṇanti. Chappayogā – sāhatthiko āṇattiko nissaggiyo thāvaro vijjāmayo iddhiṃmayoti. Imasmim panatthe vitthāriyamāne atipapañco hoti, tasmā naṃ na vitthāriyissāma. Aññaṃca evarūpaṃ, atthikehi pana samantapāsādikāṃ vinayaṭṭhakathaṃ (pārā. atṭha. 2.172) oloketvā gahetabbaṃ.

Adinnassa ādānaṃ **adinnādānaṃ**, parassa haraṇaṃ theyyaṃ corikāti vuttaṃ hoti. Tattha **adinnanti** parapariggahitaṃ, yattha paro yathākāmakāritaṃ āpajjanto adaṇḍāraho anupavajjo ca hoti, tasmim pana parapariggahite parapariggahitasaññīno tadādāyakaupakkamasamuṭṭhāpikā theyyacetanā adinnādānaṃ. Taṃ hīne parasantake vatthusmim appasāvajjaṃ, paṇīte mahāsāvajjaṃ. Kasmā? Vatthupaṇītatāya, vatthusamatte sati guṇādhikānaṃ santake vatthusmim mahāsāvajjaṃ. Taṃ taṃ guṇādhikāṃ upādāya tato tato hīnaguṇassa santake vatthusmim appasāvajjaṃ.

Tassa pañca sambhārā honti – parapariggahitaṃ parapariggahitasaññīnā theyyacittaṃ upakkamo tena haraṇanti. Chappayogā sāhatthikādayova. Te ca kho yathānurūpaṃ theyyāvahāro pasayhāvahāro paṭicchannāvahāro parikappāvahāro kusāvahāroti imesaṃ pañcannaṃ avahāraṇaṃ vasena pavattanti. Ayametta saṅkhepo. Vitthāro pana samantapāsādikāyaṃ vutto.

Kāmesumicchācāroti ettha pana **kāmesūti** methunasamācāresu. **Micchācāroti** ekantanindito lāmakācāro. Lakkhaṇato pana asaddhammasevanādhīppāyena kāyadvārappavattā agamanīyaṭṭhānavītikamacetanā kāmesumicchācāro.

Tattha agamanīyaṭṭhānaṃ nāma purisānaṃ tāva māturalakkhitā pituralakkhitā mātāpituralakkhitā bhāturalakkhitā bhaginiralakkhitā nātirakkhitā gottaralakkhitā dhammaralakkhitā sārakkhā saparidaṇḍāti māturalakkhitādayo dasa, dhanakkhitā chandavāsīni bhogavāsīni paṭavāsīni odapattakīni obhatacumbaṭakā dāsī ca bhariyā kammakārī ca bhariyā dhajāhaṭā muhuttikāti etā

dhanakkītādayo dasāti vīsati itthiyo. Itthīsu pana dvīnaṃ sārakkhasaparidaṇḍānaṃ dasannañca dhanakkītādīnanti dvādasannaṃ itthīnaṃ aññe purisā, idaṃ agamanīyaṭṭhānaṃ nāma.

So panesa micchācāro sīlādiguṇarahite agamanīyaṭṭhāne appasāvajjo, sīlādiguṇasampanne mahāsāvajjo. Tassa cattāro sambhārā – agamanīyavatthu tasmīṃ sevanacittaṃ sevanapayogo maggena maggapaṭipattiadhivāsanti. Eko payogo sāhatthiko eva.

Musāti viṣaṃvādanapurekkhārassa atthabhañjanako vacīpayogo kāyapayogo vā. Viṣaṃvādanādhippāyena panassa paraviṣaṃvādakāyavacīpayogasamuṭṭhāpikā cetanā **musāvādo**. Aparo nayo – **musāti** abhūtaṃ atacchaṃ vatthu. **Vādoti** tassa bhūtato tacchato viññāpanaṃ. Lakkhaṇato pana atathaṃ vatthuṃ tathato paraṃ viññāpetukāmassa tathāviññattisamuṭṭhāpikā cetanā **musāvādo**. So yamatthaṃ bhañjati, tassa appatāya appasāvajjo, mahantatāya mahāsāvajjo. Api ca gahaṭṭhānaṃ attano santakaṃ adātukāmatāya “natthī”tiādīnāyappavatto appasāvajjo, sakkhinā hutvā atthabhañjanatthaṃ vutto mahāsāvajjo. Pabbajitānaṃ appakampi telaṃ vā sappiṃ vā labhitvā hasādhippāyena “ajja gāme telaṃ nadī maññe sandatī”ti pūraṇakathānāyena pavatto appasāvajjo, adīṭṭhaṃyeva pana diṭṭhantiādīnā nayena vadantānaṃ mahāsāvajjo.

Tassa cattāro sambhārā honti – atathaṃ vatthu viṣaṃvādanacittaṃ tajjo vāyāmo parassa tadatthavijānananti. Eko payogo sāhatthikova. So ca kāyena vā kāyapaṭibaddhena vā vācāya vā paraviṣaṃvādakakiriyākaraṇe daṭṭhabbo. Tāya ce kiriyāya paro tamatthaṃ jānāti, ayaṃ kiriyasamuṭṭhāpikā cetanākkhaṇeyeva musāvādakammunā bajjhati.

Pisuṇavācātiādīsu yāya vācāya yassa taṃ vācaṃ bhāsati, tassa hadaye attano piyabhāvaṃ parassa ca suññabhāvaṃ karoti, sā **pisuṇavācā**. Yāya pana attānampi parampi pharusāṃ karoti, yā vācā sayampi pharusā neva kaṇṇasukhā na hadayaṅgamā, ayaṃ **pharusavācā**. Yena samphaṃ palapati nīratthakaṃ, so **samphappalāpo**. Tesāṃ mūlabhūṭāpi cetanā pisuṇavācādināmeva labhati, sā eva idha adhippetāti.

Tattha saṃkiliṭṭhacittassa paresāṃ vā bhedāya attano piyakamyatāya vā kāyavacīpayogasamuṭṭhāpikā cetanā **pisuṇavācā**. Sā yassa bhedaṃ karoti, tassa appaṇāyā appasāvajjā, mahāguṇatāya mahāsāvajjā.

Tassā cattāro sambhārā honti – bhinditabbo paro “iti ime nānā bhavissanti viṇā bhavissanti”ti bhedapurekkhārātā vā, “iti ahaṃ piyo bhavissāmi vissāsiko”ti viyakamyatā vā, tajjo vāyāmo, tassa tadatthavijānananti.

Parassa mammacchedakāyavacīpayogasamuṭṭhāpikā ekantapharusacetanā **pharusavācā**. Mammacchedakopi payogo cittasaṅhatāya pharusavācā na hoti. Mātāpitaro hi kadāci puttake evampi vadanti “corā vo khaṇḍakhaṇḍikaṃ karontū”ti, uppapattampi ca nesaṃ uparī patantaṃ na icchanti. Ācariyupajjhāyā ca kadāci nissitake evaṃ vadanti “kiṃ ime ahirikā anottappino caranti, niddhamatha ne”ti. Atha ca nesaṃ āgamādhigamasampattiṃ icchanti. Yathā ca cittasaṅhatāya pharusavācā na hoti, evaṃ vacanasāṅhatāya aphaṇḍavācāpi na hoti. Na hi mārapetukāmassa “imaṃ sukhaṃ sayāpethā”ti vacanaṃ aphaṇḍavācā hoti, cittapharusatāya panesā pharusavācāva, sā yaṃ sandhāya pavattitā. Tassa appaṇāyā appasāvajjā, mahāguṇatāya mahāsāvajjā. Tassā tayo sambhārā – akkositabbo paro kupitacittaṃ akkosanti.

Anatthaviññāpikā kāyavacīpayogasamuṭṭhāpikā akusalacetanā **samphappalāpo**. So āsevanamandatāya appasāvajjo, āsevanamahantatāya mahāsāvajjo. Tassa dve sambhārā honti – bhāratayuddhasītāharaṇādīnīratthakakathāpurekkhārātā tathārūpīkathākathanañcāti.

Abhijjhāyatīti **abhijjhā**, parabhaṇḍābhīmukhī hutvā tanninnatāya pavattatīti attho. Sā “aho vata idaṃ mamāssā”ti evaṃ parabhaṇḍābhijjhāyanalakkhaṇā. Adinnādānaṃ viya appasāvajjā mahāsāvajjā ca. Tassā dve sambhārā honti – parabhaṇḍaṃ attano pariṇāmanañcāti. Parabhaṇḍavatthuke hi lobhe uppannepi na tāva kammaṭṭhābhedo hoti, yāva “aho vatidaṃ mamāssā”ti attano na pariṇāmeti.

Hitasukhaṃ byāpādayatīti **byāpādo**, so paravināsāya manopadosalakkhaṇo. Pharusavācā viya appasāvajjo mahāsāvajjo ca. Tassa dve sambhārā honti – parasatto ca tassa ca vināsacintāti. Parasattavatthuke hi kodhe uppannepi na tāva kammaṭṭhābhedo hoti, yāva “aho vatāyaṃ ucchijjeyya vinasseyyā”ti tassa vināsaṃ na cintesi.

Yathābhuccagahaṇābhāvena micchā passatīti **micchādīṭṭhi**. Sā “natthi dinna”ntiādīnā nayena viparītadassanalakkhaṇā. Samphappalāpo viya appasāvajjā mahāsāvajjā ca.

Saññī, asaññī, nevasaññīnāsaññī bhavissāmāti rūpādivasena kaṅkhanti. **Bhavissāma nu kho mayanti**ādīnā attānaṃ kaṅkhanti. Tattha **bhavissāma nu kho. Na nu kho bhavissāmāti** tassa sassatākāraṇa ucchedākāraṇa nissāya anāgate attānaṃ vijjāmanānañca avijjāmanānañca kaṅkhanti. **Kiṃ nu kho bhavissāmāti** jātilīngupapattiyo nissāya “khattiyā nu kho bhavissāma, brāhmaṇavessasuddagahaṭṭhapabbajitadevamanussānaṃ aññatarā”ti kaṅkhanti. **Kathaṃ nu kho bhavissāmāti** saṅṭhānākāraṇa nissāya “dīghā nu kho bhavissāma, rassaodātakaṇhapamaññikaappamaññikādīnaṃ aññatarā”ti kaṅkhanti. Keci pana “issaranimmānādīni nissāya ‘kena nu kho kāraṇena bhavissāmāti’ hetuto kaṅkhanti”ti vadanti. **Kiṃ hutvā kiṃ bhavissāma nu kho mayanti** jātiādīni nissāya “khattiyā hutvā nu kho brāhmaṇā bhavissāma...pe... devā hutvā manussā”ti attano paramparaṃ kaṅkhanti. Sabbattheva pana **addhānanti** kālādhivacanamaṃ.

10. Yasmā etadeva tasmā hi sikkhetha...pe... āhu dhīrāti. Tattha **sikkhethāti** tisso sikkhā āvajjeyya. **Idhevāti** imasmiṃyeva sāsane. Tattha sikkhitabbāti **sikkhā**. **Tissoti** gaṇanaparicchedo. **Adhisīlasikkhāti** adhikaṃ uttamaṃ sīlanti adhisīlaṃ, adhisīlaṃ ca taṃ sikkhitabbaṭṭhena sikkhā cāti adhisīlasikkhā. Esa nayo adhicittaadhīpaññāsikkhāsu.

Katamaṃ panetha sīlaṃ, katamaṃ adhisīlaṃ, katamaṃ cittaṃ, katamaṃ adhicittaṃ, katamā paññā, katamā adhipaññāti? Vuccate – pañcaṅgadasaṅgasīlaṃ tāva sīlameva. Tañhi buddhe uppannepi anuppannepi loke pavattati. Uppanne buddhe tasmiṃ sīle buddhāpi sāvakāpi mahājanaṃ samādapenti, anuppanne buddhe paccekabuddhā ca kammavādino ca dhammikā samaṇabrāhmaṇā ca cakkavattī ca mahārājāno mahābodhisattā ca samādapenti, sāmampi paṇḍitā samaṇabrāhmaṇā samādiyanti. Te taṃ kusalaṃ dhammaṃ paripūretvā devesu ca manussesu ca sampattiṃ anubhonti.

Pātimokkhasaṃvarasīlaṃ pana “adhisīla”nti vuccati. Tañhi sūriyo viya pajjotānaṃ sineru viya pabbatānaṃ sabbalokiyasīlānaṃ adhikañceva uttamañca, buddhuppādeyeva ca pavattati, na vinā buddhuppādā. Na hi taṃ paññattiṃ uddharitvā añño satto ṭhapetuṃ sakkoti. Buddhāyeva pana sabbaso kāyavacīdvāraajjhācārasotaṃ chinditvā tassa tassa vītikamassa anucchavikaṃ taṃ sīlasaṃvaraṃ paññapenti. Pātimokkhasaṃvaratopi ca maggaphalasampayuttameva sīlaṃ adhisīlaṃ.

Kāmāvacarāni pana aṭṭha kusalacittāni lokiyaatṭhasamāpatticittāni ca ekajjhaṃ katvā cittamevāti veditabbāni. Buddhuppādānuppāde cassa pavatti, samādapanāṃ samādānañca sīle vuttanayeneva veditabbāṃ.

Vipassanāpādakaṃ aṭṭhasamāpatticittaṃ pana “adhicitta”nti vuccati. Tañhi adhisīlaṃ viya sīlānaṃ, sabbalokiyacittānaṃ adhikañceva uttamañca, buddhuppādeyeva ca hoti, na vinā buddhuppādā. Tatopi ca maggaphalacittameva adhicittaṃ.

“Atthi dinnam atthi yittha”ntiādinayappavattaṃ (ma. ni. 2.94) pana kammassakatāññaṃ paññā. Sā hi buddhe uppannepi anuppannepi loke pavattati. Uppanne buddhe tassā paññāya buddhāpi sāvakāpi mahājanaṃ samādapenti, anuppanne buddhe paccekabuddhā ca kammavādino ca dhammikā samaṇabrāhmaṇā ca cakkavattī ca mahārājāno mahābodhisattā ca samādapenti, sāmampi paṇḍitā satta samādiyanti. Tathā hi ānkuro dasavassasahassāni mahādānaṃ adāsi. Velāmo vessantaro aññe ca bahū paṇḍitamanussā mahādānāni adāmsu. Te taṃ kusalaṃ dhammaṃ paripūretvā devesu ca manussesu ca sampattiṃ anubhaviṃsu.

Tilakkhaṇākāraparicchedakaṃ pana vipassanāññaṃ “adhipaññā”nti vuccati. Sā hi adhisīlaadhicittāni viya sīlacittānaṃ, sabbalokiyapaññānaṃ adhikā ceva uttamā ca, na ca vinā buddhuppādā loke pavattati. Tatopi ca maggaphalapaññāva adhipaññā.

Idāni ekekaṃ dassento “**katamā adhisīlasikkhā – idha bhikkhu sīlavā hoti, pātimokkhasaṃvarasaṃvuto viharatī**”tiādimāha. **Idhāti** vacanaṃ pubbhāgākaraṇīyasampadāya sampannassa sabbapakārasīlaparipūrakassa puggalassa sannissayabhūtasāsanaparidīpanaṃ, aññāsāsanassa ca tathābhāvapaṭisedhanaṃ. Vuttañhetam – “idheva, bhikkhave, samaṇo... pe... suññaṃ parappavādā samaṇebhi aññehī”ti (ma. ni. 1.139-140). **Bhikkhūti** tassa sīlassa paripūrakassa puggalassa paridīpanaṃ. **Pātimokkhasaṃvarasaṃvutoti** idamassa pātimokkhasaṃvare patitṭhitabhāvaparidīpanaṃ. **Viharatīti** idamassa tadanurūpavihārasamaṅgībhāvaparidīpanaṃ. **Ācāragocarasampannoti** idamassa pātimokkhasaṃvarassa upakāradhammaparidīpanaṃ. **Aṇumattesu vajjesu bhayadassavīti** idamassa pātimokkhatō acavanadhammatāparidīpanaṃ. **Samādāyāti** idamassa sikkhāpadānaṃ anavasesato ādānaparidīpanaṃ. **Sikkhatīti** idamassa sikkhāya samaṅgībhāvaparidīpanaṃ. **Sikkhāpadesūti** idamassa sikkhitabbadhammaparidīpanaṃ.

Tattha **bhikkhūti** saṃsāre bhayaṃ ikkhatīti bhikkhu. Sīlassa atthīti sīlavāti ettha **sīlanti** sīlanaṭṭhena sīlaṃ. Kimidaṃ sīlanaṃ nāma? Samādhānaṃ vā, kāyakammādīnaṃ susīlyavasena avippakīṇṇatīti attho. Upadhāraṇaṃ vā, kusalānaṃ dhammānaṃ patitṭhāvasena ādhārabhāvōti attho. Etadeva hi ettha atthadvayaṃ saddalakkhaṇavidū anujānanti. Aññe pana “adhisevanaṭṭhena ācāraṭṭhena sīlanaṭṭhena siraṭṭhena sīlalaṭṭhena sivaṭṭhena **sīla**”nti vaṇṇayanti.

Sīlanaṃ lakkhaṇaṃ tassa, bhinnassāpi anekadhā;
Sanidassanattaṃ rūpassa, yathā bhinnassanekadhā.

Yathā hi nīlapitātibhedanekadhā bhinnassāpi rūpāyanassa sanidassanattaṃ lakkhaṇaṃ nīlātibhedena bhinnassāpi sanidassanabhāvānatikkamanato. Tathā sīlassa cetanātibhedena anekadhā bhinnassāpi yadetaṃ kāyakammādīnaṃ samādhānavasena, kusalānañca dhammānaṃ patitṭhāvasena vuttaṃ sīlanaṃ, tadeva lakkhaṇaṃ cetanātibhedena bhinnassāpi samādhānapatitṭhābhāvānatikkamanato. Evaṃ lakkhaṇassa panassa –

Dussīlyaviddhaṃsanatā, anavajjaguṇo tathā;
Kiccāsampattiatthena, raso nāma pavuccati.

Tasmā idaṃ sīlaṃ nāma kiccaṭṭhena rasena dussīlyaviddhaṃsanarasaṃ, sampattiatthena rasena anavajjarasanti veditabbāṃ.

Soceyyapaccupaṭṭhānaṃ, tayidaṃ tassa viññubhi;
Ottappañca hirī ceva, padaṭṭhānanti vaṇṇitaṃ.

Tañhidaṃ sīlaṃ “kāyasoceyyaṃ vacīsoceyyaṃ manosoceyya”nti evaṃ vuttasoceyyapaccupaṭṭhānaṃ, soceyyabhāvena paccupaṭṭhāti gahaṇabhāvaṃ gacchati. Hirottappañca pana tassa viññūhi padaṭṭhānanti vaṇṇitaṃ, āsanna-kāraṇanti atho. Hirottappe hi sati sīlaṃ uppajjati ceva tiṭṭhati ca, asati neva uppajjati ceva na tiṭṭhati cāti evaṃvidhena sīlena sīlavā hoti. Etaṃ sīlaṃ nāma pāṇātipātādīhi vā viramantassa, vattapaṭipattim vā pūrentassa cetanādayo dhammā veditabbā. Vuttañhetam paṭisambhidāyaṃ “kiṃ sīlanti? Cetanā sīlaṃ, cetasikaṃ sīlaṃ, saṃvaro sīlaṃ, avītikkamo sīla”nti (paṭi. ma. 1.39).

Tattha **cetanā sīlaṃ** nāma pāṇātipātādīhi vā viramantassa vattapaṭipattim vā pūrentassa cetanā. **Cetasikaṃ sīlaṃ** nāma pāṇātipātādīhi viramantassa virati. Api ca cetanā sīlaṃ nāma pāṇātipātādīni pajahantassa sattakamma-pathacetanā. Cetasikaṃ sīlaṃ nāma “abhijjhaṃ pahāya vigaṭābhijjhena cetasā viharati”tiādīnā (dī. ni. 1.217) nayena saṃyuttamahāvagge vuttā anabhijjhābyāpādasammāditṭhidhammā. **Saṃvaro sīlanti** ettha pañcavidhena saṃvaro veditabbo – pātimokkhasaṃvaro satsaṃvaro ñāṇasaṃvaro khantisaṃvaro vīriyasaṃvaro. Tassa nānākaraṇaṃ upari āvi bhavissati. **Avītikkamo sīlanti** samādinna-sīlassa kāyikavācasiko avītikkamo. Ettha ca saṃvarasīlaṃ, avītikkamasīlanti idameva nippariyāyato sīlaṃ. Cetanāsīlaṃ, cetasikaṃ sīlanti pariyāyato sīlanti veditabbam.

Pātimokkhanti sikkhāpadasīlaṃ. Tañhi yo naṃ pāti rakkhati, taṃ makkheti moceti āpāyikādīhi dukkhehi, tasmā “pātimokkha”nti vuttaṃ. **Pātimokkhasaṃvarasaṃvutoti** pātimokkhasaṃvarasīlena samannāgato. **Ācāragocarasampannoti** ācārena ceva gocarena ca sampanno. **Aṇumattesūti** appamattakesu. **Vajjesūti** akusaladhammesu. **Bhayadassāvīti** bhayadassī. **Samādāyāti** sammā ādiyitvā. **Sikkhati sikkhāpadesūti** taṃ taṃ sikkhāpadaṃ samādiyitvā sikkhati. Api ca samādāya sikkhati sikkhāpadesūti yaṃkiñci sikkhāpadesu sikkhākoṭṭhāsesu sikkhitabbaṃ kāyikaṃ vā cetasikaṃ vā, taṃ sabbaṃ samādāya sikkhati.

Khuddako sīlakkhandhoti saṅghādisēsādisāvaseso sīlakkhandho. **Mahantoti** pārājikādiniravaseso. Yasmā pana pātimokkhasīlena bhikkhu sāsane paṭiṭṭhāti nāma, tasmā taṃ “paṭiṭṭhā”ti vuttaṃ. Paṭiṭṭhahati vā ettha bhikkhu, kusalā dhammā eva vā ettha paṭiṭṭhahantīti paṭiṭṭhā. Ayamatto “sīle paṭiṭṭhāya naro sapañño”ti (saṃ. ni. 1.23, 192) ca, “paṭiṭṭhānalakkaṇaṃ, mahārāja, sīlaṃ sabbesaṃ kusalānaṃ dhammāna”nti (mi. pa. 2.1.9) ca, “sīle paṭiṭṭhito kho, mahārāja...pe... sabbe kusalā dhammā na parihāyanti”ti (mi. pa. 2.1.9) ca ādisuttavasena veditabbo.

Tadetaṃ pubbupattiatthēna **ādi**. Vuttampi cetam “tasmātiha tvam uttiya ādimeva visodhehi kusalesu dhammesu. Ko cādi kusalānaṃ dhammānaṃ, sīlañca suvisuddham diṭṭhi ca ujukā”ti (saṃ. ni. 5.382). Yathā hi nagaravaḍḍhakī nagaraṃ māpetukāmo paṭhamaṃ nagaraṭṭhānaṃ sodheti, tato aparabhāge vīthicatukkasiṅghāṭakādīparicchedena vibhajitvā vā nagaraṃ māpeti. Evameva yogāvācaro ādito sīlaṃ visodheti, tato aparabhāge samādhivipassanāmagga-phalanibbānāni sacchikaroti. Yathā vā pana rajako paṭhamaṃ tīhi khārehi vatthaṃ dhovitvā parisuddhe vatthe yadicchakaṃ raṅgajātaṃ upaneti, yathā vā pana cheko cittakāro rūpaṃ likhitukāmo āditova bhittiparikammaṃ karoti, tato aparabhāge rūpaṃ samuṭṭhāpeti. Evameva yogāvācaro āditova sīlaṃ visodhetvā aparabhāge samathavipassanādayo dhamme sacchikaroti. Tasmā sīlaṃ “ādi”ti vuttaṃ.

Tadetaṃ caraṇasarikkhatāya **caraṇaṃ**. Caraṇāti hi pādā vuccanti. Yathā hi chinnacaraṇassa purisassa disaṃ gamanābhisaṅkhāro na jāyati, paripuṇṇapādasēva jāyati, evameva yassa sīlaṃ bhinnaṃ hoti khaṇḍaṃ aparipuṇṇaṃ, tassa nibbānagamanāya ñāṇagamaṇaṃ na sampajjati. Yassa pana taṃ abhinnaṃ hoti akhaṇḍaṃ paripuṇṇaṃ, tassa nibbānagamanāya ñāṇagamaṇaṃ sampajjati. Tasmā sīlaṃ “caraṇa”nti vuttaṃ.

Tadetaṃ saṃyamanavasena **saṃyamo**. Saṃvaraṇavasena **saṃvaroti** ubhayenāpi sīlasaṃyamo ceva sīlasaṃvaro ca kathito. Vacanattho panettha saṃyameti vītikkamavipphandaṇaṃ, puggalaṃ vā saṃyameti vītikkamavasena tassa vipphanditum na detīti saṃyamo. Vītikkamassa pavesanadvāraṃ saṃvarati pidahaṭṭi saṃvaro.

Mokkhanti uttamaṃ mukhabhūtaṃ vā. Yathā hi sattānaṃ catubbidho āhāro mukhena pavisitvā aṅgamaṅgāni pharati, evaṃ yoginopi catubhūmakakusalaṃ sīlamukhena pavisitvā atthasiddhiṃ sampādeti. Tena “mokkha”nti. Pamukhe sādhiṭi **pāmokkham**, pubbaṅgamaṃ seṭṭhaṃ padhānanti atho. **Kusalānaṃ dhammānaṃ samāpattiyāti** catubhūmakakusalānaṃ paṭilābhatthāya pāmokkham pubbaṅgamaṃ seṭṭhaṃ padhānanti veditabbam.

Viviceva kāmeḥīti kāmehi vivicca vinā hutvā apakkamitvā. Yo pañāyameṭtha evakāro, so niyamattoṭhi veditabbo. Yasmā ca niyamatto, tasmā tasmim paṭhamaṃ jhānaṃ upasampajja viharāṇasamaye avijjamānānampi kāmānaṃ tassa paṭhamajjhānassa paṭipakkhabhāvaṃ kāmapariccāgeneva cassa adhigamaṃ dīpeti. Kathaṃ? “Viviceva kāmeḥīti”ti evaṃhi niyame kariyamāne idaṃ paññāyati, nūnimassa jhānassa kāmā paṭipakkhabhūtā, yesu sati idaṃ na pavattati andhakāre sati padīpobhāso viya, tesam pariccāgeneva cassa adhigamo hoti orimatīrapariccāgena pārīmatīrasseva. Tasmā niyamaṃ karotīti.

Tattha siyā “kasmā panesa pubbapadeyeva vutto na uttarapade, kiṃ akusalehi dhammehi aviviccāpi jhānaṃ upasampajja vihareyyā”ti? Na kho panetaṃ evaṃ daṭṭhabbaṃ. Taṃnissaraṇato hi pubbapade eva esa vutto. Kāmadhātusamatikkamanato hi kāmarāgapaṭipakkhato ca idaṃ jhānaṃ kāmānameva nissaraṇaṃ. Yathāha – “kāmānmetaṃ nissaraṇaṃ yadidaṃ nekkhamma”nti (itīvu. 72). Uttara-padepi pana yathā “idheva, bhikkhave, samaṇo, idha dutiyo samaṇo”ti (ma. ni. 1.139) ettha evakāro ānetvā vuccati, evaṃ vattabbo. Na hi sakkā ito aññehipi nīvaraṇasaṅkhātehi akusalehi dhammehi avivicca jhānaṃ upasampajja viharitum. Tasmā viviceva kāmehi viviceva akusalehi dhammeḥīti evaṃ padadvayepi esa daṭṭhabbo. Padadvayepi ca kiñcāpi viviccāti iminā sādhaṇavācanena tadaṅgavivekādayo kāyavivekādayo ca sabbepi vivekā saṅghaṃ

gacchanti, tathāpi pubbhāge kāyavivekacittavivekavikkhambhanavivekā daṭṭhabbā. Lokuttaramaggakkhaṇe kāyavivekacittavivekasamucchedavivekanissaraṇavivekā.

Kāmehi iminā pana padena ye ca idha “katame vatthukāmā manāpikā rūpā”tiādinā nayena vatthukāmā vuttā, ye ca idheva vibhaṅge “chando kāmo rāgo kāmo chandarāgo kāmo saṅkappo kāmo rāgo kāmo saṅkapparāgo kāmo”ti evaṃ kilesakāmā vuttā, te sabbepi saṅgahitā icceva daṭṭhabbā. Evañhi sati vivicceva kāmehi vatthukāmehipi viviccevatī attho yujjati. Tena kāyaviveko vutto hoti.

Vivicca akusalehi dhammehi kilesakāmehi sabbākusalehi vā viviccāti attho yujjati. Tena cittaviveko vutto hoti. Purimena cettha vatthukāmehi vivekavacanato eva kāmāsukhapariccāgo, dutiyena kilesakāmehi vivekavacanato nekkhammasukhapariggaho vibhāvito hoti. Evaṃ vatthukāmākilesakāmavivekavacanato yeva ca etesaṃ paṭhamena saṃkilesavattuppahānaṃ, dutiyena saṃkilesappahānaṃ. Paṭhamena lolabhāvassa hetupariccāgo, dutiyena bālabhāvassa. Paṭhamena ca payogasuddhi, dutiyena āsayaposanaṃ vibhāvitaṃ hotīti nātabbaṃ. Esa tāva nayo “kāmehi”ti ettha vuttakāmesu vatthukāmapakkhe.

Kilesakāmapakkhe pana chandoti ca rāgoti ca evamādihi anekabhedo kāmacchandova “kāmo”ti adhippeto. So ca akusalapariyāpannopi samāno “tattha katamo kāmacchando, kāmo”tiādinā nayena vibhaṅge jhānapaṭipakkhato visuṃ vutto. Kilesakāmattā vā purimapade vutto, akusalapariyāpannattā dutiyapade. Anekabhedo cassa kāmatoti avatvā kāmehi vuttaṃ. Aññesampi ca dhamānaṃ akusalabhāve vijjāmaṇe “tattha katame akusalā dhammā, kāmacchando”tiādinā nayena vibhaṅge (vibha. 564) uparijhānaṅānaṃ paccanīkapaṭipakkhabhāvadassanato nīvaraṇāneva vuttāni. Nīvaraṇāni hi jhānaṅapaccanīkāni tesāṃ jhānaṅāneva paṭipakkhāni, viddhamasakāni vighātakāni vuttaṃ hoti. Tathā hi “samādhī kāmacchandassa paṭipakkho, pīti byāpādassa, vitakko thinamiddhassa, sukhaṃ uddhaccakukkucassa, vicāro vicikicchāyā”ti peṭake vuttaṃ.

Evamettha vivicceva kāmehi iminā kāmacchandassa vikkhambhanaviveko vutto hoti, vivicca akusalehi dhammehi iminā pañcannampi nīvaraṇānaṃ. Aggahitaggahaṇena pana paṭhamena kāmacchandassa, dutiyena sesanīvaraṇānaṃ. Tathā paṭhamena tīsu akusalamūlesu pañcakāmaguṇabhedavisayassa lobhassa, dutiyena āghātavattubhedādivisayānaṃ dosamohānaṃ. Oghādisu vā dhammesu paṭhamena kāmoghakāmayogakāmāsavakāmupādānaabhijjhākāyaganthakāmarāgasamyojanānaṃ, dutiyena avasesaoghayogāsavaupādānanaghasamyojanānaṃ. Paṭhamena ca taṇhāya taṃsāmpayuttakānaṅca, dutiyena avijjāya taṃsāmpayuttakānaṅca. Api ca paṭhamena lobhasāmpayuttaṭṭhacittupādānaṃ, dutiyena sesānaṃ catunnaṃ akusalacittupādānaṃ vikkhambhanaviveko vutto hotīti veditabbo.

Ettāvatā ca paṭhamassa jhānassa pahānaṅgaṃ dassetvā idāni sampayogaṅgaṃ dassetuṃ “**savitakkaṃ savicāra**”ntiādi vuttaṃ. Tattha ārammaṇe cittassa abhiniropanalakkhaṇo vitakko, ārammaṇānumajjanalakkhaṇo vicāro. Santepi ca nesaṃ katthaci aviyoḇe olārikaṭṭhena pubbaṅgamatṭhena ca ghaṇḍābhigghāto viya cetaso paṭhamābhiniṭṭho vitakko, sukhumatṭhena anumajjanasabhāvena ca ghaṇḍānuravo viya anupabandho vicāro. Vipphāravā cettha vitakko paṭhamupattikāle paripphandanabhūto cittassa, ākāse uppatitukāmassa pakkhino pakkhavikkhepo viya, padumābhimukhapāto viya ca gandhānubandhacetaso bhamarassa. Santavutti vicāro nātiparipphandanabhāvo cittassa, ākāse uppatitassa pakkhino pakkhappasāraṇaṃ viya, paribbhamanaṃ viya ca padumābhimukhapatitassa bhamarassa padumassa uparibhāge.

Dukanipātaṭṭhakathāyaṃ pana “ākāse gacchato mahāsakuṇassa ubhohi pakkhehi vātaṃ gahetvā pakkhe sannisīdāpetvā gamanaṃ viya ārammaṇe cetaso abhiniropanabhāvena pavatto vitakko, vātaggahaṇatthaṃ pakkhe phandāpayamānassa gamanaṃ viya anumajjanabhāvena pavatto vicāro”ti vuttaṃ. Taṃ anuppabandhena pavattiyāṃ yujjati. So pana nesaṃ viseso paṭhamadutiyaññesū pākāto hoti. Api ca malaggahitaṃ kamsabhājanaṃ ekena hatthena dalhaṃ gahetvā itarena hatthena cuṇṇatelaṅḍupakena parimajjantassa dalhaggahaṇattho viya vitakko. Parimajjanattho viya vicāro. Tathā kumbhakārassa daṇḍappahārena cakkāṃ bhamayitvā bhājanaṃ karontassa uppiṭṭhanattho viya vitakko. Ito cito ca sañcaraṇattho viya vicāro. Tathā maṇḍalaṃ karontassa majjhe sannirumbhitvā ṭhitakaṇṭako viya abhiniropano vitakko. Bahi paribbhamanaṅṭako viya anumajjāmaṇo vicāro. Iti iminā ca vitakkena iminā ca vicārena saha vattati rukkhō viya pupphena ca phalena cāti idaṃ jhānaṃ “savitakkaṃ savicāra”nti vuccati.

Vivekajanti ettha vivitti viveko, nīvaraṇavigamoti attho. Vivittoti vā viveko, nīvaraṇavivitto jhānasāmpayuttadhammāsīti attho. Tasmā vivekā, tasmim vā viveke jātanti vivekaṃ. **Pittisukhanti** ettha piṇayatīti pīti, sā sampiyāanalakkhaṇā. Sā panesā khuddikāpīti, khaṇikāpīti, okkantikāpīti, ubbegāpīti, pharaṇāpīti pañcavidhā hoti.

Tattha khuddikāpīti sarīre lomahaṃsamattameva kātuṃ sakkoti. Khaṇikāpīti khaṇe khaṇe vijjuppādasadisā hoti. Okkantikāpīti samuddatiraṃ vīci viya, kāyaṃ okkamitvā okkamitvā bhijjati. Ubbegāpīti balavatī hoti, kāyaṃ uddhaggaṃ katvā ākāse laṅghāpanappamāṇapattā.

Pharaṇāpīti atibalavatī hoti. Tāya hi uppannāya sakalasarīraṃ dhamitvā pūritavatthi viya mahatā udakoghena pakkhandapabbatakucchi viya ca anuparipphuṭaṃ hoti. Sā panesā pañcavidhā pīti gabbhaṃ gaṇhantī paripākāṃ gacchantī duvidhaṃ passaddhiṃ paripūreti kāyapassaddhiṇca cittapassaddhiṇca, passaddhi gabbhaṃ gaṇhantī paripākāṃ gacchantī duvidhampi sukhaṃ paripūreti kāyikaṃ cetasiṅkaṅca, sukhaṃ gabbhaṃ gaṇhantaṃ paripākāṃ gacchantāṃ tividhaṃ samādhim

paripūreti khaṇikasamādhim upacārasamādhim appanāsamādhicāti. Tāsu yā appanāsamādhissa mūlaṃ hutvā vaḍḍhamānā samādhisampayogaṅgatā pharaṇāpīti, ayaṃ imasmim atthe adhippetā pīti.

Itaraṃ pana sukhayatīti **sukhaṃ**, yassa uppajjati, taṃ sukhitaṃ karotīti attho. Sukhanaṃ vā sukhaṃ, suṭṭhu vā khādati khaṇati ca kāyacittābādhanā sukhaṃ, somanassavedanāyetaṃ nāmaṃ. Taṃ sātalaḥkhaṇaṃ. Santepi ca nesaṃ katthaci avippayoge iṭṭhārammaṇapaṭilābhatuṭṭhi pīti, paṭiladdharasānubhavanaṃ sukhaṃ. Yattha pīti, tattha sukhaṃ, yattha sukhaṃ, tattha na niyamato pīti. Saṅkhārakkhandhasaṅgahitā pīti, vedanākkhandhasaṅgahitaṃ sukhaṃ. Kantārakhinnassa vanantodakadassanasavanesu viya pīti, vanacchāyappavesanaudakaparibhogesu viya sukhaṃ. Tasmim tasmim samaye pākaṭabhāvato cetam vuttanti veditabbaṃ. Iti ayañca pīti idañca sukhaṃ assa jhānassa, asmim vā jhāne atthīti idaṃ jhānaṃ “pītisukha”nti vuccati.

Atha vā pīti ca sukhañca pītisukhaṃ dhammavinayādayo viya. Vivekajaṃ pītisukhaṃ assa jhānassa, asmim vā jhāne atthīti evampi vivekajaṃpītisukhaṃ. Yatheva hi jhānaṃ, evaṃ pītisukhampettha vivekajameva hoti, tañcassa atthi, tasmā alopasamāsaṃ katvā ekapadeneva “vivekajaṃpītisukha”ntipi vattum yujjati.

Paṭhamanti gaṇanānupubbatā paṭhamam, idaṃ paṭhamam uppannantipi paṭhamam. **Jhānanti** duvidham jhānaṃ ārammaṇūpanijjhānaṃ lakkhaṇūpanijjhānañcāti. Tattha aṭṭha samāpattiyo pathavīkasiṇādiārammaṇam upanijjhāyantīti **ārammaṇūpanijjhānanti** saṅkhyam gatā. Vipassanāmaggaḥalāni pana **lakkhaṇūpanijjhānaṃ** nāma. Tattha vipassanā aniccādilakkhaṇassa upanijjhānato lakkhaṇūpanijjhānaṃ. Vipassanāya katakiccassa maggena ijjanato maggo lakkhaṇūpanijjhānaṃ, phalaṃ pana nirodhasaccaṃ tathalakkhaṇam upanijjhāyantīti lakkhaṇūpanijjhānaṃ. Tesu idha pubbabhāge ārammaṇūpanijjhānaṃ, lokuttaramaggakkhaṇe lakkhaṇūpanijjhānaṃ adhippetam. Tasmā ārammaṇūpanijjhānato ca lakkhaṇūpanijjhānato ca paccanīkajhāpanato ca jhānanti veditabbaṃ.

Upasampajjāti upagantvā, pāpuṇitvāti vuttam hoti. Upasampādayitvā vā, nipphādetvāti vuttam hoti. **Viharatīti** tadanurūpena iriyāpathavīhārena iriyati, vuttapakārajhānasamaṅgi hutvā atabhāvassa iriyanaṃ vuttim abhinipphādeti.

Taṃ panetaṃ paṭhamajjhānaṃ pañcaṅgavippahīnaṃ pañcaṅgasamannāgataṃ tivīdhakalyāṇam, dasalakkhaṇasampannaṃ. Tattha kāmacchando byāpādo thinamidham uddhaccakukkucchaṃ vicikicchāti imesaṃ pañcannaṃ nīvaraṇaṃ pahānavasena pañcaṅgavippahīnatā veditabbā. Na hi etesu appahīnesu jhānaṃ uppajjati. Tenassetāni pahānaṅgānti vuccanti. Kiñcāpi hi jhānakkhaṇe aññepi akusalā dhammā pahīyanti, tathāpi etāneva visesena jhānantarāyakarāni. Kāmacchandena hi nānāvisayappalobhitam cittaṃ na ekattārammaṇe samādhīyati, kāmacchandābhībhūtam vā, taṃ na kāmadhātuppahānāya paṭipadaṃ paṭipajjati. Byāpādena vā ārammaṇe paṭihaññamānaṃ na nīrantaraṃ pavattati. Thinamidhābhībhūtam akammaññam hoti. Uddhaccakukkucchaṃ avūpasantameva hutvā paribbhamati. Vicikicchāya upahataṃ jhānādhigamasādhikam paṭipadaṃ nārohati. Iti visesena jhānantarāyakarattā etāneva pahānaṅgānti vuttāni.

Yasmā pana vitakko ārammaṇe cittaṃ abhinīropeti, vicāro anupabandhati, tehi avikkhepāya sampāditapayogassa cetaso payogasampattisambhavā pīti pīṇanaṃ sukhañca upabrūhanaṃ karoti. Athassa sesasampayuttadhammā etehi abhinīropanānubandhanapīṇanupabrūhanehi anuggahitā ekaggatā ekattārammaṇe samaṃ sammā ca ādhiyati. Tasmā vitakko vicāro pīti sukhaṃ cittaṃcaggatāti imesaṃ pañcannaṃ uppattivasena pañcaṅgasamannāgatā veditabbā. Uppannesu hi etesu pañcasu jhānaṃ uppannaṃ nāma hoti. Tenassa etāni pañcaṅgasamannāgatānti vuccanti. Tasmā na etehi samannāgataṃ aññadeva jhānaṃ nāma atthīti gahetabbaṃ. Yathā pana āṅgamattavaseneva caturaṅginī senā, pañcaṅgikaṃ tūriyaṃ, aṭṭhaṅgiko ca maggoti vuccati, evamidampi āṅgamattavaseneva pañcaṅgikanti vā pañcaṅgasamannāgatanti vā vuccatīti veditabbaṃ.

Etāni ca pañcaṅgāni kiñcāpi upacārakkhaṇepi atthi, atha kho upacāre pakaticittato balavatarāni. Idha pana upacāratopi balavatarāni rūpāvacaralakkhaṇappattāni nipphannāni. Ettha hi vitakko suvisadena ākārena ārammaṇe cittaṃ abhinīropayamāno uppajjati. Vicāro ativiya ārammaṇam anumajjamāno. Pītisukhaṃ sabbāvantaṃpī kāyaṃ pharamānaṃ. Tenevāha – “nāssa kiñci sabbāvato kāyassa vivekajena pītisukhena apphuṭam hoti”ti (dī. ni. 1.226). Cittaṃcaggatāpi heṭṭhimamhi samuggapaṭale uparimaṃ samuggapaṭalaṃ viya ārammaṇesu phusitā hutvā uppajjati, ayametesam itarehi viseso. Tattha cittaṃcaggatā kiñcāpi “savitakkam savicāra”nti imasmim pāṭhe na niddiṭṭhā, tathāpi vibhaṅge (vibha. 565) “jhānanti vitakko vicāro pīti sukhaṃ cittaṃcaggatā”ti evaṃ vuttattā āṅgameva. Yena hi adhippāyena bhagavatā uddeśo kato, soyeva tena vibhaṅge pakāsītoti.

Tividhakalyāṇam

Tividhakalyāṇam dasalakkhaṇasampannanti ettha pana ādimajjhāpariyosānavasenaatividhakalyāṇatā. Tesamyeva ca ādimajjhāpariyosānaṃ lakkhaṇavasena dasalakkhaṇasampannatā veditabbā. Tatrāyaṃ pāḷi –

“Paṭhamassa jhānassa paṭipadāvisuddhi ādi, upekkhānubrūhanā majjhe, sampahaṃsanā pariyosānaṃ, paṭhamassa jhānassa paṭipadāvisuddhi ādi. Ādissa kati lakkhaṇāni? Ādissa tīni lakkhaṇāni – yo tassa paripantho, tato cittaṃ visuṃjhati, visuddhattā cittaṃ majjhimam samathanimittam paṭipajjati, paṭipannattā tattha cittaṃ pakkhandati. Yañca paripanthato cittaṃ visuṃjhati, yañca visuddhattā cittaṃ majjhimam samathanimittam paṭipajjati, yañca paṭipannattā tattha cittaṃ pakkhandati. Paṭhamassa jhānassa paṭipadāvisuddhi ādi, ādissa imāni tīni lakkhaṇāni. Tena vuccati –

‘paṭhamam jhānam ādikalyāṇaṇceva hoti tilakkhaṇasampannañcā’ ti.

‘Paṭhamassa jhānassa upekkhānubrūhanā majjhe. Majjhassa kati lakkhaṇāni? Majjhassa tīṇi lakkhaṇāni – visuddham cittaṃ ajjhupekkhati, samathapaṭipannaṃ ajjhupekkhati, ekattupaṭṭhānaṃ ajjhupekkhati. Yañca visuddham cittaṃ ajjhupekkhati, yañca samathapaṭipannaṃ ajjhupekkhati, yañca ekattupaṭṭhānaṃ ajjhupekkhati. Paṭhamassa jhānassa upekkhānubrūhanā majjhe, majjhassa imāni tīṇi lakkhaṇāni. Tena vuccati – ‘paṭhamam jhānam majjhekalyāṇaṇceva hoti tilakkhaṇasampannañcā’ ti.

‘Paṭhamassa jhānassa sampahaṃsanā pariyosānaṃ. Pariyosānassa kati lakkhaṇāni? Pariyosānassa cattāri lakkhaṇāni – tattha jātānaṃ dhammānaṃ anativattanaṭṭhena sampahaṃsanā, indriyānaṃ ekarāsaṭṭhena sampahaṃsanā, tadupagavīriyavāhanaṭṭhena sampahaṃsanā, āsevanaṭṭhena sampahaṃsanā. Paṭhamassa jhānassa sampahaṃsanā pariyosānaṃ, pariyosānassa imāni cattāri lakkhaṇāni. Tena vuccati ‘paṭhamam jhānam pariyosānakalyāṇaṇceva hoti catulakkhaṇasampannañcā’ ti (paṭi. ma. 1.158).

‘Tatra **paṭipadāvisuddhi** nāma sasambhāriko upacāro. **Upekkhānubrūhanā** nāma appanā. **Sampahaṃsanā** nāma paccavekkhaṇā’ ti evameke vaṇṇayanti. Yasmā pana ‘‘ekattagataṃ cittaṃ paṭipadāvisuddhipakkhandañceva hoti upekkhānubrūhitañca ñāṇena ca sampahaṃsita’’ nti pāḷiyaṃ vuttaṃ, tasmā antoappanāyameva āgamanavasena **paṭipadāvisuddhi**, tatra majjhātupekkhāya kiccavasena **upekkhānubrūhanā**, dhammānaṃ anativattanādibhāvasādhanena pariyodāpakassa ñāṇassa kiccanipphattivasena **sampahaṃsanā** ca veditabbā.

Katham? Yasmiñhi vāre appanā uppajjati, tasmim yo nīvaraṇasaṅkhāto kilesagaṇo tassa jhānassa paripantho, tato cittaṃ visujjhati. Visuddhattā āvaraṇavirahitaṃ hutvā majjhimaṃ samathanimittaṃ paṭipajjati. **Majjhimasamathanimittaṃ** nāma samappavatto appanāsamādhīyeva. Tadanantaraṃ pana purimacittaṃ ekasantaṭṭhānaṃ tathattaṃ upagacchamānaṃ majjhimaṃ samathanimittaṃ paṭipajjati nāma, evaṃ paṭipannattā tathattupagamanena tattha pakkhandati nāma. Evaṃ tāva purimacitte vijjānānākaraniṭṭhādikā paṭhamassa jhānassa uppādakkhaṇeyeva āgamanavasena paṭipadāvisuddhi veditabbā.

Evaṃ visuddhassa pana tassa puna visodhetabbabhāvato visodhane byāpāraṃ akaronto visuddham cittaṃ ajjhupekkhati nāma. Samathabhāvūpagamanena samathapaṭipannaṃ puna samādhāne byāpāraṃ akaronto samathapaṭipannaṃ ajjhupekkhati nāma. Samathapaṭipannaṃ bhāvato eva cassa kilesasaṃsaggaṃ pahāya ekattena upaṭṭhitassa puna ekattupaṭṭhāne byāpāraṃ akaronto ekattupaṭṭhānaṃ ajjhupekkhati nāma. Evaṃ tatra majjhātupekkhāya kiccavasena upekkhānubrūhanā veditabbā.

Ye panete evaṃ upekkhānubrūhite tattha jātā samādhīpaññāsāṅkhātā yuganaddhadhammā aññamaññaṃ anativattamānā hutvā pavattā, yāni ca saddhādīni indriyāni nānākilesehi vimuttattā vimuttirasena ekarāsāni hutvā pavattāni, yañcesā tadupagaṃ tesam anativattanaekarasabhāvānaṃ anucchavikaṃ vīriyaṃ vāhayati, yā cassa tasmim khaṇe pavattā āsevanā, sabbepe te ākārā yasmā ñāṇena saṃkilesavodānesu taṃ taṃ ādīnavañca ānisamsañca disvā tathā tathā sampahaṃsittā visodhitattā pariyodāpitattā nipphannāva, tasmā ‘‘dhammānaṃ anativattanādibhāvasādhanena pariyodāpakassa ñāṇassa kiccanipphattivasena sampahaṃsanā veditabbā’’ ti vuttaṃ.

Vitakkavicārānaṃ vūpasamāti vitakkassa ca vicārassa cāti imesaṃ dvinnaṃ vūpasamā samatikkamā, dutiyajjhānakkhaṇe apātubhāvāti vuttaṃ hoti. Tattha kiñcāpi dutiyajjhāne sabbepe paṭhamajjhānadharmā na santi, aññeyeva hi paṭhamajjhāne phassādayo, aññe idha. Oḷārikassa pana oḷārikassa aṅgassa samatikkamā paṭhamajjhānato paresam dutiyajjhānādīnaṃ adhigamo hotīti dassanattaṃ ‘‘vitakkavicārānaṃ vūpasamā’’ ti evaṃ vuttanti veditabbam. **Ajjhattanti** idha niyakajjhattaṃ adhippetam, **vibhaṅge** pana ‘‘ajjhattaṃ paccatta’’ nti (vibha. 573) ettakameva vuttaṃ. Yasmā niyakajjhattaṃ adhippetam, tasmā attani jātā, attano santāne nibbattanti ayamettha attho.

Sampasādananti sampasādanaṃ vuccati saddhā. Sampasādanayogato jhānampi sampasādanaṃ, nīlavaṇṇayogato nīlavatthaṃ viya. Yasmā vā taṃ jhānaṃ sampasādanasamannāgatattā vitakkavicārakkhobhavūpasamanena ca ceto sampasādayati, tasmāpi ‘‘sampasādana’’ nti vuttaṃ. Imasmiñca atthavikappe sampasādanaṃ cetasoti evaṃ padasambandho veditabbo. Purimasmiṃ pana atthavikappe cetasoti etaṃ ekodibhāvena saddhiṃ yojetabbam.

Tatrāyaṃ atthayojanā – eko udetīti **ekodi**, vitakkavicārehi anajjhārūḷhattā aggo seṭṭho hutvā udetīti attho. Seṭṭhopi hi loke ekoti vuccati. Vitakkavicāravirahito vā eko asahāyo hutvātipi vuttaṃ vaṭṭati. Atha vā sampayuttadhamme udāyatīti udi, utthāpetīti attho. Seṭṭhaṭṭhena eko ca so udi cāti **ekodi**, samādhisetaṃ adhivacanaṃ. Iti imaṃ ekodiṃ bhāveti vaḍḍhetīti idaṃ dutiyajjhānaṃ **ekodibhāvaṃ**. So panāyaṃ ekodi yasmā cetaso, na sattassa, na jīvassa. Tasmā etaṃ ‘‘cetaso ekodibhāva’’ nti vuttaṃ.

Nanu cāyaṃ saddhā paṭhamajjhānēpi atthi, ayañca ekodināmako samādhī, atha kasmā idameva ‘‘sampasādanaṃ cetaso ekodibhāva’’ nti vuttanti? Vuccate – aduñhi paṭhamajjhānaṃ vitakkavicārakkhobhena vīcitarāṅgasamākulamiva jalaṃ na suppasannaṃ hoti, tasmā satiyāpi saddhāya sampasādananti na vuttaṃ. Na suppasannattāyeva cettha samādhīpi na suṭṭhu pākaṭo, tasmā ekodibhāvanti na vuttaṃ. Imasmiṃ pana jhāne vitakkavicārāpalibodhābhāvena laddhokāsā balavatī saddhā, balavasaddhāsahāyapaṭilābheneva ca samādhīpi pākaṭo. Tasmā idameva evaṃ vuttanti veditabbam.

Avitakkam avicāranti bhāvanāya pahīnattā etasmiṃ, etassa vā vitakko natthīti avitakkam. Imināva nayena avicāram. Etthāha “nanu ca ‘vitakkavicārānaṃ vūpasamā’ti imināpi ayamatto siddho. Atha kasmā puna vuttaṃ ‘avitakkam avicāra’nti? Vuccate – evametam, siddhovāyamatto. Na panetaṃ tadatthadīpakam, nanu avocumha “oḷārikassa pana oḷārikassa aṅgassa samatikkamā paṭhamajjhānato paresam dutiyajjhānādīnaṃ samadhigamo hotīti dassanattam ‘vitakkavicārānaṃ vūpasamā’ti evam vutta’nti.

Api ca vitakkavicārānaṃ vūpasamā idaṃ sampasādanaṃ, na kilesakāluṣṣiyassa. Vitakkavicārānaṃca vūpasamā ekodibhāvaṃ, na upacārājjhānamiva nīvaraṇappahānā, na paṭhamajjhānamiva ca aṅgapātubhāvāti evaṃ sampasādanaekodibhāvānaṃ hetuparidīpakamidaṃ vacanaṃ. Tathā vitakkavicārānaṃ vūpasamā idaṃ avitakkam avicāram, na tatiyacatutthajjhānāni viya cakkhuvīññānādīni viya ca abhāvāti, evaṃ avitakkaavicārābhāvassa hetuparidīpakaṃca, na vitakkavicārābhāvamattaparidīpakam. Vitakkavicārābhāvamattaparidīpakameva pana “avitakkam avicāra’nti idaṃ vacanaṃ. Tasmā purimaṃ vatvāpi puna vattabbamevāti.

Samādhijanti paṭhamajjhānasamādhito sampayuttasamādhito vā jātanti attho. Tattha kiñcāpi paṭhamampi sampayuttasamādhito jātam, atha kho ayameva samādhī “samādhī”ti vattabbaṃ arahati, vitakkavicārakkhobhavirahena ativiya acalattā suppasannattā ca. Tasmā imassa vaṇṇabhaṇanattam idameva “samādhīja’nti vuttaṃ. **Ptisukhanti** idaṃ vuttanayameva.

Dutiyaṃ gaṇānānupubbataṃ dutiyaṃ. Idaṃ dutiyaṃ uppannantipi dutiyaṃ.

Pītiyā ca virāgāti virāgo nāma vuttappakarāya pītiyā jigucchanam vā samatikkamo vā. Ubhinnaṃ pana antarā ca-saddo sampiṇḍanatto, so vūpasamaṃ vā sampiṇḍeti vitakkavicārāvūpasamaṃ vā. Tattha yadā vūpasameva sampiṇḍeti, tadā pītiyā virāgā ca, kiñca bhīyo vūpasamā cāti evaṃ yojanā veditabbā. Imissā ca yojanāya virāgo jigucchanatto hoti, tasmā pītiyā jigucchanā ca samatikkamā cāti ayamatto daṭṭhabbo. Yadā pana vitakkavicārāvūpasamaṃ sampiṇḍeti, tadā pītiyā ca virāgā, kiñca bhīyo vitakkavicārānaṃca vūpasamāti evaṃ yojanā veditabbā. Imissā ca yojanāya virāgo samatikkamanatto hoti, tasmā pītiyā ca samatikkamā vitakkavicārānaṃca vūpasamāti ayamatto daṭṭhabbo.

Kāmañcete vitakkavicārā dutiyajjhāneyeva vūpasantā, imassa pana jhānassa maggaparidīpanattam vaṇṇabhaṇanattañcetaṃ vuttaṃ. “Vitakkavicārānaṃ vūpasamā”ti hi vutte idaṃ paññāyati “nūna vitakkavicārāvūpasamo maggo imassa jhānassā”ti. Yathā ca tatiye ariyamagge appahīnānampi sakkāyadīṭṭhādīnaṃ “pañcannaṃ orambhāgiyānaṃ saṃyojanānaṃ pahānā”ti (ma. ni. 2.132-133) evaṃ pahānaṃ vuccamānaṃ vaṇṇabhaṇanaṃ hoti, tadadhigamāya ussukkānaṃ ussāhajanakaṃ, evameva idha avūpasantānampi vitakkavicārānaṃ vūpasamo vuccamāno vaṇṇabhaṇanaṃ hoti, tenāyamatto vutto “pītiyā ca samatikkamā vitakkavicārānaṃca vūpasamā”ti.

Upekkhako ca viharatīti ettha upapattito ikkhatīti upekkhā, samaṃ passati, apakkhapatitā hutvā passatīti attho. Tāya visadāya vipulāya thāmagatāya samannāgatattā tatiyajjhānasamaṅgī “upekkhako”ti vuccati.

Upekkhā pana dasavidhā hoti – chaḷaṅgupekkhā brahmavīhārupekkhā bojjaṅgupekkhā vīriyupekkhā saṅkhārupekkhā vedanupekkhā vipassanupekkhā tatramajjhātupekkhā jhānupekkhā pārisuddhupekkhāti.

Tattha yā “idha, bhikkhave, bhikkhu cakkhunā rūpaṃ disvā neva sumano hoti na dummano, upekkhako ca viharati sato sampajāno”ti (ma. ni. 6.1) evamāgatā khīṇāsavassa chasu dvāresu iṭṭhāniṭṭhachāḷārammaṇāpāthe parisuddhapakatibhāvāvijahanākārahūtā upekkhā, ayaṃ **chaḷaṅgupekkhā** nāma.

Yā pana “upekkhāsahagatena cetasā ekaṃ disaṃ pharivā viharatī”ti (dī. ni. 1.556; ma. ni. 1.77) evamāgatā sattesu majjhattākārahūtā upekkhā, ayaṃ **brahmavīhārupekkhā** nāma.

Yā pana “upekkhāsambojjaṅgaṃ bhāveti vivekanissita”nti (ma. ni. 2.247) evamāgatā sahaḷātānaṃ dhammānaṃ majjhattākārahūtā upekkhā, ayaṃ **bojjaṅgupekkhā** nāma.

Yā pana “kālena kālaṃ upekkhānimittaṃ manasi karotī”ti (a. ni. 3.103) evamāgatā anaccāraddhanātisithilavīriyasāṅkhātā upekkhā, ayaṃ **vīriyupekkhā** nāma.

Yā pana “kati saṅkhārupekkhā samathavasena uppajjanti, kati saṅkhārupekkhā vipassanāvasena uppajjanti? Aṭṭha saṅkhārupekkhā samathavasena uppajjanti, dasa saṅkhārupekkhā vipassanāvasena uppajjanti”ti (paṭi. ma. 1.57) evamāgatā nīvaraṇādīpaṭisaṅkhāsantiṭṭhanāgahaṇe majjhattabhūtā upekkhā, ayaṃ **saṅkhārupekkhā** nāma.

Yā pana “yasmiṃ samaye kāmāvacaraṃ kusalaṃ cittaṃ uppannaṃ hoti upekkhāsahagata”nti (dha. sa. 150) evamāgatā adukkhamasukhasāṅkhātā upekkhā, ayaṃ **vedanupekkhā** nāma.

Yā pana “yadatti yaṃ bhūtaṃ, taṃ pajahati, upekkhaṃ paṭilabhati”ti (ma. ni. 3.71-72; a. ni. 7.55) evamāgatā vicinane majjhattabhūtā upekkhā, ayaṃ **vipassanupekkhā** nāma.

Yā pana chandādīsu yevāpanakesu āgatā sahaḷātānaṃ samavāhitabhūtā upekkhā, ayaṃ **tatramajjhātupekkhā** nāma.

Yā pana “upekkhako ca viharatī”ti evamāgatā aggasukhepi tasmim̐ apakkhapātajananī upekkhā, ayaṃ **jhānupekkhā** nāma.

Yā pana “upekkhāsatiḷpārisuddhim̐ catuttham̐ jhāna”nti (dha. sa. 165; dī. ni. 1.232) evamāgatā sabbapaccanīkapaḷisuddhā paccanīkavūpasamanepi abyāpārabhūtā upekkhā, ayaṃ **pārisuddhupekkhā** nāma.

Tattha chaḷaṅgupekkhā ca brahmavihārupekkhā ca bojjhaṅgupekkhā ca tatramajjhātupekkhā ca jhānupekkhā ca pārisuddhupekkhā ca atthato ekā, tatramajjhātupekkhāva hoti. Tena tena avatthābhedenā panassā ayaṃ bhedo. Ekassāpi sato sattassa kumārayuvatherasenāpatirāḷādivasena bhedo viya, tasmā tāsū yattha chaḷaṅgupekkhā, na tattha bojjhaṅgupekkhādayo. Yattha vā pana bojjhaṅgupekkhā, na tattha chaḷaṅgupekkhādayo hontīti veditabbā.

Yathā cetāsam̐ atthato ekībhāvo, evaṃ saṅkhārupekkhāvīpassanupekkhānampi. Paññā eva hi esā, kiccavasena dvidhā bhinnā, yathā hi purisassa sāyaṃ gehaṃ pavīṭṭhaṃ sappam̐ ajapadadaṇḍam̐ gahetvā pariyesamānassa tam̐ thusakoṭṭhake nipannaṃ disvā “sappo nu kho no”ti avalokentassa sovathikattayaṃ disvā nibbematikassa “sappo na sappo”ti vicinane majjhattatā uppajjati, evameva yā āradhāvīpassakassa vipassanāññāna lakkhaṇattaye diṭṭhe saṅkhāraṇaṃ aniccabhāvādivicinane majjhattatā uppajjati, ayaṃ vipassanupekkhā. Yathā pana tassa purisassa ajapadadaṇḍakena gāḷhaṃ sappam̐ gahetvā “kintāhaṃ imaṃ sappam̐ aviheṭhento attānañca iminā aḷamsāpento muñceyya”nti muñcanākārameva pariyesato gahaṇe majjhattatā hoti, evameva yā lakkhaṇattayassa diṭṭhattā āditte viya tayo bhava passato saṅkhāraggahaṇe majjhattatā, ayaṃ saṅkhārupekkhā. Iti vipassanupekkhāya siddhāya saṅkhārupekkhāpi siddhāva hoti. Iminā panesā vicinanaggahaṇesu majjhattatāsaṅkhātena kiccena dvidhā bhinnāti. Vīriyupekkhā pana vedānupekkhā ca aññamaññaica avasesāhi ca atthato bhinnāyevāti. Āha cettha –

“Majjhatabrahmabojjhaṅgachaḷaṅgajhānasuddhiyo;
Vīpassanā ca saṅkhāravedanāvīriyaṃ itī.

“Vīttārato dasopekkhā-chamajjhattādīto tato;
Dūve paññā tato dvīhi, catassova bhavantiṃ”ti.

Iti imāsu upekkhāsu jhānupekkhā idha adhippetā. Sā majjhatalakkhaṇā, anābhogarasā, abyāpārapaccupaṭṭhānā, pīṭivīragapadaṭṭhānāti. Etthāha – “nanu cāyaṃ atthato tatramajjhātupekkhāva hoti, sā ca paṭhamadutiyaḷjhānesupī atthī. Tasmā tatrāpi ‘upekkhako ca viharatī’ti evamayam̐ vattabbā siyā, sā kasmā na vuttā”ti? Aparībyattakiccato. Aparībyattañhi tassā tattha kiccaṃ, vītakādīhi abhībhūtattā. Idha panāyaṃ vītakavicārapīṭīhi anabhībhūtattā ukkhīttasīrā viya hutvā parībyattakiccā jātā, tasmā vuttāti.

Sato ca sampajānoti ettha saratīti **sato**. Sampajānātīti **sampajāno**. Iti puggalena satī ca sampajāññaica vuttam̐. Tattha saraṇalakkhaṇā satī, asammussanarasā ārakkhapaccupaṭṭhānā. Asammohalakkhaṇam̐ sampajāññaṃ, tīraṇarasam̐, pavīcayapaccupaṭṭhānam̐.

Tattha kiñcāpi idaṃ satisampajāññaṃ purīmajjhānesupī atthī, muṭṭhassatīssa hi asampajānassa upacāramattampi na sampajjati, pageva appanā. Oḷārikattā pana tesam̐ jhānānaṃ bhūmiyaṃ viya purisassa cittassa gatī sukhā hoti, abyattam̐ tattha satisampajāññaikiccaṃ. Oḷārikaṅgappahānena pana sukhumattā imassa jhānassa purisassa khuradhāraḷyaṃ viya satisampajāññaikiccaparīggahītā eva cittassa gatī icchītabbātī idheva vuttam̐. Kiñca bhīyyo – yathā dhenupago vaccho dhenuto apanīto arakkhīyamāno punadeva dhenum̐ upagacchati, evamidam̐ tatiyaḷjhānasukham̐ pīṭito apanītam̐ satisampajāññārakkhena arakkhīyamānaṃ punadeva pīṭim̐ upagaccheyya, pīṭīsampayuttameva siyā, sukhe vāpi sattā sārājanti. Idañca atīmadhurasukham̐, tato paraṃ sukhābhāvā. Satisampajāññānubhāvena panettha sukhe asārājanā hoti, no aññathātī imampi atthavīsesam̐ dassetuṃ idamidheva vuttanti veditabbam̐.

Idāni **sukhañca kāyena paṭīsam̐vedetī** ettha kiñcāpi tatiyaḷjhānasamaṅgīno sukhapaṭīsam̐vedanābhogo natthī, evaṃ santēpi yasmā tassa nāmakāyena sampayuttam̐ sukham̐. Yam̐ vā tam̐ nāmakāyasampayuttam̐ sukham̐, tam̐samuṭṭhānenassa yasmā atīpañītena rūpena rūpakāyo phuṭo, yassa phuṭattā jhānā vuṭṭhitopi sukham̐ paṭīsam̐vedeyya, tasmā etamattham̐ dassento “sukhañca kāyena paṭīsam̐vedetī”ti āha.

Idāni **yam̐ tam̐ ariyā ācikkhanti upekkhako satīmā sukhavīhārī** ettha yaṃjhānāhetu yaṃjhānakāraṇā tam̐ tatiyaḷjhānasamaṅgīpuggalaṃ buddhādayo ariyā ācikkhanti desenti paññāpentī paṭṭhapenti vīvaranti vībhajanti uttānīkaronti pakāsenti, pasam̐santīti adhippāyo. Kintī? Upekkhako satīmā sukhavīhārī. Tam̐ tatiyaḷjhānaṃ upasampajja vīharatīti evamettha yojanā veditabbā.

Kasmā pana tam̐ te evaṃ pasam̐santīti? Pasam̐sārahato. Ayañhi yasmā atīmadhurasukhe sukhapāramīppatēpi tatiyaḷjhāne upekkhako, na tattha sukhābhīsaṅgena ākaḷḷhīyati. Yathā ca pīṭī na uppajjati, evaṃ upaṭṭhitasatīyā satīmā. Yasmā ca ariyakantaṃ ariyājanasevītameva ca asaṃkīṭṭham̐ sukham̐ nāmakāyena paṭīsam̐vedetī, tasmā pasam̐sāraho. Iti pasam̐sārahato

naṃ ariyā te evaṃ pasamsāhetubhūte guṇe pakāseto ‘‘upekkhako satimā sukhavihārī’’ti evaṃ pasamsantīti veditabbaṃ. **Tatiyanti** gaṇānānupubbatā tatiyaṃ, idaṃ tatiyaṃ uppannantipi tatiyaṃ.

Sukhassa ca pahānā dukkhassa ca pahānāti kāyikasukhassa ca kāyikadukkhassa ca pahānā. **Pubbevāti** tañca kho pubbeva, na catutthajjhānakkhaṇe. **Somanassadomanassānaṃ atthaṅgamā**ti cetasikasukhassa ca cetasikadukkhassa cāti imesampi dvinnāṃ pubbeva atthaṅgamā, pahānā icceva vuttaṃ hoti.

Kadā pana nesāṃ pahānaṃ hoti? Catunnaṃ jhānaṃ upacārakkhaṇe. Somanassañhi catutthajjhānassa upacārakkhaṇe ya pahiyāti, dukkhadomanassasukhāni paṭhamadutiya tatiyajjhānaṃ upacārakkhaṇesu. Evametesāṃ pahānakkamena avuttānaṃ, **indriyavibhaṅge** pana indriyaṇaṃ uddesakkameneva idhāpi vuttānaṃ sukhadukkhassomanassadomanassānaṃ pahānaṃ veditabbaṃ.

Yadi panetāni tassa tassa jhānassa upacārakkhaṇe ya pahiyāti, atha kasmā ‘‘kattha cuppannaṃ dukkhindriyaṃ aparisesāṃ nirujjhati? Idha, bhikkhave, bhikkhu vivicceva kāmehi...pe... paṭhamaṃ jhānaṃ upasampajja viharati, ettha cuppannaṃ dukkhindriyaṃ aparisesāṃ nirujjhati. Kattha cuppannaṃ domanassindriyaṃ... sukhindriyaṃ... somanassindriyaṃ aparisesāṃ nirujjhati? Idha, bhikkhave, bhikkhu, sukhassa ca pahānā...pe... catutthaṃ jhānaṃ upasampajja viharati. Ettha cuppannaṃ somanassindriyaṃ aparisesāṃ nirujjhati’’ti (saṃ. ni. 5.510) evaṃ jhānesveva nirodho vuttoti. Atisayanirodhattā. Atisayanirodho hi nesāṃ paṭhamajjhānādīsū, na nirodhoyeva. Nirodhoyeva pana upacārakkhaṇe nātisayanirodho.

Tathā hi nānāvajjane paṭhamajjhānūpacāre niruddhassāpi dukkhindriyassa ḍaṃsamakāsādisamphassena vā visamāsanupatāpena vā siyā uppatti, na tveva antoappanāyaṃ. Upacāre vā niruddhampetāṃ na suṭṭhu niruddhaṃ hoti, paṭipakkhena avihatattā. Antoappanāyaṃ pana pītipharaṇena sabbo kāyo sukhokkanto hoti, sukhokkantakāyassa ca suṭṭhu niruddhaṃ hoti dukkhindriyaṃ, paṭipakkhena vihatattā. Nānāvajjaneyeva ca dutiyajjhānūpacāre pahīnassāpi domanassindriyassa yasmā etaṃ vitakkavicārapaccayepi kāyakīlamathe cittupaghāte ca sati uppajjati, vitakkavicārābhāve neva uppajjati. Yathā pana uppajjati, tathā vitakkavicārābhāve. Appahīnāyeva ca dutiyajjhānūpacāre vitakkavicārāti tathassa siyā uppatti, na tveva dutiyajjhāne, pahīnappaccayattā. Tathā tatiyajjhānūpacāre pahīnassāpi sukhindriyassa pītisamutṭhānapanātarūpaphuṭakāyassa siyā uppatti, na tveva tatiyajjhāne. Tatiyajjhāne hi sukhassa paccayabhūtā pīti sabbaso niruddhāti. Tathā catutthajjhānūpacāre pahīnassāpi somanassindriyassa āsannattā, appanāpattāya upekkhāya abhāvena sammā anatikkantattā ca siyā uppatti, na tveva catutthajjhāne. Tasmā eva ca ‘‘etthuppannaṃ dukkhindriyaṃ aparisesāṃ nirujjhati’’ti tathā tathā aparisesaggaṇaṃ katanti.

Etthāha – ‘‘athevaṃ tassa tassa jhānassupacāre pahīnāpi etā vedanā idha kasmā samāhaṭā’’ti? Sukhaggaṇatthaṃ. Yā hi ayaṃ **adukkhamasukhanti** ettha adukkhamasukhā vedanā vuttā, sā sukhumā dubbhiññeyyā, na sakkā sukheṇa gahetuṃ, tasmā yathā nāma duṭṭhassa yathā vā tathā vā upasaṅkamitvā gahetuṃ asakkuṇeyyassa goṇassa sukhaggaṇatthaṃ gopo ekasmiṃ vaje sabbā gāvo samāharati, athekekaṃ nīharanto paṭipāṭiyā āgataṃ ‘‘ayaṃ so gaṇhatha na’’nti tampi gāhāpeti, evameva bhagavā sukhaggaṇatthaṃ sabbā etā samāharati. Evañhi samāhaṭā etā dassetvā ‘‘yaṃ neva sukhaṃ, na dukkhaṃ, na somanassaṃ, na domanassaṃ, ayaṃ adukkhamasukhā vedanā’’ti sakkā hoti esā gāhayituṃ.

Api ca adukkhamasukhāya cetovimuttiyā paccayadassanattañcāpi etā vuttāti veditabbā. Dukkhaṃ pahānādayo hi tassā paccayā. Yathāha – ‘‘cattāro kho, āvuso, paccayā adukkhamasukhāya cetovimuttiyā samāpattiyā. Idhāvuso, bhikkhu sukhassa ca pahānā...pe... catutthaṃ jhānaṃ upasampajja viharati. Ime kho, āvuso, cattāro paccayā adukkhamasukhāya cetovimuttiyā samāpattiyā’’ti (ma. ni. 1.458). Yathā vā aññattha pahīnāpi sakkāyaditṭhiādayo tatiyamaggassa vaṇṇabhaṇanattaṃ ‘‘tatha pahīnā’’ti vuttā, evaṃ vaṇṇabhaṇanattampetassa jhānassetā idha vuttātipi veditabbā. Paccayaghātena vā ettha rāgadosānaṃ atidūrabhāvaṃ dassetumpetā vuttāti veditabbā. Etāsu hi sukhaṃ somanassassa paccayo, somanassaṃ rāgassa, dukkhaṃ domanassassa, domanassaṃ dosassa. Sukhādighātena ca te sappaccayā rāgadosā hatāti atidūre hontīti.

Adukkhamasukhanti dukkhābhāvena adukkhaṃ, sukhābhāvena asukhaṃ. Etenettha sukhadukkhapaṭipakkhabhūtaṃ tatiyavedanaṃ dīpeti, na dukkhasukhābhāvamattaṃ. Tatiyavedanā nāma adukkhamasukhā, upekkhātipi vuccati. Sā iṭṭhāniṭṭhaviparītānubhavanalakkhaṇā, majjhatarasā, avibhūtapaccupaṭṭhānā, sukhanirodhapaṭṭhānāti veditabbā.

Upekkhāsati pārisuddhinti upekkhāya janitasati pārisuddhiṃ. Imasmiñhi jhāne supārisuddhā sati, yā ca tassā sati yā pārisuddhi, sā upekkhāya katā, na aññena. Tasmā etaṃ ‘‘upekkhāsati pārisuddhi’’nti vuccati. Yāya ca upekkhāya ettha sati pārisuddhi hoti, sā atthato tatra majjhataṭṭhāti veditabbā. Na kevalañcetta tāya satiyeva pārisuddhā, api ca kho sabbepi sampayuttadhammā, satisīsena pana desanā vuttā.

Tattha kiñcāpi ayaṃ upekkhā heṭṭhāpi tīsu jhānesu vijjati, yathā pana divā sūriyappabhābhābhavā sommabhāvena ca attano upakāra kattaṇa vā sabhāgāya rattiyaṃ alābhā divā vijjamañāpi candalekhā aparissuddhā hoti aparīyodātā, evamayampi tatra majjhattu upekkhācandalekhā vitakkādipaccanīkadhammatejābhābhavā sabhāgāya ca upekkhāvedanā rattiyaṃ apaṭilābhā vijjamañāpi paṭhamajjhānādibhedesu aparissuddhā hoti. Tassā ca aparissuddhāya divā aparissuddhacandalekhāya pabhā viya saha jātāpi satiādayo aparissuddhāya honti. Tasmā tesu ekampi ‘‘upekkhāsati pārisuddhi’’nti na vuttaṃ. Idha pana vitakkādipaccanīkadhammatejābhābhavābhāvaṃ sabhāgāya ca upekkhāvedanā rattiyaṃ paṭilābhā ayaṃ tatra majjhattu upekkhācandalekhā ativiya pārisuddhā, tassā pārisuddhattā pārisuddhacandalekhāya pabhā viya saha jātāpi

satiādāyo parisuddhā honti pariyodātā. Tasmā idameva “upekkhāsati parīsuddhi”nti vuttanti vedītabbāṃ. **Catutthanti** gaṇānānupubbatā catutthāṃ. Idaṃ catutthāṃ uppannanti catutthāṃ.

Paññāvā hotīti paññā assa atthīti paññāvā. **Udayatthagāminiyāti** udayagāminiyā ceva atthagāminiyā ca. **Samannāgatoti** paripuṇṇo. **Ariyāyāti** niddosāya. **Nibbedhikāyāti** nibbedhapakkhikāya. **Dukkhakkhayagāminiyāti** nibbānagāminiyā. **So idaṃ dukkhanti** evamādīsu “ettakaṃ dukkhaṃ na ito bhīyo”ti sabbampi dukkhasaccaṃ sarasalakkaṇapaṭivedhena yathābhūtaṃ pajānāti paṭivijjhāti. Tassa ca dukkhassa nibbattikaṃ taṇhaṃ “**ayaṃ dukkhasamudayo**”ti. Tadubhayampi yaṃ thānaṃ patvā nirujjhāti, taṃ tesāṃ appavattiṃ nibbānaṃ “**ayaṃ dukkhanirodho**”ti. Tassa ca sampāpakaṃ ariyamaggaṃ “**ayaṃ dukkhanirodhagāminī paṭipadā**”ti sarasalakkaṇapaṭivedhena yathābhūtaṃ pajānāti paṭivijjhātīti evamattho vedītabbo.

Evaṃ sarūpato saccāni dassetvā idāni kilesavasena pariyāyato dassento “**ime āsavā**”tiādīmāha. Te vuttanayeneva vedītabbā. Evaṃ tisso sikkhāyo dassetvā idāni tāsāṃ pāripūrikkaṃ dassetuṃ “**imā tisso sikkhāyo āvajjanto sikkheyyā**”tiādīmāha. Tassattho – paccēkaṃ paripūretuṃ āvajjantopi sikkheyya, āvajjitvāpi “ayaṃ nāma sikkhā”ti jānantopi sikkheyya, jānitvā punappunaṃ passantopi sikkheyya, passitvā yathādiṭṭhaṃ paccavekkhantopi sikkheyya, paccavekkhitvā tattheva cittaṃ acalaṃ katvā paṭiṭṭhapentopi sikkheyya, taṇṭamsikkhāsampayuttasaddhāvīriyasatisamādhipaññāhi sakasakakiccaṃ karontopi sikkheyya, abhiññeyyābhijjānanakālepi taṃ taṃ kiccaṃ karontopi tisso sikkhāyo sikkheyya, adhisīlaṃ ācareyya, adhiccitaṃ sammā careyya, adhipaññaṃ samādāya vatteyya.

Idhāti mūlapadaṃ. **Imissā diṭṭhiyāti**tiādīhi dasahi padehi sikkhattayasaṅkhātāṃ sabbaññubuddhasāsanaṃ eva kathitaṃ. Tañhi buddhena bhagavatā diṭṭhattā **diṭṭhīti** vuccati. Tasseva khamanavasena **khanti**, rucanavasena **ruci**, gahaṇavasena **ādāyo**, sabhāvaṭṭhena **dhammo**, sikkhitabbaṭṭhena **vinayo**, tadubhayenapi **dhammavinayo**, pavuttavasena **pāvacaṇaṃ**, seṭṭhacariyaṭṭhena **brahmacariyaṃ**, anusīṭṭhidānavasena **satthusāsanaṃ** vuccati. Tasmā “imissā diṭṭhiyā”tiādīsu imissā buddhadiṭṭhiyā imissā buddhakantiyā imissā buddharuciya imasmīṃ buddhaādāye imasmīṃ buddhadhamme imasmīṃ buddhavinaye.

“Ye kho tvāṃ, gotami, dhamme jāneyyāsi ‘ime dhammā sarāgāya saṃvattanti, no virāgāya, saññogāya saṃvattanti, no visaññogāya, ācayāya saṃvattanti, no apacayāya, mahicchatāya saṃvattanti, no appicchatāya, asantuṭṭhiyā saṃvattanti, no santuṭṭhiyā, saṅgaṇikāya saṃvattanti, no pavivekāya, kosajjāya saṃvattanti, no vīriyārambhāya, dubbharatāya saṃvattanti, no subharatāya’ti. Ekaṃsena, gotami, dhāreyyāsi ‘neso dhammo, neso vinayo, netāṃ satthusāsana’nti.

“Ye ca kho tvāṃ, gotami, dhamme jāneyyāsi ‘ime dhammā virāgāya saṃvattanti, no sarāgāya...pe... subharatāya saṃvattanti, no dubbharatāya’ti. Ekaṃsena, gotami, dhāreyyāsi ‘eso dhammo, eso vinayo, etaṃ satthusāsana’nti (a. ni. 8.53; cūḷava. 406) –

Evaṃ vutte imasmīṃ buddhadhammavinaye imasmīṃ buddhapāvacaṇe imasmīṃ buddhabrahmacariye imasmīṃ buddhasāsaneti evamattho vedītabbo.

Api cetāṃ sikkhattayasaṅkhātāṃ sakalaṃ sāsanaṃ bhagavatā diṭṭhattā sammādiṭṭhipaccayattā sammādiṭṭhipubbaṅgamattā ca diṭṭhi. Bhagavato khamanavasena khanti. Rucanavasena ruci. Gahaṇavasena ādāyo. Attano kāraṇaṃ apāyesu apatamānaṃ katvā dhāretīti dhammo. Sova saṃkilesapakkhaṃ vinetīti vinayo. Dhammo ca so vinayo cāti dhammavinayo. Kusaladhammehi vā akusaladhammānaṃ esa vinayoti dhammavinayo. Teneva vuttaṃ –

“Ye ca kho tvāṃ, gotami, dhamme jāneyyāsi ‘ime dhammā virāgāya saṃvattanti, no sarāgāya...pe... ekaṃsena gotami dhāreyyāsi ‘eso dhammo, eso vinayo, etaṃ satthusāsana’nti (a. ni. 8.53; cūḷava. 406).

Dhammena vā vinayo, na daṇḍādīhīti dhammavinayo. Vuttampi cetāṃ –

“Daṇḍeneke damayanti, aṅkusehi kasāhi ca;
Adaṇḍena asatthēna, nāgo danto mahesinā”ti. (cūḷava. 342; ma. ni. 2.352);

Tathā –

“Dhammena nīyamānānaṃ, kā usūyā vijānata”nti. (mahāva. 63);

Dhammāya vā vinayo dhammavinayo. Anavajjadhammatthañhesa vinayo, na bhavabhogāmisatthaṃ. Tenāha bhagavā “nāyidaṃ, bhikkhave, brahmacariyaṃ vussati janakuhanattha”nti (a. ni. 4.25) vitthāro. Puṇṇattheropi āha “anupādāparinibbānatthaṃ kho, āvuso, bhagavati brahmacariyaṃ vussati”ti (ma. ni. 1.259). Visiṭṭhaṃ vā nayatīti vinayo. Dhammato vinayo dhammavinayo. Saṃsāradhammato hi sokādidhammato vā esa visiṭṭhaṃ nibbānaṃ nayati. Dhammassa vā vinayo, na titthakarānanti dhammavinayo. Dhammabhūto hi bhagavā, tasseva vinayo.

Yasmā vā dhammā eva abhiññeyyā pariññeyyā pahātābbā bhāvetābbā sacchikātabbā ca, tasmā esa dhammesu vinayo, na

sattesu na jīvesu cāti dhammavinayo. Sāthasabyañjanatādīhi aññesaṃ vacanato padhānaṃ vacananti pavacanaṃ, pavacanameva pāvacanaṃ. Sabbacariyāhi viṣiṭṭhacariyabhāvena brahmacariyaṃ. Devamanussānaṃ sathhubhūtaṃ bhagavato sāsananti sathhusāsaṃ. Sathhubhūtaṃ vā sāsananti sathhusāsaṃ. “So vo mamaccayena sathhāti (dī. ni. 2.216) hi dhammavinayova sathhā”ti vuttoti evametesāṃ padānaṃ attho veditabbo.

Yasmā pana imasmiṃyeva sāsane sabbappakārajhānaṃ nibbattako bhikkhu dissati, na aññatra, tasmā tattha tattha “imissā”ti ca “imasmi”nti ca ayaṃ niyamo katoti veditabbo.

Jīvanti tena taṃsāmpayuttakā dhammāti jīvitaṃ. Anupālanalakkhaṇe indaṭṭhaṃ kāretīti indriyaṃ. Jīvameva indriyaṃ **jīvitindriyaṃ**. Taṃ pavattasantaṭṭhāpateyyaṃ hoti. Lakkhaṇādīhi pana attanā avinibhūtaṃ dhammānaṃ anupālanalakkhaṇaṃ jīvitindriyaṃ, tesāṃ pavattanarasaṃ, tesāṃyeva ṭhapanapaccupaṭṭhānaṃ, yāpayitabbadhammapadaṭṭhānaṃ. Santepi ca anupālanalakkhaṇādīmhi vidhāne atthikkhaṇeyeva taṃ te dhamme anupāleti, udakaṃ viya uppalādīni. Yathāsakaṃ paccayehi uppannepi ca dhamme pāleti, dhāti viya kumāraṃ, sayāmpavattitadhammasambandheneva ca pavattati, niyāmaṃ viya nāvaṃ. Na bhaṅgato uddhaṃ pavattayati, attano ca pavattayitabbānaṃ abhāvā. Na bhaṅgakkhaṇe ṭhāpeti, sayāṃ bhijjāmānattā, khīyamāno viya vaṭṭisineho padīpasikhaṃ, na ca anupālanapavattanaṭṭhapanānubhāvavirahitaṃ, yathāvuttakkhaṇe tassa tassa sādhanatoti daṭṭhabbaṃ. **Ṭhitiparittatāya vāti** ṭhitikkhaṇassa mandatāya thokatāya. **Appakanti** maṇḍaṃ lāmakāṃ. **Sarasaparittatāya vāti** attano paccayabhūtaṃ kiccānaṃ sampattīnaṃ vā appatāya dubbalatāya.

Tesaṃ dvinnaṃ kāraṇaṃ vibhāgato dassetuṃ “**kathaṃ ṭhitiparittatāya**”ti adimāha. Tattha “atīte cittakkhaṇe jīvitthāti evamādi pañcavokārabhave pavattiyāṃ cittaṃ nirujjhanakāle sabbasmiṃ rūpārūpadhamme anirujjhantepi rūpato arūpassa paṭṭhānabhāvena arūpajīvitaṃ sandhāya, cuticcitena vā saddhiṃ sabbesaṃ rūpārūpānaṃ nirujjhanabhāvena pañcavokārabhave cuticcitāṃ sandhāya, catuvokārabhave rūpassa abhāvena catuvokārabhavaṃ sandhāya kathita”nti veditabbaṃ. **Atīte cittakkhaṇeti** atītacittaṃ bhaṅgakkhaṇasamaṅgikāle taṃsamaṅgīpuggalo “jīvitthā” itī vattuṃ labbhati. **Na jīvatīti** “jīvatī”tipi vattuṃ na labbhati. **Na jīvissatīti** “jīvissatī”tipi vattuṃ na labbhati. **Anāgate cittakkhaṇe jīvissatīti** anāgatacittaṃ anuppajjanakkhaṇasamaṅgikāle “jīvissatī”ti vattuṃ labbhati. **Na jīvatīti** “jīvatī”ti vattuṃ na labbhati. **Na jīvitthāti** “jīvitthā”tipi vattuṃ na labbhati. **Paccuppanne cittakkhaṇeti** paccuppannacittakkhaṇasamaṅgikāle. **Jīvatīti** “idāni jīvatī”ti vattuṃ labbhati. **Na jīvitthāti** “jīvitthā”iti vattuṃ na labbhati. **Na jīvissatīti** “jīvissatī”tipi vattuṃ na labbhati.

Jīvitaṃ attabhāvo ca sukhadukkhā cāti ayaṃ gāthā pañcavokārabhavaṃ amuñcitvā labbhamānāya dukkhāya vedanāya gahitattā pañcavokārabhavaṃ sandhāya vuttatī veditabbā. Kathaṃ? **Jīvanti** jīvitasīna saṅkhārakkhandho. **Attabhāvoti** rūpakkhandho. “Upekkhā pana santattā, sukhamicceva bhāsītā”ti (vibha. aṭṭha. 232) vuttattā upekkhāvedanā antokarivā **sukhadukkhā cāti** vedanākkhandho, cittaṃ itī viññānakkhandho vutto. Imesaṃ catunnaṃ khandhānaṃ kathitattāyeva khandhalakkhaṇena ekalakkhaṇabhāvena lakkhaṇākārasena saññākkhandhopi kathitoti veditabbo. Evaṃ vuttetu pañcasu khandhesu arūpadhammaṃ muñcitvā kammaṃmuṭṭhānādirūpassa appavattanabhāvena **ekacittasamāyuttatī** arūpadhānabhāvo kathito hoti. Kathaṃ? Asaññasatte rūpampi idhupacitakammabalaṃ amuñcitvā pavattati, nirodhasamāpannānaṃ rūpampi paṭhamasamāpannasamāpattibalaṃ amuñcitvā pavattati. Evaṃ attano appavattitṭhānepi rūpapavattim attano santakameva katvā pavattanasabhāvassa arūpadhammassa attano pavattitṭhāne rūpapavattiyā padhānakāraṇabhāvena ekacittasamāyuttatī cittaṃ padhānabhāvo kathitoti veditabbo.

Evaṃ pañcavokārabhave pavattiyāṃ rūpapavattiyā padhānabhūtacittanīrodhena rūpe dharmāneyeva pavattānaṃ nirodho nāma hotīti arūpadhammasena eva “**lahuso vattate khaṇo**”ti vuttaṃ. Atha vā pañcavokārabhave cuticcitāṃ sandhāya kathitāti veditabbā. Evaṃ kathiyamāne sukhadukkhā cāti kāyikacetāsikasukhavedanā ca kāyikacetāsikadukkhavedanā ca cuticcitakkhaṇe ahontīpi ekasantativasena cuticcitena saddhiṃ nirujjhatīti kathitā. Catuvokārabhavaṃ vā sandhāya kathitātipi veditabbā. Kathaṃ? Aññasmiṃ ṭhāne attabhāvoti saññākkhandhassa vuttabhāvena attabhāvoti saññākkhandhova gahito. Brahmaloke kāyikasukhadukkhadomanassaṃ ahontampi sukhadukkhā cāti vedanāsāmaññato labbhamāno vedanākkhandho gahitoti veditabbaṃ. Sesaṃ vuttasadisameva. Imesu ca tīsu vikappesu **kevalāti** dhuvasukhasubhaṭṭā natthi, kevalaṃ tehi avomissā. **Lahuso vattati khaṇoti** vuttanayena ekacittakkhaṇikatāya lahuko atiparitto jīvitādīnaṃ khaṇo vattati.

Ekato dvinnaṃ cittaṃ appavattim dassento “**cullāsītisahassāni**”ti gāthamāha. **Cullāsītisahassāni, kappā tiṭṭhanti ye marūti** ye devagaṇā caturāsīti kappasahassāni āyūṃ gahetvā nevasaññānāsāññāyatane tiṭṭhanti. “Ye narā”tipi pāḷi. **Na tveva tepi jīvanti, dvīhi cittaṃsamohitāti** tepi devā dvīhi cittehi samohitā ekato hutvā yuganaddhena cittaṃ na tu eva jīvanti, ekenekena cittaṃ jīvantīti attho.

Idāni maraṇakālaṃ dassento “**ye niruddhā**”ti gāthamāha. Tattha **ye niruddhāti** ye khandhā niruddhā atthaṅgatā. **Marantassāti** matassa. **Tiṭṭhamānassa vāti** dharmānassa vā. **Sabbepi sadisā khandhāti** cutito uddhaṃ niruddhakkhandhā vā pavatte niruddhakkhandhā vā puna ghaṭetuṃ asakkuṇeyyaṭṭhena sabbepi khandhā sadisā. **gatā appaṭisandhikāti** niruddhakkhandhānaṃ puna āgantvā paṭisandhānabhāvena gatā appaṭisandhikāti vuccanti.

Idāni tīsu kālesu niruddhakkhandhānaṃ nānattaṃ natthīti dassetuṃ “**anantarā**”ti gāthamāha. Tattha **anantarā ca ye bhaggā, ye ca bhaggā anāgatāti** ye khandhā anantarātīti hutvā bhinnā niruddhā, ye ca anāgatā khandhā bhijjissanti. **Tadantareti** tesāṃ antare niruddhānaṃ paccuppannakhandhānaṃ. **Vesamaṃ natthi lakkhaṇeti** visamassa bhāvo vesamaṃ,

taṃ vesamaṃ natthi, tehi nānattaṃ natthīti attho. Lakkhīyatīti lakkhaṇaṃ, tasmim lakkhaṇe.

Idāni anāgatakkhandhānaṃ vattamānakkhandhehi asammisabhāvaṃ kathento “**anibbattena na jāto**”ti gāthamāha. **Anibbattena na jāto**ti ajātena apātubhūtena anāgatakkhandhena na jāto na nibbatta. Etena anāgatakkhandhassa vattamānakkhandhena asammisabhāvaṃ kathesi. **Paccuppanna jīvātī** khaṇapaccuppanna vattamānakkhandhena jīvati. Etena ekakkhaṇe dvīhi cittehi na jīvātīti kathitaṃ. **Cittabhaggā matoti** dvīhi cittehi ekakkhaṇe ajīvanabhāvena cittabhaṅgena mato. “Uparito cittabhaṅgā”tipi pāḷi, taṃ ujukameva. **Paññatti paramatthiyāti** “rūpaṃ jīrati maccānaṃ, nāmagottaṃ na jīrati”ti (saṃ. ni. 1.76) vacanakkamena paṇṇattimattaṃ na jīraṇasabhāvena paramā ṭhīti etissāti paramatthiyā, sabhāvaṭṭhitikāti attho. “Datto mato, mitto mato”ti paṇṇattimattameva hi tiṭṭhati. Atha vā **paramatthiyāti** paramatthikā. Paramo attho etissāti paramatthikā. Ajaṭkāsoti paññattiyā natthidhammaṃ paṭicca kathanāṃ viya matoti paññatti natthidhammaṃ paṭicca na kathiyati, jīvitindriyabhaṅgasankhātāṃ dhammaṃ paṭicca kathiyati.

Anidhānagatā bhaggāti ye khandhā bhinnā, te nidhānaṃ nihitaṃ nicayaṃ na gacchantīti anidhānagatā. **Puñjo natthi anāgate**ti anāgatepi nesaṃ puñjabhāvo rāsibhāvo natthi. **Nibbattāyeva tiṭṭhanti**ti paccuppannavasena uppannā ṭhitikkhaṇe veyadhamaṃ hutvā tiṭṭhanti. Kimiva? **Ārage sāsapūpamāti** sūcimukhe sāsapo viya.

Idāni khandhānaṃ dassanabhāvaṃ dassento “**nibbattāna**”nti gāthamāha. Tattha **nibbattānaṃ dhammānanti** paccuppannānaṃ khandhānaṃ. **Bhaṅgo nesaṃ purakkhatoti** etesaṃ bhedo purato katvā ṭhapito. **Palokadhammāti** nassanasabhāva. **Purāṇehi adhiṣṣitāti** pure uppannehi khandhehi na missitā na saṃsaggā.

Idāni khandhānaṃ adassanabhāvaṃ dassento “**adassanato āyantī**”ti gāthamāha. Tattha **adassanato āyantī**ti adissamānāyeva āgacchanti uppajjanti. **Bhaṅgā gacchantidassananti** bhedā bhaṅgato uddhaṃ adassanabhāvaṃ gacchanti. **Vijjupādova ākāseti** vivaṭkāse vijjulātaniccharaṇaṃ viya. **Uppajjanti veyanti cāti** pubbantato uddhaṃ uppajjanti ca bhijjanti ca, nassantīti attho. “Udeti āpūrati veti cando”ti (jā. 1.5.3) evamādisu viya.

Evaṃ ṭhitiparittataṃ dassetvā idāni sarasaparittataṃ dassento “**kathaṃ sarasaparittatāyā**”tiādimāha. Tattha **assāsūpanibandhaṃ jīvanti**ti abhantarapavisananāsikavātapaṭibaddhaṃ jīvitindriyaṃ. **Passāsoti** bahinikkhamananāsikavāto. **Assāsapassāsoti** tadubhayaṃ. **Mahābhūtūpanibandhanti** catusamuṭṭhānikānaṃ pathavāpatejavāyānaṃ mahābhūtānaṃ paṭibaddhaṃ jīvitaṃ. **Kaḷālikārāhārūpanibandhanti** asitapītādikaḷālikārāhārena upanibandhaṃ. **Usmūpanibandhanti** kammajatejodhātūpanibandhaṃ. **Viññāṇūpanibandhanti** bhavaṅgaviññāṇūpanibandhaṃ. Yaṃ sandhāya vuttaṃ “āyu usmā ca viññāṇaṃ, yadā kāyaṃ jahantima”nti (saṃ. ni. 3.95).

Idāni nesaṃ dubbalakāraṇaṃ dassento “**mūlampi imesaṃ dubbala**”ntiādimāha. Tattha **mūlampīti** patiṭṭhatṭhena mūlabhūtampi. Assāsapassāsānaṃhi karajakāyo mūlaṃ. Mahābhūtādīnaṃ avijjākammataṇhāhārā. **Imesanti** vuttappakāraṇaṃ assāsādīnaṃ jīvitindriyapavattikāraṇavasena vuttānaṃ. Etesu hi ekekasmim asati jīvitindriyaṃ na tiṭṭhati. **Dubbalanti** appathāmaṃ. **Pubbahetūpīti** atītajātiyaṃ imassa vipākavaṭṭassa hetubhūtā kāraṇasankhātā avijjāsankhāraṇapādānabhavāpi. **Imesaṃ dubbalā ye paccayā tepi dubbalāti** ye ārammaṇādisādhāraṇapaccayā. **Pabhāvikāti** padhānaṃ hutvā uppādikā bhavataṇhā. **Sahabhūmīti** sahabhāvikāpi rūpārūpadhammā. **Sampayogapīti** ekato yuttāpi arūpadhammā. **Sahajāpīti** saddhim ekacitte uppannāpi. **Yāpi payojikāti** cutipaṭisandhivasena yojetuṃ niyuttāti payojikā, vaṭṭamūlakā taṇhā. Vuttaṇhetam “taṇhādutiyo puriso”ti (itivu. 15, 105). **Niccadubbalāti** nirantarena dubbalā. **Anavaṭṭhitāti** na avatṭhitā, otarivā na ṭhitā. **Paripātayanti imeti** ime aññamaññaṃ pātayanti khepayanti. **Aññamaññassāti** añño aññaṃ, eko ekassāti attho. **Hi**-iti kāraṇatthe nipāto. **Natthi tāyitāti** tāyano rakkhako natthi. **Na cāpi ṭhapenti aññamaññaṃ**ti añña aññaṃ ṭhapetuṃ na sakkonti. **Yopi nibbattako so na vijjati**ti yopi imesaṃ uppādako dhammo, so idāni natthi.

Na ca kenaci koci hāyatīti koci ekopi kassaci vasena na parihāyati. **Gandhabbā ca ime hi sabbasoti** sabbe hi ime khandhā sabbākārena bhaṅgaṃ pāpuṇituṃ yuttā. **Purimehi pabhāvitā imeti**ti pubbahetupaccayehi ime vattamānakā uppādikā. **Yepi pabhāvikāti** yepi ime vattamānakā uppādakā pubbahetupaccayā. **Te pure matāti** te vuttappakārapaccayā vattamānaṃ apāpuṇitvā paṭhamameva maraṇaṃ pattā. **Purimāpi ca pacchimāpi cāti**ti purimā pubbahetupaccayāpi ca pacchimā vattamāne paccayasamuppannā ca. **Aññamaññaṃ na kadāci maddasamsūti**ti aññamaññaṃ kismiñci kāle na diṭṭhapubbā. **Ma**-kāro padasandhivasena vutto.

Cātumahārājikānaṃ devānanti dhataratṭhvirūḷhakavirūpakkhakuverasankhātā cātumahārājā issarā etesanti cātumahārājikā. Rūpādīhi dibbanti kīḷantīti **devā**. Te sinerupabbatassa vemajjhe hontī. Tesu atthi pabbataṭṭhakāpi, atthi ākāsaṭṭhakāpi. Tesam paramparā cakkavāḷapabbataṃ pattā. Khiddāpadosikā manopadosikā sītavalāhakā uṇhavalāhakā candimā devaputto sūriyo devaputtoti ete sabbepi cātumahārājikadevalokatṭhā eva tesam cātumahārājikānaṃ jīvitaṃ. **Upādāyāti** paṭicca. **Parittakanti**ti vuddhipaṭisedho. **Thokanti**ti mandakālaṃ, dīghadivasapaṭisedho. **Khaṇikanti**ti mandakālaṃ, kālantarapaṭisedho. **Lahukanti**ti sallahukaṃ, alasapaṭisedho. **Itaranti**ti sīghabalavapaṭisedho. **Anaddhanīyanti**ti kālavasena na addhānakkhamam. **Naciraṭṭhitikanti**ti divasena ciraṃ na tiṭṭhatīti naciraṭṭhitikam, divasapaṭisedho.

Tāvatiṃsānantiti tettiṃsajanā tattha upapannāti tāvatiṃsā. Api ca tāvatiṃsāti tesam devānaṃ nānamevātipi vuttaṃ. Tepi atthi pabbataṭṭhakā, atthi ākāsaṭṭhakā, tesam paramparā cakkavāḷapabbataṃ pattā. Tathā **yāmā**ti. Ekadevalokepi hi devānaṃ paramparā cakkavāḷapabbataṃ appattā nāma natthi. Dibbasukhaṃ yātā payātā sampattāti **yāmā**. Tuṭṭhā pahaṭṭhāti

tusitā. Pakatipaṭiyattārammaṇato atirekena nimmitukāmakāle yathārucite bhoge nimminivā ramantīti **nimmānarafī.** Cittācāraṃ ṅatvā parehi nimmitesu bhogesu vasaṃ vattentīti **paranimmitavasavattī.** Brahmakāye brahmagaṭṭāya niyuttāti **brahmakāyikā.** Sabbepi pañcavokābrahmāno gahitā.

Gamaniyoti gandhabbo. **Samparāyoti** paraloko. **Yo bhikkhave ciraṃ jīvati, so vassasatanti** yo ciraṃ tiṭṭhamāno, so vassasatamattam tiṭṭhati. **Appaṃ vā bhīyyoti** vassasatato upari tiṭṭhamāno dve vassasatāni tiṭṭhamāno nāma natthi. **Hīleyya nanti** naṃ jīvitaṃ avaññātaṃ kareyya, lāmakato cinteyya. “Hīleyyāna”nti ca paṭhanti. **Accayantīti** atikkamanti. **Ahorattāti** rattindivapariccheda. **Uparujjhatīti** jīvitindriyaṃ nirujjhati, abhāvaṃ upagacchati. **Āyu khiyyati maccānanti** sattānaṃ āyusañkhāro khayam yāti. **Kunnadīnaṃva odakanti** yathā udakacchinnāya kunnadiyā udakaṃ, evaṃ maccānaṃ āyu khiyyati. Paramatthato hi atiparitto sattānaṃ jīvitakkhaṇo ekacittakkhaṇikamattoyeva. Yathā nāma rathacakkaṃ pavattamānampi ekeneva nemipadesena pavattati, tiṭṭhamānampi ekeneva tiṭṭhati, evameva ekacittakkhaṇikaṃ sattānaṃ jīvitaṃ tasmiṃ citte niruddhamatte satto niruddhoti vuccati.

Dhīrāti dhīrā iti. Puna **dhīrāti** paṇḍitā. **Dhītimāti** dhīti assa atthīti dhītimā. **Dhitisampannāti** paṇḍiccena samannāgatā. **Dhīkatapāpāti** garahitapāpā. Tamyeva pariyaṃ dassetuṃ “**dhī vuccati paññā**”tiādīmāha. Tattha pajānātīti **paññā.** Kiṃ pajānāti? “Idaṃ dukkha”ntiādīnā nayeṇa ariyasaccāni. Aṭṭhakathāyaṃ pana “paññāpanavasena paññā”ti vuttā. Kinti paññāpeti? “Aniccaṃ dukkhaṃ anattā”ti paññāpeti. Sāva avijjāya abhibhavanato adhipatiyaṭṭhena indriyaṃ, dassanalakkhaṇa vā indaṭṭhaṃ kāretītipi indriyaṃ, paññāva indriyaṃ **paññāndriyaṃ.** Sā panesā obhāsanalakkhaṇā, pajānanalakkhaṇā ca; yathā hi catubhittike gehe rattibhāge dīpe jalite andhakāraṃ nirujjhati, āloko pātubhavati, evameva obhāsanalakkhaṇā paññā. Paññābhāsasamo obhāso nāma natthi. Paññāvato hi ekapallānena nisinnassa dasasahasilokadhātu ekāloka hoti. Tenāha thero

“Yathā, mahārāja, puriso andhakāre gehe telappadīpaṃ paveseyya, pavittā padīpo andhakāraṃ viddhamseti, obhāsaṃ janeti, ālokaṃ vidamseti, pākāṭāni ca rūpāni karoti; evameva kho, mahārāja, paññā uppajjamānā avijjandhakāraṃ viddhamseti, vijjābhāsaṃ janeti, ṅāṅālokaṃ vidamseti, pākāṭāni ariyasaccāni karoti. Evaṃ kho, mahārāja, obhāsanalakkhaṇā paññā”ti (mi. pa. 2.1.15).

Yathā pana cheko bhisakko āturānaṃ sappāyāsapāyāni bhojanādīni jānāti, evaṃ paññā uppajjamānā kusalākusale sevittābhāsevitābbe hīnappaṇītakaṇhasukkasappaṭibhāgaappaṭibhāge dhamme pajānāti. Vuttampi cetam dhammasenāpatinā “pajānāti pajānātīti kho, āvuso, tasmā paññāvāti vuccati. Kiñca pajānāti? Idaṃ dukkhanti pajānātī”ti (ma. ni. 1.449) vitthāretabbam. Evamassā pajānanalakkhaṇatā vedittābā.

Aparo nayo – yathābhāvaṃ paṭivedhalakkhaṇā paññā, akkhalitapaṭivedhalakkhaṇā vā, kusalissāsakhittausupaṭivedho viya. Visayobhāsarasā, padīpo viya. Asammohapaccupaṭṭhānā, araññāgatasudesako viya.

Khandhadhīrāti pañcasu khandhesuñānaṃ pavattentīti khandhadhīrā. Aṭṭhārasasu dhātūsu ṅānaṃ pavattentīti **dhātudhīrā.** Sesesupi iminā nayeṇa attho netabbo. **Te dhīrā evamāhamsūti** ete paṇḍitā evaṃ kathayīmsu. **Kathentīti** “appaṃ parittaka”nti kathayanti. **Bhaṇantīti** “thokaṃ khaṇika”nti bhāsanti. **Dīpayantīti** “lahukaṃ ittara”nti patiṭṭhapenti. **Voharantīti** “anaddhanikaṃ naciraṭṭhitika”nti nānāvidhena byavaharanti.

11. Idāni ye tathā na karonti, tesam byasanuppattim dassento “**passāmī**”ti gāthamāha. Tattha **passāmīti** maṃsacakkhuādīhi pekkhāmi. **Loketi** apāyādīmhi. **Pariphandamānanti** ito cito ca phandamānaṃ. **Pajaṃ imanti** imaṃ sattaṅkāyaṃ. **Taṇhāgatanti** taṇhāya gataṃ abhibhūtaṃ nipātītanti adhippāyo. **Bhavesūti** kāmabhavādīsu. **Hīnā narāti** hīnakammantā narā. **Maccumukhe lapantīti** antakāle sampatte maraṇamukhe paridevanti. **Avītataṇhāseti** avigatataṇhā. **Bhavāti** kāmabhavādīkā. **Bhavesūti** kāmabhavādīkesu. Atha vā **bhavābhavesūti** bhavabhavesu, punappunabhavesūti vuttam hoti.

Passāmīti maṃsacakkhunāpi passāmīti duvidham maṃsacakkhu – sasambhāracakkhu pasādacakkhūti. Tattha yoyaṃ akkhikūpake patiṭṭhito heṭṭhā akkhikūpakaṭṭhikena upari bhamukaṭṭhikena ubhato akkhikūṭehi bahiddhā akkhilomehi paricchinnā akkhikūpakamajjhā nikkhantena nārusuttakena matthaluṅge ābaddho setakaṇhamaṇḍalavicitto maṃsapīṇḍo, idaṃ **sasambhāracakkhu** nāma. Yo pana ettha sito ettha paṭibaddho catunnaṃ mahābhūtānaṃ upādāya pasādo, idaṃ **pasādacakkhu** nāma. Idamadhippetam. Tadetam tassa sasambhāracakkhuno setamaṇḍalaparikkhittassa kaṇhamaṇḍalassa majjhe abhimukhe ṭhītānaṃ sarīrasaṅṭhānuppattipadesa dīṭṭhamaṇḍale sattasu picupaṭalesu āsittatelaṃ picupaṭalāni viya sattaṅkhipaṭalāni byāpetvā pamāṇato ūkāsīramattam cakkhuvīññāḍīnaṃ yathārahaṃ vatthudvārabhāvaṃ sādhamānaṃ tiṭṭhati.

Tam cakkhatīti cakkhu, tena maṃsacakkhunā passāmi. **Dibbacakkhunāti** “addasaṃ kho ahaṃ, bhikkhave, dibbena cakkhunā visuddhenā”ti (ma. ni. 1.284) evaṃvidhena dibbacakkhunā. **Paññācakkhunāti** “virajaṃ vītamalaṃ dhammacakkhuṃ udapādī”ti (ma. ni. 2.395; mahāva. 16) evaṃ āgatena paññācakkhunā. **Buddhacakkhunāti** “addasaṃ kho ahaṃ, bhikkhave, buddhacakkhunā lokaṃ volokento”ti (ma. ni. 1.283) evamāgatena buddhacakkhunā. **Samantacakkhunāti** “samantacakkhu vuccati sabbaññūtaññāna”nti (cūḷani. dhotakamaṇāvapucchāiddesa 32; mogharājamānavapucchānidessa 85) evamāgatena samantacakkhunā. **Passāmīti** maṃsacakkhunā hatthatale ṭhapitāmalakaṃ viya rūpagataṃ maṃsacakkhunā.

Dakkhāmīti sañjānāmi dibbena cakkhunā cutūpapātaṃ. **Olokemīti** avalokemi paññācakkhunā catusaccaṃ. **Nijjhāyāmīti** cintemi buddhacakkhunā saddhāpañcamakāni indriyāni. **Upaparikkhāmīti** samantato ikkhāmi pariyesāmi samantacakkhunā pañca neyyapathe.

Tañhāphandanāya phandamānanti tañhācalanāya calamānaṃ. Ito paraṃ diṭṭhiphandanādidiṭṭhibyasanena dukkhena phandamānapariyosānaṃ vuttanayattā uttānameva. **Samphandamānanti** punappunaṃ phandamānaṃ. **Vipphandamānanti** nānāvidhena calamānaṃ. **Vedhamānanti** kampamānaṃ. **Pavedhamānanti** padhānena kampamānaṃ. **Sampavedhamānanti** punappunaṃ kampamānaṃ. Upasaggena vā padaṃ vaḍḍhitam.

Tañhānugatanti tañhāya anupaviṭṭham. **Tañhāyānusaṅgati** tañhāya anupatthataṃ. **Tañhāyāsannanti** tañhāya nimuggaṃ. **Tañhāya pātanti** tañhāya khittam. “Paripātita”nti vā pātho. **Abhibhūṭanti** tañhāya madditam ajjhotthataṃ. **Pariyādinnacittanti** khepetvā gahitacittam. Atha vā oghena gataṃ viya **tañhāgataṃ**. Upādiṇṇakarūpapaccayehi pativā gataṃ viya **tañhānugataṃ**. Udaḍḍhiṇṇam chādetvā patthataṇṇikā udaḍḍhiṇṇam viya **tañhānusaṅgataṃ**. Vaccakūpe nimuggaṃ viya **tañhāyāsannaṃ**. Rukkhaḍḍhiṇṇam pativā narake patitaṃ viya **tañhāpātitaṃ**. Upādiṇṇakarūpaṃ saṃyogaṃ viya **tañhāya abhibhūṭam**. Upādiṇṇakarūpapariggāhakassa uppannavipassanaṃ viya tañhāya **pariyādinnacittam**. Atha vā kāmaccandena **tañhāgataṃ**. Kāmapipāsāya **tañhānugataṃ**. Kāmāsavena **tañhānusaṅgataṃ**. Kāmapariḷāhena **tañhāyāsannaṃ**. Kāmajjhosānena **tañhāya pātitaṃ**. Kāmoghena **tañhāya abhibhūṭam**. Kāmupādānena tañhāya **pariyādinnacittanti** evameke vaṇṇayanti. **Kāmabhaveti** kāmāvacare. **Rūpabhaveti** rūpāvacare. **Arūpabhaveti** arūpāvacare. Tesam nānattaṃ heṭṭhā pakāsitaṃyeva.

Bhavābhavesūti bhavābhaveti bhavoti kāmadhātu. **Abhavoti** rūpārūpadhātu. Atha vā **bhavoti** kāmadhātu rūpadhātu. **Abhavoti** arūpadhātu. Tesu bhavābhavesu. **Kāmbhaveti** kāmavatte. **Punabbhaveti** ponobhavike vipākavatte. **Kāmbhaveti** kāmadhātuyā. **Kāmbhaveti** kāmavatte. Tattha kāmabhavo bhāvayati bhavo. **Kāmbhavo punabbhaveti** kāmadhātuyā upapattibhave vipākavatte. Vipākabhavo bhavati bhavo. **Rūpabhavā** dīsipi eseva nayo. Ettha ca “kāmbhavo rūpabhavo arūpabhavo”ti okāsabhavaṃ sandhāya vuttaṃ. Tīsipi “kāmbhavo”ti kāmabhavaṃ, tathā “punabbhavo”ti upapattibhavaṃ sandhāya vuttaṃ. **Punappunabbhaveti** aparāparaṃ uppattiyam. **Gatīyati** pañcagatīyā aññatarāya. **Attabhāvābhiniḍḍiyati** attabhāvānaṃ abhiniḍḍiyā. **Avītatāṇhāti** mūlapadaṃ. **Avīgatāṇhāti** khaṇikasamādhī viya khaṇikappahānābhāvena na vīgatā tañhā etesanti avīgatāṇhā. **Acattatāṇhāti** tadanāpappahānābhāvena apariccattatāṇhā. **Avantatāṇhāti** vikkhambhanappahānābhāvena na vantatāṇhāti avantatāṇhā. **Amuttatāṇhāti** accantasamucchedappahānābhāvena na muttatāṇhā. **Appahīnatāṇhāti** paṭippassaddhippahānābhāvena na pahīnatāṇhā. **Appaṇissatāṇhāti** nissaraṇappahānābhāvena bhavo patitthitaṃ anusayakilesaṃ appaṇissajjivā tthitattā appaṇissatāṇhā.

12. Idāni yasmā avīgatāṇhā evaṃ phandanti ca lapanti ca, tasmā tañhāvināye samādapento “**mamāyite**”ti gāthamāha. Tattha **mamāyite** tañhādiṭṭhimamattehi “mama”nti pariggahite vatthusmiṃ. **Passathāti** sotāre ālapanto āha. **Etampīti** etampi ādīnaṃ. Sesam pākāṭameva.

Dve mamattāti dve ālayā. **Yāvattāti** paricchedaniyamatte nipāto. **Tañhāsaṅkhātenāti** tañhākoṭṭhāsena, saṅkhā saṅkhātanti atthato ekaṃ “saññānīdānā hi papañcasāṅkhā”tiādisu (su. ni. 880) viya. **Simakatanti** aparicchedadosavirahitaṃ mariyādakataṃ “tīyojanaparamaṃ sīmaṃ sammannitu”nti ādisu (mahāva. 140) viya. **Odhikatanti** vacanaparicchedadosavirahitaṃ paricchedakataṃ sīmantarīkarukkhō viya. **Pariyantakatanti** paricchedakataṃ. Sīmantarīkarukkhō pana dvinnam sādharānaṃ, ayaṃ pana ekābaddhatālapanti viya katanti pariyantakataṃ. **Pariggahitanti** kālantarepi parāyattaṃ muñcivā sabbākārena gahitaṃ. **Mamāyitanti** ālayakataṃ vassūpagataṃ senāsanaṃ viya. **Idam mamanti** samīpe tthitaṃ. **Etam mamanti** dūre tthitaṃ. **Ettakanti** parikkhāriyamaṇaṃ “ettakampi nappaṭibhāseyyā”ti viya. **Ettāvattāti** paricchedatthehi nipātanīyamaṇaṃ “ettāvattā kho mahānāmā”ti viya. **Kevalampi mahāpathavinti** sakalampi mahāpathaviṃ.

Aṭṭhasataṃ tañhāvīcaritanti aṭṭhuttarasataṃ tañhāgamanavīthāraṃ. Aṭṭhuttarasataṃ kathaṃ hotīti ce? Rūpatāṇhā... pe... dhammatāṇhāti evaṃ cakkhudvārādīsū javanavīthiyā pavattā tañhā “setthiputto, brāhmaṇaputto”ti evamādīsū pitito laddhānāmā viya pitusadisārammaṇe bhūtā. Ettha ca rūpārammaṇā rūpe tañhāti rūpatāṇhā. Sā kāmarāgabhāvena rūpaṃ assādentī pavattamānā kāmatāṇhā. Sassatadiṭṭhisahagatarāgabhāvena “rūpaṃ niccaṃ dhuvam sassata”nti evam assādentī pavattamānā bhavataṇhā. Uccchedadiṭṭhisahagatarāgabhāvena “rūpaṃ ucchijjati vinassati pacchedam bhavissati”ti evam assādentī pavattamānā vibhavataṇhāti evaṃ tivīdhā hoti. Yathā ca rūpatāṇhā, tathā saddatāṇhādayopīti etāni aṭṭhārasa tañhāvīcaritāni honti. Tāni ajjhattarūpādīsū aṭṭhārasa, bahiddhārūpādīsū aṭṭhārasāti chattīmsa, iti atītāni chattīmsa, anāgatāni chattīmsa, paccuppanāni chattīmsāti aṭṭhasataṃ. Ajjhattikassa upādāya “asmī”ti hoti, “itthasmī”ti hotīti vā evamādīni ajjhattīkarūpādīnissitāni aṭṭhārasa, bāhirassupādāya iminā “asmī”ti hoti, iminā “itthasmī”ti hotīti bāhirarūpādīnissitāni aṭṭhārasāti chattīmsa. Iti atītāni chattīmsa, anāgatāni chattīmsa, paccuppanāni chattīmsāti evampi aṭṭhasatāṇhāvīcaritāni honti.

Visativatthukā sakkāyadīṭṭhīti rūpādīnaṃ pañcanaṃ khandhānaṃ ekekampi “rūpaṃ attato samanupassati”tiādinā (paṭi. ma. 1.130-131) nayena catudhā gāhavasena pavattāni vatthūni katvā uppannā vijjānāṇaṭṭhena satī khandhapañcakasaṅkhāte kāye diṭṭhīti sakkāyadīṭṭhīti. **Dasavatthukā micchādīṭṭhīti** “natthi dīnaṃ, natthi yīṭṭha”ntiādinayappavattā micchādīṭṭhīti, ayāthāvādīṭṭhīti virajjhivā gahaṇato vā vitathā diṭṭhīti micchādīṭṭhīti, anattābhavattā

paṇḍitehi kucchitā diṭṭhītipi micchādiṭṭhi. Sā ayoniso abhinivesalakkhaṇā, parāmāsarasā, micchābhinivesapaccupaṭṭhānā, ariyānamadassanakāmatā dipadaṭṭhānā, paramavajjāti daṭṭhabbā. **Dasavattukā antaggāhikā diṭṭhīti** sassato loko, asassato loko, antavā loko”ti ādinayappavattā ekekaṃ koṭṭhāsaṃ patiṭṭhaṃ katvā gahaṇavasena evaṃ pavattā diṭṭhi dasavattukā antaggāhikā diṭṭhi. **Yā evarūpā diṭṭhīti** yā evaṃjātikā diṭṭhi. **Diṭṭhigatanti** diṭṭhisu gataṃ. Idam dassanaṃ dvāsaṭṭhidiṭṭhiantogadhattāti diṭṭhigataṃ, diṭṭhiyeva duratikkamaṇaṭṭhena gahaṇaṃ **diṭṭhigahaṇaṃ** tiṇagahaṇavanagahaṇapabbatagahaṇāni viya. Sāsānkaṣaṭṭhābhayaṭṭhena **diṭṭhikantāraṃ** corakantāravāḷakantāranirudakakantāradubbhikkhakantāra viya. Sammādiṭṭhiyā vinivijjhaṇaṭṭhena vilomaṇaṭṭhena ca **diṭṭhivisūkāyikaṃ**. Micchādassanaṇhi uppajjamānaṃ sammādassanaṃ vinivijjhati ceva vilometi ca. Kadāci sassatassa, kadāci ucchedassa gahaṇato diṭṭhiyā virūpaṃ phanditanti **diṭṭhivipphanditaṃ**. Diṭṭhigatiko hi ekasmiṃ patiṭṭhātuṃ na sakkoti. Kadāci sassataṃ anussarati, kadāci ucchedaṃ. Diṭṭhiyeva bandhanaṭṭhena saṃyojananti **diṭṭhisasāyojanaṃ**. Susumārādayo viya purisaṃ ārammaṇaṃ daḷhaṃ gaṇhātīti **gāho**. Patiṭṭhānato **patiṭṭhāho**. Ayaṇhi balavapavattibhāvena patiṭṭhahitvā gaṇhāti. Niccādivasena abhinivisaṭṭhi **abhiniveso**. Dhammasabhāvaṃ atikkamitvā niccādivasena parato āmasaṭṭhi **parāmāso**. Anathāvahattā kucchito maggo, kucchitānaṃ vā apāyānaṃ maggoti **kummaggo**. Ayāthāvapathato **micchāpatho**. Yathā hi disāmūlhena “ayaṃ asukagāmaṇa nāma patho”ti gahitopi taṃ gāmaṃ na sampāpeti, evaṃ diṭṭhigatikena “sugatipatho”ti gahitopi diṭṭhi sugatiṃ na pāpeti ayāthāvapathato micchāpatho. Micchāsabhāvato **micchattaṃ**. Tattheva paribbhaṇato taranti ettha bālāti titthaṃ, titthaṇca taṃ anathānaṇca āyatananti **titthāyatanaṃ**, titthiyānaṃ vā saṅjātidesaṭṭhena nivāsaṭṭhānaṭṭhena ca āyatanantipi **titthāyatanaṃ**. Vipariyesabhūto gāho, vipariyesato vā gāhoti **vipariyesaggāho**. Asabhāvagāhoti **viparitaggaṃ**. “Anicce nicca”ti ādinayappavattavasena parivattetvā gāho **vipallāsaggāho**. Anupāyagāho **micchāgāho**. Ayāthāvakaṃ viya vattusmiṃ na sabhāvasmim vattusmiṃ tathaṃ yāthāvakaṃ sabhāvanti gāho “**ayāthāvakaṃ viya yāthāvaka**”nti gāho. **Yāvātīti** yattakā. **Dvāsaṭṭhidiṭṭhigatanti** brahmagāle (dī. ni. 1.29 ādayo) āgatāni dvāsaṭṭhidiṭṭhigatāni.

Acchedasaṃkinopi phandantīti acchinditvā pasayha balakkārena gaṇhissantīti uppansasaṃkinopi calanti. **Acchindantepīti** vuttanayena acchijjantepi. **Acchinnepi** vuttanayena acchinditvā gahitepi. **Vipariṇāmasaṃkinopi**ti parivattetvā aññathābhāvena āsaṃkinopi. **Vipariṇāmantepīti** viparivattanakālepi. **Vipariṇatepi**ti viparivattitepi. **Phandantīti** calanti. **Samphandantīti** sabbākārena calanti. **Vipphandantīti** vividhākārena phandanti. **Vedhantīti** bhayaṃ disvā kampanti. **Pavedhantīti** chambhitattā bhayena visesena kampanti. **Sampavedhantīti** lomahaṃsanabhayaṇa sabbākārena kampanti. **Phandamāneti** upayogabahuvacanaṃ. **Appodaketi** mandodake. **Parittodaketi** luḷitodake. **Udakapariyādāneti** khīṇodake. **Balākāhi vāti** vuttāvasesāhi pakkhijjātīhi. **Paripāṭiyamānāti** vihiṃsiyamānā ghaṭṭiyamānā. **Ukkhipiyamānāti** kaddamantarato nīhariyamānā giliyamānā vā. **Khajjamānāti** khādiyamānā. **Phandanti** kākehi. **Samphandanti** kulalehi. **Vipphandanti** balākāhi. **Vedhanti** tuṇḍena gahitakāle maraṇavasena. **Pavedhanti** vijjhanakāle. **Sampavedhanti** maraṇasamīpe.

Passivāti agūṇaṃ passivā. **Tulayitvāti** guṇāguṇaṃ tulayitvā. **Tīrayitvāti** guṇāguṇaṃ vitthāretvā. **Vibhāvayitvāti** vatthuhānabhāgiṃ muñcitvā vajjetvā. **Vibhūtaṃ katvāti** nipphattiṃ pāpetvā āveṇikaṃ katvā. Atha vā saṃkiṇṇadosaṃ mocetvā vatthuvibhāgakaṇaṇa **passivā**. Aparicchedadosaṃ mocetvā pamāṇakaṇaṇavasena **tulayitvā**. Vatthudosaṃ mocetvā vibhāgakaṇaṇavasena **tīrayitvā**. Sammohadosaṃ mocayitvā aggavibhāgakaṇaṇavasena **vibhāvayitvā**. Ghanadosaṃ mocetvā pakativibhāgakaṇaṇa **vibhūtaṃ katvā**. **Pahāyāti** pajahitvā. **Paṭinissajjitvāti** nissajjitvā. **Amamāyantoti** taṇhādiṭṭhīhi ālayaṃ akaronto. **Agāṇhantoti** diṭṭhiyā pubbhāge paññāya taṃ na gaṇhanto. **Aparāmasantoti** vitakkena ūhanaṃ akaronto. **Anabhinivesantoti** niyāmokkanti diṭṭhivasena nappavisanto.

Akubbamānoti pariggāhataṇhāvasena akaronto. **Ajanayamānoti** ponobhavitāṇhāvasena ajanayamāno. **Asañjanayamānoti** visesena asaṅjanayamāno. **Anibbattayamānoti** patthanāṇhāvasena na nibbattayamāno. **Anabhinibbattayamānoti** sabbākārena na abhinibbattayamāno. Upasaggavasena vā etāni padāni vaḍḍhitāni. Evamettha paṭhamagāthāya assādaṃ.

13. Tato parāhi catūhi gāthāhi ādīnavaṇca dassetvā idāni saupāyaṃ nissaraṇaṃ nissaraṇānisamsaṇca dassetuṃ, sabbāhi vā etāhi kāmānaṃ ādīnavaṇ okāraṃ saṃkilesaṇca dassetvā idāni nekkhamme ānisamsaṃ dassetuṃ “**ubhosu antesū**”ti gāthādvayamāha. Tattha **ubhosu antesūti** phassaphassasamudayādīsu dvīsu, dvīsu paricchedesu. **Vineyya chandanti** chandarāgaṃ vinetvā. **Phassaṃ pariññāyāti** cakkhusamphassādiṭṭhassaṃ, phassānusārena vā taṃsampayutte sabbepi arūpadhamme, tesam vatthudvārāmaṇavasena rūpadhamme cāti sakalampi nāmarūpaṃ tīhi pariññāhi pariṇāyitvā. **Anānugiddhoti** rūpādīsu sabbadhammesu agiddho. **Yadattagarahī tadakubbamānoti** yaṃ attanā garahati, taṃ akurumāno. **Na limpatī diṭṭhasutesu dhīroti** so evarūpo dhitisampanno dhīro diṭṭhesu ca sutesu ca dhammesu dvinnaṃ lepānaṃ ekenāpi lepēna na limpati, ākāsamiva nirupalitto accantavodānappatto hoti.

Phasso eko antoti phasso ekaparicchedo. Phusaṭṭhi phasso. Svāyaṃ phusanalakkhaṇo, saṅghaṭṭanaraso, sannipātapaccupaṭṭhāno, āpāthagatavisayapadaṭṭhāno. Ayaṇhi arūpadhammopi samāno ārammaṇe phusanākāreṇa pavattatīti phusanalakkhaṇo. Ekadeseneva anallīyamānopi rūpaṃ viya cakkhuṃ, saddo viya ca sotaṃ cittaṃ ārammaṇaṇca saṅghaṭṭetīti saṅghaṭṭanaraso, vatthārammaṇasaṅghaṭṭanato vā uppānattā sampattiatthenapi rasena “saṅghaṭṭanaraso”ti veditabbo. **Vuttaṇhetam aṭṭhakathāyaṃ** –

“Catubhūmakaphasso no phusanalakkhaṇo nāma natthi, saṅghaṭṭanaraso pana pañcadvārikova hoti. Pañcadvārikassa hi phusanalakkhaṇotipi saṅghaṭṭanarasotipi nāmaṃ. Manodvārikassa phusanalakkhaṇotveva nāmaṃ,

na saṅghaṭṭanaraso’’ti (dha. sa. aṭṭha. 1, kāmāvacarakusala, dhammuddesakathā).

Idaṅca vatvā idaṃ suttaṃ (mi. pa. 2.3.8) ābhaṭaṃ –

“Yathā, mahārāja, dve meṇḍā yujjheyuṃ, yathā eko meṇḍo, evaṃ cakkhu daṭṭhabbaṃ. Yathā dutiyo meṇḍo, evaṃ rūpaṃ daṭṭhabbaṃ. Yathā tesam sannipāto, evaṃ phasso daṭṭhabbo. Evaṃ phusanalakkhaṇo ca phasso saṅghaṭṭanaraso ca. Yathā, mahārāja, dve sammā vajjeyuṃ, dve pāṇī vajjeyuṃ. Yathā eko pāṇī, evaṃ cakkhu daṭṭhabbaṃ. Yathā dutiyo pāṇī, evaṃ rūpaṃ daṭṭhabbaṃ. Yathā tesam sannipāto, evaṃ phasso daṭṭhabbo. Evaṃ phusanalakkhaṇo ca phasso saṅghaṭṭanaraso cā’’ti vitthāro.

Yathā vā “cakkhunā rūpaṃ disvā’’tiādīsu (dha. sa. 1352, 1354) cakkhuvīññānādīni cakkhuādināmena vuttāni, evamidhāpi tāni cakkhuādināmeneva vuttānti veditabbāni. Tasmā “evaṃ cakkhu daṭṭhabba’’ntiādīsu evaṃ cakkhuvīññānaṃ daṭṭhabbanti iminā nayena attho veditabbo. Evaṃ sante cittārammaṇasaṅghaṭṭanato imasmimpi sutte kiccaṭṭheneva rasena “saṅghaṭṭanaraso’’ti siddho hoti. Tiṇṇaṃ sannipātasāṅkhātassa pana attano kāraṇassa vasena paveditattā sannipātapaccupaṭṭhāno. Ayañhi tattha tattha “tiṇṇaṃ saṅgati phasso’’ti evaṃ kāraṇasseva vasena paveditoti. Imassa ca suttapadassa tiṇṇaṃ saṅgatiyā phassoti ayamatto, na saṅgatiṃmattameva phasso.

Evaṃ paveditattā pana tenevākārena paccupaṭṭhātīti “sannipātapaccupaṭṭhāno’’ti vutto. Phalaṭṭhena pana paccupaṭṭhānena vedanāpaccupaṭṭhāno nāma hoti. Vedanaṃ hesa paccupaṭṭhāpeti, uppādetīti attho. Uppādayamāno ca yathā bahiddhā uṇhapaccayāpi samānā lākhāsāṅkhātadhātunissitā usmā attano nissaye mudubhāvākārī hoti, na attano paccayabhūtepi bahiddhā vitaccitaṅgārasāṅkhāte uṇhabhāve. Evaṃ vatthārammaṇasaṅkhātāaṅṅāpaccayopi samāno cittanissitattā attano nissayabhūte citte eva esa vedanuppādako hoti, na attano paccayabhūtepi vatthumhi ārammaṇevāti veditabbo. Tajjena samannāhārena pana indriyena ca parikkhate visaye anantarāyena uppajjanato esa “āpāthagatavisayapadaṭṭhāno’’ti vuccati.

Phasso yato samudeti uppajjati, so “phassasamudayo’’ti vuccati. Vuttañhetam – “saḷāyatanapaccayā phasso’’ti (mahāva. 1; vibha. 225). Atītaduko kālavasena vutto. Vedanāduko “upekkhā pana santattā, sukhamicceva bhāsītā’’ti (vibha. aṭṭha. 232) vuttattā upekkhāvedanaṃ sukhameva katvā sukhadukkhavasena, nāmarūpaduko rūpārūpavasena, āyatanaduko saṃsārapavattivasena, sakkāyaduko pañcakkhandhavasena vuttoti veditabbo. Tattha sukhayatīti **sukhā**. Vedayatīti **vedanā**. Dukkhatīti **dukkhā**. Namanalakkhaṇaṃ **nāmaṃ**. Rupanalakkhaṇaṃ **rūpaṃ**. Cakkhāyatanādīni **cha ajjhantikāni**. Rūpāyatanādīni **cha bāhirāni**. Rūpakkhandhādayo pañcakkhandhā vijjamaṇaṭṭhena **sakkāyo**. Avijjākammataṅṅāhārahaphassanāmarūpā **sakkāyasamudayo**.

Cakkhusamphassoti cakkhatīti cakkhu, rūpaṃ assādeti vibhāveti cāti attho. Cakkhuto pavatto samphasso cakkhusamphasso. So pana attanā sampayuttāya vedanāya saḷāyatanāpaccayāvipākāhārasampayuttaatthiavigatavasena aṭṭhadhā paccayo hoti. Suṇāntīti **sotaṃ**. Taṃ sasambhārasotabilassa anto tanutambalomācīte aṅguliveṭhakasaṅṅhāne padese sotaviññānādīnaṃ yathārahaṃ vatthudvārabhāvaṃ sādhamānaṃ tiṭṭhati. Sotato pavatto samphasso **sotasamphasso**. **Ghānasamphassā**dīsupi eseva nayo. Ghāyatīti ghānaṃ. Taṃ sasambhārabilassa anto ajapadasaṅṅhāne padese ghānaviññānādīnaṃ yathārahaṃ vatthudvārabhāvaṃ sādhamānaṃ tiṭṭhati. Jīvitamavhāyatīti **jivhā**, sāyanaṭṭhena vā **jivhā**. Sā sasambhārajivhāya ataggamūlapassāni vajjetvā uparimatalamajjhe bhinnappaladalaggasaṅṅhāne padese jivhāviññānādīnaṃ yathārahaṃ vatthudvārabhāvaṃ sādhamānā tiṭṭhati. Kucchitānaṃ sāsavadhamānaṃ āyoti **kāyo**. Āyoti uppattideso. Yāvatā imasmim kāye upādīṇṅapavatti nāma atthi, tattha yebhuyyena kāyappasādo kāyaviññānādīnaṃ yathārahaṃ vatthudvārabhāvaṃ sādhamāno tiṭṭhati. Munāntīti **mano**, vijjāntīti attho. **Manoti** sahāvajjanabhavaṅgaṃ; manato pavatto samphasso **manosamphasso**.

Chabbidhampi phassaṃ duvidhameva hotīti dassetuṃ “**adhivacanasamphasso paṭighasamphasso**’’ti āha. Manodvāriko **adhivacanasamphasso**. Pañcadvāriko vatthārammaṇādiṭṭhena uppajjanato **paṭighasamphasso**.

Sukhavedanāya ārammaṇe **sukhavedanīyo**. Dukkavedanāya ārammaṇe **dukkhavedanīyo**. Adukkhamasukhavedanāya ārammaṇe **adukkhasukhavedanīyo**. Tattha sukhayatīti sukhaṃ, yassuppajjati, taṃ sukhitam karotīti attho. Suṭṭhu vā khanati, khādati ca kāyaccitābhādhanti sukhaṃ. Dukkhatīti dukkhaṃ, yassuppajjati, taṃ dukkhitam karotīti attho. Na dukkham na sukhanti adukkhasukhaṃ, **ma-kāro** padasandhivasena vutto.

Kusalotiādāyo jātivāsena vuttā. Tattha **kusaloti** ekavīsatikusalacittasampayutto. **Akusaloti** dvādasākusalacittasampayutto. **Abyākatoti** avasesavipākakiriyābyākatacittasampayutto.

Puna bhavappabhedavasena niddisanto “**kāmāvacaro**’’tiādīmāha. Catupaññāsakāmāvacaracittasampayutto **kāmāvacaro**. Kāmaṃ pahāya rūpe avacarātīti **rūpāvacaro**, kusalābyākatavasena pañcadasarūpāvacaracittasampayutto. Kāmaṅca rūpaṅca pahāya arūpe avacarātīti **arūpāvacaro**, kusalābyākatavasena dvādasarūpāvacaracittasampayutto.

Idāni abhinivesavasena dassento “**suññato**’’tiādīmāha. Tattha **suññatoti** rāgadosamohehi suññatā suññato. Rāgadosamohanimittehi animittatā **animitto**. Rāgadosamohaṇidhīnaṃ abhāvato **appaṇihitoti** vuccati.

Idāni vaṭṭapariyāpannaapariyāpannavasena dassento “**lokiyo**”tiādimāha. Loko vuccati lujjanapalujjanatṭhena vaṭṭam, tasmim̄ pariyāpannabhāvena loke niyuttoti **lokiyo**. Utṭiṇṇoti uttaro, loke apariyāpannabhāvena lokato uttaroti **lokuttaro**. **Phusanāti** phusanākāro. **Samphusanā samphusitattanti** upasaggena padaṃ vaḍḍhitam̄.

Evam̄ nātam̄ katvāti evam̄ pākāṭam̄ katvā jānanto **tīreti** tīrayati, upari vattabbākārena cinteti. Aniccantikātāya ādiantavantatāya ca **aniccato** tīreti. Uppādavayapaṭipīlanatāya dukkhavattatūyāya ca **dukkhato**. Paccayayāpanīyatāya rogāmūlatāya ca **rogato**. Dukkhatāsūlayogitāya kilesāsucipaggharatāya uppādajarābhāṅgehi uddhumātāparipakkapabhinnatāya ca **gaṇḍato**. Pīḷājanakatāya antotudanatāya dunnīharāṇīyatāya ca **sallato**. Vīgarahāṇīyatāya avaḍḍhiāvahanatāya aghavattatūyāya ca **aghato**. Aseribhāvajanakatāya ābādhapadaṭṭhānatāya ca **ābādhato**. Avasatāya avidheyatāya ca **parato**. Byādhijarāmarāṇehi lujjanapalujjanatāya **palokato**. Anekabyasanāvahanatāya **ītito**. Aviditānam̄yeva vipulānam̄ anattānam̄ āvahanato sabbūpaddavavattatūyāya ca **upaddavato**. Sabbabhayānam̄ ākaratāya ca dukkhavūpasamasāṅkhātassa paramassāsassa paṭipakkhabhūtāya ca **bhayato**. Anekehi anattāhehi anubaddhatāya dosūpasatṭhatāya, upasaggo viya anadhivāsānarāhatāya ca **upasaggo**. Byādhijarāmarāṇehi ceva lābhādīhi ca lokadhammehi pacalitātāya **calato**. Upakkamena ceva sarasena ca pabhaṅgupagamānasīlatāya **pabhaṅgato**. Sabbavattāhavinīpātītāya, thirabhāvassa ca abhāvātāya **adhvato**. Atāyanatāya ceva alabbhaneyyakhematāya ca **atāṇato**. Allīyitum̄ anarahatāya, allīnānam̄pi ca leṇakiccākāritāya **aleṇato**. Nissitānam̄ bhayasārakattābhāvena **asaraṇato**. Yathāparikappitehi dhuvasubhasukhattabhāvehi rittatāya **rittato**. Rittatāyeva **tucchato**, appakattā vā. Appakampi hi loke “**tucchā**”nti vuccati. Sāminivāsivedaka kārakādhiṭṭhāyakavirahitatāya **suññato**.

Sayaṅca asāmikabhāvādītāya **anattato**. Pavattidukkhatāya, dukkhassa ca ādīnavatāya **ādīnavato**. Atha vā ādīnam̄ vāti gacchatī pavattatīti ādīnavo, kapaṇamanussassetam̄ adhivacanam̄. Khandhāpi ca kapaṇāyevāti ādīnavasadisatāya **ādīnavato**. Jarāya ceva marāṇena cāti dvedhā pariṇāmapakatītāya **vipariṇāmadhammato**. Dubbalatāya, pheggu viya sukhabhāṇījanīyatāya ca **asārakato**. Aghahetutāya **aghamūlato**. Mīttamukhasapatto viya vissāsaghātītāya **vadhakato**. Vīgatabhavatāya vibhavasambhūtātāya ca **vibhavato**. Āsavapadaṭṭhānatāya **sāsavato**. Hetupaccayehi abhisāṅkhatātāya **saṅkhatato**. Maccumārakilesamārānam̄ āmisabhūtātāya **mārāmisato**. Jātījarābyādhimarāṇapakatītāya **jātījarābyādhimarāṇadhammato**. Sokaparidevaupāyāsahetutāya **sokaparidevaupāyāsadhammato**. Taṅhādīṭṭhiduccaritasāṅkilesānam̄ visayadhammatāya **sāṅkilesadhammato**. Avijjākammataṅhāsāḷāyatānavasena uppattito **samudayato**. Tesam̄ abhāvena **atthaṅgamato**. Phasse chandarāgavasena madhurassādena **assādato**. Phassassa vipariṇāmena **ādīnavato**. Ubhinnaṃ nissaraṇena **nissaraṇato tīreti** ti sabbesu ca imesu “**tīreti**”ti pāṭhaseso daṭṭhabbo.

Pajahatīti sakasantānato nīharatī. **Vinodetīti** tudatī. **Byantiṃ karotīti** vīgatantam̄ karotī. **Anabhāvam̄ gamefīti** anu anu abhāvam̄ gametī. Ariyamaggasatṭhena ucchinnaṃ taṅhāvījjāmayam̄ mūlametesanti **ucchinnaṃ mūlā**. Tālavatthu viya nesam̄ vatthu katanti **tālāvattukātā**. Yathā hi tālarukkham̄ samūlam̄ uddharitvā tassa vatthumatte tasmim̄ padese kate na puna tassa tālassa uppatti paññāyati, evam̄ ariyamaggasatṭhena samūle rūpādirase uddharitvā tesam̄ pubbe uppānapubbabhāvena vatthumatte cittasantāne kate sabbepi te “**tālāvattukātā**”ti vuccanti. **Yassesoti** yassa puggalassa eso gedho. **Samucchinnoti** ucchinno. **Vūpasantoti** phalena vūpasanto. **Paṭipassaddhoti** paṭipassaddhippāhānena paṭipassambhito. Upasaggena vā padaṃ vaḍḍhitam̄. **Abhabbuppattikoti** puna uppajjitum̄ abhabbo. **Nāṇagginā daḍḍhoti** maggañāṇagginā jhāpito. Atha vā vīsanikkhittam̄ bhājanena saha chaḍḍitam̄ viya vatthunā saha pahīno. Mūlacchinnavisavallī viya samūlacchinnoti **samucchinno**. Uddhane udakam̄ siñcitvā nibbāpitaṅgāram̄ viya **vūpasanto**. Nibbāpitaṅgāre patitaudakaphusitam̄ viya **paṭipassaddho**. Ankuruppattiyā hetucchinnaṃbījam̄ viya **abhabbuppattiko**. Asanipātavisarukkho viya **nāṇagginā daḍḍhoti** evameke vaṇṇayanti.

Vītagedhoti idaṃ sakabhāvapariccajanavasena vuttam̄. **Vīgatedhoti** idaṃ ārammaṇe sālāyabhāvapariccajanavasena. **Cattagedhoti** idaṃ puna anādiyanabhāvadassanavasena. **Muttagedhoti** idaṃ santatīto vinimocanavasena. **Pahīnagedhoti** idaṃ muttassāpi kvaci anavaṭṭhānadassanavasena. **Paṭinissatṭhagedhoti** idaṃ ādīnnapubbassa nissaggadassanavasena vuttam̄. **Vītarāgo vīgatarāgo cattarāgoti** vuttanayena yojetabbam̄. Tattha giḷḷhanavasena **gedho**. Rañjanavasena **rāgo**. **Nicchātoti** nittāṅho. “**Nicchado**”tipi pāṭho, taṅhāchadanavirahitoti attho. **Nibbutoti** nibbutasabhāvo. **Sītībhūtoti** sītasabhāvo. **Sukhapaṭīsamvedīti** kāyīkacetāsīkasukham̄ anubhavanasabhāvo. **Brahmabhūtenāti** uttamasabhāvena. **Attanāti** cittena.

Katattā cāti pāpakammānam̄ katabhāvena ca. **Akatattā cāti** kusalānam̄ akatabhāvena ca. **Katam̄ me kāyaduccaritam̄, akatam̄ me kāyasucaritanti**ādayo dvāravasena avirativirativasena kammāpathavasena ca vuttā. **Sīlesumhi na paripūrākārīti**ādayo catupārisuddhisīlavasena. **Jāgarīyamananuyuttoti** pañcajāgaraṇavasena. **Satisampajāññenāti** sātthakādisampajāññavasena. **Cattāro satipaṭṭhānāti**ādayo bodhipakkhiyadhammā lokiyalokuttaravasena. **Dukkham̄ me aparīññānti**ādayo cattāro ariyasaccavasena vuttāti vedītabbam̄. Te atthato tattha tattha vuttanayattā pākāṭāyeva.

Dhīro paṇḍitoti satta padā vuttatthāyeva. Api ca dukkhe akampiyatṭhena **dhīro**. Sukhe anuppilavatṭhena **paṇḍito**. Dīṭṭhadhammikasamparāyīkatthe katapariccayātṭhena **paññāvā**. Attatthaparatthe niccalaṭṭhena **buddhimā**. Gambhīrauttānatthe apaccosakkanaṭṭhena **ñāṇī**. Guḷḷhapaṭicchannatthe obhāsanaṭṭhena **vibhāvī**. Nikkilesabyavadānaṭṭhena tulāsadisoti **medhāvī**. **Na limpatīti** sajātīyā na limpatī ākāse lekhā viya. **Na palimpatīti** vīsesena na limpatī. **Na upalimpatīti** saññogo hutvāpi na limpatī hatthatale lekhā viya. **Alittoti** saññogo hutvāpi na kilissatī kāsīkavatthe ṭhapitamaṇīratanam̄ viya. **Apalittoti** vīsesena na kilissatī maṇīratane paliveṇṭhitakāsīkavattham̄ viya. **Anupalittoti** upagantvāpi na allīyati pakkharapatte udakabindu viya. **Nikkhanotīti** bahi nikkhanto bandhanāgāratō palāto viya. **Nissatoti** pāpapahīno amittassa paṭicchāpitakīlīṭṭhāvattu viya. **Vippamuttoti** suṭṭhu mutto gayhūpage vatthumhi ratim̄ nāsetvā puna nāgamanam̄ viya. **Visaṇṇuttoti** kilēsehi ekato na yutto

byādhinā muttagilāno viya. **Vimariyādikatena cetasāti** vigatamariyādakatena cittena, sabbabhavena sabbārammaṇena sabbakilesehi muttacittenaāti attho.

14. Saññaṃ pariññāti gāthāya pana ayaṃ saṅkhepattho – na kevalaṅca phassameva, api ca kho pana kāmasaññā dibhedam saññaṃ, saññānūsārena vā pubbe vuttanayeneva nāmarūpaṃ tīhi pariññāhi pariññitvā imāya paṭipadāya catubbidhampi vitareyya **ogham**, tato so tiṇṇogho taṇhādittipariggahesu taṇhādittikilesappahānena anupalitto khīṇāsavamuni rāgādisallānaṃ abbūḷhattā **abbūḷhasallo**, sativapullappattiyā **appamatto caram**, pubbhāge vā appamatto caranto tena appamādacārena abbūḷhasallo hutvā sakaparattabhāvādibhedam **nāsīsati lokamimaṃ paraṅca**, aññadattu carimacittanirodhā nirupādānova jātavedo parinibbātī arahattanikūtena desanaṃ niṭṭhāpesi, dhammanettiṭṭhapanameva karonto; na tu imāya desanāya maggaṃ vā phalaṃ vā uppādesi, khīṇāsavassa desittatī.

Nīlādibhedam ārammaṇaṃ sañjānātīti **saññā**. Sā sañjānanalakkhaṇā paccābhīññānārasā. Catubhūmikasaññā hi nosañjānanalakkhaṇā nāma natthi, sabbā sañjānanalakkhaṇāva. Yā panettha abhiññānena sañjānāti, sā paccābhīññānārasā nāma hoti. Tassā vaḍḍhakissa dārumhi abhiññānaṃ katvā puna tena abhiññānena taṃ paccābhijānanakāle, purisassa kālatilakādiabhiññānaṃ sallakkhetvā puna tena abhiññānena “asuko nāma eso”ti tassa paccābhijānanakāle, rañño piḷandhanagopakabhaṅgārikassa tasmim tasmim piḷandhane nāmapaṇṇakaṃ bandhitvā “asukam piḷandhanaṃ nāma āharā”ti vutte dīpaṃ jāletvā sārāgabbhaṃ pavisitvā paṇṇaṃ vācētvā tassa tasseva piḷandhanassa āharaṅkāle ca pavatti vedittabbā.

Aparo nayo – sabbasaṅgāhikavasena hi sañjānanalakkhaṇā saññā, punasañjānanapaccayanimittakaraṇarasā dāruādīsu tacchakādayo viya, yathāgahitanimittasena abhinivesakaraṇapaccupaṭṭhānā hatthidassakaandho viya, ārammaṇe anogāḷhavuttitāya aciraṭṭhānapaccupaṭṭhānā vā vijju viya, yathāupaṭṭhitavisayapadaṭṭhānā tiṇṇapurisakesu migapotakānaṃ purisāti uppannasāññā viya. Yā panettha ñānasampayuttā hoti, sā ñānameva anuvattati, sasambhārapathavādīsu sesadhammā pathavādīni viyāti vedittabbā.

Kāmapaṭisaññuttā saññā **kāmasaññā**. Byāpādapāṭisaññuttā saññā **byāpādasaññā**. Vihimsāpaṭisaññuttā saññā **vihimsāsaññā**. Tesu dve sattesupi saṅkhāresupi uppajjanti. Kāmasaññā hi piye manāpe satte vā saṅkhāre vā vitakkentassa uppajjati. Byāpādasaññā appiye amanāpe satte vā saṅkhāre vā kujjhivā olokanakālate paṭṭhāya yāva vināsanā uppajjati. Vihimsāsaññā saṅkhāresu na uppajjati. Saṅkhāro hi dukkhāpetabbo nāma natthi. “Ime sattā haññantu vā, ucchijjantu vā, vinassantu vā, mā vā ahesu”nti cintanakāle pana sattesu uppajjati. Nekkhammapaṭisaññuttā saññā **nekkhammasaññā**, sā asubhapubbabhāge kāmāvacarā hoti, asubhajhāne rūpāvacarā, taṃ jhānaṃ pādakaṃ katvā uppannamaggaphalakāle lokuttarā. Abyāpādapāṭisaññuttā saññā **abyāpādasaññā**, sā mettāpubbhāge kāmāvacarā hoti, mettājhāne rūpāvacarā, taṃ jhānaṃ pādakaṃ katvā uppannamaggaphalakāle lokuttarā. Avihimsāpaṭisaññuttā saññā **avihimsāsaññā**, sā karuṇāpubbhāge kāmāvacarā, karuṇājhāne rūpāvacarā, taṃ jhānaṃ pādakaṃ katvā uppannamaggaphalakāle lokuttarā. Yadā alobho sīsaṃ hoti, tadā itare dve tadanvāyikā bhavanti. Yadā mettā sīsaṃ hoti, tadā itare dve tadanvāyikā bhavanti. Yadā karuṇā sīsaṃ hoti, tadā itare dve tadanvāyikā bhavanti. Rūpārammaṇaṃ ārabha uppannā saññā **rūpasāññā**. **Saddasaññā**disupi eseve nayo. Idaṃ tassāyeva ārammaṇato nāmaṃ. Ārammaṇaṃ vuttatā cakkhusamphassajādivatthūnipi vuttāneva hontī.

Yā evarūpā saññāti aññāpi “paṭighasamphassajā saññā adhivacanasamphassajā saññā”ti evamādikā vedittabbā. Tattha adhivacanasamphassajā saññāti pi pariyaēna chadvārikāyeva. Tayo hi arūpino khandhā sayam piṭṭhivaṭṭakā hutvā attanā saha jātasāññāya “adhivacanasamphassajā saññā”ti nāmaṃ karonti, nipariyaēna pana paṭighasamphassajā saññā nāma pañcadvārikā saññā, adhivacanasamphassajā saññā nāma manodvārikā saññā. Etā atirekasaññā pariggahitāti vedittabbā.

Saññāti sabhāvanāmaṃ. **Sañjānanāti** sañjānanākāro. **Sañjānitattanti** sañjānitabhāvo.

Avijjoghanti pūreṭuṃ ayuttaṭṭhena kāyaduccarītādi avindiyam nāma, aladdhabbanti attho. Taṃ avindiyam vindatīti avijjā. Tabbiparītato kāyasucarītādi vindiyam nāma, taṃ vindiyam na vindatīti avijjā. Khandhānaṃ rāsaṭṭhaṃ, āyatanānaṃ āyatanāṭṭhaṃ, dhātūnaṃ suññāṭṭhaṃ, indriyānaṃ adhipatiyaṭṭhaṃ, saccānaṃ tathaṭṭhaṃ aviditaṃ karotīti pi avijjā. Dukkhadānaṃ piḷanādivasena vuttaṃ catubbidham attham aviditaṃ karotīti pi avijjā. Antavirahite samsāre yonigatibhavavīññāṭṭhitisattāvāsesu satte javāpetīti avijjā. Paramatthato avijjamānesu itthipurisādīsu javati, vijjamānesu khandhādīsu na javatīti avijjā. Api ca cakkhuvīññānādīnaṃ vatthārammaṇaṃ paṭiccasamuppādapāṭiccasamuppānānaṅca dhammānaṃ chādanatopi avijjā, taṃ avijjogham. Kāmoghavasena **uttareyya**. Bhavoghavasena **patareyya**. Diṭṭhoghavasena **samatikkameyya**. Avijjoghavasena **vītivatteyya**. Atha vā sotāpattimaggena pahānavasena **uttareyya**. Sakadāgāmaggena pahānavasena **patareyya**. Anāgāmaggena pahānavasena **samatikkameyya**. Arahattamaggena pahānavasena **vītivatteyya**. Atha vā “**tareyyā**dipaṅcapadam tadanāgādīpaṅcapahānena yojetabba”nti keci vadanti.

“**Monam vuccati ñāṇa**”nti vatvā taṃ pabhedato dassetuṃ “**yā paññā pajānanā**”tiādīmāha. Taṃ vuttanayameva ṭhapētvā “amoho dhammavācayo”ti padam. **Amoho** kusalesu dhammesu abhāvanāya paṭipakkho bhāvanāhetu. Amohena aviparītam gaṅhātī mūḷhassa viparītaggaṇato. Amohena yāthāvaṃ yāthāvato dhārento yathāsabhāve pavattati. Mūḷho hi “tacchaṃ attacchaṃ, atacchaṅca taccha”nti gaṅhātī; tathā icchitālābhādukkhaṃ na hoti. Amūḷhassa “taṃ kutettha labbhā”ti evamādi paccavekkhaṇasambhavato maraṇadukkhaṃ na hoti. Sammohamaraṇāñhi dukkhaṃ, na ca taṃ amūḷhassa hoti. Pabbajitānaṃ sukhasamvāso hoti, tiracchānāyoniyam nibbatti na hoti. Mohena hi niccasammūḷhā tiracchānāyonim upapajjanti. Mohapaṭipakkho ca amoho mohavasena amajjhatabhāvassa abhāvako. Amohena avihimsāsaññā dhātusaññā majjhimāya

paṭipattiyā paṭipajjanam, pacchimaganthadvayassa pabhedanañca hoti. Pacchimāni dve satipaṭṭhānāni tasveva ānubhāvena ijjhanti. Amoho dīghāyukatāya paccayo hoti. Amūlho hi hitāhitam nātvā ahitam parivajjento hitaṇca paṭisevamāno dīghāyuko hoti, attasampattiyā aparihīno hoti. Amūlho hi attano hitameva karonto attānam sampādeti. Ariyavihārassa paccayo hoti, udāsīnapakkhesu nibbuto hoti amūlhassa sabbābhisaṅgatāya abhāvato. Amohena anattadassanam hoti. Asammūlho hi yāthāvagahaṇakusalo aparīṇāyakam khandhapañcakam aparīṇāyakato bujjhati. Yathā ca etena anattadassanam, evam attadassanam mohena. Ko hi nāma attasuññatam bujjhitvā puna sammoham āpajjeyyāti.

Tena nāṇena samannāgatoti etena vuttappakārena nāṇena samaṅgībhūto sekkhādayo muni. **Monappattoti** paṭiladdhañño munibhāvam patto. **Tiṇṭi** gaṇanaparicchedo. **Moneyyānīti** munibhāvakarā moneyyakarā paṭipadā dhammā. **Kāyamoneyyantiādīsu** viññattikāyarūpakāyavasena paññāpetabbaṃ **kāyamoneyyam**. Viññattivācāsaddavācāvasena paññāpetabbaṃ **vacimoneyyam**. Manodvārikacittādivasena paññāpetabbaṃ **manomoneyyam**. **Tividhakāyaduccaritānam pahānanti** pāṇātipātādividhānam kāyato pavattānam duṭṭhu caritānam pajahanaṃ. **Kāyasucaritanti** kāyato pavattam suṭṭhu caritam. **Kāyārammaṇe nāṇanti** kāyam ārammaṇam katvā aniccādivasena pavattam kāyārammaṇe nāṇam. **Kāyapariññāti** kāyam nāṭatīraṇappahānapariññāhi jānāvasena pavattam nāṇam. **Pariññāsahagato maggoti** ajjhattikam kāyam sammasitvā uppāditamaggo pariññāsahagato. **Kāye chandarāgassa pahānanti** kāye tañhāchandarāgassa pajahanaṃ. **Kāyasāṅkhāranirodhoti** assāsapassāsānam nirodho āvaraṇo, catutthajjhānasamāpattisamāpajjanam. **Vacīsāṅkhāranirodhoti** vitakkavicāraṇam nirodho āvaraṇo, dutiyajjhānasamāpattisamāpajjanam. **Cittasāṅkhāranirodhoti** saññāvedanānam nirodho āvaraṇo, saññāvedayitanirodhasamāpattisamāpajjanam.

Paṭhamagāthāya **kāyamunītiādīsu** kāyaduccaritappahānavasena **kāyamuni**. Vacīduccaritappahānavasena **vācāmuni**. Manoduccaritappahānavasena **manomuni**. Sabbākusalappahānavasena **anāsavamuni**. **Moneyyasampannanti** jānitabbaṃ jānitvā phale ṭhitattā moneyyasampannaṃ. **Āhu sabbappahāyinanti** sabbakilese pajahitvā ṭhitattā sabbappahāyinaṃ kathayanti.

Dutiyagāthāya **ninhātapāpakanti** yo ajjhatabhiddhasāṅkhāte sabbasmimpi āyatane ajjhatabhiddhārammaṇavasena uppattirahāni sabbapāpakāni maggañāṇena nihāya dhovitvā ṭhitattā ninhātapāpakam āhūti evamattho daṭṭhabbo. Agāramajjhe vasantā **agāramunino**. Pabbajjupagatā **anagāramunino**. Tattha sekkhā **sekkhamunino**. Arahanto **asekkhamunino**. Paccakabuddhā **paccekamunino**. Sammāsambuddhā **munimunino**.

Puna kathetukamyatāpucchāvasena “**katame agāramunino**”ti āha. **Agārikāti** kasigorakkhādiagārikakamme niyuttā. **Diṭṭhapadāti** diṭṭhanibbānā. **Viññātasāsānāti** viññātam sikkhattayasāsānam etesanti viññātasāsānā. **Anagāraṭi** kasigorakkhādiagāriyakammaṃ etesaṃ natthīti pabbajitā “anagārā”ti vuccanti. **Satta sekkhāti** sotāpannādayo satta. Tisu sikkhāsu sikkhantīti sekkhā. Arahanto na sikkhantīti asekkhā. Tam tam kāraṇam paṭicca ekakāva anācariyakāva catusaccaṃ bujjhitvantoti **paccakabuddhā paccekamunino**.

Munimunino vuccanti tathāgatāti ettha aṭṭhahi kāraṇehi bhagavā tathāgato – tathā āgatoti tathāgato, tathā gatoti tathāgato, tathalakkhaṇam āgatoti tathāgato, tathadhamme yāthāvato abhisambuddhoti tathāgato, tathadassitāya tathāgato, tathavādītāya tathāgato, tathākāritāya tathāgato, abhibhavanatṭhena tathāgatoti.

Katham bhagavā **tathā āgatoti tathāgato**? Yathā sabbalokahitāya ussukkamāpannā purimakā sammāsambuddhā āgatā. Kiṃ vuttam hoti? Yenābhinihārena purimakā bhagavanto āgatā, teneva amhākampi bhagavā āgato. Atha vā yathā purimakā bhagavanto dānasīlanekkhampapaññāvīriyakhantisaccādhīṭṭhānamettupekkhāsāṅkhātā dasa pāramiyo dasa upapāramiyo dasa paramatthapāramiyoti samatīmsapāramiyo pūretvā āṅgapariccāgaṃ nayanadhanarajjaputtadārapariccāgantī ime pañca mahāpariccāge pariccajivā pubbayogapubbacariyadhammakkhānāñatthacariyādayo pūretvā buddhacariyāya koṭṭim patvā āgatā, tathā amhākampi bhagavā āgato. Yathā ca purimakā bhagavanto cattāro satipaṭṭhāne, cattāro sammappadhāne, cattāro iddhipāde, pañcindriyāni, pañca balāni, satta bojjaṅge, ariyam aṭṭhaṅgikam maggaṃ bhāvetvā pūretvā āgatā, tathā amhākampi bhagavā āgato. Evam tathā āgatoti tathāgato.

“Yathā ca dīpaṅkarabuddhaādayo, sabbāññubhāvam munayo idhāgatā;
Tathā ayam sakyamunīpi āgato, tathāgato vuccati tena cakkhumā”ti.

Katham **tathā gatoti tathāgato**? Yathā sampatijātā purimakā bhagavanto gatā. Kathaṇca te gatā? Te hi sampatijātā samehi pādehi pathaviyam patīṭṭhāya uttarābhīmukhā sattapadavītihārena gatā. Yathāha –

“Sampatijāto, ānanda, bodhisatto samehi pādehi pathaviyam patīṭṭhahitvā uttarābhīmukho sattapadavītihārena gacchati, setamhi chatte anudhāriyamāne sabbā ca disā anuviloketi, āsabiñca vācam bhāsati – ‘agghomasmi lokassa, jeṭṭhomasmi lokassa, seṭṭhomasmi lokassa, ayamantimā jāti, natthi dāni punabbhavo’”ti (dī. ni. 2.31; ma. ni. 3.207).

Taṇcassa gamaṇam tatham ahoṣi avitatham anekesaṃ visesādhigamaṇam pubbanimittabhāvena. Yañhi so sampatijāto samehi pādehi patīṭṭhāti, idamassa caturiddhipādapaṭilābhassa pubbanimittam. Uttaramukhabhāvo panassa sabbalokuttarabhāvassa pubbanimittam. Sattapadavītihāro sattabojjhaṅgaratanapaṭilābhassa. “Suvaṇṇadaṇḍā vītipatanti

cāmarā’’ti (su. ni. 693) ettha vuttacāmarukkhepo pana sabbatitthiyanimmadanassa. Setacchattadhāraṇaṃ arahattavimuttivaravimalasetacchattaṭṭapaṭilābhassa. Sabbadisānuvilokanaṃ sabbaññūṭānāvarenaññāṇapaṭilābhassa. Āsabhivācābhāsaṇaṃ pana appaṭivattiyavaradhammacakkapavattanassa pubbanimittaṃ. Tathā ayaṃ bhagavāpi gato. Tañcassa gamanaṃ tathaṃ ahosi avitathaṃ tesamyeva visesādhigamaṇaṃ pubbanimittabhāvena. Tenāhu porāṇā –

“Muhuttajātova gavampatī yathā, samehi pādehi phusī vasundharaṃ;
So vikkamī satta padāni gotamo, setaṇca chattaṃ anudhārayuṃ marū.

“Gantvāna so satta padāni gotamo, disā vilokesi samā samantato;
Aṭṭhaṅgupetaṃ giramabbhudīrayi, sīho yathā pabbatamuddhaniṭṭhito’’ti. (paṭi. ma. aṭṭha. 1.1.37; itivu. aṭṭha. 38);

Evam tathā gatoti tathāgato.

Atha vā yathā purimakā bhagavanto, ayampi bhagavā tatheva nekkhammena kāmacchandaṃ...pe... paṭhamajjhānena nīvaraṇe...pe... aniccānupassanāya niccasaññaṃ...pe... arahattamaggena sabbakilese pahāya gato, evampi tathā gatoti tathāgato.

Kathaṃ **tathalakkhaṇaṃ āgatoti tathāgato**? Pathavīdhātuyā kakkhaḷattalakkhaṇaṃ tathaṃ avitathaṃ, āpodhātuyā paggharaṇalakkhaṇaṃ, tejo dhātuyā uṇhatalakkhaṇaṃ, vāyodhātuyā vitthambhanalakkhaṇaṃ, ākāsadhātuyā asamphuṭṭhalakkhaṇaṃ, viññāṇadhātuyā vijānanalakkhaṇaṃ.

Rūpassa ruppanalakkhaṇaṃ, vedanāya vedayitalakkhaṇaṃ, saññāya sañjānanalakkhaṇaṃ, saṅkhārānaṃ abhisākharaṇalakkhaṇaṃ, viññāṇassa vijānanalakkhaṇaṃ.

Vitakkassa abhiniropanalakkhaṇaṃ, vicārassa anumajjanalakkhaṇaṃ, pītiyā pharaṇalakkhaṇaṃ, sukhasa sātālakkhaṇaṃ, cittelkagatāya avikkhepalakkhaṇaṃ, phassassa phusanalakkhaṇaṃ.

Saddhindriyassa adhimokkhalakkhaṇaṃ, vīriyindriyassa pagghalakkhaṇaṃ, satindriyassa upaṭṭhānalakkhaṇaṃ, samādhindriyassa avikkhepalakkhaṇaṃ, paññindriyassa pajānanalakkhaṇaṃ.

Saddhābalassa assaddhiye akampiyalakkhaṇaṃ, vīriyabalassa kosajje, satibalassa muṭṭhassacce, samādhibalassa uddhacce, paññābalassa avijjāya akampiyalakkhaṇaṃ.

Satisambojjhaṅgassa upaṭṭhānalakkhaṇaṃ, dhammavicayasambojjhaṅgassa pavicayalakkhaṇaṃ, vīriyasambojjhaṅgassa pagghalakkhaṇaṃ, pītisambojjhaṅgassa pharaṇalakkhaṇaṃ, passaddhisambojjhaṅgassa upasamalakkhaṇaṃ, samādhisambojjhaṅgassa avikkhepalakkhaṇaṃ, upekkhāsambojjhaṅgassa paṭisaṅkhānalakkhaṇaṃ.

Sammādiṭṭhiyā dassanalakkhaṇaṃ, sammāsaṅkappassa abhiniropanalakkhaṇaṃ, sammāvācāya pariggahalakkhaṇaṃ, sammākammantassa samuṭṭhānalakkhaṇaṃ, sammāājīvassa vodānalakkhaṇaṃ, sammāvāyāmassa pagghalakkhaṇaṃ, sammāsatiyā upaṭṭhānalakkhaṇaṃ, sammāsamādhissa avikkhepalakkhaṇaṃ.

Avijjāya aññānalakkhaṇaṃ, saṅkhārānaṃ cetanānalakkhaṇaṃ, viññāṇassa vijānanalakkhaṇaṃ, nāmassa namanalakkhaṇaṃ, rūpassa ruppanalakkhaṇaṃ, saḷāyatanassa āyatanalakkhaṇaṃ, phassassa phusanalakkhaṇaṃ, vedanāya vedayitalakkhaṇaṃ, taṇhāya hetulakkhaṇaṃ, upādānassa gahaṇalakkhaṇaṃ, bhavassa āyūhanalakkhaṇaṃ, jātiyā nibbattilakkhaṇaṃ, jarāya jīraṇalakkhaṇaṃ, maraṇassa cuttilakkhaṇaṃ.

Dhātūnaṃ suññatalakkhaṇaṃ, āyatanānaṃ āyatanalakkhaṇaṃ, satipaṭṭhānānaṃ upaṭṭhānalakkhaṇaṃ, sammappadhānānaṃ padahanalakkhaṇaṃ, iddhipādānaṃ ijjhanalakkhaṇaṃ, indriyānaṃ adhipatilakkhaṇaṃ, balānaṃ akampiyalakkhaṇaṃ, bojjhaṅgānaṃ niyyānalakkhaṇaṃ, maggassa hetulakkhaṇaṃ.

Saccānaṃ tathalakkhaṇaṃ, samathassa avikkhepalakkhaṇaṃ, vipassanāya anupassanānalakkhaṇaṃ, samathavipassanānaṃ ekarasalakkhaṇaṃ, yuganaddhānaṃ anativattanalakkhaṇaṃ.

Sīlavissuddhiyā samvaraṇalakkhaṇaṃ, cittavisuddhiyā avikkhepalakkhaṇaṃ, diṭṭhivissuddhiyā dassanalakkhaṇaṃ, khaye ñāṇassa samucchedalakkhaṇaṃ, anuppāde ñāṇassa passaddhilakkhaṇaṃ, chandassa mūlalakkhaṇaṃ.

Manasikārassa samuṭṭhānalakkhaṇaṃ, phassassa samodhānalakkhaṇaṃ, vedanāya samosaraṇalakkhaṇaṃ, samādhissa pamukhalakkhaṇaṃ, satiā ādhipeyyalakkhaṇaṃ, paññāya tatuttariyalakkhaṇaṃ, vimuttiyā sārālakkhaṇaṃ, amatogadhassa nibbānassa pariyoṣānalakkhaṇaṃ tathaṃ avitathaṃ, etaṃ tathalakkhaṇaṃ ñāṇagatiyā āgato avirajjhivā patto anuppattoti tathāgato. Evam tathalakkhaṇaṃ āgatoti tathāgato.

Kathaṃ **tathadhamme yāthāvato abhisambuddhoti tathāgato**? Tathadhammā nāma cattāri ariyasaccāni. Yathāha –

“Cattārimāni, bhikkhave, tathāni avitathāni anaññathāni. Katamāni cattāri? ‘Idaṃ dukkha’nti, bhikkhave, tathametam avitathametam anaññathameta”nti vitthāro (saṃ. ni. 5.1090).

Tāni ca bhagavā abhisambuddhoti tathānaṃ abhisambuddhattā tathāgatoti vuccati. Abhisambuddhattho hi ettha gatasaddo.

Api ca jarāmaṇassa jātipaccayasambhūtasamudāgatatto tatho avitatho anaññatho...pe... saṅkhārānaṃ avijjāpaccayasambhūtasamudāgatatto tatho avitatho anaññatho. Tathā avijjāya saṅkhārānaṃ paccayaṭṭho...pe... jātiyā jarāmaṇassa paccayaṭṭho tatho avitatho anaññatho. Taṃ sabbaṃ bhagavā abhisambuddho, tassāpi tathānaṃ abhisambuddhattā tathāgato. Evaṃ tathadhamme yāthāvato abhisambuddhoti tathāgato.

Kathaṃ **tathadassitāya tathāgato**? Bhagavā yaṃ sadevake loke...pe... sadevamanussāya pajāya aparimāṇāsu lokadhātūsu aparimāṇānaṃ sattānaṃ cakkhuvāre āpāthaṃ āgacchantāṃ rūpārammaṇaṃ nāma atthi, taṃ sabbākārena jānāti passati. Evaṃ jānatā passatā ca tena taṃ iṭṭhāniṭṭhādivasena vā diṭṭhasutamutaviññātesu labbhamānakapadavasena vā ‘katamaṃ taṃ rūpaṃ rūpāyatanaṃ? Yaṃ rūpaṃ catunnaṃ mahābhūtānaṃ upādāya vaṇṇanibhā sanidassanaṃ sappatiḥhaṃ nīlaṃ pītaka’ntiadinā (dha. sa. 616) nayena anekehi nāmehi terasahi vārehi dvipaṇṇāsāya nayehi vibhajjanaṃ tathameva hoti, vitathāṃ natthi. Esa nayo sotadvārādīsūpi āpāthamāgacchantesu saddādīsū. Vuttampi cetam bhagavatā –

“Yaṃ, bhikkhave, sadevakassa lokassa...pe... sadevamanussāya pajāya diṭṭhaṃ sutam mutam viññātam pattam pariyesitam anuvicariyam manasā, tamaṃ jānāmi...pe... tamaṃ abhhaññāsim. Taṃ tathāgatassa viditam, taṃ tathāgato na upaṭṭhāsī”ti (a. ni. 4.24).

Evaṃ tathadassitāya tathāgato. Tattha tathadassitthe tathāgatoti padasambhavo veditabbo.

Kathaṃ **tathavāditāya tathāgato**? Yaṃ rattim bhagavā bodhimaṇḍe aparājitaṃ palleka nisinnā catunnaṃ mārānaṃ matthakaṃ madditvā anuttaraṃ sammāsambodhim abhisambuddho, yañca rattim yamakasālānamantare anupādisesāya nibbānadhātuyā parinibbāyati, etthantare pañcaccattālīsavassaparimāṇe kāle paṭhamabodhiyampi majjhimabodhiyampi pacchimabodhiyampi yaṃ bhagavatā bhāsitaṃ suttaṃ geyyaṃ...pe... vedallaṃ. Sabbaṃ taṃ atthato byañjanato ca anupavaḍḍhaṃ anūnāmanadhikam sabbākārāparipuṇṇaṃ rāgamadanimmadanaṃ dosamohadanimmadanaṃ, natthi tattha vālaggamattampi pakkhalitaṃ, sabbaṃ taṃ ekamuddikāya lañchitaṃ viya, ekanāḷiyā mitam viya, ekatulāya tulitaṃ viya ca tathameva hoti avitathānaṃ anaññathānaṃ. Yathāha –

“Yañca, cunda, rattim tathāgato anuttaraṃ sammāsambodhim abhisambujjhati, yañca rattim anupādisesāya nibbānadhātuyā parinibbāyati, yaṃ etasmiṃ antare bhāsati lapati niddisati, sabbaṃ taṃ tatheva hoti no aññathā, tasmā ‘tathāgato’ti vuccatī”ti (dī. ni. 3.188).

Gadaattho hi ettha gatasaddo. Evaṃ tathavāditāya tathāgato.

Api ca āgādanaṃ āgādo, vacananti attho. Tatho aviparīto āgādo assāti dakārassa takāraṃ katvā tathāgatoti evametasmim atthe padasiddhi veditabbā.

Kathaṃ **tathākāritāya tathāgato**? Bhagavato hi vācāya kāyo anulometi, kāyassāpi vācā. Tasmā yathāvādī tathākārī, yathākārī tathāvādī ca hoti. Evaṃbhūtassa cassa yathā vācā, kāyopi tathā gato pavattoti attho. Yathā ca kāyo, vācāpi tathā gatā pavattatī tathāgato. Tenevāha – “yathāvādī, bhikkhave, tathāgato tathākārī, yathākārī tathāvādī. Iti yathāvādī tathākārī, yathākārī tathāvādī. ‘Tasmā tathāgato’ti vuccatī”ti (a. ni. 4.23). Evaṃ tathākāritāya tathāgato.

Kathaṃ **abhibhavanaṭṭhena tathāgato**? Upari bhavaggaṃ heṭṭhā avīcim pariyaṇṇam katvā tiriyaṃ aparimāṇāsu lokadhātūsu sabbasatte abhibhavati sīlena samādhinā paññāya vimuttiyā vimuttiññādasanena, na tassa tulā vā pamāṇaṃ vā atthi, atha kho atulo appameyyo anuttaro rājātīrājā devānaṃ atidevo sakkānaṃ atisakko brahmānaṃ atibrahmā. Tenāha –

“Sadevake, bhikkhave, loke...pe... sadevamanussāya pajāya tathāgato abhibhū anabhibhūto aññadattthudaso vasavattī, tasmā ‘tathāgato’ti vuccatī”ti (a. ni. 4.23).

Tatthevaṃ padasiddhi veditabbā – āgādo viya āgādo. Ko panaṃ? Desanāvīlāso ceva puññussayo ca. Tena hesa mahānubhāvo bhisakko dibbāgādena sappe viya sabbaparappavādino sadevakañca lokaṃ abhibhavati. Iti sabbalokābhibhavane tatho aviparīto desanāvīlāsamayo ceva puññamayo ca āgādo assāti dakārassa takāraṃ katvā tathāgatoti veditabbo. Evaṃ abhibhavanaṭṭhena tathāgato.

Api ca tathāya gatotipi tathāgato, tathāṃ gatotipi tathāgato. **Gatoti** avagato, atīto patto paṭipannoti attho. Tattha sakalaṃ lokaṃ tīraṇapariññāya tathāya gato avagatoti tathāgato, lokasamudayaṃ pahānapariññāya tathāya gato atītoti tathāgato, lokanīrodhaṃ sacchikiriyāya tathāya gato pattoti tathāgato, lokanīrodhagāminim paṭipadaṃ tathāṃ gato paṭipannoti tathāgato. Tena yaṃ vuttaṃ bhagavatā –

“Loko, bhikkhave, tathāgatena abhisambuddho, lokasmā tathāgato viṣaṃyutto. Lokasamudayo, bhikkhave, tathāgatena abhisambuddho, lokasamudayo tathāgatassa paṇīno. Lokanirodho, bhikkhave, tathāgatena abhisambuddho, lokanirodho tathāgatassa sacchikato. Lokanirodhagāminī paṭipadā, bhikkhave, tathāgatena abhisambuddhā, lokanirodhagāminī paṭipadā tathāgatassa bhāvitā. Yaṃ, bhikkhave, sadevakassa lokassa...pe... anuvicaritaṃ manasā, sabbaṃ taṃ tathāgatena abhisambuddhaṃ. Tasmā ‘tathāgato’ti vuccatī”ti (a. ni. 4.23).

Tassa evampi attho veditabbo. Idampi ca tathāgatassa tathāgatabhāvadīpena mukhamattameva. Sabbākārena pana tathāgatova tathāgatassa tathāgatabhāvaṃ vaṇṇeyya. Yasmā pana sabbabuddhā tathāgataguṇenāpi samasamā, tasmā sabbesaṃ vasena “tathāgatā”ti āha.

Arahantoti kilesehi ārakattā, arīnaṃ arānañca hatattā, paccayādīnaṃ arahattā, pāpakaraṇe rahābhāvā tathāgato arahaṃ. Ārakā hi so sabbakilesehi suvidūravīdūre t̥hito maggena savāsānaṃ kilesānaṃ viddhaṃsitattāti ārakattā arahaṃ.

“So tato ārakā nāma, yassa yenāsamaṅgitā;
Asamaṅgi ca dosehi, nātho tenārahaṃ mato”.

Te cānena kilesārayo maggena hatāti arīnaṃ hatattāpi arahaṃ.

“Yasmā rāgādisaṅkhātā, sabbepi arayo hatā;
Paññāsattvena nāthena, tasmāpi arahaṃ mato”.

Yañcetaṃ avijjābhavataṇhāmayanābhiṃ puññādiabhisāṅkhārānaṃ jarāmaṇaṇemīṃ āsavasaṃudayaṃyena akkhena vijjhītvā tibhavarathe saṃyōjitaṃ anādikālapavattaṃ saṃsāracakkaṃ, tassānena bodhimaṇḍe vīriyapādehi sīlapathaviyaṃ patiṭṭhāya saddhāhatthena kammakkhayakaraṃ ñāṇapharasuṃ gahetvā sabbe arā hatāti arahaṃ.

“Arā saṃsāracakkassa, hatā ñāṇasīnā yato;
Lokanāthena tenesa, ‘araha’nti pavuccatī”.

Aggadakkhiṇeyyattā ca cīvarādīpaccaye arahati pūjāvīsesaṅca, teneva ca uppanne tathāgate ye keci mahesakkhā devamanussā, na te aññattha pūjaṃ karonti. Tathā hi brahmā sahampati sinerumattena ratanadāmena tathāgataṃ pūjesi, yathābalañca aññe devā ca manussā ca bimbisārakosalarājādayo. Parinibbutampi ca bhagavantaṃ uddissa channavutikoṭṭidhanaṃ vissajjetvā asokamahārājā sakalajambudīpe caturāsītivihārasahassāni patiṭṭhāpesi. Ko pana vādo aññesaṃ pūjāvīsesānanti paccayādīnaṃ arahattāpi arahaṃ.

“Pūjāvīsesaṃ saha paccayehi, yasmā ayaṃ arahati lokanātho;
Atthānurūpaṃ arahanti loke, tasmā jino arahati nāmetam”.

Yathā ca loke ye keci paṇḍitaṃmānino bālā asilokabhayena raho pāpaṃ karonti, evamesa na kadāci pāpaṃ karotīti pāpakaraṇe rahābhāvatoṇi arahaṃ.

“Yasmā natthi raho nāma, pāpakammesu tādīno;
Rahābhāvena tenesa, arahaṃ iti vissuto”.

Evam sabbathāpi –

“Ārakattā hatattā ca, kilesārīna so muni;
Hataṃsāracakkāro, paccayādīna cāraho;
Na raho karoti pāpāni, arahaṃ tena vuccatī”ti.

Yasmā pana sabbe buddhā arahattaguṇenāpi samasamā, tasmā sabbesampi vasena “arahanto”ti āha.

Sammāsambuddhāti sammā sāmañca sabbadhammānaṃ buddhattā sammāsambuddho. Tathā hesa sabbadhamme sammāsambuddho, abhiññeyye dhamme abhiññeyyato, pariññeyye dhamme pariññeyyato, pahātabbe dhamme pahātabbato, sacchikātabbe dhamme sacchikātabbato, bhāvetabbe dhamme bhāvetabbato. Tenevāha –

“Abhiññeyyaṃ abhiññātaṃ, bhāvetabbañca bhāvitaṃ;
Pahātabbaṃ pahīnaṃ me, tasmā buddhosmi brāhmaṇā”ti. (su. ni. 563; ma. ni. 2.399);

Atha vā cakkhu dukkhasaccaṃ, tassa mūlakāraṇabhāvena samuṭṭhāpikā purimataṇhā samudayasaccaṃ, ubhinnaṃ appavatti nirodhasaccaṃ, nirodhapajānanā paṭipadā maggasaccanti evaṃ ekekapaduddhārenāpi sabbadhamme sammā sāmañca buddho. Esa nayo sotaghānājivhākāyamanesu. Eteneva ca nayena rūpādīni cha āyatanāni, cakkhuvīññādayo cha viññāpakāyā, cakkhusamphassādayo cha phassā, cakkhusamphassajā vedanādayo cha vedanā, rūpasāññādayo cha saññā, rūpasāñcetanādayo cha cetanā, rūpataṇhādayo cha taṇhākāyā, rūpavitakkādayo cha vitakkā, rūpavicārādayo cha vicārā,

rūpakkhandhādayo pañcakkhandhā, dasa kasiṇāni, dasa anussatiyo, uddhumātakasāññādivasena dasa saññā, kesādayo dvattiṃsākārā, dvādasāyatanāni, aṭṭhārasa dhātuyo, kāmabhavādayo nava bhavā, paṭhamādīni cattāri jhānāni, mettābhāvanādayo catasso appamaññāyo, catasso arūpasamāpattiyo, paṭilomato jarāmaraññādiṇi, anulomato avijjādīni paṭiccasamuppādaṅgāni ca yojetabbāni.

Tatrāyaṃ ekapadayojanā – jarāmaraññaṃ dukkhasaccaṃ, jāti samudayasaccaṃ, ubhinnaṃ nissaraṇaṃ nirodhasaccaṃ, nirodhapajānānaṃ paṭipadā maggasaccanti evaṃ ekekapaduddhārena sabbadhamme sammā sāmāñca buddho anubuddho paṭividdho. Yaṃ vā pana kiñci atthi neyyaṃ nāma, sabbassa sammā sambuddhattā vimokkhaññāvasena sammāsambuddho. Tesāṃ pana vibhāgo upari āvi bhavissati. Yasmā pana sabbabuddhā sammāsambuddhaguṇeṇāpi samasamā, tasmā sabbesampi vasena “sammāsambuddhā”ti āha.

Monenāti kāmañhi moneyyapaṭipadāsāñkhātena maggaññāmonena muni nāma hoti, idha pana tuṅhībhāvaṃ sandhāya “na monenā”ti vuttaṃ. **Mūlharūpoti** tuccharūpo. **Aviddasūti** aviññū. Evarūpo hi tuṅhībhūtopi muni nāma na hoti. Atha vā moneyyamuni nāma na hoti, tucchabhāvo ca pana aññāni ca hotīti attho. **Yo ca tulaṃva paggayhāti** yathā hi tulaṃ gahetvā ṭhito atirekaṃ ce hoti, harati, ūnaṃ ce hoti, pakkhipati; evameva so atirekaṃ haranto viya pāpaṃ harati parivajjeti, ūnaṃ pakkhipanto viya kusalaṃ paripūreti. Evañca pana karonto sīlasamādhīpaññāvimuttivimuttiññānadassanasāñkhātaṃ **varaṃ** uttamameva ādāya **pāpāni** akusalakammāni **parivajjeti sa muni** nāmāti attho. **Tena so munīti** kasmā pana so munīti ce? Yaṃ heṭṭhā vuttakāraṇaṃ, tena so munīti attho. **Yo munāti ubho loketi** yo puggalo imasmim khandhādiloke tulaṃ āropetvā minanto viya “ime ajjhātikā khandhā, ime bāhirā”tiādīnā nayena ime ubho atthe munāti. **Muni tena pavuccatīti** tena pana kāraṇena “muni”ti vuccatiyevāti attho.

Asatañcāti gāthāya ayaṃ sañkhepattho – yvāyaṃ akusalakusalappabhedo, asatañca satañca dhammo, taṃ “ajjhātaṃ bahiddhā”ti imasmim sabbaloke pavicayaññāna asatañca satañca ṇatvā dhammaṃ. Tassa ṇātattā eva, rāgādibhedato sattavidhaṃ **saṅgaṃ** tañhādītibhedato duvidhaṃ **jālañca aticca** atikkamivā ṭhito, so tena monasāñkhātena pavicayaññāna samannāgatattā **muni**. **Devamanussehi pūjitoti** idaṃ panassa thutivacanaṃ. So hi khīṇāsavamunittā devamanussānaṃ pūjāraho hoti, tasmā evaṃ vuttoti.

Sallanti mūlapadaṃ. **Satta sallānīti** gaṇanaparicchedo. **Rāgasallanti** rañjanaṭṭhena rāgo ca pīlājanakatāya antotudanaṭṭhāya dunnīharaṇatāya sallañcāti rāgasallaṃ. **Dosallādīsipi** eseva nayo. **Abbūlhasalloti** mūlapadaṃ. **Abbahitasalloti** niṭṭhasallo. **Uddhatasalloti** uddhaṃ haṭṭhasallo uddharitasallo. **Samuddhatasalloti** upasaggavasena vutto. **Uppāṭitasalloti** luñcitasallo. **Samuppāṭitasalloti** upasaggavaseneva.

Sakkaccakārīti dānādīnaṃ kusaladhammānaṃ bhāvanāya puggalassa vā deyyadhammassa vā sakkaccakāraṇavasena sakkaccakārī. Satatabhāvakaṇṇena **sātaccakārī**. Aṭṭhitakāraṇena **aṭṭhitakārī**. Yathā nāma kakaṇṇako thokaṃ gantvā thokaṃ tiṭṭhati, na niraṇṇaṃ gacchati; evameva yo puggalo ekadivasāṃ dānaṃ datvā pūjaṃ vā katvā dhammaṃ vā sutvā samañadhammaṃ vā katvā puna cirassaṃ karoti, taṃ na niraṇṇaṃ pavatteti. So “asātaccakārī, anaṭṭhitakārī”ti vuccati. Ayaṃ evaṃ na karotīti aṭṭhitakārī. **Anolīnavuttikoti** niraṇṇakāraṇasāñkhātassa vipphārasa bhāvena na līnavuttikoti anolīnavuttiko. **Anikkhittacchandoti** kusalakaṇṇe vīriyacchandassa anikkhittabhāvena anikkhittacchando. **Anikkhittadhuroti** vīriyadhurassa anoropanaṃ anikkhittadhuro, anosakkitaṃ mānasoti attho. **Yo tattha chando ca vāyāmo cāti** yo tesu kusaladhammesu kattukamyatādhammacchando ca payattasāñkhāto vāyāmo ca. Ussahanavasena **ussāho ca**. Adhimattussahanavasena **ussoḷhī ca**. Vāyāmo ceso pāraṃ gamaṇaṭṭhena. Ussāho ceso pubbaṅgamaṇaṭṭhena. Ussolhī ceso adhimattaṭṭhena. **Appaṭivāni cāti** anivattānaṃ ca. **Sati ca sampajāññanti** saraṭīti sati. Sampajāññānti sampajāññaṃ, samantato pakārehi jāññānti attho. Sāthakasampajāññaṃ sappāyasampajāññaṃ gocarasampajāññaṃ asammohasampajāññaṃ imassa sampajāññassa vasena bhedo veditabbo. **Ātappanti** kilesatāpanavīriyaṃ. **Padhānanti** uttamavīriyaṃ. **Adhiṭṭhānanti** kusalakaṇṇe paṭiṭṭhābhāvo. **Anuyogoti** anuyūjanaṃ. **Appamādoti** nappamañjanaṃ, satiṃ avippavāso.

Imaṃ lokaṃ nāsīsatīti mūlapadaṃ. **Sakattabhāvanti** attano attabhāvaṃ. **Parattabhāvanti** paraloke attabhāvaṃ. Sakarūpavedanādayo attano pañcakkhandhe, pararūpavedanādayo ca paraloke pañcakkhandhe. **Kāmadhātuntī** kāmabhavaṃ. **Rūpadhātuntī** rūpabhavaṃ. **Arūpadhātuntī** arūpabhavaṃ. Puna rūpārūpavasena dukkaṃ dassetaṃ kāmadhātuṃ rūpadhātuṃ ekaṃ katvā, arūpadhātuṃ ekaṃ katvā vuttaṃ. **Gatiṃ vāti** paṭiṭṭhānaṃ vasena pañcagati vuttā. **Upapattiṃ vāti** nibbattivasena catuyoni vuttā. **Paṭisandhiṃ vāti** tiṇṇaṃ bhavānaṃ ghaṇaṇavasena paṭisandhi vuttā. **Bhavaṃ vāti** kammabhavavasena. **Samsāraṃ vāti** khandhādīnaṃ abbochinnavasena. **Vaṭṭaṃ vāti** tebhūmakavaṭṭaṃ **nāsīsatīti**.

Saddhammapajjotikāya mahāniddesaṭṭhakathāya

Guhaṭṭhakasuttaniddesaṇṇanā niṭṭhitā.

3. Duṭṭhaṭṭhakasuttaniddesaṇṇanā

15. Duṭṭhaṭṭhake paṭhamagāthāyaṃ tāva tattha **vadantīti** bhagavantaṃ bhikkhusaṅghaṇca upavadanti. **Duṭṭhamanāpi eke, athopi ve saccamanāti** ekacce duṭṭhacittā, ekacce tathasaññīnopi hutvā tiṭṭhiyā tuṭṭhacittā, ye tesāṃ sutvā saddahiṃsu, te

saccamanāti adhippāyo. **Vādañca jātanti** etaṃ akkosavādaṃ uppannaṃ. **Muni no upetīti** akārakatāya ca akuppanatāya ca buddhamuni na upetī. **Tasmā muni natthi khilo kuhīncīti** tena kāraṇena ayaṃ muni, rāgādikhilehi natthi khilo kuhīncīti veditabbo.

Duṭṭhamanāti uppannehi dosehi dūsitacittā. **Viruddhamanāti** tehi kilesehi kusalassa dvāraṃ adatvā āvaritacittā. **Paṭiviruddhamanāti** upasaggavasena padaṃ vaḍḍhitaṃ. **Āhatamanāti** paṭighena āhataṃ cittaṃ etesanti āhatamanā. **Paccāhatamanāti** upasaggavaseneva. **Āghātītanā** vihiṃsāvasena āghātitaṃ manaṃ etesanti āghātītanā. **Paccāghātītanā** upasaggavaseneva. Atha vā “kodhavasena **duṭṭhamanā**, upanāhavasena **paduṭṭhamanā**, makkhavasena **viruddhamanā**, paḷāsavasena **paṭiviruddhamanā**, dosavasena **āhatapaccāhatamanā**, byāpādasavasena **āghātītanā** paccāghātītanā. Paccayānaṃ alābhena **duṭṭhamanā paduṭṭhamanā**, ayasena **viruddhamanā paṭiviruddhamanā**, garahena **āhatapaccāhatamanā**, dukkhavedanāsamaṅgībhāvena **āghātītanā** paccāghātītanā”ti evamādinā nayena eke vaṇṇayanti. **Upavadantīti** garahaṃ uppādentī. **Abhūtenāti** asaṃvijjamaṇa.

Saddahantīti pasādavasena saddhaṃ uppādentī. **Okappentīti** guṇavasena otaritvā avakappayantī. **Adhimuccantīti** sampasādanavasena sannīṭṭhānaṃ katvā tesam kathaṃ adhiṃvāsantī. **Saccamanāti** tacchamaṇā. **Saccasaññīnoti** tacchasaññīno. **Tathamanāti** aviparītanā. **Bhūtanāti** bhūtatthamaṇā. **Yāthāvamanāti** niccalamaṇā. **Aviparītanāti** nicchayamaṇā. Tattha “saccamaṇā saccasaññīno”ti saccavadiguṇaṃ, “tathamaṇā tathasaññīno”ti saccasaddhiguṇaṃ, “bhūtanā bhūtasāññīno”ti ṭhitaguṇaṃ, “yāthāvamaṇā yāthāvasāññīno”ti paccayikaguṇaṃ, “aviparītanā aviparītasāññīno”ti avisaṃvādaguṇaṃ kathitanti ṇātabbaṃ.

Paratoghosoti aññesaṃ santikā uppannasaddo. **Akkosoti** jātiādīsu dasasu akkosesu aññataro. **Yo vādaṃ upetīti** yo puggalo upavādaṃ upagacchati. **Kārako vāti** katadoso vā. **Kārakatāyāti** dosassa katabhāvena **vuccamānoti** kathiyamāno. **Upavadiyamānoti** dosaṃ upavajjamaṇo. **Kuppattīti** kopam karoti.

Khilajātātāpi natthīti cittabandhabhāvacittakacavarabhāvasaṅkhātāṃ paṭighakhilam jātam assatī khilajāto, tassa bhāvo khilajātātā, tāpi natthi na santi. **Pañcapi cetokhilāti** kāme avītarāgo, kāye avītarāgo, rūpe avītarāgo, yāvadatthaṃ udarāvadehakaṃ bhūñjitvā seyyasukhaṃ passasukhaṃ middhasukhaṃ anuyutto viharatī, aññataram devanikāyaṃ paṇidhāya brahmacariyaṃ caratī “imināham silena vā vatena vā tapena vā brahmacariyena vā devo vā bhavissāmi, devaññataro vā”ti (ma. ni. 1.186) evarūpā pañcapi cittassa bandhabhāvacacavarabhāvasaṅkhātā cetokhilā natthi.

16. Imañca gāthaṃ vatvā bhagavā ānandattheraṃ pucchi – “evaṃ khumsetvā vambhetvā vuccamānā bhikkhū, ānanda, kiṃ vadantī”ti, “na kiñci bhagavā”ti. “Na, ānanda, ‘ahaṃ silavā’ti sabbattha tuṅhī bhavitabbaṃ. Loke hi nābhāsamānaṃ jānanti, missaṃ bālehi paṇḍita”nti (saṃ. ni. 2.241) vatvā “bhikkhū, ānanda, te manusse evaṃ paṭicodentū”ti dhammadesanattāyā “abhūtavādī nirayaṃ upetī”ti (dha. pa. 306; udā. 38; itivu. 48; su. ni. 666) imaṃ gāthaṃ abhāsi. Thero taṃ uggahevā bhikkhū āha – “manussā tumhehi imāya gāthāya paṭicodetabbā”ti. Bhikkhū tathā akaṃsu. Paṇḍitamaṇussā tuṅhī ahesuṃ. Rājāpi rājapurise sabbattha pesetvā yesaṃ dhuttānaṃ lañjaṃ datvā titthiyā taṃ mārāpesuṃ, te gahetvā niggaṃya taṃ pavattim ṇatvā titthiye paribhāsi. Manussāpi titthiye disvā leḍḍunā hananti, paṃsunā okiranti “bhagavato ayasaṃ uppādesu”nti. Ānandatthero taṃ disvā bhagavato ārocesi, bhagavā therassa imaṃ gāthamabhāsi “**sakañhi diṭṭhiṃ...pe... vadeyyā**”ti.

Tassa attho – yāyaṃ diṭṭhi titthiyajanassa “sundarim māretvā samañānaṃ sakyaputtīyānaṃ avaṇṇaṃ pakāsetvā etenupāyena laddhaṃ sakkāraṃ sādīyissamā”ti so taṃ diṭṭhiṃ kathaṃ atikkameyya? Atha kho so ayaso tameva titthiyajanaṃ paccāgato taṃ diṭṭhiṃ acetuṃ asakkantaṃ. Yo vā sassatādivādī, so **sakaṃ diṭṭhiṃ kathamaccayeyya**, tena diṭṭhichandena **anunīto** tāya ca diṭṭhiruciyaṃ **nivīṭṭho**, api ca kho pana **sayam samattāni pakubbamāno** attanāva paripuṇṇāni tāni diṭṭhigatāni karonto **yathā jāneyya**, **tatheva vadeyyāti**.

Avāṇṇaṃ pakāsayitvāti aguṇaṃ pākāṇaṃ katvā. **Sakkāraṇti** catunnaṃ paccayānaṃ sakkaccakaraṇaṃ. **Sammānanti** cittaṇa bahumānaṃ. **Paccāharissamāti** etaṃ lābhādim nibbattessāma. **Evamdiṭṭhikāti** evamladdhikā. Yathā taṃ “lābhādim nibbattessamā”ti evaṃ ayaṃ laddhi tesam atthi, tathā “atthi me vuttappakāro dhammo”ti etesaṃ khamatī ceva rucattī ca, evaṃsabhāvameva vā tesam cittaṃ “atthi me citta”nti. Tadā tesam diṭṭhi vā, diṭṭhiyā saha khanti vā, diṭṭhikantīhi saddhiṃ ruci vā, diṭṭhikantirucihi saddhiṃ laddhi vā, diṭṭhikantiruciladdhihi saddhiṃ ajjhāsayo vā, diṭṭhikantiruciladdhihājjhāsayehi saddhiṃ adhippāyo vā hotīti dassento “**evamdiṭṭhikā...pe... evamadhippāyā**”ti āha. **Sakaṃ diṭṭhinti** attano dassanaṃ. **Sakaṃ khantinti** attano sahanaṃ. **Sakaṃ rucinti** attano ruciṃ. **Sakaṃ laddhinti** attano laddhiṃ. **Sakaṃ ajjhāsanti** attano ajjhāsayaṃ. **Sakaṃ adhippāyanti** attano bhāvaṃ. **Atikkamitunti** samatikkamituṃ. **Atha kho sveva ayasoti** so eva ayaso ekamsena. **Te paccāgatoti** tesam patiāgato. **Teti** sāmīatthe upayogavacanaṃ.

Atha vāti atthantaradassanaṃ. **Sassatoti** nicco dhuvo. **Lokoti** attabhāvo. **Idameva saccam, moghamāññanti** idaṃ eva tacchaṃ tathaṃ, aññaṃ tucchaṃ. **Samattāti** sampuṇṇā. **Samādinnāti** sammā ādinnā. **Gahitāti** upagantvā gahitā.

Parāmaṭṭhāti sabbākārena parāmasitvā gahitā. **Abhinivīṭṭhāti** visesena laddhappatiṭṭhā. **Asassatoti** vuttavipariyāyena veditabbo.

Antavāti saanto. **Anantavāti** vuddhianantavā. **Taṃ jīvanti** so jīvo, liṅgavipallāso kato. **Jīvoti** ca attāyeva. **Tathāgato**ti satto, “‘araha”’nti eke. **Paraṃ maraṇāti** maraṇato uddhaṃ, paraloketi attho. **Na hoti tathāgato paraṃ maraṇāti** maraṇato uddhaṃ na hoti. **Hoti ca na ca hoti tathāgato paraṃ maraṇāti** maraṇato uddhaṃ hoti ca na hoti ca. **Neva hoti na na hoti tathāgato paraṃ maraṇāti** ucchedavasena neva hoti, takkikavasena na na hoti.

Sakāya diṭṭhiyātiādayo karaṇavacanāṃ. **Allīnoti** ekībhūto.

Sayaṃ samattaṃ karotīti attanā ūnabhāvaṃ mocetvā sammā attāṃ samattaṃ karoti. **Paripuṇṇanti** atirekadosaṃ mocetvā sampuṇṇaṃ. **Anomanti** hīnadosaṃ mocetvā alāmakāṃ. **Agganti** ādiṃ. **Seṭṭhanti** padhānaṃ niddosaṃ. **Visesanti** jeṭṭhakaṃ. **Pāmokkhanti** adhikaṃ. **Uttamanti** visesaṃ na heṭṭhimaṃ. **Pavaraṃ karotīti** atirekena uttamaṃ karoti. Atha vā “‘āsayadosamocanena **aggāṃ**, saṃkilesadosamocanena **seṭṭhāṃ**, upakkilesadosamocanena **visesaṃ**, pamattadosamocanena **pāmokkhaṃ**, majjhimosamocanena **uttamaṃ**, uttamamajjhimosamocanena **pavaraṃ karoti**”’ti evameke vaṇṇayanti. **Ayaṃ satthā sabbāññūti** ayaṃ amhākaṃ satthā sabbajānanavasena sabbāññū. **Ayaṃ dhammo svākkhātōti** ayaṃ amhākaṃ dhammo suṭṭhu akkhātō. **Ayaṃ gaṇo suppaṭipannoti** ayaṃ amhākaṃ gaṇo suṭṭhu paṭipanno. **Ayaṃ diṭṭhi bhaddikāti** ayaṃ amhākaṃ laddhi sundarā. **Ayaṃ paṭipadā supaññattāti** ayaṃ amhākaṃ pubbabhāgā attanta pādīpaṭipadā suṭṭhu paññattā. **Ayaṃ maggo niyyānikoti** ayaṃ amhākaṃ niyyāmomkantiko maggo niyyānikoti **sayaṃ samattaṃ karoti**.

Katheyya “‘sasso loko”’ti. **Bhaṇeyya** “‘idameva saccaṃ moghamañña”’nti. **Dīpeyya** “‘antavā loko”’ti. **Vohareyya** nānāvidhena gaṇhāpeyya “‘hoti ca na ca hoti”’ti.

17. Atha rājā satthāhaccayena taṃ kuṇapaṃ chaḍḍāpetvā sāyanhasamayāṃ vihāraṃ gantvā bhagavantaṃ abhivādetvā āha – “‘nanu, bhante, īdise ayase uppanne mayhampī ārocetabbaṃ siyā”’ti? Evaṃ vutte bhagavā “‘na, mahārāja, ‘ahaṃ silavā guṇasampanno”’ti paresaṃ ārocetum ariyānaṃ paṭirūpa”’nti vatvā tassā aṭṭhuppattiyā “‘yo attano silavatānīti avasesagāthāyo abhāsi.

Tattha **silavatānīti** pātimokkhādīni sīlāni, āraññikādīni dhutaṅgavatāni ca. **Anānupuṭṭhoti** apucchito. **Pāvāti** vadati. **Anariyadhammaṃ kusalā tamāhu, yo ātumānaṃ sayameva pāvāti** yo evaṃ attānaṃ sayameva vadati, tassa taṃ vādaṃ “‘anariyadhammo eso”’ti kusalā evaṃ kathenti.

Atthi silaṅceva vatañcāti sīlanatṭhena silaṅceva atthi, samādānatṭhena vatañca atthi, **vataṃ na sīlanti** vuttatṭhena vataṃ atthi, taṃ na sīlaṃ. **Katamanti** kathetukamyatāpucchā. **Idha bhikkhu silavāti**ādayo vuttanayā eva. **Samvaraṭṭhenāti** samvaraṇatṭhena, vītikkamadvāraṃ pidahanatṭhena. **Samādānatṭhenāti** taṃ taṃ sikkhāpadaṃ sammā ādānatṭhena. **Āraññikaṅganti** araññe nivāso sīlaṃ assāti āraññiko, tassa aṅgaṃ āraññikaṅgaṃ. **Piṇḍapātikaṅganti** bhikkhāsāṅkhātānaṃ paraṃmisapiṇḍānaṃ pāto piṇḍapāto, parehi dinnānaṃ piṇḍānaṃ patte nipatananti vuttaṃ hoti. Taṃ piṇḍapātaṃ uñchati taṃ taṃ kulaṃ upasaṅkamanto gavesatīti piṇḍapātiko, piṇḍāya vā patitum vatametassāti piṇḍapātī. **Patitunti** caritum. Piṇḍapātī eva piṇḍapātiko, tassa aṅgaṃ piṇḍapātikaṅgaṃ. **Ānganti** kāraṇaṃ vuccati. Tasmā yena samādānena so piṇḍapātiko hoti, tassetāṃ adhivacananti veditabbaṃ. Eteneva nayena rathikāsusānasāṅkarakūḍādiṇaṃ yattha katthaci paṃsūnaṃ upari ṭhitattā abbhuggatāṭṭhena tesu paṃsukūlamivāti paṃsukūlaṃ. Atha vā paṃsu viya kucchitabhāvaṃ ulatīti paṃsukūlaṃ, kucchitabhāvaṃ gacchatīti vuttaṃ hoti. Evaṃ laddhanibbanassa paṃsukūlassa dhāraṇaṃ paṃsukūlaṃ, paṃsukūlaṃ sīlamassāti paṃsukūliko, paṃsukūlikassa aṅgaṃ **paṃsukūlikaṅgaṃ**. Saṅghāṭṭiuttarāsaṅgaantarāvāsakaṅkhātāṃ ticīvaraṃ sīlamassāti tecīvariko, tecīvarikassa aṅgaṃ **tecīvarikaṅgaṃ**. **Sapadānacārikaṅganti** **dānaṃ** vuccati avakhaṇḍanaṃ, apetaṃ dānato apadānaṃ, anavakhaṇḍananti attho. Saha apadānena sapadānaṃ, avakhaṇḍanavirahitaṃ, anugharanti vuttaṃ hoti. Sapadānaṃ caritum idamassa sīlanti sapadānacārī, sapadānacārīyeva sapadānacārīko, tassa aṅgaṃ sapadānacārīkaṅgaṃ. **Khalupacchābhattikaṅganti** **khalūti** paṭisedhanatṭhe nipāto. Pavāritena satā pacchā laddhaṃ bhattaṃ pacchābhattaṃ nāma, tassa pacchābhattassa bhojanaṃ pacchābhattabhojanaṃ, tasmim pacchābhattabhojane pacchābhattasaññaṃ katvā pacchābhattaṃ sīlamassāti pacchābhattiko, na pacchābhattiko khalupacchābhattiko, samādānavasena paṭikkhittatīrittabhojanassetāṃ nāmaṃ, tassa aṅgaṃ khalupacchābhattikaṅgaṃ. **Nesajjikaṅganti** sayanaṃ paṭikkhipitvā nisajjāya viharitum sīlamassāti nesajjiko, tassa aṅgaṃ nesajjikaṅgaṃ. **Yathāsanthatikaṅganti** yadeva santhataṃ yathāsanthatāṃ, “‘idam tuyhaṃ pāpuṇāti”’ti evaṃ paṭhamaṃ uddiṭṭhasenāsanassetāṃ adhivacanāṃ. Tasmim yathāsanthathe viharitum sīlamassāti yathāsanthatiko, tassa aṅgaṃ yathāsanthatikaṅgaṃ. Sabbāneva panetāni tena tena samādānena dhutakilesattā dhutassa bhikkhuno aṅgāni, kilesadhunanato vā dhutanti laddhavohāraṃ nīṇaṃ aṅgaṃ etesanti **dhutaṅgāni**. Atha vā dhutāni ca tāni paṭipakkhānaṃ dhunanato aṅgāni ca paṭipattiyātipi **dhutaṅgāni**. Evaṃ tāvettha atthato viññātabbo vinicchayo. Sabbāneva cetāni samādānacetanālakkhaṇāni. Vuttampi cetāṃ –

“‘Yo samādiyati, so puggalo. Yena samādiyati, cittacetāsikā ete dhammā. Yā samādānacetanā, taṃ dhutaṅgaṃ. Yaṃ paṭikkhipati, taṃ vatthu”’nti (visuddhi. 1.23).

Sabbāneva ca loluppavidhamaṃsanarasāni, nilloluppabhāvapaccupaṭṭhānāni, appicchatādiariyadhammapadaṭṭhānāni. Evamettha lakkhaṇādīhi vinicchayo veditabbo.

Vīriyasamādānampīti vīriyaggaṇaṃpī. **Kāmanti** ekamaṃsatṭhe nipāto. **Taco ca nhāru cāti** chavi ca nhāruvalliyo ca. **Aṭṭhi cāti** sabbā aṭṭhiyo ca. **Avassatūti** tiṭṭhatu. **Upasussatu maṃsalohitanti** sabbaṃ maṃsañca lohitañca sukkhatu.

“Taco”ti ekaṃ aṅgaṃ, “nhārū”ti ekaṃ, “aṭṭhī”ti ekaṃ, “upasussatu maṃsalohita”nti ekaṃ aṅgaṃ. **Yaṃ tantī** upari vattabbapadena sambandho. **Purisathāmenāti** purisassa kāyikena balena, **balenāti** ñāṇabalena. **Vīriyenāti** cetasikañāṇavīriyatejena. **Parakkamenāti** paraṃ paraṃ ṭhānaṃ akkamanena ussāhappattavīriyena. **Pattabbanti** yaṃ taṃ pāpuṇitabbaṃ. **Na taṃ apāpuṇitvāti** taṃ pattabbaṃ appatvā. **Vīriyassa saṅghānaṃ bhavissatīti** vuttapakārasa vīriyassa sithilattaṃ osīdanāṃ na bhavissati. “Paṭṭhāna”ntipi pāṭho, ayamevattho. **Cittaṃ paggaṇhātīti** cittaṃ ussāhaṃ gaṇhāpeti. **Padahaṭīti** patiṭṭhāpeti.

Nāsissanti na khādissāmi na bhujjissāmi. **Na pivissāmīti** yāgupānādīni na pivissāmi. **Vihārato na nikkhameti** senāsanato bahi na nikkhameyyaṃ. **Napi passaṃ nipātesanti** passaṃ mañce vā pīṭhe vā bhūmiyaṃ vā kaṭasantharake vā pātaṇaṃ ṭhapanāṃ na karissāmi. **Taṇhāsalle anūhateti** taṇhāsāṅkhāte kaṇḍe anuddhaṭe, avigateti attho.

Imaṃ pallaṅkanti samantato ābhujitaṃ ūrubaddhāsaṇaṃ. **Na bhindissāmīti** na vijahissāmi. **Yāva me na anupādāyāti** catūhi upādānehi gahaṇaṃ aggahetvā. **Āsavehīti** kāmasāvādīhi catūhi āsavehi. **Vimuccissatīti** samucchavedavimuttīyā na muccissati. **Na tāvāhaṃ imamahā āsanā vuṭṭhahissāmīti** ādiṃ katvā yāva **rukhamulā nikkhamissāmīti** okāvasena vuttā. **Imasmiññeva pubbaṇhasamayaṃ ariyadhammaṃ āharissāmīti** ādiṃ katvā yāva **gimheti** kālavasena vuttā. **Purime vayokhandhetī**ādayo vayavasena vuttā. Tatha **āsanā na vuṭṭhahissāmīti** nisinnāsanā na vuṭṭhahissāmi. **Aḍḍhayogāti** nikuṇḍagehā. **Pāsādāti** dīghapāsādā. **Hammiyāti** muṇḍacchadanagehā. **Guhāyāti** paṃsuguhāya. **Leṇāti** mariyādachinnacchiddā pabbataleṇā. **Kuṭiyāti** ullittādikuṭiyā. **Kūṭāgarāti** kaṇṇikaṃ āropetvā katagehato. **Aṭṭāti** dvāraṭṭālakā. **Māḷāti** vaṭṭagehā. Uddaṇḍo nāma eko patissayaviseso. “Tichadanageho”tipi eke. **Upaṭṭhānasālāti** sannipātasālā bhojanasālā vā. **Maṇḍapādayo** pākāṭāyeva. **Ariyadhammanti** anavajjadhammaṃ, ariyānaṃ vā buddhaccekabuddhabuddhasāvakaṇaṃ dhammaṃ. **Āharissāmīti** mama cittasamīpaṃ ānayissāmi sīlena. **Samāharissāmīti** visesena ānayissāmi samādhina. **Adhigacchissāmīti** paṭilābhavasena gamissāmi tadaṅgena. **Phassayissāmīti** phussissāmi maggena. **Sacchikarissāmīti** paccakkhaṃ karissāmi phalena. Atha vā sotāpattimaggena **āharissāmi**. Sakadāgāmaggena **samāharissāmi**, anāgāmaggena **adhigacchissāmi**, arahattamaggena **phassayissāmi**, paccavekkhaṇena **sacchikarissāmi**. Dvīsipi nāyesu phassayissāmīti nāmakāyena nibbānaṃ phussissāmīti attho.

Apuṭṭhoti mūlapadaṃ, tassa apucchitoti attho. **Apucchitoti** ajānāpito. **Ayācitoti** anāyācīto. **Anajjhesisototi** anānāpito, “na icchito”ti eke. **Apasādītoti** na pasādāpito. **Pāvadatīti** kathayati. **Ahamasmīti** ahaṃ asmi bhavāmi. **Jātiyā vāti** khattiyabrāhmaṇajātiyā vā. **Gottena vāti** gotamādīgottena vā. **Kolaputtiyena vāti** kulaputtabhāvena vā. **Vaṇṇapokkharatāya vāti** sarīrasundaratāya vā. **Dhanena vāti** dhanasampattiyā vā. **Ajjhenena vāti** ajjhāyakaṇaṇa vā. **Kammāyatanena vāti** kammameva kammāyatanāṃ, tena kammāyatanena, kasigorakkhakammādinā vā. **Sippāyatanena vāti** dhanusippādinā vā. **Vijjāṭṭhānena vāti** aṭṭhārasavijjāṭṭhānena vā. **Sutena vāti** bahussutagaṇa vā. **Paṭibhānena vāti** kāraṇākāraṇapaṭibhānasāṅkhātāñāṇa vā. **Aññataraññatarena vā** vatthunāti jātiādināṃ ekekena vatthunā vā.

Uccā kulāti khattiyabrāhmaṇakulā, etena jātigottamahattaṃ dīpeti. **Mahābhogakulāti** gahapatimahāsālakulā, etena aḍḍhamahattaṃ dīpeti. **Uḷārabhogakulāti** avasesavessādīkulā, etena pahūtajātarūparajātādiṃ dīpeti. Caṇḍālāpi hi uḷārabhogā honti. **Ñātoti** pākāṭo. **Yassasīti** parivārasampanno. **Suttantīkoti** suttante niyutto. **Vinayadharoti** vinayapaṭakadharo. **Dhammakathīkoti** ābhiddhammiko. **Āraññīkoti**ādayo dhutaṅgapubbaṅgamapaṭipattidassanathāṃ vuttā. **Paṭhamassa jhānassa lābhīti**ādayo rūpārūpaṭṭhasamāpattiyō dassetvā paṭivedhadassanavasena vuttā. **Pāvadatīti** mūlapadaṃ. **Kathetīti** “piṭākācariyosmī”ti kathayati. **Bhaṇatīti** “dhutaṅgikomhī”ti pākāṭaṃ karoti. **Dīpayatīti** “rūpajjhānaṃ lābhīmhī”ti paridīpayati. **Voharatīti** “arūpajjhānaṃ lābhīmhī”ti vākyabhedāṃ karoti.

Khandhakusalāti pañcasu khandhesu salakkhaṇasāmaññalakkhaṇesu chekā, ñātatīraṇapahānavasena kusalāti attho. **Dhātuāyatanapaṭiccasamuppādādisupi** eseve nayo. **Nibbānakusalāti** nibbāne chekā. **Anariyānanti** na ariyānaṃ. **Eso dhammotī** eso sabhāvo. **Bālānanti** apaṇḍitānaṃ. **Asappurisānanti** na sobhanapurisānaṃ. **Attāti** attānaṃ.

18. Santoti rāgādīkilesūpasamena santo. Tathā **abhinibbutatto. Iti’hanti sīlesu akatthamānoti** “ahamasmi sīlasampanno”tiādinā nayena iti sīlesu akatthamāno, sīlanimittaṃ attupānāyikaṃ vācaṃ abhāsamānoti vuttaṃ hoti. **Tamariyadhammaṃ kusalā vadantīti** tassa taṃ akatthanaṃ “ariyadhammo eso”ti buddhādayo khandhādīkusalā vadanti. **Yassussadā natthi kuhiñci loketi** yassa khīñāsavassa rāgādayo sattussadā kuhiñci loke natthi. Tassa taṃ akatthanaṃ “ariyadhammo eso”ti evaṃ kusalā vadantīti sambandho.

Santoti mūlapadaṃ. **Rāgassa samitattāti** rañjanalakkhaṇassa rāgassa samitabhāvena. **Dosādīsipi** eseve nayo. **Vijjhātattāti** sabbaparilāhānaṃ jhāpitattā. **Nibbutattāti** sabbasantāpānaṃ nibbāpitabhāvena. **Vigatattāti** sabbākusalābhisaṅkhārānaṃ vigatabhāvena dūrabhāvena. **Paṭipassaddhattāti** sabbākārena abhabbuppattikabhāvena. **Sattanaṃ dhammaṇaṃ bhinnattā bhikkhūti** upari vattabbānaṃ sattadhammaṇaṃ bhinditvā ṭhitabhāvena bhikkhu. Sakkāyadīṭṭhivīkicichāsīlabbataparāmāsoti ime tayo kilesā sotāpattimaggena bhinnā, rāgo dosoti ime dve kilesā oḷārikā sakadāgāmaggena bhinnā, te eva aṇusahagatā anāgāmaggena bhinnā, moho mānoti ime dve kilesā arahattamaggena bhinnā. Avasese kilese dassetuṃ “**bhinnāssa hontī pāpakā akusalā dhammā**”ti āha. **Samkilesikāti** kilesapaccayā. **Ponobhavikāti** punabbhavādāyikā. **Sadarāti** kilesadarathā ettha santīti sadarā. “Saddarā”tipi pāṭho, sahadarathāti attho. **Dukkhavipākāti** phalākāle dukkhadāyikā. **Ayatīti jātijarāmarañiyāti** anāgate jātijarāmarānaṃ paccayā.

Pajjena katena attanāti gāthāya ayaṃ piṇḍattho – yo attanā bhāvitena maggena parinibbānaṃ gato, kilesaparinibbānaṃ patto, parinibbānagatattā eva ca **vitīṇṇakaṅkho**, vipattisampattihānivuddhiucchedasassataapuññapuññappabhedam **bhavaṅca vibhavaṅca vipphāya** maggavāsaṃ **vusitavā** khīṇapunaabbhavoti etesaṃ thutivacanānaṃ araho so **bhikkhūti**.

Itihanti, idahanṭīti duvidho pātho. **Itīti padasandhi**ādayo sandhāya “idaha”nti pātham na rocenti. Tattha **itīti** yaṃ vuttam. **Padasandhīti** padānaṃ sandhi padasandhi, padaghaṇanti attho. **Padasamsaggoti** padānaṃ ekībhāvo. **Padapāripūrīti** padānaṃ paripūraṇaṃ dvinnam padānaṃ ekībhāvo. **Akkharasamavāyoti** ekībhūtopi aparipuṇṇopi hoti, ayaṃ na evaṃ. Akkharānaṃ samavāyo sannipāto hotīti dassanattam “akkharasamavāyo”ti āha. **Byañjanasiliṭṭhatāti** byañjanasamuccayo padamīti vuttanaṃ byañjanānaṃ atthabyañjanānaṃ atthabyattikāraṇānaṃ vā madhurabhāvattā pāthassa mudubhāvo. **Padānupubbatā metanti** padānaṃ anupubbabhāvo padānupubbatā, padapaṭipātibhāvoti attho. **Metanti** etaṃ. Katamanti ce? **Itīti** idaṃ. **Metanti** ettha ma-kāro padasandhivasena vutto. **Katthī hotīti** “ahamasmi sīlasampanno”ti attānaṃ ukkaṃsetvā kathanasīlo hoti. **Katthātīti** vuttanayena kathayati. **Vikatthātīti** vividhā kathayati. **Katthanāti** kathanā. **Āratoti** dūrato rato. **Viratoti** thānasānkantivasena vigatabhāvena rato. **Paṭiviratoti** tato nivattivā sabbākārena viyutto hutvā rato. Tattha piśācam viya disvā palāto ārato. Hatthimhi maddante viya paridhāvitvā gato virato. Yodhasampahāraṃ viya pothetvā maddetvā gato paṭivirato.

Khīṇāsavassāti khīṇakilesāsavassa. **Kammussadoti** puññābhisaṅkhāraapuññābhisaṅkhāraāneñjābhisaṅkhārasaṅkhātānaṃ kammānaṃ ussado ussannatā. **Yassimeti** yassa khīṇāsavassa ime ussādā.

19. Evaṃ khīṇāsavapaṭipattim dassetvā idāni diṭṭhigatikānaṃ titthiyānaṃ paṭipattiṅca dassento āha “**pakappitā saṅkhatā**”ti. Tattha **pakappitāti** parikappitā. **Saṅkhatāti** paccayābhisaṅkhatā. **Yassāti** yassa kassaci diṭṭhigatikassa. **Dhammāti** diṭṭhiyo. **Purakkhatāti** purato katā. **Santīti** saṃvijjanti. **Avivadātāti** avodātā. **Yadattani passati ānisaṃsaṃ, taṃ nissito kuppapaṭiccasantinti** yassete diṭṭhidhammā ‘purakkhatā avodātā santi, so evaṃvidho yasmā attani tassā diṭṭhiyā diṭṭhadhammikaṅca sakkārādiṃ, samparāyikaṅca gativisesādiṃ ānisaṃsaṃ sampassati, tasmā taṅca ānisaṃsaṃ, taṅca kuppapāya ca paṭiccasamuppannatāya ca sammutisantiṭāya ca kuppapaṭiccasantisāṅkhātānaṃ diṭṭhim nissito ca hoti. So taṃ nissitattā attānaṃ vā ukkaṃseyya, pare vā vambheyya abhūtehipi guṇadosehi.

Saṅkhatāti mūlapadam. **Saṅkhatāti** paccayehi samāgantvā katā. Upasaggavasena padam vaḍḍhitam. **Abhisaṅkhatāti** paccayehi abhikatā. **Sanṭhapitāti** paccayavaseneva sammā ṭhapitā. **Aniccāti** hutvā abhāvena. **Paṭiccasamuppannāti** vatthārammaṇaṃ paṭicca uppannā. **Khayadhammāti** kamena khayasabhāvā. **Vayadhammāti** pavattivasena parihāyanasabhāvā. **Virāgadhammāti** anivattī hutvā vigacchanasabhāvā. **Nirodhadhammāti** nirujjhanasabhāvā, anupattidhammā hutvā nirujjhanasabhāvāti attho. **Diṭṭhigatikassāti** dvāsaṭṭhiditṭhiyo gahetvā ṭhitapuggalassa.

Purekkhārāti pure katā. **Taṇhādhajoti** ussāpitaṭṭhena taṇhādhajo, taṇhāpaṭākā assa atthīti taṇhādhajo. Purecārikaṭṭhena taṇhā eva ketu assāti **taṇhāketu**. **Taṇhādhipeyyoti** chandādhipeyyasena, taṇhā adhipatito āgatāti vā taṇhādhipeyyo, taṇhādhipeyyo vā etassa atthīti taṇhādhipeyyo. **Diṭṭhidhajādīsupi** eseva nayo. **Avodātāti** aparisuddhā. **Samkiliṭṭhāti** sayam kiliṭṭhā. **Samkilesikāti** tapaniyā.

Dve ānisaṃse passatīti dve guṇe dakkhati. **Diṭṭhadhammikaṅca ānisaṃsanti** imasmiṃyeva attabhāve paccakkhadhammānisaṃsaṅca. **Samparāyikanti** paraloke pabbabam ānisaṃsaṅca. **Yaṃdiṭṭhiko sathā hotīti** sathā yathāladdhiko bhavati. **Taṃdiṭṭhikā sāvakā hontīti** tassa vacanaṃ suṇantā sāvakāpi tathāladdhikā honti. **Sakkarontīti** sakkārappattam karontī. **Garuṃ karontīti** garukārappattam karontī. **Mānentīti** manasā piyāyanti. **Pūjentīti** catupaccayābhīhārapūjāya pūjenti. **Apacitīm karontīti** apacitippattam karontī. Tattha yassa cattāro paccaye sakkaritvā suabhisaṅkhatē paṇīte katvā denti, so sakkato. Yasmiṃ garubhāvaṃ paṭṭhapetvā denti, so garukato. Yaṃ manasā piyāyanti, so mānito. Yassa sabbampetaṃ karontī, so pūjito. Yassa abhivādanapaccupaṭṭhānaañjalikammādivasena paramanipaccakāraṃ karontī, so apacito. Keci “**sakkarontī** kāyena, **garuṃ karontī** vācāya, **mānenti** cittena, **pūjenti** lābhenā”ti vaṇṇayanti. **Alaṃ nāgattāya vāti** nāgabhāvāya nāgarājabhāvāya vā alaṃ pariyattam. **Supaṇṇattāya vāti** supaṇṇarājabhāvāya. **Yakkhattāya vāti** yakkhasenāpatibhāvāya. **Asurattāya vāti** asurabhāvāya. **Gandhabbattāya vāti** gandhabbadevaghāṭe nibbattabhāvāya. **Mahārājattāya vāti** catunnaṃ mahārājānaṃ aññatarabhāvāya. **Indattāya vāti** sakkabhāvāya. **Brahmattāya vāti** brahmakāyikādīnaṃ aññatarabhāvāya. **Devattāya vāti** sammutidevādīnaṃ aññatarabhāvāya. **Suddhiyāti** parisuddhabhāvāya alaṃ pariyattam. **Visuddhiyāti** sabbamalarahitaaccantaparisuddhabhāvāya. **Parisuddhiyāti** sabbākārena parisuddhabhāvāya.

Tattha tiracchānayanīyaṃ adhipaccattam suddhiyā. Devaloke adhipaccattam visuddhiyā. Brahmaḷoke adhipaccattam parisuddhiyā. Caturāsītikappasahassāni atikkamitvā muccanattam **muttiyā**. Antarāyābhāvena muccanattam **vimuttiyā**. Sabbākārena muttiyā **parimuttiyā**. **Sujjhantīti** tasmīṃ samaye pabbajitabhāvena suddhim pāpuṇanti. **Visujjhantīti** pabbajjam gahetvā paṭipattiyā yuttabhāvena vividhena sujjhanti. **Parisujjhantīti** nipphattim pāpetvā sabbākārena sujjhanti. **Muccanti** tesam samayantaradhammena. **Vimuccanti** etassa sathuno ovādena. **Parimuccanti** etassa sathuno anusāsanena. **Sujjhissāmīti**ādayo anāgatavasena vuttā. **Āyatim phalapāṭikaṅkhitī** anāgate vipākaphalamākaṅkhamāno. Idaṃ diṭṭhigatikānaṃ icchāmatam. Diṭṭhigatāhi ijjhamānaṃ nirayaṃ vā tiracchānayanīyaṃ vā nipphādeti.

Accantasantīti atiantanissaraṇasanti. **Tadaṅgasantīti** paṭhamajjhānādiguṇaṅgena nīvaraṇādiaguṇaṅgam sametīti jhānaṃ tadaṅgasanti. **Sammutisantīti** samāhāravasena diṭṭhisanti. Tā vibhāgato dassetuṃ “**katamā accantasanti**”tiādimāha.

Amataṃ nibbānanti evamādayo heṭṭhā vuttatthāyeva. **Paṭhamam jhānam samāpannassa nīvaraṇā santā hontīti** evamādayo anto appanāyaṃ atisayavasena vuttā. Api ca sammutisanti imasmim atthe adhippetā, santīti itare dve santiyo paṭikkhipitvā sammutisantimeva dīpeti. **Kuppasantinti** vipākajanakavasena parivattanavasena calasantim. **Pakuppasantinti** visesena calasantim. **Eritasantinti** kampanasantim. **Sameritasantinti** visesena kampitasantim. **Calitasantinti** tasseva vevacanaṃ. **Ghaṭṭitasantinti** pīlitasantim. **Santim nissitoti** diṭṭhisankhātam santim nissito. **Assitoti** āsito visesena nissito. **Allīnoti** ekībhūto.

20. Evaṃ nissite tāva “**diṭṭhīnivesā...pe... ādiyati ca dhamma**”nti tattha **diṭṭhīnivesā**ti idaṃsaccābhīnivesasankhātāni diṭṭhīnivesanāni. **Na hi svātivattā**ti sukkena ativattitabbā na honti. **Dhammesu niccheyya samuggahitanti** dvāsaṭṭhidiṭṭhigatesu taṃ taṃ samuggahitaṃ abhinivīṭṭhadhammaṃ nicchinitvā pavatā diṭṭhīnivesā na hi svātivattāti vuttaṃ hoti. **Tasmā naro tesu nivesanesu, nirassati ādiyati ca dhammanti** yasmā na hi svātivattā, tasmā naro tesuyeva diṭṭhīnivesanesu ajasīlagosīlakukkurasiḷapañcātapamaruppapātaukkuṭikappadhānakaṇṭakāpassayādībhedaṃ sathhāraṃ dhammakkhānaṃ gaṇādībhedaṇca taṃ taṃ dhammaṃ nirassati ca ādiyati ca jahati ca gaṇhāti ca vanamakkaṭo viya taṃ taṃ sākhaṇṭi vuttaṃ hoti.

Evaṃ nirassanto ca ādiyanto ca anavaṭṭhitacittatā asantehipi guṇadosehi attano vā parassa vā yasāyasaṃ uppādeyya. **Durativattā**ti atikkamitaṃ dukkhā. **Duttarā**ti duuttarā. **Duppatarā dussamatikkamā dubbīnīvattā**ti upasaggena vaḍḍhitā.

Nicchinitvāti sassatavasena nicchayaṃ katvā. **Vinicchinitvā**ti attavasena nānāvidhena vinicchayaṃ katvā. **Vicinitvā**ti pariyesitvā. **Pavicinitvā**ti attaniyavasena sabbākārena pariyesitvā. “Nicinitvā vicinitvā”tipi pāṭho. **Odhiggāhoti** avadhīyitvā gāho. **Bilaggāhoti** koṭṭhāsavasena gāho “bilaso vibhajitvā”tiādisu (dī. ni. 2.378; ma. ni. 1.111) viya. **Varaggāhoti** uttamagāho. **Koṭṭhāsaggāhoti** avayavavasena gāho. **Uccayaggāhoti** rāsivasena gāho. **Samuccayaggāhoti** koṭṭhāsavasena rāsivasena ca gāho. **Idaṃ saccanti** idameva sabhāvaṃ. **Tacchanti** tathabhāvaṃ aviparītasabhāvaṃ. **Tathanti** vipariṇāmarahitaṃ. **Bhūṭanti** vijjamānaṃ. **Yāthāvanti** yathāsabhāvaṃ. **Aviparīṭanti** na viparītaṃ.

Nirassatīti niassati vikkhipati. **Paravicchindanāya vā**ti parehi vissajjāpanena. **Anabhisambhuṇanto vā**ti asampāpuṇanto vā asakkonto vā vissajjeti. **Paro vicchindeti** añño viyogaṃ karoti. **Natthetthā**ti natthi ettha. **Sīlaṃ anabhisambhuṇantoti** sīlaṃ asampādentoti. **Sīlaṃ nirassatīti** sīlaṃ vissajjeti. Ito paresupi eseva nayo.

21. Yo panāyaṃ sabbadiṭṭhigatādidosadhunanāya paññāya samannāgatattā dhono, tassa **dhonassa hi...pe... anūpayo so**. **Kim vuttaṃ hoti?** Dhonadhammasamannāgamā **dhonassa** dhutasabbapāpassa arahato katthaci **loke** tesu tesu **bhavesu** saṃkappanā **diṭṭhi natthi**. So tassā diṭṭhiyā abhāvā, yāya ca attanā kataṃ pāpakammaṃ paṭicchādentaṃ titthiyā māyāya vā mānena vā evaṃ agatiṃ gacchanti, tampi **māyāṇca mānaṇca pahāya dhono** rāgādīnaṃ dosānaṃ **kena gaccheyya**, diṭṭhadhamme samparāye vā nirayādīsu gatīvisesesu kena saṅkhaṃ gaccheyya, **anūpayo so**, so hi taṇhādīṭṭhiupayānaṃ dvīnaṃ abhāvena anūpayoti.

Kim kāraṇāti kena kāraṇena. **Dhonā vuccati paññā**ti dhonā itī kimkāraṇā paññā kathīyati. **Tāya paññāya kāyaduccaritanti** tāya vuttappakārāya paññāya kāyato pavattaṃ duṭṭhu kilesapūṭikattā vā caritanti kāyaduccaritaṃ. **Dhūtaṇca dhotaṇca**ti kampitaṇca dhovitaṇca. **Sandhotaṇca**ti sammā dhovitaṇca. **Niddhotaṇca**ti visesena suṭṭhu niddhotaṇca. **Rāgo dhuto cāti**ādayo catunnaṃ maggānaṃ vasena yojetabbā.

Sammādiṭṭhiyā micchādiṭṭhi dhutā cāti maggasampayuttāya sammādiṭṭhiyā micchādiṭṭhi kampitā calitā dhovitā. **Sammāsankappā**dīsipi eseva nayo. Vuttañhetam “sammādiṭṭhikassa, bhikkhave, micchādiṭṭhi nijjīṇṇā hoti”ti suttaṃ (a. ni. 10.106; dī. ni. 3.360) vitthāretabbaṃ. **Sammāñāṇanti** maggasampayuttañāṇena, paccavekkhañāṇena vā. **Micchāñāṇanti** viparītañāṇaṃ ayāthāvañāṇaṃ, pāpakiriyāsu upacintāvasena pāpaṃ katvā “sukataṃ mayā”ti paccavekkhañākārena ca uppanno moho. **Sammāvimuttiyā micchāvimutti**ti samucchadavimuttiyā viparīṭā ayāthāvavimuttiyeva cetovimuttisaññitā.

Arahā imehi dhoneyyehi dhammehiti rāgādīhi kilesehi dūre ṭhito arahā imehi vuttappakārehi kilesadhovanehi dhammehi upeto hoti. **Dhono**ti dhono puggalo, teneva “**so dhutarāgo**”tiādayo āha.

Māyā vuccati vañcanikācariyāti vañcanakiriyāṃ vañcanakaraṇaṃ assā atthīti vañcanikācariyā. **Tassa paṭicchādanahetū**ti tesam duccharitānaṃ appakāsanaṅkāraṇā. **Pāpikaṃ icchaṃ paṇidaha**ti lāmakam patthanaṃ patiṭṭhāpeti. “**Mā maṃ jaññā**”ti **iccha**ti “mayham kataṃ pāpaṃ pare mā jāniṃsū”ti paccāsīsati. **Saṅkappeti**ti vitakkaṃ uppādeti. **Vācaṃ bhāsati**ti jānaṃyeva paṇṇattim vītikkamanto bhikkhu bhāriyaṃ karoti. “Amhākaṃ vītikkamaṭṭhānaṃ nāma natthi”ti upasanto viya bhāsati. **Kāyena parakkama**ti “mayā kataṃ idaṃ pāpakammaṃ mā keci jāniṃsū”ti kāyena vattaṃ karoti. Vijjamānadosapaṭicchādanato cakkhumohanamāyā assatī māyāvī, māyāvīno bhāvo **māyāvī**tā. Katvā pāpaṃ puna paṭicchādanato aticca assarati etāya sattoti **accasarā**. Kāyavācākiriyāhi aññathā dassanato vañceti **vañcanā**. Etāya sattā nikarontīti **nikati**, micchā karontīti attho. “Nāham evaṃ karomī”ti pāpānaṃ vikkhipanato **nikiraṇā**. “Nāham evaṃ karomī”ti parivajjanato **pariharaṇā**. Kāyādīhi saṃharaṇato **gūhanā**. Samabhāgena gūhanā **parigūhanā**. Tiṇapaṇṇehi viya gūtham kāyavacīkammehi pāpaṃ chādetīti **chādanā**. Sabbathāgena chādanā **paricchādanā**. Na uttāniṃ katvā dasseti **anuttānikammaṃ**. Na pākātam katvā dasseti **anāvīkammaṃ**. Suṭṭhu chādanā **vocchādanā**. Katapaṭicchādanavasena punapi pāpassa karaṇato **pāpakiriyā**. **Ayam vuccati**ti ayam katapaṭicchādanalakkaṇā māyā nāma vuccati, yāya samannāgato puggalo

bhamaṇṇaṇṇa viya aṅgāro, udakaṇṇaṇṇa viya khāṇu, pilotikapaliveṇṇa viya ca satṇṇa hoti.

Ekavidhena mānoti ekaparicchedena ekakoṇṇhāsena māno. **Yā cittassa unnaṇṇi** yā cittassa abhussāpanā, ayaṇ mānoti attho. Ettha puggalaṇṇa anāmasivā nibbattitamānova vutto.

Attukkaṇṇanamānoti attāṇaṇṇa upari ṇṇapanamāno. **Paravambhanamānoti** pare lāmakakaraṇamāno. Ime dve mānā yebhuyyena tathā pavattākāravasena vuttā.

“Seyyohamasmi”ti mānoti jātiādāni nissāya “ahamasmi seyyo”ti uppanno māno. **Sadisamānādīsipi** ese va nayo. Evamimepi tayo mānā puggalavisesaṇṇa anissāya tathā pavattākāravasena vuttā. Tesu ekeko tiṇṇampi seyyasadisahīnāṇaṇṇa uppajjati. Tatha “seyyohamasmi”ti māno seyyasēva yāthāvamāno, sesāṇaṇṇa ayāthāvamāno. **“Sadisoamasmi”ti māno** sadisāsēva yāthāvamāno, sesāṇaṇṇa ayāthāvamāno. **“Hīnohamasmi”ti māno** hīnasēva yāthāvamāno, sesāṇaṇṇa ayāthāvamāno.

Catubbidhena māno lokadhammasena vutto. Pañcavidhena māno pañcakāmaguṇavasena vutto. Chabbidhena māno cakkhādisampattivasena vutto. Tatha **mānaṇṇa janēti** mānaṇṇa uppādeti.

Sattavidhena mānaniddese **mānoti** unnamo. **Atimānoti** “jātiādāni māyā sadiso natthi”ti atikkamivā mañṇanavasena uppanno māno. **Mānātimānoti** “ayaṇ pubbe māyā sadiso, idāni ahaṇ seṇṇo, ayaṇ hīnataro”ti uppanno māno. Ayaṇ bhārātibhāro viya purimaṇṇa sadisamānaṇṇa upādāya mānātimāno nāmāti dassetuṇṇa **“mānātimāno”ti āha**. **Omānoti** hīnamāno. Yo “hīnohamasmi”ti māno nāma vutto, ayaṇ omāno nāma. Api cettha “tvam jātimā, kākajāti viya te jāti. Tvam gottavā, caṇḍālagoṇṇa viya te gottaṇṇa. Tuyhaṇṇa saro atthi, kākasaro viya te saro”ti evaṇ attāṇaṇṇa heṇṇhā katvā pavattanavasena ayaṇ “omāno”ti veditabbo.

Adhimānoti cattāri saccāni appatvā pattasañṇissa, catūhi maggehi kattaṇṇa kicce akateyeva katasañṇissa, catusaccadhamme anadhigata adhigatasañṇissa, arahatte asacchikate sacchikatasañṇissa uppanno adhigatamāno adhimāno nāma. Ayaṇ pana kassa uppajjati, kassa na uppajjati? Ariyasāvakaṇṇa tāva na uppajjati. So hi maggaṇṇa bhānāpāhīnakilesāvāsīṇṇa kilesapaccavekkhaṇaṇṇa sañjātasomanasso ariyaguṇapaṇṇivedhe nikkāṇṇo, tasmā sotāpannādānaṇṇa “ahaṇ sakadāgāmi”tiādivasena māno na uppajjati, dussīlassa ca na uppajjati. So hi ariyaguṇadhigame nirāsova. Sīlavatopi pariccattakammaṇṇa niddārāmāṇaṇṇa niddānuyuttassa na uppajjati, parisuddhasīlassa pana kammaṇṇa appamattassa nāmarūpaṇṇa vavathapetvā paccayapariggahena vitṇṇakāṇṇaṇṇa tilakkhaṇaṇṇa āropetvā saṇṇkhāre sammāsantassa āradhāvīpassakassa uppajjati, uppanne ca suddhasamathalābhī suddhāvīpassanālābhī vā antarā ṇṇapeti. So hi dasapi vassāni vīsampi vassāni tiṇṇampi vassāni asīṇṇi vassāni kilesasamudācāraṇṇa aṇṇanto “ahaṇ sotāpanno”ti vā “sakadāgāmi”ti vā “anāgāmi”ti vā mañṇati, samathāvīpassanālābhī pana arahatteyeva ṇṇapeti. Tassa hi samādhībalena kilesā vikkhambhīṇṇa, vīpassanābalena saṇṇkhārā supariggahīṇṇa, tasmā saṇṇhipi vassāni asīṇṇi vassāni vassasatampi kilesā na samudācāraṇṇi, khīṇāsavasēva cittaṇṇo hoti. So evaṇ dīgharaṇṇa kilesasamudācāraṇṇa aṇṇanto antarā aṇṇatvāva “arahā aha”nti mañṇati.

Asmimānoti rūpe asmītiādānaṇṇa nayena pañcasu khandhesu “ahaṇ rūpādayo”ti uppanno māno. **Micchāmānoti** pāpakehi kammāyatanaṇṇa sippāyatanaṇṇa vijjāṇaṇṇa sutapaṇṇibhānaṇṇa sīlabbātehi, pāpikāya ca dīṇṇi viya uppanno māno. Tatha **pāpakaṇṇa kammāyatanaṇṇa** nāma kevaṇṇa macchabandhanasādānaṇṇa kammaṇṇa. **Pāpakaṇṇa sippāyatanaṇṇa** nāma macchājālakhipakumīnakaraṇeṇṇa ceva pāsādaṇṇa sūlāropanādīsū ca chekatā. **Pāpakaṇṇa vijjāṇaṇṇa** nāma yā kāci parūpaṇṇa sippāyā vijjā. **Pāpakaṇṇa sutanaṇṇa** nāma bhārāyuddhasīṇṇa hāraṇāṇṇa dīpaṇṇiṇṇa. **Pāpakaṇṇa paṇṇibhānaṇṇa** nāma dubbhāsītayuttaṇṇa kappanāṇṇa kavalappanādīpaṇṇiṇṇa. **Pāpakaṇṇa sīlanaṇṇa** nāma aṇṇasīlanaṇṇa gosīlanaṇṇa. **Vatampi** aṇṇatagovatameva. **Pāpikā dīṇṇi** pana dvāsāṇṇi dīṇṇigatesu yā kāci dīṇṇi. **Aṇṇavidhamāno** uttānatthoyeva.

Navavidhena mānaniddese **seyyassa “seyyohamasmi”tiādayo** nava mānā puggalaṇṇa nissāya vuttā. Ettha pana **seyyassa “seyyohamasmi”ti māno** rājānaṇṇeṇṇa pabbajitānaṇṇa uppajjati. Rājā hi “raṇṇhena vā dhanavāhanehi vā ko māyā sadiso atthi”ti etaṇ mānaṇṇa karoti. Pabbajitopi “sīladhutaṇṇadāni ko māyā sadiso atthi”ti etaṇ mānaṇṇa karoti.

Seyyassa “sadisoamasmi”ti mānopi etesaṇṇeṇṇa uppajjati. Rājā hi “raṇṇhena vā dhanavāhanehi vā aṇṇarājūhi saddhīṇṇa māyhaṇṇa kiṇṇa nānākaṇṇa”nti etaṇ mānaṇṇa karoti. Pabbajitopi “sīladhutaṇṇadāni aṇṇeṇṇa bhikkhūṇṇa māyhaṇṇa kiṇṇa nānākaṇṇa”nti etaṇ mānaṇṇa karoti.

Seyyassa “hīnohamasmi”ti mānopi etesaṇṇeṇṇa uppajjati. Yassa hi raṇṇo raṇṇhaṇṇa vā dhanavāhanādāni vā nātisampannāni honti, so “māyhaṇṇa rājāti vohārasukhamattakameva, kiṇṇa rājā nāma aha”nti etaṇ mānaṇṇa karoti. Pabbajitopi appalābhasakkāro “ahaṇ dhammakathiko, bahussuto, mahātheroti kathāmattameva, kiṇṇa dhammakathiko nāmāhaṇṇa, kiṇṇa bahussuto nāmāhaṇṇa, kiṇṇa mahāthero nāmāhaṇṇa, yassa me lābhasakkāro natthi”ti etaṇ mānaṇṇa karoti.

Sadisassa “seyyohamasmi”ti mānādayo amaccādānaṇṇa uppajjanti. Amacco vā hi raṇṇhiyo vā “bhogayānavāhanādāni ko māyā sadiso aṇṇo rājapuriso atthi”ti vā, “māyhaṇṇa aṇṇeṇṇa saddhīṇṇa kiṇṇa nānākaṇṇa”nti vā, “amaccoti nāmameva māyhaṇṇa, ghāsacchādanamattampi me natthi, kiṇṇa amacco nāmāha”nti vā ete māne karoti.

Hinassa “seyyohamasmi”ti mānādayo dāsādānaṇṇa uppajjanti. Dāso hi “mātito vā pitito vā ko māyā sadiso aṇṇo dāso

nāma atthi, aññe jīvitum asakkontā kucchihetu dāsā nāma jātā, ahaṃ pana pavenāgatattā seyyo’’ti vā, ‘‘pavenāgatabhāvena ubhatosuddhikadāsattena asukadāsena nāma saddhiṃ ki mayhaṃ nānākaraṇa’’nti vā, ‘‘kucchivasenāhaṃ dāsabyaṃ upagato, mātāpitukoṭṭiyā pana me dāsattāhaṃ natthi, kiṃ dāso nāma aha’’nti vā ete māne karoti. Yathā ca dāso, evaṃ pukkusaṇḍalādayopi ete māne karontiyeva.

Ettha ca seyyassa ‘‘seyyohamasmī’’ti uppannamāno vā yāthāvamāno, itare dve ayāthāvamānā. Tathā sadisassa ‘‘sadisohamasmī’’ti, hīnassa ‘‘hīnohamasmī’’ti uppannamāno vā yāthāvamāno, itare dve ayāthāvamānā. Tattha yāthāvamānā arahattamaggavajjhā, ayāthāvamānā sotāpattimaggavajjhā.

Ettha ca seyyassa ‘‘seyyohamasmī’’ti māno uttamassa uttamattāhena ‘‘ahaṃ seyyo’’ti evaṃ uppannamāno, seyyassa ‘‘sadisohamasmī’’ti māno uttamassa samattāhena ‘‘ahaṃ sadiso’’ti evaṃ uppannamāno. Seyyassa ‘‘hīnohamasmī’’ti māno uttamassa lāmakattāhena ‘‘ahaṃ hīno’’ti evaṃ uppannamāno. Evaṃ seyyamāno sadisamāno hīnamānoti ime tayo mānā seyyassa uppajjanti. Sadisassāpi ahaṃ seyyo, sadiso, hīnoti tayo mānā uppajjanti. Hīnassāpi ahaṃ hīno, sadiso, seyyoti tayo mānā uppajjanti.

Dasavidhamānaniddese **idhekacco mānaṃ janeti** ekacco puggalo mānaṃ janayati. **Jātiyā vāti** khattiyabhāvādi jātisampattiyā vā. **Gottena vāti** gotamagottādinā ukkaṭṭhagottena vā. **Kolaputtiyena vāti** mahākulabhāvena vā. **Vaṇṇapokkharatāya vāti** vaṇṇasampannasārīratāya vā. Sarīrañhi ‘‘pokkhara’’nti vuccati, tassa vaṇṇasampattiyā abhirūpabhāvenāti attho. **Dhanena vāti** dhanasampannabhāvena vā, mayhaṃ nidhānagatassa dhanassa pamāṇaṃ natthīti attho. **Ajjhenena vāti** ajjhāyanavasena vā. **Kammāyatanena vāti** ‘‘avasesā sattā chinnapakkhākākasadisā, ahaṃ pana mahiddhiko mahānubhāvo’’ti vā, ‘‘ahaṃ yaṃ yaṃ kammaṃ karomi, taṃ taṃ samijjhati’’ti vā evamādinayappavattena kammāyatanena vā. **Sippāyatanena vāti** ‘‘avasesā sattā nisippā, ahaṃ sippavā’’ti evamādinayappavattena sippāyatanena vā. **Vijjāṭṭhānena vāti** idaṃ heṭṭhā vuttanayameva. **Sutena vāti** ‘‘avasesā sattā appassutā, ahaṃ pana bahussuto’’ti evamādisutena vā. **Paṭibhānena vāti** ‘‘avasesā sattā appaṭibhānā, mayhaṃ pana paṭibhānappamāṇaṃ natthī’’ti evamādi paṭibhānena vā. **Aññataraññātarena vā vatthunāti** avuttana aññena vatthunā vā. **Yo evarūpo mānoti** mānakaraṇavasena māno. **Maññanā maññitattanti** ākārabhāvaniddeso. Ussitattāhena **unnati**. Yassuppajjati, taṃ puggalaṃ unnāmeti ukkhipitvā ṭhāpeti **unnāmo**. Samussitattāhena **dhajo**. Ukkhipanattāhena cittaṃ sampaggaṇhātīti **sampaggāho**. Ketu vuccati bahūso dhajesu accuggatadhajo. Mānopi punappanaṃ uppajjamāno aparāpare upādāya accuggatattāhena ketu viyāti ketu, taṃ ketuṃ icchatīti ketukamyāṃ, tassa bhāvo **ketukamyatā**. Sā pana cittaṃ, na attano. Tena vuttaṃ ‘‘ketukamyatā cittaṃ’’ti. Mānasampayuttañhi cittaṃ ketuṃ icchati, tassa bhāvo, ketusaṅkhāto mānoti. **Dhono māyañca mānañca pahāya pajahitvā** yo so dhono arahā heṭṭhā vuttanayena vinodanabyantīkaraṇādivasena kilese pajahitvā ṭhito, so tena rāgādīnā kilesena gaccheyya.

Nerayikoti vāti niraye nibbattakasattoti vā. **Tiracchānāyonikā** dīsipi eseva nayo. **So hetu natthīti** yena janakahetunā gatiyādīsū nibbatteyya, so hetu natthi. **Paccayoti** tasseva vevacanaṃ. **Kāraṇanti** ṭhānaṃ. Kāraṇaṃhi tadāyattavuttitāya attano phalassa ṭhānanti vuccati. Tasmā yena hetunā yena paccayena gatiyādīsū nibbatteyya, taṃ kāraṇaṃ natthi.

22. Yo pana nesaṃ dvinnāṃ upayānaṃ bhāvena upayo hoti, so **upayo hi...pe... diṭṭhimidheva sabbanti**. Tattha **upayoti** taṇhādiṭṭhinissito. **Dhammesu upeti vādanti** ‘‘ratto’’ti vā ‘‘duṭṭho’’ti vā evaṃ tesu tesu dhammesu upeti vādaṃ. **Anūpayāṃ kena kathaṃ vadeyyāti** taṇhādiṭṭhippahānena pana anūpayāṃ khīṇāsavaṃ kena rāgena vā dosena vā kathaṃ ‘‘ratto’’ti vā ‘‘duṭṭho’’ti vā vadeyya. Evaṃ anupavajjo ca so kiṃ tiṭṭhiyā viya katapaṭicchādako bhavissatīti adhippāyo. **Attā nirattā na hi tassa atthīti** tassa hi attadiṭṭhi vā ucchedadiṭṭhi vā natthi, gahaṇamuñcanaṃ vāpi attanirattasaññitaṃ natthi. Kiṃ kāraṇā natthīti ce? **Adhosi so diṭṭhimidheva sabbanti**. Yasmā so idheva attabhāve ñānambunā sabbadiṭṭhigataṃ adhosi pajahi vinodesīti arahattanikūṭena desanaṃ niṭṭhāpesi. Taṃ sutvā rājā attamano bhagavantaṃ abhivādetvā pakkāmīti.

Rattoti vāti rāgena rattoti vā. **Duṭṭhoti vāti** dīsipi eseva nayo. **Te abhisāṅkhārā appahīnāti** ye puññāpuññāneñjābhisāṅkhārā, te appahīnā. **Abhisāṅkhārānaṃ appahīnattāti** tesāṃ vuttappakāraṇaṃ kammābhisāṅkhārānaṃ na pahīnabhāvena. **Gatiyā vādaṃ upeti** pañcannaṃ gatīnaṃ aññatarāya kathaṃ upagacchati. Tenevāha – ‘‘nerayikoti vā...pe... vādaṃ upeti upagacchati’’ti. **Vadeyyāti** katheyya. **Gahitaṃ natthīti** gahetabbaṃ natthi. **Muñcitabbaṃ natthīti** muñcitvā ṭhitattā mocetabbaṃ natthi.

Yassatthi gahitanti yassa puggalassa ‘‘ahaṃ mamā’’ti gahitaṃ atthi. **Tassatthi muñcitabbanti** tassa puggalassa mocetabbaṃ atthi. Upari padāni parivattetvā yojetabbāni. **Gahaṇaṃ muñcanā samatikkantoti** gahaṇamocanā arahā atikkanto. **Buddhiparihānīvītivattoti** vaḍḍhiñca parihāniñca atikkamitvā pavatto. **So vuṭṭhavāsoti** diṃ katvā **ñānagginā daḍḍhānīti** pariyoṣanaṃ heṭṭhā vuttanayameva. **Adhosi**ti kantesi. **Dhuni sandhuni niddhunīti** upasaggena padaṃ vaḍḍhitaṃ.

Saddhammapajjotikāya mahāniddesaṭṭhakathāya

Duṭṭhatṭhakasuttaniddesaṇṇanā niṭṭhitā.

4. **Suddhatṭhakasuttaniddesaṇṇanā**

23. Catutthe suddhatthake paṭhamagāthāya tāvattho – na, bhikkhave, evarūpena dassanena suddhi hoti, api ca kho kilesamalīnatā asuddham, kilesarogānaṃ adhiḡamā sarogameva candābham brahmanam, aññaṃ vā evarūpaṃ disvā diṭṭhigatiko bālo abhijānāti “**passāmi suddham paramam arogam**, tena ca diṭṭhisāṅkhātena dassanena **samsuddhi narassa hoti**”ti, so evaṃ abhijānanto taṃ dassanaṃ “**parama**”nti **ñātvā** tasmim dassane **suddhānupassī** samāno taṃ dassanaṃ “**maggañña**”nti **pacceti**. Taṃ pana maggaññaṃ na hoti.

Paramam ārogyappattanti uttamaṃ nibyādhiṃ pāpuṇivā ṭhitaṃ. **Tānappattanti** tathā pālanappattaṃ. **Leṇappattanti** nilīyanappattaṃ. **Saraṇappattanti** patiṭṭhāpattaṃ, dukkhanāsaṇaṃ vā pattaṃ. **Abhayappattanti** nibbhayabhāvappattaṃ. **Accutappattanti** niccalabhāvaṃ pattaṃ. **Amatappattanti** amataṃ mahānibbānaṃ pattaṃ. **Nibbānappattanti** vānaviraḡitaṃ pattaṃ.

Abhijānantoti visesena jānanto. **Ājānantoti** ājānamāno. **Vijānantoti** anekavidhena jānamāno. **Paṭivijānantoti** taṃ taṃ paṭicca vijānamāno. **Paṭivijjhantoti** hadaye kurumāno.

Cakkhuviññāṇam rūpadassanenāti cakkhuviññāṇena rūpadassanaṃ. **Ñānanti pacceti**ti pañña itī saddahati. **Maggoti pacceti**ti “upāyo”ti saddahati. **Pathoti** sañcāro. **Nīyananti** gahetvā yāṭīti nīyanaṃ. “Nīyāna”nti vā pāṭho.

24. “**Diṭṭhena ce suddhi**”ti dutiyagāthā. Tassattho – tena rūpadassanasāṅkhātena **diṭṭhena** yadi kilesasuddhi narassa hoti, tena vā **ñāṇena** so yadi jātiādidukkham **pajahāti**, evaṃ sante ariyamaggato **añña** asuddhimaggeneva so **sujjhati**, rāgādīhi upadhīhi saupadhiko eva samāno sujjhātīti vattabataṃ āpanno hoti, na ca evaṃvidho sujjhati. Tasmā **diṭṭhi hi nam pāva tathā vadānaṃ**, sā naṃ diṭṭhiyeva “micchādiṭṭhiko aya”nti katheti, diṭṭhianurūpaṃ “sassato loko”tiādinā nayena tathā tathā vadatīti.

Rāgena saha vattatīti **sarāgo**, rāgavāti attho. **Sadosotiādisupi** ese va nayo.

25. **Na brāhmaṇoti** tatiyagāthā. Tassattho – yo pana bāhitapāpattā **brāhmaṇo** hoti, so maggena adhiḡatāsavakkhayo khīṇāsavabrāhmaṇo ariyamaggaññaṇato aññaena abhimaṅgalasammatarūpasāṅkhāte **diṭṭhe**, tathāvidhasaddasāṅkhāte **sute**, avṭīkkamasāṅkhāte **sīle**, hatthivatādībhede **vate**, pathaviādībhede **mute** ca upannena micchāññaṇena **suddhiṃ na** āhāti. Sesamassa brāhmaṇassa vaṇṇabhaṇaṇāya vuttaṃ. So hi tedhātukapuñña sabbasmiṇca **pāpe anūpalitto**, kasmā? Tassa pahīnattā tassa attadiṭṭhiyā, yassa kassaci vā gahaṇassa pahīnattā **attañjaho**, puññaḡbhisaṅkhārādīnaṃ akaraṇato “**nayidha pakubbamāno**”ti vuccati. Tasmā naṃ evaṃ pasamsanto āha. Sabbasseva cassa purimāpādena sambandho vedītabbo – puñña ca pāpe ca anūpalitto attañjaho nayidha pakubbamāno na brāhmaṇo aññaṇato suddhimāhāti. **Nāti paṭikkhepoti** na itī paṭisedho.

Bāhitvā sabbapāpakānīti gāthāyattho – yo catutthamaggena bāhitvā sabbapāpakāni **ṭhitatto** ṭhitocceva vuttaṃ hoti. Bāhitapāpattā eva ca **vimalo** vimalabhāvaṃ brahmabhāvaṃ seṭṭhabhāvaṃ patto, paṭinissatṭhasamādhivikkhepakarakilesamalena aggamaggaphalasaṃmādhīnā **sādhusamāhito**, saṃsārahetusamatikkamena **samsāramaticca** pariniṭṭhitakiccatāya **kevalīti** ca, taṇhādiṭṭhīhi anissitattā **anissitoti** ca, lokadhammehi nibbikāratā **tādīti** ca pavuccati. Evaṃ thutiraho **sa brahmā** so brāhmaṇoti.

Aññaṇtra satipaṭṭhānehīti cattāro satipaṭṭhāne muñcītvā. **Sammappadhānādisupi** ese va nayo.

Santeke samaṇabrāhmaṇāti ekacce lokasaṅketena “samaṇabrāhmaṇā”ti laddhavohārā saṃvijjanti. **Diṭṭhasuddhikā**ti diṭṭhena suddhiṃ icchamānā. **Te ekaccānaṃ rūpānaṃ dassananti** ete diṭṭhasuddhikā etesaṃ rūpārammaṇānaṃ olokanaṃ. **Maṅgalaṃ pacceti**ti iddhikāraṇaṃ buddhikāraṇaṃ sabbasampattikāraṇaṃ patiṭṭhāpenti. **Amāṅgalaṃ pacceti**ti aniddhikāraṇaṃ na buddhikāraṇaṃ na sampattikāraṇaṃ patiṭṭhāpenti. **Te kālato vuṭṭhahitvā**ti ete diṭṭhādimaṅgalikā puretameva uṭṭhahitvā. **Abhimaṅgalagatānīti** visesena vuḡḡdhikāraṇagatāni. **Rūpāni passanti**ti nānāvidhāni rūpārammaṇāni dakkhanti. **Cāṭakasakuṇanti** evaṃnāmakam. **Phussavejuvalaṭṭhīnti** phussanakkhattena uppannaṃ taruṇabejuvalaṭṭhīṃ. **Gabbhinīthīnti** sagabbhaṃ itthīṃ. **Kumārakaṃ khandhe āropetvā gacchantanti** taruṇadāraṇaṃ aṃse ussāpetvā gacchamānaṃ. **Puṇṇaghaṭanti** udakapuṇṇaghaṭaṃ. **Rohitamacchanti** rattarohitamacchaṃ. **Ājaññarathanti** sindhavayuttarathaṃ. **Usabhanti** maṅgalausabhaṃ. **Gokapilanti** kapilagāviṃ.

Palālapuñjanti thusarāsiṃ. **Takkaghaṭanti** gotakkādīpūritacāṭiṃ. **Rittaghaṭanti** tucchaghaṭaṃ. **Naṭanti** naṭakādīṃ. “Dhuttakiriya”nti eke. **Naggasamaṇakanti** niccolasamaṇaṃ. **Kharanti** gadrabhaṃ. **Kharayānanti** gadrabhayuttaṃ vayhādikaṃ. **Ekayuttayānanti** ekena vāhanena saṃyuttaṃ yānaṃ. **Kāṇanti** ekakkhiubhayakkhikāṇaṃ. **Kuṇinti** hatthakuṇiṃ. **Khañjanti** khañjapādaṃ tiriyagatapādaṃ. **Pakkhahatanti** pīṭhasappiṃ. **Jiṇṇakanti** jarājīṇaṃ. **Byādhikanti** byāधिपīṭitaṃ. **Matanti** kālaṅkataṃ.

Sutasuddhikāti sotaviññāṇena sutena suddhiṃ icchamānā. **Saddānaṃ savananti** saddārammaṇānaṃ savanaṃ. **Vaḡḡdhā**ti vātiādayo loke pavattasaddamattāni gahetvā vuttā. Amāṅgalaṃ pana “**kāṇo**”tiādinā tena tena nāmena vuttasaddāyeva. “**Chinda**”nti vāti hatthapādādicchinnanti vā. “**Bhinda**”nti vāti sīsādibhinnanti vā. “**Daḡḡdha**”nti vāti agginā jhāpīnti vā. “**Naṭṭha**”nti vāti corādīhi vināsīnti vā. “**Natthi**”ti vāti na vijjātīti vā.

Sīlasuddhikāti sīlena visuddhiṃ icchanakā. **Sīlamattenā**ti saṃvaraṇamattena. **Samyamamattenā**ti uparamamattena. **Samvaramattenā**ti dvārathakanamattena. **Avītikkamamattenā**ti na atikkamitamattena. **Samaṇo muṇḍikāputtoti** māṭito laddhanāmaṃ. **Sampannakusalanti** paripuṇṇakusalāmaṃ. **Paramakusalanti** uttamakusalāmaṃ. **Uttamapattippattanti** uttamāmaṃ arahattaṃ pāpuṇṇitabbataṃ patvā t̥hitaṃ. **Ayojjanti** parājetuṃ asakkuṇeyyaṃ samaṇāmaṃ.

Vatasuddhikāti samādānena vatena suddhiṃ icchanakā. **Hatthivatikā** vāti samādinnaṃ hatthivataṃ etesaṃ atthīti hatthivatikā, sabbahatthikiriyaṃ karontīti attho. Kathaṃ? “Aja paṭṭhāya hatthīhi kātabbaṃ karissāmī”ti evaṃ uppannacittā hatthīnaṃ gamanākāraṃ tiṭṭhanākāraṃ nisīdanākāraṃ sayanākāraṃ uccārapassāvakaṇākaṃ, aññe hatthī disvā soṇḍaṃ ussāpetvā gamanākāraṇca sabbāmaṃ karontīti **hatthivatikā**. **Assavatikā**disupi labbhamānavasena yathāyogaṃ yojetabbāmaṃ. Tesu avasāne **disāvatikā** vāti puratthimādisānaṃ namassanavasena samādinnaḍisāvatikā, etesaṃ vuttappakāraṇāmaṃ samaṇabrāhmaṇānaṃ vatasamādānaṃ sampajjāmaṇāmaṃ hatthiādīnaṃ sahaḍyataṃ upaneti. Sace kho panassa micchādīṭṭhi hoti “imināhaṃ sīlavatasamādānabrahmacariyena devo vā devaññataro vā homī”ti cintayantassa nirayatiracchānayoṇīnaṃ aññataro hotīti nītabbaṃ. Vuttañhettaṃ bhagavatā (ma. nī. 2.79) –

“Idha, puṇṇa, ekacco kukkuravataṃ bhāveti paripuṇṇāmaṃ abbokiṇṇāmaṃ, kukkurasīlaṃ bhāveti paripuṇṇāmaṃ abbokiṇṇāmaṃ, kukkuracittaṃ bhāveti paripuṇṇāmaṃ abbokiṇṇāmaṃ, kukkurākaṇṇāmaṃ bhāveti paripuṇṇāmaṃ abbokiṇṇāmaṃ. So kukkuravataṃ bhāvetvā paripuṇṇāmaṃ abbokiṇṇāmaṃ, kukkurasīlaṃ bhāvetvā paripuṇṇāmaṃ abbokiṇṇāmaṃ, kukkuracittaṃ bhāvetvā paripuṇṇāmaṃ abbokiṇṇāmaṃ, kukkurākaṇṇāmaṃ bhāvetvā paripuṇṇāmaṃ abbokiṇṇāmaṃ kāyassa bhedā paraṃ maraṇāṃ kukkurānaṃ sahaḍyataṃ upapajjati. Sace kho panassa evaṃdīṭṭhi hoti ‘imināhaṃ sīlena vā vatena vā tapena vā brahmacariyena vā devo vā bhavissāmi devaññataro vā’ti, sāsā hoti micchādīṭṭhi. Micchādīṭṭhissa kho ahaṃ, puṇṇa, dvinnaṃ gatīnaṃ aññatarāmaṃ gatim vadāmi nirayaṃ vā tiracchānayoṇim vā. Iti kho, puṇṇa, sampajjāmaṇāmaṃ kukkuravataṃ kukkurānaṃ sahaḍyataṃ upaneti, vipajjāmaṇāmaṃ niraya”nti.

Gandhabbavatikādayo gandhabbādīnaṃ sahaḍyataṃ upagacchantīti attho na gahetabbo, micchādīṭṭhiyā gahitattā nirayatiracchānayoṇimeva upagacchantīti gahetabbo.

Mutasuddhikāti phusitena suddhikā. **Pathaviṃ āmasantī**ti sasambhārikaṃ mahāpathaviṃ kāyena phusanti. **Haritanti** allanīlasaddalaṃ. **Gomayanti** gavādigomayaṃ. **Kacchapanti** aṭṭhikacchapādiānekaḍvidhaṃ. **Phālaṃ akkamantī**ti ayaphālaṃ maddanti. **Tilavāhanti** tilasakaṭaṃ tilarāsīmaṃ vā. **Phussatilaṃ khādantī**ti maṅgalapaṭisaṃyuttaṃ tilaṃ khādanti. **Phussatelaṃ makkhentī**ti tathārūpaṃ tilatelaṃ sarīrabbañjanaṃ karontī. **Dantakaṭṭhanti** dantapoṇāmaṃ. **Mattikāya nhāyantī**ti kuṅkuṭṭhādīkāya saṅghamattikāya sarīraṃ ubbaṭṭetvā nhāyanti. **Sāṭakaṃ nivāsentī**ti maṅgalapaṭisaṃyuttaṃ vatthaṃ paridahanti. **Veṭhanaṃ veṭhentī**ti sīsaveṭhanaṃ pattuṇṇādiṭṭaṃ sīse t̥hapenti paṭimuccanti.

Tedhātukaṃ kusalābhisaṅkhāranti kāmadhāturuṇpadhāturuṇpadhātūsu paṭisaṇdhidāyakaṃ kosallasambhūtaṃ paccayābhisaṅkhāraṃ. **Sabbāmaṃ akusalanti** dvādasavidhaṃ akosallasambhūtaṃ akusalāmaṃ. **Yatoti** yadā. Te dasavidho puṇṇābhisaṅkhāro ca, dvādasavidho apuṇṇābhisaṅkhāro ca, catubbidho āneṇjābhisaṅkhāro ca yathānuruṇpaṃ samucchadappahānena pahīnā hontī. **Attadīṭṭhijahoti** “eso me attā”ti gahitadīṭṭhiṃ jaho. **Gāhaṃ jahoti** “esohamasmi”ti mānasampayuttagaḥaṇāmaṃ jaho. Puna **attañjahoti** “etaṃ mamā”ti taṇhāgaḥaṇavasena ca dīṭṭhigaḥaṇavasena ca parāmasitvā gahitaṃ, parato āmaṭṭhaṇca, tasmim abhinivīṭṭhaṇca, balavataṇhāvasena gilivā ajjhositaṇca, balavamucchitaṇca. **Sabbāmaṃ taṃ cattāmaṃ hotī**tiādayo vuttanayāyeva.

26. Evaṃ “na brāhmaṇo aññato suddhimāhā”ti vatvā idāni ye dīṭṭhigatikā aññato suddhiṃ bruvanti, tesāmaṃ tassā dīṭṭhiyā anibbāhakaḍbhāvaṃ dassento “**purimaṃ pahāyā**”ti gāthamāha. Tassattho – tehi aññato suddhivādā samānāpi yassā dīṭṭhiyā appahīnattā gaḥaṇāmuṇcaṇāmaṃ hoti, tāya **purimaṃ** satthārādīṃ **pahāyā aparaṃ** nissitā, **ejāsāṅkhātāya** taṇhāya **anugatā** abhibhūtā rāgādībhedāmaṃ **na taranti saṅgaṃ**, taṇca atarantā taṃ taṃ dhammaṃ uggaṇhanti ca **nirassajanti** ca makkaṭova **sākhanti**.

Purimaṃ satthāraṃ pahāyāti purimagahitaṃ satthupaṭiññaṃ vajjetvā. **Paraṃ satthāraṃ nissitāti** aññāmaṃ satthupaṭiññaṃ nissitā allīnā. **Purimaṃ dhammakkhānaṃ pahāyāti**disupi eseḍa yaḍo.

Ejānugāti taṇhāya anugā. **Ejānugatāti** taṇhāya anugatā. **Ejānusaṭāti** taṇhāya anusaṭā pakkhandā vā. **Ejāya panna patitāti** taṇhāya nimuggā ca nikkhipitā ca.

Makkaṭoti vānaro. **Araññeti** vipine. **Pavaneti** mahāvane. **Caramānoti** gacchamāno. **Evamevāti** opammasaṃsandanaṃ. **Puthūti** nānā. **Puthudīṭṭhigatāntī**ti nānāvīdhāni dīṭṭhigatāni. **Gaṇhanti ca muṇcanti cāti** gaḥaṇavasena gaṇhanti ca cajanavasena muṇcanti ca. **Adiyanti ca nirassajanti cāti** palibodhaṃ karontī ca vissajjenti ca khipanti ca.

27. Paṇcamagāthāya ca sambandho – yo ca so “dīṭṭhi hi naṃ pāva tathā vadāna”nti vutto, so sayāmaṃ samādāyāti. Tattha **sayanti** sāmaṃ. **Samādāyāti** gahetvā. **Vatāntī**ti hatthivatādīni. **Uccāvacanti** aparāparaṃ, hīnapaṇītaṃ vā satthārato satthārādīmaṃ. **Saññasattoti** kāmasaññādisu laggo. **Vidvā ca vedehi samecca dhammanti** paramatthavidvā ca arahā catūhi maggañāvedehi catusaccadhammaṃ abhisameccāti. Sesāmaṃ pākāṭameva.

Sāmaṃ samādāyāti sayameva gahetvā. **Ādāyāti** ādiyitvā gaṇhitvā. **Samādāyāti** sammā ādāya. **Ādiyitvāti** palibodhaṃ katvā. **Samādiyitvāti** sammā palibodhaṃ katvā. **Gaṇhitvāti** avissajjetvā. **Parāmasitvāti** dassitvā. **Abhinivisitvāti** patiṭṭhahitvā. **Kāmasaññādayo** vuttanayā eva.

Vidvāti medhāvī. **Vijjāgototi** vijānanabhāvaṃ gato. **Ñāṇīti** paññāsampanno. **Vibhāvīti** ñāṇena vīmaṃsako. **Medhāvīti** aniccādīhi tulitaññaṇo. **Paññāti**ādayo heṭṭhā vuttanayāeva. Catusaccadhammaṃ vicinātīti **dhammavicayasambojjhaṅgo**. Bojjhaṅgatho heṭṭhā vuttova. **Vīmaṃsāti** catusaccadhammavicinanā paññāva. “Vīmaṃsā dhammacintanā”ti hi vuttā. **Vipassanāti** maggasampayuttā vividhākārena passanā paññāva. **Sammādiṭṭhīti** sobhanā pasatṭhā sundarā maggasampayuttā sammādiṭṭhī. **Tehi vedehīti** eteheva catūhi maggañāṇehi. **Antagatoti** jātijarāmarāṇassa pariyoṣanāṃ gato. **Koṭīgototi**ādayo heṭṭhā vuttanayāva. **Vedānaṃ vā antagatoti** jānitabbānaṃ avasānappatto. **Vedehi vā antagatoti** catūhi maggañāṇavedehi vaṭṭadukkhassa pariyaṇtabhāvena antasaṅkhātāṃ nibbānaṃ gato. **Viditattāti** viditabhāvena jānitabhāvena.

Vedāni viceyya kevalānīti gāthāya ayamatto – yo catūhi maggañāṇavedehi kilesakkhayaṃ karonto gato, so paramatthato vedagū nāma hotī. **Sova sabbasamaṇabrāhmaṇānaṃ** satthasaññītāni **vedāni** tāyeva maggabhāvanāya kiccato aniccādivasena **viceyya**. Tattha chandarāgappahānena tameva **sabbaṃ vedamatticca** yāpi vedapaccayā, aññāthā vā uppajjanti vedanā, tāsū **sabbavedanāsu vītarāgo** hotī. Tasmā tamatthaṃ dassento “kiṃ pattinamāhu vedagu”nti (su. ni. 533) puṭṭho “idaṃ pattina”nti avatvā “vedāni viceyya...pe... vedagū so”ti āha. Yasmā vā yo pavicayapaññāya **vedāni viceyya**, tattha chandarāgappahānena **sabbaṃ vedamatticca** vattati. **So** satthasaññītāni **vedāni** gato ñāto atikkantova hotī. Yo **vedanāsu vītarāgo**, sopi vedanāsaññītāni **vedāni** gato atikkanto, ativedanaṃ gatoti **vedagū**. Tasmā tampi atthaṃ dassento “idaṃ pattina”nti avatvā “vedāni viceyya...pe... vedagū so”ti āha.

Sameccāti ñāṇena samāgantvā. **Abhisameccāti** ñāṇena paṭivijjhivā. **Dhammanti** catusaccadhammaṃ. **Sabbe saṅkhārāti** sabbe sappaccayā dhammā. Te hi saṅkhatasaṅkhārā nāma. Paccayehi saṅgamma karīyantīti saṅkhārā, te evaṃ paccayehi saṅgamma katattā “saṅkhatā”ti visesetvā vuttā. “Kammaṇibbattā tebhūmakarūpārūpadhammā abhisāṅkhatasaṅkhārā”ti (visuddhi. 2.587) aṭṭhakathāsu vuttā. Tepi “aniccā vata saṅkhārā”tiādīsu (dī. ni. 2.221, 272; saṃ. ni. 1.186) saṅkhatasaṅkhāresu saṅghaṃ gacchantī. “Avijjāgotoyaṃ, bhikkhave, purisapuggalo puññāñce saṅkhāraṃ abhisāṅkharotī”tiādīsu (saṃ. ni. 2.51) avijjāpaccayā saṅkhārāva āgatā. Tebhūmikakusalākusalacetanā abhisāṅkharānakasaṅkhārā nāma. “Yāvatikā abhisāṅkhārassa gati, tāvatikaṃ gantvā akkhāhataṃ maññe aṭṭhāsī”tiādīsu (a. ni. 3.15) āgataṃ kāyikacetasikavīriyaṃ payogābhisāṅkhāro nāma. “Saññāvedayitanirodhaṃ samāpannassa kho, āvuso visākha, bhikkhuno paṭhamāṃ nirujjhatī vacīsaṅkhāro, tato kāyasaṅkhāro, tato cittasaṅkhāro”tiādīsu (ma. ni. 1.464) āgatā vitakkavicārā vācaṃ saṅkharontīti vacīsaṅkhārā, assāsapassāsā kāyena saṅkharīyantīti kāyasaṅkhārā, saññā ca vedanā ca cittena saṅkharīyantīti cittasaṅkhārā. Idha pana saṅkhatasaṅkhārā adhippetā. **Aniccā** hutvā abhāvattā. **Dukkhā** paṭipīḷanattā. **Sabbe dhammāti** nibbānampi antokatvā vuttā. **Anattā** avasavattanattā. **Avijjāpaccayā saṅkhārāti** ettha yaṃ paṭicca phalameṭi, so paccayo. **Paṭiccāti** na vinā, apaccakkhitvāti attho. **Etīti** uppajjati ceva pavattati cāti attho. Apica upakāraṭṭho paccayaṭṭho. Avijjā ca sā paccayo cāti avijjāpaccayo, tasmā avijjāpaccayā. Saṅkhārā **sambhavantīti** nibbattanti, evaṃ sambhavantisaddassa sesapadehipi yojanā kātabbā.

Tattha katamā avijjā? Dukkhe aññāṇaṃ, dukkhasamudaye aññāṇaṃ, dukkhanirodhe aññāṇaṃ, dukkhanirodhagāminiyā paṭipadāya aññāṇaṃ, pubbante aññāṇaṃ, aparante aññāṇaṃ, pubbantāparante aññāṇaṃ, idappaccayatāpaṭiccāsammuppannesu dhammesu aññāṇaṃ. Katame saṅkhārā? Puññābhisāṅkhāro apuññābhisāṅkhāro āneñjābhisāṅkhāro, kāyasaṅkhāro vacīsaṅkhāro cittasaṅkhāro, aṭṭha kāmāvacarakusalacetanā, pañca rūpāvacarakusalacetanā puññābhisāṅkhāro, dvādasa akusalacetanā apuññābhisāṅkhāro, catasso arūpāvacarakusalacetanā āneñjābhisāṅkhāro, kāyasañcetanā kāyasaṅkhāro, vacīsañcetanā vacīsaṅkhāro, manosañcetanā cittasaṅkhāro.

Tattha siyā – kathaṃ panetaṃ jānitabbāṃ “ime saṅkhārā avijjāpaccayā hontī”ti? Avijjābhāve bhāvato. Yassa hi dukkhādīsu avijjāsaṅkhātāṃ aññāṇaṃ appahīnaṃ hotī, so dukkhe tāva pubbantādīsu ca aññāṇena saṃsāradukkhāṃ sukhasaññāya gahetvā tasseva hetubhūte tividhepi saṅkhāre ārabhati. Samudaye aññāṇena dukkhatubhūtepi taṇhāparikkhāre saṅkhāre sukhatetuto maññamāno ārabhati. Nirodhe pana magge ca aññāṇena dukkhassa anirodhabhūtepi gativiseṣe dukkhanirodhasaññī hutvā nirodhassa ca amaggabhūtesupi yaññāmaratapādīsu nirodhmaggasaññī hutvā dukkhanirodhaṃ paṭṭhayaṃ māno yaññāmaratapādīmukhena tividhepi saṅkhāre ārabhati.

Api ca so tāya catūsū saccesu appahīnāvijjātāya visesato jātijarārogamaraṇādiānekādīnavavokīṇampi puññaphalasaṅkhātāṃ dukkhāṃ dukkhato ajānanto tassa adhigamāya kāyavacīcittasaṅkhārābhedaṃ puññābhisāṅkhāraṃ ārabhati devaccharakāmakō viya maruppapātāṃ. Sukhasammatassāpi ca tassa puññaphalassa ante mahāparīḷāhanikaṃ vipariṇāmadukkhataṃ appassādatañca apassantopi tappaccayaṃ vuttappakārameva puññābhisāṅkhāraṃ ārabhati salabho viya dīpasikhābhiniṇipātāṃ, madhubindugiddho viya ca madhulittasatthadhārālehanāṃ.

Kāmpasevanādīsu ca savipākesu ādīnavaṃ apassanto sukhasaññāya ceva kilesābhībhūtātāya ca dvāratayappavattampi apuññābhisāṅkhāraṃ ārabhati bālo viya gūthakīḷanaṃ, maritukāmo viya ca visakhādanaṃ. Āruppavipākesu cāpi saṅkhārāvipariṇāmadukkhataṃ anavabujjhamāno sassatādivipallāsena cittasaṅkhārābhūtaṃ āneñjābhisāṅkhāraṃ ārabhati disāmūlho viya piśācanagarābhīmukhamaggagamaṇaṃ. Evaṃ yasmā avijjābhāvato saṅkhārābhāvo, na abhāvato. Tasmā jānitabbameṭaṃ “ime saṅkhārā avijjāpaccayā hontī”ti.

Etthāha – gaṇhāma tāva etaṃ “avijjā saṅkhārānaṃ paccayo”ti, kiṃ paṇāyamekāva avijjā saṅkhārānaṃ paccayo, udāhu aññepi paccayā santīti? Kiṃ panettha yadi tāva ekāva, ekakāraṇavādo āpajjati. Atha aññepi santi, “avijjāpaccayā saṅkhārā”ti ekakāraṇaniddeso nupapajjati? Na nupapajjati. Kasmā? Yasmā –

“Ekam na ekato idha, nānekamanekatopi no ekam;
Phalamatthi atthi pana eka-hetuphaladīpane attho”. (vibha. aṭṭha. 226, saṅkhārapadaniddesa; paṭi. ma. aṭṭha. 1.1.105; visuddhi. 2.617);

Bhagavā hi kатhaci padhānattā, kатhaci pākāṭattā, kатhaci asādhāraṇattā desanāvīlāsassa ca veneyyānañca anurūpato ekameva hetuṃ vā phalaṃ vā dīpeti. Tasmā ayamidha avijjā vijjamānesupi aññesu vatthārammaṇasahajātadhammādīsu saṅkhārakāraṇesu “assādānupassino taṇhā pavaḍḍhati”ti (saṃ. ni. 2.52) ca, “avijjāsamudayā āsavasamudayo”ti (ma. ni. 1.104) ca vacanato aññesampi taṇhādīnaṃ saṅkhārahetūnaṃ hetūti padhānattā, “avidvā, bhikkhave, avijjāgato puññābhisaṅkhārampi abhisaṅkharoti”ti pākāṭattā, asādhāraṇattā ca saṅkhārānaṃ hetubhāvena dīpitāti veditabbā. Eteneva ca ekekahetuphaladīpanaparihāravacanena sabbattha ekekahetuphaladīpane payojanaṃ veditabbanti.

Etthāha – evaṃ santepi ekantāniṭṭhaphalāya sāvajjāya avijjāya kathaṃ puññāneñjābhisaṅkhārapaccayattaṃ yujjati? Na hi nimbabṭjato ucchu uppajjati. Kathaṃ na yujjissati? Lokasmiñhi –

“Viruddho cā viruddho ca, sadisāsadisō tathā;
Dhammānaṃ paccayo siddho, vipākā eva te ca na”.

Iti ayaṃ avijjā vipākavasena ekantāniṭṭhaphalā, sabhāvavasena ca sāvajjāpi samānā sabbesampi etesaṃ puññābhisaṅkhārādīnaṃ yathānurūpaṃ ṭhānakiccasabhāvaviruddhāviruddhapaccayavasena, sadisāsadisapaccayavasena ca paccayo hotīti veditabbā. Api ca ayaṃ aññopi pariyāyo –

“Cutūpapāte saṃsāre, saṅkhārānañca lakkhaṇe;
Yo paṭiccasamuppanna-dhammesu ca vimuyhati.

“Abhisaṅkharoti so ete, saṅkhāre tividhe yato;
Avijjā paccayo tesam, tividhānampayaṃ tato.

“Yathāpi nāma jaccandho, naro aparīṇāyako;
Ekadā yāti maggena, ummaggenāpi ekadā.

“Saṃsāre saṃsaram bālo, tathā aparīṇāyako;
Karoti ekadā puññaṃ, apuññaṃapi ekadā.

“Yadā ca ṇatvā so dhammaṃ, saccāni abhisamessati;
Tadā avijjūpasamā, upasanto carissati”ti.

Saṅkhārapaccayā viññāṇanti chaviññānakāyā cakkhuvīññāṇaṃ sotavīññāṇaṃ ghānavīññāṇaṃ jivhāvīññāṇaṃ kāyavīññāṇaṃ manovīññāṇaṃ. Tattha cakkhuvīññāṇaṃ kusalavipākam akusalavipākanti duvidham. Tathā sotaghānavīññāṇaṃ kāyavīññāṇāni. Manovīññāṇaṃ pana dve vipākamanodhātuyo, tisso ahetukavipākamanovīññāṇadhātuyo, aṭṭha sahetukavipākacittāni, pañca rūpāvacaravipākacittāni, cattāri arūpāvacaravipākacittāni bāvīsatividham. Iti sabbāni bāttīmsalokiyavipākavīññāṇāni.

Tattha siyā – kathaṃ panetaṃ jānitabbam “idaṃ vuttappakāram viññāṇaṃ saṅkhārapaccayā hotī”ti? Upacitakammābhāve vipākābhāvato. Vipākāñhetam, vipākāñca na upacitakammābhāve uppajjati, yadi uppajjeyya, sabbesam sabbavipākāni uppajjeyyūṃ, na ca uppajjantīti jānitabbametam “saṅkhārapaccayā idaṃ viññāṇaṃ hotī”ti. Sabbameva hi idaṃ pavattipaṭisandhivasena dvedhā pavattati. Tattha dve pañcavīññāṇāni, dve manodhātuyo, somanassasahagatā ahetukamanovīññāṇadhātūti imāni terasa pañcavokārahāve pavattiyamyeva pavattanti. Sesāni ekūnavīsati tīsu bhavesu yathānurūpaṃ pavattiyampi paṭisandhiyampi pavattanti.

“Laddhappaccayamiti dhamma-mattametam bhavantaramupeti;
Nāssa tato saṅkanti, na tato hetuṃ vinā hotī”.

Iti hetam laddhappaccayaṃ rūpārūpadhammatam uppajjamānaṃ “bhavantaramupeti”ti vuccati, na satto na jīvo. Tassa ca nāpi atītabhavato idha saṅkanti atthi, nāpi tato hetuṃ vinā idha pātubhāvo. Ettha ca purimaṃ cavanato cuti, pacchimaṃ bhavantarādīpaṭisandhānato paṭisandhīti vuccati.

Etthāha – nanu evaṃ asaṅkantipātubhāve sati ye imasmiṃ manussatthāve khandhā, tesam niruddhattā, phalapaccayassa ca kammassa tattha agamanato, aññassa aññato ca tam phalam siyā, upabhuñjake ca asati kassa tam phalam siyā, tasmā na

sundaramidaṃ vidhānanti? Tatridaṃ vuccati –

“Santāne yaṃ phalaṃ etaṃ, nāññassa na ca aññato;
Bhijānaṃ abhisāṅkhāro, etassatthassa sādhaṅko.

“Phalassuppattiyā eva, siddhā bhuñjakasammuti;
Phaluppādena rukkhassa, yathā phalati sammutī”ti.

Yopi vadeyya “evaṃ santepi ete saṅkhārā vijjamānā vā phalassa paccayā siyuṃ, avijjamānā vā. Yadi ca vijjamānā, pavattikkhaṇe eva nesaṃ vipākena bhavitabbaṃ. Atha avijjamānā, pavattito pubbe pacchā ca niccaṃ phalāvahā siyu”nti. So evaṃ vattabbo –

“Katattā paccayā ete, na ca niccaṃ phalāvahā;
Pāṭibhogādikaṃ tattha, veditabbaṃ nidassana”nti.

Viññāpaccayā nāmarūpanti idha vedanāsaññāsaṅkhārakkhandhā nāmaṃ, cattāri mahābhūtāni catunnañca mahābhūtānaṃ upādāyarūpaṃ rūpaṃ. Abhāvakagabbhaseyyakānaṃ aṇḍajānañca paṭisandhikkhaṇe vatthudasakaṃ kāyadasakanti vīsati rūparūpāni, tayo ca arūpino khandhāti ete tevīsati dhammā “viññāpaccayā nāmarūpa”nti veditabbā. Sabhāvakānaṃ bhāvadasakaṃ pakkipitvā tettiṃsa, opapātikasattesu brahmakāyikādīnaṃ paṭisandhikkhaṇe cakkhusotavattudasakāni jīvitindriyanavakañcātī ekūnacattālīsa rūparūpāni, tayo ca arūpino khandhāti ete bācattālīsa dhammā “viññāpaccayā nāmarūpa”nti veditabbā. Kāmabhava pana sesaopapātikānaṃ, saṃsedajānaṃ vā sabhāvakaripuṇṇāyatanaṃ paṭisandhikkhaṇe cakkhusotaghānājivhākāyavattubhāvadasakānīti sattati rūparūpāni, tayo ca arūpino khandhāti ete tesattati dhammā “viññāpaccayā nāmarūpa”nti veditabbā. Esa ukkaṃso, avakaṃsena pana taṃtaṃdasakavikalānaṃ tassa tassa vasena hāpetvā hāpetvā paṭisandhiyaṃ viññāpaccayā nāmarūpasāṅkhā veditabbā. Arūpīnaṃ pana tayova arūpino khandhā. Asaññīnaṃ rūpato jīvitindriyanavakamevāti. Esa tāva paṭisandhiyaṃ nayo.

Pavatte pana sabbattha rūpapavattidese paṭisandhicittassa ṭhitikkhaṇe paṭisandhicittena saha pavattaututo utusamuṭṭhānaṃ suddhaṭṭhakaṃ pātubhavati. Paṭhamabhavaṅgato pabhuti cittasamuṭṭhānaṃ suddhaṭṭhakaṃ, saddapātubhāvakāle ututo ceva cittato ca saddanavakaṃ, kabalīkārāhārūpajīvīnaṃ āhārasamuṭṭhānaṃ suddhaṭṭhakaṃ evaṃ āhārasamuṭṭhānassa, suddhaṭṭhakaṃ, utucittasamuṭṭhānānañca dvīnaṃ navakānaṃ vasena chabbīsatividhaṃ, ekekacitte tikkhattuṃ uppajjamānaṃ vuttakammasamuṭṭhānañca sattatividhanti channavutividhaṃ rūpaṃ, tayo ca arūpino khandhāti navanavutidhammā yathāsambhavaṃ “viññāpaccayā nāmarūpa”nti veditabbā.

Tattha siyā – kathaṃ panetaṃ jānitabbaṃ “paṭisandhināmarūpaṃ viññāpaccayā hotī”ti? Suttato yuttito ca. Sutte hi “cittānuparivattino dhammā”tiādīnā (dha. sa. dukamātikā 62) nayena bahudhā vedanādīnaṃ viññāpaccayātā siddhā. Yuttito pana –

“Cittajena hi rūpena, idha diṭṭhena sijjhati;
Adiṭṭhassāpi rūpassa, viññānaṃ paccayo itī”ti.

Nāmarūpaccayā saḷāyatananti nāmaṃ vuttameva. Idha pana rūpaṃ niyamato cattāri mahābhūtāni, cha vatthūni, jīvitindriyanti ekādasavidhaṃ. Saḷāyatanānaṃ pana cakkhāyatanānaṃ sotaghānājivhākāyamañyatanānaṃ.

Tattha siyā – kathaṃ panetaṃ jānitabbaṃ “nāmarūpaṃ saḷāyatanassa paccayo”ti? Nāmarūpabhāve bhāvato. Tassa tassa hi nāmassa rūpassa ca bhāve taṃ taṃ āyatanānaṃ hotī, na aññathāti.

Saḷāyatanapaccayā phassoti –

“Chaḷeva phassā saṅkhepā, cakkhusamphassaādayo;
Viññānamiva bāttiṃsa, vitthārena bhavanti te”.

Phassapaccayā vedanāti –

“Dvārato vedanā vuttā, cakkhusamphassajādikā;
Chaḷeva tā pabhedenā, idha bāttiṃsa vedanā”.

Vedanāpaccayā taṇhāti –

“Rūpaṇhādibhedena, cha taṇhā idha dīpitā;
Ekekā tividhā tattha, pavattākārato matā.

“Dukkhī sukhaṃ patthayati, sukhī bhiyyopi icchati;

Upekkhā pana santattā, sukhamicceva bhāsītā.

“Taṇhāya paccayā tasmā, honti tissopi vedanā;
Vedanāpaccayā taṇhā, iti vuttā mahesinā”ti.

Taṇhāpaccayā upādānanti cattāri upādānāni kāmupādānaṃ diṭṭhupādānaṃ sīlabbatupādānaṃ attavādudupādānaṃ. **Upādānapaccayā bhavoti** idha kammabhavo adhippeto, upapattibhavo pana paduddhārasena vutto. **Bhavapaccayā jāṭīti** kammabhavapaccayā jāṭi paṭisandhikhandhānaṃ pātubhavo.

Tattha siyā – kathaṃ panetaṃ jānitabbaṃ “bhavo jāṭiyā paccayo”ti ce? Bāhirapaccayasamattepi hīnapañītatādivisesadassanato. Bāhirānañhi janakajanisukkasoṇitāhārādīnaṃ paccayānaṃ samattepi sattānaṃ yamakānampi sataṃ hīnapañītatādiviseso dissati. So ca na ahetuko sabbadā ca sabbesañca abhāvato, na kammabhavato aññahetuko tadabhinibbattakasattānaṃ ajjhattasantāne aññassa kāraṇassa abhāvatoṭi kammabhavahetukova. Kammañhi sattānaṃ hīnapañītatādivisesassa hetu. Tenāha bhagavā – “kammaṃ satte vibhajati yadidaṃ hīnapañītatāyā”ti (ma. ni. 3.289). Tasmā jānitabbametaṃ “bhavo jāṭiyā paccayo”ti.

Jātipaccayā jarāmarāṇantiādīsu yasmā asati jāṭiyā jarāmarāṇaṇceva sokādayo ca dhammā na honti, jāṭiyā pana sati jarāmarāṇaṇceva jarāmarāṇasaṅkhātadukkhadhammaphuṭṭhassa bālassa jarāmarāṇadisambandhā vā tena tena dukkhadhammena phuṭṭhassa anabhisambandhā vā sokādayo ca dhammā honti. Tasmā jātipaccayā jarāmarāṇanti. **Samecca abhisamecca dhammanti** nāṇena samāgantvā catusaccadhammaṃ paṭivijjhivā.

Evaṃ dvādasapadikaṃ paccayākārapavattim dassetvā idāni vivaṭṭavasena avijjādīnaṃ nirodhadassanattaṃ “**avijjānirodhā saṅkhāranirodhoti samecca abhisamecca dhamma**”ntiādīmāha. Tattha **avijjānirodhā**ti avijjāya anuppādanirodhā puna appavattinirodhena. **Saṅkhāranirodhoti** saṅkhārānaṃ anuppādanirodho hoti. Evaṃ sesapadesupi. **Idaṃ dukkhanti**ādayo pubbe vuttanayā eva. **Ime dhammā abhiññeyyāti** ime tebhūmakā dhammā sabhāvalakkhaṇāvabodhavasena sobhanākārena, adhikena nāṇena vā sabhāvato jānitabbā. **Pariññeyyāti** sāmāññalakkhaṇāvabodhavasena, kiccasamāpanavasena ca byāpivā jānitabbā. **Ime dhammā pahātābbāti** ime samudayapakkhikā dhammā tena tena guṇaṅgena pahātābbā. **Bhāvetābbāti** vaḍḍhetābbā. **Sacchikātabbāti** paccakkhaṃ kātabbā. Duvidhā sacchikiriyā paṭilābhasacchikiriyā ca ārammaṇasacchikiriyā ca. **Channaṃ phassāyatanānanti** cakkhādīnaṃ channaṃ āyatanānaṃ. **Samudayañca atthaṅgamañcāti** uppādañca nirodhañca.

Bhūripaññoti bhūri viyāti bhūri, tāya bhūripaññāya samannāgato bhūripañño. **Mahāpaññoti**ādīsu mahāpaññādihi samannāgatoti attho.

Tatridaṃ mahāpaññādīnaṃ nānattaṃ – katamā mahāpaññā? Mahante atthe pariggaṇhātīti mahāpaññā. Mahante dhamme...pe... mahantā niruttiyo... mahantāni paṭibhānāni pariggaṇhātīti mahāpaññā. Mahante sīlakkhandhe pariggaṇhātīti mahāpaññā. Mahante samādhikkhandhe...pe... paññākkhandhe... vimuttikkhandhe... vimuttiñāḍassanakkhandhe pariggaṇhātīti mahāpaññā. Mahantāni ṭhānāṭhānāni...pe... mahāvihārasamāpattiyo... mahantāni ariyasaccāni... mahante satipaṭṭhāne... sammappadhāne... iddhipāde... mahantāni indriyāni ... balāni... bojjhaṅgāni... mahante ariyamagge... mahantāni sāmāññaphalāni... mahāabhiññāyo... mahantaṃ paramatthaṃ nibbānaṃ pariggaṇhātīti mahāpaññā.

Katamā puthupaññā? Puthunānākkhandhesu nāṇaṃ pavattatīti puthupaññā. Puthunānādhātūsu...pe... puthunānāyatanesu... puthunānāpaṭiccasamuppādesu... puthunānāsuññatamanupalabbhesu... puthunānāatthesu... dhammesu... niruttisu... paṭibhānesu... puthunānāsīlakkhandhesu... puthunānāsamādhipaññāvimuttivimuttiñāḍassanakkhandhesu... puthunānāṭhānāṭhānesu... puthunānāvihārasamāpattisu... puthunānāriyasaccesu... puthunānāsatiipaṭṭhānesu... sammappadhānesu... iddhipādesu... indriyesu... balesu... bojjhaṅgesu... puthunānāriyamaggesu... sāmāññaphalesu... abhiññāsu... puthunānājanasādhāraṇe dhamme samatikkamma paramatthe nibbāne nāṇaṃ pavattatīti puthupaññā.

Katamā hāsapaññā? Idhekkacco hāsabahulo vedabahulo tuṭṭhibahulo pāmojjabahulo sīlaṃ paripūreti. Indriyasamvaram paripūreti. Bhojane mattaññutaṃ...pe... jāgariyānuyogaṃ... sīlakkhandhaṃ... samādhikkhandhaṃ... paññākkhandhaṃ... vimuttikkhandhaṃ... vimuttiñāḍassanakkhandhaṃ paripūretīti hāsapaññā. Hāsabahulo...pe... pāmojjabahulo ṭhānāṭhānaṃ paṭivijjhātīti hāsapaññā. Hāsabahulo vihārasamāpattiyo paripūretīti hāsapaññā. Hāsabahulo ariyasaccāni paṭivijjhātīti hāsapaññā. Satipaṭṭhāne bhāveti sammappadhāne... iddhipāde... indriyāni... balāni... bojjhaṅge... ariyamaggaṃ bhāvetīti hāsapaññā, hāsabahulo sāmāññaphalāni sacchikarotīti hāsapaññā, abhiññāyo paṭivijjhātīti hāsapaññā, hāsabahulo paramatthaṃ nibbānaṃ sacchikarotīti hāsapaññā.

Katamā javanapaññā? Yaṃ kiñci rūpaṃ atītānāgatapaccuppannaṃ ajjhattaṃ vā bahiddhā vā oḷārikaṃ vā sukhuṃ vā hīnaṃ vā pañitaṃ vā yaṃ dūre santike vā, sabbaṃ rūpaṃ aniccato khippaṃ javatīti javanapaññā. Dukkhato, anattato khippaṃ javatīti javanapaññā. Yā kāci vedanā...pe... yā kāci saññā... ye keci saṅkhārā... yaṃ kiñci viññāṇaṃ atītānāgatapaccuppannaṃ...pe... yaṃ dūre santike vā, sabbaṃ viññāṇaṃ aniccato... dukkhato... anattato khippaṃ javatīti javanapaññā. Cakkhuṃ...pe... jarāmarāṇaṃ atītānāgatapaccuppannaṃ aniccato... dukkhato... anattato khippaṃ javatīti

javanapañña.

Rūpaṃ atītānāgatapaccuppannaṃ aniccaṃ khayaṭṭhena, dukkhaṃ bhayaṭṭhena, anattā asāraḥkaṭṭhenāti tulayitvā tīrayitvā vibhāvayitvā vibhūtaṃ katvā rūpanirodhe nibbāne khippaṃ javatīti javanapañña. Vedanā... saññā... saṅkhārā... viññāṇaṃ... cakkhuṃ...pe... jarāmaṇaṃ atītānāgatapaccuppannaṃ aniccaṃ khayaṭṭhena, dukkhaṃ bhayaṭṭhena, anattā asāraḥkaṭṭhenāti tulayitvā...pe... vibhūtaṃ katvā jarāmaṇanirodhe nibbāne khippaṃ javatīti javanapañña.

Rūpaṃ atītānāgatapaccuppannaṃ aniccaṃ saṅkhataṃ paṭiccasamuppannaṃ khayadhammaṃ vayadhammaṃ virāgadhammaṃ nirodhadhammanti tulayitvā...pe... vibhūtaṃ katvā rūpanirodhe nibbāne khippaṃ javatīti javanapañña. Vedanā...pe... saññā... saṅkhārā... viññāṇaṃ... cakkhuṃ...pe... jarāmaṇaṃ atītānāgatapaccuppannaṃ aniccaṃ...pe... nirodhadhammanti tulayitvā...pe... vibhūtaṃ katvā jarāmaṇanirodhe nibbāne khippaṃ javatīti javanapañña.

Katamā tikkhapañña? Khippaṃ kilese chindatīti tikkhapañña. Uppannaṃ kāmavitakkaṃ nādhivāseti. Uppannaṃ byāpādavittakkaṃ... uppannaṃ vihiṃsāvittakkaṃ... uppannuppanne pāpake akusale dhamme... uppannaṃ rāgaṃ... uppannaṃ dosaṃ... mohaṃ... kodhaṃ... upanāhaṃ... makkhaṃ... paḷasaṃ... issaṃ... macchariyaṃ... māyaṃ... sāṭṭheyyaṃ... thambhaṃ... sārāmbhaṃ... mānaṃ... atimānaṃ... madaṃ... pamādaṃ... sabbe kilese... sabbe duccharite... sabbe abhisāṅkhāre... sabbe bhavagāmikamme nādhivāseti pajahati vinodeti byantīkaroti anabhāvaṃ gametīti tikkhapañña. Ekamhi āsane cattāro ariyamaggā, cattāri ca sāmāññaphalāni, catasso ca paṭisambhidāyo, cha abhiññāyo adhiḡatā hontī sacchikatā phassitā paññāyātī tikkhapañña.

Katamā nibbedhikapañña? Idhekacco sabbasaṅkhāresu ubbegabahulo hoti uttāsabahuḡo ukkaṇṭhanabahulo aratibahuḡo anabhiratibahuḡo bahimukho na ramati sabbasaṅkhāresu, anibbidhapubbaṃ apadālitapubbaṃ lobhakkhandhaṃ nibbijjhati padāletīti nibbedhikapañña. Anibbidhapubbaṃ apadālitapubbaṃ dosakkhandhaṃ...pe... mohakkhandhaṃ... kodhaṃ... upanāhaṃ...pe... sabbe bhavagāmikamme nibbijjhati padāletīti nibbedhikapañña.

28. Sa sabbadhammesu visenibhūto, yaṃ kiñci diṭṭhaṃ va suttaṃ mutaṃ vāti so bhūripaṇṇo khīṇāsavo yaṃ kiñci diṭṭhaṃ vā suttaṃ vā mutaṃ vā tesu sabbadhammesu mārasenaṃ vināsetvā ṭṭhitabhāvena visenibhūto. **Tameva dassinti** taṃ eva visuddhadassim. **Vivaṭṭaṃ carantanti** taṇhāchadanādivigamena vivaṭṭaṃ hutvā carantaṃ. **Kenidha lokasmi vikappayeyyāti** kena idha loke taṇhākappena vā diṭṭhikappena vā koci vikappeyya, tesam vā pahīnattā rāḡādinā pubbe vuttenāti.

Kāmā te paṭhamā senātiādīsu catūsu gāthāsu ayamatto – yasmā āditova agāriyabhūte satte vatthukāmesu kilesakāmā mohayanti, te abhibhuyya anagāriyabhāvaṃ upagatānaṃ pantesu vā senāsanesu, aññataraññātāresu vā adhikusalesu dhammesu arati uppajjati. Vuttañcetaṃ – “pabbajitena kho, āvuso, abhirati dukkaṃ”ti (saṃ. ni. 4.331). Tato te paraṇātibaddhajīvikattā **khuppiṇā** bādheti, tāya bādhitānaṃ pariyesanataṇhā cittaṃ kilamayati, atha nesaṃ kilantacittānaṃ **thinamidhaṃ** okkamati tato visesamanadhiḡacchantānaṃ durabhisambhavesu araññavanapatthesu senāsanesu viharataṃ utrāsasaññitā **bhīru** jāyati, tesam ussaṅkitapariṇāṅkitānaṃ dīgharattaṃ vivekarasamanassādayamānānaṃ viharataṃ “na siyā nu kho esa maggo”ti paṭipattiyāṃ **vicikicchā** uppajjati, taṃ vinodetvā viharataṃ appamattakena visesādhigamena **mānamakkhathambhā** jāyanti, tepī vinodetvā viharataṃ tato adhiḡataraṃ visesādhigamaṃ nissāya **lābhasakkārasilokā** uppajjanti, lābhādimucchitā dhammapaṭirūpakāni pakāsentā **micchāyasaṃ** adhiḡantvā tattha ṭṭhitā jātīādīhi **attānaṃ ukkaṃsenti, paraṃ vambhenti**. Tasmā kāmādināṃ paṭhamasenaḡibhāvo veditabbo.

Evametaṃ dasavidhaṃ senaṃ uddisitvā yasmā sā kaṇhadhammasamannāgatattā kaṇhassa namucino upakārāya saṃvattati, tasmā naṃ “tava senā”ti niddisanto āha – “**esā namuci te senā, kaṇhassābhīppahārīni**”ti. Tattha **abhīppahārīni** samānabrāhmaṇānaṃ ghātīni nippothīni, antarāyakarīti attho. **Na naṃ asūro jināti, jetvāva labhate sukhaṃ** evaṃ tava senaṃ asūro kāye ca jīvite ca sāpekkho puriso na jināti, sūro pana jināti, jetvāva maggasukhaṃ phalasukhaṃ adhiḡacchati.

Yato catūhi ariyamaggehi yadā catūhi niddosanibbānamagganasaṅkhātehi maggehi. **Mārasenāti** mārasa senā vacanakaṃ kilesā. **Paṭisenīkarāti** paṭipakkhakaṃ. **Jitā cāti** parājayaṃ hantī ca. **Parājītā cāti** niggaḡitā ca. **Bhagāti** bhinnā. **Vippaluggāti** cuṇṇavicuṇṇā. **Parammukhāti** vimukhabhāvaṃ pāpitā. **Visenibhūtoti** nikkilesa hutvā ṭṭhito.

Vodātadassinti byavadātaḡassim. **Tāni chadanāni** etāni taṇhādikilesachadanāni. **Vivaṭṭāni** pākāṭikatāni. **Viddhaṃsitāni** ṭṭhitatṭhānato apahatāni. **Ugghāṭitāni** uppāṭitāni. **Samugghāṭitāni** visesena uppāṭitāni.

29. Na kappayantīti gāthāya sambandho attho ca – kiñca bhīyo? Te hi tādisā santo dvinnaṃ kappānaṃ purekkhārānaṃ kenaci **na kappayanti, na purekkharonti**. Paramatthaṃ accantasuddhiṃ adhiḡatattā anaccantasuddhiṃyeva akiriyaṃsattadīṭṭhiṃ “**accantasuddhi**”ti **na te vadanti**. **Ādānagantaṃ gatitaṃ visajjati** catubbidhampi rūpādīnaṃ ādāyakattā ādānagantaṃ attano cittaṃsantāne gathitaṃ baddhaṃ ariyamaggasatthena vissajja chinditvā. Sesam pākāṭameva.

Accantasuddhinti accantaṃ paramatthaṃ suddhiṃ. **Saṃsārasuddhinti** saṃsārato suddhiṃ. **Akiriyaḡiṭṭhinti** karoto na kariyati pāpanti akiriyaḡiṭṭhiṃ. **Sassatavādanti** “nicco dhuvo sassato”ti vacanaṃ. **Na vadanti** na kathenti.

Ganthati nāmākāyaṃ ganthenti, cutipaṭisaṇḡhivasena vaṭṭasmiṃ ghaṭentīti ganthā. Abhiḡjḡhā ca sā

nāmakāyaghaṭanavasena gantho cāti **abhijjhākāyagantho**. Hitasukhaṃ byāpādayatīti **byāpādo**. Byāpādo ca so vuttanayena gantho cāti **byāpādo kāyagantho**. **Silabbataparāmāsoti** “ito bahiddhā samaṇabrāhmaṇānaṃ sīlena suddhi vatena suddhī”ti (dha. sa. 1143, 1222) parato āmāso. **Idamsaccābhinivesoti** sabbaññubhāsītampi paṭikkhipitvā “sassato loko, idameva saccam, moghamañña”nti (dha. sa. 1144) iminā ākārena abhiniveso idamsaccābhiniveso. **Attano diṭṭhiyā rāgoti** attanā abhinivisitvā gahitāya diṭṭhiyā chandarāgo. **Paravādesu āghātoti** parassa vacanesu kopo. **Appaccayoti** atuṭṭhākāro. **Attano silam vāti** attanā samādinnaṃ gosīlādisīlam vā. **Attano diṭṭhīti** attanā gahitā parāmatṭhā diṭṭhi. **Tehi ganthehīti** etehi vuttehi nāmakāyaghaṭanehi. **Rūpaṃ ādiyantīti** catusamutṭhānikam rūpārammaṇam ādiyanti ganhanti. **Upādiyantīti** upagantvā ganhanti taṇhāgahaṇena. **Parāmasanti** diṭṭhigahaṇena. **Abhinivisanti** mānagahaṇena. **Vaṭṭanti** tebhūmakavaṭṭam. **Ganthehi** bandhane.

Vosajjitvā vāti sammā vissajjitvā vā. **Gathiteti** bandhane. **Ganthiteti** ganthanena ganthite. **Vibandheti** visesena bandhe. **Ābandheti** anekavidhena bandhe. **Palibuddheti** amuñcite. **Bandhane poṭayitvāti** taṇhāmānadiṭṭhibandhanāni pappoṭayitvā. **Visajjāti** cajitvā.

Ime pana cattāro ganthe kilesapaṭipāṭiyāpi āharitum vaṭṭati, maggapaṭipāṭiyāpi – kilesapaṭipāṭiyā abhijjhākāyagantho arahattamaggena pahiyati, byāpādo kāyagantho anāgāmimaggena, silabbataparāmāso kāyagantho idamsaccābhiniveso kāyagantho sotāpattimaggena. Maggapaṭipāṭiyā silabbataparāmāso kāyagantho idamsaccābhiniveso kāyagantho sotāpattimaggena, byāpādo kāyagantho anāgāmimaggena, abhijjhākāyagantho arahattamaggenāti. Ete cattāro ganthā yassa saṃvijjanti, taṃ cutipaṭisandhivasena vaṭṭasmiṃ ganthenti ghaṭentīti ganthā. Te catuppabhedā abhijjhāyanti etāya, sayam vā abhijjhāyati, abhijjhāyanamattameva vā eṣāti **abhijjhā**. Lobhoyeva nāmakāyaṃ ganthehi cutipaṭisandhivasena vaṭṭasmiṃ ghaṭentīti **kāyagantho**. Byāpajjati tena cittaṃ pūtibhāvaṃ gacchati, byāpādayati vā vinayācārarūpasampattihiṭasukhādīnīti **byāpādo**. “Ito bahiddhā samaṇabrāhmaṇānaṃ sīlena suddhi vatena suddhī”ti parāmasanaṃ silabbataparāmāso, sabbaññubhāsītampi paṭikkhipitvā “sassato loko, idameva saccam, moghamañña”ntiādinā ākārena abhinivisatīti idamsaccābhiniveso. **Yathā vayaham vāti**ādiṃ vayahādivisaṅkharāṇam ganthānaṃ viyogakaraṇe upamaṃ dassento āha.

Na janentīti na uppādentī. **Na sañjanentīti** na nibbantenti. **Nābhinibbattentīti** upasaggavasena padaṃ vaḍḍhitam. Na sañjanentīti uppādakkaṇam. Na nibbantenti nābhinibbattentīti pavattikkhaṇam sandhāya vuttam.

30. Sīmātigoti gāthā ekapuggalādhīṭṭhānāya desanāya vuttā. Pubbasadiso eva panassā sambandho, so evaṃ atthavaṇṇanāya saddhiṃ vedītabbo – kiñca bhīyo? So īdiso bhūripaṇṇo catunnaṃ kilesasīmānaṃ atītattā **sīmātigo**, bāhitapāpattā ca **brāhmaṇo**, itthambhūtaṃ ca **tassa natthi**, paracittapubbenivāsañānehi **ñatvā** vā maṃsadibbacakkhūhi **disvā** vā kiñci **samuggahītam**, abhinivīṭṭhanti vuttam hoti. So ca kāmarāgābhāvato **na rāgarāgi** rūpārūparāgābhāvato **na virāgaratto**, yato evaṃvidhassa **tassa** “idaṃ parama”nti kiñci **idha uggahītam natthīti** arahattanikūṭena desanaṃ niṭṭhāpesi.

Catasso sīmāyoti cattāro paricchedā. **Diṭṭhānusayoti** diṭṭhi ca sā appahīnatṭhena anusayo cāti diṭṭhānusayo. **Vicikicchānusayādīsipi** eṣeva nayo. Kenatṭhena anusayā? Anusayanaṭṭhena. Ko esa anusayaṭṭho nāmāti? Appahīnatṭho. Ete hi appahīnatṭhena tassa tassa santāne anusenti nāma, tasmā “anusayā”ti vuccanti. **Anusentīti** anurūpaṃ kāraṇam labhitvā uppajjantīti attho. Athāpi siyā – anusayaṭṭho nāma appahīnākāro, appahīnākāro ca “uppajjati”ti vattum na yujjati, tasmā na anusayā uppajjantīti. Tatrīdaṃ paṭivacanaṃ – appahīnākāro anusayo, anusayoti pana appahīnatṭhena thāmagatā kilesā vuccanti. So cittasampayutto sārammaṇo sappaccayaṭṭhena sahetuko ekantākusalo atītopi hoti anāgatopi paccuppannopi, tasmā “uppajjati”ti vattum yujjati.

Tatrīdaṃ pamāṇam – **paṭisambhidāyaṃ** tāva abhisamayakathāyaṃ (paṭi. ma. 3.21) “paccuppanne kilese pajahatī”ti pucchitvā anusayānaṃ paccuppannabhāvassa atthitāya “thāmagato anusayaṃ pajahatī”ti vuttam. **Dhammasaṅgaṇīyaṃ** mohassa padabhājane (dha. sa. 390) “avijjānusayo avijjāpariyuṭṭhānaṃ, avijjālaṅgī moho akusalamūlam, ayaṃ tasmīṃ samaye moho hotī”ti akusalacittena saddhiṃ avijjānusayassa uppānabhāvo vutto. **Kathāvatthusmiṃ** “anusayā abyākatā anusayā ahetukā anusayā cittavippayuttā”ti (kathā. 605) sabbe vādā paṭisedhitā. **Anusayayamake** sattannaṃ mahāvārānaṃ aññatarasmiṃ uppajjanavāre “yassa kāmarāgānusayo uppajjati tassa paṭighānusayo uppajjati”ti diṭṭhi vuttam. Tasmā “anusentīti anurūpaṃ kāraṇam labhitvā uppajjantī”ti yaṃ vuttam, taṃ iminā tantippamāṇena suvuttanti vedītabbam. Yampi “cittasampayutto sārammaṇo”tiādi vuttam, tampi suvuttameva. Anusayo hi nāmesa parinipphanno cittasampayutto akusaladhammoti niṭṭhamettha gantabbam.

Tattha diṭṭhānusayo catūsu diṭṭhisampayuttesu, vicikicchānusayo vicikicchāsahagata, avijjānusayo dvādasasu akusalacittesu saḥajātavasena ārammaṇavasena ca; tayopi avasesatebhūmakadhammesu ārammaṇavasena diṭṭhivicikicchāmohā. Kāmarāgānusayo cettha lobhasahagatacittesu saḥajātavasena ārammaṇavasena ca, manāpesu avasesakāmāvacaradhammesu ārammaṇavasena uppajjamāno lobho. Paṭighānusayo domanassasahagatacittesu saḥajātavasena ārammaṇavasena ca, amanāpesu avasesakāmāvacaradhammesu ārammaṇavaseneva uppajjamāno doso. Mānānusayo diṭṭhivippayuttalobhasahagatacittesu saḥajātavasena ārammaṇavasena ca, dukkhavedanāvajjesu avasesakāmāvacaradhammesu rūpārūpāvacaradhammesu ca ārammaṇavaseneva uppajjamāno māno. Bhavarāgānusayo catūsu diṭṭhivippayuttesu uppajjamānopi saḥajātavasena vutto. Ārammaṇavaseneva pana rūpārūpāvacaradhammesu uppajjamāno lobho vutto.

Tattha **diṭṭhānusayoti** dvāsattṭhividdhā diṭṭhi. **Vicikicchānusayoti** atṭhavatthukā vicikicchā. **Tadekaṭṭhā ca** kilesāti

sahajekatthavasena diṭṭhiyā vicikicchāya, sahajekatthavasena ekato ṭhitā. **Mānānusayoti** navavidhamāno. **Paramatthañāṇena vā ñatvāti** paresaṃ cittācārājānanapaññāya jānitvā, cetopariyañāṇena jānitvāti vuttaṃ hoti. **Pubbenivāsānussatiñāṇena vāti** aṭṭe nivuṭṭhakkhandhānussarañāṇena jānitvā. **Māmsacakkhunā vāti** pakaticakkhunā. **Dibbacakkhunā vāti** dibbasadisena dibbavihārasannissitena vā dibbacakkhunā passivā. **Rāgarattāti** rāgena rañjitā. **Ye pañcasu kāmagaṇesūti** ye pañcasu rūpādivatthukāmakoṭṭhāsesu. **Virāgarattāti** virāgasāṅkhātāsu rūpārūpasamāpattīsu atirattā allīnā. **Yato kāmarāgo cāti** yadā kāmabhavē rāgo ca. **Rūpārūparāgesupi** eseva nayo.

Saddhammappajjotikāya mahāniddesaṭṭhakathāya

Suddhaṭṭhakasuttaniddesaṅṅaṇā niṭṭhitā.

5. Paramatthakasuttaniddesaṅṅaṇā

31. Pañcame paramatthakasutte **paramanti diṭṭhīsu paribbasānoti** idaṃ paramanti gahevā sakāya sakāya diṭṭhiyā vasamāno. **Yaduttariṃ kuruteti** yaṃ attano sathhārādīṃ seṭṭhaṃ karoti. **Hīnāti aññe tato sabbamāhāti** taṃ attano sathhārādīṃ ṭhapetvā tato aññe sabbe “hīnā ime”ti āha. **Tasmā vivādāni avitvattoti** tena kāraṇena so diṭṭhikalāhe avitvattova hoti.

Vasantīti paṭhamuppannadiṭṭhivasena vasanti. **Pavasanti**ti pavisitvā vasanti. **Āvasanti**ti visesena vasanti. **Parivasanti**ti sabbabhāgena vasanti. Taṃ upamāya sādheṭṭo “**yathā āgārikā vā**”ti adimāha. **Āgārikā vāti** gharasāmikā. **Gharesu vasanti**ti attano gharesu āsaṅkaviraḥitā hutvā nivasanti. **Sāpattikā vāti** āpattibahulā. **Sakilesā vāti** rāgādikilesabahulā. **Uttariṃ karoti**ti atirekaṃ karoti. **Ayaṃ sathhā sabbāññūti** ‘ayaṃ amhākaṃ sathhā sabbam jānāti’.

Sabbe parappavāde khipatīti sabbā paraladdhiyo chaḍḍeti. **Ukkhipatīti** nīharati. **Parikkhipatīti** parammukhe karoti. **Diṭṭhime dhagānīti** diṭṭhivihesakāni.

32. Dutiyagāthāyatho – evaṃ avitvatto ca **yaṃ diṭṭhe sute silavate muteti** etesu catūsū vatthūsū uppannadiṭṭhisāṅkhāte **attani** pubbe vuttappakāraṃ **ānisaṃsaṃ passati, tadeva so tattha** sakāya diṭṭhiyā ānisaṃsaṃ “idaṃ seṭṭha”nti abhinivisitvā **aññaṃ sabbam** parasathhārādikaṃ **nihinato passati**.

Dve ānisaṃse passatīti dve gaṇe oloketi. **Diṭṭhadhammikañcāti** diṭṭhe paccakkhe atabhāve vipaccanakaṇaṃ. **Samparāyikañcāti** paraloke paṭilabhitabbagaṇaṃ. **Yaṃ diṭṭhiko sathhāti** yaṃ laddhiko tiṭṭhāyatanasāmiko. **Alaṃ nāgattāya vāti** nāgarājabhāvāya vā pariyattaṃ. **Supaṇṇattādīsipi** eseva nayo. **Devattāya vāti** sammutidevādibhāvāya. **Āyatīṃ phalapāṭikañkhī hotīti** anāgate vipākaphalaṃ patthayāno hoti. **Diṭṭhasuddhiyāpi dve ānisaṃse passatīti** cakkhuvīññāṇena diṭṭharūpāyatanassa vasena suddhiyā hetuttāpi attano gahitagaṇaṇena dve gaṇe oloketi. **Sutasuddhiyādīsipi** eseva nayo.

33. Tatiyagāthāyatho – evaṃ passato ca **yaṃ** attano sathhārādīṃ **nissito aññaṃ** parasathhārādīṃ **hīnaṃ passati, taṃ** pana dassanaṃ **ganthameva kusalā vadanti**, bandhananti vuttaṃ hoti. Yasmā etadeva, **tasmā hi diṭṭhaṃ va sutam mutam vā, silabbataṃ bhikkhu na nissayeyya**, nābhiniveseyyāti vuttaṃ hoti.

Kusalāti khandhādijānane chekā. **Khandhakusalāti** rūpādīsū pañcasū khandhesu kusalā. **Dhātuāyatanapaṭiccasamuppādasatipaṭṭhānasammappadhānaiddhipādāindriyabalabojjhaṅgamaggaphalanibbānesupi** eseva nayo. Tattha **maggakusalāti** catūsū maggesu. **Phalakusalāti** catūsū phalesu. **Nibbānakusalāti** duvidhe nibbāne chekā. **Te kusalāti** te etesu vuttappakāresu chekā. **Evaṃ vadanti**ti evaṃ kathenti. **Gantho esoti** passato ca attano sathhārādīnissitaṅca aññaṃ parasathhārādīṃ hīnato dassanaṅca gantho bandhano esoti vadanti. **Lagganaṃ etanti** etaṃ vuttappakāraṃ nāgadante laggitaṃ viya adholambanaṃ. **Bandhanaṃ etanti** nicchinditūṃ dukkhaṭṭhena saṅkhalikādibandhanaṃ viya etaṃ bandhanaṃ. **Palibodho esoti** saṃsārato nikkhamitūṃ appadānaṭṭhena eso palibodho.

34. Catutthagāthāyatho – na kevalaṃ diṭṭhasutādīsū na nissayeyya, apica kho pana asaṅjātaṃ uparūpari **diṭṭhimpi lokasmiṃ na kappayeyya**, na janyeyyāti vuttaṃ hoti. Kīdisaṃ? **Ñāṇena vā silavatena vāpi**, samāpattiñāṇādīñāṇena vā silavatena vā yā kappiyati, etaṃ diṭṭhiṃ na kappayeyya. Na kevalaṅca diṭṭhiṃ na kappayeyya, apica kho pana mānenapi jātiādīhi vatthūhi **samoti attānamanūpaneyya, hīno na maññetha visesi vāpīti**.

Aṭṭhasamāpattiñāṇena vāti paṭhamajjhānādīnaṃ aṭṭhanaṃ samāpattīnaṃ sampayuttapaññāya vā. **Pañcābhīññāṇena vāti** lokiyānaṃ pañcannaṃ abhiññānaṃ sampayuttapaññāya vā. **Micchāññāṇena vāti** viparītasabhāvena pavattāya paññāya amutte muttaṃ passati evaṃ uppanna micchāññāṇena vā.

35. Pañcamagāthāyatho – evaṅhi diṭṭhiṃ akappento amaññamāno ca **attaṃ pahāya anupādiyāno** yaṃ pubbe gahitaṃ, taṃ pahāya paraṃ aggaṅhanto tasmimpi vuttappakāre ñāṇe duvidhaṃ **nissayaṃ no karoti**, akaronto ca **sa ve viyattesu** nānādiṭṭhivasena bhīnesu sattesu **na vaggasārī** chandādivasena agacchanadhammo hutvā dvāsaṭṭhiyā diṭṭhīsu **kiñci diṭṭhiṃ na pacceti**, na paccāgacchatīti vuttaṃ hoti.

Catūhi upādānehīti kāmupādānādīhi catūhi bhusaṃ gahaṇehi **sa ve viyattesūti** so puggalo nicchitesu. **Bhinnesūti** dvidhā bhinnesu.

36. Idāni yo so imāya gāthāya vutto khīṇāsavo, tassa vaṇṇabhaṇanattaṃ “**yassūbhayante**”tiādikā tisso gāthāyo āha. Tattha paṭhamagāthāya **yassūbhayanteti** pubbe vutte phassādibhede. **Paṇidhīti** taṇhā. **Bhavābhavāyāti** punappunabhavāya. **Idha vā huramaṃ vāti** sakattabhāvādibhede idha vā parattabhāvādibhede parattha vā.

Phasso eko antoti cakkhusamphassādiko eko koṭṭhāso. **Phassasamudayoti** vatthārammaṇo. Yato samudeti uppajjati, so samudayo. **Dutiyo antoti** dutiyo koṭṭhāso. **Afitanti** ati itaṃ aṭītaṃ, atikkantanti vuttaṃ hoti. **Anāgatanti** na āgataṃ, anuppannanti vuttaṃ hoti. **Sukhā vedanādayo** visabhāgavasena. **Nāmarūpadukaṃ** namanaruppannavasena. **Ajjhattikādayo** ajjhatabhāhiravasena. **Sakkāyādayo** khandhapañcakanāṃ pavattisamudayavasena vuttāti veditabbā.

Sakattabhāvoti attano attabhāvo. **Parattabhāvoti** parassa attabhāvo.

37. Dutiyaḡāthāya **diṭṭhe vāti** diṭṭhasuddhiyā vā. Esa nayo **sutādīsu**. **Saññāti** saññāsamuṭṭhāpikā diṭṭhi.

Aparāmasantanti taṇhāmānadiṭṭhīhi na parāmasantaṃ. **Anabhinivesantanti** teheva anabhinivisaṃtaṃ.

“**Vinibaddho**”ti vāti mānena vinibaddhoti vā. “**Parāmaṭṭho**”ti vāti parato nicasukhasubhādīhi parāmaṭṭhoti vā. **Vikkhepagatoti** uddhaccavasena. **Aniṭṭhaṅgatoti** vicikicchāvasena. **Thāmagatoti** anusayavasena. **Gatīyāti** gantabbavasena.

38. Tatiyaḡāthāya **dhammāpi tesam na paṭicchitāseti** dvāsaṭṭhidiṭṭhigatadhammāpi tesam “idameva saccaṃ, moghamañña”nti (udā. 54) evaṃ na paṭicchitā. **Pāraṅgato na pacceṭi tāḍīti** nibbānapāraṃ gato tena tena maggena pahīne kilese puna nāgacchati pañcahi ca ākārehi tāḍī hotīti. Sesam pākāṭameva.

Vīsativatthukā sakkāyadiṭṭhīti “rūpaṃ attato samanupassatī”tiādinā (paṭi. ma. 1.132) nayena ekekasmim khandhe catūhi catūhi ākārehi pañcakkhandhe paṭiṭṭhaṃ katvā pavattā vijjāmane kāye diṭṭhi. **Dasavatthukā micchādiṭṭhīti** “natthi dinna”ntiādinayappavattā (dha. sa. 1221) diṭṭhi. **Antaggāhikādiṭṭhīti** “sassato loko idameva saccaṃ, moghamañña”ntiādinayappavattā (ma. ni. 3.27) ekekaṃ antaṃ athīti gahetvā pavattā diṭṭhi. **Yā evarūpā diṭṭhīti** idāni vuccamānānaṃ ekūnavīsapadānaṃ sādharmaṇaṃ mūlapadaṃ. Yā diṭṭhi, tadeva **diṭṭhigataṃ**; yā diṭṭhi, tadeva **diṭṭhigahananti** sabbesam sambandho kātabbo. Yā ayāthāvadassanaṭṭhena diṭṭhi, tadeva diṭṭhīsu gataṃ dassanaṃ dvāsaṭṭhidiṭṭhiyā antogatattāti **diṭṭhigataṃ**. Heṭṭhāpissa attho vuttoyeva.

Dvinaṃ antānaṃ ekantaḡatattātipi **diṭṭhigataṃ**. Tattha **sassatoti** nicco. **Lokoti** attā. “Idha sarīraṃyeva nassati, attā pana idha parattha ca soye vā”ti maññanti. So hi sāmāññeva āloketīti katvā lokoti maññanti. **Asassatoti** anicco. Attā sarīreneva saha nassatīti maññanti. **Antavāti** paritte kaṣiṇe jhānaṃ uppādetvā taṃ parittakasiṇārammaṇaṃ cetanaṃ “sapariyanto attā”ti maññanti. **Ananta vāti** na antavā appamāṇe kaṣiṇe jhānaṃ uppādetvā taṃ appamāṇakasiṇārammaṇaṃ cetanaṃ “apariyanto attā”ti maññanti. **Taṃ jīvaṃ taṃ sarīraṃ** jīvo ca sarīraṃca taṃyeva. Jīvoti attā, liṅgavipallāseṇa napuṃsakavacanaṃ kataṃ. **Sarīraṃ** rāsaṭṭhena khandhapañcakaṃ. **Aññaṃ jīvaṃ aññaṃ sarīraṃ** añño jīvo aññaṃ khandhapañcakaṃ. **Hoti tathāgato paraṃ maraṇāti** khandhā idheva vinassanti, satto maraṇato paraṃ hoti vijjati na nassati, **tathāgatoti** cetam sattādhivacanaṃti. Keci pana “**tathāgatoti** arahā”ti vadanti. Ime **na hotīti** pakkhe dosaṃ disvā evaṃ gaṇhanti. **Na hoti tathāgato paraṃ maraṇāti** khandhāpi idheva nassanti, tathāgato ca maraṇato paraṃ na hoti ucchijjati. Ime **hotīti** pakkhe dosaṃ disvā evaṃ gaṇhanti. **Hoti ca na ca hotīti** ime ekekapakkhapaṇṇiggahe dosaṃ disvā ubhayapakkhaṃ gaṇhanti. **Neva hoti na na hotīti** ime ubhayapakkhapaṇṇiggahe ubhayadosāpattim disvā “hoti ca na hotī”ti ca “neva hoti na na hotī”ti ca amarāvikkhepapakkhaṃ gaṇhanti.

Ayaṃ panettha aṭṭhakathānayo (paṭi. ma. aṭṭha. 2.1.113) – “sassato loko”ti vātiāḍīhi dasahākārehi diṭṭhipabhedova vutto. Tattha **sassato lokoti** ca khandhapañcakaṃ lokoti gahetvā “ayaṃ loko nicco dhuvo sabbakāliko”ti gaṇhantassa sassatanti gahaṇākārapavattā diṭṭhi. **Asassatoti** tameva lokaṃ “ucchijjati vinassatī”ti gaṇhantassa ucchedaggahaṇākārapavattā diṭṭhi. **Antavāti** parittakasiṇalābhino suppatte vā sarāvamatte vā kaṣiṇe samāpannassa antosamāpattiyam pavattitarūpārūpadhamme “loko”ti ca kaṣiṇaparicchadanta “antavā”ti ca gaṇhantassa “antavā loko”ti gahaṇākārapavattā diṭṭhi. Sā sassatadiṭṭhipi hoti ucchedadiṭṭhipi. Vipulakasiṇalābhino pana tasmim kaṣiṇe samāpannassa antosamāpattiyam pavattitarūpārūpadhamme “loko”ti ca kaṣiṇaparicchadanta ca “ananto”ti gaṇhantassa “anantavā loko”ti gahaṇākārapavattā diṭṭhi. Sā sassatadiṭṭhi hoti, ucchedadiṭṭhipi. **Taṃ jīvaṃ taṃ sarīraṃ** bhedanadhammassa sarīrasseva “jīva”nti gahitattā “sarīre ucchijjāmane jīvampi ucchijjati”ti ucchedaggahaṇākārapavattā diṭṭhi. Dutiyaḡapadena sarīrato aññassa jīvassa gahitattā “sarīre ca ucchijjāmanepi jīvaṃ na ucchijjati”ti sassataggahaṇākārapavattā diṭṭhi. **Hoti tathāgatoti**āḍīsu “satto tathāgato nāma, so paraṃ maraṇā hotī”ti gaṇhato paṭhamā sassatadiṭṭhi. “Na hotī”ti gaṇhato dutiyā ucchedadiṭṭhi. “Hoti ca na ca hotī”ti gaṇhato tatiyā ekaccasassatadiṭṭhi. “Neva hoti na na hotī”ti gaṇhato catutthā amarāvikkhepadiṭṭhīti vuttappakārā dasavidhā diṭṭhi. Yathāyogaṃ bhavadīṭṭhi ca vibhavadīṭṭhi cāti dvidhā hoti. Tāsu ekāpi tesam khīṇāsavānaṃ na paṭicchitāti attho.

Ye kilesāti ye kilesā sotāpattimaggena pahīnā, te kilese. **Na punetīti** na puna eti. **Na pacceṭīti** puna nibbattetvā na paṭīeti, **na paccāgacchātīti** paccabhave nāgacchati. **Pañcahākārehi tāḍīti** pañcahi kāraṇehi koṭṭhāsehi vā sadiso. **Iṭṭhāniṭṭhe**

tādīti iṭṭhārammaṇe ca anīṭṭhārammaṇe ca anunayapaṭiḡhaṃ muñcitvā ṭhitattā dvīsu sadiso. **Cattāvīti** kilese cajiṭavā. **Tiṇṇāvīti** saṃsāraṃ atikkamītvā. **Muttāvīti** rāgādito muttvā. **Taṃniddesā tādīti** tena tena sīlasaddhādīnā niddisītvā niddisītvā kathetabbato sadiso.

Taṃ pañcavidhaṃ vitthāretvā kathetukāmo “**kathaṃ arahā iṭṭhāniṭṭhe tādi**”tiādimāha. Tattha **lābhēpīti** catunnaṃ paccayānaṃ lābhēpi. **Alābhēpīti** tesam alābhēpi. **Yasepīti** parivārepi. **Ayasepīti** parivāravipattiyāpi. **Pasaṃsāyapīti** vaṇṇabhaṇāyāpi. **Nindāyapīti** garahāyāpi. **Sukhēpīti** kāyikasukhēpi. **Dukkhēpīti** kāyikadukkhēpi. **Ekañce bāhaṃ gandhena limpeyyunti** sace ekaṃ bāhaṃ catujātiyagandhena lepaṃ uparūpari dadeyyuṃ. **Vāsiyā taccheyyunti** yadī ekaṃ bāhaṃ vaḍḍhakī vāsiyā tacchetvā tacchetvā tanuṃ kareyyuṃ. **Amusmiṃ natthi rāgoti** amusmiṃ gandhalepane sineho natthi na saṃvijjati. **Amusmiṃ natthi paṭiḡhanti** amusmiṃ vāsiyā tacchane paṭiḡhananasāṅkhātāṃ paṭiḡhaṃ kopaṃ natthi na saṃvijjati. **Anunayapaṭiḡhavippahīnoti** sinehañca kopañca pajahītvā ṭhito. **Ugghātinighātivītivattoti** anunayavasena anuggahañca paṭiḡhavasena niggahañca atikkamītvā ṭhito. **Anurodhavirodhasamatikkantoti** anunayañca paṭiḡhañca sammā atikkanto.

Sīle satīti sīle saṃvijjamāne. **Silavāti** sīlasampanno. Tena niddesaṃ kathaṃ labhatīti **tādī**. **Saddhāya sati saddhoti** evamādīsupi eseṃa nayo.

Saddhammappajjotikāya mahāniddesaṭṭhakathāya

Paramaṭṭhakasuttaniddesavaṇṇanā niṭṭhitā.

6. Jarāsuttaniddesavaṇṇanā

39. Chaṭṭhe jarāsutte **appaṃ vata jīvitaṃ idanti** idaṃ vata manussānaṃ jīvitaṃ appakaṃ parittaṃ ṭhitiparittatāya sarasaparittatāyāti guhaṭṭhakasuttepi vuttanayametaṃ. **Oraṃ vassasatāpi miyyatīti** vassasatā oraṃ kalalākālepi miyyati. **Aticcāti** vassasataṃ atikkamītvā. **Jarasāpi miyyatīti** jarāya miyyati. Ito paraṃ guhaṭṭhakasuttavaṇṇanāya vuttanayeneva gahettabbaṃ.

Appanti mandaṃ. **Gamaṇīyo samparāyoti** paraloko gantabbo. **Kalalakālepi** ettha kalalakālaṃ nāma paṭisandhikkhaṇe ṭhi jātiṇṇaṃsūhi katasuttaḡe ṭhitatelabinduppamaṇaṃ acchaṃ vippasannakalalaṃ hoti. Yaṃ sandhāya vuttaṃ –

“Tilatelassa yathā bindu, sappimaṇḡo anāvilo;

Evam vaṇṇappaṭibhāgaṃ, kalalaṃ sampavuccatī”ti. (saṃ. ni. aṭṭha. 1.1.235; vibha. aṭṭha. 26 pakīṇṇakakathā);

Tasmiṃ kalalakālepi. **Cavatīti** jīvitaṃ gaḡati. **Maratīti** jīvitaṃyogaṃ āpajjati. **Antaradhāyatīti** adassanaṃ pāpuṇāti. **Vippalujjatīti** chijjati. “Aṇḡajayoniyā **cavatī**. Jalābujayoniyā **maratī**. Samsedajayoniyā **antaradhāyatī**. Opapātikayoniyā **vippalujjatī**”ti evameke vaṇṇayanti. **Abbudakālepi** abbudaṃ nāma kalalato sattāhaccayena maṃsadhovanaudakavaṇṇaṃ hoti, kalalanti nāmaṃ antaradhāyatī. Vuttampi cetam –

“Sattāhaṃ kalalaṃ hoti, paripakkaṃ samūhataṃ;

Vivaṭṭamaṇaṃ tabbhāvaṃ, abbudaṃ nāma jāyatī”ti. (saṃ. ni. aṭṭha. 1.1.235);

Tasmiṃ abbudakālepi. **Pesikālepi** tasmāpi abbudā sattāhaccayena vilīnatīpusadisā pesi nāma saṅjāyati. Sā maricaphāṇitena dīpetabbā. Gāmadārikā hi supakkāni maricāni gahetvā sātakante bhaṇḡikaṃ katvā pīletvā maṇḡaṃ ādāya kapāle pakkhipītvā ātape ṭhapenti, taṃ sukkhamānaṃ sabbabhāḡehi muccati. Evarūpā pesi hoti, abbudanti nāmaṃ antaradhāyatī. Vuttampi cetam –

“Sattāhaṃ abbudaṃ hoti, paripakkaṃ samūhataṃ;

Vivaṭṭamaṇaṃ tabbhāvaṃ, pesi nāma pajāyatī”ti. (saṃ. ni. aṭṭha. 1.1.235);

Tasmiṃ pesikālepi. **Ghanakālepi** tatopi pesito sattāhaccayena kukkuṭaṇḡasanaṭṭhāno ghano nāma maṃsapiṇḡo nibbattati, pesīti nāmaṃ antaradhāyatī. Vuttampi cetam –

“Sattāhaṃ pesi bhavati, paripakkaṃ samūhataṃ;

Vivaṭṭamaṇaṃ tabbhāvaṃ, ghanoti nāma jāyati.

“Yathā kukkuṭiyā aṇḡaṃ, samantā parimaṇḡalaṃ;

Evam ghanassa saṅṭhānaṃ, nibbattaṃ kammaṃpaccayā”ti. (saṃ. ni. aṭṭha. 1.1.235);

Tasmiṃ ghanakālepi. **Pasākhakālepi** pañcamaṃ sattāhe dvinnaṃ dvinnaṃ hatthapādānaṃ sīsassa catthāya pañca pīlakā jāyanti, yaṃ sandhāya vuttaṃ – “pañcamaṃ, bhikkhave, sattāhe pañca pīlakā saṅṭhahanti kammato”ti. Tasmiṃ pasākhakālepi.

Tato paraṃ chaṭṭhasattamādīni sattāhāni atikkamma desanaṃ saṅkhipitvā dvācattālīsasattāhe pariṇatakāle kesalomanakhādīnaṃ uppattikālaṅca. Tassa ca nābhīto uṭṭhito nālo mātu udarapaṭalena ekābaddho hoti, so uppaladaṅḍako viya chiddo, tena āhāraso saṃsaritvā āhārasamuṭṭhānarūpaṃ samuṭṭhāpeti. Evaṃ so dasamāse yāpeti, taṃ sabbamaṃ avatvā “**sūtighare**”ti āha. Yaṃ sandhāya vuttaṃ –

“Kesā lomā nakhāni ca”;

“Yañcassa bhuñjati mātā, annaṃ pānaṅca bhojanaṃ;

Tena so tattha yāpeti, mātukucchigato naro”ti. (saṃ. ni. 1.235; kathā. 692);

Tattha **sūtighareti** sūtikaghare, vijāyanaghareti attho. “Sūtikāghare”ti vā pāṭho, sūtikāyāti padacchedo. **Addhamāsikopīti** jātadivasato paṭṭhāya addhamāso etassa atthīti addhamāsiko. **Dvemāsikādīsūpi** eseva nayo. Jātadivasato paṭṭhāya ekaṃ saṃvaccharaṃ etassa atthīti saṃvacchariko. Upari **dvevassikādīsūpi** eseva nayo.

Yadā jīṇṇo hotīti yasmaṃ kāle jarājīṇṇo bhavati jajjarībhūto. **Vuddhoti** vayovuddho. **Mahallakoti** jātimahallako. **Addhagatoti** tayo addhe atikkanto. **Vayoanuppattoti** tatiyaṃ vayaṃ anuppatto. **Khaṇḍadantoti** antarantarā patitā dantā phālītā ca jarānubhāvena khaṇḍā dantā jātā assāti khaṇḍadanto. **Palitakesoti** paṇḍarakeso. **Vilūnanti** luñcitvā gahitakesā viya khallātasīso. **Khalitasiroti** mahākhallātasīso. **Valinanti** sañjātavali. **Tilakāhatagattoti** setatilakakāṭalakehi vikiṇṇasarīro. **Bhoggoti** bhaggo, imināpissa vaṅkabhāvaṃ dīpeti. **Daṇḍaparāyaṇoti** daṇḍapaṭissaraṇo daṇḍadutiyo. **So jarāyapīti** so puggalo jarāyapī abhibhūto marati. **Natthi maraṇamhā mokkhoti** maraṇato muñcanupāyo natthi nupalabbhati.

Phalānamiva pakkānaṃ, pāto patanato bhayanti paripākagatānaṃ sithilavaṇṭānaṃ panasaphalādipakkānaṃ paccūsakāle avassaṃ patissantīti phalāsāmikānaṃ bhāyamānānaṃ viya. **Evaṃ jātāna maccānaṃ, niccaṃ maraṇato bhayanti** evameva uppannānaṃ sattānaṃ maccusaṅkhātamarāṇato satataṃ kālaṃ bhayaṃ.

Yathāpi kumbhakārassāti yathā nāma mattikābhājanaṃ karontassa. **Kataṃ mattikābhājananti** (su. ni. 582) tena niṭṭhāpitabhājanaṃ. **Sabbaṃ bhedanapariyantanti** pakkāpakkaṃ sabbaṃ bhedanaṃ bhijjapariyantaṃ avasānaṃ assāti bhedanapariyantaṃ. **Evaṃ maccāna jīvīti** evameva sattānaṃ āyusaṅkhāraṃ.

Daharā ca mahantā cāti taruṇā ca mahallakā ca. **Ye bālā ye ca paṇḍitāti** ye ca assāsapassāsāyattā jīvītā bālā ye ca paṇḍiccena samannāgatā buddhādayo. **Sabbe maccuvasaṃ yantīti** ete vuttappakārā daharādayo sabbe maccuno issariyaṃ upagacchanti.

Tesaṃ maccuparetānanti etesaṃ maccunā parivāritānaṃ. **Gacchataṃ paralokatoti** ito manussalokato paralokaṃ gacchantānaṃ. **Na pitā tāyate puttanti** pitā puttaṃ na rakkhati. **Ñāti vā pana ñātaketi** mātāpitipakkhikā ñātī vā teyeva ñātake rakkhituṃ na sakkonti.

Pekkhataññeva ñātīnanti vuttavidhānaṃyeva ñātīnaṃ pekkhantānaṃyeva oloketānaṃyeva. **Passa lālapataṃ puthūti passāti** ālapanāṃ. Lālapantānaṃ vilapantānaṃ puthūnaṃ nānappakārānaṃ. **Ekamekova maccānaṃ, govajjho viya niyyatīti** sattānaṃ ekameko vadhāya niyyamānaṅgo viya maraṇāya niyyati pāpuṇīyati. **Evaṃabbhāhato lokoti** evameva sattaloko bhusaṃ āhato. **Maccunā ca jarāya cāti** maraṇena ca jarāya ca abhibhūto.

40. Mamāyiteti mamāyitavatthukāraṇā. **Vinābhāvaṃ santamevidanti** santaṃ vijjamaṇaṃ vinābhāvameva idaṃ, na sakkā avinābhāvena bhavituntī vuttaṃ hoti.

Socantīti cittaena socanaṃ karonti. **Kilamantīti** kāyena kilamathaṃ pāpuṇanti. **Paridevantīti** nānāvidhaṃ vācāvilāpaṃ bhaṇanti. **Uratāṭṭhī kandaṅṭṭīti** uraṃ tāḷetvā tāḷetvā kandaṅṭṭīti. **Sammohaṃ āpajjantīti** sammohabhāvaṃ pāpuṇanti.

Aniccoti hutvā abhāvattṭhena. **Saṅkhatoti** paccayehi saṅgama kato. **Paṭiccasamuppannoti** paccayasāmaggiṃ paṭicca na paccakkhāya saha sammā ca uppanno. **Khayadhammoti** khayaṃ gamanasabhāvo. **Vayadhammoti** vayaṃ gamanasabhāvo, bhaṅgavasena bhaṅgagamasabhāvoti attho. **Virāgadhammoti** virajjanasabhāvo. **Nirodhadhammoti** nirujjhanasabhāvo. **Yvāyaṃ pariggahoti** yo ayaṃ pariggaho. “Yāya pariggaho”tipi pāṭho, ayameva padacchedo. **Niccoti** satatakāliko. **Dhuvoti** thiro. **Sassatoti** acavano. **Avipariṇāmadhammoti** pakatiājahanasabhāvo. **Sassati samaṃ tatheva ṭhasatīti** candasūriyasinerumahāsamuddapathavipabbatādayo viya tiṭṭheyya.

Nānābhāvoti jātiyā nānābhāvo. **Vinābhāvoti** maraṇena viyogabhāvo. **Aññathābhāvoti** sabbhāvato aññathābhāvo. **Purimānaṃ purimānaṃ khandhānanti** anantare pure uppannānaṃ khandhānaṃ. **Vipariṇāmaññathābhāvāti** pakatibhāvaṃ jahitvā aññathābhāvena. Pacchimā pacchimā khandhādayo pavattanti uppajjantīti sambandho.

Sabbaṃ gharāvāsapalibodhanti sakalaṃ gihbhāvajaṭaṃ. **Ñātimittāmaccapalibodhanti** mātāpitupakkhikā ñātī, **mittā** sahāyā, **amaccā** bhaccā. **Sannidhipalibodhanti** nidhānaṅgaṃ chinditvā. **Kesamassaṃ ohāretvāti** kese ca massūni ca oropayitvā. **Kāsāyāni vatthānīti** kasāyārasapītāni vatthāni.

41. **Māmakoti** mama upāsako bhikkhu vāti saṅkhaṃ gato, buddhādīni vā vatthūni mamāyamāno.

Tesaṃ tesaṃ sattānanti anekesaṃ sattānaṃ sādharmaṇiddeso. “Yaññadattassa maraṇaṃ, somadattassa maraṇa”nti evaṃhi divasampi kathiyamāne neva sattā pariyādānaṃ gacchanti, na sabbaṃ aparattadīpanaṃ sijjhati. Imehi pana dvīhi padehi na koci satto apariyādīno hoti, na kiñci aparattadīpanaṃ na sijjhati. **Tamhā tamhāti** ayaṃ gativasena anekesaṃ nikāyānaṃ sādharmaṇiddeso. **Sattanikāyāti** sattānaṃ nikāyā, sattaḡhaṭṭā sattasamūhāti attho. **Cutīti** cavanavasena vuttaṃ. Ekacatuṇṇakhandhāya cutiyā sāmāññavacanametam. **Cavanatāti** bhāvavacanena lakkhaṇanidassanaṃ. **Bhedoti** cutikhandhānaṃ bhaṅgupattiparidīpanaṃ. **Antaradhānanti** ghaṭassa viya bhinnassa bhinnānaṃ khandhānaṃ yena kenaci pariyāyena ṭhānābhāvaparidīpanaṃ. **Maccumarāṇanti** maccusaṅkhātaṃ maraṇaṃ, na khaṇikamarāṇaṃ. Kālo nāma antako, tassa kiriyāti **kālamkiriyā**. Ettāvataṃ sammutimaraṇaṃ dīpitaṃ. Idāni paramatthena dīpetuṃ “**khandhānaṃ bhedo**”tiādīmāha. Paramatthena hi khandhāyeva bhijjanti, na satto nāma koci marati. Khandhesu pana bhijjamānesu satto marati, bhinnesu “mato”ti vohāro hoti.

Ettha ca catuvokārapañcavokāravasena khandhānaṃ bhedo, ekavokāravasena kaḷavarassa nikkhepo. Catuvokāravasena vā khandhānaṃ bhedo, sesadvayavasena kaḷavarassa nikkhepo veditabbo. Kasmā? Kāmarūpabhavadvayepi rūpakāyasaṅkhātassa kaḷavarassa sabbhāvato. Yasmā vā cātumahārājikādīsū khandhā bhijjanteva, na kiñci nikkhipanti, tasmā tesaṃ vasena khandhānaṃ bhedo, manussādīsū kaḷavarassa nikkhepo. Ettha ca kaḷavarassa nikkhepakaraṇato maraṇaṃ “kaḷavarassa nikkhepo”ti vuttaṃ. **Jvitindriyassupachedoti** iminā indriyabaddhasseva maraṇaṃ nāma hoti, anindriyabaddhassa maraṇaṃ nāma natthīti dasseti. “Sassaṃ mataṃ, rukkho mato”ti idaṃ pana vohāramattameva. Atthato pana evarūpāni vacanāni sassādīnaṃ khayavayabhāvameva dīpenti. **Rūpagatanti** rūpameva rūpagataṃ. **Vedanāgatanti**ādīsūpi eseva nayo.

Tattha **pubbeva maccanti** maccaṃ vā bhogā pubbeva paṭhamataraññeva vijahanti. Macco vā te bhoge pubbataṃ jahati. **Kāmakāmīti** corarājānaṃ ālapati. Ambho kāme kāmayamāna kāmakāmi bhogino nāma loke asassatā, bhogesu vā natthesu jīvamānā ca abhogino honti. Bhoge vā pahāya sayam nassanti, tasmā aham mahājanassa sokakālepi na socāmīti attho.

Viditā mayā sattuka lokadhammāti corarājānaṃ ālapanto āha. Ambho sattuka mayā lābho alābho yaso ayasotiādayo lokadhammā viditā. Yatheva hi cando udeti ca pūrati ca puna ca khīyati, yathā ca sūriyo andhakāraṃ vidhamento mahantaṃ lokappadesaṃ tapitvāna puna sāyaṃ atthaṃ paleti atthaṃ gacchati na dissati, evameva bhogā uppajjanti ca vinassanti ca, tattha kiṃ sokena, tasmā na socāmīti attho.

Tañhāmaññānāya maññatīti tañhāya janitamānāmaññānāya maññati. **Mānaṃ karoti dīṭṭhimaññānāyāti** dīṭṭhiṃ upanissayaṃ katvā uppannāya maññānāya. **Mānāmaññānāyāti** sahajātāmānāmaññānāya. **Kilesamaññānāyāti** vuttappakārāya upatāpanaṭṭhena kilesamaññānāya maññati.

Kuhāti vimhāpakā. **Thaddhāti** khāṇu viya thaddhā. **Lapāti** paccayanimittena lapanakā.

42. **Saṅgatanti** samāgataṃ, dīṭṭhaṃ phuṭṭhaṃ vā. **Piyāyitanti** piyakataṃ.

Saṅgatanti sammukhībhūtaṃ. **Samāgatanti** samīpaṃ āgataṃ. **Samāhitanti** ekībhūtaṃ. **Sannipatitanti** piṇḍitaṃ. **Supinagatoti** supinaṃ pavīṭṭho. **Senābyūhaṃ passatīti** senāsannivesaṃ dakkhati. **Āramāraṃmaṇeyyakanti** pupphārāmādīnaṃ ramaṇīyabhāvaṃ. **Vanarāmaṇeyyakādīsūpi** eseva nayo. **Petanti** ito paralokaṃ gataṃ. **Kālaṅkatanti** mataṃ.

43. **Nāmaṃyevāvasissati, akkheyyanti** sabbaṃ rūpādiddhammajātaṃ pahīyati, nāmamattameva tu avasissati “buddharakkhito dhammarakkhito”ti evaṃ akkhātuṃ khetuṃ.

Ye cakkhuvīññābhīsambhūtāti ye sayam cakkhuvīññānena abhisambhūtā rāsikatā dīṭṭhā catusamuṭṭhānikā rūpā. **Sotaviññābhīsambhūtāti** paratoghosena sotaviññānena rāsikatā sutā dvisamuṭṭhānikā saddā.

44. **Munayoti** khīṇāsavamunayo. **Khemadassinoti** nibbānadassinō.

Sokoti sokaniddese – byasatīti byasanaṃ, hitasukhaṃ khīpati viddhamsetīti attho. Nātīnaṃ byasanaṃ nātībyasanaṃ, corarogabhayādīhi nātīkkhayo nātīvināsoti attho. Tena **nātībyasana**. **Phuṭṭhassatī** ajjhotthaṭṭassa, abhibhūtassa samānāgatassatī attho. Sesesūpi eseva nayo. Ayaṃ pana viseso – bhogānaṃ byasanaṃ **bhogabyasanaṃ**, rājacorādivasena bhogakkhayo bhogavināsoti attho. Rogoyeva byasanaṃ **rogabyasanaṃ**. Rogo hi ārogyaṃ byasati vināsetīti byasanaṃ. Sīlassa byasanaṃ **sīlabyasanaṃ**, dussilyassetam nāmaṃ. Sammādiṭṭhiṃ vināsayamānā uppannā dīṭṭhiyeva byasanaṃ **dīṭṭhibyasanaṃ**. Ettha ca purimāni dve anipphannāni, pacchimāni tīṇi nipphannāni tilakkhaṇabbhāhatāni. Purimāni ca tīṇi neva kusalāni nākusalāni, sīladiṭṭhibyasanaadvayaṃ akusalaṃ.

Āññataraññātarenāti gahitesu vā yena kenaci aggahitesu vā mittāmaccaḡbyasanādīsū yena kenaci. **Samānāgatassatī** samanubandhassa aparimuccamānassa. **Āññataraññātarena dukkhadhammenāti** yena kenaci sokadukkhassa uppattihetuṇā. **Sokoti** socanakavasena soko. Idaṃ tehi kāraṇehi uppajjanakasokassa sabhāvapaccattaṃ. **Socanāti** socanākāro. **Socitattanti** socitabhāvo. **Antosokoti** abhantarasoko. Dutiyapadaṃ upasaggena vaḍḍhitam. So hi abhantaraṃ sukkhāpento viya

parisukkhāpento viya uppajjati “antosoko antoparisoko”ti vuccati. **Antodāhoti** abhantaradāho. Dutiyapadam upasaggena vaḍḍhitam. **Cetaso pariyyhāyanāti** cittassa jhānanākāro. Soko hi uppajjamāno aggi viya cittam jhāpeti dahati, “cittam me jhāmaṃ, na me kiñci paṭibhāti”ti vadāpeti. Dukkhitō mano dummano, tassa bhāvo **domanassam**. Anupaviṭṭhatṭhena sokova sallanti **sokasallam**.

Paridevaniddese – “mayham dhītā, mayham putto”ti evaṃ ādissa ādissa devanti rodanti etenāti **ādevo**. Tam tam vaṇṇam parikittetvā parikittetvā devanti etenāti **paridevo**. Tato parāni dve dve padāni purimadvayasseva ākārabhāvaniddesavasena vuttāni. **Vācāti** vacanaṃ. **Palāpoti** tucchaṃ niratthakavacanaṃ. Uppaḍḍhabhaṇitaaññabhaṇitādivasena virūpo palāpo **vippalāpo**. **Lālappoti** punappunaṃ lapanam. Lālappanākāro **lālappanā**. Lālappitassa bhāvo **lālappitattam**. Macchariyādīni vuttatthāneva.

45. Sattamagāthā evaṃ maraṇabbhāhate loka anurūpapaṭipattidassanattham vuttā. Tattha **patilīnacarassāti** tato tato patilīnam cittam katvā carantassa. **Bhikkhunoti** kalyāṇaputhujjanassa vā sekkhassa vā. **Sāmaggiyamāhu tassa tam, yo attānam bhavane na dassayeti** tassetam patirūpamāhu, yo evampaṭipanno nirayādibhede bhavane attānam na dassaye. Evañhi so imamhā maraṇā mucceyyāti adhippāyo.

Patilīnacara vuccantīti tato tato līnacittācārā kathīyanti. **Satta sekkhāti** adhisīlādīsu tīsu sikkhāsu sikkhantīti sotāpattimaggatṭham ādim katvā yāva arahattamaggatṭhā satta sekkhā. **Arahāti** phalaṭṭho. So niṭṭhitacittatā **patilīno**. Sekkhānam patilīnacaraṇabhāve kāraṇam dassento “**kim kāraṇā**”tiādimāha. **Te tato tatoti** te satta sekkhā tehi tehi ārammaṇehi **cittam patilīnenti** attano cittam nilīnenti. **Patikuṇṇenti** saṅkocenti. **Pativaṭṭenti** kaṭasāraṇam viya ābhujenti. **Sanniruddhanti** sannirujjanti. **Sannigaṇhanti** niggaṇham kurumānā. **Sannivārenti** vārayamānā. **Rakkhanti** rakkham kurumānā. **Gopenti** cittamañjūsāya gopayamānā.

Idāni dvārasasena dassento “**cakkhudvāre**”tiādimāha. Tattha **cakkhudvāreti** cakkhuvīññādvāre. **Sotadvārādīsipi** eseva nayo. **Bhikkhunoti puthujjanakalyāṇakassa vā bhikkhuno, sekkhassa vā bhikkhunoti** bhikkhusaddassa vacanattham avatvā idhādhippetabhikkhuyeva dassito. Tattha puthujjano ca so kilesānam asamucchinnatā, kalyāṇo ca sīlāpapaṭipattiyuttatṭāti puthujjanakalyāṇova puthujjanakalyāṇako, tassa **puthujjanakalyāṇakassa**. Adhisīlādīni sikkhatīti **sekkho**, tassa sekkhassa vā sotāpannassa vā sakadāgāmino vā anāgāmino vā.

Āsanti nisīdanti etthāti **āsanam**. **Yatthāti** yesu mañcapīṭhādīsū. **Mañcotiādīni** āsanassa pabhedavacanāni. Mañcopi hi nisajjāyapi okāsattā idha āsanesu vutto, so pana masārakabundikābaddhakuḷīrapādakaāhaccapādakānam aññataro. **Pīṭhampi** tesam aññatarameva. **Bhisīti** unṇabhisi colābhisi vākabhisi tiṇabhisi paṇṇabhisiṇam aññatarā. **Taṭṭikāti** tālapaṇṇādīhi vinitvā katā. **Cammakhaṇḍoti** nisajjāraho yo koci cammakhaṇḍo. **Tiṇasanthārādayo** tiṇādīni gumbetvā katā. **Asappāyarūpadassanenāti** asappāyānam iṭṭharūpānam olokanena. **Rittanti** abhantarato tucchaṃ. **Vivittanti** bahiddhāpavesanena suññam. **Pavivittanti** koci gahaṭṭho tattha natthīti atirekena suññam. **Asappāyasaddassavanepi** eseva nayo. **Pañcahi kāmagaṇehīti** itthirūpasaddagandharasaphoṭṭhabbehi pañcahi kāmakoṭṭhāsehi. Vuttampi cetam –

“Rūpā saddā rasā gandhā, phoṭṭhabbā ca manoramā;
Pañca kāmagaṇā loke, itthirūpasmiṃ dissare”ti. (a. nī. 5.55);

Bhajatoti cittena sevanaṃ karontassa. **Sambhajatoti** sammā sevantassa. **Sevatoti** upasaṅkamantassa. **Nisevatoti** nissayaṃ katvā sevantassa. **Samsevatoti** suṭṭhu sevantassa. **Paṭisevatoti** punappunaṃ upasaṅkamantassa.

Gaṇasāmaggīti samaṇānam ekībhāvo samaggabhāvo. **Dhammasāmaggīti** sattatīmasabodhipakkhiyadhammānam samūhābhāvo. **Anabhinibbattisāmaggīti** anibbattamānānam anuppajjamānānam anupādisesāya nibbānadhātuyā parinibbutānam arahantānam samūho. **Samaggāti** kāyena aviyogā. **Sammodamānāti** cittena suṭṭhu modamānā tussamānā. **Avivadamānāti** vācāya vivādam akurumānā. **Khīrodakībhūtāti** khīrena saṃsaṭṭhaudakasadisā.

Te ekato pakkhandantīti te bodhipakkhiyadhammā ekam ārammaṇam pavisanti. **Pasīdantīti** tasmīmyeva ārammaṇe pasādamāpajjanti. **Anupādisesāyāti** upādivirahitāya.

Nibbānadhātuyāti amatamahānibbānadhātuyā. **Īnattam vāti** ettha unabhāvo īnattam, aparipuṇṇabhāvoti attho. **Puṇṇattam vāti** paripuṇṇabhāvo puṇṇattam, puṇṇabhāvo vā na paññāyati natthīti attho.

Nerayikānanti niraye nibbattanakakammānam atthibhāvena. Nirayaṃ arahantīti nerayikā, tesam nerayikānam. **Nirayo bhavananti** nirayo eva tesam vasanaṭṭhānam gharaṃ. **Tiracchānayanikānanti** ādīsipi eseva nayo. **Tassesā sāmaggīti** tassa khīṇāsavassa esā nibbānasāmaggī. **Etam channanti** etam anucchavikam. **Patirūpanti** sadisaṃ paṭibhāgam, asadisam appaṭibhāgam na hoti. **Anucchavikanti** etam samaṇabrāhmaṇānam vā dhammānam, maggaphalanibbānasāsanadhammānam vā anucchavikam. Tesam chaviṃ chāyaṃ sundarabhāvaṃ anveti anugacchati, atha kho santikāva tehi dhammehi anucchavikattā eva ca anulomaṃ. Tesaṇca anulometi, atha kho na vilomaṃ na paccanīkabhāve ṭhitam.

46. Idāni “yo attānam bhavane na dassaye”ti evaṃ khīṇāsavo vibhāvito, tassa vaṇṇabhaṇanattham ito parā tisso gāthāyo

āha. Tattha paṭhamagāthāya **sabbatthā**ti dvādasasu āyatanesu. Na piyaṃ kubbati nopi appiyanti niddese **piyā**ti citte pīṭikarā. Te vibhāgato dassento “**katame sattā piyā, idha yassa te honti**”ti āha. Tattha **yassa teti** ye assa te. **Honti**ti bhavanti. **Atthakāmā**ti vadḍhikāmā. **Hitakāmā**ti sukhakāmā. **Phāsukāmā**ti sukhavihārakāmā. **Yogakkhemakāmā**ti catūhi yogehi khemaṃ nibbhayaṃ kāmā. Mamāyatīti **mātā**. Piyāyatīti **pitā**. Bhajatīti **bhātā**. **Bhaginti**ti etthāpi eseva nayo. Puṃ tāyati rakkhatīti **putto**. Kulavaṃsaṃ dhāretīti **dhītā**. **Mittā** sahāyā. **Amaccā** bhaccā. **Ñāti**ti pitupakkhikā. **Sālohitā** mātīpakkhikā. **Ime sattā piyā**ti ime sattā pīṭījanakā. Uttavipariyāyena appiyā veditabbā.

47. Yadidaṃ diṭṭhasutamutesu vāti ettha pana yadidaṃ diṭṭhasutaṃ, ettha vā mutesu vā dhammesu; evaṃ muni na upalīpaṭṭīti evaṃ sambandho veditabbo.

Udakathevoti udakassa thevo. “Udakathevako”tipi pāṭho. **Padumapatteti** paduminipatte.

48. Dhono na hi tena maññati, yadidaṃ diṭṭhasutamutesu vāti atrāpi yadidaṃ diṭṭhasutaṃ, tena vatthunā na maññati, mutesu vā dhammesu na maññatīti evameva sambandho veditabbo. **Na hi so rajjati, no virajjati**ti bālaputhujjano viya na rajjati, kalyāṇaputhujjanasekkhā viya na virajjati, rāgassa khīṇattā “viratto”teva saṅkhaṃ gacchati. Sesam pākaṭamevāti.

Tāya paññāya kāyaduccaritanti sampayuttāya pubbhāgāyeva vā paññāya pariggahetabbe pariggaṇhanto yogī tividdham kāyaduccaritaṃ samucchadavasena dhunāti. Ayañca puggalo vipannadhammaṃ desanādhammesu dhunantesu taṃdhammasamaṅgīpuggalopi dhunāti nāma. Te ca dhamme paññāya attano pavattikkhaṇe dhunitumāraddho dhutāti vuccati, yathā bhūñjitumāraddho bhuttoti vuccati. Lakkhaṇaṃ panettha saddasatthato veditabbaṃ. **Dhutanti** kattusādhanam. **Dhutaṃ** paṭhamamaggena. **Dhotaṃ** dutiyamaggena. **Sandhotaṃ** tatiyamaggena. **Niddhotaṃ** catutthamaggena.

Dhono diṭṭham na maññatīti arahā maṃsacakkhunā diṭṭham dibbacakkhunā diṭṭham rūpāyatanaṃ na maññati tīhi maññanāhi, kathaṃ? Rūpāyatanaṃ subhasaññāya sukhasaññāya ca passanto na tattha chandarāgaṃ janeti na taṃ assādeti nābhinandati, evaṃ diṭṭham taṃhāmaññānāya na maññati. “Iti me rūpaṃ siyā anāgatamaddhāna”nti vā panettha nandiṃ na samanneti. Rūpasampadaṃ vā ākaṅkhamāno dānaṃ na deti, sīlaṃ na samādiyati, uposathakammaṃ na karoti. Evampi diṭṭham taṃhāmaññānāya na maññati, attano pana parassa ca rūpasampattivipattiṃ nissāya mānaṃ na janeti. “Imināhaṃ seyyosmīti vā, sadisosmīti vā, hīnosmīti vā”ti evaṃ diṭṭham mānāmaññānāya na maññati. Rūpāyatanaṃ pana “niccaṃ dhuvam sassata”nti na maññati. Attānaṃ “attaniya”nti na maññati. Maṅgalaṃ “amaṅgala”nti na maññati. Evampi diṭṭham diṭṭhimaññānāya na maññati. **Diṭṭhasmiṃ na maññatīti** rūpasmiṃ attānaṃ samanupassananayena amaññanto diṭṭhasmiṃ na maññati. Yathā vā thane thaññaṃ, evaṃ rūpasmiṃ rāgādayoti amaññantopi diṭṭhasmiṃ na maññati. Tasmīyeva panassa diṭṭhimaññānāya amaññite vatthusmiṃ sinehaṃ mānañca na uppādayato taṃhāmaññānāpi natthīti veditabbā. Evampi diṭṭhasmiṃ na maññati. **Diṭṭhato na maññatīti** ettha pana **diṭṭhatoti** nissakkavacanaṃ. Tasmā saupakāraṇassa attano vā parassa vā yathāvuttappabhedato diṭṭhato upapatti vā niggamaṇaṃ vā diṭṭhato vā añño attāti amaññamāno diṭṭhato na maññatīti veditabbo. Ayamassa na diṭṭhimaññānā. Tasmīyeva panassa diṭṭhimaññānāya amaññite vatthusmiṃ sinehaṃ mānañca na uppādayato na taṃhāmaññānāpi veditabbā.

Diṭṭhā meti na maññatīti ettha pana “etaṃ mamā”ti taṃhāvasena amamāyamaṇo diṭṭham taṃhāmaññānāya na maññati. **Sutanti** maṃsasotenapi sutam, dibbasotenapi sutam, saddāyatanassetam adhivacanaṃ. **Mutanti** mutvā munitvā ca gahitaṃ āhacca upagantvāti attho. Indriyānaṃ ārammaṇānañca aññamaññaṃ saṅkīlese viññātanti vuttaṃ hoti. Gandharasaphoṭṭhabbāyatanānaṃ etaṃ adhivacanaṃ. **Viññātanti** manasā viññātaṃ, sesānaṃ sattānaṃ āyatanānametaṃ adhivacanaṃ, dhammārammaṇassa vā, idha pana sakkāyapariyāpannameva labbhati. Vitthāro panettha diṭṭhavāre vuttanayena veditabbo.

Idāni bhagavatā vuttasuttavasena dassento “**asmīti bhikkhave**”tiādimāha. Tattha **asmīti** bhavāmi, niccassetam adhivacanaṃ. **Maññitametanti** diṭṭhikappanaṃ etaṃ. **Ayamahasmīti** ayaṃ ahaṃ asmi bhavāmi.

Aññatra satīpaṭṭhānehīti ṭhapetvā catusatīpaṭṭhāne.

Sabbe bālaputhujjanā rajjanīti sakalā andhabālā nānājanā lagganti. **Satta sekkhā virajjanīti** sotāpannādayo satta ariyajanā virāgaṃ apajjanti. **Arahā neva rajjati no virajjati**ti kilesānaṃ parinibbāpitattā ubhayampi na karoti. **Khayā rāgassā**tiādayo tividdhāpi nibbānameva.

Saddhammapajjotikāya mahāniddesaṭṭhakathāya

Jarāsuttaniddesavaṇṇanā niṭṭhitā.

7. Tissametteyyasuttaniddesavaṇṇanā

49. Sattame tissametteyyasutte methunamanuyuttassāti methunadhammaṃ samāyuttassa. **Itīti** evamāha. **Āyasmā**ti piyavacanametam. **Tissoti** nāmaṃ tassa therassa. Sopi hi tissoti nāmena. **Metteyyoti** gottam, gottavaseneva esa pākaṭo ahoṣi.

Tasmā aṭṭhuppattiyam (su. ni. aṭṭha. 2.821) vuttaṃ – “tissametteyyā nāma dve sahāyā”ti. **Vighātanti** upaghātaṃ. **Brūhīti** ācikkha. **Mārisāti** piyavacanametam, niddukkhāti vuttaṃ hoti. **Sutvāna tava sāsānanti** tava vacanam sutvā. **Viveke sikkhissāmaseti** sahāyam ārabha dhammadesanam yācanto bhaṇāti, so pana sikkhitasikkhoyeva.

Methunadhammo nāmāti idam niddisitabbassa methunadhammassa upadesapadam. **Asaddhammoti** asatam nīcajanānam dhammo. **Gāmadhammoti** gānavāsīnam sevanadhammo. **Vasaladhammoti** vasalānam dhammo, kilesavassanato vā sayameva vasalo dhammoti vasaladhammo. **Duṭṭhulloti** duṭṭho ca kilesehi duṭṭhattā, thūlo ca anipuṇabhāvatoti duṭṭhullo. Yasmā ca tassa dhammassa parivārabhūtaṃ dassanampi gahaṇampi āmasanampi phusanampi ghaṭṭanampi duṭṭhullaṃ, tasmāpi duṭṭhullo so methunadhammo. **Odakantikoti** udakam assa ante suddhattham ādiyātīti udakanto, udakantoyeva odakantiko. Raho paṭicchanne okāse kattabbatāya **rahasso**. Vinaye pana “duṭṭhullaṃ odakantikam rahassa”nti (pārā. 39) pātho. Tattha tīsu padesu **yo soti** padam parivattetvā yam tanti katvā yojetabbaṃ “yam tam duṭṭhullaṃ, so methunadhammo, yam tam odakantikam so methunadhammo, yam tam rahassaṃ, so methunadhammo”ti. Idha pana “yo so asaddhammo, so methunadhammo...pe... yo so rahasso, so methunadhammo”ti evam yojanā veditabbā. Dvayena dvayena samāpajjitabbato **dvayamdvayasamāpatti**. Tattha yojanā – yā sā dvayamdvayasamāpatti, so methunadhammo nāmāti. **Kimkāraṇa vuccati methunadhammoti** kena kāraṇena kena pariyāyena methunadhammoti kathīyati. Tam kāraṇam dassento “**ubhinnaṃ rattāna**”ntiādīmāha. Tattha **ubhinnaṃ rattānanti** dvinnaṃ itthipurisānam rāgena rañjītanam. **Sārattānanti** visesena sutṭhu rañjītanam. **Avassutānanti** kilesena tintānam. **Pariyuṭṭhitānanti** kusalācāram pariyādiyitvā madditvā ṭhitānam “magge corā pariyuṭṭhitā”tiādīsu viya. **Pariyādinaccittānanti** kusalacittam pariyādiyitvā khepetvā ṭhitacittānam. **Ubhinnaṃ sadisānanti** dvinnaṃ kilesena sadisānam. **Dhammoti** sabhāvo. **Tam kāraṇāti** tena kāraṇena. Tam upamāya sādheṇto “**ubho kalahakārakā**”tiādīmāha. Tattha **ubho kalahakārakāti** pubbhāge kalahakārakā dve. **Methunakāti vuccantīti** sadisāti vuccanti. **Bhaṇḍanakārakāti** tattha tattha gantvā bhaṇḍanam karontā. **Bhassakārakāti** vācākalahaṃ karontā. **Vivādakārakāti** nānavacanam karontā. **Adhikaraṇakārakāti** vinicchayapāpuṇanavisesakāraṇam karontā. **Vādinoti** vādapaṭivādino. **Sallāpakāti** vācam kathentā evamevanti upamāsaṃsandanam.

Yuttassāti saññuttassa. **Payuttassāti** ādarena yuttassa. **Āyuttassāti** visesena yuttassa. **Samāyuttassāti** ekato yuttassa. **Taccaritassāti** taṃcaritam karontassa. **Tabbahulassāti** taṃbahulam karontassa. **Taggarukassāti** taṃgarum karontassa. **Tanninnassāti** tasmim natakittassa. **Tappoṇassāti** tasmim natakāyassa. **Tappabbhārassāti** tasmim abhimukhakāyassa. **Tadadhimuttassāti** tasmim adhiharitassa. **Tadadhipateyyassāti** tam adhipatim jeṭṭhakam katvā pavattassa.

Vighātanti niddesassa uddesavacanam. **Vighātanti** pīlanam. **Upaghātanti** samīpam katvā pīlanam. **Pīlananti** ghaṭṭanam. **Ghaṭṭananti** pīlanam. Sabbam aññamaññavevacanam. **Upaddavanti** hiṃsanam. **Upasagganti** tattha tattha upagantvā pīlanākaram. **Brūhīti** kathehi. **Ācikkhāti** vissajjehi. **Desehīti** dassehi. **Paññapehīti** ñapehi. **Paṭṭhapehīti** ṭhapehi. **Vivarāti** pākātam karohi. **Vibhajāti** bhājehi. **Uttānikarohīti** tīram pāpehi. **Pakāsehīti** pākātam karohi.

Tuyham vacananti tava vācam. **Byappathanti** vacanam. **Desananti** ācikkhanam. **Anusāsananti** ovādam. **Anusiṭṭhanti** anusāsanam. **Sutvāti** sotena sutvā. **Suñitvāti** tasseva vevacanam. **Uggahetvāti** sammā gahetvā. **Upadhārayitvāti** anāsetvā. **Upalakkhayitvāti** sallakkhetvā.

50. Mussate vāpi sāsānanti pariyattipaṭipattito duvidhampi sāsānam nassati. **Vāpīti** padapūraṇamattam. **Etam tasmim anariyanti** tasmim puggale etam anariyam, yadidam micchāpaṭipadā. **Gāravādhivacananti** guṇavisiṭṭhasabbasattuttagarugāravādhivacanam. Tenāhu porāṇā –

“Bhagavāti vacanam seṭṭham, bhagavāti vacanamuttamam;
Garu gāravayutto so, **bhagavā** tena vuccatī”ti. (visuddhi. 1.142);

Catubbidham vā nānam āvatthikam, liṅgikam, nemittikam, adhiccasamuppannanti. Adhiccasamuppannam nāma lokiyavohārena “yadicchaka”nti vuttaṃ hoti. Tattha vaccho, dammo, balībaddhoti evamādi **āvatthikam**, daṇḍī, chattī, sikhī, karīti evamādi **liṅgikam**, tevijjo, chaḷabhiññoti evamādi **nemittikam**, sirivaḍḍhako, dhanavaḍḍhakoti evamādi vacanattam anapekkhitvā pavattam **adhiccasamuppannam**. Idam pana **bhagavāti** nānam nemittikam, na mahāmāyāya, na suddhodanamahārājena, na asītiyā ñātisahashehi katam, na sakkasantusitādīhi devatāvisesehi katam. Vakkhati ca “bhagavāti netam nānam mātaraṃ katam...pe... paṭilābhā sacchikā paññanti yadidam bhagavā”ti (mahāni. 84).

“Bhāgyavā bhaggavā yutto, bhagehi ca vibhattavā;
Bhattavā vantagamano, bhavesu **bhagavā** tato”ti. (visuddhi. 1.144);

Tattha –

“Vaṇṇāgamo vaṇṇavipariyāyo, dve cāpare vaṇṇavikāraṇāsā;
Dhātūnamatthāsisayena yogo, taduccate pañcavidham nirutti”nti. –

Evam vuttaniruttillakhaṇam gahetvā padasiddhi veditabbā. Tattha “nakkhattarājāriva tārakāna”nti ettha rakārāgamo viya avijjānassa akkharassa āgamo **vaṇṇāgamo** nāma. “Hiṃsanā, hiṃso”ti vattabbe “siho”ti viya vijjānakkharānam

heṭṭhupariyavasena parivattanaṃ **vaṇṇavipariyāyo** nāma. “Nave channake dānaṃ diyyatī”ti ettha akārassa ekārāpajjanatā viya aññakkharassa aññakkharāpajjanatā **vaṇṇavikāro** nāma. “Jīvanassa mūto jīvanamūto”ti vattabbe “jīmūto”ti vakāranakārānaṃ vināso viya vijjamānakharavināso **vaṇṇavināso** nāma. “Pharusāhi vācāhi pakrubbamāno āsajja maṃ tvamaṃ vadasi kumārā”ti ettha pakrubbamānoti padassa abhibhavamānoti atthapaṭipādanaṃ viya tattha tattha yathāyogaṃ visesatthayogo **dhātūnaṃ atthātisayena yogo** nāma.

Evaṃ niruttalakkaṇaṃ gahetvā saddanayena vā pisodarādinissito patiṭṭhānīti pisodarādipakkhepalakkaṇaṃ gahetvā yasmā lokiyalokuttarasukhābhiniḥbattakāṃ dānasīlādīpārappattaṃ bhāgyamassa atthi, tasmā “bhāgyavā”ti vattabbe “bhagavā”ti vuccatīti nītabbaṃ.

Yasmā pana lobhadosaṃhāvaparītamānāsikāraahirikānottappakodhūpanāhamakkhapaḷāsaissā-macchariyamāyāsāṭṭheyyathambhasārambhāmānātimānamadapamādatāṇhāvijjātividhākusalāmūladuccarita-saṃkilesamālavisaṃsaññāvitakkapapañcacatubbidhāvipariyesaāsavaganthaoghayogaagati-taṇhuppādūpādānāpāñcacetokhīlavinibandhanīvaraṇābhinandanachavivādamūlataṇhākāyasattānusaya-aṭṭhamicchattanavataṇhāmūlakadasākusalakammapathadvāsāṭṭhidiṭṭhigataaṭṭhasatataṇhāvīcaritappabhesabbadaratha-pariḷāhakilesasatasahassāni, saṅkhepatō vā pañca kilesakhandhaabhisāṅkhāradevaputtamaccumāre abhaññi, tasmā bhaggatā etesaṃ parissayānaṃ “bhaggavā”ti vattabbe “**bhagavā**”ti vuccati. Āha cettha –

“Bhaggarāgo bhaggadoso, bhaggamoho anāsavo;
Bhaggaṃsa pāpakaṃ dhammā, **bhagavā** tena vuccatī”ti. (pārā. aṭṭha. 1.96; visuddhi. 1.144);

Bhāgyavantatāya cassa satapuññajalakkhaṇavarassa rūpakāyasampatti dīpitā hoti. Bhaggadosatāya dhammakāyasampatti. Tathā lokiyasarikkhakānaṃ bahumatabhāvo, gahaṭṭhapabbajitehi abhigamanīyatā, abhigatānañca nesaṃ kāyacittadukkhaṇāpanayane paṭibalabhāvo, āmisadānadhammadānehi upakāritā, lokiyalokuttarasukhehi ca saññojanasamatthātā dīpitā hoti.

Yasmā ca loke issariyadhammayasasirikāmapayattesu chasu dhammesu bhagasaddo pavattati, paramañcassa sakacitte **issariyaṃ**, aṇimālaṅghimādikaṃ vā lokiyasammataṃ sabbākāraparipūraṃ atthi, tathā lokuttaro **dhammo**, lokattayabyāpako yathābhuccaguṇādhigato ativiya parisuddho **yaso**, rūpakāyadassanabyāvaṭṭajananayanappasādajananasamatthā sabbākāraparipūrā sabbaṅgapaccaṅgasirī, yaṃ yaṃ etena icchitaṃ patthitaṃ attahitaṃ parahitaṃ vā, tassa tassa tatheva abhinipphannatā icchiticchitathanipphattisaññito **kāmo**, sabbalokagarubhāvappattihetubhūto sammāvāyāmasaṅkhāto **payatto** ca atthi, tasmā imehi bhagehi yuttatāpi **bhagā assa santīti** iminā atthena “**bhagavā**”ti vuccati.

Yasmā pana kusalādīhi bhedehi sabbadhamme, khandhāyatanadhātusaccaindriyapaṭiccasamuppādādīhi vā kusalādīdhamme, pīlanasaṅkhatasantāpavipariṇāmatṭhena vā **dukkhamariyasaccaṃ**, āyūhananidānasamāyogapalibodhatṭhena **samudayaṃ**, nissaraṇavivekāsaṅkhataamataṭṭhena nirodhaṃ, niyyānikahetudassanādhīpateyyaṭṭhena **maggam** vibhattavā, vibhajitvā vivaritvā desitavāti vuttaṃ hoti, tasmā “**vibhattavā**”ti vattabbe “**bhagavā**”ti vuccati.

Yasmā ca esa dibbabrahmaariyavihāre kāyacittaupadhiviveke suññatappaṇihitānimittavimokkhe aññe ca lokiyalokuttare uttarimanussadhamme bhajī sevi bahulamakāsi, tasmā “**bhattavā**”ti vattabbe “**bhagavā**”ti vuccati.

Yasmā pana tīsu bhavesu taṇhāsaṅkhātāṃ gamaṇaṃ anena vantaṃ, tasmā “bhavesu vantaḡamano”ti vattabbe bhavasaddato bhakāraṃ gamanasaddato gākāraṃ vantaḡaddato vakārañca dīghaṃ katvā ādāya “**bhagavā**”ti vuccati, yathā loke “mehanassa khassa mālā”ti vattabbe “mekhalā”ti vuccati.

Puna aparampi pariyaṃ niddisanto “**api ca bhaggarāgoti bhagavā**”tiādīmāha. Tattha bhaggo rāgo assāti bhaggarāgo. **Bhaggadosā**dīsipi eseva nayo. **Kaṇḍakoti** vinivijjanaṭṭhena kilesā eva. **Bhajīti** uddesavasena vibhāgaṃ katvā bhājesi. **Vibhajīti** niddesavasena vividhā bhājesi. **Pavibhajīti** paṭiniddesavasena pakārena vibhaji. Ugghaṭṭaṭṭāññūnaṃ vasena **bhaji**. Vipāñcitaññūnaṃ vasena **vibhaji**. Neyyānaṃ vasena **pavibhaji**.

Dhammaratananti –

“Cittīkataṃ mahaggañca, atulaṃ dullabhadassanaṃ;
Anomasattaparibhogaṃ, ratanaṃ tena vuccatī”ti. (khu. pā. aṭṭha. 6.3; dī. ni. aṭṭha. 2.33) –

Evaṃ vaṇṇitaṃ dhammaratanaṃ tividhena bhājesi. **Bhavānaṃ antakaroti** kāmabhavādīnaṃ navannaṃ bhavānaṃ paricchedaṃ pariyaṃ parivaṭṭamaṃ kārako. **Bhāvītakāyoti** vaḡḡhitakāyo. Tathā itaresupi. **Bhajīti** sevi. **Araññavanapatthānīti** gāmaṃ vā nagarassa vā indakhīlato bahi araññaṃ. Vanapatthāni manussūpacārāṭṭhikantāni vanasaṇḡāni. **Pantānīti** yattha manussā na kasanti na vapanti dūrāni senāsānāni. Keci pana “vanapatthānīti yasmā yattha byagghādayo atthi, taṃ vanaṃ te pālayanti rakkhanti, tasmā tehi rakkhitatā vanapatthānīti”ti vadanti. **Senāsānānīti** seti ceva āsati ca etthāni senāsānāni. **Appasaddānīti** vacanasaddena appasaddāni. **Appaniggghosānīti** gāmanagaraniggghosāsaddena appaniggghosāni. **Vijanavātānīti** antosañcaraṇajanassa sarīravātena virahitāni. “Vijanavādānī”tipi pāṭho, “antojanavādena

virahitānī”ti attho. “Vijanapātānī”tipi pāṭho, “janasañcāvirahitānī”ti attho. **Manussarāhasseyyakānī** manussānaṃ rahassakaraṇaṭṭhānāni. **Paṭisallānasārappānī** vivekānurūpāni. **Bhāgī vāti** “bhāgo cīvarādikotṭhāso assa atthī”ti bhāgī. “Paṭilābhavasena attharasādi bhāgo assa atthī”ti bhāgī. **Attharasassāti** hetuphalasampattisañkhātassa attharasassa. **Dhammarasassāti** hetusampattisañkhātassa dhammarasassa. Vuttañhetam “hetuphale ñāṇaṃ atthapaṭisambhidā, hetumhi ñāṇaṃ dhammapaṭisambhidā”ti (vibha. 720). **Vimuttirasassāti** phalasampattisañkhātassa vimuttirasassa. Vuttampi cetam “kiccasampattiattthena, raso nāma pavuccatī”ti (paṭi. ma. aṭṭha. 1.1.2 mātīkāvaṇṇanā; visuddhi. 1.8).

Catunnaṃ jhānānanti paṭhamajjhānādīnaṃ catunnaṃ jhānānaṃ. **Catunnaṃ appamaññānanti** mettādīnaṃ pharaṇappamañnavirahitānaṃ catunnaṃ brahmavīhāraṇaṃ. **Catunnaṃ arūpasamāpattīnanti** ākāsañcāyatanādīnaṃ catunnaṃ arūpajjhānānaṃ. **Aṭṭhannaṃ vimokkhānanti** “rūpi rūpāni passatī”tiādīnā (dha. sa. 248) nayena vuttānaṃ ārammaṇavimuttānaṃ aṭṭhannaṃ vimokkhānaṃ. **Abhibhāyatanānanti** ettha abhibhūtāni āyatanāni etesaṃ jhānānanti abhibhāyatanāni, jhānāni. **Āyatanānī** adhiṭṭhānaṭṭhena āyatanasañkhātāni kaṣiṇārammaṇāni. Ñāṇuttariko hi puggalo visadañṇoti kiṃ ettha ārammaṇe samāpajjitabbaṃ, na mayi cittekaggatākaraṇe bhāro atthīti tāni ārammaṇāni abhibhavitvā samāpajjati. Saha nimittupādenevettha appanaṃ nibbatteṭīti attho. Evaṃ uppādītāni jhānāni abhibhāyatanānīti vuccanti, tesam aṭṭhannaṃ abhibhāyatanānaṃ. **Navannaṃ anupubbavīhārasamāpattīnanti** pubbaṃ pubbaṃ anu anupubbaṃ, anupubbaṃ viharitabbato samāpajjitabbato anupubbavīhārasamāpatti, anupaṭipāṭiyā samāpajjitabbatī attho, tāsam navannaṃ anupubbavīhārasamāpattīnaṃ. **Dasannaṃ saññābhāvanānanti** girimānandasutte (a. ni. 10.60) āgatānaṃ aniccaaññādīnaṃ dasannaṃ saññābhāvanānaṃ. **Dasannaṃ kaṣiṇasamāpattīnanti** sakalaṭṭhena kaṣiṇasañkhātānaṃ pathavīkaṣiṇajjhānādīnaṃ dasannaṃ jhānānaṃ. **Ānāpānassatisamādhissāti** ānāpānassatisampayuttasamādhissa. **Asubhasamāpattīyāti** asubhajjhānasamāpattīyā. **Dasannaṃ tathāgatabalānanti** dasabalabalānaṃ dasannaṃ. **Catunnaṃ vesārajjananti** visāradabhāvānaṃ catunnaṃ vesārajjanaṃ. **Catunnaṃ paṭisambhidānanti** paṭisambhidāññānaṃ catunnaṃ. **Channaṃ abhiññānanti** iddhividhādīnaṃ channaṃ abhiññānaṃ. **Channaṃ buddhadhammānanti** “sabbaṃ kāyakammaṃ ñāṇānuparivattī”tiādīnā (cūḷani. mogharājamānavapucchānidessa 85; netti. 15) nayena upari āgatānaṃ channaṃ buddhadhammānaṃ.

Tattha cīvarādayo bhāgyasampattivasena vuttā. Attharasatiko paṭivedhavasena vutto. Adhisīlatiko paṭipattivasena. Jhānattiko rūpārūpajjhānavasena. Vimokkhattiko samāpattivasena. Saññācatukko upacārappanāvasena. Satipaṭṭhānādayo sattatīmasabodhipakkhiyadhammavasena. **Tathāgatabalānanti**ādayo āveṇīkadhammavasena vuttāti veditabbā.

Ito paraṃ **bhagavāti netam nāmanti**ādi “atthamanugatā ayaṃ paññattī”ti ñāpanatthaṃ vuttaṃ. Tattha **samañā** pabbajjupagatā. **Brāhmaṇā** bhovādīno samitapāpabāhitapāpā vā. **Devatā** sakkādayo brahmāno ca. **Vimokkhantikanti** vimokkho arahattamaggo, vimokkhassa anto arahattaphalaṃ, tasmīṃ vimokkhante bhavaṃ vimokkhantikaṃ nāmaṃ. Sabbaññūbhāvo hi arahattamaggena sijjhati, arahattaphalādhigamena siddho hoti. Tasmā sabbaññūbhāvo vimokkhante bhavo hoti. Tam nemittikampi nāmaṃ vimokkhante bhavaṃ nāma hoti. Tena vuttaṃ – “vimokkhantikametaṃ buddhānaṃ bhagavantaṃ”nti. **Bodhiyā mūle saha sabbaññūtaññāṇassa paṭilābhātī** mahābodhirukkhamūle yathāvuttakkhaṇe sabbaññūtaññāṇassa paṭilābhena saha. **Sacchikā paññattīti** arahattaphalasaṃchikiriyaṃ sabbadhammasacchikiriyaṃ vā jātā paññattī. **Yadidaṃ bhagavāti** yā ayaṃ bhagavāti paññattī.

Dvīhi kāraṇehīti dvīhi koṭṭhāsehi. **Pariyattisāsananti** teṭṭakam buddhavacanaṃ. **Paṭipattīti** paṭipajjati etāyāti paṭipatti. **Yaṃ tassa pariyaṇṇanti** tena puggalena yaṃ pariyaṇṇaṃ sajjhāyitaṃ karaṇatthe sāmivacanaṃ. “Pariyaṇṇa”ntipi pāṭho. **Suttanti** ubhatovibhaṅganiddesakhandhakaparivārā, suttanipāte maṅgalasutta- (khu. pā. 5.1 ādayo; su. ni. 261 ādayo) ratanasutta- (khu. pā. 6.1 ādayo) tuvaṭakasuttāni (su. ni. 921 ādayo), aññāmpī ca suttanāmakaṃ tathāgatavacanaṃ suttanti veditabbam. **Geyyanti** sabbampi sagāthakaṃ suttaṃ geyyanti veditabbam, visesena saṃyuttake sakalopi sagāthāvaggo. **Veyyākaraṇanti** sakalam abhidhammapiṭakaṃ nigāthakaṃ suttaṃ, yañca aññāmpī aṭṭhahi aṅgehi asaṅgahitaṃ buddhavacanaṃ, tam “veyyākaraṇa”nti veditabbam. **Gāthāti** dhammapadaṃ, theragāthā, therīgāthā, suttanipāte nosuttanāmikā suddhikagāthā ca “gāthā”ti veditabbā. **Udānanti** somanassaññāmayikagāthāpaṭisaṃyuttā dveasīti suttantā “udāna”nti veditabbam. **Itivuttakanti** “vuttañhetam bhagavatā”tiādīnayaṃpavattā (itīvu. 1 ādayo) dasuttarasatasuttantā “itivuttaka”nti veditabbam. **Jātakanti** apaṇṇakajātakādīni (jā. 1.1.1) paṇṇāsādhikāni pañcajātakasatāni “jātaka”nti veditabbam. **Abbhutadhammanti** “cattārome, bhikkhave, acchariyā abbhutadhammā ānande”tiādīnayaṃpavattā (dī. ni. 2.209; a. ni. 4.129) sabbepi acchariyaabbhutadhammapaṭisaṃyuttā suttantā “abbhutadhamma”nti veditabbam. **Vedallanti** cūḷavedalla- (ma. ni. 1.460 ādayo) mahāvedalla- (ma. ni. 1.449 ādayo) sammādiṭṭhi- (ma. ni. 1.89 ādayo) sakkapañha- (dī. ni. 2.344 ādayo) sañkhārābhājanīyamahāpūṇṇamasuttādayo (ma. ni. 3.85 ādayo) sabbepi vedañca tuṭṭhiñca laddhā laddhā pucchitasuttantā “vedalla”nti veditabbam. **Idam pariyaṇṇanti** idam vuttapakāraṃ teṭṭakam buddhavacanaṃ pariyaṇṇatthānaṃ pariyaṇṇanti, anusāsanaṭṭhena sāsananti katvā pariyaṇṇanti. **Tampi mussatīti** tampi pariyaṇṇanti. **Sammussatīti** ādito nassati. **Paribāhiro hotīti** parammukho hoti.

Katamaṃ paṭipattisāsananti lokuttaradhammato pubbabhāgo tadatthaṃ paṭipajjīyātīti paṭipatti. Sāsīyanti ettha veneyyāti sāsanam. **Sammāpaṭipadāti**ādayo vuttanayā eva.

Pāṇampi hanatīti jīvitindriyampi ghāṭeti. **Adinnampi ādiyātīti** parapariggahitampi vatthum gaṇhātīti. **Sandhimpī chindatīti** gharasandhimpī chindatīti. **Nillopampi haratīti** gāme paharivā mahāvīlopampi karotīti. **Ekāgārikampi karotīti** paṇṇāsamattehipi saṭṭhimattehipi parivāretvā jīvaggāhaṃ gaṇhētīti. **Paripanthepi tiṭṭhatīti**

panthadūhanakammaṃ karoti. **Paradārampi gacchatīti** paradāresu cārittaṃ āpajjati. **Musāpi bhaṇatīti** atthabhañjanakaṃ musāpi vadati. **Anariyadhammoti** anariyasabhāvo.

51. Eko pubbe caritvānāti pabbajjāsāṅkhātena vā gaṇāvavassaggaṭṭhena vā pubbe loke viharitvā. **Yānaṃ bhantaṃva taṃ loke, hīnamāhu puthujjananti** taṃ vibbhantakaṃ puggalaṃ yathā hatthiyānādiyānaṃ adantaṃ visamampi ārohati, ārohanakampi bhañjati, papātepi papatati, evaṃ kāyaduccaritādivisamārohanena nirayādīsu, atthabhañjanena jātipapātādīsu papatanena ca yānaṃ bhantaṃva hīnaṃ puthujjanañca āhūti.

Pabbajjāsāṅkhātena vāti pabbajjākoṭṭhāsena vā “pabbajito samaṇo”ti gaṇanāropanena vā. **Gaṇāvavassaggaṭṭhena vāti** gaṇasaṅgaṇikāramataṃ vissajjetvā vassaggaṭṭhena vā.

Eko paṭikkamatīti ekakova gāmato nivattati. **Yo nisevatīti** niddesassa uddesapadaṃ. **Aparena samayenāti** aññasmiṃ kāle aparabhāge. **Buddhanti** sabbaññubuddhaṃ. **Dhammanti** svākkhātādiguṇayuttaṃ dhammaṃ. **Saṅghanti** suppaṭipannatādiguṇayuttaṃ saṅghaṃ. **Sikkhanti** adhisīlādīsikkhitabbaṃ sikkhaṃ. **Paccakkhāyāti** buddhādīṃ paṭikkhipitvā. **Hīnāyāti** hīnatthāya gihibhāvāya. **Avattitvāti** nivattitvā. **Sevati** ekavāraṃ sevati. **Nisevati** anekavidhena sevati. **Samsevati** alliyitvā sevati. **Paṭisevati** punappunaṃ sevati.

Bhantanti vibbhantaṃ. **Adantanti** dantabhāvaṃ anupanītaṃ. **Akāritanti** susikkhitakiriyaṃ asikkhāpitaṃ. **Avinītanti** na vinītaṃ ācārasampattiyā asikkhitaṃ. **Uppathaṃ gaṇhātīti** vuttappakāraṃ yānaṃ adantātiyuttaṃ bhantaṃ visamamaggaṃ upeti. **Visamaṃ khāṇumpi pāsānampi abhiruhātīti** visamaṃ hutvā ṭhitaṃ kharakhāṇumpi tathā pabbatapāsānampi ārohati. **Yānampi ārohanakampi bhañjātīti** vayhādiyānaṃ ārohanassa pājentassa hatthapādādīṃ bhindati. **Papātepi papatātīti** ekatocchinnapabbhārapapātepi pātepi. **So vibbhantakoti** so paṭikkantako. **Bhantayānapaṭibhāgoti** anavaṭṭhitayānasadiso. **Uppathaṃ gaṇhātīti** kusalakammaphathato paṭikkamitvā apāyaphathabhūtaṃ uppathaṃ micchāmaggaṃ upeti. **Visamaṃ kāyakammaṃ abhiruhātīti** samassa paṭipakkaṃ kāyaduccaritasāṅkhātaṃ visamaṃ kāyakammaṃ ārohati. Sesesupi eseva nayo. **Niraye attānaṃ bhañjātīti** nirassādasāṅkhāte niraye attabhāvaṃ cuṇṇavicuṇṇaṃ karoti. **Manussaloke attānaṃ bhañjātīti** vividhakammakāraṇavasena bhañjati. **Devaloke attānaṃ bhañjātīti** piyavippayogādīdukkhavasena. **Jātipapātampi papatātīti** jātipapātepi pātepi. **Jarāpapātādīsupi** eseva nayo. **Manussaloketi** idha adhippetalokameva dasseti.

Puthujjanāti niddesassa uddesapadaṃ. Tattha puthujjanāti –

Puthūnaṃ jananaḍīhi, kāraṇehi puthujjano;
Puthujjanantogadhattā, puthuvāyaṃ jano iti.

So hi puthūnaṃ nānappakārānaṃ kilesāḍīnaṃ jananaḍīhipi kāraṇehi puthujjano. Taṃ vibhāgato dassetuṃ “**puthu kilese janenti**”tiādimāha. Tattha bahūnaṃ nānappakārānaṃ sakkāyadīṭṭhīnaṃ avihatattā vā tā janenti, tāhi janitāti vā puthujjanā. Avihatamevatthaṃ janasaddo vadati. **Puthu satthārānaṃ mukhullokikāti** ettha puthū nānājanā satthupaṭīṭṭhā etesanti puthujjanāti vacanatto. **Puthu sabbagatīhi avuṭṭhitāti** ettha janetabbā janayanti etthāti janā, gatiyo. Puthū janā etesanti puthujjanā. Ito pare jāyanti etehīti janā, abhisāṅkhārādayo. Te etesaṃ vijjantīti puthujjanā. Abhisāṅkharaṇādiattho eva vā janasaddo daṭṭhabbo. **Nānāsantāpehi santapantīti** rāgaggiādayo santāpā. Te eva vā sabbepi vā kilesā pariḷhā. **Puthu pañcasu kāmaguṇesūti** ettha jāyatīti jano, rāgo gedhoti evamāḍiko, puthu jano etesanti puthujjanā. Puthu jāta rattāti evaṃ rāgādiattho eva vā janasaddo daṭṭhabbo. **Palibuddhāti** sambaddhā. **Āvutāti** āvaritā. **Nivutāti** vāritā. **Ovutāti** uparito pihitā. **Pihitāti** heṭṭhābhāgena pihitā. **Paṭicchannāti** apākaṭā. **Paṭikujjitāti** adhomukhagatā.

Atha vā puthūnaṃ vā gaṇanapathamatītānaṃ ariyadhammaparammukhānaṃ nīcadhammasamācārānaṃ janānaṃ antogadhattāpi puthujjanā. Puthu vā ayaṃ visuṃyeva saṅkhaṃ gato, viśaṃsaṭṭho sīlasutādiguṇayuttehi ariyehi janotipi puthujjano.

Evaṃ ye te –

“Duve puthujjanā vuttā, buddhenādiccabandhunā;
Andho puthujjano eko, kalyāṇeko puthujjano”ti. –

Dveva puthujjanā vuttā, tesu andhaputhujjano vutto hotīti veditabbo.

52. Yaso kitti cāti lābhasakkāro pasamsā ca. **Pubbeti** pabbajitabhāve. **Hāyate vāpi tassa sāti** tassa vibbhantakassa sato so ca yaso sā ca kitti hāyati. **Etampi disvāti** etampi pubbe yasakittīnaṃ lābhaṃ pacchā ca hāniṃ disvā. **Sikkhetha methunaṃ vipphātaveti** tisso sikkhāyo sikkhetha. Kiṃ kāraṇā? **Methunaṃ vipphātave**, methunappahānatthāyāti vuttaṃ hoti.

Kittivaṇṇagatoti bhagavā kittivaṇṇo, kittisaddaṇceva guṇaṇca ukkhipitvā vadanto hotīti attho. Cittāṃ nānāyena kathanāṃ assa atthīti **cittakathī**. **Kalyāṇapaṭibhānoti** sundarapaṇṇo.

Hāyatīti niddesassa uddesapadaṃ. **Parihāyatīti** samantato hāyati. **Paridhamṣatīti** adhopathaviṃ patati. **Paripatatīti**

samantato apagacchati. **Antaradhāyatī**ti adassanaṃ yāti. **Vippalujjati**ti ucchijjati.

Khuddako silakkhandhoti thullaccayādi. **Mahanto silakkhandhoti** pārājikasaṃṅghādiseso.

Methunadhammassa pahānāyāti tadaṅgādi pahānena pajahanatthāya. **Vūpasamāyāti** malānaṃ vūpasamanatthāya. **Paṭinissaggāyāti** pakkhandanapariccāgapaṭinissaggaṭhāya. **Paṭipassaddhiyāti** paṭipassaddhisankhātassa phalassa atthāya.

53. Yo hi methunaṃ na vippajahati **saṅkappehi...pe... tathāvidho**. Tattha **paretoti** samannāgato. **Paresaṃ nigghosanti** upajjhāyādīnaṃ nindāvacaṇaṃ. **Mañku hotīti** dummano hoti.

Kāmasaṅkappenāti kāmapaṭisaṃyutta vitakkena. Upariṭṭhepi ese va nayo. **Phuṭṭhoti** vitakkehi phusito. **Paretoti** aparihīno. **Samohitoti** sammā ohito anto pavitṭho. **Kapaṇo viyāti** duggatamanusso viya. **Mando viyāti** aññāṇī viya. **Momūho viyāti** sammohabhūto viya. **Jhāyatīti** cinteti. **Pajjhāyatīti** bhusaṃ cinteti. **Nijjhāyatīti** anekavidhena cinteti. **Apajjhāyatīti** tato apagantvā cinteti. **Ulūkoti** ulūkasakuṇo. **Rukkhasākhāyanti** rukkhe utṭhitasākhāya, viṭape vā. **Mūsikaṃ magayamānoti** mūsikaṃ gavesamāno, “maggayamāno”tipi paṭhanti. **Kotthūti** siṅgālo. **Biḷāroti** babbu. **Sandhisamalasaṅkaṭireti** dvinnāṃ gharānaṃ antare ca udakaniddhamanacikkhallakacavaraniṅkhipanaṭṭhāne ca thaṇḍile ca. **Vahacchinnoti** piṭṭhigīvaṃsaṃsacchinno. Ito parā gāthā pākāṭasambandhā eva.

54. Tāsu **satthānīti** kāyaduccaritādīni. Tāni hi attano paresaṅca chedanaṭṭhena “satthānī”ti vuccanti. Tesu vāyaṃ visesena tāva ādito musāvacaṇasatthāneva karoti, “iminā kāraṇenaṃhaṃ vibbhanto”ti bhaṇanto. Tenevāha – “**esa khvassa mahāgedho, mosavajjaṃ pagāhati**”ti. Tattha **esa khvassāti** esa kho assa. **Mahāgedhoti** mahābandhanaṃ. Katamoti ce? Yadi daṃ mosavajjaṃ pagāhati, svāyaṃ musāvādajjhogāho “mahāgedho”ti veditabbo.

Tīpi satthānīti tayo chedakā. Kāyaduccaritaṃ **kāyasatthaṃ**. **Vacīsattāhādisupi** ese va nayo. Taṃ vibhāgato dassetuṃ “**tividhaṃ kāyaduccaritaṃ kāyasattha**”nti āha. **Sampajānamusā bhāsati**ti jānanto tucchaṃ vācaṃ bhāsati. **Abhirato ahaṃ bhante ahoṣiṃ pabbajjāyāti**ti sāsaṇe pabbajjāya anabhirativirahito ahaṃ āsiṃ. **Mātā me posetabbāti** mātā mayā posetabbā. **Tenamhi vibbhantoti bhaṇati**ti tena kāraṇena paṭikkanto asmītipi katheti. **Pitā me posetabboti**ādisupi ese va nayo.

Eso tassa mahāgedhoti tassa puggalassa eso mahābandho. **Mahāvananti** mahantaṃ duṭṭhavanaṃ. **Gahananti** duratikkamaṃ. **Kantāroti** corakantārādisadiso. **Visamoti** kaṇṭakavisamo. **Kuṭiloti** vaṅkakaṭakasadiso. **Paṅkoti** pallalasadiso. **Palipoti** kaddamasadiso. **Palibodhoti** mahādukkho. **Mahābandhananti** mahantaṃ dumocayabandhanaṃ. **Yadidaṃ sampajānamusāvādoti** yo ayaṃ sampajānamusāvādo.

Sabhaggato vāti sabhāyaṃ ṭhito vā. **Parisaggato vāti** gāmaparisāyaṃ ṭhito vā. **Ñātimajjhagato vāti** dāyādānaṃ majjhe ṭhito vā. **Pūgamajjhagato vāti** senīnaṃ majjhe ṭhito vā. **Rājakulamajjhagato vāti** rājakulassa majjhe mahāvinicchaye ṭhito vā. **Abhinītoti** pucchanatthāya nīto. **Sakkhipuṭṭhoti** sakkhiṃ katvā pucchito. **Ehambho purisāti** ālapanametaṃ. **Attahetu vā parahetu vāti** attano vā parassa vā hatthapādādi hetu vā dhanahetu vā. **Āmisakiṅcikkahetu vāti** ettha āmisanti lābho adhippeto. **Kiṅcikkhanti** yaṃ vā taṃ vā appamattakaṃ, antamaso tittiravaṭṭakasappiṇḍanavanītaṇḍādimattakassapi lābhassa hetūti attho. **Sampajānamusā bhāsati**ti jānanto yeva musāvādaṃ karoti.

Puna aññaṃ pariyaṃyaṃ dassento “**api ca tīhākārehi musāvādo hoti, pubbevassa hoti**”tiādīmāha. Tattha **tīhākārehi**ti sampajānamusāvādassa aṅgabhūtehi tīhi kāraṇehi. **Pubbevassa hoti**ti pubbabhāge yeva assa puggalassa evaṃ hoti “musā bhaṇissa”nti. **Bhaṇantassa hoti**ti bhaṇamānassa hoti. **Bhaṇitassa hoti**ti bhaṇite assa hoti. Yaṃ vattabbaṃ tasmīṃ vutte hoti attho. Atha vā **bhaṇitassāti** vuttavato niṭṭhitavacaṇassa hoti. Yo evaṃ pubbabhāgepi jānāti, bhaṇantopi jānāti, pacchāpi jānāti “musā mayā bhaṇita”nti, so evaṃ vadanto musāvādakammunā bajjhatīti ayamettha attho dassito. Kiṅcāpi dassito, atha kho ayamettha viseso – pucchā tāva hoti, “musā bhaṇissa”nti pubbabhāgo atthi, “musā mayā bhaṇita”nti pacchābhāgo natthi. Vuttamattameva hi koci pamussati kiṃ tassa musāvādo hoti, na hoti? Sā evaṃ **aṭṭhakathāsu** vissajjitā – pubbabhāge “musā bhaṇissa”nti ca, bhaṇantassa “musā bhaṇāmī”ti ca jānato pacchābhāge “musā mayā bhaṇita”nti na sakkā na bhavituṃ, saccepi na hoti, musāvādo yeva. Purimameva hi aṅgadvaṃyaṃ pamāṇaṃ. Yassāpi pubbabhāge “musā bhaṇissa”nti ābhogo natthi, bhaṇanto pana “musā bhaṇāmī”ti jānāti. Bhaṇitepi “musā mayā bhaṇita”nti jānāti. So musāvādena na kāretabbo. Pubbabhāgo hi pamāṇataro. Tasmīṃ asati davā bhaṇitaṃ vā, ravā bhaṇitaṃ vā hoti.

Ettha ca taṃñāṇatā ca ñāṇasamodhānaṅca pariccajitabbaṃ. **Taṃñāṇatā pariccajitabbāti** yena cittaṇa “musā bhaṇissa”nti jānāti, teneva “musā bhaṇāmī”ti ca, “musā mayā bhaṇita”nti ca jānātīti evaṃ ekacitteneva tīsu khaṇesu jānātīti ayaṃ taṃñāṇatā pariccajitabbā. Na hi sakkā teneva cittaṇa taṃ cittaṃ jānituṃ, yathā na sakkā teneva asinā so asi chinditunti. Purimaṃ purimaṃ pana cittaṃ pacchimassa pacchimassa cittassa tathā uppattiyā paccayo hutvā nirujjhati. Tenetaṃ vuccati –

“Pamāṇaṃ pubbabhāgova, tasmīṃ sati na hessati;
Sesadvayanti nattheta, miti vācā tivaṅgikā”ti. (pārā. aṭṭha. 2.200);

Ñāṇasamodhānaṃ pariccajitabbanti etāni tīpi cittāni ekakkhaṇe uppajjanīti na gahetabbāni. Idañhi cittaṃ nāma –

“Aniruddhamhi paṭhame, na uppajjati pacchimam;
Nirantaruppajjanato, ekaṃ viya pakāsati”ti. (pārā. aṭṭha. 2.200);

Ito paraṃ pana yvāyaṃ ajānaṃyeva “jānāmī”tiādīnā nayena sampajānamusā bhaṇati, yasmā so “idaṃ abhūta”nti evaṃdiṭṭhiko hoti, tassa hi attheva ayaṃ laddhi. Tathā “idaṃ abhūta”nti evamassa khamati ceva rucati ca. Evamassa saññā, evaṃsabhāvameva cassa cittaṃ “idaṃ abhūta”nti. Yadā pana musā vattukāmo hoti, tadā taṃ diṭṭhiṃ vā diṭṭhiyā saha khantim vā diṭṭhikantīhi saddhiṃ ruciṃ vā diṭṭhikantiruciṃhi saddhiṃ saññāṃ vā diṭṭhikantirucisaññāhi saddhiṃ bhāvaṃ vā vinidhāya nikkhipitvā paṭicchādetvā abhūtaṃ katvā bhaṇati. Tasmā tesampivasena āngabhedam dassetuṃ “**api ca catūhakārehi**”tiādi vuttaṃ.

Ettha ca **vinidhāya diṭṭhinti** balavadhammavinidhānavasenetam vuttaṃ. **Vinidhāya khantinti**ādīni tato dubbaladubbalaṇaṃ vinidhānavasena. **Vinidhāya saññanti** idaṃ panettha sabbadubbaladhammavinidhānavasena. Saññāmatampi nāma avinidhāya sampajānamusā bhāsissatīti netam thānaṃ vijjati.

55. Mandova parikissatīti pānavadhādīni karonto tatonidānaṅca dukkhamanubhonto bhogapariyesanārakkhaṇāni ca karonto momūho viya parikilissati.

Tamenam rājāno gahetvā vividhā kammakāraṇā kārentīti na rājāno karonti, rājādhiṇapurisā nānāvīdhāni kammakāraṇāni karonti. **Kasāhipi tālentīti** kasādaṇḍakehipi vitajjenti. **Vettehīti** vettalatāhi. **Addhadāṇḍakehīti** muggarehi, pahārasādhanaṭṭhaṃ vā catuhatthadaṇḍam dvedhā chetvā gahitadaṇḍakehi. **Bilaṅgathālikanti** kañjiyaukkhalikakammakāraṇam. Tam karontā sīsakapālam uppādetvā tattaṃ ayogulaṃ saṇḍāsena gahetvā tatha pakkhipanti, tena matthaluṅgaṃ pakkūṭṭhitvā upari uttarati. **Saṅkhamuṇḍikanti** saṅkhamuṇḍakammakāraṇam. Tam karontā uttarotṭhaubhatokaṇṇacūlikagalavāṭakaparicchedena cammam chinditvā sabbakese ekato gaṇṭhiṃ katvā daṇḍakena veṭhetvā uppāṇenti, saha kesehi cammam utṭhahati. Tato sīsakaṭṭhaṃ thūlasakkharāhi ghaṃsitvā dhovantā saṅkhavaṇṇam karonti. **Rāhumukhanti** rāhumukhakammakāraṇam. Tam karontā saṅkunā mukhaṃ vivaritvā antomukhe dīpaṃ jālenti, kaṇṇacūlikāhi vā paṭṭhāya mukhaṃ nikhādanena khananti, lohitaṃ paggharitvā mukhaṃ pūreti.

Jotimālikanti sakalasarīraṃ telapilotikāya veṭhetvā ālimpentī. **Hatthapajjotikanti** hatthe telapilotikāya veṭhetvā dīpaṃ viya pajjālenti. **Erakavattikanti** erakavattakammakāraṇam. Tam karontā heṭṭhāgīvato paṭṭhāya cammavaṭṭe kantitvā goppake pāṇenti. Atha naṃ yottehi bandhitvā kaḍḍhanti. So attano cammavaṭṭe akkamitvā akkamitvā patati. **Cirakavāsikanti** cirakavāsikakammakāraṇam. Tam karontā tatheva cammavaṭṭe kantitvā kaṭiyam thāpenti, kaṭito paṭṭhāya kantitvā goppakesu thāpenti, uparimehi heṭṭhimasārīraṃ cirakanivāsananivattham viya hoti. **Eṇeyyakanti** eṇeyyakakammakāraṇam. Tam karontā ubhosu kapparesu ca ubhosu jaṇṇukesu ca ayavalayāni datvā ayasūlāni koṭṭenti, so catūhi ayasūlehi bhūmiyam patiṭṭhahati. Atha naṃ parivāretvā aggiṃ karonti. “Eṇeyyako jotipariggaho yathā”ti āgataṭṭhānēpi idameva vuttaṃ. Tam sandhito sandhito sūlāni apanetvā catūhi aṭṭhikoṭṭhiyeva thāpenti. Evarūpā kammakāraṇā nāma natthi.

Balīsamamsikanti ubhatomukhehi balīsehi paharitvā cammamamsanharūni uppāṇenti. **Kahāpaṇikanti** sakalasarīraṃ tiṇhāhi vāsīhi koṭṭito paṭṭhāya kahāpaṇamattaṃ kahāpaṇamattaṃ pāṇentā koṭṭenti. **Khārāpataccchikanti** sarīraṃ tatha tatha āvudhehi paharitvā kocchehi khāraṃ ghaṃsenti, cammamamsanharūni paggharitvā pasavanti, aṭṭhikasāṅkhalikāya tiṭṭhanti. **Palighaparivattikanti** ekena passena nipajjāpetvā kaṇṇacchiddena ayasūlam koṭṭetvā pathaviyā ekābaddham karonti. Atha naṃ pāde gahetvā āviñchanti. **Palālapīṭhakanti** chekā kāraṇikā chavicammam acchinditvā nisadapotakāhi aṭṭhīni chinditvā kesesu gahetvā ukkhipanti, maṃsarāsīyeva hoti. Atha naṃ keseheva pariyanandhitvā gaṇṭhanti, palālapīṭham viya katvā paliveṭhenti. **Sunakhehipīti** katipayāni divasāni āhāraṃ adatvā chātasunakhehi khādāpenti. Te muhuttēna aṭṭhisāṅkhalikameva karonti. **Evampi kissatīti** evampi vighātam pāpuṇāti. **Parikissatīti** sabbabhāgena vighātam pāpuṇāti. **Parikilissatīti** upatāpaṃ pāpuṇāti.

Puna aññaṃ kāraṇam dassento “**atha vā kāmatapaṇhāya abhibhūto**”tiādimāha. Tatha **kāmatapaṇhāyāti** pañcakāmaguṇikalobhena. **Abhibhūtoti** tena maddito. **Pariyādinacittoti** kusalācāraṃ khepetvā gahitacitto. **Bhoge pariyesantoti** dhanam gavesamāno. **Nāvāya mahāsamuddam pakkhandatīti** taraṇīsāṅkhātāya nāvāya mahantaṃ loṇasāgaraṃ pavisati. **Sītassa purakkhatoti** sītam purato katvā. **Uṇhassa purakkhatoti** uṇham purato katvā. **Ḍaṃsāti** piṅgalamakkhikā. **Makasāti** makasā eva. **Pīḷiyamānoti** ḍaṃsādisamphashehi vihesiyamāno. **Khuppipāsāya miyyamānoti** khuddāpipāsāya maramāno. **Tigumbaṃ gacchatīti**ādīni **mūlapadam gacchatīti**pariyosānāni catuvīsati padāni raṭṭhanāmena vuttāni. **Marukantāraṃ gacchatīti** vālukakantāraṃ tārakasaññāya gacchati. **Jaṇṇupathanti** jāṇūhi gantabbamaggaṃ. **Ajapathanti** ajehi gantabbamaggaṃ. **Meṇḍapathēpi** eseva nayo.

Saṅkupathanti khānuke koṭṭetvā tehi uggamitabbaṃ khānumaggaṃ, tam gacchanta pabbatapāde thātvā ayasiṅghātakam yottēna bandhitvā uddham khipitvā pabbate laggāpetvā yottēnarūya vajiraggēna lohadaṇḍena pabbatam vijjhītvā khānukam koṭṭetvā tatha thātvā siṅghātakam ākaḍḍhitvā puna upari laggāpetvā tatha thito cammayottaṃ olambetvā tam ādāya otaritvā heṭṭhimakhānuke bandhitvā vāmahatthēna yottam gahetvā dakkhiṇatthēna muggaram ādāya yottam paharitvā khānukam nīharitvā puna abhiruhati. Etenupāyēna pabbatamatthakam abhiruyha parato otaranta purimanayēna paṭhamam pabbatamatthake khānukam koṭṭetvā cammapasibbake yottam bandhitvā khānuke veṭhetvā sayam antopasibbake nisīditvā makkātakānaṃ suttavissajjanākārena yottam vinivethetvā otarati. Tena vuttaṃ – “khānuke koṭṭetvā tehi uggamitabbaṃ

khānumagga’’nti. **Chattapathanti** cammachattena vātaṃ gāhāpetvā sakūṇehi viya otaritabbaṃ maggaṃ. **Vamsapathanti** veṇugumbachedanasatthena chinditvā rukkhaṃ pharasunā koṭṭetvā maggaṃ karonto veḷuvane nissenīṃ katvā veḷugumbe āruya veḷuṃ chinditvā aparassa veḷugumbassa upari pātetvā veḷugumbamathakeneva gantabbaṃ maggaṃ sandhāya ‘‘vamsapathaṃ gacchati’’ti vuttanti vedittabbaṃ.

Gavesanto na vindati, alābhamūlakampi dukkhaṃ domanassaṃ paṭisaṃvedetīti avindanamūlakampi kāyikacetasiṃ dukkhaṃ paṭilabhati.

Laddhāti labhitvā. **Ārakkhamūlakanti** rakkhaṇamūlakampi. **Kinti me bhogeti** kena upāyena mama bhoge. **Neva rājāno hareyyuṃ...pe... na appiyā dāyādā hareyyunti.** **Gopayatoti** mañjūsādīhi gopayantassa. **Vippalujjanti** vinassanti.

56. Etamādīnavaṃ ñatvā, muni pubbāpare idhāti etaṃ ‘‘yaso kitti ca yā pubbe, hāyate vāpi tassa sā’’ti ito pabhuti vutte pubbāpare idha imasmīṃ sāsane pubbato apare samaṇabhāvato vibbhantakabhāve ādīnavaṃ muni ñatvā.

Daḷhaṃ kareyyāti niddesapadassa uddesapadaṃ. **Thiraṃ kareyyāti** asithilaṃ kareyya. **Daḷhaṃ samādāno assāti** thirapaṭiṇṇo bhaveyya. **Avatṭhitasamādānoti** sannitṭhānapaṭiṇṇo.

57. Etaṃ ariyānamuttamanti yadidaṃ vivekacariyā, etaṃ buddhādīnaṃ ariyānaṃ uttamaṃ. Tasmā vivekaṃyeva sikkhethāti adhippāyo. **Na tena seṭṭho maññethāti** tena ca vivekena attānaṃ ‘‘seṭṭho aha’’nti na maññeyya, tena mānathaddho na bhaveyyāti vuttaṃ hoti.

Unnatinti ussāpanaṃ. **Unnamanti** uggantvā paṭṭhapanāṃ. **Mānanti** ahaṃkāraṃ. **Thāmanti** balakkāraṃ. **Thambhanti** thaddhakarāṃ. **Thaddhoti** amaddavo. **Patthaddhoti** vīsesena amaddavo. **Paggahitasiroti** utṭhitasīso. **Sāmantāti** na ārakā. **Āsanneti** na dūre. **Avidūreti** samīpe. **Upakaṭṭheti** santike.

58. Rittassāti vivittassa, kāyaduccaritādīhi virahitassa. **Oghatiṇṇassa pihayanti, kāmesu gadhitā pajāti** vatthukāmesu laggā sattā tassa caturoghatiṇṇassa pihayanti iṇāyikā viya āṇaṇyassāti arahattanikūṭena desanaṃ niṭṭhapesi.

Rittassāti sabbakilesehi tucchassa. **Vivittassāti** suñṇassa. **Pavivittassāti** ekakassa. Idāni yehi ritto hoti, te dassento ‘‘kāyaduccaritena rittassā’’tiādīmāha. Tattha kilesapaṭipāṭiyā maggapaṭipāṭiyāti dvidhā rittatā vedittabā. Kilesapaṭipāṭiyā tāva rāgo moho thambho sārāmbho māno madoti, imehi chahi kilesehi arahattamaggena ritto hoti; doso kodho upanāho pamādoti, imehi catūhi kilesehi anāgāmimaggena ritto hoti; atimāno makkho paḷāso issā macchariyaṃ māyā sāṭṭheyanti, imehi sattahi sotāpattimaggena ritto hoti.

Maggapaṭipāṭiyā pana sotāpattimaggena atimāno makkho paḷāso issā macchariyaṃ māyā sāṭṭheyanti; imehi sattahi ritto hoti, anāgāmimaggena doso kodho upanāho pamādoti, imehi catūhi ritto hoti; arahattamaggena rāgo moho thambho sārāmbho māno madoti, imehi chahi ritto hoti. Tīṇi duccharitāni sabbakilesehītiādīnā nayena avasesāpi yathāyogaṃ yojetabbā.

Vatthukāme pariṇānitvāti tebhūmake vatthukāme ñātātiraṇapariṇāhi samāpanavasena jānitvā. **Kilesakāme pahāyāti** chandādayo kilesakāme pahānapariṇāya jahitvā. **Byantiṃ karitvāti** vīgataṃ vīgatakoṭṭiṃ karitvā.

Kāmoghaṃ tiṇṇassāti anāgāmimaggena avasānasaṅkhātāṃ kāmoghaṃ taritvā ṭhitassa. **Bhavoghanti** arahattamaggena. **Diṭṭhoghanti** sotāpattimaggena. **Avijjoghanti** arahattamaggena. **Sabbaṃ saṃsārapathanti** sabbakhandhadhātuāyatanapaṭipāṭisaṅkhātāṃ pathaṃ arahattamaggeneva taritvā ṭhitassa. Sotāpattimaggena **uttiṇṇassa**. Sakadāgāmimaggena **nittiṇṇassa**. Anāgāmimaggena kāmādhātuṃ **atikkantassa**. Arahattamaggena sabbabhavaṃ **samatikkantassa**. Phalasaṃpattivasena **vītivattassa**. **Pāraṃgatassāti**ādīni nibbānavasena vuttāni. **Yathā iṇāyikā āṇaṇyanti** pavaḍḍhakāiṇaṃ ādāya vicarantā āṇaṇyaṃ. **Patthenti** patthanaṃ uppādentī. **Ābādhikā ārogyanti** pittādiroḡāturo bhesajjakiriyāya taṃroḡavūpasamanatthaṃ ārogyaṃ. **Yathā bandhanabaddhāti** nakkhattadivase bandhanāgāre baddhapurisā. **Yathā dāsā bhujissanti** yasmā bhujissā purisā yaṃ icchanti, taṃ karonti, na naṃ koci balakkārena tato nivatteti, tasmā dāsā bhujissabhavaṃ patthenti. **Yathā kantāraddhānapakkhandāti** yasmā balavanto purisā hatthabhāraṃ gahetvā sajjāvudhā saparivārā kantāraṃ paṭipajjanti, te corā dūrato va disvā palāyanti. Te sotthinā kantāraṃ nittharivā khemantaṃ patvā haṭṭhatuṭṭhā honti. Tasmā kantārapakkhandā khemantabhūmiṃ patthenti. Desanāpariyosāne tisso sotāpattiphalaṃ patvā pacchā pabbajitvā arahattaṃ sacchākāsi.

Saddhammapajjotikāya mahāniddesaṭṭhakathāya

Tissametteyyasuttaniddesavaṇṇanā niṭṭhitā.

8. Pasūrasuttaniddesavaṇṇanā

59. Aṭṭhame pasūrasuttaniddese paṭṭhamagāthāya tāva saṅkhepo – ime diṭṭhigatikā attano diṭṭhiṃ sandhāya ‘‘idheva

suddhī”ti vadanti. Aññesu pana dhammesu visuddhiṃ nāhu, evaṃ yaṃ attano satthārādiṃ nissitā, tattheva “esa vādo subho”ti evaṃ subhavādā hutvā puthū samaṇabrāhmaṇā “sassato loko”tiādīsu paccekasaccesu nivīṭṭhā.

Sabbe paravāde khipantīti sabbā paraladdhiyo chaḍḍenti. **Ukkhipantī**ti dūrato khipanti. **Parikkhipantī**ti samantato khipanti. **Subhavādā**ti niddesassa uddesapadaṃ. **Sobhanavādā**ti “etaṃ sundara”nti kathentā. **Paṇḍitavādā**ti “paṇḍitā maya”nti evaṃ kathentā. **Thiravādā**ti “niddosavādaṃ vadāmā”ti kathentā. **Ñāyavādā**ti “yuttavādaṃ vadāmā”ti kathentā. **Hetuvādā**ti “kāraṇasahitaṃ vadāmā”ti kathentā. **Lakkhaṇavādā**ti “sallakkhetabbaṃ vadāmā”ti vadantā. **Kāraṇavādā**ti “udāharaṇayuttavādaṃ vadāmā”ti kathentā. **Ṭhānavādā**ti “pakkamituṃ asakkuṇeyyavādaṃ vadāmā”ti vadantā.

Nivīṭṭhāti antopaviṭṭhā. **Patīṭṭhitā**ti tattheva ṭhitā.

60. Evaṃ nivīṭṭhā ca “**te vādakāmā**”ti dutiyagāthā. Tattha **bālaṃ dahantī mithu aññamaññanti** “ayaṃ bālo, ayaṃ bālo”ti evaṃ dvepi janā aññamaññaṃ bālaṃ dahanti, bālato passanti. **Vadanti te aññasitā kathojjanti** te aññamaññasatthārādinissitā kalahaṃ vadanti. **Pasaṃsakāmā kusalāvadānā**ti pasaṃsatthikā ubhopi “mayāṃ kusalāvadānā paṇḍitavādā”ti evaṃ saññino hutvā.

Vādattikāti vādena atthikā. **Vādāhippāyā**ti vādajjhāsāyā. **Vādapurekkhārā**ti vādameva purato katvā caramānā. **Vādapariyesanaṃ carantā**ti vādameva gavesanaṃ caramānā. **Vigayhā**ti pavisitvā. **Ogayhā**ti otaritvā. **Ajjhogāhetvā**ti nimujjitvā. **Pavisitvā**ti antokatvā.

Anojavantīti nihīnaojavatī, tejavirahitāti attho. **Sā kathā**ti esā vācā. **Kathojjaṃ vadantī**ti nittejaṃ bhaṇanti. Evaṃ vadānesu ca tesu eko niyamato eva.

61. **Yutto kathāyanti** gāthā. Tattha **yutto kathāyanti** vādakathāya ussukko. **Pasaṃsamicchaṃ vinighāti hotī**ti attano pasaṃsaṃ icchanto “kathaṃ nu kho niggahessāmi”tiādīnā nayena pubbeva vādā kathaṃkathī vinighāti hoti. **Apāhatasminti** pañhavīmaṃsahehi “atthāpagataṃ te bhaṇitaṃ, byañjanāpagataṃ te bhaṇita”ntiādīnā nayena apaharite vāde. **Nindāya so kuppātī**ti evaṃ apāhatasmiṃca vāde uppanāya nindāya so kuppāti. **Randhamesī**ti yassa randhameva gavesanto.

Thomananti vaṇṇabhaṇanaṃ. **Kittinti** pākāṭakaraṇaṃ. **Vaṇṇahāriyanti** guṇavaḍḍhanaṃ. **Pubbeva sallāpā**ti sallāpato puretarameva. “Kathamidaṃ kathamida”nti kathaṃkathā assa atthīti **kathaṃkathī**. **Jayo nu kho meti** mama jayo. **Kathaṃ niggahanti** kena pakārena niggāṇhanaṃ. **Paṭikammaṃ karissāmī**ti mama laddhiṃ parisuddhiṃ karissāmi. **Visesanti** atirekaṃ. **Paṭivisesanti** punappunaṃ visesaṃ. **Āveṭhiyaṃ karissāmī**ti pariveṭhanaṃ karissāmi. **Nibbeṭhiyanti** mama nibbeṭhanaṃ mocanaṃ nikkhamaṇaṃ. **Chedanti** vādachindanaṃ. **Maṇḍalanti** vādasaṅghātaṃ. **Pārisajjā**ti paricārikā. **Pāsārikā**ti kāraṇitā. **Apaharantī**ti paṭibhānti.

Atthāpagatanti atthato apagataṃ, attho natthīti. **Atthato apaharantī**ti atthamhā paṭibhānti. **Attho te dunnitoti** tava attho na sammā upanīto. **Byañjanaṃ te duropitanti** tava byañjanaṃ duppatīṭṭhāpitaṃ. **Niggaho te akatoti** tayā niggaho na kato. **Paṭikammaṃ te dukkaṭanti** tayā attano laddhipatīṭṭhāpanaṃ duṭṭhu kataṃ. **Visamakathaṃ dukkathitanti** na sammā kathitaṃ. **Dubbhaṇitanti** bhaṇantenapi duṭṭhu bhaṇitaṃ. **Dullapitanti** na sammā vissajjitaṃ. **Duruttanti** aññathā bhaṇitaṃ. **Dubbhāsītanti** virūpaṃ bhāsitaṃ.

Nindāyāti garahaṇena. **Garahāyā**ti dosakathanena. **Akittiyā**ti aguṇakathanena. **Avāṇṇahārikāyā**ti aguṇavaḍḍhanaena.

Kuppātīti pakatibhāvaṃ jahetvā calati. **Byāpajjātī**ti dosavasena pūtibhāvaṃ āpajjati. **Patīṭṭhiyātī**ti kodhavasena gaṇabhāvaṃ gacchati. **Kopañcā**ti kupitabhāvaṃ. **Dosañcā**ti dūsaṇaṃ. **Apaccayañcā**ti atuṭṭhākāraṇaṃ. **Pātukarotī**ti pākāṭaṃ karotī. **Randhamesī**ti antaragavesī. **Virandhamesī**ti chiddagavesī. **Aparaddhamesī**ti guṇaṃ apantvā dosameva gavesī. **Khalitamesī**ti pakkhalanagavesī. **Galitamesī**ti patanagavesī. “Ghaṭṭitamesī”tipi pāṭho, tassa pīlanagavesīti attho. **Vivaramesī**ti dosagavesī.

62. Na kevalaṇca so kuppāti, apica kho pana “**yamassa vāda**”nti gāthā. Tattha **parihīnamāhu, apāhatanti** atthabyañjanādito apāhataṃ parihīnaṃ vadanti. **Paridevatī**ti tatonimittaṃ so “aññaṃ mayā āvajjita”ntiādīhi vippalapati. **Socatī**ti “tassa jayo”tiādīni ārabha socati. “**Upaccagā ma**”nti **anutthunātī**ti “so maṃ vādena vādaṃ atikkanto”tiādīnā nayena suṭṭhutaṃ vippalapati.

Parihāpitanti na vaḍḍhitaṃ. **Aññaṃ mayā āvajjanti** aññaṃ kāraṇaṃ mayā avanamitaṃ. **Cintitanti** vīmaṃsitaṃ. **Mahāpakkhoti** mahanto ñātipakkho etassāti mahāpakkho. **Mahāparisoti** mahāparicārikapariso. **Mahāparivāroti** mahādāsādisparivāro. **Parisā cāyaṃ vaggā**ti ayaṇca parisā vaggā, na ekā. **Puna bhañjissāmī**ti puna bhindissāmi.

63. **Ete vivādā samaṇesūti** ettha pana samaṇā vuccanti bāhiraparibbājakā. **Etesu ugghātinighāti hotī**ti etesu vādesu jayaparājayādivasena cittauggghātanighātaṃ vā pāpuṇanto ugghāti ca nighāti ca hoti. **Virame kathojjanti** pajaheyya kalahaṃ. **Na haññadatthathi pasamsalābhā**ti na hi ettha pasamsalābhato añño attho atthi. **Uttāno vā**ti na gambhīroti attho “pañcime

kāmaguṇā”tiādīsu (a. ni. 6.63) viya.

Gambhīro vāti duppaveso appatiṭṭho paṭiccasamuppādo viya. **Gūlho vāti** paṭicchanno hutvā ṭhito “abhirama nanda ahaṃ te pāṭibhogo”tiādīsu (udā. 22) viya. **Paṭicchanno vāti** apākaṭo “mātaraṃ pitaraṃ hantvā”tiādīsu (dha. pa. 294; netti. 113) viya. **Neyyo vāti** nīharitvā kathetabbo “asaddho akataññū cā”tiādīsu (dha. pa. 97) viya. **Nīto vāti** pāliyā ṭhitaniyāmena kathetabbo “cattārome, bhikkhave, ariyavaṃsā”tiādīsu (a. ni. 4.28) viya. **Anavaḷḷo vāti** niddosatto “kusalā dhammā”tiādīsu (dha. sa. tikamātikā 1) viya. **Nikkilesa vāti** kilesavirahito vipassanā viya. **Vodāno vāti** parisuddho lokuttaraṃ viya. **Paramattho vāti** uttamatto uttamatthabhūto attho khandhadhātuāyatanaṃ nibbānaṃ viya.

64. Chaṭṭhagāthāyattho – yasmā ca na haññadattatthi pasamsalābhā, tasmā paramaṃ lābhaṃ labhantopi “sundaro aya”nti **tattha** diṭṭhiyā **pasamsito vā pana hotīti** taṃ **vādaṃ parisāya majjhe** dīpetvā tato so tena jayatthena tuṭṭhiṃ vā dantavidamsakaṃ vā āpajjanto **hassati**, mānena ca **unnamati**. Kiṃ kāraṇaṃ? Yasmā taṃ jayattham **pappuyya yathāmano** jāto.

Thambhayitvāti pūretvā. **Brūhayitvāti** vaḍḍhetvā. Imissā gāthāya niddeso uttānattho.

65. Evaṃ unnamato ca “yā **unnati**”ti gāthā. Tattha **mānātimānaṃ vadate panesoti** eso pana taṃ unnatiṃ “vighātabhūmi”ti abujjhamāno mānañca atimānañca vadati. Evaṃ imissāpi gāthāya niddeso uttānattho.

66. Evaṃ vāde dosaṃ dassetvā idāni tassa vādaṃ asampaṭicchanto “sūro”ti gāthamāha. Tattha **rājakhādāyāti** rājakhādāniyena, bhattavetanenāti vuttaṃ hoti. **Abhigajjameti paṭisūramicchanti** yathā so paṭisūraṃ icchanto abhigajjanto eti, evaṃ diṭṭhigatiko diṭṭhigatikanti dasseti. **Yeneva so tena palehīti** yena so tuyhaṃ paṭisūro, tena gaccha. **Pubbeva natthi yadidaṃ yudhāyāti** yaṃ pana kilesajātaṃ yuddhāya siyā, taṃ idha pubbeva natthi, bodhimūleyevassa pahīnanti dasseti.

Sūroti niddesassa uddesapadaṃ. Suṭṭhu uro sūro, vissatṭhauro ninnauroti attho. **Vīro**ti parakkamavanto. **Vikkantoti** saṅgāmaṃ pavisanto. **Abhīrūti**ādayo vuttanayā eva. **Putṭhoti** niddesassa uddesapadaṃ. **Positoti** thūlakato. **Āpāditoti** upaḍḍhabalito paṭipādito. **Vaḍḍhitoti** tato tato bhāvito.

Gajjantoti abyattasarena gajjanto. **Uggajjantoti** ukkuṭṭhiṃ karonto. **Abhigajjantoti** sīhanādaṃ karonto. **Eṭīti** āgacchati. **Upeṭīti** tato samīpaṃ gacchati. **Upagacchatīti** tato samīpaṃ gantvā na nivattati. **Paṭisūranti** nibbhayaṃ. **Paṭipurisanti** sattupurisam. **Paṭisattunti** sattu hutvā abhimukhe ṭhitaṃ. **Paṭimallanti** paṭisedhaṃ hutvā yujjhantaṃ. **Ichchantoti** ākaṅkhamāno.

Palehīti gaccha. **Vajāti** mā tiṭṭha. **Gacchāti** samīpaṃ upasaṅkama. **Abhikkamāti** parakkamaṃ karohi.

Bodhiyā mūleti mahābodhirukkhassa samīpe. **Ye paṭisenikarā kilesāti** ye kilesā paṭipakkhakarā. **Paṭilomakarāti** paṭāṅkarā. **Paṭikaṅṭhakakarāti** vinivijjanakarā. **Paṭipakkhakarāti** sattukarā.

67. Ito paraṃ sesagāthā pākaṭasambandhā eva. Tattha **vivādayanti** vivadanti. **Paṭisenikattāti** paṭilomakarākā. “Na tvaṃ imaṃ dhammavinayaṃ ājānāsī”tiādīnā nayena viruddhavadanaṃ vivādo.

Sahitaṃ meti mama vacanaṃ atthasamhitaṃ. **Asahitaṃ teti** tava vacanaṃ anattasamhitaṃ. **Adhiciṇṇaṃ te viparāvattanti** yaṃ taṃ adhiciṇṇaṃ cirakālasevanavasena paguṇaṃ, taṃ mama vādaṃ āgamma nivattaṃ. **Āropito te vādoti** tuyhaṃ upari mayā doṣo āropito. **Cara vādappamokkhāyāti** bhattapuṭaṃ ādāya taṃ taṃ upasaṅkamitvā vādā pamokkhatthāya uttaraṃ pariyesamāno vicara. **Nibbeṭhehi vāti** atha vā mayā āropitadossato attānaṃ mocehi. **Sace pahosīti** sace sakkosi.

Āveṭhiyāya āveṭhiyanti āveṭhetvā nivattanena nivattanaṃ. **Nibbeṭhiyāya nibbeṭhiyanti** dossato mocanena mocanaṃ. **Chedena chedanti** evamādi heṭṭhā vuttanayattā yathāyogaṃ yojetabbaṃ.

68. **Visenikatvāti** kilesasenaṃ vināsetvā. **Kiṃ labhethāti** paṭimallaṃ kiṃ labhissasi. **Pasūrāti** taṃ paribbājakaṃ ālapati. **Yesidha natthīti** yesaṃ idha natthi. Imāyapi gāthāya niddeso uttānatthoyeva.

69. **Pavitakkanti** “jāyo nu kho me bhavissatī”tiādīni vitakkento. **Dhonena yugaṃ samāgamāti** dhutakilesena buddhena saddhiṃ yugaggāhaṃ samāpanno. **Na hi tvaṃ sakkhasi sampayātaveti** kotthuādayo viya sīhādīhi dhonena saha yugaṃ gahetvā ekapadampi sampayātuṃ yugaggāhameva vā sampādetuṃ na sakkhissasīti.

Manoti niddesassa uddesapadaṃ. **Cittanti** cittatāya cittaṃ. “Ārammaṇaṃ minamānaṃ jānātī”ti mano. **Mānasanti** mano eva. “Antalikkhacaro pāso, yvāyaṃ carati mānaso”ti (mahāva. 33; saṃ. ni. 1.151) hi ettha pana sampayuttakadhammo mānasoti vutto.

“Kathañhi bhagavā tuyhaṃ, sāvako sāsane rato;
Appattamānaso sekkho, kālaṃkayirā janesutā”ti. (saṃ. ni. 1.159) –

Ettha arahattaṃ mānasanti vuttaṃ. Idha pana manova mānasam, byañjanavasena hetam padam vaḍḍhitam.

Hadayanti cittaṃ. “Cittaṃ vā te khipissāmi, hadayaṃ vā te phālessāmi”ti (su. ni. ālavakasutta; saṃ. ni. 1.237) ettha uro hadayanti vuttaṃ. “Hadayā hadayaṃ maññe aññāya tacchaṭi”ti (ma. ni. 1.63) ettha cittaṃ. “Vakkaṃ hadaya”nti (dī. ni. 2.377; ma. ni. 1.110; khu. pā. 3.dvattiṃsākāra) ettha hadayaṃvattu. Idha pana cittaṃeva abbhantaraṭṭhena “hadaya”nti vuttaṃ. Tameva parisuddhaṭṭhena **paṇḍaram**, bhavaṅgaṃ sandhāyetaṃ vuttaṃ. Yathāha “pabhassaramidaṃ, bhikkhave, cittaṃ, tañca kho āgantukehi upakkilesehi upakkiliṭṭha”nti (a. ni. 1.49). Tato nikkhantattā pana akusalampi gaṅgāya nikkhantā nadī gaṅgā viya godhāvarito nikkhantā godhāvāri viya ca “paṇḍara”ntveva vuttaṃ.

Mano manāyatananti idha pana manogahaṇaṃ manasseva āyatanabhāvadīpanatthaṃ. Tenetaṃ dīpeti “nayidaṃ devāyatanam viya manassa āyatanattā manāyatanam, atha kho mano eva āyatanam manāyatana”nti. Tattha nivāsaṭṭhānaṭṭhena ākaraṭṭhena samosaraṇaṭṭhānaṭṭhena sañjātidesaṭṭhena kāraṇaṭṭhena ca **āyatanam** veditabbaṃ. Tathā hi loke “issarāyatanam vāsudevāyatana”ntiādisu nivāsaṭṭhānam āyatananti vuccati. “Suvaṇṇāyatanam rajatāyatana”ntiādisu ākaro. Sāsane pana “manorame āyatane, sevanti nam vihaṅgamā”tiādisu (a. ni. 5.38) samosaraṇaṭṭhānam. “Dakkhiṇāpatho gunnaṃ āyatana”ntiādisu sañjātideso. “Tatra tatreva sakkhibhābataṃ pāpuṇāti sati satīāyatane”tiādisu (a. ni. 3.102; ma. ni. 3.158) kāraṇam. Idha pana sañjātidesaṭṭhena samosaraṇaṭṭhānaṭṭhena kāraṇaṭṭhenaṭi tidhāpi vaṭṭati.

Phassādayo hi dhammā ettha sañjāyantīti sañjātidesaṭṭhenaṭi etaṃ āyatanam. Bahiddhā rūpasaddagandharasaphoṭṭhabbā ārammaṇabhāvenettha osarantīti samosaraṇaṭṭhānaṭṭhenaṭi āyatanam. Phassādīnam pana sahañjātidipaccayaṭṭhena kāraṇaṭṭhenaṭi āyatananti veditabbaṃ. **Manindriyam** vuttatthameva.

Vijānātīti **viññānam**. Viññānameva khandho **viññāṇakkhandho**. Tassa rāsīādivasena attho veditabbo. “Mahāudakakkhandhotveva saṅkham gacchaṭi”ti (a. ni. 4.51) ettha hi rāsaṭṭhena khandho vutto. “Sīlakkhandho samādhikkhandho”tiādisu (dī. ni. 3.355) guṇaṭṭhena. “Addasa kho bhagavā mahantaṃ dārukkhandha”nti (saṃ. ni. 4.241) ettha paṇṇattimattaṭṭhena. Idha pana rūlḥito khandho vutto. Rāsaṭṭhena hi viññāṇakkhandhassa ekadeso ekam viññānam. Tasmā yathā rukkhassa ekadesam chindanto rukkham chindatīti vuccati, evameva viññāṇakkhandhassa ekadesabhūtaṃ ekampi viññānam rūlḥito viññāṇakkhandhoti vuttaṃ.

Tajjā manoviññāṇadhātūti tesam phassādīnam dhammānam anucchavikā manoviññāṇadhātu. Imasmiñhi pade ekameva cittaṃ minanaṭṭhena mano, vijānanaṭṭhena viññānam, sabhāvaṭṭhena nissattaṭṭhena vā dhātūti tīhi nāmehi vuttaṃ.

Saddhiṃ yugam samāgamanti ekappahārena saddhiṃ. **Sammāgantvāti** pāpuṇitvā. **Yugaggāham gaṇhitvāti** yugapaṭibhāgam gahetvā. **Sācchetunti** saddhiṃ kathetuṃ. **Sallapitunti** allāpasallāpaṃ kātuṃ. **Sāccham samāpajjuntīti** saddhiṃ kathanam paṭipajjituṃ. Na paṭibalabhāve kāraṇam dassetuṃ “**taṃ kissahetu, pasūro paribbājako hīno**”tiādimāha. **So hi bhagavā aggo cāti** asadisādānaaggattā asamānapanāññattā aggo ca. **Seṭṭho cāti** sabbaguṇehi appaṭisamatṭhena seṭṭho ca. **Mokkho cāti** savāsanehi kilesehi muttattā mokkho ca. **Uttamo cāti** attano uttaritaravirahitattā uttamo ca. **Pavaro cāti** sabbalokena abhipatthanīyattā pavaro ca. **Mattena mātaṅgenāti** pabhinnamadena hatthinā.

Kotthukoti jiraṇasingālo. **Sīhena migaraññā saddhinti** kesarasīhena migarājena saha. **Taruṇakoti** chāpako. **Dhenupakoti** khīrapako. **Usabhenāti** maṅgalasammattena usabhena. **Calakakunā saddhinti** calamānakunā saddhiṃ. **Dhāṅkoti** kāko. **Garuḥena venateyyena saddhinti** ettha **garuḥenāti** jātivāsena nāmaṃ. **Venateyyenāti** gottavasena. **Caṇḍaloti** chavacaṇḍālo. **Raññā cakkavattināti** cātuddīpikacakkavattinā. **Pamsupisācakoti** kacavarachaddanaṭṭhāne nibbattako yakkho. **Indena devaraññā saddhinti** sakkena devarājena saha. **So hi bhagavā mahāpaññoti**ādinī chappadāni heṭṭhā vithāritāni. Tattha **paññāpabhedakusaloti** attano anantavikappe paññābhede cheko. **Pabhinnaññoti** anantappabhedapattaññaṃ. Etena paññāpabhedakusalattepi sati tāsam paññānam anantabhedattaṃ dasseti. **Adhigatapaṭisambhidoti** paṭiladdhaaggacatuṭisambhidaññaṃ. **Catuvesārajappatto** cattāri visāradabhāvasaṅkhātāni ñāṇāni patto. Yathāha –

“Sammāsambuddhassa te paṭijānato ‘ime dhammā anabhisambuddhā’ti, tatra vata maṃ samaṇo vā brāhmaṇo vā devo vā māro vā brahmā vā koci vā lokasmiṃ sahadhammena paṭicodessatīti nimittametaṃ, bhikkhave, na samanupassāmi, etamaṃ, bhikkhave, nimittaṃ asamanupassanto khemappatto abhayappatto vesārajappatto viharāmi.

“Khīṇāsavassa te paṭijānato ‘ime āsavā aparikkhīṇā’ti...pe... ‘ye kho pana te antarāyikā dhammā vuttā, te paṭisevato nālam antarāyāyā’ti...pe... yassa kho pana te atthāya dhammo desito, so na niyyāti takkarassa sammā dukkhakkhayāyāti, tatra vata maṃ samaṇo vā brāhmaṇo vā devo vā māro vā brahmā vā koci vā lokasmiṃ sahadhammena paṭicodessatīti nimittametaṃ, bhikkhave, na samanupassāmi, etamaṃ, bhikkhave, nimittaṃ asamanupassanto khemappatto abhayappatto vesārajappatto viharāmi”ti (a. ni. 4.8; ma. ni. 1.150).

Dasabalabaladhārīti dasa balāni etesanti dasabalā, dasabalānam balāni dasabalabalāni, tāni dasabalabalāni dhārayatīti dasabalabaladhārī, dasabalaññābaladhārīti attho. Etehi tīhi vacanehi anantappabhedānam neyyānam pabhedamukhamattaṃ dassitaṃ. Soyeva paññāpayogavasena abhimaṅgalasammattaṭṭhena **purisāsabho**. Asantāsaṭṭhena **purisasiho**. Mahantaṭṭhena **purisanāgo**. Pajānanaṭṭhena **purisajāñño**. Lokakiccadhuravahanaṭṭhena **purisadhoraṃho**.

Atha tejādikaṃ anantañāṇato laddhaṃ guṇavisesaṃ dassetukāmo tesam tejādinaṃ anantañāṇamūlabhāvaṃ dassento “**anantañāṇo**”ti vatvā “**anantatejo**”tiādīmāha. Tattha **anantañāṇoti** gaṇanavasena ca pabhāvavasena ca antivirahitañāṇo. **Anantatejoti** veneyyasantāne mohatamavidhamanena anantañāṇatejo. **Anantayasoti** paññāguṇeheva lokattayavitthatānantakittighoso. **Aḍḍhoti** paññādhanasamiddhiyā samiddho. **Mahaddhanoti** paññādhanavaḍḍhattepi pabhāvamahattena mahantaṃ pavattapaññādhanamassāti mahaddhano. “Mahādhanoti”ti vā pātho. **Dhanavāti** pasamsitabbapaññādhanavattā niccayuttapaññādhanavattā atisayabhāvena paññādhanavattā dhanavā. Etesupi hi tīsu atthesu idaṃ vacanaṃ saddavidū icchanti.

Evam paññāguṇena bhagavato attasampattisiddhiṃ dassetvā puna paññāguṇeneva lokahitasampattisiddhiṃ dassento “**netā**”tiādīmāha. Tattha veneyye saṃsārasaṅkhātābhayaṭṭhānato nibbānasāṅkhātāṃ khemaṭṭhānaṃ **netā**. Tattha nayanakāle eva saṃvaravinayapahānavinayavasena veneyye **vinetā**. Dhammadesanākāle eva saṃsayacchedanena **anunetā**. Saṃsayam chinditvā saññāpetabbaṃ atthaṃ **paññāpetā**. Tathā paññāpitānaṃ nicchayakaraṇena **nijjhāpetā**. Tathā nijjhāpitassa atthassa paṭipattipayojanavasena **pekkhetā**. Tathāpaṭipanne paṭipattibalena **pasādetā**. **So hi bhagavāti** ettha **hi**-kāro anantaraṃ vuttassa atthassa kāraṇopadesa nipāto.

Anuppannaṃ maggaṃ uppādetāti sakasantāne nauppannapubbassa chaasādhāraṇāñāṇahetubhūtaṃ ariyamaggaṃ bodhimūle lokahitattaṃ sakasantāne uppādetā. **Asañjātassa maggaṃ sañjanetāti** veneyyasantāne asaṅjātapubbassa sāvakaṃpāramīñāṇahetubhūtaṃ ariyamaggaṃ dhammacakkappavattanato pabhūti yāvajjakālā veneyyasantāne sañjanetā. Sāvakaveneyyānampi hi santāne bhagavatā vuttavacaneneva ariyamaggaṃ sañjananato bhagavā sañjanetā nāma hoti. **Anakkhātassa maggaṃ akkhātāti** aṭṭhadhammasamannāgatānaṃ buddhabhāvāya kathābhinīhāraṇaṃ bodhisattānaṃ buddhabhāvāya byākaraṇaṃ datvā anakkhātāpubbassa pāramitāmaggaṃ “buddho bhavissati”ti byākaraṇamatteneva bodhimūle uppajjitabbassa ariyamaggaṃ akkhātā. Ayaṃ nayo paccekabodhisattabyākaraṇepi labbhatiyeva. **Maggaññūti** paccavekkhaṇāvasena attano uppāditassa ariyamaggaṃ nātā. **Maggavidūti** veneyyasantāne janetabbassa ariyamaggaṃ kusalo. **Maggakovidoti** bodhisattānaṃ akkhātābhamagge vicakkaṇo. Atha vā abhisambodhipaṭipatti **maggaññūti**, paccekabodhipaṭipatti **maggavidūti**, sāvakabodhipaṭipatti **maggakovidoti**. Atha vā –

“Etena maggena tarimsu pubbe,
Tarissanti ye ca taranti ogha”nti. (saṃ. ni. 5.409) –

Vacanato yathāyogaṃ atītānāgatapaccuppannabuddhapaccekabuddhasāvakaṇaṃ maggavasena ca suññātānimittaappaṇihitamaggavasena ca ugghaṭitaññūvipaṇcītaññūneyyapuggalānaṃ maggavasena ca yathākkamenettha yojanaṃ karonti. **Maggānugā ca paṇassāti** bhagavato gatamaggānugāmino hutvā. Ettha **ca**-saddo hetuatthe nipāto, etena ca bhagavatā magguppādanādiguṇādhiḡamāya hetu vutto hoti. **Pana**-saddo katatthe nipāto, tena bhagavatā katamaggakaraṇaṃ vuttaṃ hoti. **Pacchā samannāgatāti** paṭhamaṃ gatassa bhagavato pacchā sīlādiguṇena samannāgatā. Iti thero “anuppannaṃ maggaṃ uppādetā”tiādīhi yasmā sabbepi bhagavato sīlādayo guṇā arahattamaggameva nissāya āgatā, tasmā arahattamaggameva nissāya guṇaṃ kathesi.

Jānaṃ jānāti jānitabbaṃ jānāti, sabbaññūtāya yaṃkiñci paññāya jānitabbaṃ nāma atthi, taṃ sabbaṃ pañcaneyyapathabhūtaṃ paññāya jānāti attho. **Passaṃ passatīti** passitabbaṃ passatīti, sabbadassāvitāya taṃyeva neyyapathaṃ cakkhunā diṭṭhaṃ viya karonto paññācakkhunā passatīti attho. Yathā vā ekacco viparītaṃ gaṇhanto jānantopi na jānāti, passantopi na passatīti, na evaṃ bhagavā. Bhagavā pana yathāsabhāvaṃ gaṇhanto jānanto jānātiyeva, passanto passatīyeva. Svāyaṃ nayana pariñāyakatṭhena **cakkhubhūto**. Viditātādiṭṭhena **ñāṇabhūto**. Aviparītasabhāvatṭhena vā pariyattidhammapavattanato hadayena cintetvā vācāya nicchāritadhammamayoti vā **dhammabhūto**. Setṭhatṭhena **brahmabhūto**. Atha vā cakkhu viya bhūtoti **cakkhubhūto**. Ñāṇaṃ viya bhūtoti **ñāṇabhūto**. Aviparītadhammo viya bhūtoti **dhammabhūto**. Brahmā viya bhūtoti **brahmabhūto**. Yvāyaṃ dhammassa vacanato vattanato vā **vattā**. Nānappakārehi vacanato vattanato vā **pavattā**. Atthaṃ nīharitvā dassanato **atthassa ninnetā**. Amatādhiḡamāya paṭipattidesanato, amatappakāsanāya vā dhammadesanāya amatassa adhiḡamāpanato **amatassa dātā**. Lokuttarassa dhammassa uppāditattā veneyyānurūpena yathāsukhaṃ lokuttaradhammassa dānena ca dhammesu issaroti **dhammassāmi**. Tathāgatapadaṃ heṭṭhā vuttatthaṃ.

Idāni “jānaṃ jānāti”tiādīhi vuttaguṇaṃ sabbaññūtāya visesetvā dassetukāmo sabbaññūtaṃ sādheṃto “**natthi**”tiādīmāha. Evambhūtaṃ hi tassa bhagavato pāramitāpuññāphalappabhāvaniṭṭhannaṃ arahattamaggañāṇena sabbadhammesu savāsanassa sammohassa vihatattā asammohato sabbadhammānaṃ nātattā **aññātāṃ** nāma natthi. Tatheva ca sabbadhammānaṃ cakkhunā viya ñāṇacakkhunā diṭṭhattā **adiṭṭhaṃ** nāma natthi. Ñāṇena pattattā **aviditaṃ** nāma natthi. Asammohasacchikiriyāya sacchikatattā **asacchikataṃ** nāma natthi. Asammohapaññāya phuṭṭhattā paññāya **aphassitaṃ** nāma natthi.

Paccuppannanti paccuppannaṃ kālaṃ vā dhammaṃ vā. **Upādāyāti** ādāya, antokatvāti attho. Upādāyavacaneneva kālavanimuttaṃ nibbānampi gahitameva hoti. “Atītā”divacanāni ca “natthi”tiādīvacaneneva ghaṭiyanti, “sabbe”tiādīvacanena vā. **Sabbe dhammāti** sabbasaṅkhātāsaṅkhātadhammapariyādānaṃ. **Sabbākārenāti** sabbadhammesu ekekasēva dhammassa aniccākārādisabbākārapariyādānaṃ. **Ñāṇamukheti** ñāṇābhimukhe. **Āpāthaṃ āgacchantīti** osaraṇaṃ upenti. **Jānitabbanti** padaṃ neyyanti padassa atthavivaraṇatthaṃ vuttaṃ.

Attatto vātiādīsu vā-saddo samuccayatto. **Attatthoti** attano attho. **Paratthoti** paresaṃ tiṇṇaṃ lokānaṃ attho. **Ubhayatthoti** attano ca paresaṃcāti sakimyeva ubhinnaṃ attho. **Diṭṭhadhammiko** diṭṭhadhamme niyutto, diṭṭhadhammappayojano vā attho. Samparāye niyutto, samparāyappayojano vā **samparāyiko**. **Uttānoti**ādīsu vohāravasena vattabbo sukhapatiṭṭhattā uttāno. Vohāraṃ atikkamivā vattabbo suññatāpaṭisaṃyutto dukkhapatiṭṭhattā **gambhīro**. Lokuttaro accantatirokkhattā **gūḷho**. Aniccātādiko ghanādīhi paṭicchannattā **paṭicchanno**. Apacuravohārena vattabbo yathārutam aggahetvā adhippāyassa netabbato **neyyo**. Pacuravohārena vattabbo vacanamatteneva adhippāyassa nītattā **nīto**. Suparisuddhasīlasamādhivipassanattho tadaṅgavikkhambhanavasena vajjavirahitattā **anavajjo**. Kilesasamucchedanato ariyamaggaṭtho **nakkilesa**. Kilesapaṭippassaddhattā ariyaphalatto **vodāno**. Saṅkhatāsaṅkhatesu aggadhammattā nibbānaṃ **paramattho**. **Parivattatī** buddhañāṇassa visayabhāvato abahibhūtattā antobuddhañāṇe byāpitvā vā samantā vā alaṅkaritvā vā visesena vā vattati.

“**Sabbaṃ kāyakamma**”ntiādīhi bhagavato nāṇavisayaṃ dasseti. **Nāṇanuparivattī** nāṇaṃ anuparivattī, nāṇavirahitaṃ na hotīti attho. **Appaṭihatanti** nirāvaraṇataṃ dasseti. Puna sabbaññutaṃ upamāya sādhetukāmo “**yāvataka**”ntiādīmāha. Tattha jānitabbanti **neyyaṃ**. Neyyapariyanto neyyāvasānamassa atthīti **neyyapariyantikaṃ**. Asabbaññūnaṃ pana neyyāvasānameva natthi. **Nāṇapariyantikepi** eseva nayo. Purimayamake vuttatthameva iminā yamakena visesetvā dasseti, tatiyayamakena paṭisedhavasena niyametvā dasseti. Ettha ca neyyaṃ nāṇassa pathattā **neyyapatho**. **Aññamaññapariyantaṭṭhāyini**ti neyyaṃca nāṇaṃca khetvā ṭhānato aññamaññassa pariyanāte ṭhānasīlā.

Āvajjanapaṭibaddhāti manodvārāvajjanāyattā, āvajjitānantarameva jānātīti attho. **Ākaṅkhaṭibaddhāti** ruciāyattā, āvajjanānantaraṃ javanañāṇena jānātīti attho. Itarāni dve padāni imesaṃ dvinnaṃ padānaṃ yathākkamena atthappakāsanatthaṃ vuttāni. **Āsayam jānātīti** ettha āsayanti nissayanti etthāti āsayo, micchādīṭṭhiyā sammādīṭṭhiyā kāmādīhi nekkhammādīhi vā paribhāvītassa santānassetam adhvacaṇaṃ. Sattasantānaṃ anusenti anupavattenti anusayā, thāmagatānaṃ kāmarāgādīnaṃva etaṃ adhvacaṇaṃ. **Anusayam jānātīti** anusayakathā heṭṭhā vuttāyeva.

Caritanti pubbe katakusalākusalakammaṃ. **Adhimuttinti** sampati kusale akusale vā cittavosaggo. **Apparajakkheti** paññāmaye akkhiṃhi appaṃ rāgādirajo etesanti apparajakkhā. Appaṃ rāgādirajo etesanti vā apparajakkhā, te apparajakkhe. **Mahārajakkheti** nāṇamaye akkhiṃhi mahantaṃ rāgādirajo etesanti mahārajakkhā. Mahantaṃ rāgādirajo etesanti vā mahārajakkhā, te mahārajakkhe. **Tikkhindriye mudindriyeti** tikkhāni saddhādāni indriyāni etesanti tikkhindriyā. Mudūni saddhādāni indriyāni etesanti mudindriyā. **Svākāre dvākāreti** suṇḍarā saddhādayo ākāre koṭṭhāsā etesanti svākāre. Kucchitā garahitā asaddhādayo ākāre koṭṭhāsā etesanti dvākāre. **Suviññāpaye duviññāpayeti** ye kathitaṃ kāraṇaṃ sallakkhenti sukkena sakkā hontī viññāpetuṃ, te suviññāpayā. Tabbiparītā duviññāpayā. **Bhabbābhabbati** bhabbe ca abhabbe ca. Ariyāya jātiyā bhavanti jāyantīti **bhabbā**. Vattamaṇasamīpe vattamaṇavacaṇaṃ. Bhavissanti jāyissanti vāti bhabbā, bhājanabhūtāti attho. Ye ariyamaggaṭṭhavedhassa anucchavikā upanissayasampannā, te bhabbā. Vuttapaṭipakkhā **abhabbā**.

Satte pajānātīti rūpādike ārammaṇe lagge laggite satte pajānāti. **Sadevako lokoti** saha devehi sadevako. Saha mārena **samārako**. Saha brahmunā **sabrahmako**. Saha samaṇabrāhmaṇehi **sassamaṇabrāhmaṇī**. Pajātattā **pajā**. Saha devamanussehi **sadevamanussā**. “Pajā”ti satta lokassa pariyaṇavacaṇametaṃ. Tattha sadevakavacaṇena pañcakāmāvacaradevaggahaṇaṃ, samārakavacaṇena chaṭṭhakāmāvacaradevaggahaṇaṃ. Sabrahmakavacaṇena brahmakāyikādībrahmaggaṇaṃ. Sassamaṇabrāhmaṇīvacanaṃ sāsanassa paccatthikapaccāmittasamaṇabrāhmaṇaggahaṇaṃ samitapaṇāhitapaṇāpasamaṇabrāhmaṇaggahaṇaṃ. Pajāvacanaṃ satta lokaggahaṇaṃ. Sadevamanussavacaṇena sammutidevaavasesamanussaggahaṇaṃ. Evamettha tīhi padehi okāsaloko. Dvīhi pajāvasena satta loko gahitoti veditabbo.

Aparo nayo – sadevakaggahaṇena arūpāvacaraloko gahito, samārakaggahaṇena chakāmāvacaraloko, sabrahmakaggahaṇena rūpāvacarabrahmaloko, sassamaṇabrāhmaṇādīggahaṇena catuparisavasena sammutidevehi vā saha manussaloko, avasesasabbasatta loko vā. Api cettha sadevakavacaṇena ukkaṭṭhapaṭicchadato sabbassapi lokassa antobuddhañāṇe parivattanabhāvaṃ sādheti. Tato yesaṃ siyā “māro mahānubhāvo chakāmāvacarissaro vasavattī, kiṃ sopi antobuddhañāṇe parivattatī”ti. Tesam vimatiṃ vidhamento “samārako”ti āha. Yesaṃ pana siyā “brahmā mahānubhāvo, ekaṅguliyā ekasmiṃ cakkavāḷasahassee ālokaṃ pharati. Dvīhi...pe... dasahi aṅgulīhi dasasu cakkavāḷasahassee ālokaṃ pharati, anuttarañca jhānasamāpattisukhaṃ paṭisaṃvedeti, kiṃ sopi antobuddhañāṇe parivattatī”ti. Tesam vimatiṃ vidhamento “sabrahmako”ti āha. Tato yesaṃ siyā “puthū samaṇabrāhmaṇā sāsanapaccatthikā, kiṃ tepi antobuddhañāṇe parivattatī”ti. Tesam vimatiṃ vidhamento “sassamaṇabrāhmaṇī pajā”ti āha.

Evaṃ ukkaṭṭhānaṃ antobuddhañāṇe parivattanabhāvaṃ pakāsetvā aṭṭha sammutideve avasesamanusse ca upādāya ukkaṭṭhapaṭicchadavasena sesasatta lokassa antobuddhañāṇe parivattanabhāvaṃ pakāseto “sadevamanussā”ti āha. Ayamettha anusandhikkamo. Porāṇā panāhu “**sadevakoti** devatāhi saddhiṃ avasesaloko. **Samārakoti** mārena saddhiṃ avasesaloko. **Sabrahmakoti** brahmehi saddhiṃ avasesaloko. Evaṃ sabbe pi tibhavūpage satte tīhākārehi tīsu padesu pakkhipitvā puna dvīhākārehi pariyaḍātum “**sassamaṇabrāhmaṇī pajā sadevamanussā**”ti vuttaṃ. Evaṃ pañcahi padehi tena tena ākārena tedhātukameva pariyaḍinnaṃ hotī”ti.

Antamasoti uparimantena. **Timitimiṅgalanti** ettha timi nāma ekā macchajāti, timiṃ gilituṃ samatthā tato mahantasarīrā timiṅgalā nāma ekā macchajāti, timiṅgalampi gilituṃ samatthā pañcayojanasatikasarīrā timitimiṅgalā nāma ekā macchajāti. Idha jātiggaṇaṃ ekavacaṇaṃ katanti veditabbaṃ. **Garulaṃ venateyyanti** ettha **garuḷoti** jātivaseṇa nāmaṃ. **Venateyyoti**

gottavasena. **Padeseti** ekadese. **Sāriputtasamāti** sabbabuddhānaṃ dhammasenāpatitthere gahetvā vuttanti veditabbaṃ. Sesasāvaka hi paññāya dhammasenāpatittherena samā nāma natthi. Yathāha – “etadaggaṃ, bhikkhave, mama sāvakanāṃ bhikkhūnaṃ mahāpaññānaṃ yadidaṃ sāriputto”ti (a. ni. 1.188-189). Aṭṭhakathāyañca (visuddhi. 1.171; paṭi. ma. aṭṭha. 2.3.5) vuttaṃ –

“Lokanāthaṃ t̥hapetvāna, ye caññe santi pāṇino;
Paññāya sāriputtassa, kalam nāgghanti soḷasi”nti.

Pharivāti buddhañānaṃ sabbadevamanussānampi paññaṃ pāpuṇivā t̥hānato tesam paññaṃ pharivā byāpivā tiṭṭhati. **Abhibhavivāti** sabbadevamanussānampi paññaṃ atikkamivā, tesam avisayabhūtampi sabbam neyyam abhibhavivā tiṭṭhatīti attho.

Paṭisambhidāyaṃ (paṭi. ma. 3.5) pana “atighaṃsitvā”ti pāṭho, ghaṃsitvā tudivāti attho. **Yepi tetiādīhi** evam pharivā abhibhavivā t̥hānassa paccakkhakāraṇaṃ dasseti. Tattha **paṇḍitāti** paṇḍiccena samannāgatā. **Nipuṇāti** sañhasukhumabuddhino sukhome atthantare paṭivijjhanasamatthā. **Kataparappavādāti** viññātaparappavādā ceva parehi saddhiṃ katavādaparicayā ca. **Vāavedhirūpāti** vāavedhidhanuggahasadisā. **Vo bhindantā maññe caranti paññāgatena diṭṭhigatāni**ti vāavedhī viya vālam sukhumāni pi paresam diṭṭhigamanāni attano paññāgamanena bhindantā viya carantīti attho. Atha vā “gūthagataṃ muttagata”ntiādīsu (a. ni. 9.11) viya paññā eva **paññāgataṃ**. Diṭṭhiyo eva **diṭṭhigatāni**. **Pañhe abhisankharivā abhisankharivāti** dvipadampi tipadampi catupadampi puccham racayivā tesam pañhānaṃ atibahukattā sabbasaṅghattham dvikkhattam vuttaṃ. **Gūlhāni ca paṭicchannāni ca** atthajātāni pāṭhaseso. Tesam tathā vinayaṃ disvā attanā abhisankhatam pañham pucchantīti evam bhagavatā adhippetatā pañham pucchanti. Aññesaṃ pana pucchāya okāsameva adatvā bhagavā upasaṅkamantānaṃ dhammaṃ deseti. Yathāha –

“Te pañham abhisankharonti ‘imaṃ mayaṃ pañham samaṇaṃ gotamaṃ upasaṅkamivā pucchissāma, sace no samaṇo gotamo evaṃ puṭṭho evaṃ byākarissati, evamassa mayaṃ vādam āropessāma, evaṃ cepi no puṭṭho evaṃ byākarissati, evampissa mayaṃ vādam āropessāma”ti. Te suṇanti ‘samaṇo khalu bho gotamo amukaṃ nāma gāmaṃ vā nigamaṃ vā osaṭo’ti. Te yena samaṇo gotamo tenupasaṅkamanti. Te samaṇo gotamo dhammiyā kathāya sandasseti samādapeti samuttejeti sampahaṃseti. Te samaṇena gotamena dhammiyā kathāya sandassitā samādapitā samuttejitā sampahaṃsitā na ceva samaṇaṃ gotamaṃ pañham pucchanti, kutossa vādam āropessanti, aññadatthu samaṇasseva gotamassa sāvaka sampajjantī”ti (ma. ni. 1.289).

Kasmā pañhe na pucchantīti ce? Bhagavā kira parisamajjhe dhammaṃ desento parisāya ajjhāsayaṃ oloketi, tato passati “ime paṇḍitā gūlham rahassaṃ pañham ovaṭṭikasāraṃ katvā āgatā”ti. So tehi apuṭṭhoyeva “pañhapucchāya ettakā dosā, vissajjane ettakā, atthe, pade, akkhare ettakāti; imaṃ pañham pucchanto evaṃ puccheyya, vissajjento evaṃ vissajjeyyā”ti; iti ovaṭṭikasāraṃ katvā aññite pañhe dhammakathāya antare pakkhipivā dasseti. Te paṇḍitā “seyyā vata no, ye mayaṃ ime pañhe na pucchimhā. Sacepi mayaṃ puccheyyāma, appatiṭṭhite no katvā samaṇo gotamo khipeyyā”ti attamaṇā bhavanti.

Api ca buddhā nāma dhammaṃ desentā parisam mettāya pharanti. Mettāpharaṇena dasabalesu mahājanassa cittam pasīdati. Buddhā nāma rūpagappattā honti dassanasampannā madhurassarā mudujivhā suphusitadantāvaraṇā, amatena hadayaṃ siñcantā viya dhammaṃ kathenti. Tatra nesam mettāpharaṇena pasannacittānaṃ evaṃ hoti – “evarūpaṃ advejjhakathaṃ amoghakathaṃ niyyānikakathaṃ kathentena bhagavatā saddhiṃ na sakkhissāma paccanīkaggāhaṃ gaṇḍhitu”nti attano pasannabhāveneva pañhe na pucchantīti.

Kathitā vissajjitā vāti “evaṃ tumhe pucchathā”ti apucchitapañhānaṃ uccāraṇena te pañhā bhagavatā kathitā eva honti. Yathā ca te vissajjetabbā, tathā vissajjitā eva honti. **Niddiṭṭhakāraṇāti** iminā kāraṇena iminā hetunā evaṃ hontīti evaṃ sahetukaṃ katvā vissajjanena bhagavatā niddiṭṭhakāraṇā eva honti te pañhā. **Upakkhittakā ca te bhagavato sampajjantīti** khattiyapaṇḍitādayo bhagavato pañhavissajjanena bhagavato samīpe khittakā pakkhittakā sampajjanti; sāvaka vā sampajjanti, upāsakā vāti attho; sāvakasampattiṃ vā pāpuṇanti, upāsakasampattiṃ vāti vuttaṃ hoti. **Athāti** anantarathe, tesam upakkhittakasampattisamanantaramevāti attho. **Tatthāti** tasmim t̥hāne, tasmim adhikāre vā. **Atirocatīti** ativiya jotati pakāsati. **Yadidaṃ paññāyāti** yāyaṃ bhagavato paññā, tāya paññāya bhagavāva atirocatīti attho. **Iti**-saddo kāraṇattho, iminā kāraṇenāti attho. Sesam sabbattha pākaṭamevāti.

Saddhammapajjotikāya mahāniddesaṭṭhakathāya

Pasūrasuttaniddesaṅgaṇṇāni nīṭṭhitā.

9. Māgaṇḍiyasuttaniddesaṅgaṇṇā

70. Navame māgaṇḍiyasuttaniddese paṭhamagāthāya tāva ajapālanigrodhamūle nānārūpāni nimminivā abhikāmaṃ āgataṃ māradhītaṃ **disvāna taṇhaṃ aratiṃ ragañca** chandamattampi **methunasmiṃ nāhosi, kimevidaṃ** imissā dārikāya **muttakarisapūṇaṃ** rūpaṃ disvā bhavissati, sabbathā **pādāpi naṃ samphusitum na icche**, kutonena saṃvasitūti.

Muttapuṇṇanti āhārautivasena vatthiṭṭantaram pūretvā t̥itamuttana pūritam. **Karīsapuṇṇanti** pakkāsayaśāṅkhāte heṭṭhānābhīpīṭṭhikaṅṭakamūlānaṃ antare ubbedhena aṭṭhaṅgulamatte antāvāsāne t̥itavaccena puṇṇam. **Semhapuṇṇanti** udarapaṭale t̥itaekapattappamāṇena semhena pūritam. **Ruhirapuṇṇanti** yakanassa heṭṭhābhāgaṃ pūretvā hadayavakkapapphāsānaṃ upari thokaṃ thokaṃ paggharantena vakkahadayayakanapapphāse temayamāṇena t̥itena ekapattassa pūraṇamattena sannicalohitasāṅkhātena ca kesalomanakhadantānaṃ maṃsaviniṃuttat̥ṭhānañceva thaddhasukkhacammañca t̥hapetvā dhamanījālānusārena sabbaṃ upādiṇṇakasarīraṃ pharitvā t̥itasam̐saraṇalohitasāṅkhātena ca duvidhena ruhirena puṇṇam.

Aṭṭhisāṅghānti sakalasarīre heṭṭhā aṭṭhīnaṃ upariṭṭhitāni sādḥikāni t̥īni aṭṭhisatāni, tehi aṭṭhīhi ghaṭitam. **Nhārusambandhanti** sakalasarīre aṭṭhīni ābandhitvā t̥itāni nava nhārusatāni, tehi nhārūhi sambandham ābandham. **Rudhiramaṃsāvālepananti** sam̐saraṇalohitena ca sādḥikāni t̥īni aṭṭhisatāni anulimpetvā t̥itena navamaṃsapesitatena ca anulittam sarīraṃ. **Cammavinaddhanti** sakalasarīraṃ pariyaṇandhitvā pākāṭakilomakassa upari chaviyā heṭṭhā t̥itam cammam, tena cammena vinaddham pariyaṇaddham. “Cammāvanaddha”ntipi pāli. **Chaviyā paṭicchannanti** atisukhumachaviyā paṭicchannaṃ chādetvā t̥itam. **Chiddāvachiddanti** anekachiddam. **Uggharantanti** akkhimukhādīhi uggharantam. **Paggharantanti** adhobhāgena paggharantam. **Kimisaṅghanisevanti** sūcimukhādīhi nānāpāṇakulasamūhehi āsevitam. **Nānākalimalapariṭṭanti** anekavidhehi asucikoṭṭhāsehi pūritam.

71. Tato māgaṇḍiyo “pabbajitā nāma mānusaḥ kāme pahāya dibbakāmatthāya pabbajanti, ayañca dibbepi kāme na icchati, idampi itthiratanam, kā nu assa diṭṭhi”ti pucchitum dutiyam gāthamāha. Tattha **etādisam ce ratananti** dibbithiratanam sandhāya bhaṇati. **Nārinti** attano dhītarāṃ sandhāya. **Diṭṭhigatam silavatam nu jīvanti** diṭṭhiñca silañca vatañca jīvitañca. **Bhavūpapattiñca vadesi kīdisanti** attano bhavūpapattim vā tuvaṃ kīdisam vadesi.

72. Ito parā dve gāthā vissajjanapucchānāyena pavattattā pākāṭasambandhāyeva. Tāsu paṭhamagāthāya saṅkhepattho – **tassa** mayham māgaṇḍiya dvāsaṭṭhidiṭṭhigatadhammesu nicchinitvā “idameva saccam, moghamāñña”nti (ma. ni. 3.27, 301) evam **idam vadāmīti samuggahitam na hoti** natthi na vijjati, kiṃ kāraṇā? Ahañhi passanto **diṭṭhisu** ādīnavam kañci diṭṭhim aggaḥetvā saccāni pavacinanto ajjhataṃ rāgādīnaṃ santibhāvena **ajjhattasantisaṅkhātam** nibbānameva addasanti.

Ādīnavanti upaddavam. **Sadukkhanti** kāyikadukkheṇa sadukkham. **Savighānti** cetasikadukkheṇa sahitam. **Saupāyāsanti** upāyāsasahitam. **Sapariṭāhanti** sadaratham. **Na nibbidāyāti** na vaṭṭe nibbindanattāya. **Na virāgāyāti** na vaṭṭe virāgatthāya. **Na nirodhāyāti** na vaṭṭassa nirodhattāya. **Na upasamāyāti** na vaṭṭassa upasamattāya. **Na abhiññāyāti** na vaṭṭassa abhijānanattāya. **Na sambodhāyāti** na kilesaniddāvīgamena vaṭṭato sambujjhanattāya. **Na nibbānāyāti** na amatanibbānatthāya. Ettha pana “nibbidāyā”ti vipassanā. “Virāgāyā”ti maggo. “Nirodhāya upasamāyā”ti nibbānam. “Abhiññāya sambodhāyā”ti maggo. “Nibbānāyā”ti nibbānameva. Evam ekasmiṃ t̥hāne vipassanā, t̥isu maggo, t̥isu nibbānam vuttanti evam vavatthānakathā veditabbā. Pariyāyena pana sabbānipetāni maggavevacanānīpi nibbānavevacanānīpi hontīyeva.

Ajjhattam rāgassa santinti ajjhatarāgassa santabhāvena nibbutabhāvena ajjhattasantisaṅkhātam nibbānam olokesim. **Dosassa santinti**ādīsipi eseva nayo. **Pacinantanti** niddesassa uddesapadam. **Vicinantoti** saccāni vaḍḍhento vibhāvento. **Pavicinantoti** tāneva paccekam vibhāvento. Keci “gavesanto”ti vaṇṇayanti. **Adassanti** olokesim. **Adakkhinti** vinivijjhim. **Aphassinti** paññāya phusim. **Paṭivijjhinti** ñāṇena pacckakkham akāsim.

73. Dutiyagāthāya saṅkhepattho – **yānimāni diṭṭhigatāni** tehi tehi sattehi vinicchinitvā gahitattā “**vinicchayā**”ti ca attano paccayehi abhisāṅkhatabhāvādīnā nayena “**pakappitāni**”ti ca vuccanti, **te ve munī** diṭṭhigatadhamme aggaḥetvā **ajjhattasantīti yametamattham brūsi**, ācikkha me, **katham nu dhīrehi paveditam tam** katham pakāsitam dhīrehīti vadati.

Imissā gāthāya niddeso uttānattho t̥hapetvā paramatthapadam. Tattha **yam paramatthanti** yam uttamam nibbānam.

74. Athassa bhagavā yathā yena upāyena tam padam dhīrehi pakāsitam, tam upāyam sapaṭipakkham dassento “**na diṭṭhiyā**”ti gāthamāha. Tattha **na diṭṭhiyāti**ādīhi diṭṭhisutiatt̥hasamāpattiñāṇabāhiraṣilabbatāni paṭikkhipati. “**Suddhimāhā**”ti ettha vuttam **āha**-saddam sabbattha nakārena saddhim yojetvā purimadattayam netvā “**diṭṭhiyā** suddhim nāha na kathemī”ti evamattho veditabbo. Yathā cettha, evam uttarapadesupi. Tattha ca **adiṭṭhiyā nāhāti** dasavatthukam sammādiṭṭhim vinā na kathemi. Tathā **assutiyaṭi** navaṅgam savanam vinā. **Āñāṇāti** kammassakatasaccānulomikañāṇam vinā. **Asilatāti** pātimokkhasamvaram vinā. **Abbatāti** dhutaṅgavatam vinā. **Nopi tenāti** tesu ekamekena diṭṭhiādīmattenāpi na kathemīti evamattho veditabbo. **Ete ca nissajja anuggahāyāti** ete ca purimadiṭṭhiādibhede kaṇhapakkhike dhamme samuggahātakaraṇena nissajja, pacchime adiṭṭhiādibhede sukkapakkhikepi atammayatāpajjanena anuggahāya. **Santo anissāya bhavam na jappeti** imāya paṭipattiyā rāgādīvūpasamena santo cakkhādīsu kañci dhammam anissāya ekampi bhavam na jappe, apihetum apatthetum samattho siyā, ayamassa ajjhattasantīti adhippāyo.

Savanampi icchitabbanti suttādivasena suṇanampi ākāṅkhitabbam. **Sambhārā ime dhammāti** sammādiṭṭhiādīkā ime dhammā upakāraṭṭhena sambhārā honti. **Kaṇhapakkhikānanti** akusalapakkhe bhavānam. **Samuggahātato pahānam icchitabbanti** sammā hananato samucchadato pahānam ākāṅkhitabbam. **Tedhātukesu kusalesu dhammesūti** kāmarūpārūpasāṅkhātesu tebhūmakeṣu kosallasambhūtesu. **Atammayatāti** nittanābhāvō.

75. Evaṃ vutte vacanatham asallakkhento māgaṇḍiyo “**no ce kirā**”ti gāthamāha. Tattha diṭṭhādīni vuttanayāneva. Kaṇhapakkhikāniyeva pana sandhāya ubhayatrāpi āha. **Āha**-saddaṃ pana “no ce”ti saddena yojetvā **no ce kira āha** no ce kira kathesīti evaṃ attho daṭṭhabbo. **Momūhanti** atimūlhaṃ, mohanaṃ vā. **Paccenti** jānanti. Imissāpi gāthāya niddeso uttāno.

76. Athassa bhagavā taṃ diṭṭhiṃ nissāya puccham paṭikkhipanto “**diṭṭhiṃ nissāya**”ti gāthamāha. Tassattho – tvam māgaṇḍiyo **diṭṭhiṃ nissāya** punappunam pucchamāno yāni te diṭṭhigatāni samuggahitāni, tesveva **samuggahītesu pamohaṃ** āgato tvam **ito** ca mayā vuttājjhattasantito paṭipattito dhammadesanato vā **aṇumpi** yuttasaññaṃ na passasi, tena kāraṇena tvam imaṃ dhammaṃ **momūhato** passasīti.

Lagganaṃ nissāya laggananti diṭṭhilagganaṃ allīyitvā diṭṭhilagganaṃ. **Bandhananti** diṭṭhibandhanaṃ. **Palibodhanti** diṭṭhipalibodhaṃ.

Andhakāraṃ pakkhandosīti bahalandhakāraṃ pavitṭhosi. **Yuttasaññaṃ**anti samaṇadhamme yuttasaññaṃ. **Pattasaññaṃ**anti samaṇadhamme paṭiladdhasaññaṃ. **Lagganasaññaṃ**anti sañjānitasaññaṃ. **Kāraṇasaññaṃ**anti hetusaññaṃ. **Ṭhānasaññaṃ**anti kāraṇasaññaṃ. **Na paṭilabhasīti** na vindasi. **Kuto nāṇanti** maggaññaṃ pana kena kāraṇena labhissasi. **Aniccaṃ vāti** hutvā abhāvattṭhena pañcakkhandhā aniccaṃ. **Aniccaññānulomaṃ vāti** “pañcakkhandhā aniccā”ti uppannā saññā aniccaññā, tāya saññāya anulomaṃ appaṭikkūlaṃ aniccaññānulomaṃ. **Kim taṃ?** Vipassanāññaṃ. Dvinnam vipassanāññaṃ dukkhānattasaññānulomānampi eseva nayo.

77. Evaṃ samuggahītesu pamohena māgaṇḍiyassa vivādāpattim dassetvā idāni tesu aññesu ca dhammesu vigatappamohassa attano nibbivādataṃ dassento “**samo visesī**”ti gāthamāha. Tassattho – **yo** evaṃ tidhā mānena vā diṭṭhiyā vā puggalena vā **maññati**, **so tena** mānena tāya vā diṭṭhiyā tena vā puggalena vivadeyya. **Yo** pana amhādiso imāsu **tīsu vidhāsu avikampamāno**, **samo visesīti na tassa hoti**, na ca hīnoti pāthaseso. Imissāpi gāthāya niddeso uttānava.

78. Kiñca bhiyyo – “**saccanti so**”ti gāthā. Tassattho – **so** evarūpo pahīnamānaditṭhiko “mādiso ‘bāhitapāpattā’dinā nayena **brāhmaṇo**, idameva sacca”nti **kiṃ vadeyya** kiṃ vatthuṃ bhaṇeyya, kena vā kāraṇena bhaṇeyya, “mayhaṃ saccam, tuyhaṃ musā”ti vā **kena** mānena diṭṭhiyā puggalena vā vivadeyya. **Yasmiṃ** mādiso khīṇāsava “sadiśohamasmī”ti pavattiyā **samaṃ** vā, itaradvayabhāvena pavattiyā **visamaṃ vā** maññitaṃ **natthi**, samānādīsu **kena vādaṃ paṭisamyujeyya** paṭipphareyyāti. Imissāpi gāthāya niddeso uttāno.

79. Nanu ekamseneva evarūpo puggalo? “**Okam pahāyā**”ti gāthā. Tattha **okam pahāyāti** rūpadhātvdīvinñāṇassokāsaṃ tatra chandarāgappahāneva chaḍḍetvā. **Aniketāsārīti** rūpanimittaniketādīni taṇhāvasena asaranto. **Gāme akubbaṃ muni santhavānīti** gāme gihisanthavāni akaronto. **Kāmehi rittoti** kāmesu chandarāgābhāvena sabbakāmehi puthubhūto. **Apurakkharānoti** āyatim attabhāvaṃ anabhinibbattento. **Kathaṃ na viggayha janena kayirāti** janena saddhiṃ viggāhikakathaṃ na katheyya.

Hālidakānīti evaṃnāmako gahapati. **Yenāyasmā mahākaccāno tenupasaṅkamīti yenāti** bhummatthe karaṇavacanaṃ. Tasmā yattha mahākaccāno, tattha upasaṅkamīti evamettha attho daṭṭhabbo. Yena vā kāraṇena mahākaccāno devamanussehi upasaṅkamitabbo, tena kāraṇena upasaṅkamīti evamettha attho daṭṭhabbo. Kena ca kāraṇena mahākaccāno upasaṅkamitabbo? Nānappakāraguṇavisēsādhigamādhippāyena, sādupalūpabhogādhippāyena dijagaṇehi niccaphalitamahārukkho viya. Upasaṅkamīti ca gatoti vuttam hoti. **Upasaṅkamitvāti** upasaṅkamanapariyosānadīpanaṃ. Atha vā evaṃ gato tato āsannataraṃ ṭhānaṃ mahākaccānassa samīpasaṅkhātaṃ gantvātipi vuttam hoti.

Abhivādetvāti pañcapatitṭhitena vanditvā. Idāni yenatthena mahākaccānassa upaṭṭhānaṃ āgato, taṃ pucchitukāmo dasanakhasamodhānasamujjalaṃ añjaliṃ sirasi patitṭhāpetvā ekamantaṃ nisīdi. **Ekamantanti** bhāvanapūmsakaniddeso “visamaṃ candimasūriyā parivattanti”tiādīsu (a. ni. 4.7) viya. Tasmā yathā nisinno ekamantaṃ nisinno hoti, evaṃ nisīdīti evamettha attho daṭṭhabbo. Bhummatthe vā etaṃ upayogavacanaṃ. **Nisīdīti** nisajjam kappesi. Paṇḍitā hi devamanussā garuṭṭhāniyaṃ upasaṅkamitvā āsanakusalatāya ekamantaṃ nisīdanti. Ayañca gahapati tesam aññataro, tasmā ekamantaṃ nisīdi.

Kathaṃ nisinno ca pana ekamantaṃ nisinno hotīti? Cha nisajjadose vajjetvā. Seyyathidaṃ? Atidūraṃ accāsannaṃ uparivātaṃ unnatappadesaṃ atisammukhaṃ atipacchāti. Atidūre nisinno hi sace kathetukāmo hoti, uccāsaddena kathetabbaṃ hoti. Accāsanne nisinno saṅghaṭṭanaṃ karoti. Uparivāte nisinno sarīragandhena bādhati. Unnatappadesaṃ nisinno agāraṃ pakāseti. Atisammukhā nisinno sace daṭṭhukāmo hoti, cakkhunā cakkhuṃ āhacca daṭṭhabbaṃ hoti. Atipacchā nisinno sace daṭṭhukāmo hoti, gīvaṃ pasāretvā daṭṭhabbaṃ hoti. Tasmā ayampi ete cha nisajjadose vajjetvā nisīdi. Tena vuttam – “ekamantaṃ nisīdī”ti.

Etadvocāti etaṃ avoca. **Vuttamidaṃ bhante kaccāna bhagavatā aṭṭhakavaggiye māgaṇḍiyapañheti** aṭṭhakavaggiyamhi māgaṇḍiyapañho nāma atthi, tasmim pañhe.

Rūpadhātūti rūpakkhandho adhippeto. **Rūpadhāturāgavinibandhanti** rūpadhātumhi rāgena vinibaddhaṃ. **Viññāṇanti** kammaviññāṇaṃ. **Okasārīti** gehasārī ālayasārī. Kasmā panettha “viññāṇadhātu kho gahapati”ti na vuttanti? Sammohavighātattaṃ. “Oko”ti hi atthato paccayo vuccati, purejātañca kammaviññāṇaṃ pacchājātassa kammaviññāṇassapi

vipākaviññāṇassapi, vipākaviññāṇaṇca vipākaviññāṇassapi kammaviññāṇassapi paccayo hoti, tasmā “kataraṃ nu kho idha viññāṇa”nti sammoho bhavēyya. Tassa vighātatthaṃ taṃ aggahetvā asambhinnāva desanā katāti. Apica vipākāraṃmaṇavasena catasso abhisāṅkhāraṃviññāṇaṇṭṭhiyoti vuttāti tā dassetumpi idha viññāṇaṃ na gahitaṃ.

Upayupādānāti taṇhūpayadīṭṭhūpayavasena dve upayā, kāmupādānādīni cattāri upādānāni ca. **Cetaso adhiṭṭhānābhīnivesānusayāti** akusalacittassa adhiṭṭhānabhūtā ceva abhinivesabhūtā ca anusayabhūtā ca. **Tathāgatassāti** sammāsambuddhassa. Sabbesampi hi khīṇāsavānaṃ ete pahīnāva, satthu pana khīṇāsavabhāvo loke atipākaṭoti uparimakotiya evaṃ vuttaṃ. **Viññāṇadhātuyāti** idha viññāṇaṃ kasmā gahitaṃ? Kilesappahānadassanattaṃ. Kilesā hi na kevalaṃ catūsuyeva khandhesu pahīnā pahīyanti, pañcasupi pahīyantiyevāti kilesappahānadassanattaṃ gahitaṃ. **Evaṃ kho gahapati anokasārī hotīti** evaṃ kammaviññāṇena okaṃ asarantena anokasārī nāma hoti.

Rūpanimittaniketavisāraviniṇḍhāti rūpameva kilesānaṃ paccayaṭṭhena nimittaṃ, āraṃmaṇakiriyasaṅkhātena nivāsaṭṭhena nīketanti rūpanimittanīketāṃ. Visāro ca viniṇḍho ca visāraviniṇḍhā. Ubhayenapi hi kilesānaṃ patthaṭṭabhāvo ca viniṇḍhanabhāvo ca vutto, rūpanimittanīkete visāraviniṇḍhāti rūpanimittanīketavisāraviniṇḍhā, tasmā rūpanimittanīketamhi uppanna kilesavisāreṇa ceva kilesaviniṇḍhanena cāti attho. **Nīketasārīti vuccatīti** āraṃmaṇakaraṇavasena nivāsaṭṭhānaṭṭhena nīketasārīti vuccatī. **Pahīnāti** te rūpanimittanīkete kilesavisāraviniṇḍhā pahīnā.

Kasmā panettha pañcakkhandhā ca “okā”ti vuttā, cha āraṃmaṇāni “nīketa”nti? Chandarāgassa balavadubbalatāya. Samānēpi hi etesaṃ ālayaṭṭhena visayabhāve **okoti** nippariyāyena suddhaṃ gehameva vuccatī, **nīketanti** “ajja asukaṭṭhāne kīṭṭissāmā”ti katasāṅketānaṃ nivāsaṭṭhānaṃ uyyānādi. Tattha yathā puttadāradhanadhañṇapūṇṇagehe chandarāgo balavā hoti, evaṃ ajjhattikesu khandhesu. Yathā pana uyyānaṭṭhānādīsu tato dubbalataro hoti, evaṃ bhāhiresu chasu āraṃmaṇesūti chandarāgassa balavadubbalatāya evaṃ desanā katāti vedītabbā.

Sukhitesu sukhītoti upaṭṭhākesu dhanadhañṇālabhādivasena sukhitesu “idānahaṃ manāpaṃ cīvaraṃ manāpaṃ bhojanaṃ labhissāmī”ti gehassitasukhena sukhīto hoti, tehi pattasampattiṃ attanā anubhavamāno viya caratī. **Dukkhitēsu dukkhītoti** tesam kenacīdeva kāraṇena dukkhe uppanne sayam dviguṇena dukkhe dukkhīto hoti. **Kiccakaraṇīyesūti** kiccasaṅkhātesu karaṇīyesu. **Voyogaṃ āpajjātīti** upayogaṃ sayam tesam kiccānaṃ kattabbataṃ āpajjati.

Kāmesūti vatthukāmesu. **Evaṃ kho gahapati kāmehi aritto hotīti** evaṃ kilesakāmehi aritto hoti.

Anto kāmānaṃ bhāvena atuccho. Sukkapakkho tesam abhāvena ritto tucchoti vedītabbo.

Purakkharānoti vaṭṭaṃ purato kurumāno. **Evaṃ rūpo siyantiādīsu** dīgharassakāḷodātādīsu rūpesu evaṃ rūpo nāma bhavēyyanti pattheti. Sukhādīsu vedanāsū **evaṃ vedano** nāma. Nīlasaṅgādīsu saññāsū **evaṃ saññāno** nāma. Puññābhisaṅkhārādīsu saṅkhāresu **evaṃ saṅkhāro** nāma. Cakkhuvīññāṇādīsu viññāṇesū **evaṃ viññāṇo** nāma bhavēyyanti pattheti.

Apurakkharānoti vaṭṭaṃ purato akurumāno. **Sahitaṃ me, asahitaṃ teti** tuyhaṃ vacanaṃ asahitaṃ asiliṭṭhaṃ, mayhaṃ sahitaṃ siliṭṭhaṃ madhuraṃ madhurapānasadisam. **Adhiciṇṇaṃ te viparāvattanti** yaṃ tuyhaṃ dīghena kālena paricitaṃ suppaṇaṃ, taṃ mama vādaṃ āgamaṃ sabbaṃ khaṇena viparāvattaṃ nivattaṃ. **Āropito te vādōti** tuyhaṃ doso mayā āropito. **Cara vādappamokkhāyati** taṃ taṃ ācariyaṃ upasaṅkamitvā uttaraṃ pariyesanto imassa vādassa mokkhāya cara āhiṇḍa. **Nibbeṭhehi vā sace pahosīti** atha sayameva pahosi, idheva nibbeṭhehīti.

80. So evarūpo “yehi vivitto”ti gāthā. Tattha **yehīti** yehi dīṭṭhigatādīhi. **Vivitto vicareyyāti** ritto careyya. **Na tāni uggayha vadeyya nāgoti** “āguṃ na karotī”tiādīnā (cūḷāni. bhadrāvudhamāṇavapucchāniddesa 70; pārāyanānugītiniddesa 102) nayena nāgo tāni dīṭṭhigatāni uggahetvā na careyya. **Elambujanti** elasaññīte ambumhi jātaṃ kaṇṭakanāḷaṃ vārijaṃ, padumanti vuttaṃ hoti. **Yathā jalena paṅkena canūpalittanti** taṃ padumaṃ yathā jalena ca paṅkena ca anūpalittaṃ hoti. **Evaṃ muni santivādo agiddhoti** evaṃ ajjhattasantivādo muni gedhābhāvena agiddho. **Kāme ca loke ca anūpalittoti** duvidhepi kāme apāyādike ca loke dvīhi silesehi anūpalitto hoti.

Āguṃ na karotīti akusalādidosam na karoti. **Na gacchatīti** agativasena na gacchati. **Nāgacchatīti** pahīnakilese na upeti. **Pāpakāti** lāmaka. **Akusalāti** akosallasambhūtā. **Te kilese na punetīti** ye kilesā pahīnā, te kilese puna na eti. **Na paccetīti** paṭi na upeti. **Na paccāgacchatīti** puna na nivattati.

Kharadaṇḍōti kharapattadaṇḍo pharusadaṇḍo. **Cattagedhoti** vīssaṭṭhagedho. **Vantagedhoti** vāmitagedho. **Muttagedhoti** chinnabandhanagedho. **Pahīnagedhoti** pajahitagedho. **Paṭinissaṭṭhagedhoti** yathā na puna cittaṃ āruhati, evaṃ paṭivissajjitedho. Upari **vītarāgā**dīsūpi eseva nayo. Sabbāneva tāni gahitaggahaṇassa vīssaṭṭhabhāvavevacanāni.

81. Kiṅca bhīyyo – “na vedagū”ti gāthā. Tattha **na vedagū dīṭṭhiyāyakoti** catumaggavedagū mādiso dīṭṭhiyāyako na hoti, dīṭṭhiyā gacchanta vā, taṃ sārato paccanto vā na hoti. Tattha vacanatto – yāyatīti yāyako. Karaṇavacanena dīṭṭhiyā yāyatīti dīṭṭhiyāyako. Upayogathe sāmivacanēnapi dīṭṭhiyā yātītipi dīṭṭhiyāyako. **Na mutiyā sa mānametīti** mutarūpādībhedāya mutiyāpi so mānaṃ na eti. **Na hi tammayo soti** taṇhādīṭṭhivasena tammayo hoti tapparāyaṇo, ayaṃ pana

na tādiso. **Na kammunā nopi sutena neyyoti** puññābhisaṅkhārādīnā kammunā vā, sutasuddhiādīnā sutena vā so netabbo na hoti. **Anūpanīto sa nivesanesūti** so dvinnampi upayānaṃ pahīnattā sabbesu taṅhādīṭṭhinivesanesu anupanīto.

Mutarūpena vāti ettha mutarūpaṃ nāma gandharasaphoṭṭhabbāni. **Mānaṃ netti** asmimānaṃ na eti. **Na upeti** samīpaṃ na eti. **Na upagacchatī** upagantvā na tiṭṭhati. **Tammayoti** tappakato.

82. Tassa ca evaṃvidhassa “**saññāvirattassā**”ti gāthā. Tattha **saññāvirattassāti** nekkhammasaññāpubbaṅgamāya bhāvanāya pahīnakāmādisaññassa. Iminā padena ubhatobhāgavimutto samathayāniko adhippeto. **Paññāvimuttassāti** vipassanāpubbaṅgamāya bhāvanāya sabbakilesehi vimuttassa. Iminā sukkhavipassako adhippeto. **Saññaica diṭṭhiṇca ye aggahesum, te ghaṭṭamānā vicaranti loketi** ye pana kāmāsāññādikāṃ saññaṃ aggahesum, te visesato gahaṭṭhā kāmādhikaraṇaṃ, ye ca diṭṭhiṃ aggahesum, te visesato pabbajitā dhammādhikaraṇaṃ aññaṃaññaṃ ghaṭṭentā vicarantīti.

Yo samathapubbaṅgamaṃ ariyamaggaṃ bhāvetīti yo puggalo samathapubbaṅgamaṃ purecārikaṃ katvā sahavipassanaṃ ariyamaggaṃ bhāveti, paṭhamaṃ samādhim uppādetvā pacchā sahavipassanaṃ ariyamaggaṃ uppādetīti attho. **Tassa āditoti** tassa puggalassa paṭhamajjhānādito. **Upādāyāti** paṭicca āgama. **Ganthā vikkhambhitā honṭīti** ganthā dūrīkatā bhavanti. **Arahatte patteti** arahattaphalaṃ patte. **Arahatoti** arahattaphale ṭhitassa. **Ganthā ca mohā cātiādayo** sabbe kilesā pahīnā honti.

Yo vipassanāpubbaṅgamaṃ ariyamaggaṃ bhāvetīti yo puggalo vipassanaṃ pubbaṅgamaṃ purecārikaṃ katvā ariyamaggaṃ bhāveti, paṭhamaṃ vipassanaṃ uppādetvā pacchā ariyamaggasampayuttaṃ samādhim bhāvetīti attho. **Tassa ādito upādāyāti** tassa puggalassa vipassanato paṭṭhāya vipassanaṃ paṭicca. **Mohā vikkhambhitā honṭīti** ettha vikkhambhitā dūraṃ pāpitā saññāvasena. **Ghaṭṭentīti** ye kāmāsāññādiṃ gaṇhanti, te saññāvasena piḷenti. **Saṅghaṭṭentīti** tato tato piḷenti. Idāni ghaṭṭente dassetum “**rājānopi rājūhi vivadanti**”tiādīnā nayena vitthāro vutto. **Aññaṃaññaṃ pañhihi upakkamantīti** ettha aññaṃaññaṃ hatthehi paharanti. **Leḍḍūhīti** kapālakhaṇḍehi. **Daṇḍehīti** aḍḍhadāṇḍakehi. **Satthehīti** ubhatodhārehi satthehi.

Abhisāṅkhārānaṃ appahīnattāti puññādiabhisāṅkhārānaṃ appahīnabhāvena. **Gatiyā ghaṭṭentīti** gantabbāya patiṭṭhābhūtāya gatiyā piḷenti ghaṭṭanaṃ āpajjanti. **Nirayādīsipi** eseva nayo. Sesametha vuttanayattā uttānameva.

Saddhammapajjotikāya mahāniddesaṭṭhakathāya

Māgaṇḍiyasuttaniddesavaṇṇanā niṭṭhitā.

10. Purābhedasuttaniddesavaṇṇanā

83. Dasame purābhedasuttaniddese **kathamāssīti** imassa suttassa ito paresaṅca pañcannaṃ kalahavivādacūḷabyūhamahābyūhātuvaṭakaattadaṇḍasuttānaṃ sammāparibbājanīyasuttavaṇṇanāyaṃ (su. ni. aṭṭha. 2.362 ādayo) vuttanayeneva sāmāññato uppatti veditabbā. Visesto pana yatheva tasmim mahāsamaye rāgaritadevatānaṃ sappāyavasena dhammaṃ desetum nimmitabuddhena attānaṃ pucchāpetvā sammāparibbājanīyasuttanta- (su. ni. 361 ādayo) mabhāsi, evaṃ tasmimyeva mahāsamaye “kiṃ nu kho purā sarīrabhedā kattaḅba”nti uppannacittānaṃ devatānaṃ cittaṃ ṇatvā tāsāṃ anuggahatthaṃ aḍḍhateḷasabhikkhusataparivāraṃ nimmitabuddhaṃ ākāseṇa ānetvā tena attānaṃ pucchāpetvā imaṃ suttamabhāsi.

Kathaṃ? Buddhā nāma mahantā ete sattavisesā, yaṃ sadevakassa lokassa diṭṭhaṃ sutāṃ mutāṃ viññātaṃ pattāṃ pariyesitaṃ anuvicariṭaṃ manasā na kiñci katthaci nīlādīvasena vibhatarūpārammaṇesu vibhatarūpārammaṇaṃ vā, bherisaddādīvasena vibhattasaddārammaṇādīsū saddādīrammaṇaṃ vā atthi, yaṃ etesaṃ ṇānamukhe āpāthaṃ nāgacchati. Yathāha – “yaṃ, bhikkhave, sadevakassa lokassa...pe... sadevamanussāya diṭṭhaṃ sutāṃ mutāṃ viññātaṃ pattāṃ pariyesitaṃ anuvicariṭaṃ manasā, tamahaṃ jānāmi tamahaṃ abbaññāsi”nti (a. ni. 4.24). Evaṃ sabbattha appaṭihatañño bhagavā sabbāpi tā devatā bhabbābhāvasena dve koṭṭhāse akāsi. “Kammāvaraṇena vā samannāgatā”tiādīnā (pu. pa. 12) hi nayena vuttā sattā abhabbā nāma. Te ekavīhāre vasantepi buddhā na oloketi. Viparītā pana bhabbā nāma. Te dūre vasantepi gantvā saṅgaṇhanti. Tasmim devatāsannipāte ye abhabbā, te pahāya bhabbe pariggahesi. Pariggahetvā “ettakā ettha rāgaritā, ettakā dosādicaritā”ti cariyavasena cha koṭṭhāse akāsi. Atha nesaṃ sappāyadhammadesanaṃ upadhārento “rāgaritānaṃ devānaṃ sammāparibbājanīyasuttaṃ (su. ni. 361 ādayo) kathessāmi, dosacaritānaṃ kalahavivādāsuttaṃ (su. ni. 868 ādayo), mohacaritānaṃ mahābyūhasuttaṃ (su. ni. 901 ādayo), vitakkacaritānaṃ cūḷabyūhasuttaṃ (su. ni. 884 ādayo), saddhācaritānaṃ tuvaṭakasuttaṃ (su. ni. 921 ādayo), buddhacaritānaṃ purābhedasuttaṃ (su. ni. 854 ādayo) kathessāmi”ti desanaṃ vavatthāpetvā puna taṃ parisāṃ manasākāsi “attajjhāsayena nu kho jāneyya, parajjhāsayena, aṭṭhuppattikena, pucchāvasenā”ti. Tato “pucchāvasena jāneyyā”ti ṇatvā “atthi nu kho koci devatānaṃ ajjhāsayāṃ gahetvā cariyavasena pañhaṃ pucchitum samattho”ti “tesu pañcasatesu bhikkhūsu ekopi na sakkoti”ti addasa. Tato asītimahāsāvake, dve aggasāvake ca samannāharitvā “tepi na sakkoti”ti disvā cintesi – “sace paccekabuddho bhāveyya, sakkūneyya nu kho”ti. “Sopi na sakkūneyyo”ti ṇatvā “sakkasuyāmadīsū koci sakkūneyyā”ti samannāhari. Sace hi tesu koci sakkūneyya, taṃ pucchāpetvā attanā vissajjeyya. Na pana tesupi koci sakkoti. Athassa etadahosi – “mādiso buddhoyeva sakkūneyya, atthi pana katthaci añño buddho”ti anantāsu lokadhātūsū anantaññaṃ pattharhitvā lokāṃ oloketo na aññaṃ buddhaṃ addasa.

Anacchariyañcetaṃ, idāni attanā samaṃ na passeyya, yo jātadvasepi brahmajālavanāṇāyaṃ (dī. ni. aṭṭha. 1.7) vuttanayena attanā samaṃ apassanto “aggohamasmi lokassā”ti (dī. ni. 2.31) appaṭivattiyāṃ sīhanādaṃ nadi. Evaṃ aññaṃ attanā samaṃ apassitvā cintesi “sace ahaṃ pucchitvā ahameva vissajjeyyaṃ, evaṃ tā devatā na sakkhissanti paṭivijjhituṃ. Aññaṃ pana buddheyeva pucchante mayi ca vissajjante accherakaṃ bhavissati, sakkhissanti ca devatā paṭivijjhituṃ, tasmā nimmitabuddhaṃ māpessāmi”ti abhiññāpādakaṃ jhānaṃ samāpajjitvā vuṭṭhāya “pattacīvaraggahaṇaṃ ālokitaṃ vilokitaṃ samāñjitaṃ pasāritaṇca mama sadisaṃyeva hotū”ti kāmāvacaracittēhi parikammaṃ katvā “pācīnayugandharaparikkhepato ullaṅghayamaṇaṃ candamaṇḍalaṃ bhinditvā nikkhamanto viya āgacchatū”ti rūpāvacaracittēna adhiṭṭhāsī. Devasaṅgho taṃ dīsvā “aññopi nu kho bho, cando uggato”ti āha. Atha candaṃ ohāya āsannatare jāte “na cando, sūriyo uggato”ti. Puna āsannatare jāte “na sūriyo, devavimānaṃ eta”nti. Puna āsannatare jāte “na devavimānaṃ, devaputto eso”ti. Puna āsannatare jāte “na devaputto, mahābrahmā eso”ti. Puna āsannatare jāte “na mahābrahmā, aparopi bho buddho āgato”ti āha.

Tattha puthujjanadevatā cintayīṃsu – “ekabuddhassa tāva ayaṃ devatāsannipāto. Dvinnāṃ kīvamahanto bhavissatī”ti. Ariyadevatā cintayīṃsu – “ekissā lokadhātuyā dve buddhā nāma natthi, addhā bhagavā attanā sadisaṃ aññaṃ ekaṃ buddhaṃ nimminī”ti. Athassa devasaṅghassa passantasveva nimmitabuddho āgantvā dasabalaṃ avanditvāva sammukhaṭṭhāne samasamaṃ katvā māpīte āsane nisīdi. Bhagavato bāṭṭisamahāpurisalakkhaṇāni, nimmitassāpi, bhagavato sarīrā chabbaṇṇarasmiyo nikkhamanti, nimmitassāpi, bhagavato sarīrarasmiyo nimmitasarīre paṭihaññanti, nimmitassa rasmiyo bhagavato kāye paṭihaññanti. Tā dvinnampi buddhānaṃ sarīrato uggamma bhavaggaṃ āhacca tato tato paṭinivattitvā devatānaṃ matthakamatthakapariyantena otaritvā cakkavālamukhavaṭṭiyāṃ paṭiṭṭhahīṃsu. Sakalacakkavāḷagabbhaṃ suvaṇṇamayavaṇḍakopānasivinaddhamiva cetiyagharaṃ virocittha. Dasasahasacakkavāḷadevatā ekacakkavāḷe rāsibhūtā dvinnāṃ buddhānaṃ rasmiabbhantaṃ pavisitvā aṭṭhaṃsu. Nimmito nisīdantoyeva “**kathaṃdassī kathaṃsīlo, upasantoti vuccatī**”tiādinaṃ nayena adhipaññādikāṃ pucchanto gāthamāha.

Tattha pucchāya tāva so nimmito **kathaṃdassī** adhipaññaṃ, **kathaṃsīloti** adhisīlaṃ, **upasantoti** adhicittaṃ pucchati. Sesāṃ pākāṭameva.

Nimmitabuddhādīvibhāvanatthaṃ peṭake –

“Upeti dhammaṃ paripucchamāno, kusalaṃ atthupasañhitāṃ;
Na jīvati na nibbuto na mato, taṃ puggalaṃ katamaṃ vadanti buddhā. (pari. 479);

“Samsārakhīṇo na ca vantarāgo, na cāpi sekkho na ca dīṭṭhadhammo;
Akhīṇāsavo antimadehadhārī, taṃ puggalaṃ katamaṃ vadanti buddhā.

“Na dukkhasaccena samaṅgibhūto, na maggasaccena kuto nirodho;
Samudayasaccato suvidūravīdūro, taṃ puggalaṃ katamaṃ vadanti buddhā.

“Ahetuko nopi ca rūpanissito, apaccayo nopi ca so asaṅkhato;
Asaṅkhatārammaṇo nopi ca rūpī, taṃ puggalaṃ katamaṃ vadanti buddhā”ti. –

Vuttaṃ.

Tattha paṭhamagāthā nimmitabuddhaṃ sandhāya, dutiyagāthā pacchimabhavikabodhisattaṃ sandhāya, tatiyagāthā arahattaphalaṭṭhaṃ sandhāya, catutthagāthā arūpe nibbānapaccavekkhaṇamanodvārapurecārikacittasamaṅgiṃ sandhāya vuttāti ñātābbā. **Kīdisena dassanenāti** kīdisavasena dassanena. **Kiṃsaṅghitenāti** kiṃsarikkhena. **Kiṃpakārenāti** kiṃvidhena. **Kiṃpaṭibhāgenāti** kiṃākārena.

Yaṃ pucchāmīti yaṃ puggalaṃ pucchāmi, taṃ mayhaṃ viyākarohi. **Yācāmīti** āyācāmi. **Ajjhesāmīti** āñāpemi. **Pasādemīti** tava santāne somanassaṃ uppādemī. **Brūhīti** niddesassa uddeśapadaṃ. **Ācikkhātī** desetābbānaṃ “imāni nāmāni”ti nāmavasena kathehi. **Desehīti** dassēhi. **Paññapehīti** jānāpehi. Nāṇamukhavasena hi appanaṃ ṭhapento “paññapehī”ti vuccatī. **Paṭṭhapehīti** paññāpehi, pavattāpehīti attho. Nāṇamukhe ṭhapehīti vā. **Vivarātī** vivaṭṭaṃ karohi, vivaritvā dassēhīti attho. **Vibhajātī** vibhāgakiriyāya vibhāvento dassēhīti attho. **Uttānikarohīti** pākāṭabhāvaṃ karohi.

Atha vā **ācikkhātī** desanādīnaṃ channaṃ padānaṃ mūlapadaṃ. Desanādīni cha padāni etassa atthassa vivaraṇatthaṃ vuttāni. Tattha **desehīti** ugghaṭitaññūnaṃ vasena saṅkhepato paṭhamāṃ uddeśavasena desehi. Ugghaṭitaññū hi saṅkhepena vuttaṃ paṭhamāṃ vuttaṇca paṭivijjhanti. **Paññapehīti** vipañcītaññūnaṃ vasena tesāṃ cittatosanena buddhinisānena ca paṭhamāṃ saṃkhattassa vitthārato niddesavaseneva paññapehi. **Paṭṭhapehīti** tesāṃyeva niddiṭṭhassa niddesassa paṭiniddesavasena vitthāritavasena ṭhapeti paṭṭhapehi. **Vivarātī** niddiṭṭhassapi punappunaṃ vacanena vivarāhi. **Vibhajātī** punappunaṃ vuttassāpi vibhāgakaṇaṇena vibhajāhi. **Uttānikarohīti** vivaṭṭassa vitthārataravacanena vibhattassa ca nidassanavacanena uttāniṃ karohi. Ayaṃ desanā neyyānampi paṭivedhāya hotīti.

84. Vissajjane pana bhagavā sarūpena adhipaññādiṇi avissajjetvāva adhipaññādiṇipabhāvena yesaṃ kilesānaṃ upasamā “upasanto”ti vuccatī, nānādevatānaṃ āsayānulomena tesāṃ upasamameva dīpento “**vītatāṇho**”tiādikā gāthāyo abhāsī. Tattha ādito aṭṭhannaṃ gāthānaṃ “taṃ brūmi upasanto”ti imāya gāthāya sambandho vedītabbo, tato parāsaṃ “sa ve santoti

vuccatī”ti iminā sabbapacchimena padena.

Anupadavaññanāyayo – **vītatañho purābhedāti** yo sarīrabhedā pubbameva pahīnatañho. **Pubbamantamanissitoti** atīdadhādibhedam pubbaantañ anissito. **Vemajjhe nupasañkheyyoti** paccuppannepi addhani “ratto”tiadinā nayena na upasañkhātabbo. **Tassa natthi purakkhatanti** tassa arahato dvinnam purekkhārānam abhāvā anāgate addhani purakkhatamapi natthi, tam brūmi upasantoti evamettha yojanā veditabbā. Esa nayo sabbattha.

Purā kāyassa bhedāti karajakāyassa bhedato pubbeyeva. **Attabhāvassāti** sakalattabhāvassa. **Kaḷavarassa nikkhepāti** kaḷavarassa nikkhepato sarīrassa ṭhapanato. **Jvītindriyassa upacchedāti** duvidhassa jvītindriyassa upacchedato pubbameva.

Pubbanto vuccati atīto addhāti pubbasañkhāto anto koṭṭhāso “atīto addhāti, atikkanto kālo”ti kathīyati. **Atītam addhānam ārabhāti** atītakālam paṭicca tañhā pahīnā.

Aparampi bhaddekarattapariyāyam (ma. ni. 3.272 ādayo) dassento “**atha vā**”tiadinā. Tattha **evamrūpo ahoṣinti** kālopi samāno indanīlamanāyañho ahoṣinti evam manūññārūpavaseneva evamrūpo ahoṣim. Kusalasukhasomanassavedanāvaseneva **evamvedano**. Tam sampayuttānañyeva saññādīnam vasena **evamsañño. Evamsañkhāro. Evamviññāno ahoṣim atītamaddhānanti tattha nandim na samannānetīti** tesu rūpādisu tañham vā tañhāsampayuttadīṭṭhim vā nānupavattayati. Aparena pariyañyena mahākaccānabhaddekarattapariyāyam dassento “**atha vā iti me cakkhu ahoṣi**”tiadinā. Tattha **cakkhūti** cakkhupasādo. **Rūpāti** catusamuttāhanīkarūpā. Iminā nayena sesāyatanānīpi veditabbāni. **Viññānanti** nissayaviññānam. **Na tadabhinandatīti** tam cakkhuñceva rūpañca tañhādīṭṭhivasena nābhinandati. **Iti me mano ahoṣi iti dhammāti** ettha pana **manoti** bhavañgacittam. **Dhammāti** tebhūmakadhammārammañam. **Hasitalapitakīlītānīti** dantavidamaṣakahasitañca vācālapitañca kāyakīlādīkīlītācīti hasitalapitakīlītāni. **Na tadassādetīti** tāni hasitādīni nābhinandati. **Na tam nikāmetīti** kantañ na karoti. **Na ca tena vittim āpajjati** tena ca tuṭṭhim na pāpuṇāti.

Tam tam paccayam paṭicca uppannoti **paccuppanno. Rattoti nupasañkheyyoti** rāgena rattoti gaṇanam na upanetabbo. Uparipi eseva nayo. **Evarūpo siyantiādīsu** pañītamanūññārūpādivaseneva tañhādīṭṭhipavattanasāñkhātā nandī samannāyanā veditabbā. **Na pañīdahatīti** patthanāvasena na ṭhabeti. **Appañīdhānapaccayāti** na patthanāṭhapanakāraṇena.

85. Asantāsīti tena tena alābhato asantasanto. **Avikatthīti** sīlādīhi avikatthanasīlo. **Akukkucoti** hatthakukkuccādivirahito. **Mantabhānīti** mantāya pariggahetvā vācam bhāsītā. **Anuddhatoti** uddhaccavirahito. **Sa ve vācāyatoti** so vācāya yato samyato catudosavirahitam vācam bhāsītā hoti.

Akkodhanoti yañhi kho vuttanti “na kodhano akodhano kodhavirahito”ti yam kathitam, tam paṭhamam tāva kodham kathetukāmo “**apica kodho tāva vattabbo**”ti āha. **Kodho tāva vattabboti** paṭhamam kodho kathetabbo. **Dasahākārehi kodho jāyatīti** dasahi kāraṇehi kodho uppajjati. **Anattham me acarīti** avaḍḍhim me akāsi, iminā upāyena sabbapadesu attho veditabbo. **Aṭṭhāne vā pana kodho jāyatīti** akāraṇe kodho uppajjati. Ekacco hi “devo ativassatī”ti kuppati, “na vassatī”ti kuppati, “sūriyo tappatī”ti kuppati, “na tappatī”ti kuppati, vāte vāyantepi kuppati, avāyantepi kuppati, sammajjitum asakkonto bodhipaṇṇānam kuppati, cīvaraṃ pārupitum asakkonto vātassa kuppati, upakkhalitvā khāṇukassa kuppati. Idam sandhāya vuttaṃ – “**aṭṭhāne vā pana kodho jāyatī**”ti. Tattha heṭṭhā navasu ṭhānesu satte ārabhha uppannatā kammaphabhedo hoti.

Aṭṭhānaghāto pana sañkhāresu uppanno kammaphabhedañ na karoti. Cittam āghātento uppannoti **cittassa āghāto**. Tato balavataro **paṭighāto**. Paṭihaññānavasena **paṭigham**. Paṭivirujjhatīti **paṭivirodho**. Kuppanavasena **kopo. Pakopo sampakopoti** upasaggavasena padañ vaḍḍhitam. Dussanavasena **doso. Padoso sampadosoti** upasaggavasena padañ vaḍḍhitam. **Cittassa byāpattīti** cittassa vipannatā viparivattanākāro. Manam padūsayamāno uppajjati **manopadoso**. Kujjhanavasena **kodho**. Kujjhanākāro **kujjhanā**. Kujjhitassa bhāvo **kujjhitattam**. Dussatīti **doso. Dussanāti** dussanākāro. **Dussitattanti** dussitabhāvo. Pakatibhāvavijāhanaṭṭhena byāpajjanam **byāpatti. Byāpajjanāti** byāpajjanākāro. Virujjhatīti **virodho**. Punappunam virujjhatīti **paṭivirodho**. Viruddhākārapaṭiviruddhākāravasena vā idam vuttam. Caṇḍiko vuccati caṇḍo, thaddhapuggalo, tassa bhāvo **caṇḍikkam**. Na etena suropitam vacanam hoti, duruttam aparipunṇameva hotīti **asuropo**. Kuddhakāle hi paripunṇavacanam nāma natthi, sacepi kassaci hoti, tam appamāṇam. Apare pana “assujananaṭṭhena assuropanato assuropo”ti vadanti, tam akāraṇam somanassasāpi assujanano. Heṭṭhāvuttaattamanatāpaṭipakkhato na attamanatāti **anattamanatā**. Sā pana yasmā cittasseva, na sattassa, tasmā “**cittasā**”ti vuttam.

Adhimattaparittatā veditabbāti adhimattabhāvo parittabhāvo ca, balavabhāvo mandabhāvoti attho. **Kañci kāleti** ekadā. “Kañci kāla”ntipi pāṭho. **Cittāvilakaraṇamatto hotīti** cittassa āvilakaraṇappamāno, cittakīlīṭṭhakarāṇappamānoti attho. “Cittālasakaraṇamatto”tipi pāṭho, tam na sundaram. Tassa cittakīlāmatakaraṇamattoti attho. **Na ca tāva mukhakulānavikulāno hotīti** mukhasa saṅkocanavisāṅkocano na ca tāva hoti. **Na ca tāva hanusañcopano hotīti** dvinnam hanūnam aparāparam calano na ca tāva hoti. **Na ca tāva pharusavācam nicchāraṇo hotīti** paresam mammacchedakam pharusavācam mukhato nīharaṇena bahi nikkhamano na ca tāva hoti. **Na ca tāva disāvidisānuvilokano hotīti** parassa abbhukkīraṇattham daṇḍādiatthāya disāñca anudisāñca punappunam vilokano na ca tāva hoti.

Na ca tāva daṇḍasatthaparāmasano hotīti āghātanattham daṇḍāñca ekatodhārādisatthāñca ādiyano na ca tāva hoti. **Na**

ca t̄ava daṇḍasatthaabbhukkirāṇo hoṭṭi vuttappakāraṃ daṇḍasatthaṃ ukkhipitvā paharaṇo na ca t̄ava hoti. Na ca t̄ava daṇḍasatthaabhinipātano hoṭṭi etaṃ duvidhaṃ parassa paharaṇatthaṃ na ca t̄ava khipano hoti. Na ca t̄ava chinnavicchinnakaraṇo hoṭṭi daṇḍasatthādikhipanena parasarīraṃ dvidhākaraṇo ca vividhākārena vaṇakaraṇo ca na t̄ava hoti. “Chiddavicchiddakaraṇo”tipi pāṭho. Na ca t̄ava sambhañjanapalibhañjano hoṭṭi sarīraṃ bhañjitvā cuṇṇaviccuṇṇakaraṇo na ca t̄ava hoti. Na ca t̄ava aṅgamaṅgaapakaḍḍhano hoṭṭi aṅgapaccaṅgaṃ sampaggahetvā apantvā kaḍḍhano na ca t̄ava hoti. Na ca t̄ava jīvītā voropano hoṭṭi jīvitindriyato voropano na ca t̄ava hoti. Na ca t̄ava sabbacāgapariccāgāya saṅghito hoṭṭi sabbam parassa jīvitam nāsetvā attano jīvitanāsanatthāya saṅghito na ca t̄ava hoti. Iḍaṃ vuttaṃ hoti – yadā aññaṃ jīvītā voropetvā attānaṃ jīvītā voropanatthāya ṭhito, tadā sabbacāgapariccāgā nāma hoti. Vuttañhetam bhagavatā –

“Kodham chetvā sukham seti, kodham chetvā na socati;
Kodhassa visamūlassa, madhuraggassa brāhmaṇa;
Vadham ariyā pasamsanti, tañhi chetvā na socati”ti. (saṃ. ni. 1.187, 267);

Yatoti yadā. Parapuggalaṃ ghāṭetvāti parapuggalaṃ nāsetvā. Attānaṃ ghāṭetīti attānaṃ māreti. Paramussadagatoti atibalavabhāvaṃ gato. Paramavepullappattoti ativipulabhāvaṃ patto. Kodhassa pahīnattāti anāgāmaggena vuttappakāraṃ kodhassa pahīnabhāvena. Kodhavatthussa pariññāṭattāti kodhassa paṭiṭṭhābhūtassa kāraṇabhūtassa piyāpiyaatthānasankhātassa vatthussa nītatīraṇapariññāhi byāpetvā nītabhāvena. Kodhahetussa upacchinnattāti kodhassa janakahetuno domanassasahagatacittuppādassa ucchinnabhāvena.

Tāsīti bhāyanasīlo hoti. Uttāsīti atibhāyanasīlo. Parittāsīti samantato bhāyanasīlo. Bhāyatīti bhayaṃ uppajjati. Santāsaṃ āpajjati virūpabhāvaṃ pāpuṇāti. Katthī hoṭṭi attano vaṇṇabhaṇanasīlo hoti. Vikatthīti vividhā nānappakāro vaṇṇabhaṇanasīlo. Jātiyā vāti khattiyabhāvādijāṭisampattiyā vā. Gottena vāti gotmagottādinā ukkaṭṭhagottena vā. Kolaputtīyena vāti mahākulabhāvena vā. Vaṇṇapokkharatāya vāti vaṇṇasampannasarīratāya vā. Sarīrañhi “pokkhara”nti vuccati, tassa vaṇṇasampattiyā abhirūpabhāvenāti attho. Dhanena vātiādīni uttānatthāneva.

Kukkuccanti niddesassa uddesapadaṃ. Tattha kukkuccanti kucchitam kataṃ kukatam, tassa bhāvo kukkucam. Tam pacchānutāpalakkaṇam, katākatānusocanarasam, vipaṭṭisārapaccupaṭṭhānam, katākatapadaṭṭhānam, dāsabyam viya daṭṭhabbam. Hatthakukkuccampīti hatthehi kucchitam kataṃ kukatam, tassa bhāvo hatthakukkucam. Pādakukkuccādīsipi eseva nayo.

Akappiye kappiyasaññīti acchamaṃsam sūkaramaṃsanti khādati, dīpimaṃsam migamaṃsanti khādati, akappiyabhojanam kappiyabhojananti bhuñjati, vikāle kālasaññītiya bhuñjati, akappiyapānakam kappiyapānakanti pivati. Ayam akappiye kappiyasaññīti. Kappiye akappiyasaññīti sūkaramaṃsam acchamaṃsanti khādati, migamaṃsam dīpimaṃsanti khādati, kappiyabhojanam akappiyabhojananti bhuñjati, kāle vikālasaññītiya bhuñjati, kappiyapānakam akappiyapānakanti pivati. Ayam kappiye akappiyasaññīti. Avajje vajjasaññīti niddose dosasaññīti. Vajje avajjasaññīti sadose niddosasaññīti. Kukkuccāyanāti kukkuccāyanākāro. Kukkuccāyitattanti kukkuccāyitabhāvo. Cetaso vipaṭṭisāroti cittassa virūpo paṭisaraṇabhāvo. Manovilekhoti cittassa vilekko.

Katattā ca akatattā cāti kāyaduccarītādīnam katabhāvena ca kāyasucarītādīnam akatabhāvena ca. Kataṃ me kāyaduccarītanti mayā kāyena kilesapūtikattā duṭṭhu caritam kāyena kataṃ. Akatam me kāyasucarītanti mayā kāyena suṭṭhu caritam na kataṃ. Vaciduccaritavacīsucarītādīsipi eseva nayo nirodhapariyosānesu.

Cittassāti na sattassa na posassa. Uddhaccanti uddhatakāro. Avūpasamoti na vūpasamo. Ceto vikkhipatīti cetaso vikkhepo, bhantattam cittassāti cittassa bhantabhāvo bhantayānabhantagoṇādīnam viya. Iminā ekārammaṇasimīyeva vipphandanam kathitam. Uddhaccañhi ekārammaṇe vipphandati, vicikicchā nānārammaṇeti. Iḍam vuccati uddhaccanti ayam uddhatabhāvo kathiyati.

Musāvadam pahāyāti ettha musāti viṣamvādanapurekkhārassa atthabhañjako vacīpayogo kāyapayogo vā. Viṣamvādanādhippāyena panassa paraviṣamvādakāyavacīpayogasamuṭṭhāpikā cetanā musāvādo.

Aparo nayo – musāti abhūtam ataccham vatthu. Vadoti tassa bhūtato tacchato viññāpanam. Lakkhaṇato pana atatham vatthum tathato param viññāpetukāmassa tathāviññāntisamuṭṭhāpikā cetanā musāvādo, tam musāvadam. Pahāyāti imam musāvādetanāsankhātam dussīlyam pajahitvā. Paṭiviratoti pahīnakālato paṭṭhāya tato dussīlyato orato viratova. Natthi tassa vītikkamissāmīti cakkhusotaviññeyyā dhammā, pageva kāyaviññeyyāti iminā nayena aññesupi evarūpesu padesu attho veditabbo.

Saccam vadatīti saccavādī. Saccena saccam sandahati ghaṭetīti saccasandho, na antarantarā musā vadatīti attho. Yo hi puriso kadāci musā vadati, kadāci saccam, tassa musāvādena antaritattā saccam saccena na ghaṭiyati, tasmā so na saccasandho, ayam pana na tādiso, jīvītaṭṭhapi musā avatvā saccena saccam sandahatiyevāti saccasandho.

Thetoti thiro, thirakathoti attho. Eko hi puggalo haliddirāgo viya, thusarāsīmhi nikhātakhāṇu viya, assapiṭṭhe

ṭhapitakumbhaṇḍamiva ca na thirakatho hoti, eko pāsāṇalekhā viya, indakhīlā viya ca thirakatho hoti, asinā sīsaṃ chindantepi dve kathā na katheti, ayaṃ vuccati theto.

Paccayikoti pattiyāyitabbako, saddhāyitabbakoti attho. Ekacco hi puggalo na paccayiko hoti, “idaṃ kena vuttaṃ, asukenā”ti vutte “mā tassa vacanaṃ saddahathā”ti vattabbaṃ āpajjati. Eko paccayiko hoti, “idaṃ kena vuttaṃ, asukenā”ti vutte “yadi tena vuttaṃ, idameva pamāṇaṃ, idāni upaparikkhitabbaṃ natthi, evameva ida”nti vattabbaṃ āpajjati, ayaṃ vuccati paccayiko.

Avisaṃvādako lokassāti tāya saccavādītāya lokaṃ na visaṃvādetīti attho.

Pisuṇaṃ vācaṃ pahāyātiādīsu yāya vācāya yassa taṃ vācaṃ bhāsati, tassa hadaye attano piyabhāvaṃ parassa ca suññabhāvaṃ karoti, sā **pisuṇā vācā**. Yāya pana attānampi parampi pharusāṃ karoti, yā vācā sayampi pharusā, neva kaṇṇasukhā na hadayaṅgamā, ayaṃ **pharusā vācā**. Yena samphaṃ palapati niratthakaṃ, so **samphappalāpo**. Yā tesam mūlabhūtā cetanāpi pisuṇāvācādināmeva labhati, sā eva ca idha adhippetā.

Imesaṃ bhedāyāti yesaṃ ito vuttānaṃ santike suttaṃ, tesam bhedāya. **Bhinnānaṃ vā sandhātīti** dvinnāṃ mittānaṃ vā samānupajjhāyakādīnaṃ vā kenacideva kāraṇena bhinnānaṃ ekamekaṃ upasaṅkamtivā “tumhākaṃ īdise kule jātānaṃ evaṃ bahussutānaṃ idaṃ na yutta”ntiādīni vatvā sandhānaṃ kattā anukattā.

Anuppadātīti sandhānānuppadātā. Dve jane samagge disvā “tumhākaṃ evarūpe kule jātānaṃ evarūpehi guṇehi samannāgatānaṃ anucchavikameta”ntiādīni vatvā dalhīkammaṃ kattātīti attho. Samaggo ārāmo assāti **samaggārāmo**, yattha samaggā natthi, tattha vasitumpi na icchātīti attho. “Samaggārāmo”tipi pāḷi, ayamevettha attho. **Samaggaratoti** samaggesu rato, te pahāya aññatra gantumpi na icchātīti attho. Samagge disvāpi sutvāpi nandaṭīti **samagganandī**. **Samaggakaraṇiṃ vācaṃ bhāsītīti** yā vācā satte samaggeyeva karoti, taṃ sāmaggiguṇaparidīpikameva vācaṃ bhāsati, na itaranti.

Parassa mammacchedakakāyavacīpayogasamuṭṭhāpikā ekantapharusacetanā **pharusā vācā**, **nelāti** eḷaṃ vuccati doso, nassā elanti nelā, niddosātīti attho “nelaṅgo setapacchādo”ti ettha (udā. 65; peṭako. 25) vuttanelamaṃ viya. **Kaṇṇasukhāti** byañjanamadhuratāya kaṇṇānaṃ sukhā, sūcivijjhanam viya kaṇṇasūlaṃ na janeti. atthamadhuratāya sakalasarīre kopam ajanetvā pemaṃ janetīti **pemaṇīyā**. Hadayaṃ gacchati apaṭihaññamānā sukhena cittaṃ pavisaṭīti **hadayaṅgamā**. Guṇaparipuṇṇatāya pure bhavātī **porī**, pure saṃvaḍḍhanārī viya sukumārātīpi **porī**, purassa esātīpi **porī**, nagaravāsīnaṃ kathātī attho. Nagaravāsīno hi yuttakathā honti, pitimattaṃ pitātī bhātimittaṃ bhātātī vadanti. Evarūpī kathā bahuno janassa kantā hotīti **bahujanakantā**. Kantabhāveneva bahuno janassa manāpā cittavuḍḍhikarātī **bahujanamanāpā**.

Anatthaviññāpikā kāyavacīpayogasamuṭṭhāpikā akusalacetanā **samphappalāpo**. Kālena vadatīti **kālavādī**, vattabbayuttakālaṃ sallakkhetvā vadatīti attho. Bhūtaṃ tathaṃ tacchaṃ sabhāvameva vadatīti **bhūtavādī**. Diṭṭhadhammikasamparāyikatthasannissitameva katvā vadatīti **atthavādī**. Navalokuttaradhammasannissitaṃ katvā vadatīti **dhammavādī**. Saṃvaravinayapahānavinayasannissitaṃ katvā vadatīti **vinayavādī**.

Nidhānaṃ vuccati ṭhapanokāso, nidhānamassa atthīti **nidhānavatī**, hadaye nidhātabbayuttakaṃ vācaṃ bhāsītīti attho. **Kālenāti** evarūpiṃ bhāsamanopi ca “ahaṃ nidhānavatiṃ vācaṃ bhāsissāmi”ti na akālena bhāsati, yuttakālaṃ pana apekkhitvā bhāsātīti attho. **Sāpadesanti** saupamaṃ, sakāraṇanti attho. **Pariyantavatinti** paricchedaṃ dassetvā yathāssā paricchedo paññāyati, evaṃ bhāsātīti attho. **Atthasamhitanti** anekehipi nayehi vibhajantena pariyādātum asakkuṇeyyatāya atthasampannaṃ bhāsati. Yaṃ vā so atthavādī atthaṃ vadati, tena atthena sahittatā atthasamhitam vācaṃ bhāsati, na aññaṃ nikkhipitvā aññaṃ bhāsātīti vuttaṃ hoti. **Catuddosāpagataṃ vācaṃ bhāsātīti** musāvādādīhi catūhi dosehi apagataṃ vācaṃ bhāsati. **Dvattiṃsāya tiracchānakathāyāti** dvattiṃsāya saggamokkhānaṃ tiracchānabhūtāya kathāya.

Dasa kathāvattūnti appicchatādīni dasa vivaṭṭanissitāya kathāya vatthubhūtāni kāraṇāni. **Appicchakathanti** ettha appicchoti icchāviraḥito aniccho nittaṅho. Ettha hi byañjanaṃ sāvasesaṃ viya, attho pana niravaseso. Na hi khīṇāsavassa aṇumattāpi icchā nāma atthi.

Apicettha atricchatā pāpicchatā mahicchatā appicchatātī ayaṃ bhedo veditabbo – tattha sakalābhe atittassa paralābhapatthanā **atricchatā** nāma, tāya samannāgatassa ekabhājane pakkapūvepi attano patte patite na supakko viya khuddako viya ca khāyati, sveva pana parassa patte pakkhitto supakko viya mahanto viya ca khāyati. Asantaṅgasambhāvanatā pana paṭiggahaṇe ca amattaññūtā **pāpicchatā** nāma, sā “idhekacco asaddho samāno saddhoti maṃ jano jānātū”tiādīnā (vibha. 851) nayena atreva āgatāyeva. Tāya ca samannāgato puggalo kohaṇīe patiṭṭhātī. Santagaṇasambhāvanatā pana paṭiggahaṇe ca amattaññūtā **mahicchatā** nāma, sāpi “idhekacco saddho samāno saddhoti maṃ jano jānātūti icchatī, sīlavā samāno sīlavātī maṃ jano jānātū”ti (vibha. 851) iminā nayena āgatāyeva. Tāya samannāgato puggalo dussantappayo hoti, vijātamātāpissa cittaṃ gahetuṃ na sakkoti. Tenetaṃ vuccati –

“Aggikkhandho samuddo ca, mahiccho cāpi puggalo;

Sakaṭena paccaye detu, tayopete atappayā”ti. (ma. ni. aṭṭha. 1.252; a. ni. aṭṭha. 1.1.63; udā. aṭṭha. 31);

Santagunaniġuhanatā pana paṭiggahaṇe ca mattaññutā **appicchatā** nāma, tāya samannāgato puggalo attani vijjamānampi guṇaṃ paṭicchādetukāmatāya saddho samāno “saddhoti maṃ jano jānātū”ti na icchati. Silavā... pavivitto... bahussuto... āradhāviriyo... samādhisampanno... paññavā... khīṇāsavo samāno “khīṇāsavoti maṃ jano jānātū”ti na icchati seyyathāpi **majjhantikathero**. Evaṃ appiccho ca pana bhikkhu anuppannaṃ lābhaṃ uppādeti, uppannaṃ thāvaraṃ karoti, dāyakānaṃ cittaṃ āradhethi, yathā yathā hi so attano appicchatāya appaṃ gaṇhāti, tathā tathā tassa vatte pasannā manussā bahū denti.

Aparopi catubbidho appiccho paccayaappiccho dhutaṅgaappiccho pariyattiappiccho adhigamaappicchoti. Tattha catūso paccayesu appiccho **paccayaappiccho**. So dāyakassa vasaṃ jānāti, deyyadhammassa vasaṃ jānāti, attano thāmaṃ jānāti. Yadi hi deyyadhammo bahu hoti, dāyako appaṃ dātukāmo, dāyakassa vasena appaṃ gaṇhāti. Deyyadhammo appo, dāyako bahū dātukāmo, deyyadhammassa vasena appaṃ gaṇhāti. Deyyadhammopi bahu, dāyakopi bahū dātukāmo, attano thāmaṃ ṅatvā pamāṇeneva gaṇhāti.

Dhutaṅgasamādānassa attani atthibhāvaṃ na jānāpetukāmo **dhutaṅgaappiccho** nāma. Yo pana bahussutabhāvaṃ na jānāpetukāmo, ayaṃ **pariyattiappiccho** nāma. Yo pana sotāpannādīsu aññataro hutvā sotāpannādibhāvaṃ jānāpetuṃ na icchati, **ayaṃ adhigamaappiccho** nāma. Khīṇāsavo pana atricchatāṃ pāpicchatāṃ mahicchatāṃ pahāya sabbaso icchāpaṭipakkabhūtāya alobhasankhātāya parisuddhāya appicchatāya samannāgatattā appiccho nāma. “Āvuso, atricchatā pāpicchatā mahicchatāti, ime dhammā pahātabbāti, tesu ādīnavaṃ dassetvā evarūpaṃ appicchatāṃ samādāya vattitabba”nti vadanto appicchatāṃ katheti nāma.

Santuṭṭhikathantiādīsu visesatthameva dīpayissāma, yojanā pana vuttanayeneva veditabbā. **Santuṭṭhikathanti** itarītarapaccayasantosāṃ nissitaṃ kathaṃ. So pana santoso dvādasavidho hoti. Seyyathidaṃ – cīvare yathālābhasantoso, yathābalasantoso, yathāsārappasantosoti tividho. Evaṃ piṇḍapātādīsipi.

Tassāyaṃ pabhedavaṇṇanā – idha bhikkhu cīvaram labhati sundaram vā asundaram vā. So teneva yāpeti, aññaṃ na pattheti, labhantopi na gaṇhāti. Ayamassa cīvare **yathālābhasantoso**. Atha pana yo pakatidubbalo vā hoti, ābādhajarābhībūto vā, garucivaram parupanto kilamati. So sabhāgena bhikkhuna saddhiṃ taṃ parivattetvā lahukena yāpentopi santuṭṭhova hoti. Ayamassa cīvare **yathābalasantoso**. Aparo pañītapaccayalābhī hoti. So pattuṇṇacīvarādīnaṃ aññatarāṃ mahagghacīvaram, bahūni vā pana cīvarāni labhītvā “idaṃ therānaṃ cirapabbajitānaṃ, idaṃ bahussutānaṃ anurūpaṃ, idaṃ gilānānaṃ, idaṃ appalābhīnaṃ hoti”ti datvā tesāṃ purāṇacīvaram vā saṅkārakūṭādīto vā nantakāni uccinitvā tehi saṅghāṭiṃ katvā dhārentopi santuṭṭhova hoti. Ayamassa cīvare **yathāsārappasantoso**.

Idha pana bhikkhu piṇḍapātaṃ labhati lūkhaṃ vā pañītaṃ vā, so teneva yāpeti, aññaṃ na pattheti, labhantopi na gaṇhāti. Ayamassa piṇḍapāte **yathālābhasantoso**. Yo pana attano pakativiruddhaṃ vā byādhiviruddhaṃ vā piṇḍapātaṃ labhati, yenassa paribhuttana aphāsu hoti, so taṃ sabhāgassa bhikkhuno datvā tassa hatthato sappāyabhojanaṃ bhuñjitvā samaṇadhammaṃ karontopi santuṭṭhova hoti. Ayamassa piṇḍapāte **yathābalasantoso**. Aparo bahū pañītaṃ piṇḍapātaṃ labhati, so taṃ cīvaram viya theracīrapabbajitabahussutaappalābhīgilānānaṃ datvā tesāṃ vā sesakaṃ piṇḍāya vā caritvā missakāhāraṃ bhuñjantopi santuṭṭhova hoti. Ayamassa piṇḍapāte **yathāsārappasantoso**.

Idha pana bhikkhu senāsanaṃ labhati manāpaṃ vā amanāpaṃ vā, so tena neva somanassaṃ na domanassaṃ uppādeti, antamaso tiṇasanthārakenāpi yathāladdheneva tussati. Ayamassa senāsane **yathālābhasantoso**. Yo pana attano pakativiruddhaṃ vā byādhiviruddhaṃ vā senāsanaṃ labhati, yatthassa vasato aphāsu hoti, so taṃ sabhāgassa bhikkhuno datvā tassa santake sappāyaseṇāsane vasantopi santuṭṭhova hoti. Ayamassa senāsane **yathābalasantoso**.

Aparo mahāpuñño leṇamaṇḍapakūṭāgārādīni bahūni pañītasenāsānāni labhati, so taṃ cīvaram viya theracīrapabbajitabahussutaappalābhīgilānānaṃ datvā yattha katthaci vasantopi santuṭṭhova hoti. Ayamassa senāsane **yathāsārappasantoso**. Yopi “uttamasenāsanaṃ nāma pamādatṭhānaṃ, tattha nisinnassa thinamidhaṃ okkamati, niddābhībūtaṃ puna paṭibujjhato pāpavitakkā pātubhavanti”ti paṭisañcikkhitvā tādīsaṃ senāsanaṃ pattampi na sampāṭicchati, so taṃ paṭikkhipitvā abbhokāsarukkhamūlādīsu vasantopi santuṭṭhova hoti. Ayamassa senāsane **yathāsārappasantoso**.

Idha pana bhikkhu bhesajjaṃ labhati lūkhaṃ vā pañītaṃ vā, so yaṃ labhati, teneva tussati, aññaṃ na pattheti, labhantopi na gaṇhāti. Ayamassa gilānapaccaye **yathālābhasantoso**. Yo pana telena atthiko phāñītaṃ labhati, so taṃ sabhāgassa bhikkhuno datvā tassa hatthato telāṃ gahetvā aññadeva vā pariyesitvā bhesajjaṃ karontopi santuṭṭhova hoti. Ayamassa gilānapaccaye **yathābalasantoso**.

Aparo mahāpuñño bahū telamadhuḥṇīṭādīpañītabhesajjaṃ labhati, so taṃ cīvaram viya theracīrapabbajitabahussutaappalābhīgilānānaṃ datvā tesāṃ ābhatena yena kenaci yāpentopi santuṭṭhova hoti. Yo pana ekasmiṃ bhājjane catumadhuraṃ ṭhapetvā ekasmiṃ muttahaṛitakaṃ “gaṇha, bhante, yadicchasi”ti vuccamāno “sacassa tesu aññatārenapi rogo vūpasammati, atha muttahaṛitakaṃ nāma buddhādīhi vaṇṇita”nti catumadhuraṃ paṭikkhipitvā muttahaṛitakena bhesajjaṃ karonto paramasantuṭṭhova hoti. Ayamassa gilānapaccaye **yathāsārappasantoso**. Imesaṃ pana paccekapaccayesu tiṇṇaṃ tiṇṇaṃ santosānaṃ yathāsārappasantosova aggo. Arahā ekekasmiṃ paccaye imehi tīhi pi santuṭṭhova.

Pavivekakathanti pavivekanissitaṃ kathaṃ. Tayo hi vivekā kāyaviveko cittaviveko upadhivivekoti. Tattha eko gacchati, eko tiṭṭhati, eko nisīdati, eko seyyaṃ kappeti, eko gāmaṃ piṇḍāya pavīsati, eko paṭikkamati, eko abhikkamati, eko caṅkamaṃ adhiṭṭhāti, eko carati, eko viharatīti ayaṃ **kāyaviveko** nāma. Aṭṭha samāpattiyo pana **cittaviveko** nāma. Nibbānaṃ **upadhiviveko** nāma.

Vuttampi hetama – “kāyaviveko ca vivekaṭṭhakāyānaṃ nekkhammābhiratānaṃ. Cittaviveko ca parisuddhacittānaṃ paramavodānappattānaṃ. Upadhiviveko ca nirupadhīnaṃ puggalānaṃ visaṅkhāragatāna’nti (mahāni. 57).

Asaṃsaggakathanti ettha pana savanasaṃsaggo dassanasaṃsaggo samullapanasaṃsaggo sambhogasaṃsaggo kāyasāṃsaggoti pañcavidho saṃsaggo. Tesu idha bhikkhu suṇāti “amukasmim gāme vā nigame vā itthi vā kumārī vā abhirūpā dassanīyā pāsādikā paramāya vaṇṇapokkharatāya samannāgatā’nti, so taṃ sutvā saṃsīdati visīdati, na sakkoti brahmacariyaṃ sandhāretuṃ, sikkhādubbalyaṃ anāvikatvā hīnāyāvattati. Evaṃ parehi kathiyamānarūpādisampattiṃ attanā vā hasitalapitagītasaddaṃ suṇantassa sotaviññānavīthivasena uppanno rāgo **savanasaṃsaggo** nāma.

“Idha bhikkhu na heva kho suṇāti, api ca kho sāmaṃ passati itthim vā kumārīm vā abhirūpaṃ dassanīyaṃ pāsādikaṃ paramāya vaṇṇapokkharatāya samannāgataṃ, so taṃ disvā saṃsīdati visīdati, na sakkoti brahmacariyaṃ sandhāretuṃ, sikkhādubbalyaṃ anāvikatvā hīnāyāvattati. Evaṃ visabhāgarūpaṃ olokentassa pana cakkhuviññānavīthivasena uppannarāgo **dassanasāṃsaggo** nāma.

Aññaṃaññaṃ allāpasallāpavasena uppannarāgo pana **samullapanasaṃsaggo** nāma. Bhikkhuno bhikkhuniyā santakaṃ bhikkhuniyā vā bhikkhussa santakaṃ gahetvā paribhogakaraṇavasena uppannarāgo **sambhogasaṃsaggo** nāma. Hatthagāhādivasena uppannarāgo pana **kāyasāṃsaggo** nāma. Araha imehi pañcahi saṃsaggehi catūhipi parisāhi saddhim asaṃsaṭṭho, gāhamuttako ceva saṃsaggamuttako ca. Asaṃsaggassa vaṇṇaṃ bhaṇanto asaṃsaggakathaṃ katheti nāma.

Vīriyārambhakathanti ettha yo pagghavitvīriyo paripuṇṇakāyikacetasikavīriyo hoti, gamane uppannaṃ kilesaṃ thānaṃ pāpuṇiṭuṃ na deti, thāne uppannaṃ kilesaṃ nisajjaṃ, nisajjāya uppannaṃ kilesaṃ sayanaṃ pāpuṇiṭuṃ na deti, daṇḍena kaṇhasappaṃ uppiṭetvā gaṇhanto viya amittaṃ gīvāya akkamanto viya ca vicarati, tādisassa āradhaviyāyassa vaṇṇaṃ bhaṇanto vīriyārambhakathaṃ katheti nāma.

Sīlakathantiādīsu **sīlanti** catupārisuddhisīlaṃ. **Samādhīti** vipassanāpādakā aṭṭha samāpattiyo. **Paññāti** lokiyalokuttaraññaṃ. **Vimuttīti** arahattaphalavimuttī. **Vimuttīññānadassananti** ekūnavīsatividhaṃ paccavekkhaññaṃ. Sīlādīnaṃ guṇaṃ pakāsento sīlādīkathaṃ katheti nāma.

Satipaṭṭhānakathantiādīni **saṅgajālamaticca so muni**tipariyosānāni pubbe vuttānusārena veditabbāni.

86. Nirāsattīti nittaṇho. **Vivekadassī phassesūti** paccuppannesu cakkhusamphassādīsu attādibhāvavivekaṃ passati. **Diṭṭhīsu ca na nīyatīti** dvāsattīhiyā diṭṭhīsu kāyaci diṭṭhiyā na nīyati.

Vipariṇataṃ vā vatthuṃ na socatīti pakatibhāvaṃ jahitvā naṭṭhe kismiñci vatthusmiṃ na sokaṃ āpajjati. **Vipariṇatasmiṃ vāti** vinassamāne vatthumhi.

Cakkhusamphassoti cakkhuṃ vatthuṃ katvā cakkhuviññānasahajāto phasso cakkhusamphasso. Sesesupi eseva nayo. Ettha ca purimā cakkhupasādādivatthukāva, manosamphasso hadayavatthukopi avatthukopi sabbo catubhūmako phasso. **Adhivacanasamphassoti** pariyāyena etassa nāmaṃ hotiyeva. Tayo hi arūpino khandhā sayam piṭṭhivaṭṭakā hutvā attano sahaṇātasamphassassa adhivacanasamphassoti nāmaṃ karonti. **Paṭighasamphassoti** nipariyāyena pana paṭighasamphasso nāma pañcadvārikaphasso. Adhivacanasamphasso nāma manodvārikaphasso. **Sukhavedaniyo phassoti** sukhavedanāya hito uppādako phasso. Itaradvayepi eseva nayo. **Kusalo phassoti** ekavīsaticusalacittasahajāto phasso. **Akusaloti** dvādasaakusalasahajāto phasso. **Abyākatoti** chappaññāsaabyākatasahajāto phasso. **Kāmāvacaroti** catupaññāsakāmāvacarasahajāto phasso. **Rūpāvacaroti** kusalādīpañcadasarūpāvacarasampayutto. **Arūpāvacaroti** kusalābyākatavasena dvādasaarūpāvacarasampayutto.

Suññatoti anattānupassanāvasena vipassantassa uppanno maggo suññato, tena sahaṇāto phasso suññato phasso. Itaradvayepi eseva nayo. **Animittoti** ettha aniccānupassanāvasena vipassantassa uppanno maggo animitto. **Appaṇihitoti** dukkhānupassanāvasena vipassantassa uppanno maggo appaṇihito. **Lokiyoti** loko vuccati lujjanapalujjanaṭṭhena vaṭṭo, tasmim pariyāpanabhāvena loke niyuttoti lokiyo, tebhūmako dhammo. **Lokuttaroti** lokato uttaro uttiṇṇoti lokuttaro, loke aparīyāpanabhāvenapi lokuttaro. **Attēna vāti** attabhāvena vā. **Attaniyena vāti** attāyattēna vā.

87. Patilīnōti rāgādīnaṃ pahīnattā tato apagato. **Akuhakoti** avimhāpako tīhi kuhanavattūhi. **Apihālūti** apihanasīlo, patthanātaṇhāya rahitoti vuttaṃ hoti. **Amaccharīti** pañcamaccheravirahito. **Appagabbhoti** kāyapāgabbhiyādivirahito. **Ajegucchoti** sampannasīlādītāya ajegucchanīyo asecanako manāpo. **Pesūneyye ca no yutoti** dvīhi ākārehi upasaṃharitabbe piṣuṇakamme ayutto.

Rāgassa pahīnattāti arahattamaggena rāgakilesassa pahīnabhāvena. **Asmimāno pahīno hotīti** asmīti unnatimāno samucchavedavasena pahīno hoti.

Tīpi kuhanavattthūnīti tīpi vimhāpanakāraṇāni. **Paccayapaṭisevanasaṅkhātaṃ kuhanavattthūti**ādisu cīvarādīhi nimantitassa tadatthikasappa sato pāpicchataṃ nissāya paṭikkhipanena te ca gahapatike attani suppatiṭṭhitapasāde nītvā puna tesam “aho ayyo appiccho, na kiñci paṭiggaṇhitum icchati, suladdham vata no assa, sace appamattakampi kiñci paṭiggaṇheyyā”ti nānāvidhehi upāyehi paṇṭāni cīvarādīni upanentānaṃ tadanuggahakāmatamyeva avikatvā paṭiggahaṇena ca tato pabhūti api sakaṭabhārehi upanāmanahetubhūtaṃ vimhāpanaṃ **paccayapaṭisevanasaṅkhātaṃ kuhanavattthūti** veditabbaṃ. Pāpicchasseva pana sato sambhāvanādhippāyena katena iriyāpathena vimhāpanaṃ **iriyāpathasaṅkhātaṃ kuhanavattthūti** veditabbaṃ. Pāpicchasseva pana sato uttarimanussadhammādhigamaparidīpanāvācāya tathā tathā vimhāpanaṃ **sāmantajappanasaṅkhātaṃ kuhanavattthūti** veditabbaṃ.

Katamaṃ paccayapaṭisevanasaṅkhātanti ettha paccayapaṭisevananti evaṃ saṅkhātaṃ paccayapaṭisevanasaṅkhātaṃ. **Nimantentīti** idha gahapatikā “bhikkhaṃ gaṇhathā”ti bhikkhū nimantenti. Ayameva vā pāṭho. “Nimantenti”ti vā “vadanti”ti vā keci paṭhanti. Tādise nimantāpenti. Nimantentīti pāṭhassa sambhavo daṭṭhabbo. **Cīvaraṃ paccakkhātīti** cīvaraṃ paṭikkhipati. **Etam sāruppaṃ, yaṃ samaṇoti** yaṃ cīvaradhāraṇaṃ samaṇo karoti, etam sāruppaṃ anucchavikaṃ. **Pāpaṇikā vā nantakānīti** āpaṇadvāre patikāni antavirahitāni pilotikāni. **Uccinitvāti** saṃkaḍḍhitvā. **Uñchācariyāyāti** bhikkhācāraṇena. **Piṇḍiyālopenāti** piṇḍaṃ katvā laddhaālopena. **Pūtimuttēna vāti** gomuttēna vā. **Osadham kareyyāti** bhesajjakiccaṃ kareyya. **Tadupādāyāti** tato paṭṭhāya. **Dhutavādōti** dhutagaṇavādī. **Bhiyyo bhiyyo nimantentīti** uparūpari nimantenti. **Sammukhībhāvāti** sammukhībhāvena, vijjānāntāyāti attho. **Pasavātīti** paṭilabhati. Saddhāya sammukhībhāvena sakkā kātunti “saddhāya sammukhībhāvā”tiādimāha. Deyyadhammā sulabhā dakkhiṇeyyā ca, saddhā pana dullabhā. Puthujjanassa hi saddhā athāvarā, padavāre padavāre nānā hoti. Tenevassa mahāmogallānasadisopi aggasāvako pāṭibhogo bhavitum asakkonto āha “dvinnam kho nesaṃ āvuso dhammānaṃ pāṭibhogo bhogānaṃca jīvītassa ca, saddhāya pana tvam pāṭibhogo”ti.

Evaṃ tumhe puññena paribāhirā bhavissathāti ettha **puññenāti** nissakkatthe karaṇavacanaṃ. Puññato parihīnā parammukhā bhavissatha. **Bhākuṭikāti** mukhānaṃ padhānapurimatṭhitabhāvadassanena bhākuṭikaraṇaṃ, mukhasaṅkocoti vuttaṃ hoti. Bhākuṭikaraṇaṃ sīlamassāti **bhākuṭiko**, bhākuṭikassa bhāvo **bhākuṭiyaṃ**. **Kuhanāti** vimhāpanā. Kuhassa āyanā **kuhāyanā**. Kuhītassa bhāvo **kuhītattam**.

Pāpicchoti asantagaṇadīpanakāmo. **Ichhāpakatoti** icchāya apakato, upaddutoti attho. **Sambhāvanādhippāyoti** bahumānājjhāsāyo. **Gamaṇaṃ saṅghapetīti** abhikkamādigamaṇaṃ abhisaṅkharoti, pāsādikabhāvaṃ karotīti vuttaṃ hoti. Itaresupi eseva nayo. **Paṇidhāya gacchati**ti patthanaṃ ṭhapetvā gacchati. Sesesupi eseva nayo. **Samāhito viya gacchati**ti upacārapatto viya gacchati. Sesesupi eseva nayo.

Āpāthakajjhāyīva hotīti sammukhā āgatānaṃ manussānaṃ jhānaṃ samāpajjanto viya santabhāvaṃ dasseti. **Iriyāpathassāti** catuiriyāpathassa. **Āṭhapanāti** ādiṭṭhapanā, ādarena vā ṭhapanā. **Ṭhapanāti** ṭhapanākāro. **Saṅghapanāti** abhisaṅkharanaṃ, pāsādikabhāvakaranaṃ vuttaṃ hoti. **Ariyadhammasannissitanti** lokuttaradhammapaṭibaddham. **Kuñcīkanti** avāpuraṇaṃ. **Mittāti** sinehavanto. **Sandiṭṭhāti** diṭṭhamattā. **Sambhattāti** daḥhamittā. **Uddaṇḍeti** eko patissayaviseso.

Korajikakorajikoti saṅkocasaṅkocako, atisaṅkocakoti vuttaṃ hoti. “Koracakoracako”ti vā pāṭho. **Bhākuṭikabhākuṭikoti** ativiya mukhasaṅkocanasilo. **Kuhakakuhakoti** ativiya vimhāpako. **Lapakalapakoti** ativiya sallāpako. **Mukhasambhāvīkoti** attano mukhasasena aññehi saha sambhāvīko, appitacittoti eke. **Santānanti** kilesasantaṭāya santānaṃ. **Samāpattinanti** samāpajjitabānaṃ. **Gambhīranti** ninnapatīṭṭhānaṃ. **Gūḷhanti** dassetuṃ dukkhaṃ. **Nipuṇanti** sukhumāṃ. **Paṭicchannanti** padatthēna duppaṭivijjhādhippāyaṃ. **Lokuttaranti** dhammadīpakaṃ. **Suññatāpaṭisaññuttanti** nibbānapaṭisaññuttam. Atha vā **lokuttarasuññatāpaṭisaññuttanti** lokuttaradhammabhūtanibbānapaṭisaññuttam.

Kāyikaṃ pāgabbhiyanti kāye bhavaṃ kāyikaṃ. Vācasikacetāsikesupi eseva nayo. **Acittikāratoti** bahumānakiriyarahito. **Anupāhanānaṃ caṅkamantānanti** upāhanavirahitānaṃ caṅkamantānaṃ samīpe, anādare vā sāmivacanaṃ. **Saupāhanoti** upāhanārūḷho hutvā caṅkamati. **Nīce caṅkame caṅkamantānanti** akataparicchēdāya bhūmiyā caṅkamante paricchēdaṃ katvā vālukaṃ ākiritvā ālambanaṃ yojetvā katacaṅkame nīcepi caṅkame caṅkamante. **Ucce caṅkame caṅkamati**ti iṭṭhakacayanasampanne vedikāparikkhitte ucce caṅkame caṅkamati. Sace pākāraparikkhitto hoti dvārakoṭṭhakayutto, pabbatantaravanantarabhūmantarassa vā suppaṭicchanno, tādise caṅkame caṅkamituṃ vaṭṭati, appaṭicchannepi upacāraṃ muñcivā vaṭṭati. **Ghaṭṭayantopi tiṭṭhāti** atisamīpe tiṭṭhāti. **Puratopi tiṭṭhāti** puratthimatopi tiṭṭhāti. **Ṭhitakopi bhaṇāti** khāṇuko viya anonamivā bhaṇāti. **Bāhāvikkhepakoti** bāhuṃ khipitvā khipitvā bhaṇāti.

Anupakhajjāti sabbesaṃ nisinnaṭṭhānaṃ pavisitvā. **Navepi bhikkhū āsanena paṭibhāṭīti** attano pattāsane anisīditvā pure vā pacchā vā pavisanto āsanena paṭibhāṭīti nāma.

Anāpucchampi kaṭṭhaṃ pakkhipatīti anāpucchitvā anapaloketvā aggimhi dāruṃ khipati. **Dvāraṃ pidahatīti** jantāghare pidahati.

Otaratīti udakatittham pavisati. **Nhāyatīti** sarīram sineheti. **Uttaratīti** udakatitthato tīram uggacchati.

Vokkammāpīti atikkamivāpi. **Ovarakānīti** gabbhe paṭiṭṭhitasayanagarāni.

Gūlhānīti paṭicchannāni. **Paṭicchannānīti** aññehi paṭicchādītāni.

Anajjhīṭṭho vāti therehi “dhammam bhañāhī”ti anānatto anāyācīto ca.

Pāpadhammoti lāmakadhammo. **Asucisaṅkassarasamācāroti** aññehi “ayaṃ dussīlo”ti saṅkāya saritabbo ācāro saṃyogo etassāti asucisaṅkassarasamācāro. Saṅkassarasamācāroti sakāram saṃyogaṃ katvāpi paṭhanti. **Paṭicchannakammantoti** paṭicchādītakāyavacīkammanto. **Assamaṇoti** na samaṇo. **Samaṇapaṭiñṇoti** “ahaṃ samaṇo”ti paṭijānanto. **Abrahmacārīti** seṭṭhacariyā virahito. **Brahmacāripaṭiñṇoti** vuttapaṭipakkho. **Antopūṭīti** abhantare kusaladhammavirahitattā antopūṭibhāvamāpanno. **Avassutoti** rāgena tinto. **Kasambujātoti** saṅkārasabhāvo. **Ācāragocarasaṃpannoti** ettha bhikkhu sagāravo sappatisso hirottappasaṃpanno sunivattho supāruto pāsādikena abhikkantena paṭikkantena ālokītena vilokītena samīñjitena pasāritena okkhittacakkhu iriyāpathasaṃpanno indriyesu guttadvāro bhojane mattaññū jāgariyamanuyutto satisampajāññena samannāgato appiccho santuṭṭho āradhaviṛiyo ābhisamācārikesu sakkaccakārī garucittikārabahulo viharati, ayaṃ vuccati ācāro. Evaṃ tāva ācāro vedītabbo.

Gocaro pana tividho upanissayagocaro ārakkhagocaro upanibandhagocaroti. Tattha katamo **upanissayagocaro**? Dasakathāvatthugūṇasamannāgato kalyāṇamitto, yaṃ nissāya assutaṃ suṇāti, sutam pariyoḍāpeti, kaṅkham vitarati, diṭṭhiṃ ujum karoti, cittaṃ pasādeti; yassa vā pana anusikkhamāno saddhāya vaḍḍhati, sīlena, sutena, cāgena, paññāya vaḍḍhati. Ayaṃ vuccati upanissayagocaro.

Katamo **ārakkhagocaro**? Idha bhikkhu antaragharam pavitṭho vīthim paṭipanno okkhittacakkhu yugamattadassāvī susaṃvuto gacchati, na hatthim olokeno, na assam, na ratham, na pattim, na itthim, na purisaṃ olokeno, na uddham ullokeno, na adho olokeno, na disāvidisaṃ pekkhamāno gacchati. Ayaṃ vuccati ārakkhagocaro.

Katamo **upanibandhagocaro**? Cattāro satipaṭṭhānā yattha cittaṃ upanibandhati. Vuttaññetaṃ bhagavatā – “ko ca, bhikkhave, bhikkhuno gocaro sako pettiko visayo? Yadiḍaṃ cattāro satipaṭṭhānā”ti (sam. ni. 5.372), ayaṃ vuccati upanibandhagocaroti. Iti iminā ca ācārena iminā ca gocarena upeto...pe... samannāgato. Tenapi vuccati ācāragocarasaṃpannoti.

Aṇumattesu vajjesu bhayadassāvīti aṇupamāṇesu asaṅcicca āpannasekhiyaakusalacittupādādibhedesu vajjesu bhayadassanasīlo. **Samādāya sikkhati sikkhāpadesūti** yaṃkiñci sikkhāpadesu sikkhitabbaṃ, taṃ sabbaṃ sammā ādāya sikkhati. Ettha ca “pātimokkhasaṃvarasaṃvuto”ti ettāvata ca puggalādhiṭṭhānāya desanāya pātimokkhasaṃvarasīlam dassitaṃ. “Ācāragocarasaṃpanno”tiādi pana sabbaṃ yathāpaṭipannassa taṃ sīlam sampajjati, taṃ paṭipattim dassetaṃ vuttanti vedītabbaṃ.

88. Sātiyesu anassāvīti sātavattūsu kāmaguṇesu taṅhāsanthavavirahito. **Sanhoti** saṅhehi kāyakammādīhi samannāgato. **Paṭibhānavāti** pariyattiparipucchādhiḡamaṇapaṭibhānehi samannāgato. **Na saddhoti** sāmaṃ adhiḡatadhammaṃ na kassaci saddahati. **Na virajjati** khayā rāgassa virattattā idāni na virajjati.

Yesam esāti yesam puggalānaṃ sātavattūsu kāmaguṇesu icchā taṅhā. **Appahīnāti** santhavasampayuttā taṅhā arahattamaggena appahīnā. **Tesaṃ cakkhuto rūpaṇhā savatīti** etesaṃ cakkhudvārato pavattajavanavīthisampayuttā rūpārammaṇā taṅhā uppajjati. **Asavatīti** okāsato yāva bhavaggā dhammato yāva gotrabhū savatī. **Sandatīti** nadīsotaṃ viya adhomukhaṃ sandatī. **Pavattatīti** punappunaṃ uppattivasena pavattati. Sesadvāresupī eseva nayo. Sukkapakkhe vuttavipariyāyena taṅhā arahattamaggena supphānā. Tesaṃ cakkhuto rūpaṇhā na savatī.

Sanhena kāyakammena samannāgatoti aphaṛusena mudunā kāyakammena samaṅgībhūto ekībhūto. **Vacīkammādīsūpi** eseva nayo. **Sanhehi satipaṭṭhānehīti**ādisu satipaṭṭhānādayo lokiyalokuttaramissakā. Pariyāpuṇānaatthādiḡaripucchālokīyalokuttaradhammādhīgamavasena sallakkhaṇavibhāvanavavattānakaraṇasamattā tisso paṭibhānapabbhedasaṅkhātā paññā yassa atthi, so **paṭibhānavā. Tassa pariyattim nissāya paṭibhāyatīti** tassa puggalassa pariyāpuṇaṇaṃ allīyitvā nīṇaṃ jāyati nīṇaṃ abhimukhaṃ hoti. **Cattāro satipaṭṭhānāti** sattatiṃsa bodhipakkhiyadhammā lokiyalokuttaramissakavasena vuttā. Maggaphalāni nibbattalokuttaravasena. Catasso paṭisambhīdāyo cha ca abhiññāyo vimokkhanīkavasena vuttatī nītabbā.

Tattha **catasso paṭisambhīdāyoti** cattāro nīṇappabbhedatī attho. Iddhividhādīasavakkhayapariyosānāni adhīkāni cha nīṇāni. **Tassāti** parassa, attho paṭibhāyatīti sambandho. **Atthoti** saṅkhepatō hetuphalaṃ. Tañhi yasmā hetuanusārena arīyati adhiḡamīyati pāpuṇīyati, tasmā atthoti vuccati. Pabbhedato pana yaṃkiñci paccayuppannaṃ nibbānaṃ bhāsītattho vipāko kiriyāti ime pañca dhammā atthoti vedītabbā, taṃ atthaṃ paccavekkhantassa so attho pabbhedato nīto pākato hoti. **Dhammoti** saṅkhepatō paccayo. So hi yasmā taṃ taṃ vidahati pavatteti ceva pāpeti ca, tasmā dhammoti vuccati. Pabbhedato pana yo koci phalanībhattako hetu arīyamaggo bhāsītaṃ kusalaṃ akusalanti ime pañca dhammā dhammoti vedītabbā, taṃ dhammaṃ

paccavekkhantassa so dhammo pabhedato ñāto pākaṭo hoti, tasmim atthe ca dhamme ca yā sabhāvanirutti abyabhicārī vohāro, tassa abhilāpe bhāsane udīraṇe taṃ lapitaṃ bhāsitaṃ udīritaṃ sabhāvaniruttisaddaṃ ārammaṇaṃ katvā paccavekkhantassa sā nirutti ñātā pākaṭā hoti.

Ettha **atthe ñāte attho paṭibhāyatī** idāni tassa saddaṃ āharitvā vuttappabhede atthe pākaṭibhūte vuttappabhedo attho tassa puggalassa paṭibhāyati ñāṇābhimukho hoti. **Dhamme ñāte dhammo paṭibhāyatī** vuttappabhede dhamme pākaṭibhūte vuttappabhedo dhammo paṭibhāyati. **Niruttiyā ñātāya nirutti paṭibhāyatī** vuttappabhedāya niruttiyā pākaṭāya vuttappabhedā nirutti paṭibhāyati. **Imesu tīsu ñānesu ñāṇanti** atthadhammaniruttiṃ imesu tīsu sabbatthakañāṇamārammaṇaṃ katvā paccavekkhantassa tesu tīsu ñānesu pabhedagataṃ ñāṇaṃ, yathāvuttesu vā tesu tīsu ñānesu gocarakiccādivasena vitthāragataṃ ñāṇaṃ paṭibhānapaṭisambhidā. **Imāya paṭibhānapaṭisambhidāyāti** imāya vuttappakārāya yathāvuttavittārapaññāya upeto hoti. **So vuccati paṭibhānavāti** nigamento āha. **Yassa pariyaṭti natthīti** pariyaṭti nāma buddhavacanaṃ. Tañhi uggaṇhantassa paṭisambhidā visadā honti. Yassa puggalassa evarūpā pariyaṭti natthī. **Paripucchā natthīti** paripucchā nāma pāliatthakathādīsu gaṇṭhipadaatthapadavinicchayakathā. Uggahitapāliādīsu hi atthaṃ kathentassa paṭisambhidā visadā honti. **Adhigamo natthīti** adhigamo nāma arahattappatti. Arahattañhi pattassa paṭisambhidā visadā honti. Yassa vuttappakārā tividhā sampatti natthī. **Kim tassa paṭibhāyissatī** kena kāraṇena tassa puggalassa pabhedagataṃ ñāṇaṃ upaṭṭhahissati.

Sāmanti sayameva. **Sayaṃ abhiññānti** sayameva tena ñāṇena avagamitaṃ. **Attapaccakkhaṃ dhammanti** attanā paṭivijjhitaṃ paccavekkhitaṃ dhammaṃ. **Na kassaci saddahatīti** attapaccakkhatāya paresaṃ na saddahati, saddhāya na gacchati. **Avijjāpaccayā saṅkhārāti**ādikaṃ dvādasapadikapaccayākāraddassanavasena vuttaṃ. **Avijjānirodhātī**ādāyo saṃsāranivattim sandhāya vuttā. **Idaṃ dukkhanti**ādī saccadassanavasena. **Ime āsavātī**ādāyo aparena pariyaṇena kilesavasena paccayadassanavasena. **Ime dhammā abhiññeyyātī**ādāyo abhiññeyyapariññeyyapahātabbabbhāvetabbasacchikātabbadhammānaṃ dassanavasena. **Channaṃ phassāyatanānanti**ādāyo phassāyatanānaṃ uppattiṇca atthaṅgamaṇca assādaṇca upaddavaṇca nissaraṇaṇca dassanavasena. **Pañcannaṃ upādānakkhandhānaṃ** pañcavīsatividhena udayaṇca vayaṇca, tesu chandarāgavasena assādaṇca, tesam vipariṇāmaṃ ādinavaṇca, nissaraṇasaṅkhātaṃ nibbānaṇca. **Catunnaṃ mahābhūtānaṃ** avijjādisamudayaṇca, avijjādinirodhe atthaṅgamaṇca evamādidassanavasena vuttā. Ete dhammā tattha tattha vuttanayena vedītabbā.

Amatogadhanti natthi etassa maraṇasaṅkhātaṃ matanti amataṃ. Kilesavisapaṭipakkhattā agadantipi amataṃ. Tasmim ninnatāya **amatogadhaṃ**. **Amataparāyananti** vuttappakāraṃ amataṃ paraṃ ayaṇaṃ gati paṭiṭṭhā assāti amataparāyaṇaṃ. **Amatapariyosānanti** taṃ amataṃ saṃsāraṇaṃ niṭṭhābhūtattā pariyaṇamassāti amatapariyosānaṃ.

89. Lābhakamyā na sikkhatīti lābhapatthanāya suttantādīni na sikkhati. **Aviruddho ca taṇhāya, rasesu nānugijjhātīti** virodhābhāvena ca aviruddho hutvā taṇhāya mūlarasādīsu gedhaṃ nāpajjati.

Kena nu khoti lābhapatthanāya kāraṇacintena pihassa pariyesane nipāto. **Lābhābhiniabbattiyāti** catunnaṃ paccayānaṃ visesena uppattiyā. **Lābhaṃ paripācentoti** paccaye paripācayanto.

Attadamatthāyāti vipassanāsampayuttāya paññāya attano damanattāya. **Attasamatthāyāti** samādhisampayuttāya paññāya attano samādhānattāya. **Attaparinibbāpanattāyāti** duvidhenāpi ñāṇena attano anupādāparinibbānattāya. Vuttañhetam “anupādāparinibbānattham kho āvuso bhagavati brahmacariyaṃ vussatī”ti (ma. ni. 1.259). **Appicchaññeva nissāyāti** ettha paccayaappiccho adhigamaappiccho pariyaṭtiappiccho dhutaṅgaappicchoti cattāro appicchā, tesam nānattham heṭṭhā vitthāritaṃ eva, taṃ appicchaṃ allīyitvā. **Santutṭhiññevāti** catūsu paccayesu ca tividham santosaṃ allīyitvā, etesaṃ vibhāgo heṭṭhā vitthāritoyeva. **Sallekhaññevāti** kilesalekhaṇaṃ. **Idamatthitaññevāti** imehi kusalahammehi atthi idamatthi, tassa bhāvo idamatthitā, taṃ idamatthitaṃyeva nissāya allīyitvā.

Rasoti niddesassa uddesapadaṃ. **Mūlarasoti** yaṃkiñci mūlaṃ paṭicca nibbattaraso. **Khandharasādīsupi** eseva nayo. **Ambilanti** takkambilādi. **Madhuranti** ekantato gosappiādi. Madhu pana kasāvayuttaṃ ciranikkhittaṃ kasāvaṃ hoti, phāṇitaṃ khāriyuttaṃ ciranikkhittaṃ khāriyaṃ hoti. Sappi pana ciranikkhittaṃ vaṇṇagandhe jahantampi rasaṃ na jahatīti tadeva ekantamadhuraṃ. **Tittakanti** nimbapaṇṇādi. **Kaṭukanti** siṅgiveramaricādi. **Loṇikanti** sāmuddikaloṇādi. **Khārikanti** vātiṅgaṇakalīrādi. **Lambikanti** badarāmalakakapīṭṭhasālāvādi. **Kasāvanti** haritakādi. Ime sabbe pi rasā vatthuvāsena vuttā. Taṃtaṃvatthuko panettha raso ca ambilādīni nāmehi vuttoti vedītabbo. **Sādūti** iṭṭharaso. **Asādūti** anīṭṭharaso. Iminā padadvayena sabbopi raso pariyaḍinno. **Sītanti** sītaraso. **Uṇhanti** uṇharaso. Evamayaṃ mūlarasādīnā bhedenā bhinnopi raso lakkhaṇādīhi abhinnoyeva. Sabbopi hesa jivhāpaṭiṇaṇalakkhaṇo, jivhāvīññāṇassa visayabhāvaraso, tasseva gocarapaccupaṭṭhāno. **Te jivhaggena rasaggāntī** ete samaṇabrāhmaṇā pasādajivhaggena uttamarasāni. **Pariyesantīti** gavesamānā. **Ahiṇḍantīti** tattha tattha vicaranti. **Te ambilaṃ labhitvā anambilaṃ pariyesantīti** takkādiambilaṃ laddhā anambilaṃ gavesanti. Evaṃ sabbam parivattetvā parivattetvā yojitaṃ.

Paṭisaṅkhā yoniso āhāraṃ āhāretīti paṭisaṅkhānapaññāya jānitvā upāyena āhāraṃ āhāreti. Idāni upāyaṃ dassetuṃ “**neva davāyā**”tiādi vuttaṃ.

Tattha **neva davāyāti** davatthāya na āhāreti. Tattha naṭalaṅghakādayo davatthāya āhārenti nāma. Yañhi bhojanaṃ bhuttassa naccagītakabbasilokasaṅkhāto davo atirekatarena paṭibhātī, taṃ bhojanaṃ adhammena visamena pariyesitvā te

āhārenti. Ayaṃ pana bhikkhu na evamāhāreti.

Na madāyāti mānamadapurisamadānaṃ vaḍḍhanatthāya na āhāreti. Tattha rājarājamahāmatā madatthāya āhārenti nāma. Te hi attano mānamadapurisamadānaṃ vaḍḍhanatthāya piṇḍarasabhojanādīni paṇṭabhojanāni bhuñjanti. Ayaṃ pana bhikkhu evaṃ nāhāreti.

Na maṇḍanāyāti sarīramaṇḍanathāya na āhāreti. Tattha rūpūpajīvinīyo mātugāmā antepurikādayo ca sappiphāṇitādīni pivanti, siniddhamudumaddavabhojanaṃ āhārenti. Evaṃ no aṅgalatthi susaṅghitā bhavissati, sarīre chavivaṇṇo pasanno bhavissatīti. Ayaṃ pana bhikkhu evaṃ na āhāreti.

Na vibhūsanāyāti sarīre maṃsavibhūsanathāya na āhāreti. Tattha nibbuddhamallamuttikamallacetakādayo susiniddhehi macchamaṃsādīhi sarīraṃ piṇenti “evaṃ no maṃsaṃ ussadaṃ bhavissati pahārasahanatthāyā”ti. Ayaṃ pana bhikkhu evaṃ sarīre maṃsavibhūsanathāya na āhāreti.

Yāvadevāti āhārāraṇapayojanassa paricchedianiyamadassanaṃ. **Imassa kāyassa ṭhitiyāti** imassa catumahābhūtikassa karajakāyassa ṭhapanathāya āhāreti, idamassa āhārāraṇe payojananti attho. **Yāpanāyāti** jīvitindriyayāpanathāya āhāreti. **Vihimsūparatīyāti** vihiṃsā nāma abhuttapaccayā uppajjanakakuddā, tassā uparatīyā vūpasamanathāya āhāreti. **Brahmacariyānuggahāyāti** brahmacariyaṃ nāma tisso sikkhā sakalasāsanāṃ, tassa anuggaṇhatthāya āhāreti.

Itīti upāyanidassanaṃ, iminā upāyenāti attho. **Purāṇaṅca vedanaṃ paṭihaṅkhāmīti** purāṇavedanaṃ nāma abhuttapaccayā uppajjanakavedanā, taṃ paṭihanissāmīti āhāreti. **Navaṅca vedanaṃ na uppādessāmīti** navavedanā nāma atibhuttapaccayena uppajjanakavedanā, na taṃ uppādessāmīti āhāreti. Atha vā navavedanā nāma bhuttapaccayā na uppajjanakavedanā, tassā anuppannāya anuppajjanatthameva āhāreti.

Yātrā ca me bhavissatīti yāpanā ca me bhavissati. **Anavajjatā cāti** ettha atthi sāvajjaṃ, atthi anavajjaṃ. Tattha adhammikapariyesanā adhammikapaṭiggahaṇaṃ adhammena paribhogoti idaṃ sāvajjaṃ nāma. Dhammena pana pariyesitvā dhammena paṭiggahetvā paccavekkhitvā paribhuñjanaṃ anavajjaṃ nāma. Ekacco anavajjeyeva sāvajjaṃ karoti, “laddhaṃ me”ti katvā pamāṇātikkantaṃ bhuñjati, taṃ jīrāpetuṃ asakkonto uddhaṃvirecanaadhovirecanādīhi kilamati, sakalavihāre bhikkhū tassa sarīrapaṭijaggaṇabhesajjapariyesanādīsu ussukkaṃ āpajjanti, “kiṃ ida”nti vutte “asukassa nāma udaraṃ uddhumāta”ntiādiṃ vadanti. “Esa niccakālampi evaṃ pakatikoyeva, attano kucchippamāṇaṃ nāma na jānātī”ti nindanti garahanti. Ayaṃ anavajjeyeva sāvajjaṃ karoti nāma. Evaṃ akatvā “anavajjatā ca me bhavissatī”ti āhāreti.

Phāsuvihāro cāti etthāpi atthi phāsuvihāro, atthi na phāsuvihāro. Tattha āharahatthako alaṃsāṭako tatra vaṭṭako kākamāsako bhuttavamitakoti imesaṃ pañcannaṃ brāhmaṇānaṃ bhojanaṃ na phāsuvihāro nāma. Etesu hi **āharahatthako** nāma bahuṃ bhuñjitvā attano dhammatāya utthātuṃ asakkonto “āhara hattha”nti vadati. **Alaṃsāṭako** nāma accuddhumātakucchitāya utthitopi sātakaṃ nivāsetuṃ na sakkoti. **Tatra vaṭṭako** nāma utthātuṃ asakkonto tatreva parivaṭṭati. **Kākamāsako** nāma yathā kākehi āmasitūṃ sakkoti, evaṃ yāva mukhadvārā āhāreti. **Bhuttavamitako** nāma mukhena sandhāretuṃ asakkonto tattheva vamaṃti. Evaṃ akatvā “phāsuvihāro ca me bhavissatī”ti āhāreti. Phāsuvihāro nāma catūhi pañcahi ālopeti unūdaratā. Ettakañhi bhuñjitvā pānīyaṃ pivato cattāro iriyāpathā sukkena pavattanti. Tasmā dhammasenāpati evamāha –

“Cattāro pañca ālope, abhutvā udakaṃ pive;
Alaṃ phāsuvihārāya, pahitattassa bhikkhuno”ti. (theragā. 983; mī. pa. 6.5.10);

Imasmiṃ pana ṭhāne aṅgāni samodhānetabbāni. Neva davāyāti hi ekaṃ aṅgaṃ, na madāyāti ekaṃ, na maṇḍanāyāti ekaṃ, na vibhūsanāyāti ekaṃ, yāvadeva imassa kāyassa ṭhitiyā yāpanāyāti ekaṃ, vihiṃsūparatīyā brahmacariyānuggahāyāti ekaṃ, iti purāṇaṅca vedanaṃ paṭihaṅkhāmīti navaṅca vedanaṃ na uppādessāmīti ekaṃ, yātrā ca me bhavissatīti ekaṃ aṅgaṃ, anavajjatā cāti phāsuvihāro cāti ayamettha bhojanānisamsa.

Mahāsivatthero panāha – “heṭṭhā cattāri aṅgāni paṭikkhepo nāma, upari pana aṭṭhaṅgāni samodhānetabbāni”ti. Tattha yāvadeva imassa kāyassa ṭhitiyāti ekaṃ aṅgaṃ, yāpanāyāti ekaṃ, vihiṃsūparatīyāti ekaṃ, brahmacariyānuggahāyāti ekaṃ, iti purāṇaṅca vedanaṃ paṭihaṅkhāmīti ekaṃ, navaṅca vedanaṃ na uppādessāmīti ekaṃ, yātrā ca me bhavissatīti ekaṃ, anavajjatā cāti ekaṃ, phāsuvihāro pana bhojanānisamsoti. Evaṃ aṭṭhaṅgasamannāgataṃ āhāraṃ āhāreti.

90. Upekkhakoti chaḷaṅgupekkhāya samannāgato. **Satoti** kāyānupassanādisatiyutto.

Upekkhakoti chaḷaṅgupekkhāya samannāgatoti ettha chaḷaṅgupekkhādhammo nāma koti? Nāṇādayo. “Nāṇa”nti vutte kiriyato cattāri nāṇasampayuttāni labbhanti, “satatavīhāro”ti vutte aṭṭha mahācittāni labbhanti, “rajjanadussanaṃ natthī”ti vutte dasa cittāni labbhanti. Somanassaṃ āsevanavasena labbhati. **Cakkhunā rūpaṃ disvāti** kāraṇavasena cakkhūti laddhavohārena rūpadassanasamattana cakkhuvīññāṇena rūpaṃ disvā. Porāṇā panāhu – cakkhu rūpaṃ na passatī accittakattā, cittampi na passatī acakkhukattā. Dvārārammaṇasaṅghaṭṭanaṃ pana pasādavatthukena cittaṃ passatī. Idisesu pana ṭhānesu “dhanunā vijjhati”tiādīsu vīya sasambhārahathā nāma hoti. Tasmā cakkhuvīññāṇena rūpaṃ disvāti ayamevettha attho.

Neva sumano hotīti lobhuppattivaseṇa chandarāguppattivaseṇa somanasso na hoti. **Na dummanoti** paṭighuppattivaseṇa duṭṭhacitto na hoti. **Upekkhakoti** upapattito ikkhako hoti, apakkhapatito hutvā iriyāpathaṃ pavatteti. **Sato sampajānoti** satimā ñāṇasampanno. **Manāpaṃ nābhigijjhātīti** manavaḍḍhanakaṃ iṭṭhārammaṇaṃ nābhigijjhāti na pattheti. **Nābhihamsatīti** na tussati. **Na rāgaṃ janetīti** tattha tattha rañjanaṃ na uppādeti. **Tassa ṭhitova kāyo hotīti** tassa khīṇāsavassa cakkhādikāyo kampārahitattā ṭhito niccalo hoti. **Amanāpanti** aniṭṭhārammaṇaṃ. **Na mañku hotīti** domanassito na hoti. **Appatīṭṭhitacittoti** kodhavasena ṭhitamano na hoti. **Alīnamanasoti** alīnacitto. **Abyāpannacetasoti** byāpādarahitacitto.

Rajāniye na rajjatīti rajanīyasmim vattusmim na rāgaṃ uppādeti. **Dussaniye na dussatīti** dosuppāde vattusmim na dosaṃ uppādeti. **Mohaniye na muyhatīti** mohanīyasmim vattusmim na mohaṃ uppādeti. **Kopaniye na kuppātīti** kodhanīyasmim vattusmim na calati. **Madaniye na majjatīti** madanīyasmim vattusmim na saṃsīdati. **Kilesaniye na kilissatīti** upatapanīyasmim vattusmim na upatappati. **Diṭṭhe diṭṭhamattoti** rūpārammaṇe cakkhuvīññāṇena diṭṭhe diṭṭhamatto. **Sute sutamattoti** saddāyatane sotaviññāṇena sute sutamatto. **Mute mutamattoti** ghāṇajivhākāyaviññāṇena pāpuṇitvā gahite gahitamatto. **Viññāte viññātamattoti** manoviññāṇena ñāte ñātamatto. **Diṭṭhe na limpatīti** cakkhuvīññāṇena diṭṭhe rūpārammaṇe taṇhādīṭṭhilepena na limpati. **Diṭṭhe anūpayoti** rūpārammaṇe nītaṇho hoti. **Anapāyoti** apaduṭṭhacitto.

Samvijaṭṭīti labbhati. **Passatīti** oloketi. **Chandarāgoti** sineho. **Rūpārāmanti** rūpaṃ āramaṃ assāti rūpārāmaṃ. Rūpe ratanti **rūparataṃ**. Rūpe santuṭṭhīti **rūpasammuditaṃ**.

Dantaṃ nayanti samitinti uyyānakīlāmaṇḍalādīsū mahājanamajjhaṃ gacchantā dantameva goṇajātim vā assajātim vā yāne yojetvā nayanti. **Rājāti** tathārūpāneva ṭhānāni gacchanto rājāpi dantameva abhiruhati. **Manussesūti** manussesupī catūhi ariyamaggehi danto nibbisevanova seṭṭho. **Yotivākyanti** yo evarūpaṃ atikkamavacanaṃ punappunaṃ vuccamānampi titikkhati na paṭipphandati na vihaññati, evarūpo danto seṭṭhoti attho.

Assatarāti vaḷavāya gadrabhena jātā. **Ājānīyāti** yaṃ assadammasārathi kāraṇaṃ kāreti, tassa khippaṃ jānanasamatthā. **Sindhavāti** sindhavaratthe jātā assā. **Mahānāgāti** kuñjarasaṅkhātā mahāhatthino. **Attadantoti** ete assatarā vā ājānīyā vā sindhavā vā kuñjarā vā varā dantā, na adantā. Yo pana catumaggasaṅkhātēna attadanteṇa dantaṭāya attadanto nibbisevano, ayaṃ tatopī varaṃ, sabbehiṇi etehi uttaritaroti attho.

Na hi etehi yānehīti yāni etāni hatthiyānādiyānāni, na hi etehi yānehi koci puggalo supinantenapi agatapubbattā “**agata**”nti saṅkhātāṃ nibbānadisaṃ, taṃ ṭhānaṃ gaccheyya. Yathā pubbhāge indriyadameṇa **dantena** aparabhāge ariyamagabhāvanāya **sudantena danto** nibbisevano sappañño puggalo taṃ agatapubbaṃ disaṃ gacchati, dantabhūmim pāpuṇāti. Tasmā attadamanameva varanti attho.

Vidhāsu na vikampanṭīti seyyassa seyyohamasmītiādīsū mānavidhāsu na calanti nappavedhanti. **Vippamuttā punabbhavāti** punabbhavapaṭisaṅghiyā punappunaṃ uppattito suṭṭhu muttā muñcitvā ṭhitā. **Dantabhūmimanuppattāti** ekantadamaṇaṃ arahattaphalabhūmim pāpuṇitvā ṭhitā. **Te loke vijitāvīnoti** te arahanto sattaloke vijitavijayā vijitavanto nāma honti.

Yasmā ca bhāvitindriyo nibbhayo nibbikāro danto hoti, tasmā tamatthaṃ dassento “**yassindriyāni**”ti gāthamāha. Tassattho – **yassa** cakkhādīni **chalindriyāni** gocarabhāvanāya aniccādītilakkaṇaṃ āropetvā vāsanābhāvanāya satisampajāññagandhaṃ gāhāpetvā **bhāvitāni**, tāni ca kho **ajjhata**gocarabhāvanāya, evaṃ pana **bahiddhā ca sabbaloketi** yattha yattha indriyānaṃ vekallatā vekallato vā sambhavo, tattha nābhijjhādivaseṇa **bhāvitānīti** evaṃ **nibbijjha** ñatvā paṭivijjhivā **imaṃ parañca lokam** sakasantatikhandhalokaṃ parasantatikhandhalokañca dantamaṇaṃ maritukāmo **kālam kaṅkhati**, jīvitakkhayakālam āgāmeti patimāneti, na bhāyati maraṇassa. Yathāha –

“Maraṇe me bhayaṃ natthi, nikanti natthi jīvite”. (theragā. 20);

“Nābhikaṅkhāmi maraṇaṃ, nābhikaṅkhāmi jīvitaṃ;
Kālañca patimānemi, nibbisaṃ bhatako yathā”ti. (theragā. 606, 654, 1002; mi. pa. 2.2.4 thokaṃ visadisam);

Bhāvito sa dantoti evaṃ bhāvitindriyo so danto.

91. Nissayatāti taṇhādīṭṭhinissayā. **Ñatvā dhammanti** aniccādīhi ākārehi dhammaṃ jānitvā. **Anissitoti** evaṃ tehi nissayehi anissito. Tena aññatra dhammaññā natthi nissayānaṃ abhāvoti dīpeti. **Bhavāya vibhavāya vāti** sassatāya ucchedāya vā. Imissā gāthāya niddeso uttāno.

92. Taṃ brūmi upasantoti taṃ evarūpaṃ ekekagāthāya vuttaṃ upasantoti kathemi. **Atarī so visattikanti** so imaṃ visatādibhāvena visattikāsaṅkhātāṃ mahātaṇhaṃ atarī.

Attano diṭṭhiyā rāgo abhijjhākāyaganthoti sayam gahitadiṭṭhiyā rañjanasaṅkhātō rāgo abhijjhākāyagantho. **Paravādesu āghātō appaccayoti** paresaṃ vādapaṭivādesu kopo ca atuṭṭhākāro ca byāpādo kāyagantho. **Attano silaṃ vā vataṃ vāti** sayam gahitamethunaviratisaṅkhātāṃ silaṃ vā govatādivataṃ vā. **Silabbataṃ vāti** tadubhayaṃ vā. **Parāmāsoti** iminā

suddhītiādivasena parato āmasati. **Attano diṭṭhi idaṃsaccābhīveso kāyagantho**ti sayam gahitadiṭṭhim “idameva saccaṃ moghamāñña”nti (udā. 54; ma. nī. 3.27, 301) ayoniso abhīveso idaṃsaccābhīveso kāyagantho. **Ganthā tassa na vijjantī** tassa khīṇāsavassa dve diṭṭhiganthā sotāpattimaggena na santi. Byāpādo kāyagantho anāgāmmaggena. Abhijjhākāyagantho arahattamaggena.

93. Idāni tameva upasantam pasamsanto āha “**na tassa puttā**”ti evamādi. Tattha puttā atrajādayo cattāro. Ettha ca puttapariggahādayo puttādināmena vuttāti veditabbā. Te hissa na vijjanti, tesam vā abhāvena puttādayo na vijjantīti. **Attāti** “attā atthī”ti gahitā sassatadiṭṭhim natthi. **Nirattāti** “ucchiṇṇatī”ti gahitā ucchedadiṭṭhi.

Natthīti gahetabbam natthi. **Muñcitabbam natthīti** mocetabbam natthi. **Yassa natthi gahitanti** yassa puggalassa taṇhādiṭṭhivasena gahitam na vijjati. **Tassa natthi muñcitabbanti** tassa puggalassa muñcitabbam na vijjati. **Gāhamuñcanasamatikkantoti** gahaṇaṇca mocanaṇca vītivatto. **Vuddhiparihānivītivattoti** vuḍḍhiṇca hāniṇca atikkanto.

94. Yena nam vajjum puthujjanā, atho samaṇabrāhmaṇāti yena tam rāgādinā vajjena puthujjanā sabbepi devamanussā itova bahiddhā samaṇabrāhmaṇā ca rattoti vā duṭṭhoti vā vadeyyum. **Tam tassa apurakkhatanti** tam rāgādivajjam tassa arahato apurakkhatam. **Tasmā vādesu nejatīti** tamkāraṇā nindāvācānesu na kampati.

Nejatīti niddesassa uddesapadam. **Na iñjatīti** calanam na karoti. **Na calatīti** na tattha namati. **Na vedhatīti** kompetum asakkuṇeyyatāya na phandati. **Nappavedhatīti** na kampati. **Na sampavedhatīti** na parivattati.

95. Na ussesu vadateti viṣiṭṭhesu attānam antokatvā “ahaṃ viṣiṭṭho”ti atimānavasena na vadati. Esa nayo itaresu dvīsu. **Kappam neti akappiyoti** so evarūpo duvidhampi kappam na eti. Kasmā? Yasmā akappiyo, pahīnakappoti vuttam hoti. Imissāpi gāthāya niddeso uttānava.

96. Sakanti mayhanti pariggahitam. **Asatā ca na socatīti** avijjamānādinā asatā ca na socati. **Dhammesu ca na gacchatīti** sabbadhammesu chandādivasena na gacchati. **Sa ve santoti vuccatīti** so evarūpo naruttamo “santo”ti vuccati. Imissāpi gāthāya niddeso uttānava. Arahattanikūṭena desanam niṭṭhāpesi. Desanāpariyosāne koṭisatasahassadevatānam arahattappatti ahoṣi, sotāpannādinam gaṇanā natthīti.

Saddhammapajjotikāya mahāniddesaṭṭhakathāya

Purābhedasuttaniddesavaṇṇanā niṭṭhitā.

11. Kalahavivādasuttaniddesavaṇṇanā

97. Ekādasame kalahavivādasuttaniddese **kutopahūtā kalahā vivādāti** kalaho ca tassa pubbabhāgo vivādo cāti ime kuto jātā. **Paridevasokā sahamaccharā cāti** paridevasokā ca sahamaccharā ca kuto pahūtā. **Mānātimānā sahapesuṇā cāti** mānā ca atimānā ca pesuṇā ca kuto pahūtā. **Teti** te sabbepi aṭṭha kilesadhammā. **Tadiṅgha byūhīti** tam mayā pucchitamattam brūhi, yācāmi tam ahanti. Yācanattho hi **iṅghāti** nipāto.

Ekena ākārenāti ekena kāraṇena. **Aparena ākārenāti** aparena kāraṇena. **Āgārikā daṇḍapasutāti** gahapatino vihesamānā. **Pabbajitā āpattim āpajjantāti** anagārikā sattasu āpattikkhandhesu aññataram āpajjamānā.

Kutopahūtāti kutobhūtā. **Kutojātāti** kuto paṭiladdhabhāvā. **Kutosañjātāti** upasaggena padam vaḍḍhitam. **Kutonibbattāti** kuto nibbattalakkhaṇam pattā. Upasaggena padam vaḍḍhetvā “**kutoabhinibbattā**”ti vuttam. **Kutopātubhūtāti** kutopākaṭṭhūtā. **Kim nidānāti**ādisu attano phalam nideṭṭi **nidānam**. Etasmā phalam samudeṭṭi **samudayo**. Etasmā phalam jāyatīti **jāti**. Etasmā phalam pabhavatīti **pabhavo**. **Mūlam pucchati**ti kalahassa kāraṇam pucchati. Kāraṇaṇhi patiṭṭhaṭṭhena mūlam. Attano phalanippahādanattam hīnoti pavattatīti **hetu**. “Handa nam gaṇhathā”ti dassentam viya attano phalam nideṭṭi **nidānam**. Etasmā phalam sambhavatīti **sambhavo**. Pabhavati phalam etasmāti **pabhavo**. Samuṭṭhāti ettha phalam, etena vā samuṭṭhātīti **samuṭṭhānam**. Attano phalam āharatīti **āhāro**. Apaṭikkhipitabbaṭṭhena attano phalam ārametīti **ārammaṇam**. Etam paṭicca apaṭikkhipitvā phalam eti pavattatīti **paccayo**. Etasmā phalam samudeṭṭi **samudayoti** evametesam padānam vacanattho veditabbo. Tam sandhāya “kalahassa ca vivādassa ca mūlam pucchati”tiādinā nayena desanā vuttā.

98. Piyappahūtāti piyavatthuto jātā. **Maccherayuttā kalahā vivādāti** iminā kalahavivādādinam na kevalam piyavatthumeva, macchariyampi paccayam dasseti. Kalahavivādasīsena cettha sabbepi te dhammā vuttāti veditabbā. Yathā ca etesam macchariyam, tathā pesuṇānaṇca vivādam. Tenāha “**vivādajātesu ca pesuṇāni**”ti. Imissā gāthāya niddeso uttānatthoyeva.

99. Piya su lokasmiṃ kutonidānā, ye cāpi lobhā vicaranti loketi “piyappahūtā kalahā”ti ye ettha vuttā, te piyā lokasmiṃ kutonidānā, na kevalaṇca piyā, ye cāpi khattiyādayo loka vicaranti lobhahetu lobhenābhībhūtā vicaranti, tesam so lobho ca kutonidānoti dve atthe ekāya pucchāya pucchati. **Kutonidānāti** cettha kiṃnidānā kiṃhetukāti paccattavacanassa

toādeso veditabbo, samāse cassa lopābhāvo. Atha vā **nidānāti** jātā, uppannāti attho. Tasmā kuto jātā kuto uppannāti vuttaṃ hoti. **Āsā ca niṭṭhā cāti** āsā ca tassā āsāya samiddhi ca. **Ye samparāyāya narassa honṭīti** ye narassa samparāyāya hontī, parāyanā honṭīti vuttaṃ hoti. Ekā evāyampi pucchā.

Dīpā honṭīti patiṭṭhā bhavanti. **Saraṇā honṭīti** dukkhanāsanā honti. **Niṭṭhāparāyanā honṭīti** samiddhiparāyanā honti.

100. Chandānidānānīti kāmacchandādichandanidānāni. **Ye cāpi lobhā vicarantīti** ye cāpi khattiyādayo lobhā vicaranti, tesam lobhopi chandanidānoti dvepe atthe ekato vissajjeti. **Itonidānāti** chandanidānā evāti vuttaṃ hoti. “Itonidānā”ti hi chandaṃ sandhāyāha. Chandanidānā hi lobhādayo. “Itonidānā”ti saddasiddhi cettha “kutonidānā”ti ettha vuttanayena veditabbā. Āsāya samiddhi vuccati **niṭṭhāti** ajjhāsayanibbattiṭṭhābhō kathīyati.

101. Vinicchayāti taṇhādīṭṭhivinicchayā. **Ye cāpi dhammā samaṇena vuttāti** ye ca aññepi kodhādīhi sampayuttā, tathārūpā vā akusalā dhammā buddhasamaṇena vuttā, te **kutopahūtāti**.

Aññajātikāti aññasabhāvā. **Aññavihitakāti** aññenākārena ṭhitā. **Samitapāpenāti** nibbāpitapāpena. **Bāhitapāpādhammenāti** pahīnalāmakadhammena. **Bhinnakilesamūlenāti** kilesamūlāni bhindītvā ṭhītena. **Sabbākusalamūlabandhanā pamuttenāti** dvādasaakusalabandhanaṃ mocetvā ṭhītena. **Vuttāti** kathitā. **Pavuttāti** pakārena kathitā.

102. Tamūpanissāya pahoti chandoti taṃ sukhadukkhavedanaṃ tadubhayavattusāṅkhātāṃ sātāsātaṃ upanissāya saṃyogaviyogapatthanāvasena chando pahoti. Ettāvata “chando nu lokasmiṃ kutonidāno”ti ayaṃ pañho vissajjito hoti. **Rūpesu disvā vibhavaṃ bhavañcāti** rūpesu vayañca uppādañca disvā. **Vinicchayaṃ kubbatī jantu loketi** apāyādike loke ayaṃ jantu bhogādīgamatthaṃ taṇhāvīnicchayaṃ “attā me uppanno”tiādīnā nayena dīṭṭhivinicchayañca kurute. Ettāvata “vinicchayā cāpi kutopahūtā”ti ayaṃ pañho vissajjito hoti.

Sātāsātaṃ nissāyāti madhurañca amadhurañca upanissayaṃ katvā. **Iṭṭhāniṭṭhanti** iṭṭhārammaṇaṃca aniṭṭhārammaṇaṃca.

Surāmerayamajjappamādaṭṭhānānuoyoganti ettha **surāti** piṭṭhasurā pūvasurā odanasurā kiṇṇapakkhittā sambhārasaṃyuttāti pañca surā. **Merayanti** pupphāsavo phalāsavo madhvāsavo guḷāsavo sambhārasaṃyuttoti pañca āsavā. Taṃ sabbampi madakaraṇavasena majjāṃ. **Pamādaṭṭhānanti** pamādakāraṇaṃ, yāya cetanāya taṃ majjāṃ pivati, tassetam adhivacanaṃ. **Anuyoganti** taṃ surāmerayamajjappamādaṭṭhānānuoyogaṃ anuāyogaṃ punappanaṃ karaṇaṃ. Yasmā ca pana taṃ anuyuttassa me uppannā ceva bhogā parihāyanti, anuppannā ca nuppajjanti, tasmā “me bhogā parikkhayaṃ khīṇabhāvaṃ gacchantī”ti jānāti. Evaṃ sabbattha. **Vikālavīsikhācariyānuoyoganti** avelāya visikhāsu cariyānuuyuttaṃ. **Samajjābhicaraṇanti** naccādīdassanavasena samajjābhigamaṇaṃ. **Ālasyānuoyoganti** kāyālasīyatāya yuttappayuttataṃ. **Apāyamukhāni na sevātīti** bhogānaṃ vināsadvārāni na sevati.

Kasiyā vāti kasikamma vā. **Vañijjāya vāti** dhammikavañijjakamma vā. **Gorakkhena vāti** gopālakamma vā. **Issatthena vāti** dhanusippa vā. **Rājaporisena vāti** rājasevakakamma vā. **Sippaññatarena vāti** kumbhakarādīsippānaṃ aññātarena vā. **Paṭipajjātīti** payogaṃ karoti. **Cakkhusmiṃ uppanne jānātīti** sasambhāracakkhusmiṃ uppanne jānāti. “Attā me uppanno”ti dīṭṭhiṃ gaṇhāti. **Cakkhusmiṃ antarahitēti** tasmīṃ vinaṭṭhe. **Attā me antarahitoti** “mama attā vinaṭṭho”ti dīṭṭhiṃ gaṇhāti. **Vigato me attāti** vītikanta mama attā. **Sotasmintiādīsūpi** eseva nayo.

103. Etepi dhammā dvayameva santeti ete kodhādayo dhammā sātāsātadvaye sante eva honti uppajjanti. Ettāvata tatiyapañhopi vissajjito hoti. Idāni yo evaṃ vissajjitesu etesu pañhesu kathaṃkathī bhaveyya, tassa kathaṃkathāpahānūpāyaṃ dassento āha “kathaṃkathī nāṇapathāya sikkhe”ti, nāṇadassanañāṇādīgamanaṃ tisso sikkhā sikkheyyāti vuttaṃ hoti. Kimkāraṇā? **Ñatvā pavuttā samaṇena dhammā**. Buddhasamaṇena hi ñatvā dhammā vuttā, natthi tassa dhammesu aññānaṃ, attano pana ñāṇānubhāvena te ajānanto na jāneyya, na desanādosena. Tasmā **kathaṃkathī nāṇapathāya sikkhe, ñatvā pavuttā samaṇena dhammāti**.

Pakkhepabandhanena vā baddhoti nāgarikabandhena baddho. **Parikkhepabandhanena vāti** vatiparikkhepabandhanena vā. **Gāmaṇḍhanenātiādīsū** tasmā tasmā ṭhānato nikkhamitūṃ alabhanto gāmaṇḍhanādīhi baddho nāma hoti. **Tassa bandhanassa mokkhatthāyāti** etassa vuttapakāraṇassa bandhanassa mocanattaṃ.

Ñāṇampi nāṇapathoti pure uppannaṃ ñāṇaṃ aparāparuppannassa ñāṇampi nāṇassa sañcaraṇamaggoti ñāṇampi ñāṇapatho. **Ñāṇassa ārammaṇampi nāṇapathoti** ñāṇassa paccayopi taṃ ālambītvā uppajjanato ñāṇapatho. **Ñāṇasahabhunopi dhammā nāṇapathoti** ñāṇena sahuppannā avasesā cīttacetāsikā dhammāpi ñāṇapatho. Idāni upamāya sādheṇto “yathā ariyamaggo ariyapatho”tiādīmāha.

Kathaṃkathī puggaloti vicīkicchāvanto puggalo. **Sakañkhoti** sadvelhako. **Savilekhoti** cīttarājivanto. **Sadvelhakoti** kañkchāvanto. **Savīkīkchoti** sandehavanto. **Ñāṇādīgamāyāti** ñāṇapaṭilābhatthāya. **Ñāṇaphusanāyāti** ñāṇapaṭivījjhanatthāya. Atha vā ñāṇavīdanatthāya. **Ñāṇasacchīkīriyāyāti** ñāṇassa paccakkhakarānatthāya. **Sanidānāhanti** ahaṃ sanidānaṃ sapaccayaṃ katvā dhammadesanaṃ karomi. **Sappāṭīhāriyanti** niyyānikaṃ katvā. **No appāṭīhāriyanti** aniyyānikaṃ akatvā

dhammadesanaṃ karomi.

104. Sātaṃ asātañca kutonidānāti ettha sātāsātanti sukhadukkavedanā eva adhippetā. **Na bhavanti heteti** na bhavanti ete. **Vibhavaṃ bhavañcāpi yametamatthaṃ, etaṃ me pabrūhi yatonidānanti** sātāsātanaṃ vibhavaṃ bhavañca etampī yaṃ atthaṃ. Liṅgabyattayo ettha kato. Idaṃ pana vuttaṃ hoti – sātāsātanaṃ vibhavo bhavo cāti yo esa attho, etaṃ me pabrūhi yatonidānanti. Ettha ca sātāsātanaṃ vibhavabhavavattukā vibhavabhavadiṭṭhiyo eva vibhavabhavāti atthato veditabbā. Tathā hi imassa pañhassa vissajjanapakke ‘bhavadiṭṭhipi phassanidānā, vibhavadiṭṭhipi phassanidānā’ ti upari niddese (mahāni. 105) vakkhati. Imāya gāthāya niddese vattabbaṃ natthi.

105. Itonidānanti phassanidānaṃ. Imāyapi vattabbaṃ natthi.

106. Kismiṃ vibhūte na phusanti phassāti kismiṃ vītivatte cakkhusamphassādayo pañca phassā na phusanti. Imāyapi vattabbaṃ natthi.

107. Nāmañca rūpañca paṭiccāti sampayuttakanāmañca vattārammaṇarūpañca paṭicca. **Rūpe vibhūte na phusanti phassāti** rūpe vītivatte pañca phassā na phusanti.

Tiṇṇaṃ saṅgati phassoti cakkhurūpaviññānaṃ tiṇṇanaṃ saṅgatiyā phasso jāyati. **Cakkhu ca rūpā ca rūpasminti** pasādacakkhuñca rūpārammaṇāni ca rūpabhāge rūpakoṭṭhāse katvā. **Cakkhusamphassaṃ ṭhapetvāti** tiṇṇaṃ saṅgatiyā uppannaphassaṃ muñcitvā. **Sampayuttakā dhammā nāsminti** avasesā vedanādayo phassena sahaṅgā dhammā nāmbhāge. **Sotañca paṭiccāti** ādīsupi eseva nayo.

Catūhākārehi rūpaṃ vibhūtaṃ hotīti catūhi kāraṇehi rūpaṃ vītivattaṃ hoti. **Ñātavibhūtenāti** pākāṭaṃ katvā vītivattena. **Tīraṇavibhūtenāti** aniccādito tīrayitvā vītivattena. **Pahānavibhūtenāti** chandarāgapahānato vītivattena. **Samatikkamavibhūtenāti** catunnaṃ arūpasamāpattīnaṃ paṭilābhavasena vītivattena.

108. Kathaṃ sametassāti kathaṃ paṭipannassa. **Vibhoti rūpanti** rūpaṃ vibhavati, na bhaveyya vā. **Sukhaṃ dukhañcāti** iṭṭhāniṭṭharūpameva pucchati.

Jāneyyāmāti jānissāma. **Ājāneyyāmāti** visesena jānissāma. **Vijāneyyāmāti** anekavidhena jānissāma. **Paṭivijāneyyāmāti** sammā jānissāma. **Paṭivijjheyāmāti** cittena bujjhissāma.

109. Na saññasaññīti yathā sametassa vibhoti rūpaṃ, so pakatisaññāya saññīpi na hoti. **Na visaññasaññīti** visaññāyapi virūpāya saññāya visaññīti na hoti ummattako vā khittacitto vā. **Nopi asaññīti** saññāviraṅgātopi na hoti nirodhasamāpanno vā asaññasatto vā. **Na vibhūtasaññīti** ‘sabbaso rūpasaññāna’ntiādinā (vibha. 508) nayena samatikkantasaññīpi na hoti arūpajjhānalābhī. **Evaṃ sametassa vibhoti rūpanti** etasmiṃ saññāsaññītiātibhāve aṭṭhatvā yadetaṃ vuttaṃ ‘so evaṃ samāhite citte...pe... ākāsañcāyatanaṃ samāpattipaṭilābhatthāya cittaṃ abhinīharatī’ ti, evaṃ sametassa arūpamaggasamaṅgino vibhoti rūpaṃ. **Saññānidānā hi papañcasāñkhāti** evaṃ paṭipannassāpi ca yā saññā, taṃnidānā taṃhādiṭṭhipapañcāssa appahīnāva hontīti dasseti.

Asaññīno vuccanti nirodhasamāpannāti saññāvedanā nirodhetvā nirodhasamāpannā saññābhāvena asaññīnoti kathīyanti. **Asaññasattāti** sabbena sabbā saññābhāvena asaññābhāve nibbattā.

So evaṃ samāhite citteti tattha soti so bhikkhu. **Evanti** catutthajjhānakkamanidassanametā, iminā kamena catutthajjhānaṃ paṭilābhivāti vuttaṃ hoti. **Samāhite** iminā catutthajjhānasamādhinā samāhite. **Parisuddheti** ādīsupi pana upekkhāsati parisuddhibhāvena parisuddhe. Parisuddhattāyeva **pariyodāte**, pabhassareti vuttaṃ hoti. Sukhādīnaṃ paccayānaṃ ghātena vihātarāgādiāṅgaṇattā **anaṅgaṇe**. Anaṅgaṇattā eva ca **vigatūpakkilese**. Aṅgaṇena hi cittaṃ upakkilissati. Subhāvītattā **mudubhūte**, vasībhāvappatteti vuttaṃ hoti. Vase vattamānañhi cittaṃ mudūti vuccati. Muduttāyeva ca **kammaniye**, kammakkhame kammayoggeti vuttaṃ hoti. Mudu hi cittaṃ kammaniyaṃ hoti suddhantamiva suvaṇṇaṃ. Tadubhayampi ca subhāvītattāyeva. Yathāha ‘nāhaṃ, bhikkhave, aññaṃ ekadhammampi samanupassāmi, yaṃ evaṃ bhāvitaṃ kammaniyaṃ hoti yathayidaṃ, bhikkhave, citta’nti (a. ni. 1.22).

Etesu hi parisuddhabhāvādīsu ṭhitattā **ṭhite**. Ṭhitattāyeva **āneñjappatte** acale niriñjaneti vuttaṃ hoti. Mudukammaññābhāvena vā attano vase ṭhitattā **ṭhite**. Saddhādīhi pariggahitattā **āneñjappatte**. Saddhāpariggahitañhi cittaṃ assaddhiyena na iñjati, vīriyapariggahitaṃ kosajjena na iñjati, satipariggahitaṃ pamādena na iñjati, samādhipariggahitaṃ uddhaccena na iñjati, paññāpariggahitaṃ avijjāya na iñjati, obhāsagataṃ kilesandhakārena na iñjati. Imehi chahi dhammehi pariggahitaṃ āneñjappattaṃ hoti. Evaṃ aṭṭhaṅgasamānāgataṃ cittaṃ abhinīhārakkhamaṃ hoti ākāsañcāyatanaṃ samāpattipaṭilābhatthāya.

Aparo nayo – catutthajjhānasamādhinā **samāhite**. Nīvaraṇadūrībhāvena **parisuddhe**. Vītakādīsamatikkamena **pariyodāte**. Jhānapaṭilābhapaccanikānaṃ pāpakānaṃ icchāvācarānañca abhāvena **anaṅgaṇe**. Icchāvācarānanti icchāya avācarānaṃ, icchāvasena otīṇānaṃ pavattānaṃ nānappakārānaṃ kopaappaccayānanti attho. Abhiññādīnaṃ cittūpakkilesānaṃ

vigamena **vigatūpakkilese**. Ubhayampi cetam aṅgaṇasuttavattasuttānusāreṇeva (ma. ni. 1.57 ādayo, 70 ādayo) veditabbam. Vasippattiyā **mudubhūte**. Iddhipādabhāvūpagamanena **kammaniye**. Bhāvanāpāripūriyā paṇṭabhāvūpagamena **ṭhite āneñjappatte**, yathā āneñjabhāvaṃ āneñjappattaṃ hoti, evaṃ ṭhiteti attho. Evampi aṭṭhaṅgasamānāgamena cittaṃ abhinīhārakkhamaṃ hoti ākāśānañcāyatanaśāmapattipaṭilābhatthāya pādakaṃ padaṭṭhānabhūtaṃ.

Āruppamaggasamaṅgīti arūpasamāpattiyā gāmanamaggena aparīhīno. **Papañcāyeva papañcasāṅkhāti** taṇhādīpapañcāyeva papañcasāṅkhā.

110. Ettāvataḅḅaṃ nu vadanti heke, yakkhassa suddhiṃ idha paṇḍitāse. Udāhu aññampi vadanti ettoti ettāvata nu idha paṇḍitā samaṇabrāhmaṇā aggaṃ suddhiṃ sattassa vadanti, udāhu aññampi etto arūpasamāpattito adhikañca vadantīti pucchati.

Etto arūpasamāpattitoti etasmā arūpasamāpattito.

111. Ettāvataḅḅampi vadanti heketi eke sassatavādā samaṇabrāhmaṇā paṇḍitamānino ettāvataḅḅampi aggaṃ suddhiṃ vadanti. Tesam paneke samayaṃ vadantīti tesaññeva eke ucchedavādā samayaṃ ucchedaṃ vadanti. **Anupādisese kusalāvadānāti** anupādisese kusalavādā samānā.

Bhavatajjitāti bhavato bhītā. **Vibhavaṃ abhinandantīti** ucchedaṃ paṭicca tussanti. **Te sattassa samanti** te ucchedavādino puggalassa samaṃ anuppattiṃ vadanti. **Upasamanti** atīva samaṃ. **Vūpasamanti** santam. **Nirodhanti** anuppādaṃ. **Paṭipassaddhīti** apunuppattiṃ.

112. Ete ca ñatvā upanissitāti ete ca diṭṭhigatike sassatucchedadiṭṭhiyo nissitāti ñatvā. **Ñatvā munī nissaye so vīmaṃsīti** nissaye ca ñatvā so vīmaṃsī paṇḍito buddhamuni. **Ñatvā vimuttoti** dukkhāniccāditto dhamme ñatvā vimutto. **Bhavābhavāya na sametīti** punappunaṃ upapattiyā na samāgacchati. **Aparāmasanti** aparāmasanto. Parāmāsaṃ nāpajjantoti attho.

Saddhammapajjotikāya mahāniddeśaṭṭhakathāya

Kalahavivādasuttaniddesavaṇṇanā niṭṭhitā.

12. Cūḷabyūhasuttaniddesavaṇṇanā

Dvādasame cūḷabyūhasuttaniddese **sakaṃsakaṃdiṭṭhiparibbasānāti** idampi tasmīmyeva mahāsamaye “sabbepime diṭṭhigatikā ‘sādhurūpāmhā’ ti bhaṇanti, kiṃ nu kho sādhurūpāva ime attano eva diṭṭhiyā paṭiṭṭhahanti, udāhu aññampi diṭṭhiṃ gaṇhanti” ti uppannacittānaṃ ekaccānaṃ devatānaṃ tamatthaṃ pakāsetuṃ purīmanayeneva nimmitabuddhena attānaṃ pucchāpetvā vuttaṃ.

113. Tattha ādito dvepi gāthā pucchāgāthāyeva. Tāsu **sakaṃ sakaṃ diṭṭhiparibbasānāti** attano attano diṭṭhiyā vasamānā. **Viggayha nānā kusalā vadantīti** taṃ diṭṭhiṃ balavaggāhaṃ gahe tvā “tattha kusalāmhā” ti paṭijānamānā puthu puthu vadanti, ekaṃ na vadanti. **Yo evaṃ jānāti sa vedi dhammaṃ, idaṃ paṭikkosamakevalī** soti tañca diṭṭhiṃ sandhāya yo evaṃ jānāti, so dhammaṃ vediyi. Idaṃ pana paṭikkosanto hīno hoṭīti ca vadanti.

Nānā vadantīti nānākāraṇaṃ bhaṇanti. **Vividhaṃ vadantīti** nānāvīdhaṃ bhaṇanti. **Aññoññaṃ vadantīti** ekaṃ avatvā aññaṃ aññaṃ gahe tvā vadanti. **Akevalī** soti yo akusalo ayaṃ. **Asamattoti** na paripūro. **Aparipuṇṇoti** na sampuṇṇo.

114. Bāloti hīno. **Akkusaloti** avidvā.

115. Idāni tisso vissajjanagāthā honṭīti. Tā purimaḍḍhena vuttamatthaṃ pacchimaḍḍhena paṭibyūhitvā ṭhitā. Tena byūhena uttarasuttato ca appakattā idaṃ suttaṃ “cūḷabyūha” nti nāmaṃ labhi. Tattha paṭhamagāthāyaṃ tāva **parassa ce dhammanti** parassa diṭṭhiṃ. **Sabbe vime bālāti** evaṃ sante sabbeva ime bālā honṭīti adhippāyo. Kiṃkāraṇā? **Sabbe vime diṭṭhiparibbasānāti**.

116. Sandiṭṭhiyā ceva na vīvadātā, saṃsuddhapaññā kusalā mutimāti sakāya diṭṭhiyā anavīvadātā avodātā saṃkiliṭṭhāva samānā saṃsuddhapaññā ca kusalā ca mutimanto ca te hontī ce. Atha vā “sandiṭṭhiyā ce vadātā” ti pāṭho, tassattho – sakāya pana diṭṭhiyā vodātā saṃsuddhapaññā kusalā mutimanto hontī ce, **na tesam kocīti** evaṃ sante tesam ekopi nihīnapañño na hoti, kiṃkāraṇā? **Diṭṭhi hi tesampi tathā samattā**, yathā itaresanti.

117. Na vāhametanti gāthāya saṅkhepattho – **yaṃ** te **mithu** dve dve janā **aññamaññaṃ** “bālo” ti āhu, ahaṃ **etaṃ tathiyanti** tacchantī **neva brūmi**. Kiṃkāraṇā? Yasmā sabbeva te **sakaṃ sakaṃ diṭṭhiṃ** “idameva **saccaṃ** moghamañña” nti **akamsu**, tena ca kāraṇena **paraṃ** “bālo” ti **dahanti**. Ettha ca tathiyam, tathevanti (su. ni. aṭṭha. 2.889) dvepi pāṭhā.

Tacchanti atucchaṃ. **Tathanti** aviparītaṃ, **bhūtaṃ** santaṃ. **Yāthāvanti** saṃvijjamaṇaṃ. **Aviparītaṃ** na visaṅketaṃ.

118. Yamāhūti pucchāgāthāya “**yaṃ** diṭṭhisaccaṃ **tathiya**”nti eke āhu.

119. Ekañhi saccanti vissajjanagāthāya ekaṃ saccaṃ nirodho maggo vā. **Yasmiṃ pajā no vivade pajānanti** yamhi sacce pajānanto pajā no vivadeyyuṃ. **Sayaṃ thunantī** attanā vadanti.

120. Kasmā nūti pucchāgāthāya **pavādiyāseti** vādino. **Udāhu te takkamanussarantī** te vādino udāhu attano takkamattaṃ anugacchanti.

Takkapariyāhatanti vitakkena samantato āhataṃ. **Vīmaṃsānucaritanti** attano upaṭṭhitapaññāya vicaritaṃ. **Sayaṃpaṭibhānanti** attano paṭibhānaṃ.

121. Na hevāti vissajjanagāthāya **aññatra saññāya niccānīti** ṭhapetvā saññāmattena niccanti gahitaggahaṇāni. **Takkañca diṭṭhīsu pakappayitvāti** attano niccasāṅkappamattaṃ diṭṭhīsu janetvā.

Yasmā pana diṭṭhīsu vitakkaṃ janentā diṭṭhiyo sañjanenti, tasmā vuttaṃ “diṭṭhigatāni janenti sañjanentī”tiādi. **Janentīti** uparūpari diṭṭhiṃ uppādentā janentī. **Sañjanentīti**ādīni upasaggavasena padaṃ vaḍḍhetvā vuttāni. **Mayhaṃ saccanti** mama vacanaṃ tacchaṃ.

122. Idāni evaṃ nānasaccesu asantesu takkamattaṃ anussarantānaṃ diṭṭhigatikānaṃ vipaṭṭipattiṃ dassetuṃ “**diṭṭhe sute**”tiādikā gāthāyo abhāsi. Tattha **diṭṭheti** diṭṭhaṃ, diṭṭhasuddhanti adhippāyo. Esa nayo sutādisu. **Ete ca nissāya vimānadassīti** ete diṭṭhidhamme nissayitvā suddhibhāvasaṅkhātaṃ vimānaṃ asammānaṃ passantopi. **Vinicchaye ṭhatvā pahassamāno, bālo paro akkusaloṭi cāhāti** evaṃ vimānadassīpi tasmīṃ diṭṭhivinicchaye ṭhatvā tuṭṭhijāto hāsajāto hutvā paro “hīno ca avidvā cā”ti evaṃ vadatiyeva.

Na sammānetītipi vimānadassīti na bahumānaṃ karotīti evampi vimānadassī na bahumānadassī. **Domanassaṃ janetīti** paṭhamaṃ diṭṭhinissayaṃ allīyitvā domanassaṃ patvā pacchā diṭṭhivinicchaye ṭhitakāle somanassaṃ uppādetīti attho.

Vinicchayadiṭṭhiyā ṭhatvāti sannitṭhānaṃ katvā gahitadiṭṭhiyā ṭhatvā.

123. Evaṃ sante yenevāti gāthā. Tattha **sayaṃattanāti** sayameva attānaṃ. **Vimānetīti** garahati. **Tadeva pāvāti** tadeva vacanaṃ diṭṭhiṃ vadati, taṃ vā puggalaṃ.

124. Atisāraditṭhiyāti gāthāyattho – so evaṃ tāya lakkhaṇātisāriniyā **atisāraditṭhiyā samatto** paripuṇṇo uddhumāto, tena ca diṭṭhimānena **matto** “paripuṇṇo ahaṃ kevalī”ti evaṃ **paripuṇṇamānī**. **Sayameva** attānaṃ **manasā** “ahaṃ paṇḍito”ti abhisīceti. Kimkāraṇā? **Diṭṭhī hi sā tassa tathā samattāti**.

Sabbā tā diṭṭhiyo lakkhaṇātikkantāti tā sabbā dvāsattṭhidiṭṭhiyo lakkhaṇaṃ atītā atisarantīti atikkantā. **Anomoti** anūno.

125. Parassa ceti gāthāya sambandho attho ca – kiñca bhiyyo? Yo so vinicchaye ṭhatvā pahassamāno “bālo paro akkusalo”ti cāha, tassa **parassa ce hi vacasā** so tena vuccamāno **nihīno** hoti, **tumo saḥā hoti nihīnapañño**, sopi teneva saha nihīnapañño hoti. Sopi hi taṃ “bālo”ti vadati. Atha tassa vacanaṃ appamānaṃ, so pana **sayameva vedagū** ca **dhīro** ca **hoti**. Evaṃ sante **na koci bālo samaṇesu atthi**. Sabbehi hi te attano icchāya paṇḍitā.

Vācāyāti kathanena. **Vacanenāti** bhāsitenā. **Ninditakāraṇāti** garahahetunā. **Garahitakāraṇāti** avaññātahetunā. **Upavaditakāraṇāti** upavādahetunā.

126. Aññaṃ itoti gāthāya sambandho attho ca – “atha ce sayaṃ vedagū hoti dhīro. Na koci bālo samaṇesu atthī”ti evañhi vuttepi siyā kassaci “kasmā”ti. Tattha vuccate – yasmā **aññaṃ ito yābhivadanti dhammaṃ, aparaddhā suddhimakevalī te**. **Evampi titṭhiyā puthuso vadanti**, ye ito aññaṃ diṭṭhiṃ abhivadanti, te aparaddhā viraddhā suddhimaggā, akevalino ca teti evaṃ puthutitṭhiyā yasmā vadantīti vuttaṃ hoti. Kasmā panevaṃ vadantīti ce? **Sanditṭhirāgena hi tebhīrattā**, yasmā sakena diṭṭhirāgena te abhirattāti vuttaṃ hoti.

Te suddhimagganti te aññatitṭhiyā akilīṭṭhamaggā. **Visuddhimagganti** niddosamaggā. **Parisuddhimagganti** sukkamaggā. **Vodātamagganti** paṇḍaramaggā. **Pariyodātamagganti** pabhāvantaṃ maggā. **Viraddhāti** vuttavidhinā maggena virajjhivā ṭhitā. **Aparaddhāti** aparajjhivā ṭhitā. **Khalitāti** parihīnā. **Galitāti** tato bhaṭṭhā. **Aññāyāti** aññāṇena. **Aparaddhāti** parājayamāpannā. Atha vā “ñāyāparaddhā”tipi pāṭho. Nāyena maggena viraddhāti attho.

127. Evaṃ abhirattā ca – idheva suddhanti gāthā. Tattha **sakāyaneti** sakamagge. **Dalḥaṃ vadānāti** dalḥavādā.

Thiravādāti sannitṭhānavādā. **Balikavādāti** balavantavādā. **Avatṭhitavādāti** patitṭhahitvā kathitavādā.

128. Ye evañca dalhavādā, tesu yo koci titthiyo sakāyane vāpi dalhaṃ vadāno **kametta bāloti paraṃ daheyya**, saṅkhepatō tatha sassatucchedaṅkhaṭe vitthārato natthikaissarakārakaniyatiādibhede sake ayane “idameva sacca”nti dalhaṃ vadāno kaṃ paraṃ ettha diṭṭhigate “bālo”ti saha dhammena passeyya, nanu sabbopi tassa matena paṇḍito eva suppaṭipanno eva ca. Evaṃ sante **sayameva so medhagamāvaheyya, paraṃ vadaṃ bālamasuddhidhammaṃ**. Sopi paraṃ “bālo ca asuddhidhammo ca aya”nti vadanto attanāva kalahaṃ āvaheyya. Kasmā? Yasmā sabbopi tassa matena paṇḍitoyeva suppaṭipannoyeva ca.

129. Evaṃ sabbathāpi **vinicchaye thatvā sayaṃ pamāya, uddhaṃ sa lokasmiṃ vivādameṭṭi** diṭṭhiyā thatvā sayañca satthārādhiṃ minivā so bhiyyo vivādameṭṭi. Evaṃ pana vinicchayesu ādīnavaṃ ṇatvā ariyamaggena **hitvāna sabbāni vinicchayāni, na medhagaṃ kubbaṭi jantu loketi** arahattanikūṭena desanaṃ niṭṭhāpesi.

Sayaṃ pamāyāti attanā minivā. **Paminivāti** pamāṇaṃ katvā. “Pavinetvā”tipi pāṭho, taṃ na sundaraṃ. **Uddhaṃ vādēna saddhinti** attano upari kathentena saha. Desanāpariyosāne purābhedasutte (mahāni. 83) vuttasadiṣo eva abhisamayo ahoṣīti.

Saddhammapajjotikāya mahāniddeṣaṭṭhakathāya

Cūḷabyūhasuttaniddeṣavaṇṇanā niṭṭhitā.

13. Mahābyūhasuttaniddeṣavaṇṇanā

130. Terasame mahābyūhasuttaniddeṣe **ye kecime diṭṭhiparibbasānāti** idampi “kiṃ nu kho ime diṭṭhiparibbasānā viññūnaṃ santikā nindameva labhanti, udāhu pasamsampī”ti uppannacittānaṃ ekaccānaṃ devatānaṃ tamatthaṃ āvikātum purimanayeneva nimmitabuddhena attānaṃ pucchāpetvā vuttaṃ. Tatha **anvānayanānti** anu ānayanāni punappunaṃ āharanti.

Nindameva anventiti garahameva upagacchanti.

131. Idāni yasmā te “idameva sacca”nti vadantāpi diṭṭhigatikavādino kadāci katthaci pasamsampi labhanti, yaṃ etaṃ pasamsāsaṅkhātaṃ vādaphalaṃ, taṃ appaṃ, rāgādīnaṃ samāya samatthaṃ na hoti, ko pana vādo dutiye nindāphale, tasmā etamatthaṃ dassento imaṃ tāva vissajjanagāthaṃ āha “**appañhi etaṃ na alaṃ samāya, duve vivādassa phalāni brūmī**”ti. Tatha **duve vivādassa phalānī**ti nindā ca pasamsā ca jayaparājayādīni vā taṃsabhāgāni. **Etampi disvāti** “nindā anitṭhā eva, pasamsā nālaṃ samāyā”ti etampi vivādaphale ādīnavaṃ disvā. **Khemābhissassaṃ avivādabhūmī**ti avivādabhūmiṃ nibbānaṃ khemanti passamāno.

Appakanti mandaṃ. **Parittakanti** thokaṃ. **Omakanti** heṭṭhimakaṃ. **Lāmakanti** pāpakaṃ. **Samāyāti** rāgādīnaṃ samanattāya. **Upasamāyāti** uparūpari samanattāya. **Vūpasamāyāti** sannisīdāpanattāya. **Nibbānāyāti** amatamahānibbānatthāya. **Paṭinissaggāyāti** maggena kilesānaṃ nissajjanattāya. **Paṭipassaddhiyāti** phalena paṭipassaddhānaṃ anuppajjanattāya nālaṃ.

132. Evañhi avivādamaṇo – **yā kācimāti** gāthā. Tatha **sammutiyoti** diṭṭhiyo. **Puthujjāti** puthujjanasambhavā. **So upayaṃ kimeyyāti** so upagantabbatṭhena upayaṃ rūpādīsu ekampi dhammaṃ kiṃ upeyya, kena vā kāraṇena upeyya. **Diṭṭhe sute khantimakubbamānoti** diṭṭhasutasuddhīsu pemaṃ akaronto.

Puthujjanehi janitāti puthujjanehi uppādītā. **Sammutiyoti** diṭṭhiyo. **Puthu nānājanehi janitā** vāti anekavidhehi diṭṭhigatikehi uppādītā vā. **Neti**ti na eti. **Na upeti**ti samīpaṃ na eti. **Na upagacchatī**ti nivattati. **Nābhivisaṭṭi**ti pavisitvā nappatitṭhati.

133. Ito bāhirā pana – **siluttamāti** gāthā tassattho – sīlaṃyeva “uttama”nti maññamānā **siluttamāti** eke bhonto saṃyamamattena **suddhiṃ** vadanti, hatthivatādīna **vataṃ samādāya upaṭṭhitāse**. **Idheva** diṭṭhiyaṃ **assa** satthuno **suddhiṃ bhavūpanitā** bhavajjhositā samānā vadanti, api ca te **kusalāvadānā** “kusalā maya”nti evaṃvādā.

134. Evaṃ sīluttamesu ca tesu tathā paṭipanno yo koci – **sace cutoti** gāthā. Tassattho – **sace** tato **sīlavatato** paravicchindanena vā anabhisambhuṇanto vā **cuto hoti**, so taṃ sīlabbatakammaṃ puññābhisaṅkhārādikammaṃ vā **virādhayitvā vedhatī**. Na kevalañca vedhati, api ca kho taṃ sīlabbataṃ **pajjapātī** ca vippalapati ca **patthayātī** ca. Kimiva? **Satthāva hīno pavasaṃ gharamhā**, gharamhā pavasanto satthato hīno yathā taṃ gharaṃ vā satthaṃ vā patthayātīti.

Paravicchindanāya vāti parena vāriyamāno vā. **Anabhisambhuṇanto** vāti taṃ paṭipattiṃ asampādentō vā.

Aññāya aparaddhoti nibbānena parihīno maggato vā. **Taṃ vā satthaṃ anubandhatī**ti taṃ vā satthaṃ sabbattha

pacchato gacchati.

135. Evaṃ pana sīluttamānaṃ pavedhanakāraṇaṃ ariyasāvako **sīlabbataṃ vāpi pahāya sabbanti** gāthā. Tattha **sāvajjānavajjanti** sabbākusalaṃ lokiyakusalaṃ. **Etaṃ suddhiṃ asuddhinti apatthayānoti** pañcakāmaguṇādibhedam suddhiṃ akusalādibhedam asuddhiṃca apatthayamāno. **Virato careti** suddhiyā asuddhiyā ca virato careyya. **Santi manuggahāyāti** diṭṭhiṃ aggahetvā.

Kaṇhaṃ kaṇhavipākanti akusalakammaṃ akusalavipākadāyakaṃ. **Sukkaṃ sukkavipākanti** lokiyakusalaṃ attanā sadisaṃ sukkavipākadāyakaṃ.

Niyāmāvakkantinti maggapavisanaṃ. **Sekkhāti** satta sekkhā. **Aggadhammanti** uttamadhammaṃ, arahattaphalaṃ.

136. Evaṃ ito bāhirake sīluttame saṃyamena visuddhivāde tesaṃca vipākaṃ sīlabbatapahāyino arahato ca paṭipattim dassetvā idāni aññathāpi suddhivāde bāhirake dassento “**tamūpanissāyā**”ti gāthamāha. Tassattho – santaññēpi samaṇabrāhmaṇā, te **jigucchitaṃ** amarantapaṃ vā diṭṭhasuddhiādīsu vā aññataraññataraṃ **upanissāya** akiriyadiṭṭhiyā vā **uddhaṃsarā** hutvā **bhavābhavesu avītataṇhā** **suddhi’manutthunanti** vadanti kathentīti.

Tapojigucchavādāti kāyapīlanādītapena pāpahirīyanavādā. **Tapojiguchasārāti** teneva tapena hirīyanasāravanto. **Uddhaṃsarāvādāti** saṃsārena suddhiṃ kathayantā.

137. Evaṃ tesam avītataṇhānaṃ suddhiṃ anutthunantānaṃ yopi suddhipattameva attānaṃ maññeyya, tassāpi avītataṇhattā bhavābhavesu taṃ taṃ vatthum **patthayamānassa hi jappitāni** punappunaṃ hontiyevāti adhippāyo. Taṇhā hi āsevītā taṇhaṃ vaḍḍhayateva, na kevalaṃca jappitāni, **pavedhitaṃ vāpi pakappitesu**, taṇhādiṭṭhihi cassa pakappitesu vatthūsu pavedhitampi hotīti vuttaṃ hoti. Bhavābhavesu pana vītataṇhattā āyatim **cutūpapāto idha yassa natthi, sa kena vedheyya kuhim va jappeti** ayametissā gāthāya sambandho.

Āgamananti puna āgamaṃ. **Gamananti** ito aññattha gamaṃ. **Gamanāgamananti** ito gantvā puna nivattanaṃ. **Kālanti** maraṇaṃ. **Gatīti** gamaṃvasena gatiyā gantabbaṃ.

138. **Yamāhu dhammanti** pucchāgāthā.

139. Idāni yasmā ekopi ettha vādo sacco natthi, kevalaṃ diṭṭhimattakena hi te vadanti, tasmā tamatthaṃ dassento “**sakaṃ hi**”ti imaṃ tāva vissajjanagāthamāha. Tattha **sammutinti** diṭṭhiṃ. **Anomanti** anūnaṃ.

140. Evametesu sakaṃ dhammaṃ paripuṇṇaṃ brūvantesu aññassa dhammaṃ pana hīnanti vadantesu yassa kassaci – **parassa ce vambhayitena hīnoti** gāthā. Tassattho – yadi **parassa** ninditakāraṇā **hīno** bhavēyya, **na koci dhammesu visesi** aggo bhavēyya. Kiṃkāraṇā? **Puthū hi aññassa vadanti dhammaṃ nihīnato** sabbeva te **samhi dalhaṃ vadānāsakadhamme** dalhavādā eva.

Vambhayitakāraṇāti dhaṃsitakāraṇā. **Garahitakāraṇāti** lāmakakatakāraṇā. **Upavaditakāraṇāti** akkositakāraṇā. **Sakāyananti** sakamaggaṃ.

141. Kiṃca bhīyyo – **saddhammapūjāti** gāthā. Tassattho – te ca titthiyā **yathā pasamsanti sakāyanāni, saddhammapūjāpi nesam tatheva** vattati. Te hi ativiya sathārādīni sattarontī. Tattha yadi te pamāṇā siyuṃ, evaṃ sante **sabbeva vādā tathiyā bhavēyyuṃ**. Kiṃkāraṇā? **Suddhi hi nesam paccattameva**. Na sā aññattha sijjhati, nāpi paramatthato. Attani diṭṭhigāhamattameva hi taṃ tesam parapaccayaneyyabuddhīnaṃ. **Paccattamevāti** pāṭekkameva.

142. Yo pana viparītato bāhitapāpattā brāhmaṇo, tassa **na brāhmaṇassa paraneyyamatthīti** gāthā. Tassattho – **brāhmaṇassa** hi “sabbe saṅkhārā aniccā”tiādīnaṃ nayena sudiṭṭhattā parena netabbaṃ ñāṇaṃ natthi. Diṭṭhidhammesu “idameva sacca”nti nicchinitvā **sumaggahitampi** natthi. Taṃkāraṇā so diṭṭhikalāhāni atikkanto, **na hi so seṭṭhato passati dhammamaññaṃ** aññatra satipaṭṭhānādīhi.

Na paraneyyoti parena netabbo jānāpetabbo na hoti. **Na parapattiyoti na parapaccayoti** paresaṃ paccetabbo na hoti. **Na paraṭṭhāyoti** paresaṃ paṭibaddhagamano na hoti.

143. **Jānāmīti** gāthāya sambandho attho ca – evaṃ tāva paramatthabrāhmaṇo na hi seṭṭhato passati dhammamaññaṃ, aññe pana titthiyā paracittañāṇādīhi jānantāpi passantāpi “**jānāmi passāmi tatheva eta**”nti evaṃ vadantāpi ca **diṭṭhiyā suddhiṃ paccenti**. Kasmā? Yasmā tesu ekopi adakkhi ce addasa cepi **tena** paracittañāṇādīnaṃ yathābhūtamattaṃ, **kiñhi tumassa tena** tassa tena dassanena kiṃ kataṃ, kiṃ dukkhapariññā sādhitā, udāhu samudayappahānādīnaṃ aññataraṃ, yato sabbathāpi atikkamitvā ariyamaggaṃ te titthiyā aññeneva **vadanti suddhiṃ**, atikkamitvā vā te titthiye buddhādayo aññeneva vadanti suddhinti.

144. Passaṃ naroti gāthāya sambandho attho ca – kiñca bhiyyo? Yvāyaṃ paracittañāṇādīhi addakkhi, so **passaṃ naro dakkhati nāmarūpaṃ**, na tato paraṃ, **disvāna vā ñassati tānimeva** nāmarūpāni niccato sukhato vā, na aññathā; so evaṃ passanto **kāmaṃ bahuṃ passatu appakaṃ vā** nāmarūpaṃ niccato sukhato ca athassa evarūpena dassanena **na hi tena suddhiṃ kusalā vadanti**.

145. Nivissavādīti gāthāya sambandho attho ca – tena ca dassanena suddhiyā asatīyāpi yo “jānāmi passāmi tatheva eta”nti evaṃ nivissavādī, etaṃ vā dassanaṃ paṭicca diṭṭhiyā suddhiṃ paccento “idameva sacca”nti evaṃ nivissavādī, so **subbinayo** na hoti taṃ tathā **pakappitaṃ** abhisankhataṃ **diṭṭhiṃ purakkharāno**. So hi **yaṃ** sathhārādīṃ **nissito, tatheva subhaṃ vadāno suddhiṃ vado**, “parisuddhivādo parisuddhidassano vā aha”nti attānaṃ maññamāno **tattha tathaddasā so**, tattha sakāya diṭṭhiyā aviparītameva so addasa. Yathā sā diṭṭhi pavattati, tatheva taṃ addasa, na aññathā passitūṃ icchatīti adhippāyo.

Nivissavādīti patiṭṭhahitvā kathento. **Dubbinayoti** vinetuṃ dukkho. **Duppaññāpayoti** ñāpetuṃ cittena labbhāpetuṃ dukkho. **Dunnijjhāpayoti** cittena vīmaṃsitvā gahaṇatthaṃ punappunaṃ nijjhāpayitūṃ dukkho. **Dupekkhāpayoti** ikkhāpayitūṃ dukkho. **Duppasādayoti** citte pasādaṃ uppādetuṃ dukkho.

Appassīti ñāṇena paṭivedhaṃ pāpuṇi. **Paṭivijjhīti** cittena avabodhaṃ pāpuṇi.

146. Evaṃ pakappitaṃ diṭṭhiṃ purakkharānesu titthiyesu – **na brāhmaṇo kappamupeti sañkhāti** gāthā. Tattha **sañkhāti** sañkhāya, jānitvāti attho. **Napi ñāṇabandhūti** samāpattiñāṇādīnā akatatanhādīṭṭhibandhu. Tattha viggaḥo – nāpi assa ñāṇena kato bandhu atthīti napi ñāṇabandhu. **Sammutiyo**ti diṭṭhisammutiyo. **Puthujjāti** puthujjanasambhavā. **Uggahaṇanti maññeti** uggahaṇanti aññe, aññe tā sammutiyo uggahaṇantīti vuttaṃ hoti.

Upekkhatīti upapattito apakkhapatito hutvā passatī.

147. Kiñca bhiyyo – **vissajja ganthānīti** gāthā. Tattha **anuggahoti** uggahaṇavirahito, sopi nāssa uggahoti anuggaḥo. Na vā uggahaṇatīti anuggaḥo.

Ganthe vossajjitvāti abhijjhādike ganthe cajitvā. **Vissajjāti** puna anādiyanavasena jahitvā. **Gadhīti** ghaṭite. **Ganthīti** suttena saṅgahite vīya ganthīte. **Bandhīti** suṭṭhu bandhe. **Vibandhīti** vividhā bandhe. **Palibuddhīti** samantato bandhanena bandhe. **Bandhanīti** kilesabandhane. **Phoṭayitvāti** papphoṭetvā. **Saccaṃ vissajjaṃ karontīti** visaṅkharitvā aparibhogam karontī. **Vikopentīti** cuṇṇavicuṇṇam karontī.

148. Kiñca bhiyyo – so evarūpo – **pubbāsaveti** gāthā. Tattha **pubbāsaveti** atītarūpādīni ārabha uppajjanadhammakilese. **Naveti** paccuppannarūpādīni ārabha uppajjanadhamme. **Na chandagūti** chandādivasena na gacchatī. **Anattagarahīti** katākatavasena attānaṃ agarahanto.

149. Evaṃ anattagarahī ca – **sa sabbadhammesūti** gāthā. Tattha **sabbadhammesūti** dvāsaṭṭhidīṭṭhidhammesu “yaṃ kiñci diṭṭhaṃ vā”ti evaṃpabhedesu. **Pannabhāroti** patitabhāro. Na kappētīti **na kappiyo**, duvidhampi kappam na karontīti attho. **Nūparatoti** puthujanakalyāṇakasekkhā vīya uparatisamaṅgīpi no hoti. **Na patthiyoti** nittanḥo. Taṇhā hi patthayatīti patthiyā, nāssa patthiyāti na patthiyo. Ito parañca heṭṭhā ca tattha tattha vuttanayattā uttānatthameva. Evaṃ arahattanikūṭeneva desanaṃ niṭṭhāpesi, desanāpariyosāne purābhedasutte (mahāni. 83) vuttasadi so eva abhisamayo ahoṣīti.

Saddhammappajjotikāya mahāniddeṣaṭṭhakathāya

Mahābyūhasuttaniddeṣavaṇṇanā niṭṭhitā.

14. Tuvaṭakasuttaniddeṣavaṇṇanā

150. Cuddasame tuvaṭakasuttaniddeṣe **pucchāmi** tanti idampi tasmimīyeva mahāsamaye “kā nu kho arahattappattiyā paṭipattī”ti uppannācittānaṃ ekaccānaṃ devatānaṃ tamatthaṃ pakāsetuṃ purimanayeneva nimmitabuddhena attānaṃ pucchāpetvā vuttaṃ.

Tattha ādipucchāgāthāya tāva **pucchāmi**ti ettha adīṭṭhajotanādivasena pucchā vibhajitā. **Ādiccabandhūti** ādiccassa gottabandhu. **Vivekaṃ santipadañcāti** vivekañca santipadañca. **Kathaṃ disvāti** kena kāraṇena disvā, kathaṃ pavattadassano hutvāti vuttaṃ hoti.

Tisso pucchāti gaṇanaparicchedo. **Adīṭṭhajotanāti** yaṃ na diṭṭhaṃ na paṭividdhaṃ, tassa pākāṭakaraṇatthāya pucchā. **Diṭṭhasaṃsandanāti** yaṃ ñāṇacakkhunā diṭṭhaṃ, tassa ghaṭanatthāya. **Vimaticchedanāti** yā kaṅkhā, tassācchedanatthaṃ. **Pakatiyā lakkhaṇaṃ aññātanti** dhammānaṃ tathalakkhaṇaṃ pakatiyā na ñātāṃ. **Adīṭṭhanti** na diṭṭhaṃ. “Na niṭṭha”ntipi pāṭho. **Atulitanti** tulāya tulitaṃ vīya na tulitaṃ. **Atīritanti** tīraṇāya na tīritaṃ. **Avibhūṭanti** na pākāṭam. **Avibhāvīti** paññāya

na vadḍhitam. **Tassa nāṇāyāti** tassa dhammassa lakkhaṇajānanatthāya. **Dassanāyāti** dassanatthāya. **Tulanāyāti** tulanatthāya. **Tiraṇāyāti** tiraṇatthāya. **Vibhāvanāyāti** vibhāgakaraṇatthāya. **Aññehi paṇḍitehīti** aññehi buddhisampannehi. **Saṃsayapakkhandoṭi** sandeham pavattho.

Manussapucchāti manussānam pucchā. **Amanussapucchāti** nāgasupaṇṇādīnam pucchā. **Gahaṭṭhāti** avasesagahaṭṭhā. **Pabbajitāti** līngavasena vuttā. **Nāgāti** suphassādayo nāgā. **Supaṇṇāti** supaṇṇasamuyuttavasena (sam. ni. 3.392 ādayo). **Yakkhāti** yakkhasamuyuttavasena (sam. ni. 10.235 ādayo) ca veditabbā. **Asurāti** pahārādādayo. **Gandhabbāti** pañcasikhagandhabbaputtādayo. **Mahārājānoti** cattāro mahārājāno. **Ahīndriyanti** saṅghānavasena avikalindriyam. **So nimmitoti** so bhagavatā nimmito buddho.

Vodānatthapucchāti visesadhammapucchā. **Atītapucchāti** atīte dhamme ārabba pucchā. **Anāgatādīsipi** eseva nayo. **Kusalapucchāti** anavajjadhammapucchā. **Akusalapucchāti** sāvajjadhammapucchā. **Abyākatapucchāti** tadubhayaviparītadhammapucchā.

Ajjhesāmi tanti tam āṇāpemi. **Kathayassu meti** mayham kathehi. **Gottañātakoti** gottena ñātakoti. **Gottabandhūti** gottajjhantiko. **Ekenākārenāti** ekena koṭṭhāsena.

Santipadanti santisāṅkhātam nibbānapadam. **Ye dhammā santādhigamāyāti** ye satipaṭṭhānādayo dhammā nibbānapaṭilābhatthāya. **Santiphusanāyāti** ñāṇaphassena nibbānaphusanatthāya. **Sacchikiriyaṇāti** paccakkhakarāṇatthāya. **Mahantaṃ silakkhandhanti** mahantaṃ sīlārasiṃ. **Samādhikkhandhādīsipi** eseva nayo. **Sīlakkhandhādayo** lokiyalokuttarā, vimuttiñāṇadassanaṃ lokiyameva.

Tamokāyassa padālananti avijjārāsissa viddhamsanam. **Vipallāsassa bhedananti** catubbidhavipallāsassa bhedanam. **Taṇhāsallassa abbuhananti** taṇhākaṇṭakassa luñcanaṃ. **Abhisāṅkhārassa vūpasamanti** puññādiabhisāṅkhārassa nibbāpanam. **Bhārassa nikkhepananti** pañcakkhandhabhārassa ṭhapanam. **Saṃsāraṇatthassa upacchedananti** saṃsārapavattassa chedanam. **Santāpassa nibbāpananti** kilesasantāpassa nibbuti. **Paṭiṇhassa paṭipassaddhanti** kilesadarathassa sannisīdanaṃ. **Devadevoti** devānam atidevo.

151. Atha bhagavā yasmā yathā passanto kilese uparundhati, tathā disvā tathā pavattadassano hutvā parinibbāti, tasmā tamattham āvikaronto nānappakārena tam devaparisaṃ kilesappahāne niyojento “**mūlam papañcasāṅkhāyā**”ti ārabhitvā pañca gāthā abhāsi.

Tattha ādigāthāya tāva saṅkhepattho – **papañcasāṅkhāti** papañcāti saṅkhātattā papañcā eva papañcasāṅkhā. Tassā avijjādayo kilesā mūlam, tam papañcasāṅkhāya mūlam **asmīti** pavattamānañca sabbaṃ mantāya **uparundhe**. **Yā kāci ajjhantam taṇhā** uppajjeyyūṃ. **Tāsam vinayāya** pahānāya **sadā sato sikkhe** upaṭṭhitassati hutvā sikkheyyāti.

Ajjhattasamuṭṭhānā vāti citte uppannā vā. **Purebhattanti** divābhattato purekālam. Accantasamuyogatthe upayogavacanam, atthato pana bhummameva purebhatteti, esa nayo pacchābhattādīsu. **Pacchābhattanti** divābhattato pacchākālam. **Purimam yāmananti** rattiyā paṭhamakoṭṭhāsam. **Majjhimam yāmananti** rattiyā dutiyakoṭṭhāsam. **Pacchimam yāmananti** rattiyā tatiyakoṭṭhāsam. **Kāḷeti** kāḷapakke. **Juṇheti** sukkapakke. **Vasseti** cattāro vassānamāse. **Hemanteti** cattāro hemantamāse. **Gimheti** cattāro gimhānamāse. **Purime vayokhandheti** paṭhame vayokoṭṭhāse, paṭhamavayeti attho. Tīsu ca vayesu vassatāyukassa purisassa ekekasmim vaye catumāsādhikāni tetthiṃsa vassāni honti.

152. Evaṃ paṭhamagāthāya tāva tīhi sikkhāhi yuttam desanam arahattanikūṭena desetvā puna mānappahānavasena desetum “**yaṃ kiñci**”ti gāthamāha. Tattha **yaṃ kiñci dhammabhijāññā ajjhantanti** yaṃ kiñci uccākulīnatādikaṃ attano guṇam jāneyya. **Atha vāpi bahiddhāti** atha vā bahiddhāpi ācariyupajjhāyānam vā guṇam jāneyya. **Na tena thāmam kubbethāti** tena guṇena mānam na kareyya.

Satānanti santaguṇavantaṇam. **Santānanti** nibbutasantānam. **Na vuttāti** na kathitā. **Nappavuttāti** na vissajjitā.

153. Idānissa akaraṇavidhiṃ dassento “**seyyo na tenā**”ti gāthamāha. Tassattho – **tena** ca mānena “seyyoha”nti vā “nīcoha”nti vā “sarikkhoha”nti vāpi **na maññeyya**. Tehi ca uccākulīnatādīhi guṇehi **phuṭṭho anekarūpehi** “ahaṃ uccā kulā pabbajito”tiādīnā nāyena attānam vikappento na tiṭṭheyyāti.

154. Evaṃ mānappahānavasena desetvā idāni sabbakilesūpasamavasena desetum “**ajjhattamevā**”ti gāthamāha. Tattha **ajjhattamevupasameti** attani eva rāgādisabbakilese upasameyya. **Na aññato bhikkhu santimeseyyāti** ṭhapetvā ca satipaṭṭhānādīni aññena upāyena santim na pariyeseyya. **Kuto nirattā vāti** nirattā kutoyeva.

Na eseyyāti sīlabbatādīhi na maggeyya. **Na gaveseyyāti** na olokeyya. **Na pariyeseyyāti** punappunam na ikkheyya.

155. Idāni ajjhantam upasantassa khīṇāsavassa tādibhāvam dassento “**majjhe yathā**”ti gāthamāha. Tassattho – **yathā**

mahāsamuddassa upariheṭṭhimabhāgānaṃ vemajjhasaṅkhāte catuyojanasahassappamāṇe **majjhe** pabbatantare ṭhitassa vā majjhe samuddassa **ūmi no jāyati, ṭhitova so hoti** avikampamāno, **evaṃ** anejo khīṇāsavo lābhādīsu **ṭhito** assa avikampamāno, so tādiso rāgādiussadaṃ **bhikkhu na kareyya kuhiñcīti**.

Ubbedhenāti heṭṭhābhāgena. **Gambhīro**ti udakapiṭṭhito paṭṭhāya **caturāsītiyojanasahassāni** gambhīro. “Ubbedho”tipi pāṭho, taṃ na sundaraṃ. **Heṭṭhāti** antoudakaṃ. **Uparīti** uddhamudakaṃ. **Majjheti** vemajjhe. **Na kampaṭīti** ṭhitatṭhānato na calati. **Na vikampaṭīti** ito cito ca na calati. **Na calatīti** niccalaṃ hoti. **Na vedhatīti** na phandati. **Nappavedhatīti** na parivattati. **Na sampavedhatīti** na paribbhamati. **Aneritoti** na erito. **Aghaṭṭitoti** akkhobho. **Acalitoti** na kampito. **Aluḷitoti** na kalalībhūto. **Tatra ūmi no jāyatīti** tasmim ṭhāne vīci na uppajjati.

Sattannaṃ pabbatānaṃ antarikāsūti yugandharādīnaṃ sattannaṃ pabbatānaṃ antarantarā. **Sīdantarāti** antamaso simbalītūlampi tesu patitapatitaṃ sīdatīti sīdā, pabbatantare jātattā antarā. “Antarasīdā”tipi pāṭho.

156. Idāni evaṃ arahattanikūṭeṇa desitaṃ dhammadesanaṃ abbhānumodento tassa ca arahattassa ādipaṭipadaṃ pucchanto nimmitabuddho “**akittayī**”ti gāthamāha. Tattha **akittayīti** ācikkhi. **Vivaṭacakkhūti** vivaṭehi anāvaraṇehi pañcahi cakkhūhi samannāgato. **Sakkhidhamanti** sakāyattaṃ sayam abhiññātaṃ attapaccakkhadhammaṃ. **Parissayavinayanti** parissayavinayanaṃ. **Paṭipadaṃ vadehīti** idāni paṭipattiṃ vadehi. **Bhaddanteti** bhaddaṃ tava atthūti bhagavantaṃ ālapanto āha. Atha vā bhaddaṃ sundaraṃ tava paṭipadaṃ vadehītipi vuttaṃ hoti. **Pātimokkhaṃ atha vāpi samādhinti** tameva paṭipadaṃ bhinditvā pucchati. Paṭipadanti etena vā maggaṃ pucchati. Itarehi sīlaṃ samādhīna pucchati.

Maṃsacakkhunāpīti sasambhārikamaṃsacakkhunāpi. **Dibbacakkhunāpīti** dibbasadisattā dibbaṃ. Devānañhi sucaritakammaṇibbattaṃ pittaṃseharuhirādīhi apalibuddhaṃ upakkilesavinimuttatāya dūrepi ārammaṇasampaṭicchanasamatthaṃ dibbaṃ pasādacakkhu hoti. Idañcāpi vīriyabhāvanābalanibbattaṃ ñāṇacakkhu tādisamevāti dibbasadisattā dibbaṃ. Dibbavihārasena paṭiladdhattā, attanā ca dibbavihārasannissittatāpi dibbaṃ. Ālokariggahena mahājutikattāpi dibbaṃ. Tirokuṭṭādigatarūpadassanena mahāgatikattāpi dibbaṃ. Taṃ sabbaṃ saddasatthānusārena vedittabbaṃ. Dassanaṭṭhena cakkhu, cakkhukiccarāṇena cakkhumivātipi cakkhu, dibbañca taṃ cakkhu cāti dibbacakkhu. Tena dibbacakkhunāpi vivaṭacakkhu. Idāni pañcavidhaṃ cakkhumaṃ vitthārena kathetuṃ “**kathaṃ bhagavā maṃsacakkhunāpi vivaṭacakkhū**”tiādimāha. **Maṃsacakkhumhi bhagavato pañcavaṇṇā saṃvijjantīti** ettha sasambhāradīkacakkhumhi buddhassa bhagavato pañca koṭṭhāsā paccemaṃ paccemaṃ upalabbhanti.

Nīlo ca vaṇṇoti umāpupphavaṇṇo. **Pītako ca vaṇṇoti** kaṇikārapupphavaṇṇo. **Lohitako ca vaṇṇoti** indagopakavaṇṇo. **Kaṇho ca vaṇṇoti** añjanavaṇṇo. **Odāto ca vaṇṇoti** osadhitarākavaṇṇo. **Yattha ca akkhiḷomāni paṭiṭṭhitānīti** yasmim ṭhāne akkhiḷomāni paṭiṭṭhahitvā utṭhitāni. **Taṃ nīlaṃ hoti sunīlanti** ettha nīlanti sabbasaṅgāhakavasena vuttaṃ. **Sunīlanti** antaraviraḥitaṃ suṭṭhu nīlaṃ. **Pāsādikanti** pasādajanakaṃ. **Dassaneyyanti** dassanīyaṃ. **Umāpupphasamānanti** dakasītalapupphasadisam. **Tassa paratoti** tassa samantā bāhirapasse. **Pītakanti** sabbasaṅgāhakaṃ. **Supītakanti** antaraviraḥitaṃ suṭṭhu pītakaṃ. **Ubhayato ca akkhikūṭānīti** dve ca akkhikoṭṭiyo. **Lohitakānīti** sabbasaṅgāhakavasena vuttaṃ. **Sulohitakānīti** apaññāyamānavarāni suṭṭhu lohitaṃ. **Majjhe kaṇhanti** akkhīnaṃ majjihamaṭṭhānaṃ añjanasadisam kaṇhaṃ. **Sukaṇhanti** antaraviraḥitaṃ suṭṭhu kaṇhaṃ. **Alūkhanti** pāsādikaṃ. **Siniddhanti** pañītaṃ. **Bhaddāriṭṭhakasamānanti** apanītatacabhaddāriṭṭhakaphalasadisam. “Addāriṭṭhakasamāna”ntipi pāli, tassā tintakākasadisanti attho. **Odātanti** sabbasaṅgāhakavasena vuttaṃ. **Suodātanti** antaraviraḥitaṃ rajatamaṇḍalasadisaṃ suṭṭhu odātaṃ. **Setaṃ paṇḍaranti** dvīhipi atiodātataṃ dasseti. **Pākatikena maṃsacakkhunāti** pakatimaṃsacakkhunā. **Attabhāvapariyāpannenāti** attabhāvasannissitena. **Purimasucaritakammābhiniḍḍantāti** purimesu tattha tatthuppannesu attabhāvesu kāyasucaritādikammunā uppāditena. **Samantā yojanaṃ passatīti** samantato catugāvutappamāṇe yojane tirokuṭṭādigataṃ rūpaṃ āvaraṇaviraḥitaṃ pakatimaṃsacakkhunā dakkhati.

Divā ceva rattiñcāti divasabhāge ca rattibhāge ca. **Caturaṅgasamannāgatoti** catūhi aṅgehi samannāgato paripuṇṇaandhakāro ālokoviraḥito. **Sūriyo vā atthaṅgatoti** sūrabhāvaṃ janayanto utṭhito sūriyo vigato. **Kālapakkho ca uposathoti** kālapakkhe cātuddasūposathadivaso ca. **Tibbo ca vanasaṅḍoti** gahano ca rukkharāsi. **Mahā ca kālamegho abbhūṭṭhitoti** mahanto kālamegho abbhapaṭalo ca utṭhito hoti. **Kuṭṭo vāti** iṭṭhakācayo vā. **Kavāṭaṃ vāti** dvāravātapānādīkavāṭaṃ vā. **Pākāro vāti** mattikādīpākāro vā. **Pabbato vāti** paṃsupabbatādīpabbato vā. **Gacchaṃ vāti** taruṇagacchādīgacchaṃ vā. **Latā vāti** karavindādī latā vā. **Āvaraṇaṃ rūpānaṃ dassanāyāti** rūpārammaṇānaṃ dassanaṭṭhāya paṭisedhaṃ natthi. **Ekañce tilaphalaṃ nimittaṃ katvāti** sace ekaṃ tilabījyaṃ saññānaṃ katvā. **Tilavāhe pakkhipeyyāti** dve sakaṭe tilarāsīmhi khippeyya. Keci pana “vāho nāma kumbhātrekadvesakaṭa”nti vadanti. **Taññeva tilaphalaṃ uddhareyyāti** taṃnimittakataṃ tilabījyaṃveva uddharitvā gaṇheyya.

Dibbena cakkhunāti idaṃ vuttatthameva. **Visuddhenāti** cutūpapātadassanena diṭṭhivisuddhihetuttā visuddhena. Yo hi cutimattameva passati na upapātaṃ, so ucchedadiṭṭhiṃ gaṇhāti. Yo upapātameva passati na cutim, so navasattapātubhāvasassatadiṭṭhiṃ gaṇhāti. Yo pana tadubhayaṃ passati, so yasmā duvidhampi taṃ diṭṭhigataṃ ativattati, tasmāssa taṃ dassanaṃ diṭṭhivisuddhihetu hoti, ubhayañcetamaṃ buddhaputtā passanti. Tena vuttaṃ – “cutūpapātadassanena diṭṭhivisuddhihetuttā visuddha”nti. Manussūpacāraṃ atikkamitvā rūpadassanena atikkantamānusakaṃ, mānusakaṃ vā maṃsacakkhumaṃ atikkantattā atikkantamānusakanti vedittabbaṃ.

Tena dibbena cakkhunā visuddhena **atikkantamānusakena satte passatīti** manussamaṃsacakkhunā viya satte oloketi. **Cavamāne upapajjamāneti** ettha cutikkhaṇe upapattikkhaṇe vā dibbacakkhunā daṭṭhuṃ na sakkā. Ye pana āsannacutikā idāni cavissanti, te cavamānā. Ye ca gahitapaṭṭisandhikā sampatinibbattāva, te upapajjamānāti adhippetā. Te evarūpe cavamāne upapajjamāne ca passatīti dasseti. **Hineti** mohanissandayuttattā hīne. Tabbiparīte **paṇīte**. **Suvaṇṇeti** adosanissandayuttattā iṭṭhakantamanāpavaṇṇayutte. Tabbiparīte **dubbaṇṇe**, abhirūpe virūpeti attho. **Sugateti** sugatigate, alobhanissandayuttattā vā aḍḍhe mahaddhane. **Duggateti** duggatigate, lobhanissandayuttattā vā dalidde appannapāne. **Yathākammūpageti** yaṃ yaṃ kammaṃ upacitaṃ, tena tena upagate. Tattha purimehi “cavamāne”tiādīhi dibbacakkhukiccaṃ vuttaṃ. Iminā pana padena yathākammūpagañāṇakiccaṃ.

Tassa ca ñāṇassa ayamuppattikkamo – idha bhikkhu heṭṭhānirayābhimukhaṃ ālokaṃ vaḍḍhetvā nerayike satte passati mahādukkhaṃ anubhavamāne, taṃ dassanaṃ dibbacakkhukiccameva. So evaṃ manasi karoti “kiṃ nu kho kammaṃ katvā ime sattā etaṃ dukkhaṃ anubhavanti”ti, athassa “idaṃ nāma katvā”ti taṃ kammārammaṇaṃ ñāṇaṃ uppajjati. Tathā uparidevalokābhimukhaṃ ālokaṃ vaḍḍhetvā nandanavana missakavana phārusakavanādīsu satte passati mahāsampattiṃ anubhavamāne. Tampi dassanaṃ dibbacakkhukiccameva. So evaṃ manasi karoti “kiṃ nu kho kammaṃ katvā ime sattā etaṃ sampattiṃ anubhavanti”ti. Athassa “idaṃ nāma katvā”ti taṃ kammārammaṇaṃ ñāṇamuppajjati. Idaṃ yathākammūpagañāṇaṃ nāma. Imassa viṣuṃ parikkammaṃ nāma natthi. Yathā ca imassa, evaṃ anāgataṃsañāṇassāpi. Dibbacakkhupādakāneva hi imāni dibbacakkhunā saheva ijjhanti.

Ime vata bhontotiādīsu **imeti** dibbacakkhunā diṭṭhānaṃ nidassanavacanāṃ. **Vatāti** anusocanathe nipāto. **Bhontoti** bhavanto. Duṭṭhu caritaṃ, duṭṭhuṃ vā caritaṃ kilesapūṭikattāti duccharitaṃ; kāyena duccharitaṃ, kāyato vā uppannaṃ duccharitanti **kāyaduccharitaṃ**. Itaresupi eseva nayo. **Samannāgatāti** samañgībhūtā.

Ariyānaṃ upavādakāti buddhaccekabuddhabuddhasāvakanānaṃ ariyānaṃ antamaso gihisotāpannānampi anattakāmā hutvā antimavattunā vā guṇaparidhamśanena vā upavādakā, akkosakā garahakāti vuttaṃ hoti. Tattha “natthi imesaṃ samañadharmo, assamañā ete”ti vadanto antimavattunā upavadati. “Natthi imesaṃ jhānaṃ vā vimokkha vā maggo vā phalaṃ vā”tiādīni vadanto guṇaparidhamśanena upavadatīti veditabbo. So ca jhānaṃ vā upavadeyya ajhānaṃ vā, ubhayathāpi ariyūpavādova hoti; atibhāriyaṃ kammaṃ, anantariyakammaśadisaṃ, saggāvaraṇaṃ maggāvaraṇaṇca, satekicchaṃ pana hoti. Tasmā yo ariyaṃ upavadati, tena gantvā sace attanā vuḍḍhataro hoti, ukkuṭikaṃ nisīditvā “ahaṃ āyasmantaṃ idañcidañca avacaṃ, taṃ me khamāhī”ti khamāpetabbo. Sace pana navakataro hoti, vanditvā ukkuṭikaṃ nisīditvā añjaliṃ paggahetvā “ahaṃ, bhante, tumhe idañcidañca avacaṃ, taṃ me khamathā”ti khamāpetabbo. Sace so nakkhamati, disāpakkanto vā hoti, sayāṃ vā gantvā saddhivihārike vā pesetvā khamāpetabbo. Sace nāpi gantaṃ na pesetaṃ sakkā hoti, ye tasmim vihāre bhikkhū vasanti, tesāṃ santikaṃ gantvā sace navakatarā honti, ukkuṭikaṃ nisīditvā sace vuḍḍhatarā, vuḍḍhe vuttanayeneva paṭipajjitvā “ahaṃ, bhante, asukaṃ nāma āyasmantaṃ idañcidañca avacaṃ, taṃ khamatu me so āyasmā”ti vatvā khamāpetabbo. Sammukhā akhamantepe etadeva kātappaṃ. Sace ekacārikabhikkhu hoti, neva tassa vasaññānaṃ na gataññānaṃ paññāyati, ekassa paññitassa bhikkhuno santikaṃ gantvā “ahaṃ, bhante, asukaṃ nāma āyasmantaṃ idañcidañca avacaṃ, taṃ me anussarato anussarato vipaṭṭisāro hoti, kiṃ karomī”ti vattappaṃ. So vakkhati “tumhe mā cintayittha, thero tumhākaṃ khamati, cittaṃ vūpasamethā”ti. Tenapi ariyassa gatadisābhimukhena añjaliṃ paggahetvā “khamathā”ti vattappaṃ. Yadi so parinibbuto hoti, parinibbutamañcaññānaṃ gantvā yāva sivathikaṃ gantvāpi khamāpetabbo. Evaṃ kate neva saggāvaraṇaṃ na maggāvaraṇaṃ hoti, pākatikameva hotīti.

Micchādīṭṭhikāti viparītadassanā. **Micchādīṭṭhikamasamādānāti** micchādīṭṭhivasena samādinnañānāvīdhakammā, ye ca micchādīṭṭhimūlakesu kāyakammādīsu aññepi samādapenti. Ettha ca vacīduccaritaggaṇe neva ariyūpavāde, manoduccaritaggaṇe na ca micchādīṭṭhiyā saṅgahitāyapi imesaṃ dvinnaṃ punavacanāṃ mahāsāvajjabhāvadassanattanti veditappaṃ. Mahāsāvajjo hi ariyūpavādo ānantariyasadiso. Vuttampi cetāṃ –

“Seyyathāpi, sārīputta, bhikkhu sīlasampanno samādhisampanno paññāsampanno diṭṭheva dhamme aññaṃ ārādhēyya, evaṃsampadamidaṃ, sārīputta, vadāmi. Taṃ vācaṃ appahāya taṃ cittaṃ appahāya taṃ diṭṭhiṃ appaṭṭinissajjitvā yathābhattaṃ nikkhitto evaṃ niraye”ti (ma. ni. 1.149).

Micchādīṭṭhito ca mahāsāvajjatarāṃ nāma aññaṃ natthi. Yathāha –

“Nāhaṃ, bhikkhave, aññaṃ ekadhammampi samanupassāmi, yaṃ evaṃmahāsāvajjaṃ yathayidaṃ, bhikkhave, micchādīṭṭhi. Micchādīṭṭhiparamāni bhikkhave, mahāsāvajjānī”ti (a. ni. 1.310).

Kāyassa bhedāti upādinnaṃkhandhapariccāgā. **Paraṃ maraṇāti** tadanantarābhiniṃbattakkhandhaggaṇe. Atha vā **kāyassa bhedāti** jīvitindriyassupacchedā. **Paraṃ maraṇāti** cuticittato uddhaṃ. **Apāyanti** evamādi sabbāṃ nirayavevacanameva. Nirayo hi saggamokkhaḥetubhūtā puññasammataṃ ayā apetattā, sukhānaṃ vā āyassa abhāvā apāyo. Dukkhasa gati paṭisaraṇanti **duggati**, dosabahulatāya vā duṭṭhena kammunā nibbattā gatīti **duggati**. Vivasā nipatanti tattha dukkaṭakārinoti **vinipāto**, vinassantā vā ettha nipatanti sambhijjamānaṅgapaccaṅgātīpi **vinipāto**. Natthi ettha assādasaññito ayoti **nirayo**.

Atha vā apāyaggaṇe na tiracchānayoṇiṃ dīpeti, tiracchānayoṇi hi apāyo sugatito apetattā. Na duggati, mahesakkhānaṃ

nāgarājādīnaṃ sambhavato. Duggatiggahaṇena pēttivisaṃ dīpeti, so hi apāyo ceva duggati ca sukhatō apētattā dukkhassa ca gatibhūtattā, na tu vinipāto, asurakāyasadisāṃ avinipātittā. Vinipātiggahaṇena asurakāyaṃ dīpeti. So hi yathāvuttēna atthēna apāyo ceva duggati ca sabbasamussayehi ca vinipātittā vinipātōti vuccati. Nirayaggahaṇena avīciādiānekappakāraṃ nirayameva dīpetīti. **Upapannāti** upagatā, tattha abhinibbattāti adhippāyo. Vuttavipariyāyena sukkapakkho vedītabbo. Ayaṃ pana viseso – tattha sugatiggahaṇena manussagatīpi saṅgayhati. Saggaggahaṇena devagatiyeva. Tattha sundarā gatīti **sugati**. Rūpādīhi visayehi suṭṭhu aggoti **saggo**. So sabbopi lujjanapalujjanatṭhēna **lokoti** ayaṃ vacanatto. **Iti dibbena cakkhunāti**ādi sabbāṃ nigamanavacanāṃ.

Evāṃ dibbena cakkhunā passatīti ayamettha saṅkhepattho – dibbacakkhuñāṇaṃ parittapaccuppannaajjhatabhāhiddhārammaṇavasēna catūsu ārammaṇesu pavattati. Yathākammūpagañāṇaṃ parittamahaggatāṭītaajjhatabhāhiddhārammaṇavasēna pañcasu ārammaṇesu pavattati. Anāgatamsañāṇaṃ parittamahaggataappamāṇamaggānāgataajjhatabhāhiddhānavattabbārammaṇavasēna aṭṭhasu ārammaṇesu pavattatīti.

Ākaṅkhamāno ca bhagavāti bhagavā icchamāno. **Ekampi lokadhātum passeyyāti** ekaṃ cakkavāḷaṃ olokeyya. **Sahassimpi cūlanikanti** ettha yāvata candimasūriyā pariharanti, disā bhānti virocāmānā, tāva sahasadhā loko, esā sahasicūlanikā nāma. **Cūlanikanti** khuddakaṃ. **Dvisahassimpi majjhimikaṃ lokadhātuntī** ettha sahasacakkavāḷaṇaṃ sahasabhāgena gaṇetvā dasasatasahasacakkavāḷaparimāṇā dvisahassī majjhimikā lokadhātu nāma. Ettakena buddhānaṃ jātikkhettaṃ nāma dassitaṃ. Bodhisattānañhi pacchimabhavē devalokato cavivā mātukucchiyaṃ paṭisandhiggahaṇadivase ca mātukucchito nikkhāmanadivase ca mahābhinnikkhāmanadivase ca sambodhidhammacakkapavattanaāyusaṅkhārossajjanaparinnibbānadivasesu ca ettakaṃ ṭhānaṃ kampati.

Tisahassimpi. Mahāsahassimpi lokadhātuntī sahasito paṭṭhāya tatiyāti tisahassī, paṭṭhamasahassim sahasadhā katvā gaṇitaṃ majjhimikaṃ sahasadhā katvā gaṇitattā mahantehi sahasēhi gaṇitāti mahāsahassī. Ettāvata koṭisatasahasacakkavāḷaparimāṇo loko dassito hoti. Gaṇakaputtatissatthero pana evamāha – “na hi tisahassimahāsahasilokadhātuyā etaṃ parimāṇaṃ. Idañhi ācariyānaṃ sajjhāyamūlakaṃ vācāya parihīnatṭhānaṃ, dasakoṭisatasahasacakkavāḷaparimāṇaṃ pana ṭhānaṃ tisahassimahāsahasilokadhātu nāmā”ti. Ettāvata hi bhagavato āṇākkhettaṃ nāma dassitaṃ. Etasmiñhi antare āṇāṇāṭiyaparitta- (dī. ni. 3.275 ādayo) isigiliparitta- (ma. ni. 3.133 ādayo) dhajaggaparitta- (saṃ. ni. 1.249) bojjhaṅgaparittakhandhaparitta- (a. ni. 4.67) moraparitta- (jā. 1.2.17-18) mettaparitta- (khu. pā. 9.1 ādayo; su. ni. 143 ādayo) ratanaparittānaṃ (khu. pā. 6.1 ādayo; su. ni. 224 ādayo) āṇā pharati.

Yāvatakaṃ vā pana ākaṅkheyyāti yattakaṃ vā iccheyya. Iminā visayakkhettaṃ dassitaṃ. Buddhānañhi visayakkhettaṃ pamāṇaparicchedo nāma natthi, natthikabhāve cassa imaṃ upamaṃ āharanti – koṭisatasahasacakkavāḷaṃ hi yāva brahmalokā sāsapehi pūretvā sace koci puratthimāya disāya ekacakkavāḷe ekaṃ sāsapaṃ pakkhipanto āgaccheyya, sabbepi te sāsapā parikkhayaṃ gaccheyyūṃ. Na tveva puratthimāya disāya cakkavāḷāni. Dakkhīṇādīsipi eseva nayo. Tattha buddhānaṃ avisaṃ nāma natthi. **Tāvatakaṃ passeyyāti** tattakaṃ olokeyya. Evāṃ parisuddhaṃ bhagavato dibbacakkhūti dibbacakkhukathaṃ niṭṭhāpesi.

Kathaṃ bhagavā paññācakkhunāpi vivaṭacakkhūti kenappakārena paññācakkhunā apihitacakkhu? **Mahāpañño puthupaññōti**ādikāṃ **tattha atirocati yadidaṃ paññāyāti** pariyoṣānaṃ heṭṭhā vuttatthameva.

Buddhacakkhunāti indriyaparopariyattañāṇena ca āsayānusayañāṇena ca. Imesaṃ dvinnaṃ ñāṇānaṃ buddhacakkhūti nāmaṃ, sabbāññūtaññāṇassa samantacakkhūti, tiṇṇaṃ maggaññāṇānaṃ dhammacakkhūti. **Lokaṃ volokento addasa satteti** satte addakkhi. **Apparajakkheti**ādisu yesaṃ vuttanayeneva paññācakkhūmi rāgādirajaṃ appaṃ, te **apparajakkhā**. Yesaṃ taṃ mahantaṃ, te **mahārajakkhā**. Yesaṃ saddhādīni indriyāni tikkhāni, te **tikkhindriyā**. Yesaṃ tāni mudūni, te **mudindriyā**. Yesaṃ teyeva saddhādayo ākāraṃ sundarā, te **svākārā**. Ye kathitakāraṇaṃ sallakkhenti, sukhena sakkā honti viññāpetuṃ te **suviññāpayā**. Ye paralokañceva vajjaṅca bhayato passanti, te **paralokavajjabhayadassāvino** nāma.

Uppaliniyanti uppalavane. Itaresupi eseva nayo. **Antonimuggaposīnīti** yāni antonimuggāneva posiyanti. **Udakaṃ accuggamma tiṭṭhanti** udakaṃ atikkamivā tiṭṭhanti. Tattha yāni yāni accuggamma ṭhitāni, tāni tāni sūriyarasamisamphassaṃ āgamayamānāni ṭhitāni ajja pupphanakāni. Yāni samodakaṃ ṭhitāni, tāni sve pupphanakāni. Yāni udakā anuggatāni antonimuggaposīni, tāni tatiyadivaseva pupphanakāni. Udakā pana anuggatāni aññānīpi sarogauppalāni nāma atthi, yāni neva puphissanti, macchakacchapabhakkhāneva bhavissanti, tāni pālīṃ nārūḷhāni, āharitvā pana dīpetabbānīti dīpitāni.

Yatheva hi tāni catubbidhapupphāni, evameva ugghaṭitaññū vipaṅcītaññū neyyo padaparamoti cattāro puggalā. Yassa puggalassa udāhaṭavelāya dhammābhisamayo hoti, ayaṃ vuccati puggalo **ugghaṭitaññū**. Yassa puggalassa saṃkhittēna bhāsītassa vitthāreṇa atthe vibhājyamāne dhammābhisamayo hoti, ayaṃ vuccati puggalo **vipaṅcītaññū**. Yassa puggalassa uddesato paripucchato yoniso manasikaroto kalyāṇamitte sevato bhajato payirupāsato dhammābhisamayo hoti, ayaṃ vuccati puggalo **neyyo**. Yassa puggalassa bahumpi suṇato bahumpi bhaṇato bahumpi dhārayato bahumpi vācato na tāya jātiyā dhammābhisamayo hoti, ayaṃ vuccati puggalo **padaparamo**. Tattha bhagavā uppalavanādisadisāṃ dasasahasilokadhātum olokento ajja pupphanakāni ugghaṭitaññū, sve pupphanakāni vipaṅcītaññūti evāṃ sabbākārato ca addasa. Tattha tiṇṇaṃ puggalānaṃ imasmīyeva attabhāve bhagavato dhammadesanā atthaṃ sādheti, padaparamānaṃ anāgatattāya vāsānaṃ hoti.

Rāgacaritotiādīsu rajjanavasena ārammaṇe caraṇaṃ etassa atthīti rāgacarito. Dussanavasena ārammaṇe caraṇaṃ etassa atthīti **dosacarito**. Muihanavasena ārammaṇe caraṇaṃ etassa atthīti **mohacarito**. Vītakkanavasena ūhanavasena ārammaṇe caraṇaṃ etassa atthīti **vitakkacarito**. Okappanasaddhāvasena ārammaṇe caraṇaṃ etassa atthīti **saddhacarito**. Nāṇameva caraṇaṃ, ñāṇena vā caraṇaṃ, ñāṇassa vā caraṇaṃ, ñāṇato vā caraṇaṃ etassa atthīti **ñāṇacarito**. **Rāgacaritassāti** rāgussadassa rāgabahulassa. Paratopi eseva nayo.

Asubhakathaṃ kathetīti uddhumātakādidasavidhaṃ asubhapaṭisaṃyuttakathaṃ ācikkhati. Vuttañhetuṃ – “asubhā bhāvetabbā rāgassa pahānāyā”ti (a. ni. 9.1). **Mettābhāvanam ācikkhatīti** mettābhāvanam cittasinehanam kathetī. Vuttañhetuṃ – “mettā bhāvetabbā byāpādassa pahānāyā”ti. **Uddeseti** sajjhāyane. **Paripucchāyāti** aṭṭhakathāya. **Kālena dhammassavaneti** yuttappattakāle uttari pariyaṭṭidhammassavane. **Dhammasākacchāyāti** aññehi saddhiṃ sākacchāya. **Garusaṃvāseti** garūnam payirupāsane. **Nivesetīti** ācariyaṇam santike patiṭṭhāpeti. **Ānāpānassatiṃ ācikkhatīti** ānāpānassatisampayuttakammaṭṭhānam kathetī. Vuttañhetuṃ – “ānāpānassati bhāvetabbā vitakkupacchedāyā”ti (a. ni. 9.1). **Pasādanīyam nimittam ācikkhatīti** cūḷavedalla- (ma. ni. 1.460 ādayo) mahāvedallā- (ma. ni. 1.449 ādayo) dipasādajanakam suttaṃ kathetī. **Buddhasubodhinti** buddhassa bhagaṇato buddhattapaṭivēdham. **Dhammasudhammatanti** navavidhalokuttaradhammassa svākkhātataṃ. **Saṅghasuppaṭipattinti** aṭṭhavidhaariyaṇassa suppaṭipannatādisuṭṭhupaṭipattim. **Silāni ca attanoti** attano santakasīlāni ca. **Ācikkhati vipassanānimittanti** udayabbayādipaṭisaṃyuttam kathetī. **Aniccākāranti** hutvā abhāvākāram. **Dukkhākāranti** udayabbayapaṭipīḷanākāram. **Anattākāranti** avasavattanākāram.

Sele yathā pabbatamuddhaniṭṭhitoti selamaye ekagghane pabbatamuddhani ṭhitova, na hi tattha ṭhitassa dassanattaṃ abhimukhe gīvukkhīpanapasāraṇādikkiccam atthi. **Tathūpamanti** tappaṭibhāgam selapabbatūpamaṃ. Ayaṃ panettha saṅkhepattho – yathā selapabbatamuddhanti ṭhitova cakkhunā puriso **samantato janatam** passeyya. **Sumedha** sundarapañña sabbaññutaññāṇena **samantacakkhu** bhagavā **dhammayam** paññāmayam **pāsadamāruya** sayam **apetasoko sokāvatiṇṇam jātijarābhīhūtaṇca janatam avekkhassu** upadhārayatu upaparikkhatu.

Ayaṃ panettha adhippāyo – yathā hi pabbatapādasāmantā mahantaṃ khettaṃ katvā tattha kedārapālīsu kuṭiyo katvā rattim aggim jāleyya, caturaṅgasamannāgataṇca andhakāram assa, atha tassa pabbatassa matthake ṭhatvā cakkhumato purisassa bhūmiṃ olokayato neva khettaṃ na kedārapālīyo na kuṭiyo na tattha sayitamanussā paññāyeyyūṃ, kuṭikāsu pana aggijālamattameva paññāyeyya. Evaṃ dhammapāsādam āruya sattakāyam olokayato tathāgatassa ye te akatakalyāṇā sattā, te ekavīhāre dakkhiṇajāṇupasse nisinnāpi buddhacakkhussa āpāthaṃ nāgacchanti, rattim khittasārā viya honti. Ye pana katakalyāṇā veneyyapuggalā, te evassa dūrepi ṭhitā āpāthaṃ gacchanti, te eva aggi viya himavantapabbato viya ca. Vuttampi cetam –

“Dūre santo pakāsenti, himavantaṃ pabbato;
Asantettha na dissanti, rattim khittā yathā sarā”ti. (dha. pa. 304; netti. 11);

Sabbaññutaññāṇanti ettha pañcaneypathappabhedam sabbam aññāsīti sabbaññū. Saṅkhatāsaṅkhatādibhedā sabbadhammā hi saṅkhāro vikāro lakkhaṇam nibbānam paññatīti pañceva neyyapathā honti. Sabbaññussa bhāvo sabbaññutā, sabbaññutā eva ñāṇam “sabbaññutaññāṇa”nti vattabbe “sabbaññutaññāṇa”nti vuttaṃ. Sabbaññūti ca kamasabbaññū sakimsabbaññū satatasabbaññū sattisabbaññū ñātasabbaññūti pañcavidhā sabbaññūno siyūṃ. Tesu kamena sabbajānanakālāsambhavato kamasabbaññutā na hoti, sakim sabbārammaṇaggahaṇābhāvato sakimsabbaññutā na hoti, cakkhuvīññādinam yathārammaṇacittasambhavato bhavaṅgacittavirodhato yuttīabhāvato ca satatasabbaññutā na hoti, parisato sabbajānanasamatthāyā sattisabbaññutā vā siyā, viditasabbadhammā ñātasabbaññutā vā, sattisabbaññūno sabbajānanattaṃ natthīti tampi na yujjati, “na tassa adīṭṭhamidhatthi kiñci...pe... samantacakkhū”ti vuttatā ñātasabbaññutā eva yujjati. Evañhi satī kiccato asammohato kāraṇasiddhito āvajjanapaṭibaddhato sabbaññutameva hotīti. **Tena ñāṇenāti** tena sabbajānanāñāṇena.

Puna aparena pariyaṇena sabbaññubhāvasādhanaṭṭhaṃ “**na tassā**”ti gāthamāha. Tattha **na tassa addīṭṭhamidhatthi kiñcīti** tassa tathāgatassa idha imasmim tedhātuke loke imasmim paccuppannakāle vā paññācakkhunā adīṭṭham nāma kiñci appamattakampi na atthi na saṃvijjati. **Atthīti** idaṃ vattamānakālikam ākhyātapadaṃ, iminā paccuppannakālikassa sabbadhammassa ñātabhāvaṃ dasseti. Gāthābandhasukhatthaṃ panettha **da-kāro** payutto. **Atho aviññātanti** ettha **athoti** vacanopādāne nipāto. **Aviññātanti** atītakālikam aviññātam nāma kiñci dhammajātam nāhosīti pāṭhaseso. Abyayabhūtassa **atthi-saddassa** gahaṇe pāṭhasesaṃ vināpi yujjatiyeva. Iminā atītakālikassa sabbadhammassa ñātabhāvaṃ dasseti. **Ajānitabbanti** anāgatakālikam ajānitabbaṃ nāma dhammajātam na bhavissati natthīti. Iminā anāgatakālikassa sabbadhammassa ñātabhāvaṃ dasseti. Jānanakiriyāvisesamattameva vā ettha **a-kāro**. **Sabbam abhiññāsi yadatthi neyyanti** ettha yaṃ tekālikam vā kālavinimuttam vā neyyam jānitabbaṃ kiñci dhammajātam atthi, tam sabbam tathāgato abhiññāsi adhikena sabbaññutaññāṇena jāni paṭivijjhi, ettha **atthi-saddena** tekālikassa kālavinimuttassa ca gahaṇā **atthi-saddo** abyayabhūtoyeva daṭṭhabbo. **Tathāgato tena samantacakkhūti** kālavasena okāsavasena ca nippadesatā samantā sabbato pavattaṃ ñānacakkhu assāti samantacakkhu, tena yathāvuttena kāraṇena tathāgato samantacakkhu sabbaññūti vuttaṃ hoti. Imissā gāthāya puggalādhiṭṭhāyā desanāya sabbaññutaññāṇam sādhitam.

Na itihitanti “evaṃ kira āsi, evaṃ kira āsī”ti na hoti. **Na itikirāyāti** “evaṃ kira eta”nti na hoti. **Na paramparāyāti** paramparakathāyāpi na hoti. **Na piṭakasampadāyāti** amhākam piṭakatantiyā saddhiṃ sametīti na hoti. **Na takkahetūti**

takkaggāhenapi na hoti. **Na ākāraparivitakkenāti** “sundaramidaṃ kāraṇa”nti evaṃ kāraṇaparivitakkenapi na hoti. **Na diṭṭhinijjhānakkhantiyāti** amhākaṃ nijjhāyitvā khamitvā gahitadiṭṭhiyā saddhiṃ sametītipi na hoti.

Atha vāpi samādhinti ettha **samādhinti** kusalacittkekaggatā samādhi. Kenatthena samādhīti? Samādhānatthena. Kimidaṃ samādhānaṃ nāma? Ekārammaṇe cittaetasikānaṃ samaṃ sammā ca ādhānaṃ, tapananti vuttaṃ hoti. Tasmā yassa dhammassa ānubhāvena ekārammaṇe cittaetasikā samaṃ sammā ca avikkhippamānā avippakiṇṇā ca hutvā tiṭṭhanti, idaṃ samādhānanti veditabbaṃ. Tassa kho pana samādhissa –

“Lakkhaṇaṃ tu avikkhepo, vikkhepaddhamāsaṇaṃ raso;
Akampanamupaṭṭhānaṃ, padaṭṭhānaṃ sukhaṃ pana”. (paṭi. ma. aṭṭha. 1.1.3);

Samādhi anāvilaacalabhāvena ārammaṇe tiṭṭhatīti **ṭhīti**. Parato padadvayaṃ upasaggavasena vaḍḍhitaṃ. Api ca sampayuttadhamme ārammaṇaṃhi sampiṇḍetvā tiṭṭhatīti **saṅghīti**. Ārammaṇaṃ ogāhetvā anupavisitvā tiṭṭhatīti **avaṭṭhīti**. Kusalapakkhasmiṃhi cattārova dhammā ārammaṇaṃ ogāhanti saddhā sati samādhi paññāti. Teneva saddhā “okappanā”ti vuttā, sati “apilāpanatā”ti, samādhi “avaṭṭhīti”ti, paññā “pariyogāhanā”ti. Akusalapakkhe pana tayo dhammā ārammaṇaṃ ogāhanti taṇhā diṭṭhi avijjāti. Tenevete “oghā”ti vuttā. Cittekkaggatā panettha na balavatī hoti. Yathā hi rajuttāhānatthāne udakena siñcitvā sammatṭhe thokameva kālaṃ rajo sannisīdati, sukkhante sukkhante puna pakatibhāveneva vuṭṭhāti, evameva akusalapakkhe cittekkaggatā na balavatī hoti.

Uddhaccavicikicchāvasena pavattassa visāhārassa paṭipakkhato **avisāhāro**. Uddhaccavicikicchāvaseneva gacchantāṃ cittaṃ vikkhipatī nāma. Ayaṃ pana tathāvidho vikkhepo na hotīti **avikkhepo**. Uddhaccavicikicchāvaseneva cittaṃ visāhaṭaṃ nāma hoti, ito cito ca harīyati, ayaṃ pana evaṃ avisāhaṭamānasassa bhāvoti **avisāhaṭamānasatā**. **Samathoti** tividho samatho cittasamatho adhikaraṇasamatho sabbasaṅkhārasamathoti. Tattha aṭṭhasu samāpattīsu cittekkaggatā **cittasamatho** nāma. Tañhi āgamma cittaalanāṃ cittavipphanditaṃ sammāti vūpasammāti, tasmā so “cittasamatho”ti vuccati. Sammukhāvīnāyādisattavidho samatho **adhikaraṇasamatho** nāma. Tañhi āgamma tāni tāni adhikaraṇāni sammānti vūpasammānti, tasmā so “adhikaraṇasamatho”ti vuccati. Yasmā pana sabbe saṅkhārā nibbānaṃ āgamma sammānti vūpasammānti vūpasammānti, tasmā taṃ “sabbasaṅkhārasamatho”ti vuccati. Imasmiṃ atthe cittasamatho adhippeto. Samādhilakkhaṇe indaṭṭhaṃ kāretīti **samādhindriyaṃ**. Uddhacce na kampatīti **samādhibalaṃ**. **Sammāsamādhīti** yāthāvasamādhi niyyānikasamādhi.

157. Athassa bhagavā yasmā indriyaṣaṃvaro sīlassa rakkhā, yasmā vā iminānukkamena desiyamānā ayaṃ desanā tāsāṃ devatānaṃ sappāyā, tasmā indriyaṣaṃvarato pabhutī paṭipadaṃ dassento “**cakkhūhi**”tiādi āradhdo. Tattha **cakkhūhi neva lolassāti** aditṭhadakkhitabbādivasena cakkhūhi lolo neva assa. **Gāmakathāya āvaraye sotanti** tiracchānakathāya sotāṃ āvareyya.

Cakkhuloliyenāti cakkhudvāre uppānalolavasena cakkhuloliyena. **Aditṭhaṃ dakkhitabbanti** aditṭhapubbaṃ rūpārammaṇaṃ passitūṃ yuttaṃ. **Diṭṭhaṃ samatikkamittabbanti** diṭṭhapubbarūpārammaṇaṃ atikkamitūṃ yuttaṃ. **Ārāmena ārāmani** pupphārāmadārāmena phalārāmadāṃ vā pupphārāmadāṃ vā. **Dīghacārikanti** dīghacaraṇaṃ. **Anavaṭṭhitacārikanti** asanniṭṭhānacaraṇaṃ. **Anuyutto hoti rūpadassanāyāti** rūpārammaṇadassanattāyā punappunaṃ yutto hoti.

Antaragharāṃ pavitṭhoti ummārabbhantaraṃ pavitṭho. **Vīthiṃ paṭipanno**ti antaravīthiṃ otiṇṇo. **Gharamukhāni oloketoti** gharadvārāni avalokento. **Uddhaṃ ulloketoti** uparidisaṃ uddhammukho hutvā vilokento.

Cakkhunā rūpaṃ disvāti kāraṇavasena cakkhūti laddhavohārena rūpadassanasamatthena cakkhuvīññānena rūpaṃ disvā. Porāṇā panāhu – “cakkhu rūpaṃ na passati acittakattā, cittaṃ na passati acakkhukattā. Dvārārammaṇasaṅghaṭṭe pana pasādavattukena cittaṃ passati. Īdisī panesā ‘dhanunā vijjhātī’tiādisu viya sasambhārakathā nāma hoti. Tasmā cakkhuvīññānena rūpaṃ disvāti ayametta attho”ti. **Nimittaggāhīti** itthipurisanimittāṃ vā subhanimittādikāṃ vā kilesavattubhūtaṃ nimittāṃ chandarāgavasena gaṇhāti, diṭṭhamatteyeva na saṅghāti. **Anubyañjanaggāhīti** kilesānaṃ anuanubyañjanato pākābhāvakarāṇato anubyañjananti laddhavohāraṃ hatthapādasitahasitakathitālokitavilokitādibhedāṃ ākāraṃ gaṇhāti. **Yatvādhikaraṇamenanti**ādimhi yaṃkāraṇā yassa cakkhundriyaṣaṃvarassa hetu eṭaṃ puggalaṃ satikavāṭena cakkhundriyaṃ **asaṃvutaṃ** apihitacakkhudvāraṃ hutvā viharantaṃ ete abhijjhādayo dhammā **anvāssaveyyuṃ** anuppabandheyyuṃ ajjhotthareyyuṃ. **Tassa saṃvarāya na paṭipajjati**ti tassa cakkhundriyassa satikavāṭena pidahanattāyā na paṭipajjati. Evaṃbhūtoyeva ca **na rakkhati cakkhundriyaṃ**. **Na cakkhundriye saṃvaraṃ āpajjati**tipi vuccati. Tattha kiñcāpi cakkhundriye saṃvaro vā asaṃvaro vā natthi. Na hi cakkhupasādaṃ nissāya sati vā muṭṭhassaccaṃ vā uppajjati. Apica yadā rūpārammaṇaṃ cakkhussa āpāthaṃ āgacchati, tadā bhavaṅge dvikkhattuṃ uppajjitvā niruddhe kiriyāmanodhātu āvajjanakiccaṃ sādhayamānā uppajjitvā nirujjhati, tato cakkhuvīññānaṃ dassanakiccaṃ, tato manodhātu sampaṭicchanakiccaṃ, tato vipākāhetukamanovīññānadhātu santīraṇakiccaṃ, tato kiriyāhetukamanovīññānadhātu voṭṭhabbanakiccaṃ sādhayamānā uppajjitvā nirujjhati, tadanantaraṃ javanaṃ javati.

Tatrāpi neva bhavaṅgasamaye na āvajjanādīnaṃ aññatarasamaye saṃvaro vā asaṃvaro vā atthi. Javanakkhaṇe pana sace dussīlyāṃ vā muṭṭhassaccaṃ vā aññānaṃ vā akkhanti vā kosajjaṃ vā uppajjati, asaṃvaro hoti. Evaṃ honto pana so “cakkhundriye asaṃvaro”ti vuccati. Kasmā? Yasmā tasmīṃ asaṃvare sati dvārampi aguttaṃ hoti, bhavaṅgampi

āvajanādīnīpi vīthiccittāni. Yathā kiṃ? Yathā nagare catūsu dvāresu asaṃvutesu kiñcāpi antogharadvārakoṭṭhakagabbhādayo saṃvutā, tathāpi antonagare sabbaṃ bhaṇḍaṃ arakkhitaṃ agopitameva hoti. Nagaradvārena hi pavisitvā corā yadicchanti taṃ kareyyuṃ, evameva javane dussilyādīsu uppannesu tasmīṃ asaṃvare sati dvārampi aguttaṃ hoti bhavaṅgampi āvajjanādīnīpi vīthiccittāni.

Saddhādeyyānīti kammañca phalañca idhalokañca paralokañca saddahitvā dinnāni. “Ayaṃ me ñātīti vā, mittoti vā, idaṃ vā paṭikarissati, idaṃ vānena katapubba”nti vā evaṃ na dinnānīti attho. Evaṃ dinnāni hi na saddhādeyyāni nāma honti. **Bhojanānīti** ca desanāsīsamattametam, atthato pana saddhādeyyāni bhojanāni bhuñjitvā cīvarāni pārupitvā senāsanāni sevamānā gilānapaccayabhesajjaṃ paribhuñjamānīti sabbametaṃ vuttameva hoti.

Seyyathidanti nipāto. Tassattho, katamo hoti. **Naccaṃ** nāma yaṃkiñci naccaṃ, taṃ maggaṃ gacchanteṇāpi gīvaṃ pasāretvā daṭṭhuṃ na vaṭṭati. **Gītanti** yaṃkiñci gītaṃ. **Vādīanti** yaṃkiñci vāditaṃ. **Pekkhanti** naṭasamajjaṃ. **Akkhānanti** bhāratarāmāyanādikaṃ. Yasmiṃ ṭhāne kathīyati, tattha gantumpi na vaṭṭati. **Pāṇissaranti** kamsatālaṃ, “pānitāla”ntipi vadanti. **Veṭāṇanti** ghanatālaṃ, “mantena matasarīruṭṭhāpana”ntipi eke. **Kumbhathūṇanti** caturassaambaṇakatālaṃ, “kumbhasadda”ntipi eke. **Sobhanakanti** naṭānaṃ abbhokkīraṇaṃ; sobhanakaraṃ vā, paṭibhānacittanti vuttaṃ hoti. **Caṇḍālanti** ayogulaḱāṭā, “caṇḍālānaṃ sāṇadhovanakīṭā”ntipi vadanti. **Vaṃsanti** veṇuṃ ussāpetvā kīḷanaṃ.

Dhovananti aṭṭhidhovaṇaṃ, ekaccesu kira janapadesu kālaṅkate ñātake na jhāpenti, nikkhaṇitvā ṭhapenti. Atha tesam pūtibhūtaṃ kāyaṃ ñatvā nīharitvā aṭṭhīni dhovitvā gandhehi makkhetvā ṭhapenti. Te nakkhattakāle ekasmiṃ ṭhāne aṭṭhīni ṭhapetvā ekasmiṃ ṭhāne surādīni ṭhapetvā rodantā paridevantā suraṃ pivanti. Vuttampi cetam “atthi bhikkhave dakkhiṇesu janapadesu dhovaṇaṃ nāma, tattha hoti annampi pānampi khajjampi bhojjampi leyyampi peyyampi naccampi gītampi vādīampi. Atthekaṃ bhikkhave dhovaṇaṃ, netam natthīti vadāmi”ti (a. ni. 10.107). Ekacce pana “indajālena aṭṭhidhovaṇaṃ dhovana”nti vadanti. **Hatthiyuddhādīsu** bhikkhuno neva hatthiādīhi saddhiṃ yujjhituṃ, na te yujjhāpetuṃ, na yujjhante daṭṭhuṃ vaṭṭati. **Nibbuddhanti** mallayuddhaṃ. **Uyyodhikanti** yattha sampahāro diyyati. **Balagganti** balagaṇanaṭṭhānaṃ. **Senābyūhanti** senāniveso, sakatābyūhādivasena senāya nivesanaṃ. **Anīkadassananti** “tayo hatthī pacchimaṃ hatthānīka”ntiādīnā (pāci. 324) nayena vuttassa anīkassa dassanaṃ.

Na nimittaggāhī hofīti chandarāgavasena vuttappakāraṃ nimittaṃ na gaṇhāti. Evaṃ sesapadānīpi vuttapaṭipakkhanayena vedītabbāni. Yathā ca heṭṭhā javane dussilyādīsu uppannesu tasmīṃ asaṃvare sati dvārampi aguttaṃ hoti, bhavaṅgampi āvajjanādīnīpi vīthiccittānīti vuttaṃ, evamidha tasmīṃ sīlādīsu uppannesu dvārampi guttaṃ hoti, bhavaṅgampi āvajjanādīnīpi vīthiccittāni. Yathā kiṃ? Yathā nagaradvāresu saṃvutesu kiñcāpi antogharādayo asaṃvutā honti, tathāpi antonagare sabbaṃ bhaṇḍaṃ surakkhitaṃ sugopitameva hoti, nagaradvāresu pihitesu corānaṃ paveso natthi. Evameva javane sīlādīsu uppannesu dvārampi guttaṃ hoti, bhavaṅgampi āvajjanādīnīpi vīthiccittāni. Tasmā javanakkhaṇe uppajjamānopi “cakkhundriye saṃvaro”ti vutto. Ito paraṃ heṭṭhā ca upari ca vuttapariyāyena attho vedītabbo.

Viśūkadassanāti paṭāṇīdassanato. **Gāmakathāti** gāmaṃvāsīnaṃ kathā. **Bāttīmsāti** dvattīmsa. Aniyyānikattā saggamokkhamaggānaṃ tiracchānabhūtā kathāti **tiracchānakathā**. Tattha rājānaṃ ārabha “mahāsammato mandhātā dhammāsoko evaṃ mahānubhāvo”tiādīnā nayena pavattā kathā **rājakathā**. Esa nayo **corakathā**dīsu. Tesu “asuko rājā abhirūpo dassanīyo”tiādīnā nayena gehassitakathāva tiracchānakathā hoti. “Sopi nāma evaṃ mahānubhāvo khayam gato”ti evaṃ pavattā pana kammaṭṭhānabhāve tiṭṭhati. Coresupi “mūladevo evaṃ mahānubhāvo, meghamālo evaṃ mahānubhāvo”ti tesam kammaṃ paṭicca “aho sūrā”ti gehassitakathāva tiracchānakathā. Yuddhepi bhāratayuddhādīsu “asukena asuko evaṃ mārito evaṃ viddho”ti kāmassādaseneva kathā tiracchānakathā. “Tepi nāma khayam gatā”ti evaṃ pavattā pana sabbattha kammaṭṭhānameva hoti.

Api ca annādīsu “evaṃ vaṇṇavantaṃ gandhavantaṃ rasavantaṃ phassasampannaṃ khādimha bhuñjīma pivimha paribhuñjīma”ti kāmassādasena kathetuṃ na vaṭṭati, sātthakaṃ pana katvā “pubbe evaṃ vaṇṇādisampannaṃ annaṃ pānaṃ vatthaṃ sayanaṃ mālaṃ gandhaṃ sīlavantānaṃ adamha, cetiyapūjjaṃ akarimhā”ti kathetuṃ vaṭṭati. **Ñātikathādīsu** pana “amhākaṃ ñātakā sūrā samatthā”ti vā, “pubbe mayaṃ evaṃ vicitrehi yānehi vicarimhā”ti vā assādasena vattuṃ na vaṭṭati, sātthakaṃ pana katvā “tepi no ñātakā khayam gatā”ti vā, “pubbe mayaṃ evarūpā upāhanā saṅghassa adamhā”ti vā kathetuṃ vaṭṭati. Gāmakathāpi sunivīṭṭhadunnivīṭṭhasubhikkhadubbhikkhādivasena “asukagāmaṃvāsīno sūrā samatthā”ti vā evaṃ assādasena vattuṃ na vaṭṭati, sātthakaṃ pana katvā “saddhā pasannā”ti vā, “khayavayaṃ gatā”ti vā vattuṃ vaṭṭati.

Nigamanagarajanapadakathāsupi eseva nayo. Itthikathāpi vaṇṇasaṅṭhānādīni paṭicca assādasena na vaṭṭati, “saddhā pasannā, khayavayaṃ gatā”ti evameva vaṭṭati. **Sūrakathāpi** “nandimitto nāma yodho sūro ahoṣī”ti assādasena na vaṭṭati. “Saddho ahoṣī, khayavayaṃ gato”ti evameva vaṭṭati. **Viśikhākathāpi** “asukā viśikhā sunivīṭṭhā dunnivīṭṭhā sūrā samatthā”ti assādasena na vaṭṭati. “Saddhā pasannā, khayavayaṃ gatā”iceva vaṭṭati.

Kumbhathūṇakathāti udakathūṇakathā, “udakatthakathā”ntipi vuccati, kumbhadāsīkathā vā. Sāpi “pāsādikā, naccitūṃ gāyitūṃ chekā”ti assādasena na vaṭṭati, “saddhā pasannā”tiādīnā nayena vaṭṭati. **Pubbapetakathāti** atītañātikathā. Tattha vattamānāñātikathāsādisova vinicchayo.

Nānattakathāti purimpacchimakathāhi vimuttā avasesā nānāsabhāvā niratthakathā. **Lokakkhāyikāti** “ayaṃ loko kena

nimmito? Asukena nāma nimmito. Kāko seto aṭṭhīnaṃ setattā, balākā rattā lohitaṃ rattattā”ti evamādikā lokāyatavitaṇḍasallāpakathā.

Samuddakkhāyikā nāma kasmā samuddo sāgaro? Sāgaradevena khatattā sāgaro, “khato me”ti hatthamuddāya sayāṃ niveditattā samuddoti evamādikā niratthakā samuddakkhānakathā. **Bhavoti** vuddhi. **Abhavoti** hāni. Iti bhavo iti abhavoti yaṃ vā taṃ vā niratthakakāraṇaṃ vatvā pavattitakathā **itibhavābhavakathā**.

Āvareyyāti āvaraṇaṃ kareyya. **Nivāreyyāti** ārammaṇato vāreyya. **Samvareyyāti** sammā nissesaṃ katvā vāreyya. **Rakkheyyāti** rakkhaṃ kareyya. **Gopeyyāti** saṃgopeyya. **Pidaheyyāti** pidhanaṃ kareyya. **Pacchindeyyāti** sotaṃ chindeyya.

Tena tena na tussantīti tena tena ambulādīnā rasena na santosaṃ āpajjanti. **Aparāparaṃ pariyesantīti** uparūpari gavesanti.

158. Phassenāti rogaphassena. **Bhavañca nābhijapeyyāti** tassa phassassa vinodanathāya kāmabhavādhivahañca na pattheyya. **Bheravesu ca na sampavedheyyāti** tassa phassassa paccayabhūtesu sīhabyagghādisu bheravesu ca na sampavedheyya, avasesu vā ghānindriyamanindriyavisayesu na sampavedheyya. Evaṃ paripūro indriyasamvaro ca vutto hoti. Purimehi vā indriyasamvaraṃ dassetvā iminā “araññe vasatā bheravaṃ disvā vā sutvā vā nappavedhitabba”nti dasseti.

Ekenākārenāti ekena kāraṇena. **Bhayampi bheravampi taññevāti** bhayanti ca bheravanti ca khuddakampi mahantampi uttāsanimitameva. Tamevatthaṃ dassetuṃ “**vuttaṃ heta**”ntiādimāha. **Bhayanti** tappaccayā uppannabhayaṃ. **Bhayānakanti** ākāraniddeso. **Chambhitattanti** bhayavasena gattacalanāṃ. **Lomahaṃsoti** lomānaṃ haṃsanaṃ uddhaggabhāvo. Iminā padadvayena kiccato bhayaṃ dassetvā puna “**cetaso ubbego utrāso**”ti sabhāvato dasseti. **Ubbegoti** bhīruko, **utrāso**ti cittakkhobho. **Jātibhayanti** jātiṃ paṭicca uppannabhayaṃ. Sesesupi eseva nayo. Rājato uppannabhayaṃ **rājabhayaṃ**. Sesesupi eseva nayo. **Attānuvādabhayanti** pāpakammino attānaṃ anuvadantassa uppajjanakabhayaṃ. **Parānuvādabhayanti** parassa anuvādato uppajjanakabhayaṃ.

Daṇḍabhayanti āgārikassa raññā pavattitadaṇḍaṃ, anāgārikassa vinayadaṇḍaṃ paṭicca uppajjanakabhayaṃ. **Duggatibhayanti** cattāro apāye paṭicca uppajjanakabhayaṃ. **Ūmibhayanti** mahāsamudde udakaṃ orohantassa pavattabhayaṃ. Mahāsamudde kira mahindavīci nāma saṭṭhi yojanāni uggacchati, taraṅgavīci nāma paṇṇāsa yojanāni, rohaṇavīci nāma cattālīsa yojanāni uggacchati. Evarūpā ūmiyo paṭicca pavattaṃ ūmibhayaṃ. Kumbhīlato pavattaṃ bhayaṃ **kumbhīlabhayaṃ**. Udakāvattato bhayaṃ **āvattabhayaṃ**. Susukā vuccati caṇḍamaccho, tato bhayaṃ **susukābhayaṃ**. **Ājīvikabhayanti** jīvitavuttito bhayaṃ ājīvikabhayaṃ. **Asilokabhayanti** garahato bhayaṃ.

159. Laddhā na sannidhiṃ kayirāti etesaṃ annādīnaṃ yaṃkiñci dhammena labhitvā “araññe ca senāsane vasatā dullabha”nti cintetvā sannidhiṃ na kareyya.

Odanoti sāli vīhi yavo godhumo kaṅgu varako kudrūsakoti sattannaṃ dhaññānaṃ dhaññānulomānañca taṇḍulehi nibbatto. **Kummāsoti** yavehi nibbatto. **Sattūti** sāliādīhi katasattu. **Maccho** dakasambhavo. **Mamsaṃ** pākāmeva. **Ambapānanti** āmehi vā pakkehi vā ambehi katapānaṃ. Tattha āmehi karontena ambataruṇāni bhinditvā udake pakkhipitvā ātape ādiccapākena pacitvā parissāvetvā tadahu paṭiggahitehi madhusakkarakappūrādīhi yojetvā kātabbaṃ. **Jambupānanti** jambuphalehi katapānaṃ. **Cocapānanti** aṭṭhikehi kadaliphalehi katapānaṃ. **Mocapānanti** anaṭṭhikehi kadaliphalehi katapānaṃ. **Madhukapānanti** madhukānaṃ jātirasena katapānaṃ. Taṃ pana udakasambhinnaṃ vaṭṭati, suddhaṃ na vaṭṭati. **Muddikapānanti** muddikā udake madditvā ambapānaṃ viya katapānaṃ. **Sālūkapānanti** rattuppalanīluppalādīnaṃ sālūke madditvā katapānaṃ. **Phārusakapānanti** phārusakehi ambapānaṃ viya katapānaṃ. **Kosambapānanti** kosambaphalehi katapānaṃ. **Kolapānanti** kolaphalehi katapānaṃ. **Badarapānanti** mahākolaphalehi ambapānaṃ viya katapānaṃ. Imāni ekādasa pānāni, tānipi ādiccapākāni vaṭṭanti.

Ghatapānanti sappipānaṃ. **Telapānanti** tilatelādīnaṃ pānaṃ. **Payopānanti** khīrapānaṃ. **Yāgupānanti** sītalādīyāgupānaṃ. **Rasapānanti** sākādirasapānaṃ. **Piṭṭhakhajjakanti** sattannaṃ tāva dhaññānaṃ dhaññānulomānaṃ aparāṇānañca piṭṭhaṃ panasaṃpiṭṭhaṃ labujapiṭṭhaṃ ambāṭakapiṭṭhaṃ sālapīṭṭhaṃ khīravallipiṭṭhañcāti evamādīnaṃ piṭṭhehi kataṃ piṭṭhakhajjakam. **Pūvakhajjakanti** etehiyeva kataṃ. **Mūlakhajjakanti** mūlakamūlaṃ khārakamūlaṃ cuccumūlanti evamādi. **Tacakhajjakanti** ucchutacādayo. **Pattakhajjakanti** nimbapaṇṇakuṭajapaṇṇapaṭolapaṇṇasulasapaṇṇādayo. **Pupphakhajjakanti** mūlakapupphakhārakapupphasetavaraṇasigguuppalapadumakādayo. **Phalakhajjakanti** panasalabujatālānāṅkeraambāṭakatintiṅkamātulūṅgakaṃpiṭṭhaphalaalābukumbhaṇḍaphussa-phalatiṃbarūsakatilavāṅgingaṇacocamocamadhukādīnaṃ phalānaṃ khajjakam.

Na kuhanāyāti na vimhāpanāya. **Na lapanāyāti** paccayatthaṃ na lapanāya. Vihāraṃ āgate manusse disvā “kimatthāya bhonto āgatā”ti bhikkhū nimantetunti. “Yadi evaṃ gacchatha, ahaṃ pacchato gahetvā āgacchāmi”ti evaṃ na lapanāya. Atha vā attānaṃ upanetvā “ahaṃ tisso, mayi rājā pasanno, mayi asuko rājā asuko ca rājamahāmatto pasanno”ti evaṃ na lapanāya. **Na nemittikatāyāti** yena kenaci paresaṃ paccayadānaññājanakena kāyavacīkammaena na nemittikatāya. **Na nippesikatāyāti** yā paresaṃ akkosanādikiriya yasmā veḷupesikā viya abhahaṅgaṃ parassa guṇaṃ nippeseti nipuñchati, yasmā vā gandhajātaṃ nipisitvā gandhamagganā viya paraguṇe nipisitvā vicuṇṇetvā esā lābhagganā hoti, tasmā “nippesikatā”ti vuccati. Na

evarūpāya nippesikatāya. **Na lābhena lābham nijigīsanatāyāti ettha nijigīsanatāti** magganā, aññato laddhañhi aññattha haraṇavasena lābhena lābhamagganā nāma hoti. Na evarūpāya lābhena lābhamagganāya.

Na dārūdānenāti na paccayahetukena dārūdānena vihāre utṭhitañhi araññato vā āharitvā rakkhitagopitadāruṃ “evaṃ me paccayaṃ dassanti”ti upatṭhākānaṃ dātuṃ na vaṭṭati. Evañhi jīvikaṃ kappento anesanāya micchājīvena jīvati, so ditṭheva dhamme garaḥaṃ pāpuṇāti, samparāye ca apāyaparipūrako hoti. Attano puggalikaṃ dāruṃ kusalaṅgahatthāya dadanto kuladūsakadukkaṭaṃ āpajjati, parapuggalikaṃ theyyacittena dadanto bhaṇḍagghena kāretabbo. Saṅghikepi eseva nayo. Sace pana taṃ issaratāya deti, garubhaṇḍavissajjanaṃ āpajjati. Kataraṃ pana dāru garubhaṇḍaṃ hoti, kataraṃ na hotīti? Yaṃ tāva aropimaṃ sayamaṃjātaṃ, taṃ saṅghena paricchinnatṭhāneyeva garubhaṇḍaṃ, tato paraṃ na garubhaṇḍaṃ. Ropimatṭhāne ca sabbena sabbhaṃ garubhaṇḍaṃ, pamāṇato sūcidaṇḍakappamāṇaṃ garubhaṇḍaṃ.

Na veḷudānenātiādisupi **na veḷudānenāti** na paccayahetukena veḷudānenātiādi sabbhaṃ na dārūdānenāti ettha vuttanayeneva veditabbaṃ. Veḷu pana pamāṇato telanālippamāṇo garubhaṇḍaṃ, na tato heṭṭhā. Manussā vihāraṃ gantvā veḷuṃ yācanti, bhikkhū “saṅghiko”ti dātuṃ na visahanti, manussā punappunaṃ yācanti vā tājenti vā, tadā bhikkhūhi “daṇḍakammaṃ katvā gaṇhathā”ti vattuṃ vaṭṭati, veḷudānaṃ nāma na hoti. Sace te daṇḍakammaṃtṭhāya vāsipharasuādīni vā khādanīyaṃ vā bhojanīyaṃ vā denti, gahetuṃ na vaṭṭati.

Vinayaṭṭhakathāyaṃ pana “daḍḍhagehā manussā gaṇhitvā gacchantā na vāretabbā”ti vuttaṃ. Sace saṅghassa veḷugumbe veḷudūsikā uppajjati, taṃ akoṭṭāpentānaṃ veḷu nassati. “Kiṃ kātappa”nti bhikkhācāre manussānaṃ ācikkhitabbaṃ. Sace koṭṭetuṃ na icchanti, “samaṃ bhāgaṃ labhissathā”ti vattabbā. Na icchantiyeva, “dve koṭṭhase labhissathā”ti vattabbā. Evampi anicchantesu natṭhena attho natthi, “tumhākaṃ khaṇe sati daṇḍakammaṃ karissatha, koṭṭetvā gaṇhathā”ti vattabbā, veḷudānaṃ nāma na hoti. Veḷugumbe aggimhi utṭhitepi udakena vuyhamānaveḷūsipi eseva nayo.

Pattadāne garubhaṇḍatāya ayaṃ vinicchayo – pattampi hi yattha vikkāyati, gandhakārādayo gandhapalivethānādīnaṃ atthāya gaṇhanti, tādisa dullabhatṭhāneyeva garubhaṇḍaṃ hoti. Esa tāva kiṃsukapattakaṇṇaṇḍanāṇālapattādīsu vinicchayo. Tālapaṇṇampi imasmiṃyeva ṭhāne kathetabbaṃ – tālapaṇṇampi hi sayamaṃjāte tālavane saṅghena paricchinnatṭhāneyeva garubhaṇḍaṃ, na tato paraṃ, ropimatālesu sabbampi garubhaṇḍaṃ, tassa pamāṇaṃ heṭṭhimakoṭṭiyā atṭhaṅgulappamāṇopi rittapotthako. Tiṇampi ettheva pakkhipitvā kathetabbaṃ. Yattha pana tiṇaṃ natthi, tattha tālanāḷikerapaṇṇādīhipi chādentī. Tasmā tānīpi tiṇeneva saṅgahitāni. Iti muṇḍapalālādīsu yaṃkiñci muṭṭhippamāṇaṃ tiṇaṃ. Nāḷikerapaṇṇādīsu ca ekapaṇṇampi saṅghassa dīnaṃ vā tattha jātaṃ vā bahiārāme saṅghassa tiṇavatthumhi jātatīnaṃ vā rakkhitagopitaṃ vā garubhaṇḍaṃ hoti. Taṃ pana saṅghakamme ca cetiyakamme ca kate atirekaṃ puggalīkakamme dātuṃ vaṭṭati. Heṭṭhā vuttadāruveḷūsipi eseva nayo.

Pupphadāne “ettakesu rukkhesu pupphāni vissajjivā yāgubhattatṭhāya upanentu, ettakesu senāsanapaṭisaṅkharāṇe upanentu”ti evaṃ niyamitṭhāneyeva pupphāni garubhaṇḍāni honti. Yadi sāmaṇerā pupphāni ocinitvā rāsīṃ karonti, pañcaṅgasamannāgato pupphabhājako bhikkhu bhikkhusaṅghaṃ gaṇetvā koṭṭhase karoti. So sampattaparīsāya saṅghaṃ anāpucchitvā dātuṃ labhati. Asammatena pana āpucchitvā dātābbaṃ. Bhikkhuno pana kassa pupphāni dātuṃ labbhati, kassa na labbhatīti? Mātāpitūnaṃ gehaṃ haritvāpi gehato pakkosāpetvāpi “vatthupūjaṃ karoṭhā”ti dātuṃ labbhati, piḷandhanatṭhāya na labbhati. Sesañātīnaṃ pana haritvā na dātābbaṃ, pakkosāpetvā pūjanatṭhāya dātābbaṃ. Sesajanassa pūjanatṭhānaṃ sampattassa apaccāsīsentena dātābbaṃ, pupphadānaṃ nāma na hoti.

Vihāre bahūni pupphāni pupphanti, bhikkhunā piṇḍāya carantena manusse disvā “vihāre bahūni pupphāni pūjethā”ti vattābbaṃ, vacanamatte doso natthi, “manussā khādanīyabhojanīyaṃ ādāya āgamissanti”ti cittena pana na vattābbaṃ. Sace vadati, khādanīyabhojanīyaṃ na paribhuñjītabbaṃ. Manussā attano dhammatāya “vihāre pupphāni atthi”ti pucchitvā “asukadivase vihāraṃ āgamissāma, sāmaṇerānaṃ pupphāni ocinituṃ mā dethā”ti vadanti. Bhikkhu sāmaṇerānaṃ kathetuṃ pamuṭṭho, sāmaṇerehi pupphāni ocitāni, manussā bhikkhuṃ upasaṅkamitvā mayaṃ tumhākaṃ asukadivase evaṃ ārocayimha “sāmaṇerānaṃ pupphāni ocinituṃ mā dethā”ti, kasmā na vārayitṭhāti? “Sati me pamuṭṭhā, pupphāni ocinitamattāneva, na tāva pūjā katā”ti vattābbaṃ, “gaṇhathā pūjethā”ti na vattābbaṃ. Sace vadati, āmisāṃ na paribhuñjītabbaṃ. Aparo bhikkhu sāmaṇerānaṃ ācikkhati “asukagāmaṃvāsino ‘pupphāni mā ocinitṭhā’ti āhaṃsū”ti manussāpi āmisāṃ āharitvā dānaṃ datvā vadanti “amhākaṃ manussā na bahukā, sāmaṇere amhehi saha pupphāni ocinituṃ āṇāpethā”ti. “Sāmaṇerehi bhikkhā laddhā. Ye bhikkhācāraṃ na gacchanti, te sayameva jānissanti upāsakā”ti vattābbaṃ. Ettakaṃ nayaṃ labhitvā sāmaṇere putte vā bhātike vā katvā pupphāni ocināpetuṃ doso natthi, pupphadānaṃ nāma na hoti.

Phaladāne phalampi pupphaṃ viya niyamitameva garubhaṇḍaṃ hoti. Vihāre bahukasmīṃ phalāphale sati aphaṇḍakamanussā āgantvā yācanti, bhikkhū “saṅghika”nti dātuṃ na ussahanti, manussā vippaṭisārīno akkosanti paribhāsanti, tattha kiṃ kātābanti? Phalehi vā rukkhehi vā paricchinditvā kathikā kātābā “asuke ca rukkhe asuke ca rukkhe ettakāni phalāni gaṇhantā, ettakesu vā rukkhesu phalāni gaṇhantā na vāretabbā”ti. Corā vā issarā vā balakkāreṇa gaṇhantā na vāretabbā. Kuddhā hi te sakalavihāraṃ nāseyyuṃ, ādīnavo pana kathetabboti.

Sinānadāne sinānacunṇāni koṭṭitāni na garubhaṇḍāni, akoṭṭito rukkhe ṭhitova rukkhatāco garubhaṇḍaṃ, cunṇaṃ pana agilānassa rajananipakkaṃ vaṭṭati. Gilānassa yaṃkiñci cunṇaṃ dātuṃ vaṭṭatiyeva.

Na cuṇṇadānenāti vuttanayena sirīsacuṇṇādīnaṃ dānena. **Mattikādānemattikā** hi yattha dullabhā hoti, tattheva garubhaṇḍaṃ. Sāpi heṭṭhimakoṭṭiyā tiṃsapalagulaṇḍappamaṇāva, tato heṭṭhā na garubhaṇḍanti.

Dantakaṭṭhadāne dantakaṭṭhaṃ acchinnakameva garubhaṇḍaṃ. Yesaṃ sāmaṇeraṇaṃ saṅghato dantakaṭṭhavāro pāpuṇāti, te attano ācariyupajjhāyānaṃ pāṭiyekkaṃ dātuṃ na labhanti. Yehi pana “ettakāni dantakaṭṭhāni āharitabbāni” ti paricchinditvā vārā gahitā, te atirekāni ācariyupajjhāyānaṃ dātuṃ labhanti. Ekena bhikkhunā dantakaṭṭhamālakato bahūni dantakaṭṭhāni na gahetabbāni, devasikaṃ ekekameva gahetabbaṃ. Pāṭiyekkaṃ vasantenāpi bhikkhusaṅghaṃ gaṇayitvā yattakāni attano pāpuṇanti, tattakāneva gahetvā gantabbaṃ. Antarā āgantukesu vā āgatesu disaṃ vā pakkamantesu āharitvā gahitaṭṭhāneyeva ṭhapetabbāni. **Na mukhodakadānenāti** na mukhadhovanaudakadānena.

Na cāṭukamyatāyātiādīsu cāṭukamyatā vuccati attānaṃ dāsaṃ viya nīcaṭṭhāne ṭhapetvā parassa khalitavacanampi saṅghapetvā piyakāmatāya paggayhavacanāṃ. **Na muggasūpyatāyāti** na muggasūpasamānatāya. Muggasūpasamānatāti saccālikena jīvikaṃ kappanatāya etaṃ adhivacanāṃ. Yathā hi muggasūpe paccante bahū muggā pākaṃ gacchanti thokā na gacchanti, evameva saccālikena jīvikaṃ kappake puggale bahu alikaṃ hoti, appakaṃ saccāṃ. Yathā vā muggasūpassa apavisaṇaṭṭhānaṃ nāma natthi, evameva saccālikavuttino puggalassa appaṭṭhānaṃ nāma natthi. Siṅghāṭakaṃ viya icchiticchitaṭṭhānaṃ patiṭṭhāti. Tenassa sā musāvādītā “muggasūpyatā” ti vuttā. **Na pāribhaṭṭayāyāti** na pāribhaṭṭakammabhāvena. Pāribhaṭṭassa hi kammaṃ pāribhaṭṭaṃ, tassa bhāvo pāribhaṭṭatā, alaṅkāraṇādīhi dāraṅkāṭṭhānaṃ adhivacanāṃ. **Na pīṭhamaddikatāyāti** na sahasā gharaṃ pavisitvā pīṭhake nisīdanakatāya.

Na vatthuvijjāyātiādīsu **vatthuvijjā** nāma gāmanigamanagarādīnaṃ sunivīṭṭhadunnivīṭṭhajānanasatthaṃ. **Tiracchānavijjā** nāma aniyānikattā saggamokkhamaggānaṃ tiracchānabhūtā āngasatthanimitādikā avasesavijjā. **Āṅgavijjā** nāma itthipurisānaṃ subhagadubbhagalakkaṇajānaṃ. **Nakkhattavijjā** nāma nakkhattānaṃ yogajānanasatthaṃ.

Na dūtagamanenāti na dūteyyaṃ katvā gamanena. **Na paṇḍagamanenāti** na gihīnaṃ sāsanaṃ gahetvā gharā gharaṃ pahitassa gamanena. **Na jaṅghapesaniyenāti** gāmantaradesantarādīsu tesam gihīnaṃ sāsanaṃ gahetvā gharā gharaṃ haraṇena. Idaṅhi jaṅghapesaniyaṃ nāma attano mātāpitūnaṃ, ye cāssa mātāpitāro upaṭṭhahanti, tesam sāsanaṃ gahetvā katthaci gamanavasena vaṭṭati. Cetiyaṃ vā saṅghassa vā attano vā kammaṃ karontānaṃ vaḍḍhakānaṃ sāsanaṃ haritūṃ vaṭṭati. Manussa “dānaṃ dassāma, pūjaṃ karissāma, bhikkhusaṅghassa ācikkhathā” ti ca vadanti; “asukattherassa nāma dethā” ti piṇḍapātaṃ vā bhesajjaṃ vā cīvaram vā denti, “vihāre pūjaṃ karoṭhā” ti mālāgandhavilepanādīni vā dhajapaṭākādīni vā niyyātentī. Sabbaṃ haritūṃ vaṭṭati, jaṅghapesaniyaṃ nāma na hoti. Sesasāsanaṃ gahetvā gacchantassa padavāre padavāre doso.

Na vejjakammenāti na vejjena hutvā kāyatikkicchanādibhesajjakaraṇena. Bhesajjaṃ pana pañcannaṃ sahadhammikānaṃ kātabbaṃ bhikkhussa bhikkhuniyā sikkhamānāya sāmaṇerassa sāmaṇeriyā. Samasīlasaddhāpaññānaṃhi etesaṃ tīsu sikkhāsu yuttānaṃ bhesajjaṃ akātuṃ na labhanti. Mātāpitūnaṃ tadupaṭṭhākānaṃ attano veyyāvaccakarassa paṇḍupalāsassāti etesaṃ pañcannaṃpi kātuṃ vaṭṭati. Jeṭṭhabhātu, kaniṭṭhabhātu, jeṭṭhabhaginiyā, kaniṭṭhabhaginiyā, cūlamātuyā, mahāmātuyā, cūlapituno, mahāpituno, pitucchāya, mātucchāyāti etesaṃ pana dasannaṃpi karontena tesameva santakaṃ bhesajjaṃ gahetvā kevalaṃ yojetvā dātābbaṃ. Sace nappahoti, attano santakaṃ tāvakālikaṃ dātābbaṃ. Etesaṃ puttaparamparā yāva sattamā kulaparivaṭṭā, tāva cattāro paccaye āharāpentassa akataviññatti vā, bhesajjaṃ karontassa vejjakammaṃ vā, kuladūsakāpatti vā na hoti.

Na piṇḍapaṭipīṇḍakenāti ettha piṇḍapāto kassa dātābbo, kassa na dātābbo? Mātāpitūnaṃ tadupaṭṭhākānaṃ veyyāvaccakarassa paṇḍupalāsassa sampattassa dāmarikacorassa issarassāpi dātābbo. Etesaṃ datvā pacchā laddhampi piṇḍapaṭipīṇḍaṃ nāma na hoti. **Na dānānuppādānenāti** attano dinnakānaṃ na puna dānena. **Dhammenāti** dhammena uppannaṃ. **Samenāti** kāyasucaritādīnā. **Laddhāti** kāyena laddhā. **Labhitvāti** cittena pāpuṇitvā. **Adhigantvāti** sampāpuṇitvā. **Vinditvāti** ṇāṇena vinditvā. **Paṭilabhitvāti** punappunaṃ labhitvā.

Annasannidhinti ettha duvidhā annakathā vinayavasena ca sallekhavasena ca. Vinayavasena tāva yaṃkiñci annaṃ aṭṭa paṭiggahitaṃ aparajju sannidhikāraṃ hoti, tassa pāribhoge pācittiyaṃ. Attanā laddhaṃ pana sāmaṇeraṇaṃ datvā tehi laddhaṃ ṭhapāpetvā dutiyadvise bhujitūṃ vaṭṭati, sallekko pana na hoti.

Pānasannidhimhipi eseva nayo. Ettha pānaṃ nāma ambapānādīni aṭṭha pānāni, yāni ce tesam anulomāni.

Vatthasannidhintiādīmihi anadhiṭṭhitāvikappitaṃ sannidhi ca hoti sallekhañca kopeti. Ayaṃ pariyāya kathāva, nippariyāyato pana ticivarasantuṭṭhena bhavitabbaṃ, catutthaṃ labhitvā aññassa dātābbaṃ. Sace yassa kassaci dātuṃ na sakkoti, yassa pana dātukāmo hoti, so uddesatthāya vā paripucchatthāya vā gato, āgatamatte dātābbaṃ, adātuṃ na vaṭṭati. Cīvare pana appahonte satiyā paccāsāya anuññatakālaṃ ṭhapetūṃ vaṭṭati. Sūcisuttacīvarakāraṇaṃ alābhena tato parampi vinayakammaṃ katvā ṭhapetūṃ vaṭṭati. “Imasmim jīṇṇe puna idisaṃ kuto labhissāmi” ti pana ṭhapetūṃ na vaṭṭati, sannidhi ca hoti, sallekhañca vikopeti.

Yānasannidhimhi yānaṃ nāma vayhaṃ ratho sakaṭṭhaṃ sandamānikā sivikā pāṭānkīti netam pabbajitassa yānaṃ. Upāhanā pana pabbajitassa yānaṃyeva. Ekabhikkhussa hi eko araṇṇatthāya, ekā dhotapādakatthāyāti ukkaṃsato dve upāhanasaṅghāṭā

vaṭṭanti, tatiyaṃ labhivā aññassa dātabbo, “imasmim̐ jññe aññaṃ kuto labhissāmī”ti hi ṭhapetuṃ na vaṭṭati, sannidhi ca hoti, sallekhañca vikopeti.

Sayanasannidhimhi sayananti mañco. Ekassa bhikkhuno eko gabbhe eko divāṭṭhāneti ukkaṃsato dve mañcā vaṭṭanti, tato uttari labhivā aññassa bhikkhuno vā gaṇassa vā dātabbo, adātuṃ na vaṭṭati, sannidhi ceva hoti, sallekhañca kopeti.

Gandhasannidhimhi bhikkhuno kaṇḍukacchuchavidosādiābādhe sati gandho vaṭṭati. Tena gandhena tasmim̐ roge vūpasante aññesaṃ vā ābādhikānaṃ dātabbo. Dvāre pañcaṅgulagharadhūpanādīsu vā upanetaṃ. “Puna roge sati bhavissatī”ti ṭhapetuṃ na vaṭṭati, gandhasannidhi ca hoti, sallekhañca kopeti.

Āmisanti annādivuttāvasesaṃva daṭṭhabbaṃ. Seyyathidaṃ – idhekacco bhikkhu “tathārūpe kāle upakārāya bhavissanti”ti tilaṇḍulamuggamāsanañālikeraloṇamacchamaṃsavallūrasappitelaguḷa- bhājanādīni āharāpetvā ṭhapeti. So vassakāle kālasseva sāmaṇerehi yāguṃ pacāpetvā bhuñjivā “sāmaṇera udakakaddame dukkhaṃ gāmaṃ pavisitūṃ, gaccha asukakulaṃ gantvā mayhaṃ vihāre nisinnabhāvaṃ ārocehi, asukakulato dadhiādīni āharā”ti peseti. Bhikkhūhi “kim, bhante, gāmaṃ pavisathā”ti vuttepi “duppaveso āvuso idāni gāmo”ti vadati. Te “hotu, bhante, acchatha tumhe, mayaṃ bhikkhaṃ pariyesitvā āharissāmā”ti gacchanti. Atha sāmaṇeropi dadhiādīni āharitvā bhattañca byañjanañca sampādetvā upaneti, taṃ bhuñjantasseva upaṭṭhākā bhattaṃ paṇḍanti, tatopi manāpaṃ manāpaṃ bhuñjati. Atha bhikkhū piṇḍapātaṃ gahetvā āgacchanti, tatopi manāpaṃ manāpaṃ gīvāyāmakāṃ bhuñjatiyeva. Evaṃ catumāsampi vītināmeti. Ayaṃ vuccati bhikkhu “muṇḍakuṭumbikajīvikaṃ jīvati, na samañajīvika”nti. Evarūpo āmisasannidhi nāma hoti.

Bhikkhuno pana vasanaṭṭhāne ekā taṇḍulāñāli eko guḷapiṇḍo catubhāgamattaṃ sappīti ettakaṃ nidhetuṃ vaṭṭati akāle sampattacorānaṃ atthāya. Te hi ettakampi āmisapaṭisaṅghāraṃ alabhanā jīvitaṃ voropeyyuṃ, tasmā sacepi ettakaṃ natthi, āharāpetvāpi ṭhapetuṃ vaṭṭati. Aphāsukakāle ca yadetha kappiyaṃ, taṃ attanāpi paribhuñjituṃ vaṭṭati. Kappiyakuṭiyaṃ pana bahuṃ ṭhapentassāpi sannidhi nāma natthi.

160. Jhāyī na pādaloḷassatī jhānābhīrato ca na ca pādaloḷo assa. **Virame kukkucā nappamajjeyyāti** hatthakukkucādikukkucāṃ vinodeyya, sakkaccakāritāya cettha nappamajjeyya.

Ekattamanuyuttoti ekībhaṃvaṃ anuyutto. **Paramatthagarakoti** uttamatthagarako. “Sakatthagarako”ti vā pāṭho.

Paṭisallānārāmoti āramaṇaṃ ārāmo, tato tato ārammaṇato paṭisaṃharitvā ekībhaṃve paṭisallāne ārāmo yassa so paṭisallānārāmo. **Assatī** bhavēyya. Tasmim̐ ratoti **paṭisallānarato**. Etehi sīlesu paripūrakāritāṃ dasseti. Taṃ kissa hetu? Sīlavipannassa ekaggaṭāpi na sampajjati. **Ajjhattaṃ cetosamathamanuyuttoti** attano cittasamathe yutto. Ettha hi ajjhattanti vā attanoti vā etaṃ ekatthaṃ, byañjanaṃveva nānaṃ. Bhummatthe panetaṃ upayogavacanaṃ. **Anūti** iminā upasaggena yoge siddhaṃ.

Anirākatajjhānoti bahi anihatajjhāno avināsitaṃjjhāno vā. Nīharaṇavināsathāñhi idaṃ nirākaraṇaṃ nāma. “Thambhaṃ niraṃkatvā nivātavuttī”tiādīsu (su. nī. 328) cassa paṃyogo daṭṭhabbo. **Vipassanāya samannāgoti** sattavidhāya anupassanāya yutto. Sattavidhā anupassanā nāma aniccānupassanā dukkhānupassanā anattānupassanā nibbidānupassanā virāgānupassanā nirodhānupassanā paṭinissaggānupassanāti. Tā visuddhimagge (visuddhi. 2.741 ādayo, 849 ādayo) vitthāritā. **Byūhetā suññāgārānanti** vaḍḍhetā suññāgārānaṃ. Ettha ca samathavipassanāvasena kammaṭṭhānaṃ gahetvā rattindivaṃ suññāgārāṃ pavisitvā nisīdamāno bhikkhu “brūhetā suññāgārāna”nti vedītabbo. Ekabhūmakādibhede pāsāde kurumānopi suññāgārānaṃ brūhetāti daṭṭhabbo.

Sakkaccakāritīādīsu dānādīnaṃ kusalaḍḍhamānaṃ bhāvanāya puggalassa vā deyyadhammassa vā sakkaccakāritāvasena sakkaccakārī. **Assatī** bhavēyya. Satatabhāvo sātaccāṃ, sātaccakāritāvasena **sātaccakārī**. Nirantarakāritāya **aṭṭhitakārī**. Yathā nāma kakaṇṭako thokaṃ gantvā thokaṃ tiṭṭhati, na nirantaraṃ gacchati, evameva yo puggalo ekadivasāṃ dānaṃ datvā pūjaṃ vā katvā dhammaṃ vā sutvā samaṇadhammaṃ vā katvā puna cirassaṃ karoti, taṃ na nirantaraṃ pavatteti. So “asātaccakārī, ṭhitakārī”ti vuccati. Yo pana evaṃ na hoti, so aṭṭhitakārī. **Anolīnavuttikoti** nirantarakaraṇasañkhātassa vipphāraṃsa atthitāya na olīnavuttiko. **Anikkhittacchandoti** kusalakiriyāya vīriyacchandassa anikkhittabhāvena anikkhittacchando. **Anikkhittadhuroti** vīriyadhurassa anoropako, anosakkitaṃmānasoti attho.

Appaṭivānīti anivattanaṃ. **Adhiṭṭhānanti** kusalakarāṇe patiṭṭhābhāvo. **Anuyogoti** anuyūjanaṃ. **Appamādoti** satiṃyā avippavāso.

161. Tandim̐ māyaṃ hassaṃ khiḍḍanti ālasiyañca māyañca hassañca kāyikaṃ vācasikaṃ khiḍḍañca. **Savibhūsanti** saddhim̐ vibhūsāya.

Rattindivaṃ chakoṭṭhāsaṃ karitvāti purimayāmamajjhimayāmapacchimayāmasena rattim̐ tayo tathā divāti chabbidhaṃ koṭṭhāsaṃ katvā. **Pañcakoṭṭhāsaṃ paṭijageyyāti** rattim̐ majjhimayāmaṃ vissajjetvā avasesapañcakoṭṭhāsesu na niddaṃ okkameyya. **Ekakoṭṭhāsaṃ nipajjeyyāti** ekaṃ majjhimayāmakōṭṭhāsaṃ sato sampajāno nipajjitvā niddaṃ okkameyya.

Idha bhikkhu divasampi pubbaṅhe majjhanhe sāyanheti tayopi divasakoṭṭhāsā gahitā. **Caṅkama** **nisajjāyāti** sakalaṃ divasaṃ iminā iriyāpathadvayeneva viharanto cittaṃ āvaraṇato **āvaraṇīyehi dhammehi** pañcahi nīvaraṇehi sabbākusaladharmehi vā. **Cittaṃ parisodheyāti** tehi dhammehi cittaṃ visodheyya. Ṭhānaṃ panetha kiñcāpi na gahitaṃ, caṅkamanisajjāsannissitaṃ pana katvā gahetabbameva. **Paṭhamaṃ yāma**nti sakalasmimpi paṭhamayāme.

Seyyanti ettha kāmabhogīseyyā petaseyyā sīhaseyyā tathāgataseyyāti catasso seyyā. Tattha “yebhuyyena, bhikkhave, kāmabhogī vāmena passena sentī”ti (a. ni. 1.4246) ayaṃ **kāmabhogīseyyā**. Tesu hi yebhuyyena dakkhiṇapassena sayāno nāma natthi. “Yebhuyyena, bhikkhave, peṭā uttānā sentī”ti (a. ni. 4.246) ayaṃ **petaseyyā**. Appamaṃsalohitattā hi aṭṭhisāṅghātaghaṭṭitā ekena passena sayituṃ na sakkonti, uttānāva senti. “Sīho, bhikkhave, migarājā dakkhiṇena passena seyyaṃ kappeti...pe... attamaṇo hotī”ti (a. ni. 4.246) ayaṃ **sīhaseyyā**. Tejussadattā hi sīho migarājā dve purimāpāde ekasmiṃ pacchimāpāde ekasmiṃ ṭhāne ṭhapetvā naṅgutṭhaṃ antarasatthimhi pakkhipitvā purimāpādapacchimāpādanaṅgutṭhānaṃ ṭhitokāsaṃ sallakkhetvā dvinnāṃ purimāpādānaṃ matthake sīsaṃ ṭhapetvā sayati. Divasampi sayitvā pabujjhamāno na utraṣṭo pabujjhati, sīsaṃ pana ukkhipitvā purimāpādādīnaṃ ṭhitokāsaṃ sallakkheti. Sace kiñci ṭhānaṃ vijahitvā ṭhitaṃ hoti, “nayidaṃ tuyhaṃ jātiyā, na sūrabhāvassa anurūpa”nti anattamaṇo hutvā tattheva sayati, na gocarāya pakkamati. Avijahitvā ṭhite pana “tuyhaṃ jātiyā ca sūrabhāvassa ca anurūpamida”nti haṭṭhatuṭṭho utṭhāya sīhavijambhitaṃ vijambhitvā kesarabhāraṃ vidhunitvā tikkhattuṃ sīhanādaṃ naditvā gocarāya pakkamati. Catutthajjhānaseyyā pana **tathāgataseyyāti** vuccati. Tāsu idha sīhaseyyā āgatā. Ayañhi tejjasadairiyāpathattā uttamaseyyā nāma.

Pāde pādanti dakkhiṇapāde vāmapādaṃ. **Accādhāyāti** atiādhāya īsakaṃ atikkamma ṭhapetvā. Gopphakena hi gopphake, jāṇunā vā jāṇumhi saṅghaṭṭiyamāne abhiñhaṃ vedanā uppajjati, cittaṃ ekaggaṃ na hoti, seyyā aphāsu hoti. Yathā pana na saṅghaṭṭeti, evaṃ atikkamma ṭhapite vedanā nuppajjati, cittaṃ ekaggaṃ hoti, seyyā phāsu hoti. Tena vuttaṃ – “pāde pādaṃ accādhāyā”ti. **Sato sampajānoti** satiyā ceva sampajānapanāññāya ca samannāgato hutvā. Iminā supariiggāhakaṃ satisampajāññaṃ kathitaṃ. **Uṭṭhānasaññaṃ manasikarivāti** “asukavelāya nāma utṭhahissāmī”ti evaṃ utṭhānavelāparicchedakaṃ utṭhānasaññaṃ citte ṭhapetvā. Evaṃ katvā nipanno hi yathāparicchinnaṃkāleyeva utṭhāti.

Vīriyindriyaniddese **cetasikoti** idaṃ vīriyassa niyamato cetasikabhāvadīpanatthaṃ vuttaṃ, idañhi vīriyaṃ “yadapi, bhikkhave, kāyikaṃ vīriyaṃ, tadapi vīriyasambojjhaṅgo, yadapi cetasikaṃ vīriyaṃ, tadapi vīriyasambojjhaṅgoti. Itihidaṃ uddesaṃ gacchatī”ti evamādīsu suttesu (saṃ. ni. 5.233) caṅkamādīni karontassa uppajjanatāya kāyikanti vuccamānampi kāyaviññāṇaṃ viya kāyikaṃ nāma natthi, cetasikameva panetanti dīpetuṃ “cetasiko”ti vuttaṃ. **Vīriyārambhoti** vīriyasaṅkhāto ārambho. Ayañhi ārambhasaddo kamme āpattiyaṃ kiriyāyaṃ vīriye hiṃsāyaṃ vikopaneti anekesu atthesu āgato.

“Yaṃ kiñci dukkhaṃ sambhoti, sabbaṃ ārambhapaccayā;
Ārambhānaṃ nirodhena, natthi dukkhassa sambhavo”ti. (su. ni. 749) –

Ettha hi kammaṃ ārambhoti āgataṃ. “Ārambhāti ca vipaṭṭisārī ca hotī”ti (a. ni. 5.142; pu. pa. 191) ettha āpatti. “Mahāyaññā mahārambhā, na te honti mahapphalā”ti (a. ni. 4.39; saṃ. ni. 1.120) ettha yūpussāpanādīkiriyā. “Ārambhatha nikkamatha, yuñjatha buddhasāsane”ti (saṃ. ni. 1.185; kathā. 333; netti. 29; peṭako. 38; mi. pa. 5.1.4) ettha vīriyaṃ. “Samaṇaṃ gotamaṃ uddissa pāṇaṃ ārambhanti”ti (ma. ni. 2.51) ettha hiṃsā. “Bijagāmbhūtagāmasamārambhā paṭivirato hotī”ti (dī. ni. 1.10; ma. ni. 1.293) ettha chedanabhañjanādīkaṃ vikopanaṃ. Idha pana vīriyameva adhippettaṃ. Tenāha “vīriyārambhoti vīriyasaṅkhāto ārambho”ti. Vīriyañhi ārambhanavasena ārambhoti vuccati. Idamassa sabhāvapadaṃ. Kosajjato nikkhamanavasena **nikkamo**. Paraṃ paraṃ ṭhānaṃ akkamanavasena **parakkamo**. Uggantvā yamanavasena **uyyāmo**. Vāyamanavasena **vāyāmo**. Ussahanavasena **ussāho**. Adhimattussahanavasena **ussoḷhī**. Thirabhāvaṭṭhena **thāmo**. Cittacetasikānaṃ dhāraṇavasena avicchedato vā pavattanavasena kusalasantānaṃ dhāretīti **dhiti**.

Aparo nayo – **nikkamo** ceso kāmānaṃ panudanāya. **Parakkamo** ceso bandhanacchedāya. **Uyyāmo** ceso oghassa nittharaṇāya. **Vāyāmo** ceso pāraṃ gamanaṭṭhena. **Ussāho** ceso pubbaṅgamaṭṭhena. **Usoḷhī** ceso adhimattaṭṭhena. **Thāmo** ceso palighuggahānaṭṭhena. **Dhiti** ceso aṭṭhitakāritāyāti.

“Kāmaṃ taco ca nhāru ca, aṭṭhi ca avasissatū”ti (a. ni. 2.5) evaṃ pavattikāle asithilaparakkamavasena **asithilaparakkamatā**, thiraparakkamo dalhaparakkamoti attho. Yasmā panetaṃ vīriyaṃ kusalakammakaraṇaṭṭhāne chandaṃ na nikkhipati, dhuraṃ na nikkhipati, na otāreti na vissajjeti, anosakkitaṃānasataṃ āvahati, tasmā “**anikkhittacchandatā anikkhittadhuratā**”ti vuttaṃ. Yathā pana tajjāte udakasambhinnaṭṭhāne dhuravāhagoṇaṃ “gaṇhathā”ti vadanti, so jāṇunā bhūmiṃ uppīletvāpi dhuraṃ vahati, bhūmiyaṃ patituṃ na deti, evameva vīriyaṃ kusalakammakaraṇaṭṭhāne dhuraṃ na nikkhipati paggañhāti, tasmā “**dhurasampaggaḥo**”ti vuttaṃ. Paggahalakkhaṇe indaṭṭhaṃ kāretīti **vīriyindriyaṃ**. Kosajje na kampaṭṭi **vīriyabalaṃ**. Yāthāvāniyyānikakusalavāyāmatāya **sammāvāyāmo**.

Tandīti jātiālasiyaṃ. **Tandiyanāti** tandiyanākāro. **Tandimanakatāti** tandiyā abhibhūtacittatā. Alasassa bhāvo **ālasyaṃ**, ālasyāyanākāro **ālasyāyanā**. Ālasyāyitassa bhāvo **ālasyāyitattaṃ**. Iti sabbehi imehi padehi kilesavasena kāyālasiyaṃ kathitaṃ.

Vañcanikā cariyāti vañcanikā kiriyā. **Mā maṃ jaññāti vācaṃ bhāsati** jānaṃyeva paṇṇattiṃ vītikkamanto bhikkhu bhāriyaṃ karoti, amhākaṃ pana vītikkamaṭṭhānaṃ nāma natthīti upasanto viya bhāsati. **Kāyena parakkamatīti** “mayā kataṃ

idam pāpakammaṃ mā keci jāniṃsū”ti kāyena vattaṃ karoti. Vijjānādosapaṭicchādanato cakkhumohanamāyā viyāti māyā, māyāvino bhāvo **māyāvītā**. Katvā pāpaṃ puna paṭicchādanato ati assarati eṭāya sattoti **accasarā**. Kāyavācākiriyaḥi aññathā dassanato vañceṭṭi **vañcanā**. Eṭāya sattā nikarontīti **nikati**, micchā karontīti attho. “Nāhaṃ evaṃ karomī”ti pāpānaṃ nikkhipanato **nikiraṇā**. “Nāhaṃ evaṃ karomī”ti parivaḷḷanato **pariharaṇā**. Kāyādīhi saṃvaraṇato **gūhanā**. Sabbato bhāgena gūhanā **parigūhanā**. Tiṇapaṇṇehi viya gūthaṃ kāyavacīkammehi pāpaṃ chādiyatīti **chādanā**. Sabbato bhāgena chādanā **paricchādanā**. Na uttānaṃ katvā dasseṭṭi **anuttānikammaṃ**. Na pākātaṃ katvā dasseṭṭi **anāvikkammaṃ**. Suṭṭhu chādanā **vochādanā**. Katapāpaṭicchādanavasena punapi pāpassa karaṇato **pāpakiriya**. **Ayaṃ vuccatīti** ayaṃ katapaṭicchādanalakkhaṇā māyā nāma vuccati. Yāya samannāgato puggalo bhasmāpaṭicchanno viya aṅgāro, udakapaṭicchanno viya khānu, pilotikāya paliveṭṭitaṃ viya ca satthaṃ hoti. **Ativelaṃ dantavidamaṃsaṃ hasatīti** pamāṇātikantaṃ dantaṃ vivaritvā paresaṃ dassetvā hāsaṃ somanassaṃ uppādetvā hasati.

Kāyikā ca khiddāti kāyena pavattā kīlā. Eseva nayo **vācasikāyapi**. **Hatthīhi kīlāntīti** hatthīhi kīlāntīti purato dhāvānādhāvanapiṭṭhanisīdanādikīlāntīti. Eseva nayo **assarathesupi**. **Aṭṭhapadepi kīlāntīti** ekekāya pantiyā aṭṭha aṭṭha padāni assāti aṭṭhapadaṃ, tasmīṃ aṭṭhapade. **Dasapadepi** eseva nayo. **Ākāsepi** aṭṭhapadadasapadesu viya ākāseyeva kīlāntīti. **Parihārapathepi** bhūmiyaṃ nānāpathamaṇḍalaṃ katvā tattha pariharitabbapathaṃ pariharantīti kīlāntīti. **Santikāyapi kīlāntīti** santikakīlāya kīlāntīti, ekajjhaṃ ṭhapitā sāriyo vā pāsāṇasakkharāyo vā acālentā nakheneva apanenti ca upanenti ca. Sace tattha kāci calati, parājayo hotīti.

Khalikāyāti jūtapalake pāsakakīlāya kīlāntīti. **Ghaṭikāyāti** ghaṭikā vuccati dīghadaṇḍakena rassadaṇḍakaṃ paharaṇakīlā, tāya kīlāntīti. **Salākahatthenāti** lākhāya vā mañjāṭṭhiyā vā piṭṭhodakena vā salākahatthaṃ temetvā “kim hotū”ti bhūmiyaṃ vā bhittiyaṃ vā taṃ paharivā hatthiassādirūpāni dassentā kīlāntīti. **Akkhenāti** guḷena. **Pañkacīrenāti** pañkacīraṃ vuccati paṇṇanāḷikā, taṃ dhamantā kīlāntīti. **Vaṅkakenāti** gāmadārakānaṃ kīlānakena khuddakanaṅgalena. **Mokkhaṅkīyāti** samparivattakakīlāya, ākāse vā daṇḍaṃ gahetvā bhūmiyaṃ vā sīsaṃ ṭhapetvā heṭṭhupariyabhāvena parivattantā kīlāntīti vuttaṃ hoti. **Caṅgulakenāti** caṅgulakaṃ vuccati tālapaṇṇādīhi kataṃ vātapahārena paribbhamanacakkaṃ, tena kīlāntīti. **Pattāḷhakenāti** pattāḷhakaṃ vuccati paṇṇanāḷi, tāya vālikādīni minantā kīlāntīti. **Rathakenāti** khuddakarathena. **Dhanukenāti** khuddakadhanunā. **Akkharikāyāti** akkharikā vuccati ākāse vā piṭṭhiyaṃ vā akkharajānanakīlā, tāya kīlāntīti. **Manesikāyāti** manesikā vuccati manasā cintitājānanakīlā, tāya kīlāntīti. **Yathāvajjenāti** yathāvajjaṃ vuccati kāṇakuṅkhujjādīnaṃ yaṃ yaṃ vajjaṃ, taṃ taṃ payojetvā dassanakīlā, tāya kīlāntīti. **Mukhabherikanti** mukhasaddena bherī viya vādanaṃ. **Mukhālambaranti** mukhānulittabherisaddakaraṇaṃ. **Mukhaḍḍimanti** mukhena pahatabherisaddakaraṇaṃ. **Mukhavalimanti** oṭṭhamāsaṃ jimhaṃ katvā saddakaraṇaṃ. “Mukhatalika”ntipi pāṭho, mukhaṃ parivattetvā dhamanaṃ. **Mukhabheruḷakanti** mukhena bherivādanaṃ. **Nāṭakanti** abhinayaṃ dassetvā uggaṇhāpanaṃ. “Nāṭaka”ntipi pāṭho. **Lāpanti** ukkuṭṭhitakaraṇaṃ. **Gītanti** gāyanaṃ. **Davakammanti** hassakīlākaraṇaṃ. **Ayaṃ vācasikā khiddāti** ayaṃ kīlā vācāya jātā vacīdvāre uppānā.

Kesā ca massu cātiādīsu kesānaṃ kattarikāya ṭhānātirittāni akatvā kattarikāya chedanaṃ massūnaṃ dāṭhikaṃ ṭhapetvā kappāsanaṅca ekatovaṇḍikādīmalā ca mūlagandhādīgandhā ca chavikaraṇavilepanā ca. Givādīsu piḷandhanaābharaṇā ca sīse paṭimūñcanapasādhanapiḷandhanā ca sarīranivāsanaṅcitravattā ca saṃvelliyaḅandhanapasādhanāṅca. “Parāsana”ntipi pāṭho. Sīsaveṭṭhanapaṭasaṅkhātavēṭṭhanaṅca.

Ucchādanādīsu mātukucchito nikkhantadārakānaṃ sarīragandho dvādasamattavassakāle nassati, tesam sarīragandhaharaṇatthāya gandhacūṇṇādīhi ucchādentī, evarūpaṃ **ucchādanaṃ** na vaṭṭati. Puññavante pana dārake ūrūsu nīpajjāpetvā telena makkhetvā hatthapādaūrunābhīādīnaṃ saṅghānasampādanatthaṃ parimaddanti, evarūpaṃ **parimaddanaṃ** na vaṭṭati.

Nhāpananti tesameva dārakānaṃ gandhādīhi nhāpanaṃ. **Sambāhananti** mahāmāllānaṃ viya hatthapāde muggarādīhi paharivā bhāvuvaḍḍhanaṃ. **Ādāsanti** yaṃkiñci ādāsaṃ pariharitūnaṃ na vaṭṭati. **Añjanaṃ** alaṅkārañjanaṃ. **Mālāti** baddhamālā vā abaddhamālā vā. **Vilepananti** yaṃkiñci chavirāgākaraṇaṃ. **Mukhacūṇṇakaṃ mukhalepananti** mukhe kāḷapīlakādīnaṃ haraṇatthāya mattikākakkaṃ denti. Tena lohite calite sāsapakakkaṃ denti, tena dose khādite tilakakkaṃ denti, tena lohite sannisinne haliddikakkaṃ denti, tena chavivaṇṇe ārūḷhe mukhacūṇṇakena mukhaṃ cūṇṇenti, taṃ sabbaṃ na vaṭṭati.

Hatthabandhādīsu hatthe vicitrasaṅkhakapālādīni bandhitvā vicaranti, taṃ vā aññaṃ vā sabbampi hatthābharaṇaṃ na vaṭṭati. Apare sikhāṃ bandhitvā vicaranti, suvaṇṇacīrakamuttāvāḷādīhi ca taṃ parikkhipanti, taṃ sabbaṃ na vaṭṭati. Apare catuhatthadaṇḍaṃ vā aññaṃ vā pana alaṅkatadaṇḍakaṃ gahetvā vicaranti, tathā itthipurisarūpādīvicittāṃ bhesajjanāḷikāṃ suparikkhittāṃ vāmapasse olaggentī, apare anekacitrakosaṃ atitikhiṇaṃ asīṃ, pañcavaṇṇasuttasibbitaṃ makaradantakādīvicittāṃ chattaṃ, suvaṇṇarajatādīvicitrā morapiñchādīparikkhittā upāhanā, keci ratanamattāyāmaṃ caturāṅgulavittataṃ kesantaparicchadaṃ dassetvā meghamukhe vijjulataṃ viya nalāṭe unḥisapaṭṭaṃ bandhitvā cūḷamaṇiṃ dhārentī, cāmaravālabājanīṃ dhārentī, taṃ sabbaṃ na vaṭṭati.

Imassa vā pūtikāyassāti imassa cātumahābhūtamayassa kuṇapasarīrassa. **Keḷanāti** kīlāpanā. **Parikeḷanāti** sabbato bhāgena kīlāpanā. **Gedhitatāti** abhikaṅkhitatā. **Gedhitattanti** giddhabhāvo abhikaṅkhitabhāvo. **Capalatāti** alaṅkāraṇaṃ. **Cāpalyanti** capalabhāvaṃ.

Savibhūsantiādīsu vibhūsāya saha savibhūsaṃ. Chavirāgākaraṇasaṅkhātena parivārena saha **saparivāraṃ**. Paribhaṇḍena

saha **saparibhaṇḍaṃ**. Parikkhārena saha **saparikkhāraṃ**.

162. Āthabbaṇanti āthabbaṇikamantappayoḡaṃ. **Supinanti** supinasatthaṃ. **Lakkhaṇanti** maṇilakkhaṇādiṃ. **No vidaheti** nappayojeyya. **Virutañcāti** migādīnaṃ vaṭṭetvā vassitaṃ.

Āthabbaṇikāti parūpaghātamantañānanakā. **Āthabbaṇaṃ payojentīti** āthabbaṇikā kira sattāhaṃ aloṇakaṃ bhuñjitvā dabbe attharivā pathaviyaṃ sayamānā tapaṃ caritvā sattame divase susānabhūmiṃ sajjetvā sattame pade ṭhatvā hatthaṃ vaṭṭetvā vaṭṭetvā mukhena vijjaṃ parijappanti, atha tesāṃ kammaṃ samijjhati. Evarūpaṃ sandhāya “**āthabbaṇaṃ payojentī**”ti āha. Tattha **payojentīti** yuttappayuttā honti. **Nagare vā ruddheti** nagare samantato rundhitvā āvaritvā gahite. **Saṅgāme vā paccupaṭṭhiteti** raṇe upagantvā ṭhite. **Paccatthikesu paccāmittesūti** paṭāñbhūtesu verīsu. **Ītiṃ uppādentīti** sariracalanāṃ kampanāṃ, tassa uppādanāṃ karonti. **Upaddavanti** kāyapīḷanāṃ karonti. **Roganti** byādhiṃ. **Pajjarakanti** jaraṃ. **Sūlanti** uddhumātakaṃ. **Visūcīkanti** vijjhanāṃ. **Pakkhandikanti** lohitapakkhandikaṃ. **Karontīti** uppādentī.

Supinapāṭhakāti supinabyākaraṇakā. **Ādisantīti** byākaronti. **Yo pubbaṇhasamayāṃ supinaṃ passatīti**ādīsu accantasamyoge upayogavacanāṃ, pubbaṇhasamayeti attho. **Evaṃ vipāko hotīti** iṭṭhāñiṭṭhavasena evarūpo vipāko hoti. **Avakujja nipannoti** adhomukho hutvā nipanno passati. Evaṃ supinapāṭhakā supinaṃ ādisanti.

Taṅca pana supinaṃ passanto catūhi kāraṇehi passati dhātukkabhato vā anubhūtapubbato vā devatopasaṃhārato vā pubbanimittato vāti. Tattha pittādīnaṃ khobhakarāṇapaccayayogena khubhitadhātuko **dhātukkabhato** supinaṃ passati, passanto ca nānāvidhaṃ supinaṃ passati. **Anubhūtapubbato** passanto pubbe anubhūtapubbaṃ ārammaṇaṃ passati. **Devatopasaṃhārato** passanto devatānaṃ ānubhāvena ārammaṇāni passati. **Pubbanimittato** passanto puññāpuññavasena uppajjitukāmassa atthassa vā anathassa vā pubbanimittabhūtaṃ supinaṃ passati. Tattha yaṃ dhātukkabhato anubhūtapubbato ca supinaṃ passati, na taṃ saccaṃ hoti. Yaṃ devatopasaṃhārato passati, taṃ saccaṃ vā hoti alikaṃ vā. Kuddhā hi devatā upāyena vināsetukāmā viparītaṃ katvā dassenti. Yaṃ pana pubbanimittato passati, taṃ ekantasaccameva hoti. Etesaṃ catunnaṃ mūlakāraṇānaṃ saṃsaggabhedatopi supinabhedo hotiyeva. Taṅca panetaṃ catubbidhaṃ supinaṃ sekkhaputhujānāva passanti appahīnavipallāsattā. Asekkhā na passanti pahīnavipallāsattā.

Kiṃ panetaṃ passanto sutto passati, udāhu paṭibuddho, udāhu neva sutto na paṭibuddhoti? Kiñcetta – yadi tāva sutto passati, abhidhammavirodho āpajjati. Bhavaṅgacittena hi supati, taṃ rūpanimittādiārammaṇaṃ rāgādisampayuttaṃ vā na hoti, supinaṃ passantassa ca ṭḍisāni cittāni uppajjanti. Atha paṭibuddho passati, vinayavirodho āpajjati. Yañhi paṭibuddho passati, taṃ sabbohārikacittena passati, sabbohārikacittena ca kate vītikkame anāpatti nāma natthi, supinaṃ passantena pana kate vītikkame ekantaṃ anāpatti eva. Atha neva sutto na paṭibuddho passati, ko nāma passati. Evañca satī supinassa abhāvova āpajjati, na abhāvo. Kasmā? Yasmā kapiniddāpareto passati. Vuttañhettaṃ – “majjhūpagato, mahārāja, kapiniddāpareto supinaṃ passati”ti (mi. pa. 5.3.5).

Kapiniddāparetoti makkaṭṭaniddāya yutto. Yathā hi makkaṭṭassa niddā lahu-parivattā hoti, evaṃ yā niddā punappunaṃ kusalādicittavokiṇṇattā lahuviparivattā. Yassā pavattiyāṃ punappunaṃ bhavaṅgato uttaraṇaṃ hoti, tāya yutto supinaṃ passati. Tenāyaṃ supino kusalopi hoti akusalopi abyākatopi. Tattha supinante cetiyavandanadhammassavanadhammadesanādīni karontassa kusalo, pāñātipātādīni karontassa akusalo, dvīhi antehi mutto āvajjanatadārammaṇakkhaṇe abyākatoti veditabbo. Svāyaṃ dubbalavatthukattā cetanāya paṭisandhiṃ ākaḍḍhituṃ asamattho, pavatte pana aññehi kusalākusalehi upatthambhito vipākaṃ deti.

Maṇilakkhaṇādīsu evarūpo maṇi pasattho, evarūpo apasattho, sāmīno ārogyaissariyādīnaṃ hetu hoti, na hotīti evaṃ vaṇasaṅṭhānādivasena maṇiādīnaṃ lakkhaṇaṃ ādisantīti attho. Tattha **āvudhalakkhaṇanti** ṭhapetvā asiādīni avasesaṃ āvudhaṃ. **Itthilakkhaṇādīni** yamhi kule itthipurisādayo vasanti, tassa vuddhihānivaseneva veditabbāni. **Ajalakkhaṇādīsu** pana “evarūpānaṃ ajādīnaṃ maṃsaṃ khādītappaṃ, evarūpānaṃ na khādītappa”nti ayampi viseso veditabbo.

Api cettha godhāya lakkhaṇe citta-kamma-piḷandhanādīsūpi “evarūpāya godhāya satī idamaṃ nāma hotī”ti ayampi viseso veditabbo. **Kaṇṇikālakkhaṇaṃ** piḷandhanakaṇṇikāyapi gehakaṇṇikāyapi vasena veditappaṃ. **Kacchupalakkhaṇaṃ** piḷandhalakkhaṇasadisameva. **Migalakkhaṇaṃ** sabbasaṅgāhikaṃ sabbacatuppadānaṃ lakkhaṇavasena vuttaṃ. **Evaṃ lakkhaṇapāṭhakā lakkhaṇaṃ ādisantīti** evaṃ lakkhaṇasatthavācakā lakkhaṇaṃ ādisanti kathenti.

Nakkhattānīti kattikādīni aṭṭhavāsati nakkhattāni. **Iminā nakkhattena gharappaveso kātabboti** gehappavesamaṅgalaṃ kātabbaṃ. **Makuṭṭaṃ bandhitabbanti** pasādhanamaṅgalaṃ kātabbaṃ. **Vāreyyanti** “imassa dārakassa asukakulato asukanakkhattena dārikaṃ ānethā”ti āvāhakaṇaṅca “imaṃ dārikaṃ asukassa nāma dārakassa asukanakkhattena detha, evaṃ etesaṃ vuḍḍhi bhavissati”ti vivāhakaṇaṅca vatvā vāreyyasāñkhātaṃ āvāhavivāhamaṅgalaṃ kātabbanti ādisanti. **Bjāñhāroti** bjāṇaṃ vappathāya bahi nīharaṇaṃ. “Niharo”tipi pāḷi. **Migavākkanti** idamaṃ sabbasaṅgāhikanāmaṃ, sabbasakuṇacatuppadānaṃ rutaññavaseneva vuttaṃ. **Migavākkapāṭhakāti** sakuntacatuppadānaṃ saddabyākaraṇakā. **Migavākkamaṃ ādisantīti** tesāṃ saddamaṃ sutvā byākaronti. **Rutanti** saddamaṃ. “Ruda”nti vā pāḷi. **Vassitanti** vācaṃ. **Gabbhakaṇṇiyāti** vinassamānassa gabbhassa puna avināsāya osadhānena gabbhasaṅṭhānakārakā. Gabbho hi vātena pāñakehi kammaṇā cāti tīhi kāraṇehi vinassati. Tattha vātena vinassante vātavināsanāṃ sītalāṃ bhesajjaṃ deti. Pāñakehi vinassante pāñakānaṃ paṭikammaṃ karoti. Kammaṇā vinassante pana buddhāpi paṭibāhituṃ na sakkonti. Tasmā na taṃ idha

gahitaṃ. **Sālākiyaṃ** salākavejjakammaṃ. **Sallakattiyaṃ** sallakattavejjakammaṃ. **Kāyatikicchantaṃ** mūlabhesajjādāni yojevā kāyatikicchavejjakammaṃ. **Bhūtiyaṃ** bhūtavejjakammaṃ. **Komārabhaccantaṃ** komārakavejjakammaṃ. **Kuhāti** vimhāpakā. **Thaddhāti** dārukkhandhaṃ viya thaddhasarīrā. **Lapāti** paccayaapaṭibaddhavacanakā. **Siṅgiti** maṇḍanapakatikā. **Unnaḷāti** uggatamānanaḷā. **Asamāhitāti** upacārappanāsamādhivirahitā.

Na gaṇheyyātiādīsu uddesaggahaṇavasena **na gaṇheyya**. Sajjhāyavasena **na uggaṇheyya**. Citte ṭhapanavasena **na dhāreyya**. Samīpaṃ katvā ṭhapanavasena **na upadhāreyya**. Upparikkhāvasena **na upalakkheyya**. Aññesaṃ vācanavasena **nappayojeyya**.

163. **Pesuṇiyaṃ** pesuññaṃ. Sesaniddeso ca vuttatthoyeva.

164. **Kayavikkayeti** pañcahi sahadhammikehi saddhiṃ vañcanavasena vā udayapathanāvasena vā na tiṭṭheyya. **Upavādaṃ bhikkhu na kareyyāti** upavādakare kilese anibbattento attani parehi samaṇabrāhmaṇehi upavādaṃ na janeyya. **Gāme ca nābhisajjeyyāti** gāme ca gihisaṃsaggādāhi nābhisajjeyya. **Lābhakamyā janam na lapayeyyāti** lābhakamatāya janam na lapayeyya.

Ye kayavikkayā vinaye paṭikkhittāti ye dānapaṭiggahaṇavasena kayavikkayasikkhāpade (pārā. 593 ādayo) na vaṭṭatīti paṭikkhittā, idhāhippetam kayavikkayam dassetuṃ “**pañcannaṃ saddhiṃ pattaṃ vā cīvaraṃ vā**”tiādīmāha. Tattha **pañcannaṃ saddhinti** pañcahi sahadhammikehi saha. Pañca sahadhammikā nāma bhikkhubhikkhunīsikkhamānasāmaṇerasāmaṇeriyō. **Vañcaniyam vāti** paṭirūpakaṃ dassetvā vañcaniyam vā. **Udayam vā patthayantoti** vuḍḍhiṃ patthento vā. **Parivattetīti** parivattanaṃ karoti.

Iddhimantoti ijjhanapabhāvavanto. **Dibbacakkhukāti** dibbasadisaññacakkhukā. Atha vā dibbavihārasannissayena laddhaññacakkhukā. **Paracittavidunoti** attano cittena paresaṃ cittajānanakā. **Te dūratopi passantīti** ekayojanatopi yojanasatātopi yojanasahasatātopi yojanasatasahasatātopi cakkavāḷatopi dvetīnicattāripañcadasavīsaticattālisahasatātopi tato atirekatopi cakkavāḷato passanti dakkhanti. **Āsannāpi na dissantīti** samīpe ṭhitāpi nisinnāpi na paññāyanti. **Cetasāpi cittaṃ pajānantīti** attano cittenāpi paresaṃ cittaṃ pajānanti. **Devatāpi kho santi iddhimantiniyoti** devatāpi evaṃ saṃvijjanti ijjhanapabhāvavantiyo. **Paracittaviduniyoti** paresaṃ cittaṃ jānantiyo. **Oḷārikehi vā kilesehīti** kāyaduccarītādikehi vā upatāpehi. **Majjhimehi vāti** kāmavitakkādikehi vā. **Sukhumehi vāti** nātivitakkādikehi vā. Kāyaduccarītādayo kammāpathavasena, kāmavitakkādayo vaṭṭamūlakakilesavasena veditabbā.

Nātivitakkādīsu “mayham nātayo sukhajīvino sampattiyuttā”ti evaṃ pañcakāmaguṇasannissitena gehasannissitapemena nātāke ārabha uppannavitakko **nātivitakko**. “Mayham nātayo khayam gatā vayam gatā saddhā pasannā”ti evaṃ pavatto pana nātivitakko nāma na hoti.

“Amhākaṃ janapado subhikkho sampannasasso”ti tuṭṭhamānasassa gehassitapemavasena uppannavitakko **janapadavitakko**. “Amhākaṃ janapade manussā saddhā pasannā khayam gatā vayam gatā”ti evaṃ pavatto pana janapadavitakko nāma na hoti.

Amarattāya vitakko, amaro vā vitakkoti **amaravitakko**. Tattha ukkuṭikappadhānādāhi dukkhe nijiṇṇe samparāye attā sukhi hoti. **Amaroti** dukkarakārikaṃ karontassa tāya dukkarakārikāya paṭisaṃyutto vitakko amarattāya vitakko nāma. Diṭṭhigatiko pana “sassatam vadesī”tiādāni puṭṭho “evanti me no, tathātipi me no, aññāthātipi me no, notipi me no, no notipi me no”ti vikkhepaṃ āpajjati, tassa so diṭṭhigatapaṭisaṃyutto vitakko, yathā amaro nāma maccho uduke gahetvā māretuṃ na sakkā, ito cito ca dhāvati gāham na gacchati, evameva ekasmiṃ pakkhe asaṅṭhahanato na maratīti amaro nāma hoti, tam duvidhampi ekato katvā “amaravitakko”ti vuttam.

Parānuddayatāpaṭisaññuttoti anuddayatāpaṭirūpakena gehassitapemena paṭisaṃyutto. Upaṭṭhākesu nandakesu socantesu ca tehi saddhiṃ diguṇam nandati diguṇam socati, tesu sukhitesu diguṇam sukhito hoti, dukkhitesu diguṇam dukkhito hoti. Uppannesu kiccakaraṇīyesu attanā voyogaṃ āpajjati. Tāni tāni kiccāni sādheṇto paññattim vītikkamati, sallekham kopeti. Yo tasmim saṃsaṭṭhāvihāre tasmim vā voyogāpajjane gehassito vitakko, ayam parānuddayatāpaṭisaññutto vitakko nāma.

Lābhasakkārasilokapaṭisaññuttoti cīvarādīlabhena ceva sakkārena ca kittisaddena ca saddhiṃ ārammaṇakaraṇavasena paṭisaññutto. **Anavaññattipaṭisaññuttoti** “aho vata maṃ pare na avajāneyyūṃ, na sodhetvā visodhetvā katheyyu”nti evaṃ anavaññātābhāvapathanāya saddhiṃ uppajjanakavitakko. So tasmim “mā maṃ pare avajānimsū”ti uppanne vitakke pañcakāmaguṇasaṅkhātagehanissito hutvā uppannavitakko anavaññattipaṭisaññutto vitakko.

Tatra tatra sajjatīti tesu tesu ārammaṇesu laggati. **Tatra tatra gaṇhātīti** vuttappakāraṃ ārammaṇam pavisati. **Bajjhātīti** tehi tehi ārammaṇehi saddhiṃ bajjhati ekābhavati. **Anayabyasananti** tattha tattha avaḍḍhiṃ vināsaṃ. **Āpajjatīti** pāpuṇāti.

Āmisacakkhukassāti cīvarādīāmisalolassa. **Lokadhammagarukassāti** lokuttaradhammaṃ muñcitvā rūpādīlokadhammameva garuṃ katvā carantassa. **Ālapanāti** vihāraṃ āgatamanusse disvā “kimatthāya bhonto āgatā, kim bhikkhū nimantetuṃ, yadi evaṃ gacchatha, aham pacchato bhikkhū gahetvā āgacchāmi”ti evaṃ āditova lapanā. Atha vā

attānaṃ upanetvā “ahaṃ tisso, mayi rājā pasanno, mayi asuko ca asuko ca rājamahāmatto pasanno”ti evaṃ attupanāyikā lapanāti **ālananā**. **Lapanāti** puṭṭhassa sato vuttapakārameva lapanāṃ.

Sallapanāti gahapatikānaṃ ukkaṅṭhane bhūtaṃ okāsaṃ datvā suṭṭhu lapanā. **Ullapanāti** “mahākuṭumbiko mahānāviko mahādānapatī”ti evaṃ uddhaṃ katvā lapanā. **Samullapanāti** sabbato bhāgena uddhaṃ katvā lapanā. **Unnananāti** “upāsakā pubbe īdise kāle navadānaṃ detha, idāni kiṃ na dethā”ti evaṃ yāva “dassāma bhante, okāsaṃ na labhāmā”tiādīni vadanti, tāva uddhaṃ uddhaṃ nahanā, veṭṭhanāti vuttaṃ hoti. Atha vā ucchuhatthaṃ disvā “kuto ābhatāṃ upāsakā”ti pucchati. Uccukhattato bhanteti. Kiṃ tatha ucchu madhuranti. Khādītva bhante jānitabbanti. Na upāsakā “bhikkhussa ucchuṃ dethā”ti vattaṃ vaṭṭatīti yā evarūpā nibbēhantassapī niveṭṭhanakathā, sā **unnahanā**. Sabbato bhāgena punappunaṃ unnahanā **samunnahanā**. **Ukkācanāti** “etaṃ kulaṃ maṃyeva jānāti, sace ettha deyyadhammo uppajjati, mayhaṃyeva detī”ti evaṃ ukkhipitvā kācanā ukkācanā, uddīpanāti vuttaṃ hoti. Sabbato bhāgena pana punappunaṃ ukkācanā **samukkācanā**. **Anuppiyabhāṇitāti** paccayavasena punappunaṃ piyavacanabhāṇanā. **Saṅhavācatāti** muduvacanatā. **Sakhilavācatāti** mandapamaṇayuttavacanatā sithilavacanatā vā. **Sithilavācatāti** allīyavacanatā. **Apharusavācatāti** madhuravacanatā.

Purāṇaṃ mātāpettikanti pure uppannaṃ mātāpitūnaṃ santakaṃ. **Antarahitanti** paṭicchannaṃ tirobhūtaṃ. **Ñāyāmiti** pākāto homi. **Asukassa kulūpakoti** asukassa amaccassa kulapayirupāsako. **Asukāyāti** asukāya upāsikāya. **Maṃ ujjhitvāti** maṃ vissajjitvā.

165. **Payuttanti** cīvarādīhi sampayuttaṃ, tadatthaṃ vā payojitaṃ. **Imissā gāthāya niddeso sabbo heṭṭhā vuttanayova.**

166. Mosavajje na niyyethāti **musāvāde na niyyetha**. Jīvitenāti jīvikāya.

Saṭhoti asantaṅṇadīpanato na sammā bhāsītā. Sabbato bhāgena saṭho **parisaṭho**. **Yaṃ tatthāti** yaṃ tasmaṃ puggale. **Saṭhanti** asantaṅṇadīpanaṃ kerāṭiyāṃ. **Saṭhatāti** saṭhākāro. **Saṭheyanti** saṭhabhāvo. **Kakkaratāti** padumaṇāssa viya aparāmasanakkhamo pharusabhāvo. **Kakkariyanti** tasseva vevacanaṃ. **Parikkhattatā** **pārikkhattiyanti** padadvayena nikhaṇitvā ṭhapitaṃ viya daḷhakerāṭiyāṃ vuttaṃ. Keci pana “**kakkaratāti** sambhāvayitvā vacanaṃ. **Kakkariyanti** sambhāvayitvā vacanabhāvo. **Parikkhattatāti** alaṅkaraṇākāro. **Pārikkhattiyanti** alaṅkaraṇabhāvo”ti atthaṃ vaṇṇayanti. **Idaṃ vuccatīti** idaṃ attano avijjamānaguṇappakāsanalakkaṇaṃ sāṭheyyaṃ nāma vuccati. Yena samannāgatassa puggalassa kucchiṃ vā piṭṭhiṃ vā jānituṃ na sakkā.

“Vāmena sūkaro hoti, dakkhiṇena ajāmigo;
Sarena nelako hoti, visāṇena jaraggavo”ti. (dī. ni. aṭṭha. 2.296; vibha. aṭṭha. 894) –

Evaṃ vuttayakkhasūkarasadiṣo hoti. **Atimaññatīti** atikkamitvā maññati.

Kiṃ panāyaṃ bahulājīvoti ayaṃ pana puggalo ko nāma bahulājīvako. **Sabbaṃ saṃbhakkhetīti** laddhaṃ sabbaṃ khādati. **Appapuññoti** mandapuñño. **Appesakkhoti** parivāravirahito. **Paññāsampannoti** sampannapañño paripuṇṇapañño. **Pañhaṃ vissajjetīti** pañhaṃ katheti byākaroti.

167. **Sutvā rusito bahuṃ vācaṃ, samaṇānaṃ vā puthujanānanti** rusito ghaṭṭito parehi tesāṃ samaṇānaṃ vā khattiyādibhedānaṃ vā aññesaṃ puthujanānaṃ bahumpi aniṭṭhaṃ vācaṃ sutvā. **Na paṭivajjāti** na paṭivadeyya. Kiṃ kārāṇā? **Na hi santo paṭiseniṃ karonti.**

Kakkhaḷenāti dāruṇena. **Santoti** nibbutakilesā. **Paṭiseninti** paṭisattaṃ. **Paṭimallanti** paṭiyodhaṃ. **Paṭikaṅṭakanti** paṭiveriṃ. **Paṭipakkhanti** kilesapaṭipakkhaṃ, kilesavasena saṅgaṃ na karontīti attho.

168. **Etañca dhammamaññāyāti** sabbametaṃ yathāvuttaṃ dhammaṃ ñatvā. **Vicinanti** vicinanto. **Santīti nibbutiṃ ñatvāti** nibbutiṃ rāgādīnaṃ santīti ñatvā.

Samañcāti kāyasucaritādiṃ. **Visamañcāti** kāyaduccaritādiṃ. **Pathañcāti** dasakusalakammappaṭhaṃ. **Vipathañcāti** dasaakusalakammappaṭhaṃ. **Sāvajjañcāti** akusalañca. **Anavajjañcāti** kusalañca. **Hīnapaṇītakāṇhasukkaviññūgarahitaviññūpasatthanti** idampi kusalākusalameva. Tattha kāyasucaritādi samakaraṇato **samaṃ**. Kāyaduccaritādi visamakaraṇato **visamaṃ**. Dasakusalakammappaṭhā sugatigamanappaṭhā **pathaṃ**. Dasaakusalakammappaṭhā sugatigamanappaṭhā apāyagamanappaṭhā **vipathaṃ**. Akusalaṃ sadosattā **sāvajjaṃ**. Kusalaṃ niddosattā **anavajjaṃ**. Tathā mohena vā dosamohena vā lobhamohena vā sampayuttattā **hīnaṃ**. Alobhaadosaamohasampayuttattā **paṇītaṃ**. Kaṇhavipākattā **kaṇhaṃ**. Sukkavipākattā **sukkaṃ**. Buddhādīhi viññūhi garahitattā **viññūgarahitaṃ**. Tehi eva thomitattā **viññūpasatthanti** ñatabbaṃ.

169. Kiṃ kārāṇā nappamajjeyya iti ce – **abhibhū hi** soti gāthā. Tattha **abhibhūti** rūpādīnaṃ abhibhavitā. **Anabhibhūtoti** tehi anabhibhūto. **Sakkhidhammanātihamaddasīti** paccakkhameva anītihaṃ dhammaṃ addakki. **Sadā namassa’manusikkheti** sadā namassanto tisso sikkhāyo sikkheyya.

Kehici kilesehīti kehici rāgādiupatāpakarehi kilesehi. **Abhibhosi neti** te kilese abhibhavi. Sesam sabbattha pākāameva.

Kevalam pana ettha “cakkhūhi neva lolo”tiādīhi indriyasamvaro, “annānamatho pānāna”ntiādīhi sannidhipatikkhepamukhena paccayapaṭisevanasīlam, methunamosavajjapesuñiyādīhi pātimokkhasamvarasīlam, “āthabbanam supinam lakkhaṇa”ntiādīhi ājīvapārisuddhisīlam, “jhāyī na pādalolessā”ti iminā samādhi, “vicinam bhikkhū”ti iminā paññā, “sadā sato sikkhe”ti iminā puna saṅkhepato tissopi sikkhā, “atha āsanesu sayanesu, appasaddesu bhikkhu vihareyya, niddam na bahulikareyyā”tiādīhi sīlasamādhipaññānam upakārānupakārasaṅgaṅghanavinodanāni vuttānti. Evaṃ bhagavā nimmitassa paripuṇṇapaṭipadam vatvā arahattanikūṭena desanam niṭṭhāpesi, desanāpariyosāne purābhedasutte (mahāni. 83 ādayo) vuttasadisoyevābhisamayo ahoṣīti.

Saddhammapajjotikāya mahāniddesaṭṭhakathāya

Tuvaṭakasuttaniddesavaṇṇanā niṭṭhitā.

15. Attadaṇḍasuttaniddesavaṇṇanā

170. Pannarasame attadaṇḍasuttaniddese **attadaṇḍā bhayaṃ jātanti** paṭhamagāthāya attho – yaṃ lokassa diṭṭhadhammikaṃ vā samparāyikaṃ vā bhayaṃ jātaṃ, taṃ sabbaṃ **attadaṇḍā bhayaṃ jātaṃ** attano duccharitakāraṇā jātaṃ, evaṃ santepi **janaṃ passatha medhagaṃ**, imaṃ sākiyādijanaṃ passatha aññamaññaṃ medhagaṃ hiṃsakaṃ bādhakanti. Evaṃ taṃ paṭiviruddhaṃ vipaṭipannaṃ janaṃ paribhāsivā attano sammā paṭipattidassanena tassa samvegaṃ janetuṃ āha “**samvegaṃ kittayissāmi, yathā samvijitaṃ mayā**”ti. Pubbe bodhisatteneva satāti adhippāyo.

Tayoti gaṇanaparichedo. **Daṇḍāti** duccharitā. **Kāyadaṇḍoti** kāyaduccharitaṃ. **Vacīdaṇḍādisupi** eseva nayo. **Tividhaṃ kāyaduccharitanti** pāṇātipātādikāyato pavattaṃ duṭṭhaṃ caritaṃ, kilesapūtikattā vā duṭṭha caritanti laddhanāmaṃ tividhaṃ duccharitaṃ kāyaduccharitaṃ. **Catubbidhanti** musāvādādicatubbidhaṃ. **Tividhanti** abhijjhāditividhaṃ. **Diṭṭhadhammikaṃ** diṭṭheva dhamme imasmimyeva attabhāve paṭisaṃvedanīyaṃ. **Samparāyikaṃ** anāgate attabhāve paṭisaṃvedanīyaṃ. **Āgucārīti** pāpakārī aparādhakārī. **Tamaṇaṃ rājā paribhāsati** pāpakāriṃ rājā paribhāsati, bhayaṃ uppādeti. **Dukkhaṃ domanassaṃ paṭisaṃvedeti** kāyikaṃ dukkhaṃ cetasikaṃ domanassaṃ vindati. **Etaṃ bhayaṃ dukkhaṃ domanassanti** evarūpaṃ bhayaṇca dukkhaṇca domanassaṇca. **Kuto tassāti** tassa corassa kuto uppannaṃ. **Attadaṇḍato jātanti** attanā kataduccharitato uppannaṃ.

Antamasoti heṭṭhimato. **Savacanīyampi karoti** “**na te labbhā ito pakkamitu**”nti ito imamhā gāmādinā gantuṃ na labbhā. Na sakkā bahi nikkhamitunti palibodhaṃ saṅgaṃ karoti. **Dhanajānipaccayāpiti** dhanaparihānikāraṇāpi. Rājā tassa vividhā kammakāraṇā kārapeti. **Kasāhipi tāletti** kasādaṇḍakehi potheti. **Vettehipi tāletti** sakaṇṭakavettalatahi potheti. **Adḍhadāṇḍakehīti**ādayo heṭṭhā vuttanayāyeva. **Sunakhehipi khādāpeti** katipayāni divasāni āhāre adatvā chātasunakhehi khādāpeti. Te muhuttana aṭṭhikasāṅkhalikameva karoti. **Sūle uttāsetti** sūlaṃ āropeti. **Rājā imesaṃ catunnaṃ daṇḍānaṃ issaroti** imāsaṃ catunnaṃ āṇānaṃ kātuṃ rājā samattho.

Sakena kammenāti sayamkatena kammena. **Tamaṇaṃ nirayapālāti** ettha ekacce therā “**nirayapālā nāma natthi, yantarūpaṃ viya kammameva kāraṇaṃ kāretī**”ti vadanti. Tesaṃ taṃ “**atthi nirayesu nirayapālāti, āmantā. Atthi ca kāraṇikā**”tiādīnā nayena abhidhamme (kathā. 866 ādayo) paṭisedhitameva. Yathā hi manussaloke kammakāraṇakārakā atthi, evameva nirayesu nirayapālā atthīti. **Tattaṃ ayokhilanti** tigāvutaṃ attabhāvaṃ sampajjalitāya lohaphaviyā uttānakaṃ nipajjāpetvā dakkhiṇaṭṭhe tālappamaṇaṃ ayasūlaṃ pavesenti, tathā vāmahatthādisu. Yathā ca uttānakaṃ nipajjāpetvā evaṃ urenapi vāmapassenapi dakkhiṇapassenapi nipajjāpetvā taṃ kammakāraṇaṃ karontiyeva.

Samvesetvāti jalitāya lohaphaviyā tigāvutaṃ attabhāvaṃ nipajjāpetvā. **Kuṭṭhārīhīti** mahatīhi gehacchādanassa ekapakkhamattāhi kuṭṭhārīhi tacchenti, lohitaṃ nadī hutvā sandati, lohaphavito jālā utṭhahitvā tacchitaṭṭhānaṃ gaṇhāti, mahādukkhaṃ uppajjati, tacchantā pana suttāhataṃ karitvā dāru viya aṭṭhamsampi chaḷamsampi karonti. **Vāsīhīti** mahāsuppamāṇāhi vāsīhi. **Rathe yojetvāti** saddhīṃ yugayottaupakkharacakkakubbarapājanehi sabbato pajjalite rathe yojetvā. **Mahantanti** mahākūṭāgarappamaṇaṃ. **Āropenti** sampajjalitehi ayamuggarehi pothentā āropenti. **Sakimpi uddhanti** supakkutthitāya ukkhaliyā pakkhittataṇḍulaṃ viya uddhaṃ adho tiriyāṇca gacchati. **Mahānirayeti** avīcimahānirayamhi.

Catukkaṇṇoti caturassamañjūsāsādiso. **Vibhattoti** catudvārasena vibhatto. **Bhāgaso mitoti** dvāravāthīnaṃ vasena bhāge ṭhapetvā ṭhapetvā vibhatto. **Pariyantoti** parikkhitto. **Ayasāti** upari navayojanikena ayapattana chādito. **Samantā yojanasataṃ pharitvā tiṭṭhatīti** evaṃ pharitvā tiṭṭhati, yathā samantā yojanasate ṭhatvā oloketassa akkhīmi yamakagolākā viya nikkhamanti. **Kadariyātapanaṃ** sabbepi te ussadehi saddhīṃ atṭha mahānirayā kadariyā niccaṃ tapantīti kadariyātapanaṃ. Balavadukkhataṃ **ghorā**. Kappaṭṭhikānaṃ accīnaṃ atthitāya **accimanto**. Āsādetuṃ ghaṭṭetuṃ dukkaratāya **durāsada**. Diṭṭhamattā vā sutamattā vā lomāni haṃsentīti **lomahaṃsanarūpā**. Bhīsanatāya **bhismā**. Bhayajananatāya **paṭibhayā**. Sukhābhāvena **dukhā**.

Puratthimāya bhittiyātidigāthānaṃ evaṃ avīcinirayoti pariyantaṃ katvā ayaṃ saṅkhepattho – aggijālānaṃ vā pana

sattānaṃ vā tesam dukkhassa vā vīci antaraṃ natthi etthāti avīci. Tatra hi puratthimādīhi bhittīhi jālārāsi uṭṭhahitvā pāpakammaṃ puggale jhāpento pacchimādīsu bhittīsu paṭihaññāti paharati, tā ca bhittīyo vinivijjhivā parato yojanasataṃ gaṇhāti, heṭṭhā uṭṭhā upari paṭihaññāti, upari uṭṭhā heṭṭhā paṭihaññāti. Evaṃ tāvettha jālānaṃ vīci nāma natthi. Tassa pana anto yojanasataṭṭhānaṃ khīravallipiṭṭhassa pūritanāli viya sattehi nirantaraṃ pūritaṃ catūhi iriyāpathehi paccantānaṃ sattānaṃ pamānaṃ natthi, na ca aññamaññaṃ byābādheṭṭhi, sakasakaṭṭhāneyeva paccanti. Evamettha sattānaṃ vīci nāma natthi. Yathā pana jivhagge cha madhubindūni sattamassa tambalohabinduno anudahanabalavatāya abbohārikāni honti, tathā tattha anudahanabalavatāya sesā cha akusalavipākupekkhā abbohārikā honti, dukkhameva nirantaraṃ paññāyati. Evamettha dukkhassa vīci nāma natthi. Nirassadaṭṭhena **nirayo**.

Tattha sattā mahāluddāti tasmīṃ nibbattā sattā mahantā luddā. **Mahākibbisakārinoti** mahantadāruṇakammakārino. **Accantapāpakammantāti** ekaṃsena pāpakammaṃ. **Paccanti na ca miyyareti** channaṃ jālānamantare paccanti, na ca miyyanti. **Jātavedasamo kāyoti** tesam sarīraṃ aggisadisam. **Tesam nirayavāsīnanti** tesam pāpakammānaṃ nirayavāsīnaṃ. **Passa kammaṇaṃ dalhantanti** pāpakammānaṃ thirabhāvaṃ olokehi. **Na bhasmā hoti nāpi masīti** chārīkāpi na hoti āṅgāropi. **Puratthimenāti** yadā taṃ dvāraṃ apāruṭaṃ hoti, atha tadabhimukhā dhāvanti, tesam tattha chaviādīni jhāyanti. Dvārasamīpaṃ pattānañca tesam taṃ pīdhīyati, pacchimaṃ apāruṭaṃ viya khāyati. Esa nayo sabbattha. **Abhinikkhamitāsā teti** nirayā nikkhamitum āsā etesanti nikkhamitāsā. **Mokkhagavesinoti** muñcanupāyaṃ esantā gavesantāpi. **Na te tato nikkhamitum, labhanti kammappaccayāti** te sattā nirayato nikkhamanadvāraṃ pāpakammappaccayā nādhigacchanti. **Tesañca pāpakammantaṃ, avipakkaṃ kataṃ bahunti** tesañca sattānaṃ lāmakam dāruṇakammaṃ avipakkaṃ bahuvīdham nānapakkāraṃ adinnavipākam kataṃ upacitaṃ atthi.

Samveganti vinīlanaṃ. **Ubbeganti** ṭhitaṭṭhānato gamanaṃ. **Utrāsanti** ubbejanaṃ asanniṭṭhānaṃ. **Bhayanti** cittutrāsanaṃ. **Pīlananti** ghaṭṭanaṃ. **Ghaṭṭananti** pīlākaraṇaṃ. **Upaddavanti** itim. **Upasagganti** rundhanaṃ.

171. Idāni yathānena samvijjitaṃ, taṃ pakāraṃ dassento “**phandamāna**”ntiādīmāha. Tattha **phandamānanti** tañhādīṭṭhīhi kampamānaṃ. **Appodaketi** appe uduke. **Aññamaññehi byāruddhe disvāti** nānāsatte ca aññamaññehi saddhim viruddhe disvā. **Maṃ bhayamāvisīti** maṃ bhayaṃ pavīṭṭhaṃ.

Kilesaphandanāya phandamānanti rāgādīkilesacalanāya calamānaṃ. **Payogoti** kāyavacīmanopayogo.

Viruddhāti virodhamāpannā. **Paṭiviruddhāti** paṭimukhaṃ hutvā virodhamāpannā, suṭṭhu viruddhā vā. **Āhatāti** kodhena āhatā pahatā. **Paccāhatāti** paṭimallā hutvā āhatā. **Āghātītāti** ghaṭṭitā. **Paccāghātītāti** visesena ghaṭṭitā. **Pāñhipi upakkamantīti** hatthehipi paharanti.

172. **Samantamasāro lokoti** nirayaṃ ādim katvā samantato loko asāro nīccasārādirahito. **Disā sabbā sameritāti** sabbā disā anīccatāya kampitā. **Icechaṃ bhavanamattanoti** attano tānaṃ icchanto. **Nāddasāsim anositanti** kiñci ṭhānaṃ jarādīhi anajjhāvutṭhaṃ nāddakkhinti.

Asāroti na sāro, sāravirahito vā. **Nissāroti** sabbena sabbam sāravirahito. **Sārāpagatoti** sārato apagato. **Nīccasārasarena vāti** satatasārasaṅkhātena sarena vā. Uparipadadvayepi eseva nayo. **Ye puratthimāya disāya saṅkhārāti** ye puratthimāya disāya paccayehi saṅgama samāgama katā saṅkhārā. **Tepi eritāti** tepi saṅkhārā kampitā. **Sameritāti** sammā kampitā. **Calitāti** calanaṃ gatā. **Ghaṭṭītāti** udayabbayena pīlitā. **Anīccatāyāti** hutvā abhāvatāya. **Jātiyā anugatāti** nibbattiyā anupavīṭṭhā. **Jarāya anusaṭṭāti** paripakkatāya anupatṭhaṭṭā. **Byādhinā abhibhūtāti** cātuvisamena uppannabyādhinā ajjhotṭhaṭṭā. **Maraṇena abbhāhatāti** maccunā abhīāhatā pahatā. **Atāṇāti** rakkhavirahitā. **Aleṇāti** leṇavirahitā. **Asaraṇāti** natthi etesaṃ saraṇanti asaraṇā. **Asaraṇībhūtāti** sayam saraṇakīccam na karontīti asaraṇībhūtā.

Attano bhavananti nīddesapadassa uddesapadaṃ. **Tāṇanti** pālanaṃ. **Leṇanti** leṇaṭṭhānaṃ. **Saraṇanti** dukkhanāsanaṃ. **Gatinti** patiṭṭhaṃ. **Parāyananti** paraṃ ayanam. **Ajjhositaṃyeva addasanti** jarādīhi madditaṃyeva addakkhīṃ. **Sabbaṃ yobbaññanti** yobbanabhāvo yobbaññaṃ, sacetanānaṃ sabbaṃ yobbaññaṃ. **Jarāya ositanti** paripākāya jarāya avasitaṃ madditaṃ. Evaṃ sabbattha.

173. **Osāne tveva byāruddhe, disvā me aratī ahūti** yobbaññādīnaṃ osāneyeva antagamake eva vināsake eva jarādīhi byāruddhe āhatacette satte disvā aratī me ahoṣi. **Athettha sallanti** atha etesu sattesu rāgādisallaṃ. **Hadayassitanti** cittanīssitaṃ.

Yobbaññaṃ jarā osāpetīti jarā atthaṅgameti vināseti. Evaṃ sabbattha.

174. “Kathaṃ ānubhāvaṃ salla”nti ce? **Yena sallena otiṇṇoti** gāthā. Tattha **disā sabbā vidhāvātīti** sabbā duccharitadisāpi puratthimādīdisāpi vidīsāpi dhāvati. **Tameva sallamabbuyha, na dhāvati na sīdatīti** tameva sallaṃ uddharitvā tā ca disā na dhāvati, caturōghe ca na sīdati.

Aññāṇantiādīsū ñāṇadassanaṭṭhāpakkhato aññānaṃ adassanaṃ. Abhimukho hutvā dhammena na sameti na samāgacchātīti **anabhisamāyo**. Anurūpato dhamme bujjaṭṭhīti **anubodho**. Tappaṭṭhāpakkhatāya **ananubodho**. Anīccādīhi saddhim yojetvā na bujjaṭṭhīti **asambodho**. Asantaṃ asamañca bujjaṭṭhīti **asambodho**. Catusaccadhammaṃ na paṭivijjhaṭṭhīti

appaṭivedho. Rūpādīsu ekadhammampi aniccādisāmaññato na saṅgaṅhātīti **asaṅgāhaṇā.** Tameva dhammaṃ na pariyoḡāhatīti **apariyoḡāhaṇā.** Na samaṃ pekkhatīti **asamapekkhanā.** Dhammānaṃ sabhāvaṃ pati na apekkhatīti **apaccavekkhaṇā.**

Kusalākusalakammesu viparītavuttiyā sabhāvagaḡaṇābhāvena vā ekampi kammaṃ etassa paccakkhaṃ natthi, sayam vā kassaci dhammassa paccakkhakarāṇaṃ nāma na hotīti **apaccakkhakammaṃ.** Yaṃ etasmiṃ anuppajjamāne cittasantānaṃ mejjhaṃ bhavyeaya suci vodānaṃ, taṃ duṭṭhaṃ mejjhaṃ imināti **dummejjhaṃ.** Bālānaṃ bhāvo **bālyaṃ.** Muyhatīti **moho.** Balavatāro moho **pamoho.** Samantato muyhatīti **sammoho.** Vijjāya paṭipakkhabhāvato na vijjāti **avijjā.** **Oghayogatto** vuttoyeva. Thāmagataṭṭhena anuseṭīti **anusayo.** Cittaṃ pariyoṭṭhāti abhibhavaṭṭī **pariyoṭṭhānaṃ.** Hitaggahaṇābhāvena hitābhimukhaṃ gantaṃ na sakkoti aññadattaṃ laṅgatiyevatī **laṅgī,** khañjatīti attho. Duruggaḡaṇaṭṭhena vā **laṅgī.** Yathā hi mahāpalighasāṅkhātā laṅgī duruggaḡāṭṭā hoti, evamayampi laṅgī viyāti **laṅgī.** Sesam uttānatthameva.

Yā evarūpā kaṅkhātī ettha kaṅkhanavasena **kaṅkhā.** Kaṅkhaṃ ānayatīti **kaṅkhāyana.** Purimakāṅkhā hi uttarakaṅkhaṃ ānayatī nāma. Ākāravasena vā etaṃ vuttaṃ. Kaṅkhāsamaṅgicittaṃ kaṅkhāya āyitattā kaṅkhāyitaṃ nāma. Tassa bhāvo **kaṅkhāyitattaṃ.** **Vimaṭṭīti** vigatā mati vimati. **Vicikicchātīti** vigatā cicicchā vicikicchā, sabhāvaṃ vā vicinanto kicchatī kilamati eṭāyati **vicikicchā.** Sā saṃsayaḡalakkaṇā, kampanarāsā, anicchayaḡapaccupaṭṭhānā, anekasaṅgāḡhapaccupaṭṭhānā vā, ayonisomanasikārapadaṭṭhānā, paṭipattiyaṃ antarāyakaṛātī daṭṭhabbā.

Kampanaṭṭhena dvidhā eḡayātīti **dveḡhakaṃ.** Paṭipattinivāraṇena dvidhāpatho viyāti **dvedhāpatho.** “Niccam vā idaṃ aniccaṃ vā”tiāḡipavattiyaṃ ekasmiṃ ākāre saṅḡhātūṃ asamatthaṭṭāya samantato seṭṭī **saṃsayo.** Ekaṃsaṃ gaḡetūṃ asamatthaṭṭāya na ekaṃsaḡgāḡhoti **anekaṃsaḡgāḡho.** Nicchetūṃ asakkontī ārammaṇato osakkaṭṭī **āsappanā.** Oḡāhitūṃ asakkontī parisamantato sappatīti **parisappanā.** Pariyoḡāhitūṃ asamatthaṭṭāya **apariyoḡāhaṇā.** Nicchayaḡavasena ārammaṇe pavattitūṃ asamatthaṭṭāya **chambhitattaṃ cittassa,** thaddhabhāvoti attho. Vicikicchā hi uppajjitvā cittaṃ thaddhaṃ karoti, yasmā pana sā uppajjamānā ārammaṇaṃ gaḡetvā manam vilikhanti viya, tasmā **manovilekhoti** vuttā.

Viddhoti sallena laddhappahāro. **Phuṭṭhoti** ghaṭṭito. **Paretoti** piḡḡito. **Dhāvātīti** purato gaḡchati. **Vidhāvātīti** anekavidhena gaḡchati. **Sandhāvātīti** vegena dhāvati. **Samasarātīti** ito cito ca carati.

Acelakoti niccolo, naggoti attho. **Muttācāroṭi** visaṭṭhācāro, uccārakammādīsu lokiyakulaputtācārena virahito ṭṭitakova uccāraṃ karoti, passāvaṃ karoti, khādati bhūñjati. **Hatthāpalekhanoti** hatthe piṇḡamaḡi ṭṭhite jivhāya hatthaṃ apalikhati, uccāraṃ vā katvā hatthamhiyeva daṇḡakasaṅḡhā hutvā hatthena apalikhati. Te kira daṇḡakaṃ “satto”ti pañṅapenti. Bhikkhāḡaḡaṇaṭṭhaṃ “ehi bhadante”ti vutto na eṭīti **na ehībhadantiko.** Tena hi “ṭṭiṭṭha bhadante”ti vuttopi na ṭṭiṭṭhatīti **na ṭṭiṭṭhabhadantiko.** Tadubhayampi kira so “etassa vacanaṃ kataṃ bhavissatī”ti na karoti.

Abhihaṭṭanti puretaraṃ gaḡetvā āhaṭṭaṃ bhikkhaṃ. **Uddissakatanti** “idaṃ tumhe uddissa kata”nti evaṃ ārocitaṃ bhikkhaṃ. **Na nimantananti** “asukaṃ nāma kulam vā vīthiṃ vā ḡamaṃ vā paviseyyāthā”ti evaṃ nimantitabhikkhampi na sādīyati na gaṅhātī. **Na kumbhimukhātī** kumbhito uddharitvā diyyamānaṃ bhikkhaṃ na gaṅhātī. **Na kaḡopimukhātī** kaḡopīti ukkhali vā pacchi vā, tatopi na gaṅhātī. Kasmā? Kumbhikaḡopīyo maṃ nissāya kaṭacchunā pahāraṃ labhanti. **Na eḡakamantaranti** ummāraṃ antaraṃ karitvā diyyamānaṃ na gaṅhātī. Kasmā? Ayaṃ maṃ nissāya antarakaṇaṃ labhatīti. **Daṇḡamusaḡesupi** eseva nayo.

Na dvinnanti dvīsu bhūñjamaṅesu ekasmiṃ uṭṭhāya dente na gaṅhātī. Kasmā? Kabaḡantarāyo hotīti. **Na gabbhiniyātī**āḡīsu pana “gabbhiniyā kucchiyaṃ dāraḡo kilamati”ti, pāyantiyā dāraḡakassa khīrantarāyo hotī”ti, “purisantaragaṭṭāya ratiantarāyo hotī”ti na gaṅhātī. **Na samkittīsūtī** samkittitvā katabhattesu. Dubbhikkhasamaye kira acelakasāvakā acelakānamatthāya tato tato taṇḡulādīni samādapetvā bhattaṃ pacanti, ukkaṭṭho acelako tatopi na paṭiḡgaṅhātī. **Na yattha sātī** yattha sunakho “piṇḡamaṃ labhissāmī”ti upaṭṭhito hoti, tattha tassa adatvā āhaṭṭaṃ na gaṅhātī. Kasmā? Etassa piṇḡantarāyo hotīti. **Saṇḡasaṇḡacārinīti** samūhasamūhacārinī. Sace hi acelakaṃ disvā “imassa bhikkhaṃ dassamā”ti manussā bhattagehaṃ pavisanti, tesu ca pavisantesu kaḡopimukhādīsu nilīnā makkhikā uppatitvā saṇḡasaṇḡā caranti. Tato āhaṭṭaṃ bhikkhaṃ na gaṅhātī. Kasmā? Maṃ nissāya makkhikānaṃ gocarantarāyo jātoti. **Thusodakanti** sabbasassasambhārehi kataṃ sovīrakaṃ. Ettha ca surāpānameva sāvajjaṃ, ayaṃ pana sabbesupi sāvajjasāññī.

Ekāḡārikoti yo ekasmiṃyeva gehe bhikkhaṃ labhitvā nivattati. **Ekālopikoti** yo ekeneva ālopana yāpeti. **Dvāḡārikādīsipi** eseva nayo. **Ekissāpi dattiyātī** ekāya dattiyā. Datti nāma ekā khuddakapātī hoti, yattha agḡabhikkhaṃ pakkhipitvā ṭṭhapenti. **Ekāhikanti** ekadivasantarikaṃ. **Aḡḡhamāsikanti** aḡḡhamāsantarikaṃ. **Pariyāyabhattabhojananti** vārabhattabhojanaṃ, ekāhavārena dvīhavārena sattāhavārena aḡḡhamāsavārenātī evaṃ divasavārena ābhatam bhattabhojanaṃ.

Sākabhakkhotīāḡīni vuttatthāneva. **Ubbhaṭṭhakoti** uddham ṭṭitako. **Ukkuṭīkappaḡhānaṃ** anuyuttoti ukkuṭīkaṃ vīriyaṃ anuyutto. Gaḡchantopi ukkuṭīkova hutvā uppatitvā uppatitvā gaḡchati. **Kaṅṭakāpassayikoti** ayakaṅṭake vā pakatikaṅṭake vā bhūmiyaṃ koṭṭetvā tattha cammaṃ attharitvā ṭṭhānaḡamādīni karoti. **Seyyanti** sayantopi tattheva seyyaṃ kappeti. **Phalakaseyyanti** rukkhapalake seyyaṃ. **Thaṇḡilaseyyanti** thaṇḡile ucce bhūmiṭṭhāne seyyaṃ. **Ekaḡpassayikoti** ekaḡpasseneva sayati. **Rajoḡalladharoti** sarīraṃ telena makkhetvā rajaṭṭhānaṭṭhāne ṭṭiṭṭhati, athassa sarīre rajoḡallaṃ laggati, taṃ dhāretī. **Yathāsanthatikoti** laddham āsanaṃ akopetvā yadeva labhati, tattheva nisīdanasīlo. **Vekaṭīkoti** vikaṭākhādanasīlo,

vikaṭanti gūtham vuccati. **Apānakoti** paṭikkhittasītudakapāno. Sāyaṃ tatiyaṃ assāti **sāyatatiyakam**. Pāto majjhanhike sāyanti divasassa tikkhattum “pāpaṃ pavāhessāmī”ti **udakorohanānuyogaṃ anuyutto viharati**.

Te salle abhisāṅkharotīti te rāgādisattasalle abhinibbatteti. **Abhisāṅkharontoti** abhinibbattento. **Sallābhisāṅkhārasenāti** sallābhinibbattāpanakāraṇā. **Puratthimaṃ disaṃ dhāvātīti** purimaṃ disaṃ gacchati. **Te sallābhisāṅkhārā appahīnāti** ete rāgādisallā payogā nappahīnā. **Sallābhisāṅkhārānaṃ appahīnattāti** sallapayogaṇaṃ appahīnabhāvena. **Gatīyā dhāvātīti** gatiyaṃ dhāvati. **Gatīyā gatinti** gatito gatiṃ.

Na sīdatīti na nimujjati. **Na saṃsīdatīti** na samantato mujjati. **Na osīdatīti** na osakkati. **Na avasīdatīti** na paccosakkati. **Na avagacchātīti** na heṭṭhā gacchati.

175. Evaṃ mahānubhāvena sallena otiṅgesu ca sattesu – **tattha sikkhānugīyanti, yāni loke gadhitānīti** gāthā. Tassattho – ye **loke** pañca kāmagaṇā paṭilābhāya gijjhantīti katvā “gadhitānī”ti vuccanti, cirakālasevitattā vā “gadhitānī”ti vuccanti. **Tattha** taṃ nimittaṃ hatthisikkhādikā anekā **sikkhā** kathīyanti, ugghayanti vā. Passatha yāva samattho vāyaṃ loko, yato paṇḍito kulaputto **tesu** vā gadhitesu tāsu vā sikkhāsu adhimutto **na siyā**, aññadathu aniccādidassanena **nibbijjha sabbaso kāme**. **Attano nibbānameva sikkheti**.

Paṭivijjhivāti nāṇena nikkhametvā vā nibbijjhivā vā.

176. Idāni yathā nibbānāya sikkhitabbaṃ, taṃ dassento “**sacco siyā**”tiādīmāha. Tattha **saccoti** vācāsaccena nāṇasaccena maggasaccena ca samannāgato. **Rittapesuṇoti** pahīnapesuṇo. **Vevicchanti** macchariyaṃ.

177. **Niddaṃ tandiṃ sahe thīnanti** pacalāyikaṇca kāyālasīyaṇca cittālasīyaṇcāti ime tayo dhamme abhibhaveyya. **Nibbānamānasoti** nibbānaninnacitto.

Kāyassa akalyatāti khandhattayasāṅkhātassa nāmakāyassa gilānabhāvo. Gilāno hi akallakoti vuccati. Vinayepi (pārā. 151) vuttaṃ – “nāhaṃ, bhante, akallako”ti. **Akammaññatāti** kāyagelaññasāṅkhāto akammaññatākāro. Megho viya ākāsaṃ kāyaṃ onayhatīti **onāho**. Sabbato bhāgena onāho **pariyonāho**. Abbhantare samorundhatīti **antosamorodho**. Medhatīti **middhaṃ**, akammaññabhāvena vihiṃsatīti attho. Supanti tenāti **suppaṃ**. Akkhidālādīnaṃ pacalabhāvaṃ karotīti **pacalāyikā**. **Suppanā suppitattanti** ākārabhāvaniddesā. **Oliyanāti** oliyanākāro. Dutiyaṃ upasaggavasena vaḍḍhitam. **Līnanti** avipphārikatāya paṭikuṭikaṃ. Itare dve ākārabhāvaniddesā. **Thīnanti** sappipiṇḍo viya avipphārikatāya ghanabhāvena thitam. **Thīyanāti** ākāraniddeso. Thiyitassa bhāvo **thiyitattam**, avipphāravasena thaddhatīti attho.

Sabbasaṅkhāradhātuyāti nibbānaninnamānaso sabbatebhūmikasaṅkhātadhātuyā. **Cittaṃ paṭivāpetvāti** cittaṃ nivattāpetvā. **Etaṃ santanti** etaṃ nibbānaṃ. Kilesasantatāya **santaṃ**. Atappakaṭṭhena **paṇītam**.

Na paṇḍitā upadhisukkhassa hetūti dabbajātikā kāmasukkhassa kāraṇā dānāni na denti. **Kāmaṇca te upadhiparikkhayāyāti** ekaṃsena te paṇḍitā kāmakkhayāya kāmakkhepanattham dānāni denti. **Apunabbhavāyāti** nibbānatthāya. **Jhānāni bhāventīti** paṭhamajjhānādīni vaḍḍhenti. **Punabbhavāyāti** punabbhavakāraṇā. **Te** paṇḍitā nibbānaṃ abhimukhaṃ hutvā dānaṃ dadanti.

178. Sāhasāti rattassa rāgacaritādibhedā sāhasākāraṇā. Niddeso uttānatthoyeva.

179. **Purāṇaṃ nābhinandeyyāti** atītaṃ rūpādīṃ nābhinandeyya. **Naveti** paccuppanne. **Hīyamāneti** vinassamāne. **Ākāsaṃ na sito siyāti** taṇhānissito na bhaveyya. Taṇhā hi rūpādīnaṃ ākāsanato “ākāso”ti vuccati.

Vemāneti abhavamāne. **Vigacchamāneti** apagacchamāne.

“**Ākāsatī**”ti “**ākassatī**”ti ca duvidho pāṭho.

180. Kiṃ kāraṇā ākāsaṃ na sito siyāti ce? **Gedhaṃ brūmīti** gāthā. Tassattho – ahañhi imaṃ ākāsaṅkhātāṃ taṇhaṃ rūpādīsu gijjhanato **gedhaṃ brūmi** “gedho”ti vadāmi. Kiñca bhīyo – avahananaṭṭhena “**ogho**”ti ca ājavanaṭṭhena “**ājava**”nti ca “idaṃ mayhaṃ, idaṃ mayha”nti jappakāraṇato “**jappana**”nti ca dummuṇcanaṭṭhena “**ārammaṇa**”nti ca kampakāraṇaṭṭhena “**kampana**”nti ca brūmi, esāva lokassa palibodhaṭṭhena duratikkaṃānīyaṭṭhena ca “**kāmapaṅko duraccayo**”ti.

Ājavanti āpaṭisandhito javati dhāvātīti ājavaṃ, vaṭṭamūlatāya punabbhava paṭisandhidānataṇhāyetaṃ adhivacanaṃ. **Jappananti** patthanā, taṇhāyetaṃ adhivacanaṃ. **Ārammaṇampi vuccati taṇhāti** rūpādīsu ārammaṇesu uppannataṇhā muccitum asakkuṇeyyaṭṭhena ārammaṇāti kathīyati. **Kāmapaṅkoti** osīdanaṭṭhena kalalaṃ. **Kaddamoti** saṅgaṭṭhena kaddamo. Tāpanaṭṭhena **kilesa**. Nīyāsāṃ viya laggāpanaṭṭhena **palipo**. Rundhitvā dhāraṇaṭṭhena **palirodho**. Evametaṃ gedhādiriyāyaṃ ākāsaṃ anissito.

181. Saccā avokkamanti gāthā. Tassattho – pubbe vuttā tividhāpi saccā avokkamam moneyyapattiyā **munīti** saṅkham gato nibbānathale **tiṭṭhati brāhmaṇo, sa** veevarūpo sabbāni āyatanāni nissajjivā “**santo**”ti vuccati. Niddese vattabbaṃ natthi.

182. Kiñca bhiiyo – **sa ve vidvāti** gāthā. Tattha **ñātvā dhammanti** aniccādinayena saṅkhatadhammaṃ aññāya. **Sammā so loke iriyānoti** asammaīriyanakarānaṃ kilesānaṃ pahānā sammā so loke iriyamāno.

183. Evaṃ apihento ca – **yodha kāmeti** gāthā. Tattha **saṅganti** sattavidhaṃ saṅgaṃ yo accatari. **Nājjhetīti** na abhijjhāyati.

184. Tasmā tumhesupi yo evarūpo hotuṃ icchati, taṃ vadāmi – **yaṃ pubbeti** gāthā. Tattha **yaṃ pubbeti** atīte saṅkhāre ārabba uppañjanadhammaṃ kilesajātaṃ atītaṃ kammañca. **Pacchā te māhu kiñcananti** anāgatepi saṅkhāre ārabba uppañjanadhammaṃ rāgādikiñcanaṃ mā ahu. **Majjhe ce no gahessasīti** paccuppannarūpādiddhammepi na gahessasi ce. Evaṃ upasanto carissasi.

Abījaṃ karohīti maggañāṇena na bījaṃ karohi. **Rāgakiñcananti** rāgaphandaṇaṃ. **Dosakiñcanādisupi** eseva nayo.

185. Evaṃ arahattappattiṃ dassetvā idāni arahato thutivasena ito parā gāthāyo abhāsi. Tattha **sabbasoti** gāthāya **mamāyīnti** mamattakaraṇaṃ. “Mama ida”nti gahitaṃ vā vatthu. **Asatā ca na socatīti** avijjamānakāraṇā asantakāraṇā na socati. **Na jīyatīti** jāniṃ nādhigacchati.

Ahu vata meti mayhaṃ ahosi vata. **Taṃ vata me natthīti** yaṃ atīte ahosi, taṃ mayhaṃ idāni na santi. **Siyā vata meti** yaṃ mayhaṃ bhavissati, **taṃ vatāhaṃ na labhāmīti** idāni ahaṃ ekaṃsena na pāpuṇāmi.

186. Kiñca bhiiyo – **yassa natthīti** gāthā. Tattha **kiñcananti** kiñci rūpādiddhammajātaṃ.

Abhisāṅkhatanti kammaṇa saṅkharitaṃ. **Abhisāñcetayīnti** cittena rāsikataṃ. **Avijjāya tvevāti** avijjāya tu eva. **Asesavirāganīrodhāti** virāgasāṅkhātena maggena niravasesanīrodhā.

Suññato lokaṃ avekkhassūti avasavattisallakkhaṇavasena vā tucchasaṅkhārasamanupassanavasena vāti dvīhākārehi suññato lokaṃ passa. **Attānudiṭṭhiṃ ūhaccāti** sakkāyādiṭṭhiṃ uddharitvā. **Evaṃ maccutaro siyāti** evaṃ maraṇassa taraṇo bhaveyya. **Evaṃ lokaṃ avekkhantanti** evaṃ khandhalokaṃ passantaṃ. **Maccurājā na passatīti** maraṇarājā na oloketi na dakkhati.

Nāññaṃ patthayate kiñcīti aññaṃ appamattakampi na patthayati na pihayati. **Aññatra appaṭisandhiyāti** nibbānaṃ thapetvā. “Aññatrappaṭisandhiyā”ti ekapadaṃ katvāpi paṭhanti.

187. Kiñca bhiiyo – **aniṭṭhurīti** gāthā. Tattha **aniṭṭhurīti** anissukī. “Aniṭṭharī”tipi keci paṭhanti. **Sabbadhī samoti** sabbattha samo, upekkhakoti adhippāyo. Kiṃ vuttaṃ hoti? Yo so “natthi me”ti na socati, tamaṃ avikampinaṃ puggalaṃ puṭṭho samāno aniṭṭhurī ananugiddho, anejo **sabbadhī samoti** imaṃ tasmim puggale catubbidhaṃ ānisaṃsaṃ brūmīti.

Niṭṭhuriyoti issukī. Niṭṭhurabhāvo **niṭṭhuriyaṃ**, taṃ nissāya ettakampi natthīti kheḷapātanti attho. **Niṭṭhuriyakammanti** niṭṭhuriyakaraṇaṃ. Gahaṭṭho vā hi gahaṭṭhaṃ bhikkhu vā bhikkhuṃ nissāya vasanto appamattakeneva kujjhivā taṃ nissāya ettakampi natthīti kheḷaṃ pādetvā pādena maddanto viya niṭṭhuriyaṃ nāma karoti. Tassa taṃ kammaṃ “niṭṭhuriyakamma”nti vuccati. **Issāti** sabhāvaniddeso. Tato parā dve ākārabhāvaniddesā. Itarattayaṃ pariyāyavacanaṃ. Lakkhaṇādito panesā parasampattīnaṃ usūyanalakkhaṇā issā; tattha ca anabhiratirasā; tato vimukhabhāvapaccupaṭṭhānā; parasampattīpadatṭhānā.

Lābhepi na iñjatīti paccayalābhe na calati. **Alābhēpīti** paccayānaṃ alābhepi.

188. Kiñca bhiiyo – **anejassāti** gāthā. Tattha **nisaṅkhatīti** puññābhisaṅkhārādīsu yo koci saṅkhāro. So hi yasmā nisaṅkharīyati, nisaṅkharoti vā, tasmā “nisaṅkhatī”ti vuccati. **Viyārambhāti** vividhā puññābhisaṅkhārādīkā ārambhā. **Khemaṃ passati sabbadhīti** sabbattha abhayaṃeva passati.

Ārambhāti kammānaṃ paṭhamārambhā. **Viyārambhāti** uparūpari vividhāārambhanavasena vīriyārambhā. Tīsu bhavesu paṭisandhijanakammānaṃ etaṃ adhivacanaṃ. Tasmā viyārambhā ārato.

189. Evaṃ passanto **na samesūti** gāthā. Tattha **na vadatēti** “sadiśohamasmi”tiādīnā mānavasena samesupī attānaṃ na vadatī omesupī ussesupī. **Nādeti na nirassatīti** rūpādīsu kañci dhammaṃ na gaṇhāti na nissajjati. Sesam sabbattha tattha tattha vuttanayattā pākāṭameva. Evaṃ arahattanikūṭeneva desanaṃ niṭṭhāpesīti.

Saddhammapajjotikāya mahāniddesaṭṭhakathāya

Attadaṇḍasuttaniddesavaṇṇanā niṭṭhitā.

16. Sāriputtasuttaniddesavaṇṇanā

190. Soḷasame na me diṭṭhoti sāriputtasuttaniddeso. Tattha ito pubbeti ito saṅkassanagare otaraṇato pubbe. **Vagguvadoti** sundaravado. **Tusitā gaṇimāgatoti** tusitakāyā cavitvā mātukucchiṃ āgatattā tusitā āgato. Gaṇācariyattā **gaṇī**. Santuṭṭhaṭṭhena vā tusitasāṅkhātā devalokā gaṇim āgato, tusitānaṃ vā arahantānaṃ gaṇim āgatoti.

Iminā cakkhunāti iminā attabhāvapariyāpannaena pakatimaṃsacakkhunā. **Iminā attabhāvenāti** iminā pacchimana attabhāvena. **Tāvatiṃsabhavaneti** tāvatiṃsadevaloke. **Pāricchattakamūleti** kovīlāraruḅkḅhassa heṭṭhā. **Paṇḍukambalasilāyanti** rattakambalasadisapāsānapiṭṭhe. **Vassaṃ vuṭṭhoti** vuṭṭhavasso. **Devagaṇaparivutoti** devasaṅghena parivārito. **Otiṇṇoti** avatiṇṇo. **Imaṃ dassanaṃ pubbeti** aññatra imamahā dassanā pubbe. **Na diṭṭhoti** aññadā na diṭṭhapubbo.

Khattiyassa vāti khattiyassa vadantassa na suto. **Brahmaṇādīsipi** eseva nayo.

Madhuravadotiādīsū byañjanasampannaṃ madhuraṃ vadatīti **madhuravado**. Pemajanakaṃ pemārahaṃ vadatīti **pemaṇiyavado**. Hadayaṅgamacitte ṭhapanayogyaṃ vadatīti **hadayaṅgamavado**. Karavīkasakuṇasaddo viya madhuragḅoso assatī **karavīkarutamañjughoso**. **Vissaṭṭho cāti** apalibuddho tattha tattha apakkhalano. **Viññeyyo cāti** suvijāneyyo ca. **Mañju cāti** madhuro ca. **Savāṇiyo cāti** kaṇṇasukho ca. **Bindu cāti** ghano ca. **Avisārī cāti** na patthaṭo ca. **Gambhīro cāti** na uttāno ca. **Ninnādi cāti** gḅosavanto ca. **Assatī** assa satthuno. **Bahiddhā parisāyāti** parisato bahi. **Na niccharatīti** na nikkhamati. Kimkāraṇā? Evarūpo madhurasaddo nikkāraṇā mā vinassatūti. **Brahmassaroti** aññe chinnassarāpi bhinnassarāpi kākassarāpi honti, ayaṃ pana mahābrahmuno sarasadīsena sarena samannāgato. Mahābrahmuno hi pittasemhehi apalibuddhattā saro visuddho hoti, bhagavatāpi katakammaṃ vatthum sodheti, vatthuno suddhattā nābhito paṭṭhāya samuṭṭhahanto saro visuddho aṭṭhaṅgasamannāgatāva samuṭṭhāti. Karavīko viya bhaṇatīti **karavīkabhaṇī**, mattakaravīkarutamañjughosoti attho.

Tāretīti akhemantaṭṭhānaṃ atikkāmeti. **Uttāretīti** khemantabhūmiṃ upanento tāreti. **Nittāretīti** akhemantaṭṭhānato nikkhāmento tāreti. **Patāretīti** pariggahetvā tāreti, hatthena pariggahetvā viya tāretīti attho. Sabbampetaṃ tāraṇuttāraṇādikhemantaṭṭhāne ṭhapanamevāti āha – “**khemantabhūmiṃ sampāpeti**”ti. **Satteti** veneyyasatte. Mahāgahanatāya mahānatthātāya dunnittariyatāya ca jātiyeva kantāro jātikantāro, taṃ **jātikantāraṃ**.

Gaṇassa sussūsāfīti gaṇo assa vacanaṃ sussūsati suṇāti upalakkheti. **Sotaṃ odahatīti** sotukāmatāya sotaṃ avadahati patīṭṭhāpeti. **Aññā cittaṃ upaṭṭhapetīti** ñātukāmaṃ cittaṃ paṇidahati. **Gaṇaṃ akusalā vuṭṭhāpetvāti** janasaṃmūhaṃ akosallasambhūtā akusalā uṭṭhāpetvā. **Kusale patīṭṭhāpetīti** kosallasambhūte kusale ṭhāpeti. **Saṅghīti** rāsivasena saṅgho assa atthīti saṅghī. Parisavasena gaṇo assa atthīti **gaṇī**. Gaṇassa ācariyoti **gaṇācariyo**.

191. Dutiyagāthāya **sadevakassa lokassa, yathā dissatīti** sadevakassa lokassa viya manussānampi dissati. Yathā vā dissatīti tacchato aviparītato dissati. **Cakkhumāti** uttamacakkhumā. **Ekoti** pabbajjāsāṅkhātādīhi eko. **Ratinti** nekkhammaratīdiṃ.

Patirūpakoti suvaṇṇapatirūpako kuṇḍalo. **Mattikākuṇḍalovāti** mattikāya katakuṇḍalo viya. **Lohaḍḍhamāsova suvaṇṇachannoti** suvaṇṇena paṭicchanno lohamāsako viya. **Parivārachannāti** parivārena chādītā. **Anto asuddhāti** abhantarato rāgādīhi aparissuddhā. **Bahi sobhamānāti** cīvarādīhi bāhirato sundarā.

Akappitairiyāpathā cāti asajjitairiyāpathā. **Paṇidhisampannāti** paripuṇṇapatthanā.

Visuddhasaddoti parisuddhakittisaddo, yathābhūtathutighosoti attho. **Gatakittisaddasilokoti** kittisaddaṅca silokaṅca gahetvā caraṇasīlo. Kattha visuddhasaddoti ce? “**Nāgabhavane ca supaṇṇabhavane cā**”tiādīnā nayena vitthāretvā vuttaṭṭhāne. **Tato ca bhiyyoti** tato vuttappakārato ca veneyyavasena atirekataropi dissati.

Sabbaṃ rāgatamanti sakalaṃ rāgandhakāraṃ. **Dosatamādīsipi** eseva nayo. **Andhakaraṇanti** paññālokanivāraṇakaraṇaṃ. **Acakkhukaraṇanti** paññācakkhuno akaraṇaṃ. **Aññāṇakaraṇanti** ñāṇena ajānanakaraṇaṃ. **Paññānirodhikanti** paññānayanānāsakaṃ. **Vighātapakkhikanti** piḷākoṭṭhāsikaṃ. **Anibbānasamvattanikanti** apaccayaamatānibbānatthāya na samvattanikaṃ.

Sabbaṃ taṃ tena bodhiñāṇena bujjhīti taṃ sakalaṃ tena catumaggañāṇavasena bujjhī. Paṭhamamaggavasena jāni **anubujjhi**. Dutiyamaggavasena puna aññāsi **paṭivijjhi**. Tatiyamaggavasena paṭivedhaṃ pāpuṇi **sambujjhi**. Catutthamaggavasena nissesaṭṭhāyeva **sammābujjhi**. **Adhigacchi phassesi sacchākāsīti** etaṃ tayaṃ phalavasena yojetabbaṃ. Paṭhamadutiyavasena paṭilabhi. Tatiyavasena ñāṇaphassena phusi. Catutthavasena paccakkhaṃ akāsi. Atha vā ekekaphalassa tayopi labbhanti eva.

Nekkhammaratinti pabbajjādīni nissāya upannaratim. **Vivekaratinti** kāyavivekādimhi upannaratim. **Upasamaratinti** kilesavūpasame ratim. **Sambodhiratinti** maggaṃ paccavekkhantassa upannaratim.

192. Tatiyagāthāya **bahūnamidha baddhānanti** idha bahūnaṃ khattiyādīnaṃ sissānaṃ. Sissā hi ācariyapaṭibaddhavuttittā “baddhā”ti vuccanti. **Atthi pañhena āgamanti** atthiko pañhena āgatomhi, atthikānaṃ vā pañhena āgamaṇaṃ, pañhena atthi āgamaṇaṃ vāti.

Buddhoti padassa abhāvepi **taṃ buddhanti** pade yo so buddho, taṃ niddisitukāmena “buddho”ti vuttaṃ. **Sayambhūti** upadesaṃ vinā sayameva bhūto. **Anācariyakoti** sayambhūpadassa atthavivaraṇaṃ. Yo hi ācariyaṃ vinā saccāni paṭivijjhati, so sayambhū nāma hotīti. **Pubbe ananussutesūti**ādi anācariyakabhāvassa atthappakāsaṇaṃ. **Ananussutesūti** ācariyato ananussutesu. **Sāmanti** sayameva. **Abhisambujjhīti** bhusaṃ sammā paṭivijjhi. **Tattha ca sabbaññutaṃ pāpuṇīti** tesu ca saccesu sabbaññubhāvaṃ pāpuṇi. Yathā saccāni paṭivijjantā sabbaññuno honti, tathā saccānaṃ paṭividdhattā evaṃ vuttaṃ. “Sabbaññutaṃ patto”tipi pāṭho. **Balesu ca vasībhāvanti** dasasu ca tathāgatabalesu issarabhāvaṃ pāpuṇi. Yo so evaṃ bhūto, so buddhoti vuttaṃ hoti. Tattha sabbadhammesu appaṭihataññānanimittānuttaravimokkhādhigamaparibhāvitakhandhasantānaṃ upādāya paṇṇattiko, sabbaññutapadaṭṭhānaṃ vā saccābhisambodhimupādāya paṇṇattiko sattaviseso buddho. Ettāvata atthato buddhavibhāvanā katā hoti.

Idāni byañjanato vibhāvento “buddhoti kenatthena buddho”tiādimāha. Tattha yathā loke avagantā “avagato”ti vuccati, evaṃ **bujjhitā saccānīti buddho**. Yathā paṇṇasosā vātā “paṇṇasusā”ti vuccanti, evaṃ **bodhetā pajāyāti buddho**. **Sabbaññutāya buddhoti** sabbadhammabujjhanasamatthāya buddhiyā buddhoti vuttaṃ hoti. **Sabbadassāvitāya buddhoti** sabbadhammānaṃ ñānacakkhunā diṭṭhattā buddhoti vuttaṃ hoti. **Anaññaneyyatāya buddhoti** aññena abodhanīyato sayameva buddhattā buddhoti vuttaṃ hoti. **Visavitāya buddhoti** nānāguṇavikāsaṇato padumamiva vikāsaṇatthena buddhoti vuttaṃ hoti. **Khīṇāsavaśānkhatena buddhoti**ādihi chahi pariyāyehi cittasaṅkokakaradhammappahānena niddāya vibuddho puriso viya sabbakilesaniddāya vibuddhattā buddhoti vuttaṃ hoti. Saṅkhā saṅkhātanti atthato ekattā **saṅkhātenāti** vacanassa koṭṭhāsenāti attho. Taṇhālepaditṭhilepābhāvena nirupalepasānkhatena savāsaṇaṇaṃ sabbakilesānaṃ pahīnattā ekantavacanena visesetvā vuttaṃ. **Ekantanikkilesoti** rāgadosamohāvasesehi sabbakilesehi nikkilesa.

Ekāyanamaggaṃ gatoti buddhoti gamanattānaṃ dhātūnaṃ bujjhanatthattā bujjhanatthāpi dhātuyo gamanattā honteva, tasmā ekāyanamaggaṃ gatattā buddhoti vuttaṃ hoti. Ekāyanamagga cetha –

“Maggo pantho patho pajjo, añjasam vaṭumāyanaṃ;
Nāvā uttarasetū ca, kullo ca bhisi saṅkamo”ti. (cūḷani. pārāyanatthutigāthāniddeśa 101) –

Maggassa bahūsu nāmesu ayananāmena vuttamaggaṇāmena vutto. Tasmā ekamaggaḥvūto maggo, na dvedhāpathabhūtoti attho. Atha vā ekena ayitabbo maggoti ekāyanamagga. Ekenāti gaṇasaṅgaṇikaṃ pahāya pavivittena. Ayitabboti paṭipajjitabbo, ayanti vā etenāti ayano, saṃsāro nibbānaṃ gacchantīti attho. Ekesaṃ ayanoti ekāyano. **Ekesanti** seṭṭhānaṃ. Sabbasattaseṭṭhā ca sammāsambuddhā, tasmā ekesaṃ maggaḥvūto sammāsambuddhānaṃ ayanabhūto maggoti vuttaṃ hoti. Ayatīti vā ayano, gacchati pavattatīti attho. Ekasmim ayano maggoti ekāyanamagga. Ekasmimyeva buddhasāsane pavattamāno maggo, na aññatthāti vuttaṃ hoti. Api ca ekaṃ ayatīti ekāyano. Pubbabhāge nānamukhabhāvanāyappavattopi aparabhāge ekaṃ nibbānameva gacchatīti vuttaṃ hoti, tasmā **ekāyanamaggoti** ekanibbānagamanaṃmaggoti attho.

Eko anuttaraṃ sammāsambodhiṃ abhisambuddhoti na parehi buddhattā buddho, kintu sayameva anuttaraṃ sammāsambodhiṃ abhisambuddhattā buddhoti vuttaṃ hoti. **Abuddhivihatattā buddhipaṭilābhattā buddhoti** buddhi buddhaṃ bodhoti pariyāyavacanametam. Tattha yathā “nīlarattaguṇayogā nīlo paṭo, ratto paṭo”ti vuccati, evaṃ buddhaguṇayogā “buddho”ti ñāpetuṃ vuttaṃ.

Tato paraṃ **buddhoti netam nāmanti**ādi “atthamanugatā ayaṃ paññattī”ti ñāpanatthaṃ vuttaṃ. Tattha **mittā** sahāyā. **Amaccā** bhaccā. **Ñāti** pitupakkhikā. **Sālohitā** mātupakkhikā. **Samaṇā** pabbajjupagatā. **Brāhmaṇā** bhovādino, samitapāpabāhitapāpā vā. **Devatā** sakkādayo brahmāno ca. **Vimokkhantikanti** vimokkho arahattamagga, vimokkhassa anto arahattaphalaṃ, tasmim vimokkhante bhavaṃ vimokkhantikaṃ nāmaṃ. Sabbaññubhāvo hi arahattamaggena sijjhati, arahattaphalodaye siddhaṃ hoti. Tasmā sabbaññubhāvo vimokkhante bhavo hoti. Taṃ nemittikampi nāmaṃ vimokkhante bhavaṃ nāma hoti. Tena vuttaṃ – “vimokkhantikametam buddhānaṃ bhagavantāna”nti. **Bodhiyā mūle saha sabbaññutaññāssa paṭilābhāti** mahābodhirukkhamūle yathāvuttakkhāne sabbaññutaññāssa paṭilābhena saha. **Sacchikā paññattīti** arahattaphalasacchikiriyāya sabbadhammasacchikiriyāya vā jātā paññattīti. **Yadidaṃ buddhoti** paññattīti. Ayaṃ byañjanato buddhavibhāvanā. Ito paraṃ **vahassetam bhāranti** pariyosānaṃ tattha tattha vuttanayattā yathāpāḷimeva niyyāti.

193. Catutthagāthāya **vijigucchatotī jātī**ādihi aṭṭīyato. **Rittamāsananti** vivittaṃ mañcapīṭhaṃ. **Pabbatānaṃ guhāsu vāti** pabbataguhāsu vā rittamāsaṇaṃ bhajatoti sambandhitabbaṃ.

Jātiyā vijigucchatotī jātīm vijigucchato. **Jarāya. Byādhināti**ādisupi eseva nayo. **Bhajatoti** evamādīsu **bhajatoti** bhajantassa. **Sevatoti** sevantassa. **Nisevatoti** sammā sevantassa. **Samsevatoti** punappunaṃ sevantassa. **Paṭisevatoti** upagantvā sevantassa. **Pabbatapabbhārāti** pabbatakucchiyo.

194. Pañcamagāthāya **uccāvacesūti** hīnapanītesu. **Sayanesūti** vihārādīsu senāsanesu. **Kivanto tattha bheravāti** kittakā tattha bhayakāraṇā. “Kuvanto”tipi pāṭho, kūjantoti cassa attho.

Kuvantoti saddāyanto. **Kūjantoti** abyattasaddaṃ karonto. **Nadantoti** ukkuṭṭhiṃ karonto. **Saddaṃ karontoti** vācaṃ bhāsanto. **Kaṭṭi** pucchā. **Kittakāṭi** pamāṇapucchā. **Kīvatakāṭi** paricchedapucchā. **Kīvabahukāṭi** pamāṇaparicchedapucchā. **Te bheravāṭi** ete bhayajananupaddavā bhayārammaṇā. **Kīvabahukāṭi** pucchite ārammaṇe dassetuṃ “**sīhā byagghā dīpī**”tiādīhi vissajjeti.

195. Chaṭṭhagāthāya **kati parissayāṭi** kittakā upaddavā. **Agataṃ disanti** nibbānaṃ. Tañhi agatapubbattā agataṃ, niddisittabato disā cāti. Tena vuttaṃ – “agataṃ disa”nti. Amataṃ disa”ntipi pāṭho. **Abhisambhavesi** abhisambhaveyya. **Pantamhīti** pariyanāte.

Agatapubbā sā disāṭi yā disā supinantenapi na gatapubbā. **Na sā disā gatapubbāṭi** esā disā vuttanayena na gatapubbā. **Iminā dīghena addhunāṭi** anena dīghakālena.

Samatittikanti antomukhavaṭṭilekhaṃ pāpetvā samabharitaṃ. **Anavasekanti** anavasiñcanaṃ aparisiñcanaṃ katvā. **Telapattanti** pakkhittatelaṃ telapattaṃ. **Parihareyyāṭi** hareyya ādāya gaccheyya. **Evaṃ sacittamanurakkheti** taṃ telabharitaṃ pattaṃ viya attano cittaṃ kāyagatāya satiyā gocare ceva sampayuttasatiyā cāti ubhinnaṃ antare pakkhipitvā yathā muhuttampi bahiddhā gocare na vikkhipati, tathā paṇḍito yogāvacarā rakkheyya gopayeyya. Kimkāraṇā? Etassa hi –

“Dunnigghassa lahuno, yatthakāmanipātino;
Cittassa damatho sādhu, cittaṃ dantaṃ sukhāvahaṃ”. (dha. pa. 35);

Tasmā –

“Sududdasaṃ sunipuṇaṃ, yatthakāmanipātinaṃ;
Cittaṃ rakkhetha medhāvī, cittaṃ guttaṃ sukhāvahaṃ”. (dha. pa. 36);

Idaṇhi –

“Dūraṅgamaṃ ekacaraṃ, asarīraṃ guhāsayaṃ;
Ye cittaṃ saṃyamessanti, mokkhanti mārabandhanā”. (dha. pa. 37);

Itarassa pana –

“Anavaṭṭhitacittassa, saddhammaṃ avijānato;
Pariplavapasādassa, paññā na paripūrati”. (dha. pa. 38);

Thirakammaṭṭhānasahāyassa pana –

“Anavassutacittassa, ananvāhatacetaso;
Puññāpāpapahīnassa, natthi jāgarato bhayaṃ”. (dha. pa. 39);

Tasmā etaṃ –

“Phandaṇaṃ capalaṃ cittaṃ, dūrakkhaṃ dunnivārayaṃ;
Ujjuṃ karoti medhāvī, usukārova tejanaṃ”. (dha. pa. 33);

Evaṃ ujjuṃ karonto sacittamanurakkhe.

Patthayāno disaṃ agatapubbanti imasmiṃ kāyagatāsaticammaṭṭhāne kammaṃ ārabhitvā anamatagge saṃsāre agatapubbaṃ disaṃ patthento vuttanayena sakaṃ cittaṃ rakkheyyāṭi attho. Kā panesā disā nāma –

“Mātāpitā disā pubbā, ācariyā dakkhiṇā disā;
Puttadārā disā pacchā, mittāmaccā ca uttarā.

“Dāsakammakarā heṭṭhā, uddhaṃ samaṇabrāhmaṇā;
Etā disā namasseyya, alamatto kule gihī”ti. (dī. ni. 3.273) –

Ettha tāva mātāpitādayo “disā”ti vuttā.

“Disā catasso vidisā catasso, uddhaṃ adho dasa disā imāyo;
Katamaṃ disaṃ tiṭṭhati nāgarājā, yamaddasā supine chabbisāṇa”nti. (jā. 1.16.104) –

Ettha puratthimādibhedā disāva “disā”ti vuttā.

“Agārino annadapānavatthadā, avhāyikā tampi disaṃ vadanti;
Esā disā paramā setaketu, yaṃ patvā dukkhī sukhino bhavanti”ti . (jā. 1.6.9) –

Ettha nibbānaṃ “disa”nti vuttaṃ. Idhāpi tadeva adhippetamaṃ. Taṇhakkhayaṃ virāgatiādīhi dissati apadissati tasmā “disā”ti vuccati. Anamatagge pana saṃsāre kenaci bālaputhujjanena supinenapi agatapubbatāya “agatapubbā disā nāmā”ti vuccati. Taṃ patthayantena kāyagatāsatiyā yogo karaṇiyoti. **Vajjotī**tiādīsu ettha magguppādato samīpaṃ vajato. **Ṭhitikkhaṇe gacchato**. Phalodayato **atikkamato**.

Anteti antamhi **ṭhite**. **Panteti** vanagahanagambhīre **ṭhite**. **Pariyanteti** dūrabhāvena pariyante **ṭhite**. **Selanteti** pabbatānaṃ ante. **Vananteti** vanaghaṭānaṃ ante. **Nadanteti** nadīnaṃ ante. **Udakanteti** udakānaṃ pariyante. **Yattha na kasīyati na vapīyati**ti yasmim kasaṇaṇca vapanaṇca na karīyati. **Janantaṃ atikkamitvā** **ṭhite**. **Manussānaṃ anupacāreti** kasanavapanavasena manussehi anupacaritabbe senāsane.

196. Sattamaḡāthāya kyāssa byappathayo assūti kidisāni tassa vacanāni assu.

Musāvādaṃ pahāyāti ettha musāti visaṃvādanapurekkhārassa atthabhaṇṇanako vacīpayogo kāyapayogo vā. Visaṃvādanādhippāyena panassa paravisaṃvādakakāyavacīpayogasamuṭṭhāpikā cetanā **musāvādo**. Aparo nayo – **musāti** abhūtaṃ atacchaṃ vatthu, **vādoti** tassa bhūtato tacchato viññāpanaṃ. Lakkhaṇato pana atathaṃ vatthum tathato paraṃ viññāpetukāmassa tathāviññāttisamuṭṭhāpikā cetanā **musāvādo**. So yamatthaṃ bhaṇṇati, tassa appatāya appasāvajjo, mahantatāya mahāsāvajjo. Api ca gahaṭṭhānaṃ attano santakaṃ adātukāmatāya “natthi”tiādīnāyappavatto appasāvajjo, sakkhinā hutvā atthabhaṇṇanattaṃ vutto mahāsāvajjo. Pabbajitānaṃ appakampi telaṃ vā sappiṃ vā labhitvā hasādhippāyena “ajja gāme telaṃ nadī maññe sandati”ti pūraṇakathāyena pavatto appasāvajjo, adīṭṭhāmyeva pana dīṭṭhantiādīnā nayena vadantānaṃ mahāsāvajjo.

Tassa cattāro sambhārā honti – atathaṃ vatthu visaṃvādanacittaṃ tajjo vāyāmo parassa tadatthavijānananti. Eko payogo sāhatthikova. So ca kāyena vā kāyapaṭibaddhena vā vācāya vā paravisaṃvādakakiriyākarāṇe daṭṭhabbo. Tāya ce kiriyāya paro tamattaṃ jānāti, ayaṃ kiriyasamuṭṭhāpikā cetanākkhaṇeyeva musāvādakammunā bajjhati.

Saccaṃ vadatīti **saccavādī**. Saccena saccaṃ sandahati ghaṭetīti **saccasandho**, na antarantarā musā vadatīti attho. Yo hi puriso kadāci musā vadati, kadāci saccaṃ, tassa musāvādena antarikatāya saccaṃ saccena na ghaṭiyati, tasmā na so saccasandho. Ayaṃ pana na tādiso, jīvītaṭṭhupī musā avatvā saccena saccaṃ sandahatiyevatī saccasandho.

Thetoti thiro, thirakathoti attho. Eko puggalo haliddirāgo viya thusarāsīmhi nikhātakhāṇu viya assapiṭṭhe ṭhapitakumbhaṇḍamiva ca na thirakatho hoti. Eko pāsāṇalekhā viya indakhīlo viya ca thirakatho hoti, asinā sīsāṃ chindantepi dvekathā na katheti. Ayaṃ vuccati theto.

Paccayikoti pattiyāyitabbo, saddhāyitabbakoti attho. Ekacco hi puggalo na paccayiko hoti, “idaṃ kena vuttaṃ, asukenā”ti vutte “mā tassa vacanaṃ saddahathā”ti vattabbaṃ āpajjati. Eko paccayiko hoti, “idaṃ kena vuttaṃ, asukenā”ti vutte “yadi tena vuttaṃ, idameva pamāṇaṃ, idāni upaparikkhitabbaṃ natthi, evameva ida”nti vattabbaṃ āpajjati, ayaṃ vuccati paccayiko. **Avisaṃvādako lokassāti** tāya saccavādītāya lokaṃ na visaṃvādetīti attho.

Pisuṇaṃ vācaṃ pahāyātiādīsu yāya vācāya yassa taṃ vācaṃ bhāsati, tassa hadaye attano piyabhāvaṃ parassa ca suññabhāvaṃ karoti, sā pisuṇavācā. Yāya pana attānampi parampi pharusāṃ karoti, yā vācā sayampi pharusā, neva kaṇṇasukhā na hadayaṅgamā, ayaṃ **pharusāvācā**. Yena samphaṃ palapati niratthakaṃ, so **samphappalāpo**. Tesāṃ mūlabhūṭāpi cetanā pisuṇavācādīnāmameva labhati, sā eva idha adhippetāti.

Tattha saṃkiliṭṭhacittassa paresāṃ vā bhedāya attano piyakamyatāya vā kāyavacīpayogasamuṭṭhāpikā cetanā **pisuṇavācā**. Sā yassa bhedaṃ karoti, tassa appaṇatāya appasāvajjā, mahāḡuṇatāya mahāsāvajjā.

Tassā cattāro sambhārā honti – bhinditabbo paro, “iti ime nānā bhavissanti vinā bhavissanti”ti bhedapurekkhārātā vā, “iti ahaṃ piyo bhavissāmi vissāsiko”ti piyakamyatā vā, tajjo vāyāmo, tassa tadatthavijānananti.

Imesaṃ bhedāyāti yesāṃ itoti vuttānaṃ santike sutāṃ, tesāṃ bhedāya. **Bhinnānaṃ vā sandhātāti** dvinnāṃ mittānaṃ vā samānupajjhāyakādīnaṃ vā kenacideva kāraṇena bhinnānaṃ ekamekaṃ upasaṅkamitvā “tumhākaṃ idise kule jātānaṃ evaṃ bahussuttānaṃ idaṃ na yutta”ntiādīni vatvā sandhānaṃ kattā. **Anuppādātāti** sandhānānuppādātā, dve jane samagge disvā “tumhākaṃ evarūpe kule jātānaṃ evarūpehi ḡuṇehi samannāgatānaṃ anucchavikameta”ntiādīni vatvā daḷhīkammaṃ kattāti attho.

Samaggo ārāmo assāti **samaggārāmo**, yattha samaggā natthi, tattha vasitumpi na icchatīti attho. “Samaggārāmo”tipi pāḷi, ayamevattho. **Samaggaratoti** samaggesu rato, te pahāya aññatra gantumpi na icchatīti attho. Samagge disvāpi sutvāpi nandatīti

samagganandi. Samaggakaraṇiṃ vācam bhāsītāti yā vācā satte samaggeyeva karoti, taṃ sāmaggiguṇaparidīpakameva vācam bhāsati, na itaranti.

Parassa mammachedakakāyavacīpayogasamuṭṭhāpikā ekantapharusacetanā **pharusavācā**. Mammachedakopi payogo cittasaṅhatāya pharusavācā na hoti. Mātāpitaro hi kadāci puttake evampi vadanti “corā vo khaṇḍakhaṇḍikaṃ karontū”ti, uppalapattampi ca nesam upari patantaṃ na icchanti. Ācariyupajjhāyā ca kadāci nissitake evaṃ vadanti “kiṃ ime ahirikā anottappino caranti, niddhamatha ne”ti. Atha ca nesam āgamādhigamasampattiṃ icchanti. Yathā ca cittasaṅhatāya pharusavācā na hoti, evaṃ vacanasaṅhatāya aphaṇḍavācāpi na hoti. Na hi mārapetukāmassa “imaṃ sukhaṃ sayāpethā”ti vacanaṃ aphaṇḍavācā hoti, cittapharusatāya panesā pharusavācāva, sā yaṃ sandhāya pavattitā. Tassa appaṇḍatāya appasāvajjā, mahāguṇatāya mahāsāvajjā. Tassā tayo sambhārā – akkositabbo paro kupitacittaṃ akkosanāti.

Nelāti elam vuccati doso, nāssā elanti nelā, niddosāti attho. “Nelaṅgo setapacchādo”ti (udā. 65; peṭako. 25) ettha vuttanelaṃ viya. **Kaṇṇasukhāti** byañjanamadhuratāya kaṇṇānaṃ sukhā, sūcivijjhaṇaṃ viya kaṇṇasūlaṃ na janeti. Atthamadhuratāya sakalasaṅghe kopaṃ ajanetvā pemaṃ janetīti **pemaniyā**. Hadayaṃ gacchati apaṭiḥāññamānā sukhena cittaṃ pavisaṭṭi **hadayaṅgamā**. Guṇaparipuṇṇatāya pure bhavāti **porī**. Pure samvaddhanārī viya sukumārātipi **porī**. Purassa esātipi **porī**, nagaravāsīnaṃ kathāti attho. Nagaravāsīno hi yuttakathā honti, pitimattaṃ pitāti bhātimattaṃ bhātīti vadanti. Evarūpi kathā bahuno janassa kantā hotīti **bahujanakantā**. Kantabhāveneva bahuno janassa manāpā cittavuḍḍhikarāti **bahujanamanāpā**.

Anatthaviññāpikā kāyavacīpayogasamuṭṭhāpikā akusalacetanā **samphappalāpo**. So āsevanamandatāya appasāvajjo, āsevanamahantatāya mahāsāvajjo. Tassa dve sambhārā – bhāratayuddhasitāharaṇādiniratthakakathā purekkhārātā, tathārūpikathākathanañca.

Kālena vadatīti **kālavādī**, vattabbayuttakālaṃ sallakkhetvā vadatīti attho. Bhūtaṃ tacchaṃ sabhāvameva vadatīti **bhūtavādī**. Diṭṭhadhammikasamparāyikatthasannissitameva katvā vadatīti **atthavādī**. Navalokuttaradhammasannissitaṃ katvā vadatīti **dhammavādī**. Saṃvaravinayapahānavinayasannissitaṃ katvā vadatīti **vinayavādī**. Nidhānaṃ vuccati ṭhapanokāso, nidhānamassā atthīti **nidhānavatī**, hadaye nidhātabbayuttaṃ vācam bhāsītāti attho. **Kālenāti** evarūpiṃ bhāsamanōpi ca “ahaṃ nidhānavatiṃ vācam bhāsissām”ti na akālena bhāsati, yuttakālaṃ pana apekkhitvā bhāsātīti attho. **Sāpadesanti** saupamaṃ, sakāraṇanti attho. **Pariyantavatinti** paricchedaṃ dassetvā yathāssā paricchedo paññāyati, evaṃ bhāsātīti attho. **Atthasamhitanti** anekehi nāyehi vibhajantena pariyādātum asakkuṇeyyatāya atthasampannaṃ. Yaṃ vā so atthavādī atthaṃ vadati, tena atthena sahitattā atthasamhitam vācam bhāsati, na aññaṃ nikkhipitvā aññaṃ bhāsātīti vuttaṃ hoti.

Catūhi vacīsucaritehīti “musāvādaṃ pahāyā”tiādinaṃ nayena vuttehi catūhi vācāhi yuttehi suṭṭhu caritehi. **Samannāgatoti** aparihīno. **Catudosāpagataṃ vācam bhāsātīti** appiyādīhi catūhi dosehi apagataṃ parihīnaṃ vācam bhāsati.

Atthi agocaroti kiñcāpi thero samañcāraṃ samaṇagocaraṃ kathetukāmo “atthi agocaro, atthi gocaro”ti padaṃ uddhari, yathā pana maggakusalo puriso maggaṃ ācikkhanto “vāmaṃ muñca, dakkhiṇaṃ gaṇhā”ti paṭhamaṃ muñcitabbaṃ sabhayaṃ maggaṃ uppathamaggaṃ ācikkhati, pacchā gahetabbaṃ khemamaggaṃ ujumaggaṃ, evameva maggakusalapurisasadiso dhammasenāpati paṭhamaṃ pahātabbaṃ buddhapaṭikuṭṭhaṃ agocaraṃ ācikkhitvā pacchā gocaraṃ ācikkhitukāmo “**katamo agocaro**”tiādimaṃ. Purisena hi ācikkhitamaggo sampajjeyya vā na vā, tathāgatena ācikkhitamaggo apaṇṇako indavissatṭhaṃ vajiraṃ viya avirajjhanako nibbānanagaraṃyeva samosarati. Tena vuttaṃ – “puriso maggakusaloti kho tissa tathāgatassetam adhivacanaṃ arahato sammāsambuddhassā”ti (saṃ. ni. 3.84).

Yasmā vā sasīsaṃ nhānena pahīnasedamalajallikassa purisassa mālāgandhavilepanādivbhūsanavidhānaṃ viya pahīnapāpadhammassa kalyāṇadhammasamāyogo sampannarūpo hoti, tasmā sedamalajallikaṃ viya pahātabbaṃ paṭhamaṃ agocaraṃ ācikkhitvā pahīnasedamalajallikassa mālāgandhavilepanādivbhūsanavidhānaṃ viya pacchā gocaraṃ ācikkhitukāmo **“katamo agocaro”**tiādimaṃ.

Tattha **gocaroti** piṇḍapātādīnaṃ atthāya upasaṅkamtam yuttaṭṭhānaṃ. Ayuttaṭṭhānaṃ **agocaro**. Vesiyā gocaro assāti **vesiyāgocaro**, mittasanthavavasena upasaṅkamitabbaṭṭhānanti attho. Tattha vesiyā nāma rūpūpajviniyo yena kenacideva sulabhajjhācāratā mittasanthavavasinehavasena upasaṅkamanto vesiyāgocaro nāma hoti. Tasmā evaṃ upasaṅkamtam na vaṭṭati. Kimkāraṇā? Ārakkhaviṇṇatīti. Evam upasaṅkamantassa hi cirarakkhitagopitopi samaṇadhammo katipāheneva nassati. Sacepi na nassati, garaṃ labhati. Dakkhiṇāvasena pana upasaṅkamantena satim upaṭṭhapetvā upasaṅkamitabbaṃ.

Vidhāvā vuccanti matapatikā vā pavuṭṭhapatikā vā. **Thullakumāriyoti** mahallikā anibbidhakumāriyo. **Paṇḍakāti** lokāmisannissitakathābahulā ussannakilesā avūpasantaparijāhā napuṃsakā. Tesam sabbesampi upasaṅkamane ādīnava vuttanayeneva vedītabbo. **Bhikkhunīsūpi** eseva nayo. Api ca bhikkhū nāma ussannabrahmacariyā honti, tathā bhikkhuniyo. Te aññaṃaññaṃ santhavavasena katipāheneva rakkhitagopitasamaṇadhammaṃ nāsenti. Gilānapucchakena pana gantam vaṭṭati. Bhikkhunā pupphāni labhitvā pūjanatthāyapi ovādadanatthāyapi gantam vaṭṭatiyeva.

Pānāgaranti surāpānagharaṃ, taṃ brahmacariyantarāyakarehi surāsoṇḍehi avivittaṃ hoti. Tattha tehi saddhim sahaṇḍavasena upasaṅkamtam na vaṭṭati, brahmacariyantarāyo hoti. **Samsaṭṭho viharati rājūhīti**ādīsu **rājānoti** abhisittā vā

hontu anabhisittā vā, ye rajjamanusāsanti. **Rājamahāmatṭāti** rājūnaṃ issariyasadisāya mahatiyā issariyamattāya samannāgatā. **Titthiyāti** viparītadassanā bāhiraparibbājakā. **Titthiyasāvakāti** bhattivāsena tesam paccayadāyakā, etehi saddhim saṃsaggajāto hofīti attho.

Ananulomikena saṃsaggenāti ananulomikasamsaggo nāma tissannaṃ sikkhānaṃ ananulomo paccanikasamsaggo. Yena brahmacariyantarāyaṃ paññattivītikkaṃ sallekharāhāniṃca pāpuṇāti. Seyyathidaṃ? Rājarājamahāmattehi saddhim sahasokitā sahananditā samasukhadukkhataṃ uppanesu kiccakaraṇīyesu attanā yogaṃ āpajjanatā titthiyatitthiyasāvakehi saddhim ekacchandarucisamācāratā ekacchandarucisamācārabhāvāvaho vā sinehabahumānasanthavo. Tattha rājarājamahāmattehi saddhim saṃsaggo brahmacariyantarāyakaro, itarehi titthiyasāvakehi tesam laddhiggahaṇaṃ. Tesam pana vādaṃ bhinditvā attano laddhim gaṇhāpetuṃ samatthena upasaṅkamtuṃ vaṭṭati.

Idāni aparenapi pariyaṃyena agocaraṃ dassetuṃ “**yāni vā pana tāni kulāni**”tiādi āradhhaṃ. Tattha **assaddhānīti** buddhādīsu saddhāviraḥitāni. Tāni “buddho sabbaññū, dhammo niyyāniko, saṅgho suppaṭipanno”ti na saddahanti. **Appasannānīti** cittaṃ pasannaṃ anāvilāṃ kātuṃ na sakkonti. **Akkosakaparibhāsakānīti** akkosakāni ceva paribhāsakāni ca. “Corosi, bālosi, mūlhosī, oṭṭhosī, goṇosī, gadrabhosī, āpāyikosī, nerayikosī, tiracchānagatosī, natthi tuyhaṃ sugati, duggatiyeva tuyhaṃ pāṭikaṅkhā”ti evaṃ dasahi akkosavattūhi akkosanti. “Hotu, idāni taṃ paharissāma, bandhissāma, vadhissāma”ti evaṃ bhayadassanena paribhāsanti cāti attho.

Anatthakāmānīti atthaṃ na icchantī, anatthameva icchantī. **Ahitakāmānīti** ahitameva icchantī, hitaṃ na icchantī. **Aphāsukāmānīti** phāsukaṃ na icchantī, aphāsukameva icchantī. **Ayogakkhemakāmānīti** catūhi yogehi khemaṃ nibbhayaṃ na icchantī, sabhayaṃ eva icchantī. **Bhikkhūnanti** ettha sāmaṇerāpi saṅghaṃ gacchantī. **Bhikkhūnanti** ettha sikkhamānāsāmaṇeriyopi. Sabbesampi hi bhagavantaṃ uddissa pabbajitānañceva saraṇagatānañca catunnampi parisānaṃ tāni anatthakāmānīyeva. **Tathārūpāni kulāni** evarūpāni khattiyakulādīni kulāni. **Sevatīti** nissāya jīvati. **Bhajatīti** upasaṅkamati. **Payirupāsātīti** punappunaṃ upasaṅkamati. **Ayaṃ vuccatīti** ayaṃ vesiyādīgocarassa vesiyādīko rājādisamsaṭṭhassa rājādīko assaddhakulādīsevakassa assaddhakulādīko cāti tippakāropi ayuttagocaro “agocaro”ti vedītabbo.

Tassa imināpi pariyaṃyena agocarā vedītabbā – vesiyādīko tāva pañcakāmaguṇanissayato agocaro vedītabbo. Yathāha – “ko ca, bhikkhave, bhikkhuno agocaro paravisayo, yadidaṃ pañca kāmaguṇā”ti. Rājādīko jhānānyogassa anupanissayato lābhasakkārāsanīcakkaniṃphādanato diṭṭhivipattīhetuto ca, assaddhakulādīko saddhāhānicittapadosāvahanato agocaro.

Antaragharappavesādīko ca cakkhunā rūpaṃ disvā nimittagāhādīko ca saddhādeyyāni bhojanāni bhuñjitvā visūkadassanānyogo ca pañca kāmaguṇā cāti catubbidhopi pana kilesuppattivasena agocaroti vedītabbo.

Mā bhikkhave agocare carathāti caritūṃ ayuttatṭhāne mā caratha. **Paravisayeti** sattuvīsaye. **Agocare bhikkhave caratanti** ayuttatṭhāne carantānaṃ. “Cara”ntipi pātho. **Lacchatīti** labhissati passissati. **Māroti** devaputtamāropi maccumāropi. **Oṭaranti** randhaṃ chiddhaṃ vivaraṃ.

Gocaraniddese **na vesiyāgocaro hofīti**ādīni vuttapaṭipakkhavasena vedītabbāni. Ayaṃ pana viseso – **cattāro satipaṭṭhānā gocaroti** caritūṃ yuttatṭhānavasena catusatipaṭṭhānā gocaroti. **Saketi** attano santake. **Pettike visayeti** pitito āgatavisaye.

Āradhāvīriyassāti sammāupaṭṭhitacatusammappadhānavīriyavantaṃ. **Thāmagatassāti** balappattassa. **Daḥaparakkamassāti** thiravīriyassa. **Yassatthāya pesitoti** yena arahattatthāya attabhāvo pariccatto. **Attatthe cāti** attano atthe arahattaphale ca. **Nāye cāti** ariye aṭṭhaṅgike magge ca. **Lakkhaṇe cāti** aniccādīlakkhaṇapaṭivedhe ca. **Kāraṇe cāti** hetumhi ca. **Ṭhānāṭhāne cāti** ṭhāne ca aṭṭhāne ca, kāraṇākāraṇe cāti attho. Idāni vitthāretvā dassetuṃ “**sabbe saṅkhārā anicca**”tiādimāha.

197. Aṭṭhamagāthāya ekodi nipakoti ekaggacitto paṇḍito.

Jātarūpassa oḷārikampi malaṃ dhamatīti suvaṇṇassa thūlaṃ jallaṃ aggisaṃyogena nīharati. **Sandhamatīti** sammā nīharati. **Niddhamatīti** apunabhavappattikaṃ katvā nīharati. “Jhāpetī”ti keci vadanti. **Majjhimakampīti** tato sukhumatarampi. **Sukhumakampīti** atisukhumatarampi. **Evamevāti** opammaṃsaṃpaṭipādanaṃ. **Attano oḷārikepi kilese dhamatīti** kāyaduccarītādīke thūlakīlese vīriyātapena nīharati. **Majjhimakēpi kileseti** kāmavitakkādīke oḷārikasukhumānaṃ majjhimakēpi. **Sukhumakēpi** nīvititakkādīke atisaṇhakepi kilese. **Sammādiṭṭhiyā micchādiṭṭhiṃ dhamatīti** saha vipassanāya maggasampayuttāya sammādiṭṭhiyā viparītasaṅkhātāṃ micchādiṭṭhiṃ nīharati. **Sammāsāṅkappādīsipi** eseve nayo.

198. Evaṃ āyasmatā sārīputtena tīhi gāthāhi bhagavantaṃ thometvā pañcahi gāthāhi pañcasatānaṃ sissānamatthāya ca senāsanagocarasilavatādīni puccito tamatthaṃ pakāsetuṃ “**vijjucchamānassā**”tiādinā nayena vissajjanamāradhhaṃ. Tattha paṭhamagāthāya tāvattho – jātiādīhi **jijucchamānassa rittāsanaṃ sayanaṃ sevato ve sambodhikāmassa** sārīputta bhikkhuno **yadidaṃ phāsu** yo phāsuvihāro **yathānudhammaṃ** yo ca anudhammo, **taṃ te pavakkhāmi yathā pajānaṃ** yathā pajānanto vadeyya, evaṃ vadāmīti. **Yaṃ phāsuvihāraṃ** yaṃ sukhavihāraṃ. **Asappāyarūpadassanēnāti** itthirūpādīsamaṇāsappāyarūpadassanena. **Taṃ bodhiṃ bujjhitukāmassāti** taṃ catumaggañānaṃsaṅkhātāṃ bodhiṃ bujjhituṃ icchantassa. **Anubujjhitukāmassāti** anurūpāya paṭipattiyā bujjhitukāmassa. **Paṭivijjhitukāmassāti** abhimukhe katvā

nibbijhitukāmassa. **Sambujjhitukāmassāti** pahīnakilese apaccāgamanavasena sammā bujjhituṃ icchantassa. **Adhigantukāmassāti** pāpuṇitukāmassa. **Sacchikātukāmassāti** paṭilābhasacchikiriyāya pattukāmassa. Atha vā **bujjhitukāmassāti** sotāpattimaggañāṇaṃ nātukāmassa. **Anubujjhitukāmassāti** sakadāgāṃimaggāñāṇaṃ puna nātukāmassa. **Paṭivijjhitukāmassāti** anāgāṃimaggāñāṇaṃ paṭivedhavasena nātukāmassa. **Sambujjhitukāmassāti** arahattamaggāñāṇaṃ sammā nātukāmassa. **Adhigantukāmassāti** catubbidhampi adhigantukāmassa. **Phassitukāmassāti** nīṇaphusanāya phusitukāmassa. **Sacchikātukāmassāti** paccavekkhaṇāya paccakkhaṃ kattukāmassa.

Catunnaṃ maggānaṃ pubbhāge vipassanāti catunnaṃ ariyamaggānaṃ purimakotṭhāse uppannaudayabbayādivipassanāñāṇāni.

199. Dutiyagāthāya **sapariyantacārīti** silādīsu catūsu pariyaṅtesu caramāno. **Ḍaṃsādhīpātānanti** piṅgalamakkhikānaṅca sesamakkhikānaṅca. Te hi tato tato adhipatitvā khādanti, tasmā “adhipātā”ti vuccanti. **Manussaphassānanti** corādīphassānaṃ.

Cattāro pariyaṅtāti cattāro mariyādā paricchedā. **Antopūtibhāvaṃ paccavekkhamānoti** abbhantare kucchitabhāvaṃ silavirahitabhāvaṃ olokayamāno. **Anto silasaṃvarapariyaṅte caratīti** silasaṃvarapariyaṅte caratīti vicaratīti. **Mariyādaṃ na bhīdatīti** silamariyādaṃ silapariyaṅte na kopeti.

Ādittapariyāyaṃ paccavekkhamānoti ādittadesanaṃ (mahāva. 54; saṃ. ni. 3.61; 4.28) olokento. **Akkhabbhañjanavaṇapaṭicchādanaputtamaṃsūpamaṃ paccavekkhamānoti** sākaṭikassa akkhabbhañjanaupamaṅca, kuṭṭhabyādhiṇo vaṇānaṃ paṭicchādanatelapilotikaupamaṅca, kantārapaṭipannānaṃ jāyampatikānaṃ puttamaṃsakhādanaupamaṅca (saṃ. ni. 2.63; mi. pa. 6.1.2) olokento. **Bhaddekarattavīhāraṃ paccavekkhamānoti** –

“Atītaṃ nānvāgameyya, nappaṭikaṅkhe anāgataṃ;
Taṃ ve ‘bhaddekaratto’ti, santo ācikkhate munī”ti. (ma. ni. 3.280; netti. 103) –

Evam vuttaṃ bhaddekarattavīhāraṃ olokento. **Tā uppatitvā uppatitvā khādanti** nippatitvā nippatitvā khādanti.

200. Tatiyagāthāya **paradhammikā** nāma sattasahadhammikavajjā sabbe pi te bāhirakā. **Kusalānuesīti** kusaladhamme anvesamāno.

Satta sahadhammike ṭhapetvāti bhikkhubhikkhunīsikkhamānāsāmaṇerasāmaṇerūpāsakaupāsikāyo vajjetvā. **Athāparānīpi atthi abhisambhotabbānīti** aparānīpi madditabbāni atthi saṃvijjanti.

201. Catutthagāthāya **ātaṅkaphassenāti** rogaphassena. **Sītaṃ athuṅhanti** sītaṅca uṅhaṅca. **So tehi phuṭṭho bahudhāti** so tehi ātaṅkādhīhi anekehi ākārehi phuṭṭho samāno. **Anokoti** abhisāṅkhāravīññānādīnaṃ anokāsabhūto. **Abbhantaradhātupakopavasena vāti** sarīrabbhantare āpodhātukkabhavasena vā aññadhātukkabhavasena vā. **Uṅhanti** sarīrabbhantare tejjodhātukkabhavasena uṅhaṃ bhavati. **Abhisāṅkhārasahagatavīññāṇassāti** kusalākusalacetanāsampayuttacittassa. **Okāsaṃ na karotīti** avakāsaṃ patitṭhaṃ na karoti. **Avatthitasamādānoti** otaritvā gāhako.

202. Evam “bhikkhuno vijjucchato”tiādīhi tīhi gāthāhi puṭṭhamatthaṃ vissajjetvā idāni “kyāssa byappathayo”tiādīnaṃ nayena puṭṭhaṃ vissajjento “**theyyaṃ na kāre**”tiādīmāha. Tattha **phasseti** phuseyya. **Yadāvilattaṃ manaso vijaññāti** yaṃ cittassa āvilattaṃ vijāneyya, taṃ sabbaṃ “**kaṇhassa pakkho**”ti vinodayeyya.

Adinnādānaṃ pahāyāti ettha adinnassa ādānaṃ adinnādānaṃ, paraṃsaṃharaṇaṃ, theyyaṃ corikāti vuttaṃ hoti. Tattha **adinnanti** parapariggahitaṃ, yattha paro yathākāmakāritāṃ āpajjanto adaṇḍāraho anupavajjo ca hoti; tasmīṃ parapariggahite parapariggahitasāññīno tadādāyakaupakkamasamuṭṭhāpikā theyyacetanā adinnādānaṃ. Taṃ hīne parassa santake appasāvajjaṃ, paṇīte mahāsāvajjaṃ. Kasmā? Vatthupaṇītatāya. Vatthusamatte sati guṇādhikānaṃ santake vatthusmīṃ mahāsāvajjaṃ, taṃ taṃ guṇādhikaṃ upādāya tato tato hīnaguṇassa santake vatthusmīṃ appasāvajjaṃ.

Tassa paṅca sambhārā honti – parapariggahitaṃ, parapariggahitasāññitā, theyyacittaṃ, upakkamo, tena haraṇanti. **Pahāyāti** imaṃ adinnādānacetanāsāṅkhātaṃ dussīlyaṃ pajahitvā. **Paṭiviratoti** pahīnakālate paṭṭhāya tato dussīlyato orato viratova. Dinnameva ādiyatīti **dinnādāyī**. Cittenapi dinnameva paṭikaṅkhatīti **dinnapāṭikaṅkhi**. Theneṭīti theno, na thenena **athena**. Athenattāyeva **sucibhūtena**. **Attanāti** attabhāvena, athenaṃ sucibhūtaṃ attabhāvaṃ katvā viharatīti vuttaṃ hoti. Ito paraṃ vuttanayameva.

Mettāyanavasena **metti**. Mettākāro **mettāyanā**. Mettāya aytassa mettāsamaṅgino cittassa bhāvo **mettāyitattaṃ**. Anudayatīti **anudayā**, rakkhatīti attho. Anudayākāro **anudayanā**. Anudayatassa bhāvo **anudayitattaṃ**. Hitassa esanavasena **hitesitā**. Anukampanavasena **anukampā**. Sabbehi pi imehi padehi upacārappanāppattāva mettā vuttā. **Vipulenāti** ettha pharaṇavasena vipulatā datṭhabbā. Bhūmivasena pana taṃ **mahaggataṃ**. Pagaṇavasena **appamāṇaṃ**. Sattārammaṇavasena ca **appamāṇaṃ**. Byāpādapaccatthikkappahānena **averaṃ**. Domanassappahānato **abyāpajjaṃ**, niddukkanti vuttaṃ hoti.

Āvilanti appasannaṃ. Luḷitanti kalalaṃ. Eritanti asanniṭṭhānaṃ. Ghaṭṭitanti ārammaṇena ghaṭṭanamāpāditaṃ. Calitanti kampaṃānaṃ. Bhantanti vibbhantaṃ. Avūpasantanti anibbutaṃ.

Yo so māroti evamādisu mahājanaṃ anathe niyojetvā maretīti māro. Kaṇhakammattā kaṇho. Kāmāvacarissarattā adhipati. Maraṇaṃ pāpanato antagū. Muñcituṃ appadānaṭṭhena namuci. Mārassa baḷisanti mārabaḷisaṃ. Vaṭṭasannissitaṭṭhena mārassa āmisanti mārāmisam. Vasavattanaṭṭhena mārassa visayoti māravisayo. Gocaraṭṭhena mārassa nivāsoti mārānivāso. Kāmacāraṃ caraṭṭhena mārassa gocaroti mārāgocaro. Duppamuñcanaṭṭhena mārassa bandhananti mārābandhanaṃ. Dukkhuddayoti dukkhabandhano.

203. Mūlampi tesam palikhañña tiṭṭheti tesam kodhātimānānaṃ yaṃ avijjādikaṃ mūlaṃ, tampi palikhañitvā tiṭṭheyya. Addhā bhavanto abhisambhaveyyāti etaṃ piyāpiyaṃ abhibhavanto ekaṃseneva abhibhaveyya, na tattha sithilaṃ parakkameyyāti adhippāyo.

Avijjā mūlantiādayo avijjā kodhassa upanissayasahajātādivasena mūlaṃ hoti. Anupāyamanasikāro ca asmimāno ca ime dve upanissayavaseneva. Ahirikaanottappauddhaccā ime tayo upanissayasahajātādivasena mūlāni honti, tathā atimānassāpi.

204. Paññaṃ purakkhatvāti paññaṃ pubbaṅgamaṃ katvā. Kalyāṇapīṭīti kalyāṇapīṭiyā samannāgato. Caturō saheṭṭha paridevadhammeti anantaragāthāya vuccamāne paridevanīyadhamme saheyya.

Vicayabahuloti parivīmaṃsanabahulō. Pavicayabahuloti vīsesena vīmaṃsanabahulō. Pekkhāyanabahuloti ikkhaṇabahulō. Samekkhāyanabahuloti esanabahulō. Vibhūtavihārīti pākaṭaṃ katvā nītavihārī.

Abhikkante paṭikkanteti ettha tāva abhikkantaṃ vuccati gamaṇaṃ. Paṭikkantaṃ nivattanaṃ. Tadubhayampi catūsu iriyāpathesu labbhati. Gamane tāva purato kāyaṃ abhiharanto abhikkamati nāma. Paṭinivattento paṭikkamati nāma. Ṭhānepi ṭhitakova kāyaṃ purato onamento abhikkamati nāma. Pacchato apanāmento paṭikkamati nāma. Nisajjāyapi nisinnakova āsanassa purimaṅgābhimukho saṃsaranto abhikkamati nāma. Pacchimaṅgappadesaṃ pacchā saṃsaranto paṭikkamati nāma. Nipajjāyapi eseve nayo.

Sampajānakārī hotīti sampajāñña sabbakiccakārī, sampajāññameva vā kārī hoti. So hi abhikkantādisu sampajāññaṃ karoteva, na katthaci sampajāññavirahito hoti. Ālokite vilokīti ettha pana ālokitaṃ nāma purato pekkhanaṃ. Vilokitaṃ nāma anudisāpekkhanaṃ. Aññānīpi heṭṭhā upari pacchato pekkhanavasena olokitaullokitaapalokitāni nāma honti. Tāni idha na gahitāni. Sārūppavasena pana imāneva dve gahitāni, iminā vā mukhena sabbāni gahitānevāti.

Samiñjite pasāriteti pabbānaṃ samiñjanapasāraṇe. Saṅghāṭipattacīvaradhāraṇeti ettha saṅghāṭicīvarānaṃ nivāsanapārupanavasena, pattassa bhikkhāpaṭiggahaṇādivasena paribhogo dhāraṇaṃ nāma. Asitādisu asīti piṇḍapātabhojane. Pīti yāguāḍipāne. Khāyīti piṭṭhakkhajjakādikhādane. Sāyīti madhuphāñitādisāyane. Uccārapassāvakammeti uccārassa ca passāvassa ca karaṇe. Gatādisu gateti gamane. Ṭhiteti ṭhāne. Nisīneti nisajjāya.

Sutteti sayane. Jāgarīti jāgaraṇe. Bhāsīti kathane. Tattha upādārūpassa saddāyatanassa appavatte sati bhāsītā nāma na hoti, tasmīṃ pavattante hotīti pariggāhako bhikkhu bhāsīte sampajānakārī nāma hoti. Vimuttāyatanasīsena dhammaṃ desentopi bāṭṭimsatiracchānakathaṃ pahāya dasakathāvatthunissitaṃ kathaṃ kathentopi bhāsīte sampajānakārī nāma. Tuṇhībhāveti akathane. Tattha upādārūpassa saddāyatanassa pavattiyam tuṇhībhāvo nāma natthi, appavattiyam hotīti pariggāhako bhikkhu tuṇhībhāve sampajānakārī nāma hoti. Aṭṭhatimsārammaṇesu cīttaruciyaṃ kammaṭṭhānaṃ gahetvā nisinnopi dutiyajjhānaṃ samāpannopi tuṇhībhāve sampajānakārī nāma. Ettha ca eko iriyāpatho dvīsu ṭhānesu āgato. So heṭṭhā abhikkante paṭikkanteti ettha bhikkhācāragāmaṃ gacchato āgacchato ca addhānagamanavasena kathito. Gate ṭhiteti ettha vihāre cuṇṇikapāduddhārasena kathitoti veditabbo. Buddhānussativasenātiādayo heṭṭhā tattha tattha pakāsītā eva.

Aratīti ratipaṭikkhepo. Aratītāti aramanākāro. Anabhiratīti anabhiratabhāvo. Anabhiramanāti anabhiramanākāro. Ukkaṇṭhitāti ukkaṇṭhanākāro. Paritassītāti ukkaṇṭhanavaseneva paritassanā.

205. Kiṃ sū asisanti kiṃ bhuñjissāmi. Kuva vā asisanti kuhiṃ vā asissāmi. Dukkhaṃ vata settha kuvajja sessanti imaṃ rattim dukkhaṃ sayim, aḷja āgamanarattim kattha sayissaṃ. Ete vitakketi ete piṇḍapātānissite dve, senāsanānissite dveti cattāro vitakke. Aniketacārīti apalibodhacārī nītaṇhacārī.

Phalake vāti vaṅkāḍiphalakapīṭhe ca. Āgāmirattinti āgamanirattiyam. Ādevaneyyēti vīsesena devaniyye. Paridevaneyyēti samantato devaniyye.

206. Kāleti piṇḍapātākāle piṇḍapātasaṅkhātāṃ annaṃ vā, cīvarakāle cīvarasaṅkhātāṃ vasaṇaṃ vā laddhā dhammena samēnāti adhippāyo. Mattaṃ sa jaññāti pariggahe ca paribhoge ca so pamānaṃ jāneyya. Idhāti sāsane, nipātamatameva vā etaṃ. Tosanattantaṃ santosattāṃ, etadatthaṃ mattaṃ jāneyyāti vuttaṃ hoti. So tesu guttoti so bhikkhu tesu paccayesu gutto. Yatacārīti saññatavīhāro, rakkhitairiyāpatho rakkhitakāyavacīmanodvāro cāti vuttaṃ hoti. “Yaticārī”ṭipi pāṭho, esoyevattho. Rusitoti rosito. Ghaṭṭitoti vuttaṃ hoti.

Dvīhi kāraṇehi mattaṃ jāneyyāti dvīhi bhāgehi pamāṇaṃ jāneyya. **Paṭiggahaṇato vāti** parehi diyyamānaggahaṇakālatō vā. **Paribhogato vāti** paribhuñjanakālatō vā. **Thokepi diyyamāneti** appakepi diyyamāne. **Kulānudayāyāti** kulānaṃ anudayatāya. **Kulānurakkhāyāti** kulānaṃ anurakkhaṇatthāya. **Paṭiggaṇhātīti** thokampi gaṇhāti. **Bahukepi diyyamāneti** anappakepi diyyamāne. **Kāyaparihārikam cīvaram paṭiggaṇhātīti** ettha kāyaṃ pariharatī posetīti kāyaparihārikam. **Kucchiparihārikanti** kucchiṃ pariharatī posetīti kucchiparihārikam. Itarītarapaccayasantōsenā samannāgatassa bhikkhuno aṭṭha parikkhārā vaṭṭanti tīṇi cīvarāni patto dantakaṭṭhacchedanavāsi ekā sūci kāyabandhanaṃ parissāvananti. Vuttampi cetam –

“Ticīvaraṇca patto ca, vāsi sūci ca bandhanaṃ;
Parissāvanena aṭṭhete, yuttayogassa bhikkhuno”ti. (dī. ni. aṭṭha. 1.215; ma. ni. aṭṭha. 1.294; 2.349; a. ni. aṭṭha. 2.4.198);

Te sabbe kāyaparihārikāpi honti kucchiparihārikāpi. Kathaṃ? Ticīvaraṃ tāva nivāsetvā ca pārūpitvā ca vicaraṇakāle kāyaṃ pariharatī posetīti kāyaparihārikam hoti. Cīvarakaṇṇena udakaṃ parissāvetvā pīvanakāle khādītābaphalāphalaggahaṇakāle ca kucchiṃ pariharatī posetīti kucchiparihārikam hoti.

Pattopi tena udakaṃ uddharitvā nhānakāle kuṭiparihāṇḍakaraṇakāle ca kāyaparihāriko hoti. Āhāraṃ gahetvā bhūñjanakāle kucchiparihāriko. Vāsipi tāya dantakaṭṭhacchedanakāle mañcapīṭhānaṃ aṅgapādacīvarakuṭīdaṇḍakasajjanakāle ca kāyaparihārikā hoti. Ucchucchedananāḷikerāditacchanakāle kucchiparihārikā. Sūci cīvarasibbanakāle kāyaparihārikā hoti. Pūvaṃ vā phalaṃ vā vijjhītvā khādanakāle kucchiparihārikā. Kāyabandhanaṃ bandhitvā vicaraṇakāle kāyaparihārikam. Uccuāḍīni bandhitvā gahaṇakāle kucchiparihārikam. Parissāvanaṃ tena udakaṃ parissāvetvā nhānakāle senāsanaparihāṇḍakaraṇakāle ca kāyaparihārikam, pāṇiyapāṇakaparissāvanakāle teneva tilataṇḍulaputhukādīni gahetvā khādanakāle ca kucchiparihārikam.

Paṭisaṅkhāyonisoti upāyena pathena paṭisaṅkhāya ṇātvā, paccavekkhitvāti attho. Ettha ca “sītassa paṭighātāyā”tiādinā nayena vuttapaccavekkhaṇameva yoniso paṭisaṅkhāti veditabbaṃ. Tattha **cīvaranti** antaravāsakādīsu yaṃkiñci. **Paṭisevatīti** paribhuñjati nivāseti vā pārūpati vā. **Yāvadevāti** payoṇāvadhiparicchedaniyamavacanam. Ettakameva hi yogino cīvarapaṭisevane payoṇam, yadidaṃ sītassa paṭighātāyātiādi, na ito bhiyyo. **Sītassāti** ajjhattadhātukkabhavasena vā bahiddhā utupariṇāmanavasena vā uppannassa yassa kassaci sītassa.

Paṭighātāyāti paṭihananaṭṭham. Yathā sarīre ābādham na uppādeti, evaṃ tassa vinodanaṭṭham. Sītābhāhate hi sarīre vikkhittacitto yoniso padahitum na sakkoti. Tasmā sītassa paṭighātāya cīvaram sevītabbanti bhagavā anuññāsi. Esa nayo sabbattha. Kevalāñhettha **uṇhassāti** aggisantāpassa, tassa vanadāhādīsu sambhavo veditabbo. **Ḍaṃsamakasavātātapasarīsapasamphassānanti** ettha pana **ḍaṃsāti** ḍaṃsanamakkhikā. “Andhamakkhikā”tipi vuccanti. **Makasāti** makasā eva. **Vātāti** sarajaarājādibhedā. **Ātapoti** sūriyātapo. **Sarīsapāti** ye keci sarantā gacchanti dīghajātikā sappādayo, tesam daṭṭhasamphasso ca phuṭṭhasamphasso cāti duvidho samphasso; sopi cīvaram pārūpitvā nisinnaṃ na bādhati. Tasmā tādisesu ṭhānesu tesam paṭighātāthāya paṭisevatī. **Yāvadevāti** puna etassa vacanam niyatapayoṇāvadhiparicchedadassanaṭṭham. **Hirikopīnapaṭicchādanatthanti** niyatapayoṇam, itarāni kadāci honti. Tattha **hirikopīnanti** taṃ taṃ sambādhatṭhānaṃ. Yasmiṃ yasmiñhi aṅge vivariyamāne hirī kuppāti vinassati, taṃ taṃ hirim kopanato hirikopīnanti vuccati. Tassa ca hirikopīnassa paṭicchādanatthanti hirikopīnapaṭicchādanattham. “Hirikopīnam paṭicchādanattha”ntipi pāṭho.

Piṇḍapātanti yaṃkiñci āhāraṃ. Yo hi koci āhāro bhikkhuno piṇḍolyena patte patitattā “piṇḍapāto”ti vuccati. Piṇḍānaṃ vā pāto piṇḍapāto, tattha tattha laddhānaṃ bhikkhānaṃ sannipāto, samūhoti vuttam hoti. Sesam heṭṭhā vuttanayameva.

Senāsananti sayanaṇca āsanaṇca. Yattha yattha hi seti vihāre vā aḍḍhayogādīmhi vā, taṃ senam. Yattha yattha āsati nisīdati, taṃ āsanam, taṃ ekato katvā “senāsana”nti vuccati. **Utoparissayavinodanapaṭisallānārāmatthanti** parisahanaṭṭhena utuyeva utuparissayo. Utoparissayassa vinodanaṭṭhena paṭisallānārāmatthāna. Yo sarīrābādhaḍḍhacittavikkhepakaro asappāyo utu senāsanapaṭisevanena vinodetabbo hoti, tassa vinodanaṭṭham ekībhāvasukhatthaṅcāti vuttam hoti. Kāmañca sītapāṭighātādinā vā utuparissayavinodanam vuttameva. Yathā pana cīvarapaṭisevane “hirikopīnapaṭicchādanam niyatapayoṇam, itarāni kadāci kadāci bhavanti”ti vuttam, evamidhāpi niyatautuparissayavinodanam sandhāya idaṃ vuttanti veditabbaṃ. Atha vā ayaṃ vuttapakāro utu utuyeva. Parissayo pana duvidho pākātaparissayo ca paṭicchannaparissayo ca. Tattha **pākātaparissayo** sīhabyagghādayo, **paṭicchannaparissayo** rāgadosādayo. Te yattha apariguttīyā ca asappāyarūpadassanādinā ca ābādham na karonti, taṃ senāsanam evaṃ jānitvā paccavekkhitvā paṭisevanto bhikkhu paṭisaṅkhā yoniso senāsanam utuparissayavinodanaṭṭham paṭisevatīti veditabbo.

Gilānapaccayabhesajjaparikkhāranti ettha rogassa paṭīyanaṭṭhena paccayo, paccanīkagamaṇaṭṭhenaṭṭhi attho. Yassa kassaci sappāyasetam adhivacanam. Bhisakkassa kammaṃ tena anuññātattāti bhesajjam. Gilānapaccayova bhesajjam gilānapaccayabhesajjam, yaṃ kiñci gilānassa sappāyam bhisakkakammaṃ telamadhuḥpāṇitādīti vuttam hoti. Parikkhāroti pana “sattahi nagaraparikkhārehi suparikkhattam hoti”tiādisu (a. ni. 7.67) parivāro vuccati. “Ratho sīlaparikkhāro, jhānakko cakkavīriyo”tiādisu (saṃ. ni. 5.4) alaṅkāro. “Ye ca kho ime pabbajitena jīvitaparikkhārā samudānetabbā”tiādisu (ma. ni. 1.191-192) sambhāro. Idha pana sambhāropi parivāropi vaṭṭati. Tañca gilānapaccayabhesajjam jīvitassa parivāropi hoti, jīvitānāsakābādhipattīyā antaram adatvā rakkhaṇato sambhāropi. Yathācīram pavattati, evamassa kāraṇabhāvato; tasmā

“parikkhāro”ti vuccati. Evaṃ gilānapaccayabhesajjaṅca taṃ parikkhāro cāti gilānapaccayabhesajjaparikkhāro, taṃ gilānapaccayabhesajjaparikkhāraṃ. Gilānassa yaṃ kiñci sappāyaṃ bhisakkānuññātaṃ telamadhuphāṇitādijivita-parikkhāraṃti vuttaṃ hoti.

Uppannānanti jātānaṃ bhūtānaṃ nibbattānaṃ. **Veyyābādhikānanti** ettha byābādhoti dhātukkabhobho taṃsamuttāhānā ca kuṭṭhagaṇḍapīlakādayo, byābādhatō uppannattā veyyābādhikā. **Vedanānanti** dukkhavedanā, akusalavipākavedanā, tāsāṃ veyyābādhikānaṃ vedanānaṃ. **Abyābajjhāparamatāyāti** niddukkhāparamatāya. Yāva taṃ dukkhaṃ sabbāṃ pahīnaṃ hoti, tāvāti attho.

Santuṭṭho hotīti paccayasantoseṇa santuṭṭho hoti. **Itarītarena cīvarenāti** thūlasukhumalūkhapaṇītatthirajjīṇānaṃ yena kenaci. Atha kho yathāladhādīnaṃ itarītarena yena kenaci santuṭṭho hotīti attho. Cīvarasmiñhi tayo santosā yathālabhasantoso yathābalasantoso yathāsārūppasantosoti. Piṇḍapātādīsūpi eseva nayo.

Vaṇṇavādīti eko santuṭṭho hoti, santosassa vaṇṇaṃ na katheti, eko na santuṭṭho hoti, santosassa vaṇṇaṃ katheti, eko neva santuṭṭho hoti, na santosassa vaṇṇaṃ katheti, eko santuṭṭho ca hoti, santosassa vaṇṇaṃ katheti, taṃ dassetuṃ “**itarītaracīvarasantuṭṭhiyā ca vaṇṇavādī**”ti vuttaṃ. **Anesananti** dūteyyapahīnagamanānuyogappabhedāṃ nānappakāraṃ anesanaṃ. **Appatirūpanti** ayuttaṃ. **Aladdhā cāti** alabhivā. Yathā ekacco “kathaṃ nu kho cīvaraṃ labhissāmī”ti puññavantehi bhikkhūhi saddhiṃ ekato hutvā kohaññaṃ karonto uttassati paritassati, santuṭṭho bhikkhu evaṃ **aladdhā ca cīvaraṃ na paritassati**. **Laddhā cāti** dhammena samena labhivā. **Agadhitoti** vīgatalobhavanto. **Amucchitoti** adhimattataṅhāya mucchaṃ anāpanno. **Anajjhāpannoti** taṅhāya anottaḥo aparīyonaddho. **Adīnavadassāvīti** anesanāpattiyāṅca gadhitaparibhoge ca adīnavaṃ passamāno. **Nissaraṇapaññoti** “yāvadeva sītassa paṭighātāyā”ti (ma. ni. 1.23) vuttaṃ nissaraṇaṃ eva pajānanto. **Itarītaracīvarasantuṭṭhiyāti** yena kenaci cīvarena santuṭṭhiyā. **Nevattānukkamsetīti** “ahaṃ paṃsukūliko, mayā upasampadamāḷeyeva paṃsukūlikaṅgaṃ gahitaṃ, ko mayā sadiso atthī”ti attukkamaṇaṃ na karoti. **Na paraṃ vambhetīti** “ime panaññe bhikkhū na paṃsukūlikā”ti vā “paṃsukūlikamattampi etesaṃ natthī”ti vā evaṃ paraṃ na vambheti.

Yo hi tattha dakkhoti yo tasmīṃ cīvarasantose vaṇṇavādī, tāsū vā dakkho cheko byatto. **Analasoti** sātaccakiriyāya ālasiyavirahito. **Sampajāno paṭissatoti** sampajānapaññāya ceva satiyā ca yutto. **Porāṇeti** na adhunuppattike. **Aggaññeti** “aggo”ti jānitabbe. **Ariyavaṃse ṭhitoti** ariyānaṃ vaṃse patiṭṭhito. Ariyavaṃsoti ca yathā hi khattiyavaṃso brāhmaṇavaṃso vessavaṃso suddavaṃso samaṇavaṃso kulavaṃso rājavaṃso, evaṃ ayampi aṭṭhamo ariyavaṃso ariyatanti ariyapaveṇī nāma hoti. So kho paṇāyaṃ ariyavaṃso imesaṃ vaṃsānaṃ mūlagandhādīnaṃ kālānusārīgandhādayo viya aggamaṃkhaṃyati. Ke pana te ariyā yesaṃ eso vaṃsoti? Ariyā vuccanti buddhā ca paccekabuddhā ca tathāgatasāvākā ca, etesaṃ ariyānaṃ vaṃsoti ariyavaṃso. Ito pubbe hi sataśahassakappādīkānaṃ catunnaṃ asaṅkhyeyyānaṃ matthake taṅhaṅkaro meṅkero saraṇānkaro dīpaṅkaroti cattāro buddhā uppannā, te ariyā, tesāṃ ariyānaṃ vaṃsoti ariyavaṃso. Tesāṃ buddhānaṃ parinibbānato aparabhāge ekaṃ asaṅkhyeyyaṃ atikkamītvā koṇḍañño nāma buddho uppanno...pe... imasmīṃ kappe kakusandho koṇāgamano kassapo amhākaṃ bhagavā gotamoti cattāro buddhā uppannā, tesāṃ ariyānaṃ vaṃsoti ariyavaṃso. Api ca atītānāgatapaccuppannānaṃ sabbabuddhapaccekabuddhasāvākānaṃ ariyānaṃ vaṃsoti ariyavaṃso, tasmīṃ ariyavaṃse patiṭṭhito.

Itarītarena piṇḍapātenāti yena kenaci piṇḍapātena. **Senāsānādīsūpi** eseva nayo. **Āyatanesūti** cakkhādīsū āyatanesu.

Yatoti saññato. **Yattoti** yattavā. **Paṭiyattoti** ativiya yattavā. **Guttoti** rakkhito. **Gopitoti** mañjūsāya viya paṭṭhapito. **Rakkhitoti** paṭisāmito. **Saṃvutoti** dvārasaṃvaraṇena pihito. **Khuṃsitoti** garahito. **Vambhitoti** apasādito. **Ghaṭṭitoti** ghaṭṭanaṃpādito. **Garahitoti** avamaññito. **Upavaditoti** akkosito.

Pharusenāti mammacchedanavacanena. **Kakkhaḷenāti** dāruṇena. **Nappaṭivajjāti** paṭippharivā na katheyya.

207. Jhānānuyuttoti anuppannuppādanena uppannasevanena ca jhānena anuyutto. **Upekkhamārabha samāhitattoti** catutthajjhānupekkhaṃ uppādetvā samāhitacitto. **Takkāsayaṃ kukkuccañcupacchindetīti** kāmavitakkādīvitakkaṅca kāmasaññādikāṃ vitakkassa āsayaṅca hatthakukkuccādikukkuccaṅca upacchindeyya.

Anuppannassa vā paṭhamassa jhānassa uppādāyāti tasmīṃ attabhāve anuppannassa vā uppajjitvā parihīnassa vā paṭhamajjhānassa uppādanatthaṃ attano santāne paṭilābhatthaṃ. **Uppannaṃ vā paṭhamāṃ jhānaṃ āsevatīti**ādīsū ettha ādarena sevati paṇaṃ karoti **bhāveti** vaḍḍhenti **bahulīkaroti** punappunaṃ karoti.

Upekkhāti catutthajjhāne uppannā tatramajjhātupekkhā. **Upekkhāti** sabhāvapadaṃ. **Upekkhanāti** upapattito ikkhanākāro. **Ajjhupekkhanāti** adhikā hutvā ikkhanā. **Cittasamatāti** cittassa samatā cittassa unātirittatāṃ vajjetvā samabhāvo. **Cittappassaddhatāti** cittassa appagabbhatā, athaddhabhāvoti attho. **Majjhattatā cittassāti** na sattassa na posassa, cittassa majjhattabhāvoti attho. **Catutthe jhāne upekkhaṃ ārabhāti** catutthasmīṃ jhānasmīṃ uppannaṃ tatramajjhātupekkhaṃ paṭicca. **Ekaggacittoti** ekārammaṇe pavattacitto. **Avikkhittacittoti** uddhaccavirahito na vikkhittacitto.

Nava vitakkā vuttanayā eva. **Kāmavitakkānaṃ kāmasaññāsayoti** kāmavitakkaṃ vitakkentassa uppannā kāmasaññā

tesaṃ vitakkānaṃ āsayo vasanokāsoti kāmasaññāsayo. **Byāpādavittakkādīsūpi** ese va nayo.

208. Cudito vacībhi satimābhīnandeti upajjhāyādīhi vācāhi codito samāno satimā hutvā taṃ codanaṃ abhinandeyya. **Vācaṃ pamañce kusalanti** ñāṇasamuṭṭhitaṃ vācaṃ pamañceyya. **Nāivelanti** ativelaṃ pana vācaṃ kālavelaṃca sīlavelaṃca atikkantaṃ nappamañceyya. **Janavādadharmāyāti** janaparivādakathāya. **Na cetayeyyāti** cetanaṃ na uppādeyya.

Idaṃ te appattanti idaṃ tava na pattaṃ. **Asārūppanti** tava payogaṃ asārūppaṃ. **Asīlaṭṭhanti** tava payogaṃ na sīle paṭiṭṭhanti asīlaṭṭhaṃ, sīle ṭhitassa payogaṃ na hotīti vuttaṃ hoti. Keci ‘‘asīliṭṭha’’nti paṭhanti, amaṭṭhavaṇṇanti atthaṃ vaṇṇayanti.

Nidhīnanti tattha tattha nidahitvā ṭhapitānaṃ hiraññasuvāṇāpūrānaṃ nidhikumbhīnaṃ. **Pavattāranti** kicchajīvike duggatamanusse anukampaṃ katvā ‘‘ehi sukkena te jīvanupāyaṃ dassessāmi’’ti nidhiṭṭhānaṃ netvā hatthaṃ pasāretvā ‘‘imaṃ gahetvā sukhaṃ jīvā’’ti ācikkhitānaṃ viya. **Vajjadassinanti** dve vajjadassino ‘‘iminā naṃ asārūppena vā khalitena vā saṅghamajjhe niggaṇhissāmi’’ti randhagavesako ca aññātaṃ ñāpanatthāya ñātaṃ anuggaṇhatthāya sīlādīnaṃ cassa vuddhikāmatāya taṃ taṃ vajjaṃ olokanena ullapanasabhāvasaṅghito ca. Ayam idha adhippeto. Yathā hi duggatamanusso ‘‘imaṃ gaṇhāhī’’ti tajjetvā poṭṭhetvāpi nidhiṃ dassente kopaṃ na karoti, pamuditova hoti, evameva evarūpe puggale asārūppaṃ vā khalitaṃ vā disvā ācikkhante kopo na kātabbo, tuṭṭheneva bhavitaṃ. ‘‘Bhante mahantaṃ vo kataṃ kammaṃ, mayhaṃ ācariyupajjhāyāṭṭhāne ṭhatvā ovaḍantehi punapi maṃ vadeyyāthā’’ti pavāretabbameva. **Niggayhavādinti** ekacco hi saddhivihārikādīnaṃ asārūppaṃ vā khalitaṃ vā disvā ‘‘ayam me mukhodakadānādīhi sakkaccaṃ upaṭṭhahati, sace naṃ vakkhāmi, na maṃ upaṭṭhahissati, evaṃ mama pariḥāni bhavissati’’ti vattaṃ avisahanto na niggayhavādī nāma hoti, so imasmiṃ sāsane kacavaraṃ ākirati. Yo pana tathārūpaṃ vajjaṃ disvā vajjānurūpaṃ tajjetvā paṇāmento daṇḍakammaṃ karonto vihārā nīharanto sikkhāpeti, ayam niggayhavādī nāma seyyathāpi sammāsambuddho. Vuttañhetam – ‘‘niggayha niggayhāham, ānanda, vakkhāmi, pavayha pavayhāham, ānanda, vakkhāmi, yo sāro so ṭhassati’’ti (ma. ni. 3.196). **Medhāvinti** dhammojapaññāya samannāgataṃ. **Tādisanti** evarūpaṃ paṇḍitaṃ bhajeyya payirupāseyya. Tādisaṃhi ācariyaṃ bhajamānassa antevāsikassa seyyova hoti, na pāpiyo, vuḍḍhiyeva hoti, no pariḥānti.

OVadeyyāti uppanne vatthusmiṃ vadanto ovadati nāma, anuppanne ‘‘ayasopi te siyā’’tiādivasena anāgataṃ dassento anusāsati nāma. Sammukhā vadantopi ovadati nāma, parammukhā dūtaṃ vā sāsanaṃ vā pesento anusāsati nāma. Sakim vadantopi ovadati nāma, punappunaṃ vadanto anusāsati nāma. Ovadanto eva vā anusāsati nāmāti evaṃ ovadeyya anusāseyya. **Asabbhāti** akusaladhammā nivāreyya, kusalaḍhamme paṭiṭṭhāpeyyāti attho. **Satañhi so piyo hotīti** so evarūpo puggalo buddhādīnaṃ sappurisānaṃ piyo hoti. Ye pana adīṭṭhadhammā avitīṇaparalokā āmisacakkhukā jīvikatthāya pabbajitā, tesaṃ asataṃ so ovādako anusāsako ‘‘na tvaṃ amhākaṃ upajjhāyo, na ācariyo, kasmā amhākaṃ ovadasi’’ti evaṃ mukhasattīhi vijjhantānaṃ appiyo hotīti.

Ekakammanti apalokanakammādikaṃ ekakammaṃ. **Ekuddesoti** nidānuddesādiko ekuddeso. **Samasikkhatāti** samānasikkhatā. **Ahatacittatanti** kodhena pahatacittabhāvaṃ. **Khilajātatanti** thaddhabhāvaṃ. **Pañcapi cetokhileti** buddhadhammasaṅghasikkhāsabrahmacārisu pañcasupi cittassa thaddhabhāve.

Ñāṇasamuṭṭhitaṃ vācanti ñāṇasampayuttacittena uppāditaṃ vākyam. **Muñceyyāti** vissajjeyya. **Atthūpasamhitanti** atthasahitaṃ kāraṇasahitaṃ. **Dhammūpasamhitanti** dhammena yuttaṃ. **Kālātikantaṃ vācaṃ na bhāseyyāti** kālātītaṃ vācaṃ na katheyya tassa kālassa atikkantattā. **Velātikantanti** mariyādātītaṃ vacanaṃ na bhāseyya vacanamariyādassa atikkantattā. Ubhayavasena kālavelā.

Yo ve kāle asampatteti attano vacanakāle asampatte. **Ativelanti** velātikantaṃ katvā atirekappamaṇaṃ bhāsati. **Nihato setīti** nigghātito sayati. **Kokilāyeva atrajoti** kākiyā paṭijaggito kokilāya abbhantare jāto kokilapotako viya.

209. Athāparanti atha idāni ito parampi. **Pañca rajānīti** rūparāgādīni pañca rajāni. **Yesam satimā vinayāya sikkheti** yesam upaṭṭhitassati hutvāva vinayanatthaṃ tisso sikkhā sikkheyya. Evaṃ sikkhanto hi **rūpesu...pe... phassesu sahettha rāgaṃ**, na aññeti.

Rūparajoti rūpārammaṇaṃ paṭicca uppanno rāgādirajo. **Saddarajādīsūpi** ese va nayo.

210. Tato so tesaṃ vinayāya sikkhanto anukkamena – **etesu dhammesūti** gāthā. Tattha **etesūti** rūpādīsū. **Kālena so sammā dhammaṃ parivīmaṃsamānoti** so bhikkhu yvāyaṃ ‘‘uddhate citte samathassa kālo’’tiādīnaṃ (saṃ. ni. 5.234) nayena kālo vutto, tena kālena sabbaṃ saṅkhatadhammaṃ aniccādinayena parivīmaṃsamāno. **Ekodibhūto vihane tamaṃ sotī** so ekaggacitto sabbaṃ mohādītaṃ vihaneyya, natthi ettha saṃsāyo.

Uddhate citteti vīriyindriyavasena citte avūpasante. Balavavīriyañhi mandasamādhim vīriyassa uddhaccapakkhattā uddhaccaṃ abhibhavati. Evaṃ uddhate citte. **Samathassa kāloti** samādhissa bhāvanāya kālo. **Samāhite citteti** upacārappanāhi citte samāhite. Balavasamādhī hi mandavīriyaṃ samādhissa kosajjapakkhattā kosajjaṃ abhibhavati. Samādhī vīriyena saññojito kosajje patitum na labhati. Vīriyaṃ samādhinā saññojitaṃ uddhacce patitum na labhati. Tasmā tadubhayaṃ samaṃ kātabbaṃ. Ubhayasamatāya hi appanā hoti. **Vipassanāya kāloti** evaṃ samāhite aniccādivasena vividhāya passanāya kālo,

Samādhikammikassa balavatīpi saddhā vaṭṭati. Evaṃ saddahanto okappento appanaṃ pāpuṇāti. Samādhipaññāsu pana samādhikammikassa balavatī ekaggatā vaṭṭati. Evañhi so appanaṃ pāpuṇāti. Vipassanākammikassa pana paññā balavatī vaṭṭati. Evañhi so lakkhaṇappaṭivedhaṃ pāpuṇāti. Ubhinnaṃ pana samattepi appanā hoti eva.

Kāle paggaṇhāti cittaṃ yasmim samaye atisithilavīriyatādīhi līnaṃ cittaṃ hoti, tasmim samaye dhammavicayavīriyapītisambojjhaṅgasamuṭṭhāpanena taṃ cittaṃ paggaṇhāti. **Niggaṇhāti** yasmim samaye accāraddhavīriyatādīhi uddhataṃ cittaṃ hoti, tasmim samaye passaddhisamādhiupekkhāsambojjhaṅgasamuṭṭhāpanena taṃ cittaṃ niggaṇhāti. **Sampahaṃsati kālenāti** yasmim samaye cittaṃ paññāpayogamandatāya vā upasamasukhānaṃ vigamena vā nirassādaṃ hoti, tasmim samaye aṭṭhasaṃvegavatthupaccavekkhaṇena saṃvejeti. Aṭṭha saṃvegavatthūni nāma – jātijarābyādhimaraṇāni cattāri, apāyadukkhaṃ pañcamāṃ, atīte vaṭṭamūlakāṃ dukkhaṃ anāgate vaṭṭamūlakāṃ dukkhaṃ, paccuppanne āhārapariyēṭṭhimūlakāṃ dukkhanti. Ratanattayaḡuṇānussaraṇenāssa pasādaṃ janeti. Ayaṃ vuccati “sampahaṃsati kālenā”ti. **Kāle cittaṃ samādaheti** yasmim samaye saddhāpaññānaṃ samādhivīriyānañca samabhāvo, tasmim kāle cittaṃ samādahēyya.

Ajjupekkhati kālenāti yasmim samaye sammā paṭipattiṃ āgamma alīnaṃ anuddhataṃ anirassādaṃ ārammaṇe samappavattaṃ samathavīthipaṭipannaṃ cittaṃ hoti, tadāssa paggahaniggahasampahaṃsanesu na byāpāraṃ āpajjati sārathi viya samappavattesu assesu. Ayaṃ vuccati “ajjupekkhati kālenā”ti. **So yogī kālakovidoti** eso vuttappakāro kammaṭṭhānayoḡe niyutto paggahaniggahasampahaṃsanasamādahanaajjupekkhanakālesu cheko byatto. **Kimhi kālamhī**tiādīnaṃ paggahādīkālaṃ pucchati.

Idāni paggahādīkālaṃ vīssaḡjento “**līne cittaṃhī**”tiādīmāha. Atisithilavīriyatādīhi citte līnabhāvaṃ gate dhammavicayavīriyapītisambojjhaṅgasamuṭṭhāpanena paggaho. **Uddhataṃsmim viniggahoti** accāraddhavīriyatādīhi uddhate citte passaddhisamādhiupekkhāsambojjhaṅgasamuṭṭhāpanena niggaḡho. **Nirassādagataṃ cittaṃ, sampahaṃseyya tāvadeti** paññāpayogamandatāya vā upasamasukhānaṃ vigamena vā assādavirahitaṃ gataṃ aṭṭhasaṃvegavatthupaccavekkhaṇena vā ratanattayaḡuṇānussaraṇena vā tasmim khaṇe cittaṃ sampahaṃseyya.

Sampahaṭṭhaṃ yadā cittaṃ yasmim kāle vuttanayeneva sampahaṃsitaṃ cittaṃ hoti. **Alīnaṃ bhavati nuddhatanti** vīriyasamādhihi saññojittatā līnuddhaccavirahitañca hoti. **Samathanimittassāti** samatho ca nimittañca samathanimittaṃ, tassa samathanimittassa. **So kāloti** yo so līnuddhaccavirahitakālo vutto, so kālo. **Ajjhattaṃ ramaye manoti** jhānasampayuttaṃ cittaṃ kasiṇādīḡocarajjhate toseyya abhīramāpeyya.

Etena mevupāyēnāti etena vuttaupāyena eva. **Ma-kāro** padasandhivasena vutto. **Ajjupekkheyya tāvadeti** yadā upacārappanāhi taṃ cittaṃ samāhitaṃ, tadā “samāhitaṃ citta”nti jānitvā paggahaniggahasampahaṃsanesu byāpāraṃ akatvā tasmim khaṇe ajjupekkhanameva kareyya.

Idāni “kimhi kālamhi paggāho”ti puṭṭhaḡāthaṃ nigamento “**evaṃ kālavīdū dhīro**”tiādīmāha. **Kālena kālaṃ cittaṃ, nimittamupalakkhayeti** kālānukālaṃ samādhisampayuttacittassa ārammaṇaṃ sallakkheyya, upaparikkheyyāti attho. Sesāṃ sabbattha pākāṭameva. Evaṃ arahattanīkūṭena desanaṃ niṭṭhapesīti.

Saddhammapajjotikāya mahānīddesaṭṭhakathāya

Sāriputtasuttanīddesavaṇṇanā niṭṭhitā.

Aṭṭhakavaggavaṇṇanā niṭṭhitā.

Saddhammapajjotikā nāma mahānīddesa-aṭṭhakathā niṭṭhitā.